

ნანა ტონია
ქეთი ნაღარეიშვილი

ჰენელოპე

ანტიკური
სამყაროს
ქალთა
პორტრეტები





ავტორები უდიდეს მადლობას მოეახსენებთ ჩვენს რედაქტორს, მანანა ლარიბაშვილს, მხატვარს, გუგა კოტეტიშვილს და რეცენზენტს, ქეთევან აბესაძეს, რადგანაც სწორედ მათი გულისხმიერი თანადგომით, კეთილგანწყობითა და უანგარო ძალისხმევით მიეცა ხიბლი ამ წიგნს.

რედაქტორი: მანანა ლარიბაშვილი

მხატვარი: გუგა კოტეტიშვილი

დიზაინი: ბესიკ დანელია

რეცენზენტები: ქეთევან აბესაძე
დალი ქურიძე

© პროგრამა „ლოგოსი“, 2003

ISBN 99928-65-97-0

პროგრამა „ლოგოსი“

ილია ჭავჭავაძის გამზირი 13,
თბილისი 380079

ტელ. 25-02-58, ფაქსი 22-11-81

ელ. ფოსტა: logos@caucasus.net

სარჩევნი

შესავალი	11 - 83
მინოსური სამყაროდან კლასიკამდე (ნ. ტონია)	11 - 28
ქალი კლასიკურ ეპოქაში (ქ. ნადარეიშვილი)	29 - 63
ქალი ელინისტურ სამყაროსა და რომში (ნ. ტონია)	65 - 83
პორტრეტები	85 - 409
პოეტისები (ნ. ტონია)	87 - 141
საპფო	89 - 101
კორინა	103 - 107
ერიკა	109 - 117
ნოსისი	119 - 121
ანიტე	123 - 127
მოირო	129 - 131
სულპიცია	133 - 141

ქალები	
საზოგადო სარბიელზე	143 - 343
(ქ. ნადარეიშვილი)	
ოლიმპიასი	145 - 159
ბერენიკე	161 - 167
სოფონისბა	169 - 175
კალპურნია	177 - 183
ფულვია	185 - 193
ლივია	195 - 211
ოქტავია უმცროსი	213 - 217
იულია უფროსი	219 - 227
აგრიპინა უფროსი	229 - 237
მესალინა	239 - 247
აგრიპინა უმცროსი	249 - 261
პლოტინა	263 - 267
საბინა	269 - 271
დომიცია ლუცილა	273 - 277
ფაუსტინა უმცროსი	279 - 285
ლუცილა	287 - 291
ვალერია	293 - 301
ზენობია	303 - 311
ელენე	313 - 317
ფაუსტა	319 - 323
კონსტანტინა	325 - 329
გალა პლაციდია	331 - 339
პონორია	340 - 343

ქალაქი	
რუმელებიც უყვარდათ	345 - 409
(ნ. ტონია)	
ასპასია	347 - 353
არსინოე მეორე	355 - 363
კლეოპატრა	365 - 393
ლესბია	395 - 403
კალპურნია	404 - 409
ლიტერატურა	411 - 422





მინოსური სამყაროდან კლასიკამდე



„ჩვენ შეგვიძლია მოგონება მრავალი ამბის,
ისე მოყოლა, ჭეშმარიტად მომხდარა თითქოს,
და რაც მომხდარა ჭეშმარიტად, იმასაც გაამცნობთ,
თუ მოვისურვეთ...“

უთხრეს მუზეუმმა პესიოდესს.
(„თეოგონია“, 27-28)

ოდესლაც სპარტის დედოფალმა გორგომ ერთ უცხო-
ელ ქალს, რომელიც ქილიკობდა, სპარტელი ქალები სპარტელ კაცებს გა-
ნაგებნო, ასე მიუგო: „ნამდვილ კაცებსაც მხოლოდ ჩვენ ეშობოთ“.¹ დიახ,
ასეა და მაინც, კაცობრიობის ცივილიზაციის ისტორიის ჩვენთვის ცნობი-
ლი სანყისი ეტაპები მკვეთრად ჩამოყალიბებული პატრიარქალური ურ-
თიერთობებით ხასიათდება. იმეამინდელ საზოგადოებათა აბსოლუტურ
უმეტესობაში ქალის ადგილი განსაზღვრულია, თუმცა შეინიშნება გარ-
კვეული ცდაც ამ რეგლამენტაციის გარღვევისა, იმ სფეროების ძიებისა,
სადაც ქალები შეძლებდნენ მამაკაცებთან გათანაბრებას. იმ შორეულ
საუკუნეებში ქალის უფლებათა შეზღუდვით ძველი აღმოსავლური საზო-
გადოებები გამოირჩეოდნენ. არ არის შემთხვევითი, რომ სწორედ იქ ჩა-
მოყალიბდა პირველად აზრი ბოროტებისა და მაცდურობის ქალური სანყ-
ისის თაობაზე, რამაც თავისი გამოვლენა პპოვა ბიბლიაში.²

უკანასკნელ ხანებში ძველ სამყაროსთან დაკავშირებით დომინირებს
საკმაოდ საინტერესო კონცეფცია, რომლის მიხედვითაც შესაძლებელია
საუბარი კაცობრიობის განვითარების ორ ფაზაზე: უფრო ადრეულისთვის
დამახასიათებელია მშვიდობიანობა, შედარებით გვიანდელისთვის — ომე-
ბისაკენ ლტოლვა და აგრესიულობა.³ ამ კონცეფციის თანახმად, ომის ის

¹ პლუტარქე, „პარალელური ბიოგრაფიები“, ლიკურგოსი, 14.

² Bibel Lexikon, Hrsg. von H. Haag, St. Bennoverlay, Leipzig, 1969.

³ გ. გორდუზიანი, წინაბერძნული და ქართველური, თბილისი, 1985, გვ. 134 და შემდგ.



ყინი, რომელმაც შეიპყრო კაცობრიობა, თავიდანვე არ იყო ჩადებული ადამიანში და ათასწლეულების განმავლობაში საზოგადოება, ყოველი შემთხვევისათვის, ხმელთაშუაზღვისპირეთის რეგიონში მაინც (სადაც აღმოჩნდა ძველი ცივილიზაციები), საკმაოდ მშვიდობიანად ვითარდებოდა. ეს ე.წ. მშვიდობიანი ფაზა დაკავშირებულია კაცობრიობის განვითარების ე.წ. მატრილინეალურ ეპოქასთან, როდესაც საზოგადოების არსებობის ძირითადი სადავეები ქალთა კონტროლს ექვემდებარებოდა და ქალები, თუ უფრო მაღლა არა, მამაკაცებზე დაბლა არ იდგნენ. ასეთი სურათი იყო მანამ, ვიდრე დაახლოებით ძვ.წ. IV ათასწლეულისათვის ჩრდილოეთიდან შემოჭრილმა, უპირატესად ინდოევროპულმა ტომებმა ამ რეგიონში ახალი სული არ შემოიტანეს. აქედან იწყება განვითარების ახალი ფაზა, რომელსაც პატრილინეალურს უწოდებენ და რომლის დროსაც შეინიშნება მამაკაცის მიერ ქალის დათრგუნვა. საზოგადოება ომებისა და აგრესიულობისაკენ ლტოლვას ამჟღავნებს. თუმცა ხმელთაშუაზღვისპირეთის სუსტირატული მოსახლეობით დასახლებული ზოგიერთი რეგიონი მაინც ინარჩუნებს მატრილინეალური ეპოქის სულს და აქედან გამომდინარე, ქალის გამორჩეულ, განსაკუთრებულ მდგომარეობასაც საზოგადოებაში. ეს ეპოქალური მომენტი, ალბათ, ასახული სპარტის დედოფლისა და უცხოელი ქალის დიალოგში, რაც ესოდენ ლაკონურად და ხატოვნად შემოგვთავაზა პლუტარქემ.

ჩვენამდე მოაღწიეს ცნობებმა იმის თაობაზე, რომ ძველი აღმოსავლეთის ქვეყნებში ქალები ცდილობდნენ, მიეღწიათ საზოგადოებაში იმ პოზიციებისათვის, რომლებიც თითქოს საკუთრივ მამაკაცურ სფეროებს განეკუთვნებოდნენ. ცნობილია, რომ იყვნენ მმართველი ქალები, ქურუმი ქალები, გადამწერი (თუ აღმწერი) ქალები და ა.შ. ყურადღებას იპყრობს ასირიის ერთ-ერთი მმართველის წერილი, სადაც ის ადრესატს ატყობინებს, რომ ტექსტი დაწერილია ქალის მიერ და ამის გამო ბოდიშს იხდის. როგორც ჩანს, იმ ხანად ქალს გაცნობიერებული ჰქონდა, რომ მამაკაცთან გათანასწოების გზა უკავშირდებოდა განათლებას, ინტელექტუალურ პრობას. ერთ-ერთ ძველ აღმოსავლურ დოკუმენტში დადასტურებულია ქალის ასეთი ფრაზა: „ჩემი საუბარი მაძლევს შესაძლებლობას, შემადარონ მამაკაცს“.⁴

რაც შეეხება ანტიკურ საზოგადოებას, მან თითქოს მემკვიდრეობად მიიღო, ქალთან დამოკიდებულების თვალსაზრისით, ორი მიმართულება: ერთი, რომელიც გარკვეულწილად ცნობს ქალისა და მამაკაცის თანასწორუფლებიანობას, და მეორე, რომელიც მიისწრაფვის საზოგადოებაში ქალთა უფლებების შეზღუდვისაკენ. შესაბამისად, ანტიკურ საზოგადოებაში, რომელიც პატრილინეალური ფაზის გაგრძელებას წარმოადგენს, შეინიშ-

⁴ I. Seibert. Die Frau im Alten Orient, Leipzig, 1973, გვ. 58-59.



ნება მატრილინეალური ფაზის მომენტებიც. ამ მხრივ აღსანიშნავია, რომ ანტიკურ სამყაროში, საკმაოდ გვიანდელ ეპოქამდეც კი, გვხვდება ქვეყნები და პოლისები, სადაც ქალთა როლი საზოგადოებაში საკმაოდ მნიშვნელოვანი იყო.

და მაინც, რაოდენ პატრიარქალურიც არ უნდა ყოფილიყო ანტიკური საზოგადოება, იქ მიმდინარე პროცესებმა საკმაოდ ადრე გამოავლინეს ქალთა ემანსიპაციის ტენდენციები. და ეს სახეობით ბუნებრივია, რამეთუ დღევანდელი ევროპული საზოგადოებისთვის ესოდენ გამოკვეთილი იდეალი მოქალაქეობრივი, პიროვნული თავისუფლებისა, სწორედ ანტიკურ საბერძნეთში იღებს დასაბამს. შეიძლება ითქვას, რომ ძირითადი გამოიჯენა აღმოსავლეთსა და დასავლეთს შორის მოხდა სწორედ მაშინ, როდესაც საბერძნეთში, ისტორიაში პირველად, ასპარეზზე გამოვიდნენ დიდი პიროვნული თავისუფლების მქონე მოქალაქეთა სახელმწიფოები – პოლისები და თუმცა მათ მემკვიდრეობად დაიტოვეს პატრიარქალური შეხედულებები ქალის ადგილის თაობაზე საზოგადოებრივ ცხოვრებაში, არ შეიძლება იქ საკმაოდ ადრე არ გამოვლენილიყო ქალთა ემანსიპაციის ნიშნები არა მარტო პრაქტიკული ყოფის, არამედ თეორიული აზროვნების დონეზეც. ამას, ბუნებრივია, მოჰყვა თავისი რეალური შედეგებიც.⁵

დღეს საყოველთაო ინტერესს იწვევს ის გზა, რომელიც ფემინიზაციისა თუ ქალის ემანსიპაციის იდეამ გაიარა ანტიკურ საზოგადოებაში. ამ საკითხის შესწავლას ეძღვნება მრავალრიცხოვანი სტატია, მონოგრაფია თუ კრებული; ამ თემაზე ტარდება საერთაშორისო სიმპოზიუმები და კონფერენციები. აქედან გამომდინარე ნათელია, რომ ეს პრობლემა, ერთის მხრივ, დასავლეთის სამყაროს ქალთა ემანსიპაციის ეპოქაში, ხოლო მეორეს მხრივ, სხვადასხვა რელიგიური მიმართულებების მქონე ქვეყნებში ქალთა უფლებების მკვეთრი რეგლამენტაციის პირობებში, ფრიად აქტუალურია. ამ მხრივ ანტიკური სამყაროს შესწავლამ, შესაძლოა, მრავალ ბუნდოვან საკითხს მოჰფინოს ნათელი.

⁵ S. B. Pomeroy, *Frauenleben im Klassischen Altertum*, Stuttgart, 1985.





XIX საუკუნის მეორე ნახევრიდან დაწყებულმა არქეოლოგიურმა გათხრებმა ნათელი გახადეს, რომ ბერძნული მითების ანუ გმირთა სამყარო არ იყო მხოლოდ ელინთა ფანტაზიის ნაყოფი, რომ ძვ.წ. მეორე ათასწლეულში და უფრო ადრეც ხმელთაშუაზღვისპირეთში, კერძოდ, ეგეოსის ზღვის აუზში მეტად საინტერესო და მნიშვნელოვანი ცივილიზაციები არსებობდნენ. შესაბამისად, სავსებით აშკარა გახდა ეგეოსური სამყაროს რეალობა. მან გადმოლახა მითოპოეტური ინფორმაციის საზღვრები, და ჩვენს ცნობიერებაში შემოვიდა, როგორც ისტორიული სინამდვილე, როგორც სისტემა იმ კულტურათა, რომლებთანაც დაკავშირებულია არქეოლოგიური გათხრების შედეგად აღმოჩენილი ბრწყინვალე დასახლებები, ნაგებობები, ნივთები. ნათელი გახდა ისიც, რომ ბერძნები ისტორიულ ასპარეზზე გამოვიდნენ არა ძვ.წ. პირველი ათასწლეულის დასაწყისში, როგორც მანამდე ეგონათ, არამედ უკვე ბრინჯაოს ხანაში, და რომ ისინი, რომელთაც, ბერძნულ მითთა თანახმად, ლაშქრობა მოაწყევს კოლხეთში, რომლებიც იბრძოდნენ თებეს კედლებთან, რომლებმაც დაიწყეს ტროას ომი, მართლაც ბერძნები უნდა ყოფილიყვნენ.⁶ ამასთანავე დადასტურდა ბერძენ ავტორთა ცნობების ჭეშმარიტება იმის თაობაზე, რომ ელინებს ეგვიპტოში დახვდნენ წინაბერძნული ტომები, რომელთაც ჰქონდათ ცივილიზაციის შესანიშნავი კერები, დიდი ხნის განმეაღობაში რომ ინვესტირებდნენ ელინთა გაცეცხასა და აღტაცებას თავიანთი ბრწყინვალეობითა და დიდებულებით. შესაბამისად, ეგეოსურ კულტურაში გამოიკვეთა ცივილიზაციის განვითარების ორი ძირითადი ნაკადი. ერთს, შედარებით ადრეულს,

⁶ მიმოხილვისათვის შიშ.: რ. გორდენაი, ეგეოსური კულტურა ბრინჯაოს ხანაში, „მიმოხილველი“, 4-5, 1968.



პირობითად წინაბერძნული შეიძლება ვუნოდოთ, ხოლო მეორეს — მიკენური, ანუ საკუთრივ ბერძნული. ჩვენ ამჟამად არ შევაჩერებთ დეტალურად ყურადღებას იმაზე, თუ რა იყო დამახასიათებელი თითოეული ამ ნაკადისათვის, რითი განსხვავდებოდნენ ისინი ერთმანეთისაგან ან რამდენად მოექცა ბერძნული კულტურა წინაბერძნული კულტურის გავლენის ქვეშ. გამოვყოფთ მხოლოდ ჩვენთვის საინტერესო ასპექტს, კერძოდ, ქალის ადგილს საზოგადოებაში და მის როლს ცივილიზაციის ისტორიაში.

ამ თვალსაზრისით წინაბერძნულსა და ელინურ მსოფლალქმას შორის საკმაოდ პრინციპული განსხვავება უნდა არსებულობდეს უკვე იმ შორეულ წარსულში. როდესაც ჩვენ წინაბერძნულ ცივილიზაციაზე ვმსჯელობთ, ალბათ, მის ყველაზე უფრო ტიპიურ წარმომადგენლად უნდა მივიჩნიოთ მინოსური კრეტა რამდენიმე მოსაზრების გამო: უპირველეს ყოვლისა იმიტომ, რომ ასე თელიდნენ თავად ელინები; მეორეც იმიტომ, რომ მთელს წინაბერძნულ სამყაროში ჩვენ არ მოგვეპოვება უფრო ბრწყინვალე და მნიშვნელოვანი ცივილიზაცია, ვიდრე იყო მინოსური კრეტის კულტურა. იგი ძვ.წ. მეორე ათასწლეულის მეორე ნახევრამდე თავის გავლენასა და კონტროლს უქვემდებარებდა მთელს ეგეიდას, მათ შორის, ბუნებრივია, მიკენურ საბერძნეთსაც. და რაც მთავარია, ყოველივე ამის დასადასტურებლად მოგვეპოვება საკმაოდ უხვი არქეოლოგიური მასალა. ჩვენს ხელთ არსებული მონაცემების მიხედვით შეიძლება დავასკვნათ, რომ ქალი მინოსურ კულტურაში სრულიად განსაკუთრებულ როლს თამაშობდა. ამაზე მიგვიბრუნებებს მრავალი გარემოება. მათ შორის ქალთა გამოსახულებების სიუხვე, ფრესკული ფერწერისა თუ მინოსური პლასტიკის ნიმუშები. შეიძლება ითქვას, რომ ყველაზე პოპულარული საკულტო ფიგურა კუნძულ კრეტაზე იყო ქურუმი ქალი გველებით ხელში, რომლის უამრავი პლასტიკური გამოსახულებაც აღმოჩენილი. ამ შემთხვევაში ჩვენ წინაშეა ქალის, როგორც ნაყოფიერების სანყისისა და კულტში ძირითადი ფიგურის ქვემარტივი დადასტურების ფაქტი. ასევე არ შეიძლება არ გავიხსენოთ მინოსელი ქალების ისეთი პოპულარული ფრესკული სახეები, როგორიც არის „პარიზელი ქალი“, „ერთმანეთში მოსაუბრე მინოსელი ქალები“ და სხვა.⁷ ბუნებრივია, ისმის კითხვა, შეიძლება თუ არა ვისაუბროთ მინოსურ კრეტაზე მხატვრული ლიტერატურის, კერძოდ, პოეზიის არსებობის შესახებ? დღეს ამ საკითხზე ცალსახად პასუხის გაცემა შეუძლებელია, რამეთუ წერილობით ფიქსირებული ლიტერატურული წყაროები არ მოგვეპოვება, აგრეთვე იმის გამო, რომ A-ხაზოვანი ნარწერები და ფესტოს დისკო ჯერჯერობით არ არის გაშიფრული. დღეს ჩვენ არ შეგვიძლია ვთქვათ, ინახავენ თუ არა ეს ნარწერები იმ ინფორმაციას, რომელსაც ლიტერატურული შეიძლება ეწოდოს. და მანც, ზოგი ირიბი მონაცემი იძლევა იმის თქმის

⁷ F. Schachermeyr, Die Minoische Kultur des Alten Kreta, Thera und das Mykenische Hellas, München, 1973f.



საშუალებას, რომ მინოსურ კრეტაზე წერილობით ფიქსირებული ლიტერატურის ფაქტი დასაშვებია. კერძოდ: კრეტაზე არის საკმაოდ განვითარებული დამწერლობის სისტემა, რომელიც განსხვავებით მიკენური საბერძნეთისაგან და ძველალმოსავლური ცივილიზაციისაგან არ არის ლიტირებული მხოლოდ გადამწერთა თუ ფიქსატორთა ვინრო წრით. მინოსური დამწერლობა, როგორც ჩანს, საკმაოდ ფართოდ იყო გავრცელებული კრეტის მოსახლეობაში. გარდა ამისა, მინოსური კრეტის აღმავლობის პერიოდში ყველა მისი რანგის ძველ აღმოსავლურ სახელმწიფოში ამა თუ იმ ფორმით არსებობდა წერილობით ფიქსირებული ლიტერატურა. და ბოლოს, როგორც კუნძულ თერაზე წარმოებული არქეოლოგიური გათხრების შედეგად აღმოჩენილი ფრესკებიდან ჩანს, მინოსური კულტურის მატარებელთა შორის საკმაოდ პოპულარული იყო ე.წ. ნარატიული მრავალფიგურიანი და რთულკომპოზიციური ფრესკული ფერწერა. ხშირად ეს სურათები ასახავენ ამბებს, რაც მინოსური სამყაროსგან საკმაოდ მოშორებით უნდა მომხდარიყო. სავსებით ბუნებრივია დაუშვათ, რომ ეს ნარატიული ფრესკები წარმოადგენდნენ რაღაც ცნობილი ამბების თუ სიუჟეტების გადმოცემას. ლოგიკურია ვიფიქროთ, რომ ასეთი ამბები და სიუჟეტები ფიქსირებული იყო კრეტაზე ლიტერატურული ნაწარმოებების სახით.⁸

თუკი ამ ვარაუდს მივიღებთ, ბუნებრივია დაუშვათ, რომ მათ შორის, ვინც ამ ლიტერატურულ ნაწარმოებებს ქმნიდა, შესაძლებელია, ყოფილიყვნენ ქალებიც, რამეთუ მათ, როგორც ცნობილია, საკმაოდ აქტიური როლი ენიჭებოდათ საზოგადოებაში. ეს რომ ლიტონი სიტყვები არ არის, ამას მონშობს მინოსურ კრეტაზე აღმოჩენილი მრავალრიცხოვანი გამოსახულებები ქალთა ქოროებისა. ჩანს, ისინი ასრულებდნენ ფერხულს სიმღერის თანხლებით, რაც ალბათ გარკვეულ ტექსტს გულისხმობდა. მრავალრიცხოვან ნიმუშთა შორის შეიძლება დაგვესახელებინა მინოსურ-მიკენური ეპოქის სალოცავზე წარმოდგენილი მოცეკვავე ქალები. ეს სალოცავი კლასიკურ ეპოქაში ეძღვნებოდა დიონისეს და, შეიძლება ვიფიქროთ, რომ აქ გამოსახულნი არიან მენადების პროტოტიპები.

ყურადღებას იმსახურებს ძვ.წ. XVI-XV საუკუნეთა მიჯნით დათარიღებული მინოსური ოქროს ბეჭედი ისოპატადან კნოსოსის მახლობლად, რომელზეც გამოსახულია ოთხი ქალის ცეკვა.⁹

თუკი გავითვალისწინებთ, რომ ამის გვერდით გვხვდება ფერწერისა თუ პლასტიკის არაერთი ნიმუში, რომლებზეც მომღერალი თუ ფერხულში ჩაბმული მამაკაცებიც არიან გამოსახულნი, შეგვიძლია ვთქვათ, რომ მხატვრული შემოქმედების ეს ფორმა — მუსიკის, სიმღერისა და ცეკვის ერ-

⁸ შტრ. რ. გორდენიანი, ეგვიპტური კულტურა ბრინჯაოს ხანაში, „მომზილეკლი“, 4-5, 1968, გვ. 39.

⁹ T. B. L. Webster, The Greek Chorus, London, 1970, გვ. 6; აგრ.: Fr. Stoaess, Die Vorgeschichte des griechischen Theaters, Darmstadt, 1987.



თობლიობა — საკმაოდ გავრცელებული უნდა ყოფილიყო ეგეოსურ სამყაროში. მისი ძირები ორგანულად უკავშირდებოდა მინოსურ ცივილიზაციას.



რასაკვირველია, ჩვენთვის დღეს ძნელია იმის მტკიცება, არის თუ არა ასევე დასაშვები ლიტერატურის არსებობა მიკენურ, ანუ გმირთა ეპოქის ბერძნულ სამყაროშიც. ეს სამყარო მინოსურთან შედარებით აშკარად უფრო პატრიარქალურია. მასში ქალის როლი და ფუნქცია ბევრად უფრო შეზღუდულია, და მაინც უნდა ვიფიქროთ, რომ ტრადიცია ტექსტის შემცველი ქალთა ფერხულებისა აქაც საკმაოდ გავრცელებული უნდა ყოფილიყო, რასაც გვიდასტურებს არა მხოლოდ არქეოლოგიური მონაცემები, არამედ მოგვიანებით შექმნილი ბერძნული ეპოსი, უპირველეს ყოვლისა კი ჰომეროსი.¹⁰

ვიდრე უშუალოდ შევხებოდეთ ჰომეროსსა და ჰომეროსის შემდგომდროინდელ წყაროებს, მათში ასახულ სამყაროსა და მითებს, ალბათ საჭიროა, მოკლედ აღინიშნოს: გეომეტრიული რენესანსის ანუ ჰომეროსის ეპოქაში ქალთა ფერხულების, სიმღერებისა და გუნდების ტრადიცია გრძელდებოდა. ამის დასტურია გეომეტრიული ეპოქის კერამიკის მრავალრიცხოვანი ნიმუში, სადაც გამოსახულია მოცეკვავე და მომღერალი ქალები. ეს მასალა საკმაოდ შთამბეჭდავად აქვს თავმოყრილი და წარმოდგენილი ტ. ბ. ლ. ვებსტერს თავის ნიგნში „ბერძნული გუნდი“. ქალთა შემოქმედებითი აქტივობის კვალი შეგვიძლია ვნახოთ ჰომეროსის ეპოსშიც, სადაც გმირთა ეპოქისა თუ მისი შემდგომი პერიოდის სამყარო წარმოდგენილია მთელი სრულყოფილებით. ჰომეროსი საგუნდო სიმღერებისა თუ ფერხულების მრავალრიცხოვან ფორმათა შორის მოიხსენიებს არტიმისისადმი მიძღვნილ დღესასწაულებზე ქალთა გუნდების არსებობას. „ილიადაში“ ვკითხულობთ: „იგი შვა პოლიმელემ, ფილასის მშვენიერად მოცეკვავე ასულმა. მხიარული ქალწულით მოიხიბლა უკვდავი ჰერმესი, რომელმაც იხილა იგი ტკბილხმიერ გუნდში მოცეკვავე, ოქროსისრიანი კაპარჭის მფლობელი ღვთაების დღესასწაულზე“ (XVI, 180); ჰომეროსის ეს სიტყვები გვიდასტურებენ, რომ ღვთაება არტიმისისადმი მიძღვნილ დღესასწაულზე ცეკვადა და მღეროდა ქალწულთა გუნდი: ქალთა სიმღერის არსებობის ფაქტს ცხადყოფს „ოდისეას“ ერთ-ერთი პასაჟიც, სადაც ვკითხულობთ: „დედოფალმა იხმო მეგობარი და მხევალი ქალები ბურთის სათამაშოდ, მოიხადა რა თავსარქმელი, ხოლო თეთრმა ნავსიკაამ იწყო სიმღერა“ (VI, 102).

უფრო საინტერესოა ის, რომ ბერძენი ეპიკოსი პოეტები ძალზე დიდ მნიშვნელობას ანიჭებდნენ ქალურ სანყის მხატვრული შემოქმედების, უპირატესად კი პოეზიის, სფეროში. ამ თვალსაზრისით, უპირველეს ყო-

¹⁰ P. V. Гордзашვი, Проблемы гомеровского эпоса, Тбилиси, 1978, გვ. 334.



ლისა, უნდა შევაჩეროთ ყურადღება ეპიკოსებისათვის და, კერძოდ, ჰომეროსისათვის ისეთ უმნიშვნელოვანეს ღვთაებრივ სტიმულზე, როგორც არის მუზათა სამყარო. ჰომეროსი, ისევე როგორც მისი უმცროსი თანამედროვე ჰესიოდე, თავის მოვალეობად თვლის პოემის დაწყების წინ ან თავად პოემაში ყოველი მნიშვნელოვანი მოვლენის წარმოდგენისას უწინარეს მიმართოს მუზებს. ეპიკოსი პოეტისათვის ლექსათა თხზვა და მღერა — ღვთაებრივი ძღვენია. უზენაესი ღვთაების, ზევსის ასული მუზები ან აპოლონი შთააგონებენ აედებს (შდრ. „ოდისეა“ VIII, 488: „ან შენ მუზავ, ზევსის ასულო, მასწავლე, ან შენ, აპოლონ“). მუზებსვე ძალუძთ, თუკი განრისხდებიან, დააკარგონონ აედს ეს ნიჭი (შდრ. „ილიადა“, II, 595). ამდენად, საეგებიო ბუნებრივია, რომ აედი ჰომეროსი, რომელიც თავს თვლის მედიუმად მუზებსა და მოკვდავთა შორის, ასე მიმართავს შთააგონებელს „ილიადას“ დასაწყისშივე: „მუზავ, მიმღერე აქილევის რისხვაზე...“ და ჩვენთვის ნათელია, რომ პოემის ლერძი აქილევის რისხვა უნდა იყოს. „მუზავ, მიაბე იმ მრავალტანჯულ (მრავალგამოცდილ) კაცზე, რომელმაც წმინდა ილიონის დამხობის შემდეგ დიდი ხანი იხეტიალა...“ — ასე იწყებს ჰომეროსი „ოდისეას“ და მართლაც, მთელი პოემა ოდისეის მრავალფათერაკიან მოგზაურობას ეძღვნება.¹¹

მუზებს მიმართავს პოეტი მაშინაც, როდესაც მისთვის უცნობი მოვლენების გადმოცემა სურს. ასე მაგალითად, „ხომალდთა კატალოგის“ აღწერას ასე იწყებს ჰომეროსი: „ახლა მამცნეთ, ოლიმპოსის ბინადარო მუზებო, თქვენ ყოვლისმზილველი ღვთაებანი ხართ და იცით, რაც ხდება ზეცათა ქვეშ: ჩვენ არაფერი ვიცით, მხოლოდ ხმა გვესმის...“ („ილიადა“, II, 484-486).

ასევე საინტერესოა ჰესიოდეს მიერ წარმოდგენილი მუზათა სამყარო. როგორც ეს ეპიკოს პოეტთა ტრადიციას შეჰფერის, ჰესიოდეც თავისი პოემების დასაწყისში მუზებს მიმართავს. პოემა „სამუშაონი და დღენი“ ამ თვალსაზრისით იმით არის საინტერესო, რომ პოეტი გვამცნობს იმას, რისიც თავად სჯერა, კერძოდ: ჰელიკონის მუზებმა შესაწავლეს მას პირველად ხმერი სიმღერა (სტრ. 658-659) და შეუდარებელი ჰიმნები (სტრ. 662). რაც შეეხება „თეოგონიას“, მისი შესავალი ნაწილი (სტრ. 1-115) მთლიანად ეძღვნება მუზებს. „ჰელიკონელ მუზათაგან ვინცებთ ჩვენ სიმღერას“, — აღნიშნავს პოეტი და წარმოგვიდგენს მუზათა დიდებულ სამყაროს. იგი მოგვითხრობს, რომ მუზები, წმინდა ჰელიკონის მაღალ მთაზე დავანებულნი, ნაზი ფეხებით მამა-ზევის სამსხვერპლოს გარშემო გასაოცარ ფერხულს უღლიან, ხოლო მწუხრის ჟამს, თვალშეუვალი ნისლეებით ტანშებურულნი, დიდებულ სიმღერებს მღერიან ეგისისმპყრობელ ზევსზე, დე-

¹¹ მუზების შესახებ დანეროლებით იხ.: K. Marot, *Die Anfänge der Griechischen Literatur Vortragen*, Budapest, 1960, გვ. 19.



დოფალ პერაზე, მათ ღვთაებრივ ჩამომავლებსა და საერთოდ, უკედავთა მთელ წმინდა მოდგმაზე. ეს გასაოცარი სიმღერები ასწავლეს პესიოდესა ც, როდესაც იგი ჰელიკონის წმინდა მდებლობაზე ცხვარს აძოვებდა. აი, რა უთხრეს მუზებმა მომავალ პოეტს: „ჩვენ შეგვიძლია მოგონება მრავალი ამბის, ისე მოყოლა, ჭეშმარიტად მომხდარა თითქოს, თუ მოვისურვებთ, სიმართლესაც კარგად გიამბობთ“ (სტრ. 27-28) და მათ შთაბერეს პესიოდეს ღვთაებრივ სიმღერათა ნიჭი, რათა ნეტარ ღვთაებათა მოდგმა ედიდებინა. კიდევ ბევრს გვამცნობს პესიოდე მუზათა შესახებ, მაგრამ ჩვენთვის, უპირველეს ყოვლისა, საინტერესოა ის, რომ მუზები (ისინი ცხრანი არიან, ქალწულები: კლიო, ევტერპე, თალია, მელპომენე, ერატო, ტერპსიქორე, პოლიპიმნია, ურანია და კალიოპე. სტრ. 75-79) არიან ქალღმერთები, და რომ ისინი თხზავენ გასაოცარ, დიდებულ ლექსებს, მღერიან, ცეკვავენ და ამ ხელოვნებას შთააგონებენ კაცთა მოდგმასაც. ამდენად, ჰომეროსისა და პესიოდეს ეპოქის მსმენელისათვის საცხები ბუნებრივი იყო ის, რომ ქალები ხელოვნების სფეროს იყენენ ზიარებულნი.

საინტერესოა, რომ ჰომეროსის ეპოსის მუზად მოგვიანებით შერაცხეს ელენე, ქალი, რომლის სახელთანაც დაკავშირებული იყო დიდი მოვლენები. ელიანოსთან ვხვდებით ასეთ გადმოცემას: „ჰომერიდთა შორისაც პყვებიან ზოგიერთები, თითქოს ელენე გამოსცხადებია ღამით ჰომეროსს და პოემის შექმნა უბრძანებოა ტროას ლაშქრობაში მონაწილე გმირზე, რამეთუ სურდა, უფრო შესაშური ყოფილიყო მათი სიკვდილი, ვიდრე ცხოვრება დანარჩენი ადამიანებისა. ამბობენ აგრეთვე, რომ ნაწილობრივ ჰომეროსის ხელოვნების წყალობით, უმთავრესად კი ელენეს გამო გახდაო მისი პოემა ესოდენ საყვარელი და ადამიანთათვის ეგზომ ცნობილი“ („ჭრელ-ჭრელი ამბები“, § 65).

ჩვენთვის ამგვამდ ძნელია იმის თქმა, თუ რატომ ანიჭებდა ანტიკურობა მუზებს ასეთ მნიშვნელობას, იყო ეს ვალის მოხდა ტრადიციის წინაშე, თუ ჭეშმარიტი რწმენა მუზათა ყოვლისშემძლეობისა. მეცნიერებაში გამოითქვა აზრი იმაზე, რომ ადრეული ხანის პოეტთა შემოქმედებაში ხილვებს, გამოცხადების ილუზიას საკმაოდ დიდი ადგილი ეჭირა. ეს აზრი გარკვეულ საფუძველს შეიცავს. ასე მაგალითად, პავსანიასთან („ელადის აღწერილობა“, IX, 23) ვხვდებით გადმოცემას, თუ როგორ უხილავთ ბერძნებს ტყეში პანი, რომელიც პინდაროსის სიმღერებს მღეროდა. იქვე მოგვითხრობს პავსანიასი იმაზეც, თუ როგორ შეუკვეთა პინდაროსს შესანდობარი სიმღერა თავად პერსეფონემ. ამგვარ ხილვათა და გამოცხადებათა ჭეშმარიტებას გვიდასტურებენ აგრეთვე ანტიკური ხანის ბიოგრაფოსები და სქოლიასტები. პინდაროსის III პითიური ოდის 79-ე სტრიქონის სქოლიონებში ვკითხულობთ: „ერთხელ პინდაროსი მთაში ფლეიტისტ ოლიმპიქოსს სიმღერის თხზვაში ავარჯიშებდა. ამ დროს მათ დაინახეს, რომ ციდან ეშვება



დიდი ცეცხლოვანი ქვა. დაეცა რა იგი მათ ფეხებთან, პინდაროსმა იგრძნო, რომ ეს იყო ღვთაებათა დედის სახეობა. ამის შემდეგ მან თავისი სახლის წინ აღმართა ღვთაებათა დედისა და პანის ქანდაკება. ხოლო როდესაც მოქალაქეებმა წარგზავნეს ღმერთთან რჩეული იმის საკითხავად, თუ რას ნიშნავდა ეს ხილვა, ღმერთმა მოუწოდა მათ, აღმართათ ღვთაებათა დედის კერპი. და მას შემდეგ, პინდაროსის წინასწარნიღვით გაოცებული მოქალაქეები მსხვერპლს სწირავდნენ ამ ქანდაკებას¹². ამგვარად, როდესაც პოეტი აღნიშნავს, რომ მუზა მღერის მისი პირით, აქ ყოველთვის როდი უნდა ვიგულისხმეთ მითოპოეტური ტრადიციისადმი ერთგულება. ამ შემთხვევაში, შესაძლოა, პოეტს მართლაც ჩაესმოდა რაღაც ხმები, ან ეგონა, რომ მას ეს ხმები ესმოდა.¹² საყურადღებოა ის, რომ ყველაზე მეტად მამაკაცურ, ეპიკურ პოეზიაშიც კი მომღერალი-პოეტი უნაზესსა და ტკბილზმიერ მუზებში ხედავდა თავისი შთაგონების წყაროს და მიიჩნევდა, რომ მისი პოეზია სწორედ ამ ქალური სანყისის შთაგონებით იყო შექმნილი.

უნდა აღინიშნოს ისიც, რომ ეპიკოსთა რწმენა პოეზიის ქალური სანყისის თაობაზე მხოლოდ ამით არ ამოიწურება. ძალზე საინტერესოა, რომ პომპროსი, და იგი ამ შემთხვევაში ეყრდნობა მითოპოეტურ ტრადიციას, ყველაზე უფრო ტკბილი, მომაჯადოებელი და ამასთანავე საბედისწერო სიმღერის შემსრულებლად ისევ და ისევ ქალური სანყისის მქონე არსებებს მიიჩნევს. ისინი არ არიან მუზები, ისინი არიან ღვთაებრივი არსებები, რომელნიც არ საჭიროებენ პოეტ-მედიუმებს. მათ თავად შეუძლიათ ადამიანის სმენას მიაწვდინონ თავიანთი არნახულად ტკბილი. და გონებისწამრთმევი სიმღერა და ამით დაღუპონ იგი. ესენი არიან სირინოზები. აი, როგორ აღუწერს ოდისეეს მათ დედოფალი კირკე: „უპირველეს ყოვლისა, შენ იხილავ სირინოზებს. გარდაუვალი ხიბლით იჭერენ ისინი მათთან მიახლოებულ მეზღვაურებს. თუ უმეცარი ამ ორ გრძნეულ ქალს მიეახლება და მათ ტკბილ ხმას მოისმენს, იგი ვერასოდეს დაამშვიდებს თავისი სასურველი შინ დაბრუნებით ვერც ცოლსა და ვერც მცირეწლოვან შვილებს. ტკბილი სიმღერით სირინოზები მას მოაჯადოებენ. ისინი ნათელ მინდორზე სხედან, ხოლო ამ მინდორზე თეთრად გამოკრთის უამრავი ძელები ადამიანთა... მაგრამ თუ თავად ისურვებ საბედისწერო ხმის მოსმენას, ბრძანე, რომ მიგაბან უმტკიცესი ბანრით ხომალდის ანძას, მაშინ შენ შეძლებ შენი სმენა უსაფრთხოდ დააამო დამღუპველი სიმღერით... ხოლო როდესაც ვასცილდებით სიკვდილისმომტან სირინოზთა კუნძულს, ორი გზა გეღიოთ...“ („ოდისეა“, XII, 39-55). ასე, რომ თავად ჯადოქარი კირკეს პირით პომპროსი ასე ახასიათებს სირინოზებს: ისინი გრძნეულები არიან, მათ ხიბლს ვერაჟინ გაექცევა; მათ აქვთ ტკბილი, საამო, საბედისწერო ხმა; მათი სიმღერა დამღუპველი, სიკვდილის მომტანია.

¹² Zs. Ritook, Dichterweihen, Acta Classica, VI, 1970, 17.



სხვა ადგილას ჰომეროსი აღნიშნავს: „მათ ხშიერი ხმით იწყეს სიმღერა: მოგვიახლოვდი, ღეთის სადარო ოდისეეს, აქაველთა უზადო დიდებაჲ, მოგვიახლოვდი შენი ხომალდით, სირინოზთა ტკბილი სიმღერით ისიამოვნე, აქ იხე არ გაივლის მუზღვაური თავისი ხომალდით, რომ გულის დამამბებელი სიმღერა არ მოისმინოს ჩვენს ველზე. ვინც ჩვენ გვისმინა, ის შინ ბრუნდება მრავლის გამგები. ჩვენ ყველაფერი ვიცით, თუ რაც მოხდა ტროას მიწაზე, უკედავთა ნებით რა ბედი ენიათ ტროელებსა და აქაველებს; ჩვენ ყველაფერი ვიცით, რაც კი რამ ხდება დოელათიანი მიწის გულზე. ასე გვიხსნიდნენ ისინი მომავადობელი ტკბილი სიმღერით“ (XII, 184-192).

თუ დამონმებულ ადგილებს დაეუკუივრებოთ, აშკარად შევამჩნევთ, რომ სირინოზების სიმღერის დახასიათებისას ეპიკოსი პოეტი ცდილობს ქალური ბუნება გამოავლინოს. ხაზი გაუსვას მის დამატკბობელ და სიამის მომგვრელ ჯადოსნურ ძალას;

სავსებით აშკარაა, რომ ჰომეროსთან დადასტურებულ და შემდეგ ანტიკურ ტრადიციაში არაერთგზის მოხსენიებულ სირინოზებს სრულიად გარკვეული კავშირი აქვთ ზღაპრულ სამყაროსა და ხმელთაშუაზღვისპირეთის ხალხების უძველეს წარმოდგენებთან. თავად ის ფაქტი, რომ ბერძნული ტრადიცია ერთმანეთისგან ძალზე განსხვავებულ ცნობებს გვაძლევდა სირინოზების რაოდენობის, წარმომავლობის, მათი სახელის ეტიმოლოგიის თუ სხვა მონაცემების შესახებ, გვაფიქრებინებს, რომ ბერძნული მითოლოგიისათვის ისინი არ წარმოადგენდნენ ორგანულ და უკვე უძველეს პერიოდშივე არსებულ მითოლოგიურ სახეებს (მდრ. R M L). სირინოზების მშობლებად ასახელებენ ფორკისს, აქელოოსს, რომელმაც ხთონოსისგან ან სტეროპესაგან ან ერთ-ერთი მუზისგან (ტერპსიქორე, მელპომენე, კალიოპე) შვა სირინოზები. შესაბამისად, უკვე ამ ტრადიციაში სირინოზთა სიმღერის ძალა დაკავშირებულია როგორც ბნელ (ფორკისი), ასევე ნათელ (მუზები) საწყისთან. საკმაოდ ბუნდოვანია თავად სირინოზების (სირენების) სახელის ეტიმოლოგია, რომელიც მიუხედავად რამდენიმე ე.წ. ხალხური ეტიმოლოგიის არსებობისა, უკვე ანტიკურ სამყაროში დაუდგენლად ითვლებოდა.¹³

არ არის შემთხვევითი, რომ მათ შესახებ ოდისეესს აუწყებს თავად ჯადოქრულ სამყაროსთან დაკავშირებული კირკე, რაც, შესაძლოა, კიდევ ერთ არგუმენტად გამოდგეს სირინოზების წინაბერძნულ მითოლოგიურ წარმოდგენებთან დაკავშირების სასარგებლოდ. მნიშვნელოვანია, რომ ჰომეროსის ეპოქაში, სიმღერის მომავადობელი ძალის სიმბოლოდ გვევლინებოდნენ ქალური საწყისის მქონე არსებები. ეს კი ზემოთ განხილულ ქალთა ფერხულებსა და სხვა ცნობებთან ერთად დამადასტურებელია იმისა,

¹³ პფ. P. Charvaine, Dictionnaire Étymologique de la Langue Grecque, Histoire des mots. ტ. I-IV-2, Paris, 1968-1980.



რომ მუზათა სამყარო დაკავშირებული იყო ქალის შემოქმედებით პოტენ-
ციალთან უკვე უძველეს ხანებშივე.

უნდა აღინიშნოს, რომ ბერძნულ მითოლოგიურ ტრადიციაში ჩვენ
ვხვდებით სხვა მინიმუმებსაც ქალთაგან წარმოთქმული სიტყვებისა თუ
მისწობის ძალის შესახებ. ამ შემთხვევაში არ ვგულისხმობთ ანტიკურო-
ბის მკვლევართათვის კარგად ცნობილ პითიასა და დელფოში მისი მისწო-
ბის ფორმულირების პრაქტიკას. გაეხსენებთ მხოლოდ კოლხურ სამყა-
როსთან დაკავშირებული მედეას სახეს. ის, რომ იგი მისწობის ძალას
ფლობდა, კარგად ჩანს პინდაროსის IV პითიურ ოდაში, რომელიც მთლია-
ნად არგონავტიკის მითზეა აგებული. ოდის დასაწყისშივე პოეტი შესთხოვს
მუზას, შთაგონოს სიმღერა კირენეს მეფე არკესილასზე, რომელიც იყო
არგონავტ ეფემოსის მე-17 თაობის წარმომადგენლის, მეფე ბატოსის, დი-
ნასტიიდან. სიმღერის თხზვის მომენტისათვის პინდაროსი ღრმად იყო
დარწმუნებული იმაში, რომ არკესილასის კირენეში მეფობა აღსრულება
იყო ნახევრადღვთაებრივ არგონავტთა წინაშე „სულით ძლიერი“ მედეას
„უკვდავ ბაგეთაგან“ წარმოთქმული მისწობისა. დაახლოებით 40 სტრი-
ქონს უთმობს პინდაროსი მედეას სიტყვებს, რომლებიც ღვთის განგებას
გამოხატავენ. „მისმინეთ ღმერთთა და სულით ძლიერ კაცთა ძენო!“
(სტრ. 13) — ასე იწყებს მედეა თავის მისწობას და მის მიერ წარმოთქმუ-
ლი მთელი სიტყვა დასტურია მისი სულის ძლევამოსილებისა. საგარაუ-
დოა, რომ პინდაროსი ამ შემთხვევაში ითვალისწინებს იმ საკმაოდ ადრე-
ულ ტრადიციას, რომლის მიხედვითაც მედეას ჯადოქრობის გამოვლენის
ერთ-ერთი სფერო იყო მისი სიტყვა. ამ თვალსაზრისითაა საინტერესო პინ-
დაროსსთან დადასტურებული გამოთქმა „უკვდავი ბაგე“ (სტრ. 10). რო-
გორც ჩანს, მედეა სწორედ ამ სახით მიიღო მთელმა მომდევნო ლიტერა-
ტურამ. რომაულმა მწერლობამაც მედეა სწორედ ღვთაებრივი და გრძნე-
ული სახით წარმოგვიდგინა. ეს ნათლად გამოვლინდა ოვიდიუსის „მეტა-
მორფოზებში“, სადაც კარგად ჩანს, თუ რა ტრანსფორმაცია განიცადა ამ
სახემ რომში. თუ პინდაროსსთან მედეა ღვთაებრივი ნების განმცხადებე-
ლია, ოვიდიუსთან იგი უკვე ცდილობს თავისი მაგიური ძალა საკუთარ
ვენებებს დაუმორჩილოს (შდრ. „მეტამორფოზები“ VII, 182-223).

ოვიდიუსის მიხედვით, მართალია, მედეა ღვთაებრივ ძალას ფლობს,
მას შეუძლია მღელვარე ზღვათა დამშვიდება, კვლავ აღელვება, ღრუბელ-
თა შეყრა, გადარეკა, ქართა შებოჭვა და სხვა მრავალი, მაგრამ ამ ძალას
ღამისეული დემონები ანიჭებენ. იგი ფლობს ჯადო-გალობისა და მოგვე-
ბის იდუმალ ხელოვნებას, რომელსაც იყენებს უკვე არა ღვთაებათა ნების
განსაცხადებლად, დიადი საქმეების წარსამართლად, არამედ მხოლოდ სა-
კუთარ სურვილთა აღსასრულებლად. ამ თვალსაზრისით მედეას სახემ,
ჩვენის აზრით, გარკვეული ცვლილება განიცადა და ეს ცვლილება ბუნებ-



რივი ჩანს ქალის როლის განვითარების საერთო ფონზე უძველესი საუკუნეებიდან მოყოლებული. აქ კიდევ ერთი რამ იპყრობს ჩვენს ყურადღებას: მედეას ღამისულ ღვალებებთან ზიარება შეუძლია ჯადო-გალობათა და ლოცვათა საშუალებით. მისი გრძნეული სიმღერით (ჩვენ ვერ ვიპოვეთ უფრო ზუსტი შესატყვისი ტერმინისათვის „carmen“, რომლის მნიშვნელობათა შორის არის „სიმღერა“, „ლექი“, „მისნობა“, „წყევლა“, „მაგიური ფორმულა“, „ფიცი“. მით უმეტეს, რომ უფრო მეტი სიზუსტისათვის მომდევნო 209-ე სტრიქონში გვხვდება სიტყვა „ჯადო“, „სანამლავი“, „დალუპვა“) ტყეები უჩინარდებიან, მთები იწყებენ ზანზარს, სამყარო — ღმუილს, საფლავებიდან ამოდინან აჩრდილები და ხდება მრავალი სხვა საოცრებაც. ასეთია მისი სიმღერის ძალა. აქ ყურადღება უნდა მივაქციოთ იმას, რომ მედეას, ქალს, შეუძლია წარმოთქვას ისეთი ლექსი, ლოცვა, მაგიური სიტყვები, რითაც სამყაროს იმორჩილებს, შეუძლებელს ალასრულებს. რასაკვირველია, ამ შემთხვევაში ჩვენ მედეასთან დაკავშირებული მთელი ეს ექსკურსი დაგვჭირდა მხოლოდ იმის საილუსტრაციოდ, რომ გვეთქვა: სავსებით შესაძლებელია, ჯადოსნური სიმღერის თუ სიტყვის ძალა თავიდანვე იყო ჩადებული ამ მითოლოგიურ სახეში და ეს პომპროსის ეპოქაში უკვე იცოდნენ. ალბათ, უნდა აღინიშნოს ისიც, რომ სიმღერის მაგიურობით მედეა სირინოზებს შეგვიძლია შევადაროთ. ყოველივე ეს კი საკმაოდ აშკარად კრავს ჯადოსნური ძალის მქონე ქალთა ფიგურების წრეს — კირკე, მედეა, სირინოზები. ჩვენ ვვარაუდობთ, რომ სიმღერის მაგიურ ძალასთან მედეას კავშირის იდეა ყველაზე გვიან პომპროსის ეპოქიდან უნდა მომდინარეობდეს.

და ბოლოს, უნდა გავიხსენოთ დიონისეს კულტთან მჭიდროდ დაკავშირებული მენადებიც, ანუ ბაკი ქალები. ისინი დიონისეს საკულტო მსვლელობების დროს ირმის ტყავებით ტანშებურულნი, ჩირალდნებითა და თირსოსებით ხელში წარმოადგენდნენ ღმერთის ამაღლას და ველური ცეკვის ექსტაზით ეფინებოდნენ მთებსა და ტყეებს. ამ სახით არიან მენადები ცნობილი ლიტერატურასა და ხელოვნებაში.

იყო დრო, როდესაც ფიქრობდნენ, რომ დიონისეს კულტი და მასთან დაკავშირებული მენადების ტრადიცია შედარებით გვიან, პომპროსის შემდგომ უნდა წარმოქმნილიყო. მაგრამ უკანასკნელ ხანებში ამ მხრივ თვალსაზრისი რადიკალურად შეიცვალა. ამას ხელი შეუწყო, უპირველეს ყოვლისა, მიკენურ დოკუმენტებში დიონისეს სახელის დადასტურებამ. ამ ფაქტმა აშკარა გახადა, რომ პომპროსის ეპოქაში დიონისეს მოხსენიება სულაც არ წარმოადგენს ინტერპოლაციორთა შემოქმედების ნაყოფს, და რომ ეს ღმერთი ბერძნულ სამყაროში უკვე გვიან ბრინჯაოს ხანიდან იყო შემოსული. შესაბამისად, სავსებით ბუნებრივი ჩანს, რომ თავად მენადების ფერხულის ტრადიციაც საკმაოდ ადრეული წარმომავლობისა იყოს.



ამდენად, შეიძლება ითქვას, რომ არქაიკის ეპოქის დამდეგისათვის მხატვრულ შემოქმედებასა თუ საზოგადოებრივ ასპარეზზე ქალის აქტიურად გამოსვლის იდეა სავსებით ბუნებრივი იყო და მაინც, არქაიკის ეპოქამდე არ შეგვიძლია დავასახელოთ არცერთი რეალურად არსებული ქალი, რომლის სახელს ან პოეზიის ნიმუშებს ჩვენამდე მოვლნიოს. პოეტ ქალებზე ევროპული ლიტერატურის ისტორიაში, და შესაძლოა, მსოფლიო ლიტერატურის ისტორიაშიც კი, შეგვიძლია ვისაუბროთ მხოლოდ არქაიკის ეპოქიდან. რაც შეეხება ქალის გამოსვლას საზოგადოებრივ ასპარეზზე, ეს ცოტა მოგვიანებით მოხდება.



არქაიკის ხანად ანტიკურ კულტურაში ძე.წ. VII-VI საუკუნეებს მიიჩნევენ.¹⁴ ამ პერიოდს ემთხვევა ბერძნული ლირიკის ფორმირებაც. შესაბამისად, არქაიკას ლირიკული ნლების პერიოდსაც უწოდებენ.¹⁵ არქაიკის ეპოქა ხასიათდება სოციალური ურთიერთობების ახალ, უფრო განვითარებულ საფეხურზე გადასვლით. საზოგადოების სხვადასხვა ფენებმა გაიძლიერეს საკუთარი ეკონომიკური თუ პოლიტიკური პოზიციები. აქედან გამომდინარე, ინდივიდუალური შემეცნების განვითარება ქმნიდა საკმაოდ კარგ პირობებს პიროვნული თვითგამოვლენისათვის, რასაც შედეგად მოჰყვა არსებითი გარდატეხები ელინთა ფსიქოლოგიაში. ყოველივე ეს კი რამდენიმე ძირითადი მომენტი იყო განპირობებული:

ძე.წ.ა. VIII საუკუნისათვის პოლისური ცხოვრების განვითარებამ საბერძნეთში მასობრივი ემიგრაციის პირობები შექმნა. დაიწყო ე.წ. „დიდი საკოლონიზაციო მოძრაობა“, რომლის შედეგადაც თითქმის მთელი ხმელთაშუაზღვისპირეთი ბერძნული ახალშენებით მოიფინა. ამ პერიოდში ბერძნები ცდილობდნენ, ერთის მხრივ, ავტოხთონურ კულტურასთან მიახლოებას, რაც მათში ე.წ. „ინტერნაციონალურ“ სულისკვეთებას აღვივებდა, მეორეს მხრივ კი, საკუთარი ენის, კულტურის, სოციალურ-ეკონომიკური წყობის განსაკუთრებულობის შეგრძნებას.

ბერძენთა პორიზონტის გაფართოებამ გამოიწვია მათი ხმელთაშუაზღვის სხვა კულტურებთან ზიარება. განსაკუთრებით მნიშვნელოვანი იყო მათთვის აღმოსავლეთის ცივილიზაციებთან შეხვედრა. არქაიკის პირველ ეტაპზე ბერძენთა მხატვრულ შემოქმედებასა და აზროვნებაში მნიშვნელოვანი იყო აღმოსავლეთის გავლენა, თუმცა მან მაინც ვერ დათრგუნა კულტურის განვითარების ელინური გზა. ბერძნული აზროვნება გამოირჩეოდა თავისი ანალიტიკურობით, ინდივიდუალურობით და თვითმყოფადობისადმი სწრაფით.

¹⁴ ჰერ. A. K. Burn, *The Pelican History of Greece*, Penguin Books, 1966; E. Ch. Welckopf (hrsg.), *Hellenische Poesie. Krise-Wandlung-Wirkung*, 1-4, Berlin, 1974;

¹⁵ B. C. Caprene, *История древней Греции*, Москва, 1963.

¹⁶ რ. გორდენაინი, *ბერძნული ცივილიზაცია*, 1, თბილისი, 1968.



არქაული საბერძნეთის ქალაქებში დაინყო ბრძოლები სოციალური სა-
მართლიანობის დამყარებისათვის. საზოგადოებაში გავლივდა ანტაგონიზ-
მი, გამძაფრდა ბრძოლა ძალაუფლებისათვის. ამ ვითარებაში მკაფიოდ გა-
მოიკვეთა სახელმწიფო მოღვაწეთა, პიროვნებათა საქირობა.

არქაიკის ეპოქაში ჩამოყალიბდა მოქალაქეთა თავისუფლების პრინ-
ციპზე დაფუძნებული პოლიტიკური წყობის ორი მოდელი: ერთის მხრივ
სპარტული, რომელიც ტოტალიტარული სახელმწიფოს საფუძველი იყო,
ხოლო მეორეს მხრივ ათენური, რომელმაც დასაბამი მისცა დემოკრატი-
ული ტიპის სახელმწიფოს წარმოქმნას. ეს უკანასკნელი ხელს უწყობდა
ადამიანის, როგორც ინდივიდის, განვითარებას. ადამიანმა შეიგრძნო, რომ
იგი იყო პიროვნება და შეეძლო ბრძოლა საკუთარი უფლებებისა და კე-
თილდღეობისათვის, შეეძლო გამოეთქვა ის, რაც აწუხებდა, გამოეხატა
საკუთარი ვნებები და ემოციები.

ყურადღებას იპყრობს ის ცვლილებები, რაც ქალის როლის შესახებ
შეხედულებებმა განიცადეს არქაიკის ეპოქაში. ძველ საბერძნეთში გამო-
იყოფა ორი ჯგუფი რეგიონებისა: პირველი, სადაც ქალის უფლებები შე-
დარებით მეტია და ქალის როლი საზოგადოებაში გარკვეულ წილად უხ-
ლოვდება მამაკაცისას; მეორე, სადაც ჩამოყალიბდა ქალის მიმართ გა-
მოკვეთილი პატრიარქალური, უფრო მეტიც, მისოგინური დამოკიდებუ-
ლება. პირველის ნიმუშად შეგვეძლო დაგვესახელებინა სპარტა, მოგვიან-
ებით თეზე, არგოსი. ს. ბ. პომეროი, დორიულ ქალაქებში ქალთა მდგომარე-
ობის ანალიზის საფუძვლიანი კვლევის შედეგად ასკვნის, რომ სპარტე-
ლი ქალები, ყველაზე უფრო მეტი დამოუკიდებლობით გამოირჩეოდნენ იმ
ხანის სხვა სახელმწიფოებში მცხოვრებ ქალთა შორის.¹⁴ სპარტელ ქალთა
ეს თავისებურება გამომდინარეობდა დორიულ ტრადიციათა სიღრმეიდან,
იმ სოციალური სტრუქტურებიდან, რომელიც მიღებული ჰქონდა მას ე.წ.
მკაცრი კანონმდებლობით. სპარტელი ქალები, ერთადერთი დორიელ
ქალთა შორის, ქორწინდებოდნენ რა გარკვეული სიმწიფის ასაკში, ტრა-
დიციული ქალური სამუშაოებისაგან თავისუფალნი იყვნენ, რამეთუ მათი
შვილების აღზრდის პასუხისმგებლობა სახელმწიფოს ეკისრებოდა. რო-
გორც ცნობილია, შვიდი წლის შესრულების შემდეგ ბავშვს აშორებდნენ
ოჯახს და სპეციალურ სახელმწიფო სააღმზრდელო დაწესებულებაში აბა-
რებდნენ, სადაც მას აღზრდის სრული კურსი უნდა გაეკეთა. მართალია,
კაცს 30 წლის შემდგომ ეძლეოდა საშუალება თავის სახლში ცხოვრებისა,
მაგრამ იგი ისე იყო შეჩვეული ყაზარმულ ყოფას, რომ მთელ დღეს კაცთა
საზოგადოებაში ატარებდა. შესაბამისად, ოჯახურ ცხოვრებას სპარტაში
ერთობ პირობითი ხასიათი ჰქონდა.¹⁵ „თუკი დაეუკვირდებით დორიელ ქა-
ლაქთა კანონების კოდექსს, შევეამჩნევთ, რომ სპარტული წყობა ყველაზე
მეტად იყო ქალთათვის კარგი სწორედ მათი თავისუფლების თვალსაზრი-

¹⁴ S. B. Pomeroy, *Frauenleben im Klassischen Altertum*, Stuttgart, 1985, გვ. 52.

¹⁵ რ. გორდონიანი, *დასაბ. ნაშრ.*, გვ. 135.



სით¹⁸ აქვე უნდა აღინიშნოს, რომ მრავალ ქალაქში ქალის ესოდენი თავისუფლება სპარტულთა საზოგადოებაში გარკვეულ გაკვირებასა და აღშფოთებასაც კი იწვევდა.

არქაიკის ეპოქაში მომძლავრდა, თუნდაც პოეტური შემოქმედების დონეზე, მისოგინური ტენდენციები. ამ თვალსაზრისით საინტერესოა ის განსხვავება, რაც შეინიშნება პესიოდეს პოემებში პომეროსთან შედარებით. პესიოდესთან, ჩვენ ვიტყვოდით, მითოპოეტურ დონეზე ჩამოყალიბდა სპეციალური კონცეფციაც კი იმის თაობაზე, თუ რატომ არის ქალი ბოროტების სანყისი. ამ მხრივ ნიშანდობლივია პანდორას თქმულება, რომელიც პესიოდეს ეპოსშია პირველად წარმოდგენილი (იხ. „სამუშაონი და დღენი“ 69-105; „ათეგონია“ 570-616). მითის მიხედვით, პანდორა ზევსმა მოუვლინა ადამიანებს როგორც სასჯელი იმის გამო, რომ პრომეთემ ღმერთებს ცეცხლი წაართვა და მათ მიუტანა. ჰეფესტომ პანდორა თიხისა და ნყლისგან გამოძერწა, ღმერთქალის სახე, ადამიანის ხმა და შესაძლებლობები მისცა. აფროდიტესგან პანდორამ საჩუქრად სილამაზე მიიღო; პერმესისაგან — მზაკერობა, ცბიერება, სიცრუე და მჭევრმეტყველება; ათენასაგან — მშვენიერი ტანსაცმელი. სხვა ღმერთებმაც დაასაჩუქრეს ახალი ქმნილება. ზევსის სურვილით პანდორა ცოლად შეირთო პრომეთეს ძმამ — ეპიმეთევსმა, რომელსაც უზენაესმა ღვთაებამ თავდაბურული ყუთი აჩუქა. ამ ყუთში ჩამწყვდეული იყო ადამიანთა შემანუხებელი ყოველგვარი უბედურება და ავადმყოფობა. აკრძალული იყო მისი გახსნა. პანდორას სძლია ქალურმა ცნობისმოყვარეობამ და ყუთს თავსახური ახსნა. ამოცვივდა იქიდან ყოველგვარი მანკიერება, გარდა იმედისა, და მთელს დედამიწაზე გაიფანტა.¹⁹ პესიოდეს თქმით: „ქალთა დამღუპველი მოდგმა დედამიწაზე ამ ქალისაგან იღებს დასაბამს“ („ათეგონია“, 591). აქედან გამომდინარე, არ არის გასაკვირი, რომ პოეტის იმ რჩევა-დარიგებებში, რომელთაც ის აძლევს თავის თანამოქალაქეთ, ერთ-ერთი უმთავრესია სიფრთხილე ქალების მიმართ. ასე მაგალითად, პესიოდეს თქმით: „თავქარიან ქალებს ერიდე, ყური არ უგდო მათ მაცთურ სიტყვებს, თავბრუს დაგახვევს ქალი, ბელელს გაგინიავებს. ქურდისა სჯერა მას ჭეშმარიტად, ვისაც ქალისა სჯერა!“ („სამუშაონი და დღენი“, 373-376). მაგრამ ამასთან ერთად პესიოდეს იმასაც აღნიშნავს, რომ „არაფერია ამ ქვეყნად კარგ ცოლზე უკეთესი, თუმცა არაფერია აგრეთვე ცუდ ცოლზე უსაშინლესი“ („სამუშაონი და დღენი“, 702-703). ქალისადმი ასეთი დამოკიდებულების ტენდენცია, როგორც ფიქრობენ, ახალია ბერძნული ცივილიზაციისათვის, რამეთუ, როგორც აღვნიშნეთ, პომეროსთან მსგავსს ვერაფერს ვხვდებით. შესაძლოა, იგი შემოვიდა ძველი აღმოსავლეთიდან, სადაც ამ საკითხთან დაკავშირებით დომინირებდა აზრი, რომელიც შემდგომ ადამისა და ევას მითში განხორციელდა.

¹⁸ S. B. Pomeroy, დასახ. ნაშრ., გვ. 63.

¹⁹ მიმოხილვისათვის შიგ.: D. and E. Panofsky, Pandora's Box; The Changing Aspects of a Mythical Symbol. Bollingen Series 52; New York; Pantheon, 1958, 13.



ეს ტენდენცია კიდევ უფრო გაღრმავდა და გამოიკვეთა ბერძენი პოეტის სემონიდეს ამორგოსელის შემოქმედებაში (ძვ.წ. VII ს.), რომელმაც ქალებს საპეციალური იამბური თხზულებაც კი მიუძღვნა. აქ ყურადღებას იქცევს ის გარემოება, რომ სემონიდესი ენიინალმდეგება პესიოდეს კონცეფციას იმის თაობაზე, რომ ქალის წარმოშობა ერთ სანყისს — პანდორას უკავშირდება. იგი გამოპყოფს ათ სანყისს, რომელიც საფუძვლად დაედო სხვადასხვა ტიპის ქალების წარმოშობას. ამ სანყისთაგან ცხრა ქალს აშკარად უარყოფითი თვისებების არსებად ხდის. ერთგვარი წონასწორობა შემოაქვთ ფუტკრის სანყისიდან წარმოშობილ ქალებს, რომელთა რიცხვი, სემონიდესის აზრით, მცირეა. აქედან გამომდინარე, ჩანს, რომ პოეტის დამოკიდებულება ქალის მიმართ აშკარად ნეგატიურია. ამ თემას განაგრძობს პოეტი ფოკილიდესიც (ძვ.წ. VI ს.), თუმცა მას ამ სანყისთა რაოდენობა ოთხამდე დაჰყავს. რით არის ჩვენთვის საინტერესო ეს სატირა ქალებზე? უპირველეს ყოვლისა იმით, რომ ქალთა აქტივობის სხვადასხვა სანყისებთან დაკავშირებისას აბსოლუტურად იგნორირებულია ის, რასაც შეუძლია ქალი ხელოვნებისა და საზოგადოებრივი ცხოვრების რომელიმე მნიშვნელოვანი სფეროს სამსახურში ჩააყენოს. ამ დამოკიდებულების ფონზე, რომელიც, როგორც ჩანს, ელადის უმეტეს ნაწილში დომინირებდა, სავსებით ბუნებრივია, რომ ქალთა საზოგადოებაში უნდა გარეწილიყო გარკვეული ლტოლვა მათი პრესტიჟის ამაღლებისაკენ, მათი როლის გაზრდისაკენ და იმ სფეროს მიგნებისაკენ, სადაც ყველაზე მეტად შეძლებდნენ ისინი საკუთარი ნიჭისა და უნარის გამოვლენას. ამას უნდა გამოენდია ძიება ემანსიპაციის იმ გზისა, რომელიც ქალს საშუალებას მისცემდა რომელიმე სფეროში მაინც გათანაბრებოდა მამაკაცს. როგორც ჩანს, ამ მხრივ ყველაზე უფრო შესაფერისი აღმოჩნდა პოეზია, უპირველეს ყოვლისა კი, ლირიკული პოეზია და სხვა მუსიკური სფეროები. უნდა შევნიშნოთ, როს სწორედ ამ ეპოქიდან ჩნდება ბერძნული ცივილიზაციის ისტორიაში იმ ქალთა სახელები, რომლებიც არ განეკუთვნებიან მითოლოგიის სფეროს და რომელთაც თავისი შემოქმედებით დაიმკვიდრეს საკუთარი ადგილი ბერძნულ კულტურაში.

რასაკვირველია, აქ გასათვალისწინებელია ის გარემოება, რომ იმ დამოკიდებულების ჩამოყალიბება, რაც არქაიკის ეპოქაში შეინიშნება ქალის მიმართ, მიმდინარეობდა საზოგადოებაში არსებული ძალზე მნიშვნელოვანი პროცესების ფონზე, რომელთაც გარდაქმნეს ადამიანის ფსიქოლოგია. ამან კი მივიყვანა ლირიკის, როგორც სრულყოფილი ლიტერატურული ფენის ფორმირებამდე. კერძოდ, ელინთა ფსიქოლოგიაში მომხდარმა არსებითმა გარდატეხებმა ხელი შეუწყო საზოგადოებაში ინდივიდუალიზაციის ტენდენციების გაძლიერებას. პომპროსის ეპოსში წარმოდგენილი გმირთა ეპოქის ერთიანი საბერძნეთი, თავისი საერთო მისწრაფებებითა და მსოფლშეგნებით წარსულს ჩაბარდა. ახლა ელადა უამრავ პოლისად იყო დანაწევრებული. შესაბამისად, ყველა სახელმწიფოს საკუთარი ინტერესები და განვითარების საკუთარი გზა გააჩნდა.



ქალი კლასიკურ ეპოქაში

„...და ის ქალი იმსახურებს ყველაზე დიდ პატივისცემას, რომლის სახელსაც იშვიათად მოიხსენიებენ მამაკაცთა შორის საქებრად, გინდაც სალანძღავად“.

(თუკიდიდე, II, 45)



ქალი ათენის კანონმდებლობაში

საყოველთაო აღიარებით, კლასიკური ეპოქა ანტიკური სამყაროს ერთ-ერთი ყველაზე საინტერესო პერიოდი. მნიშვნელოვანია იგი თანაბრად, როგორც სოციალ-პოლიტიკური, ასევე კულტურული თვალსაზრისით. ეს იყო უმნიშვნელოვანესი მოვლენებით აღსავსე ხანა, როდესაც არქაიკაში დაწყებულმა პროცესებმა საოცარ სრულყოფას მიაღწიეს, როდესაც ბერძნულმა კულტურამ წარმოშვა თავის უმთავრეს სიმალლეთა მეტი ნაწილი, როდესაც მთელი სიცხადით გამოვლინდა ბერძნული პოლისური იდეოლოგიის ძალაც და სისუსტეც. ეს იყო პერიოდი, რომლის განმავლობაშიც ბერძნულმა კულტურამ დიდი აღმავლობის შემდეგ ასეთივე დიდი და საბოლოო დაქვეითება განიცადა. ამ ეპოქის მრავალფეროვანი და სისხლსავსე ცხოვრების ყველა სფერო დღემდე უდიდეს ინტერესს იწვევს.¹ უაღრესად საინტერესოა კლასიკური ეპოქა ქალის მდგომარეობის და მისდამი დამოკიდებულების კუთხითაც.

კლასიკური ეპოქის მიღწევები ერთმნიშვნელოვნად უკავშირდება ახალი წყობის – დემოკრატიის ჩამოყალიბებასა და განვითარებას, რომელმაც თავის უმაღლეს წერტილს ძველ სამყაროში ათენში მიაღწია. შეიძლება ითქვას, რომ ათენურმა დემოკრატიამ სრულყოფილად გაატარა დემოკრატიის პრინციპები: ათენელ მოქალაქეებს თანასწორი უფლებები

¹ გორდენიანი რ., ბერძნული ცივილიზაცია, ნაკვეთი II, ნაწილი I, კლასიკური ეპოქა, თბილისი, 1997, 5.



ჰქონდათ და ერთნაირად შეეძლოთ მონაწილეობა მიეღოთ თავისი პოლისის პოლიტიკურ ცხოვრებაში, მეტიც ისინი უშუალოდ იღებდნენ გადაწყვეტილებას სახალხო კრებაზე ამა თუ იმ კანონის თუ პოლიტიკური კურსის გასატარებლად. ამასთან მათ გააჩნდათ ეკონომიური დამოუკიდებლობა, შეეძლოთ, აერჩიათ საქმიანობა, იყო ნაყოფიერი გარემო იმისთვის, რომ ენარმოებინათ საკუთარი მეურნეობა და ა.შ. მაგრამ ყოველივე ეს მხოლოდ მოქალაქეთა პრივილეგიებს წარმოადგენდა. მონები, მეტიოკოსები და ათენზე დამოკიდებულ მხარეთა მოსახლეები, რომლებიც ათენში ცხოვრობდნენ, ათენელ მოქალაქეებად არ ითვლებოდნენ. გარკვეული პერიოდიდან კანონიერი მოქალაქის სტატუსი არც უცხოელი ქალებისაგან გაჩენილ ათენელი მამაკაცების შვილებს ჰქონდათ. დასახელებულ უფლებებს მოკლებული იყვნენ ქალები, მიუხედავად იმისა, რომ ისინი მოქალაქეები იყვნენ. კლასიკური პოლისის დემოკრატიულ თავისუფლებას თან სდევდა ქალების ლეგალური და კულტურული დაქვემდებარება.² ეს გახლდათ ათენური დემოკრატიის ერთ-ერთი უმთავრესი პარადოქსი. ბუნებრივია ისმის კითხვა, თუ რა იყო კლასიკურ ათენში ქალთა სტატუსის დაქვემდებარების მიზეზი? პარადოქსის ახსნაში დაგვეხმარება იმ პროცესების გაცნობა, რომლის ნიაღშიც ჩამოყალიბდა მმართველობის დემოკრატიული სისტემა. ამასთან განსაკუთრებით საყურადღებოა ჩვენი საკითხისთვის ის, თუ რას ეფუძნებოდა დემოკრატიული პოლისის სოციალური ორგანიზაცია.

დაახლოებით ძვ. წ. VIII ს-იდან საბერძნეთში მმართველობის სისტემის ცვლილება იწყება. მმართველობის არისტოკრატიულ ფორმას დემოკრატიული ენაცვლება. ფორმის ეს ცვლილება კი მოასწავებდა არა უბრალოდ წყობათა ცვლას, არამედ კაცობრიობის განვითარებაში ახალი და მნიშვნელოვანი ეტაპის დაწყებას, რომელსაც თან სდევდა საზოგადოების არსებითი გარდაქმნაც. არისტოკრატიული წყობის ნიაღში ნელ-ნელა ჩნდებოდა ახალი კლასი, რომელიც ყველა ტიპის სოციალური და ეკონომიური ჯგუფიდან მომდინარეობდა. ამ კლასს ქმნიდნენ ვაჭრობით დაინტერესებული მინათმფლობელები, საზღვაო საქმიანობით დაკავებული ნობილიტეტის უმცროსი თაობა, ხელოსნები, მენარმეები და ასევე შეძლებული და დამოუკიდებელი გლეხები. საზოგადოებრივი საქმიანობის სხვადასხვა სფეროდან მოსული ეს ჯგუფი საბოლოოდ საშუალო მინათმფლობელთა კლასად ჩამოყალიბდა, თუმცა იგი გაცილებით დიდი და ჭრელი წარმონაქმნი გახლდათ, ვიდრე უწინდელი მინათმფლობელი არისტოკრატია. ამ სოციალურ ცვლილებას თან მოჰყვა მანამდე არსებული ოჯახის სახის შეცვლა.

² M. Arthur, "From Medusa to Cleopatra: Women in the Ancient World" in (edd.) R. Bridenial and C. Koontz, *Becoming Visible: Woman in European History*, Boston, 1977, 79



ამოტივტივდა ახალი ტიპის პატარა ოჯახი, რომელსაც მეცნიერები „ნუქ-ლეარულ ოჯახს“ უწოდებენ და რომელმაც გაცილებით მნიშვნელოვანი როლი შეიძინა, ვიდრე მას ძველად ჰქონდა. როგორც ჩანს, ამ პერიოდში იგი ყველაზე მოსახერხებელი ფორმა აღმოჩნდა ახალი კლასის მატერიალური დოვლათის შექმნისა და გადაცემისთვის. ფართო კომლისგან განსხვავებით, რომელიც არისტოკრატიული ეპოქისთვის იყო დამახასიათებელი და რომელშიც ქმარი, ცოლი, შვილები, ქმრის საყვარლები, მონები და მრავალი უცხო შედიოდა, პატარა ოჯახი მხოლოდ ცოლ-ქმრის, მათი შვილებისა და მონა-მოსამსახურეებისგან შედგებოდა. ოჯახი, რომელიც არისტოკრატიულ საზოგადოებაში არსებობდა, როგორც ბიოლოგიური ერთეული, ახლა პოლიტიკური და ეკონომიური რეალობა გახდა. ოიკოსი – ასე ეწოდებოდა ოჯახს, რომელიც ახალი წყობის – პოლისის სოციალური ორგანიზაციის პირველად უჯრედად ჩამოყალიბდა.

ოიკოსის უფროსი ავტორმატურად ხდებოდა მოქალაქე, ანუ სახელმწიფოს წევრი. შესაბამისად, თავად სახელმწიფო განისაზღვრა, როგორც ინდივიდუალური ოიკოსების ჯამი, ანუ მათი ერთიანობა.³ პოლისის სტრუქტურაში ოჯახს სრულიად განსაკუთრებული როლი დაეკისრა. იმას, თუ რაოდენ მნიშვნელოვანი იყო სახელმწიფოსთვის ოიკოსი, არისტოტელე „პოლიტიკაში“ არაერთგზის აღნიშნავს. ფილოსოფოსი თვლის, რომ სახელმწიფო აუცილებლად ოიკოსთა ერთიანობას უნდა წარმოადგენს. „სახელმწიფო არ უნდა წარემართოთ იქითკენ, რომ ის ერთი გახდეს, რადგან მაშინ სახელმწიფოსგან ოჯახს მივიღებთ და თავად სახელმწიფოს გაენადგურებთ“ (არისტოტელე, „პოლიტიკა“, 1262 a20; 1263 b32). „სახელმწიფო მხოლოდ მაშინ იქნება სახელმწიფო, როდესაც მრავალი თვითკმარი ერთეული იქნება (იგულ. ოჯახები – ქ.ნ.), რომლებიც ერთ მთლიანობაში, ანუ სახელმწიფოში იქნებიან გაერთიანებულნი“ (არისტოტელე, „პოლიტიკა“, 1261 b11) – აცხადებს არისტოტელე. სახელმწიფოს სიქველე და მოკიდებული იქნება ოიკოსების სიქველეზე და პირიქით, რამეთუ ოიკოსი – სახელმწიფოს, ანუ მთელის ნაწილია.

ოიკოსის მზარდი მნიშვნელობიდან გამომდინარე მისი დაცვა და შენარჩუნება დემოკრატიული პოლისის უმთავრესი საზრუნავი გახდა. ოიკოსის დაურღვევლობა და მოუშლელობა ათენის პოლიტიკის ქვაკუთხედ პრინციპად ჩამოყალიბდა. „პოლისის და ცალკეული მოქალაქეების დაინტერესება და ერთობლივი მოქმედება ოიკოსის შენარჩუნებისა და განმტკიცებისთვის საზოგადოდ ათენური ტიპის პოლისებისთვისაა დამახასიათებელი.“⁴

³ Arthur, 1977, 85.

⁴ Глускина Л. М., «Социальные институты, экономические отношения и правовая практика в Афинах IV в. до н. э. по судебным речам Демосфеновского корпуса», Демосфен, Речи в трёх томах, Москва, 1994, 411.



მაგრამ ინტერესების თანხვედრასთან ერთად, პოლისი და ოიკოსი ცალკე აღებული, დამოუკიდებელი ინსტიტუტები იყვნენ, რომელთაც თავისი საკუთარი ინტერესები ჰქონდათ. ცალკეულ შემთხვევაში მათი მოთხოვნები ერთმანეთთან კონფლიქტში მოდიოდნენ.

პოლისი მოითხოვდა, რომ მისი ინტერესები ყველაფერზე წინ ყოფილიყო დაყენებული – ეს იყო ათენური დემოკრატიის უმთავრესი მახასიათებელი, რომელსაც ზოგჯერ მის „ტოტალიტარულ“ თვისებას უწოდებენ. როდესაც საქმე ინდივიდის და კოლექტივის ურთიერთობას ეხებოდა, პოლისი ყოველთვის უმრავლესობის ინტერესებს აძლევდა უპირატესობას. ცალკეული პიროვნება მუდამ უნდა ყოფილიყო მზად, რომ თავისი კეთილდღეობა მსხვერპლად მიეტანა საზოგადო საქმისთვის.⁶ ეს თანაბრად ეხებოდა ქალსა და მამაკაცს, ოღონდ მოთხოვნის ფორმა და შინაარსი განსხვავებული იყო. /

მამაკაცს, რომელიც ერთსა და იმავე დროს ოჯახის მეთაურიც იყო და პოლისის წევრიც, ავალდებულებდნენ, რომ თავისი პიროვნული სწრაფვა პოლისის მოთხოვნებისთვის დაექვემდებარებინა. ამ პერიოდის კულტურული იდეალი მოითხოვდა, რომ მამაკაცს იმ სახის სიყვარული გასჩენოდა პოლისის მიმართ, როგორც თავის საყვარელ პიროვნებასთან ჰქონდა. ამგვარი მიდგომის ნათელი მაგალითია პერიკლეს ცნობილი სამგლოვიარო სიტყვა. პერიკლე მოუწოდებს თანამოქალაქეთ, რომ მათ ათენის ძალმოსილება ორატორთა სიტყვების მიხედვით კი არ შეეფასებინათ, არამედ ყოველდღიურად საქმით დარწმუნებულიყვნენ თავიანთი ქალაქის დიდებაში. ამან კი ათენის მიმართ მოქალაქის გასაოცარი სიყვარული უნდა წარმოშვას (თუკიდიდე, II, 43).⁶

ბუნებრივია, ამგვარ უკიდურეს პოლიტიზირებას მოჰყვებოდა კონფლიქტები პოლიტიკური სამყაროს ინტერესებსა და იმ ინსტიტუტებს შორის, რომელიც კულტურამ შემოიტანა – მინათმოქმედება, ქორწინება, მსხვერპლშენიერვა.⁷

⁶ Лисий, Речи, Москва, 1994. Л. П. Маринович, Г. А. Кошеленко, «Предисловие к изданию 1994 года», 14.

პოლისისა და ინდივიდის ურთიერთდამოკიდებულების შესახებ არსებულ ერთ-ერთ ყველაზე თეალსაჩინო მაგალითად მეცნიერები არისტოტელეს დებულებას მიიჩნევენ. «მამინაც კი, თუკი ცალკეული ადამიანისთვის კეთილდღეობა წარმოადგენს იმავე რამეს, რასაც მთელი სახელმწიფოსთვის, უფრო მნიშვნელოვანად და უფრო სრულად მაინც სახელმწიფოს კეთილდღეობა, მისი მიღწევა და შენარჩუნება წარმოგვიდგება. სასურველია, რა თქმა უნდა, ერთი ადამიანის კეთილდღეობაც, მაგრამ უფრო მშვენიერი და უფრო ღვათაბრივი ხალხის და სახელმწიფოს კეთილდღეობაა» (არისტოტელე, «ნიკომაქეს ეთიკა», 1094b 10).

⁶ მეცნიერთა მოსაზრებით ის ტერმინები, რომლებიც ამ პასაჟში გამოყენებულია ათენის მიმართ სიყვარულის გამოსახატავად – ჰედონე უყოμπოსად – საერთოდ ადამიანთა (სქესთა) შორის პირადი სასიყვარულო ურთიერთობის აღსანიშნავად იხმარება.

⁷ Foley H. P., "The Conception of Women in Athenian Drama", *Reflections of Women in Antiquity*, London, 1986², 146-147.



პოლიტიკური ინტერესების ამგვარ პრიმატს, როგორც აღვნიშნეთ, ქალის როლის გადაზრებაც მოჰყვა და მასაც მოეთხოვა თავისი მოთხოვნილება და სურვილები პოლისისთვის მსხვერპლად მიეტანა. მაგრამ ქალის შემთხვევაში ეს ასე ამკარად არ ჩანდა, რამეთუ მასსა და სახელმწიფოს შორის ოიკოსი იდგა და ქალიც უპირველესად ოიკოსის წინაშე იყო ვალდებული. ქალი ოჯახის აუცილებელ ნაწილს წარმოადგენდა. მისი ფუნქციები პირდაპირ იყო დაკავშირებული ოიკოსის სიცოცხლისუნარიანობის შენარჩუნებასთან. ქალი ახლა უკვე მოვალე გახდა გაეჩინა ლეგიტიმური მემკვიდრე, რათა ოჯახს მინაზე საკუთრების უფლება შეენარჩუნებინა. მას ასევე დაეკისრა, რომ გათხოვების დროს ერთი ოჯახის საკუთრება მეორესთვის გადაეცა. ოიკოსის წარმატებული არსებობისთვის საჭირო ეს ფუნქციები, ბუნებრივია, ამავე დროს, სასიცოცხლოდ აუცილებელი იყო პოლისისთვის, რომელიც მას — ოიკოსს ეფუძნებოდა. შესაბამისად ქალი, რომელსაც ამ როლთა აღსრულება ევალებოდა, ძალზე არსებითი ხდებოდა პოლისისათვის. ამიტომ ესოდენ ძირეული მნიშვნელობის სუბიექტი — ქალი აუცილებლად უნდა ყოფილიყო დაცული, უნდა ჰყოლოდათ მკაცრი კონტროლის ქვეშ, მაგრამ ამასთან უნდა შეეზღუდათ იმით, რომ სახელმწიფოს საჭიროებისთვის მისი სამსახური ყოველთვის გარანტირებული ჰქონოდათ. სამმა დასახელებულმა ფაქტორმა — შეზღუდვამ, დაცვამ და გაკონტროლებამ გამოიწვია ქალის მდგომარეობის დაქვემდებარება, როგორც სოციალურად, ისე კულტურული თვალსაზრისითაც. ამას სახელმწიფოს ინტერესები მოითხოვდა, ქალი მას ოჯახურ სივრცეში სჭირდებოდა.

და მაინც, რა სახით იყო ქალი წარმოდგენილი დემოკრატიული ათენის კანონმდებლობის კონტექსტში? როგორ ფუნქციონირებდნენ კონკრეტულად ის ინსტიტუტები, რომლებიც მის ცხოვრებას არეგულირებდნენ?

ათენის კანონმდებლობის მიხედვით, ქალი ავტონომიური არსება არ იყო. იგი არ გახლდათ რეგისტრირებული დემოსის რეესტრში, რომელშიც ყველა ათენელი მამაკაცი იყო აღნუსხული. ქალი არც ფრატრიის წევრი იყო. ათენურ სინამდვილეში უბრალოდ არ არსებობდა რაიმე დოკუმენტი, სადაც ქალის პიროვნება ოფიციალურად იქნებოდა დადასტურებული. ორატორთა სიტყვებში და საფლავის წარწერებში იშვიათად მოიხსენიებენ მოქალაქე ქალის სახელს. ამ სტატუსის ქალი უბრალოდ ქმრის ან მამის სახელიდან გამომდინარე სახელდებოდა.

და რადგან ოჯახისგან დამოუკიდებლად ქალი პიროვნებას არ წარმოადგენდა, ამიტომაც იგი აუცილებელი პირობით ოიკოსის სტრუქტურაში უნდა ყოფილიყო ჩართული. ათენურ სინამდვილეში მეურვის, ანუ კურიოსის ინსტიტუტი მოქმედებდა, რაც იმას ნიშნავდა, რომ მთელი სიცოცხლის განმავლობაში ქალი უახლოესი მამაკაცი ნათესავის ზედამხედველობის ქვეშ უნდა ყოფილიყო. გათხოვებამდე ქალის მეურვე ჩვეულებრივ მა-



მა იყო. გათხოვების შემდეგ მისი მეურვე უკვე ქმარი ხდებოდა, თუმცა უწინდელი მეურვე გარკვეულ უფლებებს ქალზე მაინც იტოვებდა. დაქვრივებული ან განქორწინებული ქალი, თუ მას შვილები არ ჰყავდა, თავის ყოფილ კურიოსთან ბრუნდებოდა. შვილების პატრონი ქვრივი კი ქმრის ოჯახში რჩებოდა. აქ მის მცირეწლოვან შვილებს მეურვეს უნიშნავდნენ და ქალიც ავტომატურად მისი ზედამხედველობის ქვეშ ექცეოდა. თუ შვილები უკვე ზრდასრულნი იყვნენ, დედის მეურვეობა სწორედ მათ ეკისრებოდათ. საინტერესოა, რომ ქვრივების დაცვა არქონტის — ქალაქის გამგებლის მოვალეობაში შედიოდა და თუ ქალს ვინმე შეურაცხყოფას მიაყენებდა, არქონტი მოვალე იყო, საქმე სასამართლოში ალექრა.

კურიოსს ქალი ეკონომიურად და სოციალურად უნდა დაეცვა. ქალის მაგივრად კონტრაქტი მას უნდა დაედო და სასამართლოშიც ქალი მას უნდა წარმოედგინა. საერთოდაც საზოგადო სივრცესთან ქალის ურთიერთობა სწორედ კურიოსს უნდა მოეგვარებინა.

ქალის ცხოვრებაში ყველაზე მნიშვნელოვანი მოვლენა ქორწინება გახლდათ. მეტიც, ეს მისი უმთავრესი მოვალეობა იყო პოლისის და ოიკოსის წინაშე. საერთოდ ბერძნები თვლიდნენ, რომ ქალის გაუთხოვრობა დიდ უბედურებას წარმოადგენდა. ახალგაზრდა, გაუთხოვარი ქალის უდროოდ გარდაცვალებას ისინი უპირველესად სწორედ იმიტომ მისტიროდნენ, რომ ქალწული საიქიოში თავისი უმთავრესი მოვალეობის შეუსრულებლად მიდიოდა.

როგორც ჩანს, გარკვეულ დრომდე ქორწინებას ოფიციალური ხასიათი არ ჰქონდა და იგი უბრალოდ ცოლ-ქმრის ერთად ცხოვრებაში გამოიხატებოდა. მოგვიანებით (საკამათოა, რომელი პერიოდიდან) ოფიციალური ქორწინება აუცილებელი გახდა. ეს ალბათ, მაინც ძვ.წ. 451 წლიდან უნდა ყოფილიყო საჭირო, როდესაც პერიკლემ მოქალაქეობის კანონი შემოიღო. ამიერიდან პიროვნება მოქალაქედ მხოლოდ იმ შემთხვევაში ჩაითვლებოდა, თუ მას დედაც და მამაც კანონიერი მოქალაქე ჰყავდა. ამიტომაც ქორწინება ოფიციალურად, კანონების შესაბამისად უნდა გამართულიყო, რათა მომავალში არავის გასჩენოდა ეჭვი, რომ ამა თუ იმ კაცმა ცოლად არამოქალაქე ქალი მოიყვანა და შესაბამისად, შვილიც არამოქალაქე გააჩინა.

იმისთვის, რომ ქორწინება ოფიციალურად, კანონების შესაბამისად ჩატარებულად ჩაეთვალოს, რამდენიმე პირობა იყო აუცილებელი. ამათგან ერთ-ერთ უმთავრეს პირობას ნიშნობა წარმოადგენდა. ქორწინებამდე ქალი აუცილებლად დანიშნული უნდა ყოფილიყო. ნიშნობის დროს ქალის მეურვე სიტყვიერ შეთანხმებას დებდა სასიძოსთან (ან სასიძოს მეურვესთან) და წყვილს ერთმანეთთან ფიცით აკავშირებდა. ნიშნობაც ოფიციალურად ტარდებოდა და ორივე მხარე მონშეებს წარმოადგენდა. თუ მომა-



ვალში ქორწინების კანონიერება საკამათო გახდებოდა, სწორედ მონმე-ებს უნდა დაედგინებინათ, რომ ნიშნობა მართლაც ჩატარდა.

ათენელი ქალის დაქვემდებარებულ სტატუსს ადასტურებს ის გარემოებაც, რომ მას არ შეეძლო საქმრო თავად ამოერჩია. ეს მის კუროსს უნდა გაეკეთებინა. ქორწინება უმთავრესად ფართო კომლის „ანქისტეას“ წევრებს შორის იმართებოდა. ძალზე ხშირი იყო ბიძასა და ძმისწულს, ნახევარძმებსა და ნახევარძებს (მამით), ბიძაშვილებს შორის ქორწინება. თუმცა ზოგჯერ ქალს სრულიად უცხო კაცზე ათხოვებდნენ, რომელიც მას თვალითაც არ ჰყავდა ნანახი.

ათენში ქალები ადრე თხოვდებოდნენ — 14-დან 18 წლის ასაკამდე. ბერძნები თვლიდნენ, რომ სექსუალურად მონიფულ ქალს თავის მოთოკვა ძალიან უჭირდა, ან საერთოდ არ შეეძლო. და რადგან გასათხოვარი ქალი აუცილებლად ქალიშვილი უნდა ყოფილიყო, ზედმეტი გართულების თავიდან ასაცილებლად ბერძენი მამაკაცები მის ადრეულ გათხოვებაზე ზრუნავდნენ. ქმარი ჩვეულებრივ 30 წლის მამაკაცი იყო. ბუნებრივია, ასეთი დიდი სხვაობა ასაკში ართულებდა იმას, რომ ცოლ-ქმარი ერთმანეთის პარტნიორებიც ყოფილიყვნენ. თუმცა ზოგიერთი მეცნიერის ვარაუდით, სექსუალური ურთიერთობის შედეგად მათ შორის მტკიცე კავშირი მყარდებოდა.⁸

ქალის გათხოვებას მეორე და ძალზე აუცილებელი ნინაპირობა ჰქონდა — ეს გამზითვება გახლდათ. მზითვზე ქალის კუროსს უნდა ეზრუნა. ქალის კარგად გამზითვება მეურვისთვის ღირსების გამომხატველი იყო. გოგონას მამა დაბადებისთანავე ითვალისწინებდა, შეეძლო თუ არა მისი შესაფერისად გამზითვება და თუ არ შეეძლო, მაშინ წინდახედულ მამას ქალიშვილი უნდა გაემვილებინა. დიდად სამარცხვინოდ ითვლებოდა მამისთვის, თუ იგი ზრდასრული ქალიშვილისთვის მზითვის მიცემას ვერ მოახერხებდა. ყველა შემთხვევაში ქალიშვილი მაინც უნდა გაემზითვებინათ. ამ დროს საქმეში უკვე ნათესავები და ოჯახის მეგობრები ერეოდნენ. იყო შემთხვევები, როცა საპატარძლოს ქალაქი აძლევდა მზითვს. ეს განსაკუთრებული დამსახურების მქონე მოქალაქეების ქალიშვილებს ეხებოდა და ამით პოლისი მათი მამებისადმი თავის პატივისცემას გამოხატავდა.

კანონით მზითვის სიდიდე განსაზღვრული არ იყო და საშუალოდ 10 მნიდან (1 მნა = 436, 6 გ. ვერცხლი) რამდენიმე ტალანტამდე (1 ტალანტი = 26 196 გ. ვერცხლი) მერყეობდა. მზითვი უპირატესად ფულისგან, ან გარკვეულ თანხად შეფასებული უძრავი ქონებისგან (სახლი, ავეჯი და ა.შ.) შედგებოდა. მზითვის გარდა პატარძალს უფლება ჰქონდა ქმრის სახლში მცირეოდენი პირადი ქონება წაეღო, რაც სოლონის კანონმდებლობით სამი კაბითა და რამდენიმე არც თუ მაინც და მაინც ძვირფასი ნივთით შემოიფარგლებოდა (პლუტარქე, „სოლონი“, 20,4).

⁸ Ehrenberg V., The People of Aristophanes, Oxford, 1951², 144.



და მაინც რატომ იყო მზითვი საეალდებულო? რაში მდგომარეობდა ამ ინსტიტუტის ათენური სპეციფიკა?

ათენელი ქალი საკუთრებას არ ფლობდა, თუმცა მამისეული ქონებიდან მას ნილი ეკუთვნოდა, რომელიც სწორედ მზითვით გამოიხატებოდა. ამასთან მზითვი ქალის საკუთრების მეტად უცნაური, სპეციფიკური ფორმა გახლდათ. სპეციფიკურობა კი იმაში მდგომარეობდა, რომ ქალს არ ჰქონდა უფლება მზითვი განეკარგა. რეალურად იგი არ ფლობდა იმას, რისი მესაკუთრეც გახლდათ. ეს კი იმას ნიშნავდა, რომ ქალი უბრალოდ მამისეული ოჯახიდან საკუთრებას ქმრის ოჯახს გადასცემდა.⁹ მზითვით გამოხატული ქონების მესაკუთრე კი მისი შვილი — ოჯახის ხაზის გამგრძელებელი ხდებოდა. საკუთრების გადაცემის აღნიშნული მექანიზმი შემთხვევითი არ გახლდათ. უმიზეზოდ არ ხდებოდა არც ის, რომ ქალს საკუთრების განკარგვის უფლებას ართმევდნენ. მეტიც, მზითვის კაპიტალური თანხა უმთავრესად განკუთვნილი იყო იმისთვის, რომ მისი ინვესტირება მოეხდინათ და არავითარ შემთხვევაში იმისთვის, რომ დაეხარჯათ. ყოველივე ეს ემსახურებოდა ოიკოსების შენარჩუნებას, იმას, რომ ისინი ეკონომიურად დაცულნი ყოფილიყვნენ. პოლისმა სპეციალურად შეზღუდა საკუთრების განკარგვის პიროვნული თავისუფლება, რათა ამ უფლების გამოყენება წინააღმდეგობაში არ მოსულიყო უფრო მაღალ პრინციპთან — თითოეული ოიკოსის დაცვის და მოუშლელობის პრინციპთან, რომელსაც ათენური პოლისი განუხრელად ატარებდა. ოიკოსების დაცვა კი უზრუნველყოფდა საშუალო კლასის, შესაბამისად კი, ათენური პოლისის ფუნქციონირებას. ის, თუ რაოდენ მნიშვნელოვანი იყო საშუალო კლასის არსებობა, ბერძნებს კარგად ჰქონდათ გააზრებული. მათი ეს მსოფლხედვა არისტოტელემ ასე გამოხატა: „პოლიტიკური საზოგადოების საუკეთესო ფორმას ის ფორმა წარმოადგენს, რომელშიც ძალაუფლება საშუალო კლასს აქვს გადაცემული.“¹⁰ ამ ჯგუფს კი ძირითადად განსაზღვრავდა ის, „რომ მის წევრებს ზომიერი და ადექვატური (შესაბამისი) საკუთრება უნდა ჰქონოდათ.“¹⁰

ყოველივე ამის გათვალისწინებით მზითვის ინსტიტუტის დაცვაზე კანონები ზრუნავდნენ. კანონმდებლობის მიხედვით, ამ კანონების შესრულებაზე პასუხისმგებლობა არქონტს ეკისრებოდა, მაგრამ ამასთან ერთად აღნიშნული კანონების აღსრულება მთელი საზოგადოების საზრუნავს წარმოადგენდა. ხოლო ის, რომ ბერძნები განსაკუთრებულად იცავდნენ და აკონტროლებდნენ ქალებს, იმითაც აიხსნება, რომ ქალები, როგორც

⁹ Gould J., „Law, Custom and Myth: Aspects of the Social Position of Women in Classical Athens“, JHS 100, 1980, 44.

¹⁰ თუ რა უბედურება შეეძლო მოეტანა ქალის უფლებას განეკარგა საკუთრება, არისტოტელე ლაკედემონში მომხდარი პრეცედენტით ამტკიცებდა (არისტოტელე, „პოლიტიკა“, 1270 a20).



ვნახეთ, საკუთრების გადამცემი ობიექტები იყვნენ. ასე რომ, ქალებზე ზრუნვა ამავე დროს სწორედ საკუთრების დაცვაც გახლდათ, რაც, როგორც ზემოთ არაერთგზის აღვნიშნეთ, ოჯახის და სახელმწიფოს სტაბილურობის გარანტია იყო.

მეორე მხრივ, მზითვი ქალის ეკონომიური დაცვის მექანიზმსაც წარმოადგენდა. ქმარს მზითვით გამოხატული თანხის ინვესტირება ევალებოდა, ინვესტირებიდან ამოგებულ თანხას კი ქალი ეკონომიურად უნდა შეენახა. ამონაგები თანხა წლიურად კაპიტალური თანხის 18%-ს შეადგენდა. სწორედ ამ თანხას უნდა უზრუნველყო ის, რომ ქალს ქმრის ოჯახში არსებობის ნორმალური პირობები ჰქონოდა.

ამავე დროს, მზითვი ქალს სოციალურადაც იცავდა. ათენური კანონების თანახმად, გაყრის შემთხვევაში ქმარს მზითვი ქალის ოჯახისთვის მთლიანად უნდა დაებრუნებინა, მნიშვნელობა არ ჰქონდა იმას, თუ ვისი ინიციატივით მოხდა მეუღლეთა დაშორება. თუ ქმარი მზითვის დაბრუნებას ვერ შეძლებდა, მას ქალის ოჯახისთვის ყოველწლიურად თანხის 18%-იანი სარგებელი უნდა ეხადა. ძირითადად ქმრისთვის ადვილი საქმე არ იყო მზითვის დაბრუნება. უმეტესწილად თანხის რაღაც ნაწილი მას უკვე დახარჯული ჰქონდა. ხოლო იმისთვის, რომ თავი მძიმე მდგომარეობაში არ ჩაეგდო, მას უნდა ეცადა, რომ ცოლთან თუ სიამტკბილობა არა, ნორმალური ურთიერთობა მაინც ჰქონოდა. წინააღმდეგ შემთხვევაში ქალის ოჯახს, და თავად ქალსაც ყოველთვის ჰქონდა უფლება ოჯახი დაეშალა.

დღეს მეცნიერები მიიჩნევენ, რომ მზითვის ინსტიტუტის მეშვეობით ათენელი ქალი ეკონომიურად უფრო მეტად იყო დაცული, ვიდრე თანამედროვე გათხოვილი ქალი.¹¹

იმას, თუ რამდენად უზუნაესი იყო ინდივიდუალური ოიკოსების დაცვის პრინციპი, ცხადყოფს კიდევ ერთი სპეციფიკურად ბერძნული ინსტიტუტი — ეპიკლეროსი. ოჯახში, რომელსაც მამრობითი მემკვიდრე არ ჰყავდა, საგვარეულო ხაზი ქალიშვილს უნდა გაეგრძელებინა. სწორედ ეს ქალიშვილი იყო „ეპიკლეროსი.“ თანამედროვე ენებზე ეპიკლეროსს ჩვეულებებისამებრ „მემკვიდრედ“ თარგმნიან, მაგრამ სიტყვა-სიტყვით ეს ტერმინი „საკუთრებასთან მყოფს“ („საკუთრებასთან მიერთებულს“) აღნიშნავს, რაც ამ ინსტიტუტის არსს ძალზე ზუსტად გამოხატავს. მართლაც, ეპიკლეროსი თითქოს იყო მამისეული ქონების მესაკუთრე, მაგრამ სინამდვილეში მემკვიდრეობას მასზე დაქორწინებული მამაკაცები, უფრო ზუსტად კი მათი ვაჟიშვილები იღებდნენ. ეპიკლეროსი მკაცრად იყო ვალდებული მამისეული ოჯახის უახლოეს ნათესავს გაჰყოლოდა. ეპიკლეროსის საქმროს „ანქისტას“ შიგნით დადგენილი რიგის შესაბამისად არჩევდნენ. ამ შემთხვევაში მნიშვნელობა არ ჰქონდა იმას, იყვნენ თუ არა დაქორწინ-

¹¹ Lacey W.K., *The Family in Classical Greece*, London, 1968, 174.



ნებული ქორწინების სუბიექტები. ა. მ. ის ქალი, რომელიც ეპიკლეროსი მოგვიანებით გახდა, თუ შვილი არ ჰყავდა, ქმარს უნდა გასცილებოდა, მამისეულ ოჯახში დაბრუნებულიყო, რათა უკვე ეპიკლეროსისთვის დადგენილი წესის თანახმად გათხოვილიყო და მამისეული ოჯახის ხაზი გაეგრძელებინა. ქორწინების აღმნიშვნელ ბერძნულ ტერმინს „ეკდოსისს“, რომელიც სიტყვასიტყვით თხოვებას ნიშნავს — ყველაზე უკეთ ეპიკლეროსის ინსტიტუტი გამოხატავს. ქალი, მართლაც იყო ის ნივთი, რომელსაც მამა სხვა ოჯახის კურიოსს ათხოვებდა, რათა ქალს თავისი მოვალეობა, ვითარცა ცოლსა და დედას, იმ ოჯახში შეესრულებინა. მაგრამ იმავე მამას და საზოგადოდაც ქალის ნებისმიერ კურიოსს უფლება ჰქონდა „გათხოვილი ნივთი“ უკან გამოეთხოვა. ასეთი საჭიროება, უპირველეს ყოვლისა სწორედ ოჯახის შენარჩუნების დროს დგებოდა. როცა მამისეულ ოჯახს ეს ესაჭიროებოდა, ეპიკლეროსი საგვარეულო ხაზის გამგრძელებლად უნდა დაბრუნებულიყო და არავინ ეკითხებოდა მას, უნდოდა თუ არა ეს. ეპიკლეროსის ეს სპეციფიკურად ათენური ინსტიტუტი ნათელი მაგალითია იმისა, რომ ქალი ვალდებული იყო თავისი გენერაციული ფუნქცია უპირველესად მამისეული ოჯახის წინაშე შეესრულებინა.

ქალის სტატუსის შეზღუდვას და დაქვემდებარებას ოჯახსა და საზოგადოებაში ადულტერის, ლალატის ახლებური გააზრება მოჰყვა. ამ პერიოდთან შედარებით ჰომეროსის ეპოქაში ქალის მორალური სახის მიმართ დამოკიდებულება გაცილებით ლოიალური იყო. ლალატი იყო ქმრისადმი მიყენებული შეურაცხყოფა, რომელიც შეიძლებოდა გადაქცეულიყო კიდევ ცალკეულ საგვარეულოთა შორის შინაომების საბაბად, მაგრამ არც ერთ შემთხვევაში ლალატი სოციალურ სტაბილურობას საფრთხეს არ უქმნიდა. დემოკრატიულ პოლისში ადულტერი სხვანაირად შეაფასეს. ახლა იგი აღარ იყო მხოლოდ ერთი მეუღლის მიერ მეორისათვის მიყენებული შეურაცხყოფა. ლალატი ქალაქის და საზოგადოების, შესაბამისად საჯარო შეურაცხყოფად გადაიქცა, რადგან იგი საეჭვოს ხდიდა მემკვიდრის კანონიერ სტატუსს. ეს კი უპირველესად ოიკოსის შენარჩუნებას უქმნიდა საფრთხეს, საბოლოო ჯამში კი მთელ საზოგადოებას დარტყმის ქვეშ აყენებდა.

ბერძნები ზედმინუნით ზრუნავდნენ, რომ ამგვარი საფრთხე თავიდან აეცილებინათ, ამიტომაც შეაფასეს მათ ადულტერი განსაკუთრებით მძიმე დანაშაულად. ყოველივე ამას მკაფიოდ გვიჩვენებს და განმარტავს ლისისას ცნობილი სიტყვის „ერატოსთენეს მკვლელობის წინააღმდეგ“ ერთ-ერთი პასაჟი: „აი, მოსამართლენო, რამდენად შემწყნარებელია კანონმდებელი მოძალადის მიმართ მაცდუნებელთან შედარებით. მაცდუნებელს მან სასიკვდილო განაჩენი გამოუტანა, პირველს კი მიყენებული ზარალისთვის მხოლოდ ფულადი კომპენსაცია დაუდგინა. იგი გამოდიოდა იქიდან, რომ ძალადობის მსხვერპლს მოძალადე სძულს მაინც. მაცდუნებელი კი იმდენად რყენის თავის მსხვერპლს, რომ ცოლი მას საკუთარ ქმარზე მეტად



მიეჯაჭვება. ცოლი მას უფლებას აძლევს, რომ მთელი სახლი განკარგოს. და ეჭვი ბავშვების მიმართაც ჩნდება — ქმრისგან არიან ისინი თუ საყვარლისგან. აი, სწორედ ამიტომ ამგვარ ადამიანებს კანონმდებელმა სიკვდილი მიუსაჯა" (ლისიასი, I, 33).

ამასთან ერთად სახელმწიფომ მკაფიოდ განსაზღვრა მოქალაქე ქალების სექსუალური ცხოვრების ნირიც. უფრო ადრე სოლონის რეფორმამ დააკანონა არა მარტო ქალისთვის სავალდებულო ნორმები, არამედ დეტალებში დაადგინა ქალის ქცევის სხვა საკითხებიც — ისეთებიც კი, როგორც იყო ქალის მოგზაურობის, თუ უბრალოდ ქუჩაში მოქცევის წესები. ის „ორმაგი მორალი“, რომელიც კაცისთვის და ქალისთვის სრულიად განსხვავებული სექსუალური ცხოვრების ნირს გულისხმობს, სწორედ სოლონის დროს იყო აშკარად ნაქეზებული. ქალს მხოლოდ ერთ კაცთან — მეუღლესთან ჰქონდა სექსუალური ურთიერთობის უფლება, მაშინ როდესაც ათენელ კაცს შეეძლო სხვადასხვა კატეგორიის ქალთან ჰქონოდა კავშირი ერთი მნიშვნელოვანი გამონაკლისით — მას ეკრძალებოდა სასიყვარულო ურთიერთობა იმ ქალებთან, რომლებიც სხვა მამაკაცის მეურვეობის ქვეშ იმყოფებოდნენ.

ცოლ-ქმრული ღალატი მკაცრად ისჯებოდა. მეურვეს უფლება ჰქონდა მაცდუნებელი დანაშაულის ადგილზევე მოეკლა. მაგრამ კლასიკურ პერიოდში დამნაშავე მამაკაცს ქალის მხარე უპირატესად ციხეში სვამდა, რათა მისგან ფულადი კომპენსაცია მიეღო.

კანონი არ მოითხოვდა, რომ მოღალატე ქალი სიკვდილით დაესაჯათ. მაგრამ იმას კი მოითხოვდა, რომ ამის შემდეგ ქმარი ცოლს გააყროდა. ასეთ ქალს რელიგიურ მსახურებაში მონაწილეობის მიღება ეკრძალებოდა. თუ ქალი მაინც შეეცდებოდა კულტმსახურებას, საზოგადოების ნებისმიერ წევრს უფლება ჰქონდა მისთვის ტანსაცმელი საჯაროდ შემოეხია და ფიზიკური შეურაცხყოფა მიეყენებინა.

კლასიკურ ათენში გაყრა რთულ პროცედურას არ წარმოადგენდა. გაყრა არ ითვლებოდა სამარცხვინო მოვლენად და ჩირქს არც ერთ მეუღლეს არ სცხებდა. გაყრა ძირითადად ორმხრივი შეთანხმებით ხდებოდა. მისი ინიციატორი ორივე მხარე შეიძლება ყოფილიყო. გაყრის შემდეგ შეილება მამასთან რჩებოდნენ. განქორწინებული ქალის ხელახლა გათხოვებას ბერძნები ბუნებრივ მოვლენად აღიქვამდნენ.

ახლა საოჯახო სივრციდან საჯარო სფეროში გადავინაცვლოთ და ენახოთ, თუ რას მოიცავდა ქალის მოქალაქეობრივი სტატუსი, ანუ რის უფლებას ანიჭებდა იგი ქალს.

ჩვენ ზემოთ აღვნიშნეთ, რომ ათენელი ქალი მოქალაქე იყო, მაგრამ მოქალაქე საკმაოდ შეზღუდული უფლებებით. საერთოდ, ბერძნულ ენაში მოქალაქეობას ტერმინი „πολιτης“ აღნიშნავს (ეს მამრობითი სქესის ფორმაა). მისი მდებარეობითი სქესის ფორმა — „πολιτης“ — მართალია, ცალკეულ შემ-



თხვევებში გამოხატავდა ქალის სამოქალაქო სტატუსს, მაგრამ გაცილებით ფართოდ ამ მნიშვნელობით მეორე ტერმინი — *ძათი* იხმარებოდა. თანამედროვე ენებში სხვა უფრო შესაფერისი შესატყვისის უქონლობის გამო, *ძათი*-ს „მოქალაქედ“ თარგმნიან. მაგრამ ამასთან უნდა გვახსოვდეს, რომ *ძათი*-ს არ ნიშნავს პოლიტიკური, ან თუნდაც სრული სამოქალაქო უფლებების მქონე პირს. ათენელი ქალის *ძათი* იმას აღნიშნავდა, რომ მას ჰქონდა ნილი ათენური საზოგადოების ლეგალურ, რელიგიურ და სოციალურ მოწყობაში, ანუ მას შეზღუდული სამოქალაქო უფლებები გააჩნდა.¹²

ოჯახურ კონტექსტში ქალის ფუნქციებს უკვე გავეცანით. საზოგადო სივრცეში მისი უფლებები, როგორც აღვნიშნეთ, ძალზე შეზღუდული იყო. ასე მაგალითად, ათენში ქალს ეკრძალებოდა დასწრებოდა სახალხო კრებას, ანდა მონაწილეობა მიეღო კენჭისყრაში, ქალს არ შეეძლო ყოფილიყო სასამართლოს წევრი, ან რაიმე სამოქალაქო თანამდებობა დაეკავებინა. საჯარო სივრცეში მისი მონაწილეობა რელიგიური კულტმსახურების სფეროთი შემოიფარგლებოდა.

და მაინც, გარკვეულ ეტაპზე ქალის, როგორც მოქალაქის, სტატუსმა განსაკუთრებული მნიშვნელობა შეიძინა. ძვ. წ. 451 წ-ს ათენის სახალხო კრებამ პერიკლეს მოქალაქეობის კანონი მიიღო. ამ კანონის მიხედვით, მოქალაქედ ის პიროვნება ითვლებოდა, რომელსაც დედაც და მამაც ათენელი მოქალაქე ჰყავდა. ამდენად, ახლა დედაც გახდა შვილებისთვის მოქალაქეობის უფლების მიმცემი და ამ მიზეზის გამო ქალის სამოქალაქო სტატუსს მიენიჭა სწორედ განსაკუთრებული მნიშვნელობა.

და მაინც, რისთვის დასჭირდა პერიკლეს ამ კანონის შემოღება?

ზოგიერთი მეცნიერის აზრით, ამ პერიოდში ათენში მოსახლეობის რიცხვი ძალიან სწრაფი ტემპით იზრდებოდა და დამატებით ახალი ოჯახები ჩნდებოდა, რაც ათენური პოლისისათვის სასურველ მოვლენას არ წარმოადგენდა. საჭირო იყო მექანიზმი, რომელიც დაარეგულირებდა მოსახლეობის რაოდენობას. სწორედ ასეთი მექანიზმი უნდა ყოფილიყო ის კანონი, რომელიც შეზღუდავდა იმ საპატარძლოთა რიცხვს, რომელთაც კანონიერი მოქალაქეების გაჩენა შეეძლოთ. პერიკლეს კანონი, მათი აზრით, სწორედ ამას ემსახურებოდა.¹³ დასაშვებია სხვების ვარაუდიც, რომელთა მიხედვითაც პერიკლეს კანონი წარმოადგენდა გარანტიას იმისას, რომ ღარიბი და შეუხედავი ათენელი ქალიშვილები გაუთხოვარნი არ დარჩენილიყვნენ. საპატარძლოთა რიცხვი ხომ ამ კანონის პირობებში მცირე იქნებოდა და მამაკაცებს საცოლეთა დიდი არჩევანი აღარ ექნებოდათ. ეს

¹² ანტიკურ წყაროებში ტერმინ „*ძათი*“-ს განსაზღვრება არსად არაა მოცემული. არისტოტელე „პოლიტიკაში“ ამ ტერმინს ოჯერ იყენებს, მაგრამ მის განმარტებას ფილოსოფოსი არ გვაძლევს (არისტოტელე, „პოლიტიკა“, 1278a 34; 1300 b31).

¹³ Pomeroy S.B., *Goddesses, Whores, Wives and Slaves, Women in Classical Antiquity*, New York, 1975, 66-70.



კი სულაც არ გახლდათ უმნიშვნელო გარემოება, თუ გავითვალისწინებთ, რომ გაუთხოვარ ქალიშვილებს იმისთვის, რათა თავი ერჩინათ, მეძავედ გახდომის საფრთხე ემუქრებოდათ.¹⁴

ყოველივე ამასთან ერთად ამ კანონის შემოღებით ათენი თავის მოქალაქეთა ერთობასაც იცავდა. აქამდე ფართოდ იყო გავრცელებული უცხოელებთან ქორწინება. ამგვარი ქორწინების აკრძალვით, პერიკლეს კანონი, ბუნებრივია, ხელს უწყობდა მჭიდრო ნათესაური ქსელის შექმნას, ქალების გაცელა ხომ ათენურ ოჯახებს ერთმანეთთან მტკიცედ აკავშირებდა. ყოველივე ეს ათენის, როგორც ერთი მთლიანობის, უცხოელთან გან დაცვას ემსახურებოდა.¹⁵

მიუხედავად იმისა, რომ ათენელებს თავიანთი ქალები დაქვემდებარებული ჰყავდათ, ისინი დიდ პატივს მიაგებდნენ გათხოვილ ქალთა ფუნქციებს. ბერძნებს მიაჩნდათ, რომ ქალების მიერ მოვალეობის ღირსეულად აღსრულება მათი მხრიდან პოლისისათვის მირთმეული საპატივსაცემო ძვენი გახლდათ. ათენის მოქალაქეობა ქალებისთვის ერთობ საპატიო რამ იყო, მაგრამ ამასთანავე მოქალაქეობა მათ პრივილეგიებსაც ანიჭებდა (პრივილეგიები მარტო ქალების ამ ფენას ჰქონდა). დემოსთენე თავის სიტყვაში „ნეერას ნინალმდეგ“ მკაფიოდ გამოკვეთავს, თუ რას წარმოადგენდა მოქალაქე ქალების პრივილეგიები. მოქალაქე ქალებს სხვებთან შედარებით უპირატესობა ჰქონდათ, როგორც პრივატულ სივრცეში, ისე საზოგადო სფეროში. პრივატულ სივრცეში მათი პრივილეგია ის გახლდათ, რომ მხოლოდ ამ სტატუსის ქალებს შეეძლოთ ქმრისთვის ათენის კანონიერი მოქალაქე გაეჩინათ. რაც შეეხება საჯარო სფეროში მათ უპირატესობას, მხოლოდ მათ — მოქალაქე ქალებს შეეძლოთ მიეღოთ მონაწილეობა სახელმწიფო რელიგიურ კულტმსახურებაში. მაგრამ ამასთან, კარგად დაეხსოვოთ ის, რომ დასახელებული პრივილეგიები მარტოდენ მათდამი პატივისცემის გამოხატულება არ გახლდათ. ისინი უპირველესად ისევე ათენური სახელმწიფოს წესრიგისა და სტაბილურობის გარანტიას წარმოადგენდნენ. ამიტომაც იყო, რომ ნეერასთვის განაჩენის გამოტანის დროს (იმ ქალისთვის, რომელიც არაკანონიერად სარგებლობდა მოქალაქე ქალების უპირატესობით და ამდენად საფრთხეს უქმნიდა მათთვის მინიჭებულ უნიკალურ პატივს), ორატორი მსაჯულებს ხაზგასმით აფრთხილებს, მოუწოდებს, დაფიქრდნენ იმაზე, თუ რაოდენ მნიშვნელოვანია მათი ვერდიქტი, როგორც ათენელი მოქალაქე ქალებისთვის, ისე ათენური პოლისისათვის საზოგადოდ: „თითოეულ თქვენგანს უნდა ახსოვდეს, რომ იგი ხმას აძლევს თავისი ცოლის, ქალიშვილის, დედის საკეთილდღეოდ, და ასევე აძლევს ხმას სახელმწიფოს, კანონების და რწმენის საკეთილდღეოდაც“ (დემოსთენე, LIX, 114).

¹⁴ Lacey, 1968, 100-1.

¹⁵ Patterson C.B., Pericles' Citizenship Law of 451-50, The Ayer Company, 1981.



ათენელ ქალთა ყოველდღიური ცხოვრება

ქალთა ყოველდღიური ცხოვრების ერთიანი სურათის მოცემა გარკვეული მიზეზების გამო უფრო გაგვიჭირდება. სიძნელეს ქმნის ის გარემოება, რომ ერთი მხრივ, ცხოვრების ამა თუ იმ ასპექტის შესახებ არსებობს კულტურული იდეალი — ანუ ქცევის მოსალოდნელი მოდელი, მეორე მხრივ კი, წყაროები მოდელისგან მეტ-ნაკლებად განსხვავებულ ცხოვრებისეულ პრაქტიკას გვიდასტურებენ. ამიტომ ქალთა ცხოვრების ცალკეულ მხარეთა შედარებით სრულად წარმოსაჩენად უფრო მართებული იქნება, თუკი ორივე მათგანს განვიხილავთ — როგორც კულტურულ სტერეოტიპს, ისე სოციალურ პრაქტიკას. ამ შემთხვევაში ჩვენ უფრო მეტად ვიქნებით დაზღვეული უზუსტობისგან, ვიდრე მაშინ, თუკი ერთიანი სურათის დახატვას შევეცდებით.

ქალთა განცალკევება

ათენელ ქალთა ცხოვრების შესახებ მსჯელობისას ცალკე საკითხად გამოვყოფთ ქალთა განცალკევების უაღრესად საინტერესო პრობლემას. იგი ფრიად არსებითია ჩვენი საკითხისათვის და სწორედ ამიტომ კამათობდნენ ამის თაობაზე ასე მწვავედ XIX ს-დან მოყოლებული. ათენელი ქალის სოციალურ სტატუსს მეცნიერები უშუალოდ ამ საკითხს უკავშირებდნენ. ის მხარე, რომელიც თვლიდა, რომ კლასიკურ პერიოდში ქალს დაბალი სოციალური სტატუსი ჰქონდა, ამტკიცებდა იმას, რომ ათენელი ქალები განცალკევებული და შეზღუდული ცხოვრების წირს ეწეოდნენ. მეორე მხარე კი, რომელიც უარყოფდა ქალების დაბალ სოციალურ სტატუსს, შესაბამისად, ქალების თავისუფლების მაღალ ხარისხს აღიარებდა. თანამედროვე ეტაპზე ერთმნიშვნელოვნად იზიარებენ მოსაზრებას, რომ ქალთა განცალკევება, თუ გნებავთ, მათი სეგრეგაცია, სულ ცოტა, მაღალი კლასის იდეალს მაინც წარმოადგენდა. ამ იდეალის მიხედვით საზოგადოებისგან ქალის გამიჯვნა მამაკაცების თვალთახედვით, უპირველესად, სწორედ მათ დაცვად მოიაზრებოდა. თავიანთი სახლეულის ქალების უბინოების და სინმინდის დაცვის შემძლეობა კი მამაკაცთა ძლიერებას უსვამდა ხაზს და მათი მაღალი სტატუსის, ღირსებისა და სიმდიდრის დასტური გახლდათ.

ქალთა სეგრეგაცია, პირველ რიგში, ათენის მიერ გატარებულ იდეოლოგიურ კურსს უკავშირდებოდა, რომლის უმთავრესი მახასიათებელი ცხოვრებაში საზოგადო და პრივატულ სივრცეთა მკვეთრი გამიჯვნა იყო. ამგვარ გამიჯვნას შედეგად სდევდა სქესთა მიმართ რადიკალური პოლიტიკა სქესთა უკიდურესი დიქოტომიზაციით. შედეგად მამრობითი სქესი



უპირობოდ საზოგადოს, მდებდრობითი — კი პრივატულ სივრცეს მიაკუთვნეს. ამდენად სქესთა განცალკევება, უპირველესად, მამაკაცთა და ქალთა ცხოვრების და მათი საქმიანობის სფეროების მკვეთრ გამოიჯენას აღნიშნავდა. ქსენოფონის ისომაქოსი სქესთა განცალკევების იდეალის, ალბათ, კლასიკურ განსაზღვრებას გვაძლევს, როცა ამბობს: „ქალს შეეფერება შინ იჯდეს და გარეთ არ გადიოდეს. ამის საპირისპიროდ, მამაკაცის სახლში ყოფნა ნაცვლად იმისა, რომ მან საგარეო საქმიანობას და მიზნებს მიუძღვნას თავი, სამარცხვინოა მისი ღირსებისთვის“ (ქსენოფონი, „ოიკონომიკოსი“, 7, 30).

რესპექტაბელური ათენელი ქალის ცხოვრება უმთავრესად სახლში წარიმართებოდა. საყიდლებზე იგი არ დადიოდა, არც ქმართან ერთად მიდიოდა წვეულებაზე. დაუშვებელი იყო ისიც, რომ იგი საკუთარ სახლში გამართულ ნადიმზე გამოსულიყო. მეტიც, უცხო მამაკაცთან მას თავის სახლშიც კი არ უნდა ჰქონოდა არანაირი კონტაქტი. თუ ქალები ოჯახში მანაც ურთიერთობდნენ უცნობ მამაკაცებთან, ეს ყოველთვის უკიდურესი გარემოებით იყო გამოწვეული და თავად ქალების მხრიდან განსაკუთრებულ შემთხვევად აღიქმებოდა (ლისიასი, XXXII, 11).

ყოველივე ეს არ ნიშნავს იმას, რომ ქალები სახლში იყენენ გამოკეტილნი და გარეთ არ გადიოდნენ. ქალები მოახლეების თანხლებით დადიოდნენ სასაეროდ, სეირნობისას ისინი ძაფს რთავდნენ, ქსოვდნენ და მასლაათობდნენ. ქალები მეზობლებთანაც ურთიერთობდნენ, ერთმანეთში საოჯახო წერილმანებს სესხულობდნენ. სოციალურ კონტაქტთაგან უმთავრესი საოჯახო რიტუალებსა და რელიგიურ დღესასწაულებში მონაწილეობა იყო. ორ უმთავრეს საოჯახო რიტუალში — დაკრძალვის და ქორწინების ცერემონიებში ქალი მნიშვნელოვან როლს ასრულებდა. დაკრძალვის რიტუალთან ქალი უხსოვარი დროიდან მჭიდროდ იყო დაკავშირებული. არისტოკრატიის მმართველობის დროს, როდესაც მდიდრული დაკრძალვების გამართვა იყო მიღებული, პროფესიონალ მოტირალ ქალებს იწვევდნენ. სოლონის კანონმდებლობით, რომელიც საზოგადოდ არისტოკრატიული წესჩვეულებების წინააღმდეგ ილაშქრებდა, დაკრძალვის რიტუალიც შეიზღუდა. შეზღუდვა მოტირალი ქალების რიცხვსაც შეეხო, მეტიც, განისაზღვრა იმ ქალთა ასაკობრივი ცენზი, რომელთაც შორეული ნათესავების დაკრძალვაში შეეძლოთ მიეღოთ მონაწილეობა. მხოლოდ 60 წელს გადაცილებულ ქალებს დართეს ნება, შორეული ნათესავების დაკრძალვას დასწრებოდნენ.

დადიოდნენ თუ არა ქალები თეატრში? ძნელია ამ კითხვას დანამდვილებით ეუპასუხოთ, თუმცა მეცნიერთა უმეტესობის აზრით, ქალები თეატრალურ სანახაობებს ესწრებოდნენ.¹⁶ თუ გავიხსენებთ იმას, რომ ქალები აქტიურად იღებდნენ მონაწილეობას რელიგიურ დღესასწაულებში,

¹⁶ Henderson J., "Women and the Athenian Dramatic Festivals", TAPA, 1991, 121, 133-47.



მაშინ გაგვიძნელებდა იმის დაშვება, რომ მათ ეკრძალებოდათ დრამატულ სანახაობაზე დასწრება, რომელიც რელიგიურ დღესასწაულთა ნაწილი იყო. მეორე მხრივ, სავარაუდოა ისიც, რომ თეატრალური აუდიტორია უმთავრესად მამაკაცებისაგან შედგებოდა და ქალებს არ აქვებენ აქტიურად, წარმოდგენების სანახავედ წასულიყვნენ.

ამასთან განსაკუთრებით გვინდა გავესვათ ხაზი იმას, რომ ქალთა განცალკევება აბსოლუტურ ხასიათს არ ატარებდა და სხვადასხვა სოციალურ ფენაში განსხვავებულად ვლინდებოდა. რაც უფრო ქვემოთ ჩამოუყვებით სოციალურ იერარქიას, ენახავთ, რომ ქალთა სეგრეგაცია უფრო მცირდება. შედარებით დაბალი სოციალური ფენის მოქალაქე ქალები, შინიდან გაცილებით ხშირად გადიოდნენ. ისინი თავად დადიოდნენ საყიდლებზეც და საზოგადო შედრევენებზეც, რადგან მონები არ ჰყავდათ. ამასთან ერთად, ამ სოციალური ფენის ქალები მეტწილად იძულებული იყვნენ, საარსებო სახსრები გარეთ, დაქირავებული შრომით მოეპოვებინათ.

უდავოდ საინტერესოა ის, რომ სქესთა განცალკევება ათენური სახლების არქიტექტურაშიც გამოიხატა. სქესთა შორის სივრცის გამიჯვნა სახლში, ალბათ, ათენური სეგრეგაციის ყველაზე სპეციფიკური შემთხვევა გახლდათ. მამაკაცთა ნახევარი — ე.წ. „ანდრონი“ ორსართულიან სახლებში ქვემოთა სართულზე იყო განლაგებული, ერთსართულიან სახლებში კი — შემოსასვლელი კარების ახლოს მდებარეობდა. გინეკეუმი — ქალთა ნახევარი — უპირატესად ზედა სართულზე ან სახლის კარებიდან ყველაზე დაშორებულ ნაწილში იყო განთავსებული. სწორედ აქ ენეოდნენ ქალები თავიანთ საქმიანობას — ართავდენ ძაფს, ქსოვდნენ, უვლიდენ ბავშვებს. მონა ქალებსაც აქვე ეძინათ. ქალებს არა მხოლოდ სამოქმედო სივრცე ჰქონდათ მოზომილი, მოზომილი იყო მათი სამოქმედო დროც, რაც იმას ნიშნავს, რომ ქალთა საქმიანობებს დროითი განსაზღვრაც დაუწესეს. კულტურული იდეალის მიხედვით, ქალი ხანგრძლივად უნდა ყოფილიყო დასაქმებული, სამუშაოს შესრულებას ქალისთვის დიდი დრო უნდა წაერთმია. მხოლოდ გამუდმებული გარჯა დაიცავდა ქალს იმ სიავისგან, რისი მოტანაც მოცალეობას შეეძლო. ორივე შეზღუდვა, როგორც სივრცითი, ისე დროითი, ქალის დასაცავად იყო მიმართული — მამაკაცებთან ურთიერთობის საფრთხეს თავიდან არიდებდა.

ქალთა ნახევარში უცხო მამაკაცის უნებართვოდ შესვლას, ან უფრო უარესს — შეჭრას, შესაბამისი სიმძაფრის რეაქცია მოსდევდა. სასამართლო სიტყვებში მოძალადის ამგვარი საქციელი კვალიფიცირდებოდა, როგორც კრიმინალი და მონინალმდეგისათვის მიყენებული ზიანის ერთ-ერთ ყველაზე არსებით ნაწილად მოიაზრებოდა. ასეთი ქმედება ქალებზე მძიმე ზემოქმედებას ახდენდა. ამასთან ის ქალთა განცალკევების კულტურულ სტერეოტიპს არღვევდა. საბოლოო ჯამში კი იმაზე მიუთითებდა, რომ



მამაკაცი — ქალების მეურვე — მათ სათანადოდ დაცვას ვერ ახერხებდა. მამაკაცთა ღირსების გრძნობისთვის მიყენებული ეს დარტყმა, ბუნებრივია, მათ განსაკუთრებულ რისხვასა და აღშფოთებას იწვევდა.¹⁷

ქალთა განცალკევების იდეალი, როგორც ჩანს, ძლიერი და აქტიურად მოქმედი სტერეოტიპი იყო. ერთ-ერთ წყაროში დადასტურებული ლიკოფრონის ისტორია, თუმცა განსაკუთრებულ შემთხვევას წარმოადგენს, მაინც ამ იდეალის სიცოცხლისუნარიანობას გვიდასტურებს. საქმე ასე იყო: ვინმე ლიკოფრონი მეგობრის სახლში მივიდა, იქ მასპინძლის ცოლს შეხვდა და გამოელაპარაკა. ეს მისთვის ფრიად სავეალალოდ დასრულდა. ლიკოფრონის წინააღმდეგ საქმე სასამართლოში აღძრეს და მას ქალის შეცდენის ბრალდება წაუყენეს (ჰიპერიდესი, „ლიკოფრონი“, ap. Pap. Oxy. 1607, 40 და შმდ.). უცხო მამაკაცთან დალაპარაკება, რასაკვირველია, ჩვეულებრივ ამგვარად არ მთავრდებოდა, მაგრამ ასეთი ექსტრემალური შემთხვევა ადასტურებს იმას, რომ ბერძნები უცნობ მამაკაცთან ქალის ნებისმიერ ურთიერთობას ფრიად არასასურველ მოვლენად მიიჩნევდნენ.

მაგრამ განცალკევების იდეალი, სულაც არ ნიშნავდა იმას, რომ ქალი სრულ იზოლაციაში უნდა ყოფილიყო. ქალს მჭიდრო კონტაქტი ჰქონდა თავისი სახლულის მამაკაცებთან. მათი ურთიერთობა ხშირად თბილი და სიყვარულით აღსავსე იყო. შედარებით გვიანდელ წყაროებში, ჩვენ ცოლსა და ქმარს შორის პარტნიორული ტიპის დამოკიდებულებასაც ვხვდებით. ამასთან ქალებს სახლის გარეთ სხვა ქალებთანაც ჰქონდათ კონტაქტი.

რაც უფრო გადიოდა დრო, მით უფრო კარგავდა ძალას ქალთა განცალკევების იდეალი. V ს. ბოლოსთვის უფსკრული იდეალსა და რეალობას შორის კიდევ უფრო გაღრმავდა. ომით გამონეული სიდუხჭირის გამო დაბალი ფენის ქალები სახსრების მოსაპოვებლად შინიდან გადიოდნენ. ამასთან წყაროები იშვიათად, მაგრამ მაინც გვიდასტურებენ მაღალი კლასის ქალების ერთობ დამოუკიდებელ ქმედებათა შემთხვევებსაც.

ქალები და შრომა

საშუალო და საშუალო მაღალი კლასის ქალები სახლში შრომობდნენ. ტრადიციულად, ქალის შრომა დიდად დაფასებული არ იყო. საზოგადოდ უნდა ითქვას, რომ ბერძნები შრომის სხვადასხვა ტიპს განსხვავებულად აფასებდნენ. მათი აზრით, კეთილშობილ მამაკაცს მხოლოდ ესა თუ ის გარკვეული საქმიანობა შეეფერებოდა, შრომის სხვა სახეობები კი დამამ-

¹⁷ ქალთა ნახევარში მამაკაცის შეჭრისთვის იხილეთ განსაკუთრებით დემოსთენე, XLVII; ასევე დემოსთენე, XXXVI, 45-7; დემოსთენე, XXI, 79. ასევე ლისიასი, II, 6, 23; ლისიასი, XI, 30.



ცირებლად, სათაქლოდ და უფრო მონების საკადრისად ითვლებოდა. ქალების შრომა უმეტესწილად ამ უკანასკნელ კატეგორიაში ექცეოდა და მისი პროდუქტიულობის მიუხედავად, მონის შრომაზე მეტად არ ფასობდა. ამასთან, რადგან ქალები უმთავრესად სახლში საქმიანობდნენ, მათი შრომა არ ჩანდა, არ იყო მოქცეული საზოგადოების ყურადღების ცენტრში და ამდენად არც დაფასებული იყო.

ქალების საქმიანობა სოციალური იერარქიის მიხედვით განსხვავებულად. თუმც არსებობდა ერთი საქმიანობა, რომელსაც ყველა სოციალური ფენის ქალი ეწეოდა. ეს შალის დამუშავება იყო. ქსოვილის წარმოება საბერძნეთში შინამრეწველობის უმნიშვნელოვანეს დარგად ითვლებოდა. მოქსოვილი მასალისგან შემდეგ ტანსაცმელს ამზადებდნენ. ვაზებზე ხშირ-რადაა წარმოდგენილი ქალები ქსოვის პროცესში, ზოგიერთ ნახატზე დარბაისელი ქალი მონას ქსოვას ასწავლის. ვაზებზე გამოსახულია აგრეთვე ქალების მიერ მოქსოვილი თუ შეკერილი ნივთები, რომლითაც ისინი თავიანთი სახლის ინტერიერს აწყობდნენ — ესაა კედლებზე ჩამოსაკიდი დეკორაციები, სანოლის გადასაფარებლები, ბალიშები, მუთათქები და ა.შ. ქსოვა მოიაზრებოდა, როგორც ყველაზე არსებითი ქალური ღირსება.¹⁸ ამ საქმიანობის ამგვარ შეფასებას ადასტურებს ის როლიც, რომელიც ქსოვას ქალების მიერ აღსრულებულ რელიგიურ მსახურებაში ჰქონდა. ასე მაგალითად, პანათენაიების დღესასწაულზე უმთავრესი ხომ ათენასათვის პეპლოსის მიძღვნა იყო, იმ პეპლოსისა, რომელსაც ქალები დიდი გულმოდგინებით თითქმის მთელი წლის მანძილზე ქსოვდნენ.

მაღალი კლასის ქალი უმთავრესი საქმიანობა სახლის მეურნეობის მართვა იყო, იმ მეურნეობისა, რომელშიც ოჯახის საკუთრების მნიშვნელოვანი ნილი იყო დაბანდებული. როგორც წყაროებიდან ჩანს, ქალის საოჯახო მენეჯმენტს ბერძნები თანდათანობით სულ უფრო მეტად აფასებდნენ (ლისიასი I, 7; დემოსტენე LIX, 122). ქსენოფონი ამ საქმიანობას უმაღლეს შეფასებას აძლევს. „ოიკონომიკოსში“ მწერალს საოჯახო მეურნეობის გაძლოლის უნარი მეცნიერების რანგში აყვავს. შესაბამისად ქალი, რომელიც დაეუფლა ამ ეკონომიურ მეცნიერებას და ბრძნულად წარმართავს მეურნეობას, იმდენად სრულყოფს საკუთარ თავს, რომ სოკრატეს უმაღლეს შეფასებას იმსახურებს. მისი თქმით, ამგვარი ნიჭით დაჯილდოებული ქალი „მამაკაცურ გონს“ ავლენს (ქსენოფონი, „ოიკონომიკოსი“, 9-10, 1); „ოიკონომიკოსში“ მეურნეობის გაძლოლის იდეალა დახატული და საინტერესოა, რომ ამ მენეჯმენტში ქალის და მამაკაცის ფუნქციები გამოიჯნულია, თუმცაღა აუცილებელია, რომ მათი როლები ერთმანეთთან იყენენ შეთავსებული. მხოლოდ ამგვარად იქნება შესაძლებელი მეურნეობის სწორად დაფუნქცია და შემდგომში მისი წარმატებით წარმართვა.

¹⁸ Blundell S., *Women in Ancient Greece*, London, 1995, 41.



ამასთან მამაკაცები უფრო საგარეო შრომისათვის არიან გამოსადეგი, ქალები კი თავიანთი ბუნებით შინ მუშაობისთვის არიან მოწოდებული. ისომაქოსი — ამ იდეალის ავტორი, ქალს ფუტკართა დედოფალს ამსგავსებს, რომელიც სხვებს გარეთ საშრომად აგზავნის, თვითონ კი შინ მომუშავეთ უწევს ზედამხედველობას. ამასთან იგი ანაწილებს, ათავსებს და ინახავს სახლში მოტანილ დოვლათს. ისომაქოსის აზრით, ცოლმა თან მონებიც უნდა განერთნას, მას ავადმყოფთა მოვლაც უნდა შეეძლოს. საქმიანობის ამგვარი დანაწილების გარეშე, მამაკაცის შრომა არაერთარ სარგებლობას არ მოიტანს, რამეთუ მას არ ეყოლება საიმედო დარაჯი, რომელიც მის შექმნილს დაიცავს (ქსენოფონი, „ოიკონომიკოსი“, 7-10). ის გარემოება, რომ მეურნეობის წარმატებით ფუნქციონირებაში ორივე სქესს თანაბარ მნიშვნელობას ანიჭებენ, უდავოდ ადასტურებს იმას, რომ ბერძნულ ცნობიერებაში თანდათანობით იცვლებოდა დამოკიდებულება ქალის შრომის მიმართ. უწინდელი სტერეოტიპის რღვევაზე ვერიპიდეს „მელანიპეს“ ერთ-ერთი ფრაგმენტიც მიუთითებს. „ქალები მართავენ საოჯახო მეურნეობას, ზრუნავენ მოტანილ დოვლათზე, არც ერთი სახლი, სადაც ცოლი არ არის, არაა მონესრიგებული და აყვავებული. რელიგიაშიც — მე მიმაჩნია, რომ ეს მნიშვნელოვანია, ჩვენ, ქალები დიდ როლს ვასრულებთ... მაშ, განა სამართლიანია, რომ ქალთა სქესი ასეთი დაჩაგრული იყოს?“ კითხულობს ქალი პერსონაჟი (Page, Selected Papyri, 13). როგორც ჩანს, უკვე თავად ქალები აცნობიერებდნენ მეურნეობის წარმართვაში საკუთარი როლის მნიშვნელობას და უკმაყოფილებას გამოთქვამდნენ, როცა მათ დამსახურებას და ღვაწლს მამრობითი სქესი არ აღიარებდა.

მეურნეობის გაძლიარსთან ერთად მაღალი კლასის ქალების უმთავრესი საქმიანობა შვილების აღზრდა და განსწავლა იყო. თუმცა მდიდრებს უმეტესწილად აპყავდათ ძიძები, დადასტურებულია ისეთი შემთხვევებიც, როდესაც შეძლებული ქალები ჩვილებს ძუძუს თავად ანოვებდნენ. გარკვეულ ასაკამდე ბავშვები უმთავრესად დედის ზედამხედველობის ქვეშ იზრდებოდნენ. გოგონებისთვის ეს პერიოდი მშობლიური სახლის დატოვებამდე, ანუ გათხოვებამდე გრძელდებოდა.

უფრო დაბალი ფენის ქალები ყოველდღიურ საქმელს თვითონ ამზადებდნენ. ღარიბი ქალები თავად ალაგებდნენ სახლებს და რეცხავდნენ სარეცხს.

ამასთან ღარიბი მოქალაქე ქალები სახსრების მოსაპოვებლად ხშირად გარეთ მუშაობდნენ, თუმცა ამგვარი პრაქტიკა ქალის საქმიანობის კულტურულ იდეალს არ შეესაბამებოდა. ქალებსა და მისი ოჯახის წევრებს ეს თავადაც კარგად ჰქონდათ გაცნობიერებული. დემოსტენეს ერთ-ერთ სიტყვაში ორატორი ექსითეოსი აღიარებს, რომ ისინი არ ცხოვრობდნენ ისე, როგორც სურდათ, რომ ეცხოვრათ. დედამისი — ათენის კანონიერი მოქალაქე ხან აგორაზე ყიდდა თავზე წასაკრავ ზონარებს, ხანაც დაქირა-



ვებულ ძიხად მუშაობდა, მაგრამ ამას ეკონომიური გაჭირვება აიძულებდა (დემოსთენე, LVII, 31).

სახლის გარეთ ქალების საქმიანობა ფართო საქეტრისა არ გახლდათ. ქალები ან სავაჭრო სფეროში იყვნენ დასაქმებულნი — ენეოდენე საცალო ვაჭრობას და მუშაობდნენ მედუქნეებად, ანდა დაქირავებული მოახლეები — მრეცხავეები, ძიძები და ა.შ. იყვნენ. გავრცელებული იყო მოქსოვილი თუ მოქარგული ნივთების გაყიდვის პრაქტიკაც. ერთ-ერთ ვაზაზე ვაზების მხატვარი ქალის გამოსახულებასაც ვხვდებით.

არამოქალაქე ქალების დიდი ნაწილი განსხვავებულად ცხოვრობდა. ერთ-ერთი ყველაზე პოპულარული პროფესია — მეძავეობა იყო. გადმოცემის თანახმად, პირველი საროსკიპოები სოლონმა სწორედ ათენში დაარსა. ამან ათენი უცხოელი ქალებისთვის, რომელთაც ფულის შოვნა სურდათ, განსაკუთრებით მიმზიდველი გახადა. მეძავის საქმიანობას სხვადასხვა სოციალური ფენის ქალები ენეოდენე — მონები, გააზატებულები და თავისუფალი არამოქალაქე ქალები. არც თუ იშვიათად, მონა-მეძავე ახერხებდა თავისუფლება მოეპოვებინა. ამის შემდეგ გააზატებული მეძავეები ხშირად თავად იწყებდნენ ბიზნესს ამ სფეროში — აშენებდნენ საროსკიპოებს, ყიდულობდნენ ახალგაზრდა მონებს და ნერთნიდნენ მათ ამ საქმიანობისთვის. ათენში მაცხოვრებელი ქალებიდან მხოლოდ მათ შეეძლოთ განეკარგათ მნიშვნელოვანი თანხა.

სოციალურად ყველაზე მაღალ საფეხურზე მდგომ მეძავეებს პეტერები — „მამაკაცთა თანამგზავრები“ ეწოდებოდათ. მათი მოვალეობა მამაკაცთა გართობა იყო. ამისთვის პეტერებს ინტელექტუალურად ნერთნიდნენ, ასწავლიდნენ პოეზიას და მუსიკას. აკი ამბობს კიდეც დემოსთენეს ორატორი, რომ პეტერები სიამოვნების მისაღებად გეყავსო (დემოსთენე, LIX, 122). პეტერათა შორის იყვნენ ისეთებიც, რომლებიც თავიანთი დროის ინტელექტუალურ ელიტასთან იყვნენ დაკავშირებულნი.

ყველაზე ცნობილი პეტერა პერიკლეს საყვარელი, შემდეგში კი მისი ცოლი — ასპასია იყო. ასპასიაზე ბერს ნერთდნენ და კამათობდნენ ანტიკურობაში. არისტოფანე ხუმრობით აცხადებდა, რომ პელოპონესის ომი პერიკლემ ასპასიას გაგლენით დაიწყო. პლუტარქეს ცნობით, კომედიოგრაფოსები ასპასიას მეტსახელად ხან ახალ ომფალეს, ხან დეიანირას და ხანაც პერას უწოდებდნენ, ხოლო კრატინოსი მას პირდაპირ მეძავეს ეძახდა თურმე. არც თუ უმნიშვნელო ადგილი უჭირავს ასპასიას პერიკლეს პლუტარქესეულ ბიოგრაფიაში. პლატონი პერიკლეს ცნობილ სამგლოვიარო სიტყვას ასპასიას მიანერთდა (არისტოფანე, „აქარნელები“, 526-34; პლუტარქე, „პერიკლე“, 24; პლატონი, „მენექსენოსი“, 4. 236b; 4. 237E-238b). ამ ქალის შესახებ მრავალი ურთიერთსაწინააღმდეგო მოსაზრებაა გამოთქმული. მაგრამ ერთი კი ცხადია, იგი თავისი ეპოქის ერთ-ერთი ყველაზე



თვალსაჩინო და საინტერესო ქალი გახლდათ. შუშდგომში ასპასიას მხატვრულმა სახემ, მისმა წარმოსახვითმა პიროვნებამ, როგორც ჩანს, გააერთიანა ყველა ის ოსტატობა, ცოდნა და წარმატება, რომლისთვისაც ქალს ანტიკურ ეპოქაში თეორიულად შეიძლებოდა მიეღწია.

ქალი და რელიგია

და ბოლოს შევხვით ქალების როლს რელიგიურ კულტმსახურებაში. უნდა ითქვას, რომ ეს იყო ათენის საჯარო ცხოვრების ერთადერთი სფერო, რომელშიც ქალი აქტიურად მონაწილეობდა. რელიგიური კულტმსახურება კი ქალაქის ცხოვრების უმნიშვნელოვანეს ნაწილად მოიაზრებოდა.

ქალის რელიგიური მსახურება რამდენიმე ასპექტს მოიცავდა — ქალს ეკავა სხვადასხვა რელიგიური თანამდებობა, წარმოდგენილი იყო ტაძრის ხელდასხმის (ტაძრის მსახურების) რიტუალებში და ამასთან აქტიურად იღებდა მონაწილეობას სხვადასხვა რელიგიურ დღესასწაულში.

ერთ-ერთი უმთავრესი რელიგიური თანამდებობა, რომელიც ქალს მამაკაცის თანასწორად ეკავა, ქურუმობა იყო. ქალ-ღვთაებებთან ერთად ქურუმი ქალები მამაკაც ღმერთებსაც ემსახურებოდნენ და რამდენადაც ჩვენთვის ცნობილია, ორმოცზე მეტ ძირითად კულტში იღებდნენ მონაწილეობას. შეიძლება ითქვას, რომ ამათგან ყველაზე საპატიო ქალღმერთათენას ქურუმობა იყო, ქალღმერთისა, რომელიც ქალაქის მფარველ ღვთაებას წარმოადგენდა. ათენის ქურუმები თავიანთი უშუალო სამსახურის გარდა, როგორც ჩანს, მიმდინარე პოლიტიკურ პროცესებშიც ერეოდნენ. რამდენადაც მათი თანამდებობა საპატიოს გარდა, გაელენიანიც იყო, ისინი ცდილობდნენ შეძლებისდაგვარად დაეცვათ საკუთარი ქალაქის ინტერესები. ერთ ამგვარ შემთხვევაზე პეროდოტე მოგვითხრობს. ისტორიკოსის გადმოცემაში სპარტელები, რომლებიც ქურუმის გაფრთხილებას არ ითვალისწინებენ, სასტიკად მარცხდებიან, რაც ამ თანამდებობისთვის ნიშანდობლივ ავტორიტეტს უსვამს ხაზს (პეროდოტე, 5, 72).

მეორე ძალიან მნიშვნელოვანი მსახურება, რომელსაც ქალი აღასრულებდა, ბასილინას — არქონტ ბასილევსის ცოლის თანამდებობა იყო. იგი ანთესტერიების დღესასწაულზე ღვთაება დიონისეს საკრალური ქორწინებით ეუღლეებოდა, რაც ფრიად მნიშვნელოვან და საპატიო რიტუალს წარმოადგენდა. სამწუხაროდ, ჩვენთვის ნაკლებადაა ცნობილი ბასილინას მიერ აღსრულებულ სხვა სამსახურთა შესახებ. ვიცით მხოლოდ ის, რომ ბასილინა მრავალ რიტუალურ მსახურებას წარმართავდა, მაგრამ რამდენადაც მისი მსახურება იდუმალი და საიდუმლო ხასიათისა იყო, ბასილინას ფუნქციათა შესახებ წყაროებში თითქმის არ მოგვეპოვება ცნობები (დემოსთენე, LIX, 73).



ათენში ფართოდ იყო გავრცელებული ტაძრის სამსახურისთვის გოგონათა მიძღვნის — ხელდასხმის ადათი. რამდენიმე მათგანს არისტოფანეს „ლისისტრატეში“ ქალთა ქორო მოიხსენიებს (არისტოფანე, „ლისისტრატე“, 640-647). ამ ადათის თანახმად, გოგონები გარკვეული დროის მანძილზე ტაძრის სამსახურში უნდა ყოფილიყვნენ. ერთ-ერთი ყველაზე გავრცელებული ხელდასხმა „არეფორობა“ იყო. ეს ამავე დროს საპატიო სამსახური გახლდათ, რომელიც კეთილშობილი ოჯახებიდან გამოსულ გოგონებს უნდა აღესრულებინათ. ამ გოგონებს, რომლებიც 7-დან 11 წლამდე ასაკისა უნდა ყოფილიყვნენ, თავად არქონტი ბასილევსი ირჩევდა. არეფორებს დაახლოებით 1 წლის განმავლობაში აკროპოლისზე უნდა ეცხოვრათ და ათენასთვის ემსახურათ. აქ ისინი უვლიდნენ ზეთისხილის წმინდა ხეს და იწყებდნენ ქალმერთ ათენასათვის მისართმევი პეპლოსის ბეჭვას. თავიანთ მსახურებას არეფორები აღასრულებდნენ არეფორიის მისტერიულ დღესასწაულზე, რომელიც ღამით გამართულ იდუმალ მსვლელობას წარმოადგენდა. გოგონებს თავდახურული კალათები საიდუმლო ჩასასვლელით ქვემოთ ჩაჰქონდათ და იქ, მღვიმეში ტოვებდნენ. აქვე იღებდნენ ისინი საბურველში გახვეულ უცხო საგნებს, დებდნენ კალათში და ისევ ზემოთ ამოჰქონდათ. არც ქურუმმა ქალმა და არც გოგონებმა არ იცოდნენ, თუ რა იდო კალათში, რადგან ეს საგნები გასაიდუმლოებულნი იყვნენ და მათი დასახელება არ შეიძლებოდა.¹⁹

ამ მისტერიულ სვლას არეფორების ხელდასხმაში მთავარი ფუნქცია ეკავა და როგორც ჩანს, გოგონების ინიციაციის რიტუალს წარმოადგენდა, რაც თავის მხრივ, საზოგადოებაში მათ ინკორპორაციას გულისხმობდა.²⁰

ტაძრისადმი ერთ-ერთი პოპულარული სამსახური „არქტეონი“ იყო, რომლის დროსაც გოგონებს ქალმერთ არტემისის სამსახურში აგზავნიდნენ. ათენში ეს ხელდასხმა ბრავრონიის არტემისის ტაძარში წარიმართებოდა (ბრავრონია ათენის მახლობლად მდებარეობდა). ამ მსახურების დროს გოგონებს დათვის — არტემისის წმინდა ცხოველის ზაფრანისფერ სამოსში გამოაწყობდნენ და ისინი, ვითარცა ძუ დათვისები, რიტუალურ ცეკვებს აღასრულებდნენ. ესეც გოგონათა ინიციაციის რიტუალს წარმოადგენდა. სავარაუდოა, რომ ამგვარი სამსახური იყო „ალეტრისიც“, რომლის შესახებაც, სამწუხაროდ, ცნობები თითქმის არ მოგვეპოვება.²¹

¹⁹ Burkert W., Greek Religion, Archaic and Classical, Basil Blackwell Publishing, 1985, (translated by J. Raffan), 229, Gould, 1980, 51.

თუ რას წარმოადგენდნენ კალათში მოთავსებული ნივთები მეცნიერებაში არაა დღესდღეობით დაზუსტებული. შესაძლოა, ეს ყოფილიყო გველი (ფალოსი). ასევე დასაშვებია, უფრო პროზაული ვარიანტი — ეს ნივთი შეიძლება ყოფილიყო ნავთით გაფუნთოლი შალის ნართავი, რომლითაც არეფორები ათენას ლამპარს წმენდნენ.

²⁰ რ. ცანავა, „მდებარე ღვთაებათა ზოგიერთი ფუნქციის ინტერპრეტაციისათვის მითსა და რიტუალში“ „მწებე“, თბილისი, 2000, 320.

²¹ ცანავა, 2000, 315.



ქალები ორი ტიპის რელიგიურ დღესასწაულში იღებდნენ მონაწილეობას. პირველი მათგანი სპეციფიკურად ქალური დღესასწაულები, მეორე კი — საჯარო დღესასწაულები გახლდათ.

თავის მხრივ, ქალთა დღესასწაულებიც განსხვავდებოდნენ ერთმანეთისაგან, მაგრამ ერთი საერთო ნიშანი მაინც ჰქონდათ — ზემის დღეები ცხოვრების ჩვეული მიმდინარეობის შეწყვეტად და ქალაქისთვის ავებდით დღეებად მოიაზრებოდა. ყველაზე სპეციფიკურ და ამასთან ძალზე პოპულარულ ქალთა დღესასწაულს თესმოფორიები წარმოადგენდა. იგი დემეტრეს პატივსაცემად გამართულ კულტმსახურებათა შორის უმთავრესი იყო. თავისი შინაარსით, თქმა არ უნდა, იგი აგრარული დღესასწაული გახლდათ. მაგრამ ჩვენთვის ის უპირველესად საინტერესოა, როგორც ქალთა დღესასწაული, რომელშიც ამგვარი კულტმსახურებისთვის დამახასიათებელი ნიშნები ფრიად გამოკვეთილად იყო წარმოდგენილი. და მაინც რითი იყო თესმოფორიები ასეთი განსაკუთრებული? დღესასწაულის დღეებში ქალები ემოჯნებოდნენ მამაკაცთა საზოგადოებას, ქმნიდნენ თავიანთ ორგანიზაციას, ირჩევდნენ წინამძღოლს, სამი დღით ტოვებდნენ სახლს და ცალკე, თესმოფორიონის ტაძარში იკრიბებოდნენ ისე, რომ ლამითაც არ ბრუნდებოდნენ შინ. თესმოფორიებს მხოლოდ ქალები წარმართავდნენ. არა მარტო მამაკაცებს, არამედ ქალიშვილებსაც ეკრძალებოდათ მასზე დასწრება. ეს კი ქალთა დამოუკიდებლობას და შესაბამისად პატრიარქალური, ნორმალური წესრიგის რღვევას აღნიშნავდა. ოჯახის დაშლა, სქესთა განცალკევება, სექსუალური ურთიერთობის შეწყვეტა — ეს ხომ ინვერსიას და განადგურებას უდრიდა და ბუნებრივ მოვლენებსაც კითხვის ქვეშ აყენებდა. რამდენადაც ამ დღესასწაულს ქალები წარმართავდნენ, ისინი გარკვეულწილად ინვერსიულ ძალებთან ასოცირდებოდნენ. მაგრამ ამოტრიალებული რეალობა თესმოფორიების ფინალური აკორდი არ იყო. გადატრიალება წესრიგის დამყარებით მთავრდებოდა. ამაზე მეტყველებს თუნდაც ის, რომ დღესასწაულის ბოლო, მესამე დღეს — კალიგენა — მშენიერი დაბადება ერქვა (კალიგენა ასევე დემეტრეს ეპითეტია და აკეთილი ნაყოფის მომტანს²² აღნიშნავს. ამ სახელით მოუხმობდნენ სწორედ დემეტრეს თესმოფორიებზე და მას უხვი მოსავლის იმედს უკავშირებდნენ). ამის გარდა, ღორის გახრწნილი ნაწილებისა და დაფქვილი მარცვლების სპეციალურ ნაზავს, რომლებსაც ქალები დღესასწაულის დროს ამზადებდნენ, მინდორში მიმოფანტავდნენ.²² ისინი მიიჩნევდნენ, რომ ამ რიტუალს ნაყოფიერების მოტანა შეეძლო.

ინვერსია ისევ და ისევ სიცოცხლის და საზოგადოების არსებობის გასაგრძელებლად იყო საჭირო. შესაბამისად, ამ ტიპის დღესასწაულებში ქალის რელიგიურ როლს ორმაგი დატვირთვა ჰქონდა. ქალმა წესრიგი იმიტომ უნდა დაარღვიოს, რომ იგი შემდეგ ისევ იქნას აღდგენილი. ეს აუცი-

²² Burkert, 1985, 246.



ლებელია ისევ და ისევ ჩვეული რიტმისა და სიცოცხლის საკრალური უწყვეტობის დასამკვიდრებლად. შესაბამისად, ქალის ინვერსიული ქმედება საბოლოო ჯამში საზოგადოებრივი წესრიგის აღდგენას ემსახურებოდა.

ნორმალური ცხოვრებისეული რიტმის დარღვევას, წესრიგის გადატრიალებას კიდევ უფრო მკვეთრი ფორმით ვხვდებით დიონისურ ლენებებსა და ადონიებზე. ამ დღესასწაულებზე სექსუალური სტერილურობა და პრომისკუიტეტი ერთმანეთის თანასწორად არსებობდნენ.

ქალები აქტიურად მონაწილეობდნენ ქალაქის საჯარო დღესასწაულებში. ამათგან ათენში უმთავრესი პანათენაიების დღესასწაული იყო, რომელიც ქალღმერთ ათენა-პოლიასის დაბადების დღეს ეძღვნებოდა. პანათენაიები თავისი საზეიმო ელფერით ქალთა მისტერიული ზემოებისაგან მკვეთრად განსხვავდებოდა. ქალები ამ უმნიშვნელოვანესი დღესასწაულების ცენტრალურ ნაწილს წარმართავდნენ — ისინი საზეიმოდ მიართმევდნენ ქალღმერთ ათენას იმ პეპლოსს, რომელსაც თითქმის ერთი წლის განმავლობაში ქსოვდნენ. ამ პროცესის გარდა, ქალები საზოგადოების სხვა წევრებთან ერთად მონაწილეობდნენ დღესასწაულის მთავარ საზეიმო სვლაში. სხვადასხვა ასაკის ქალებს აქ სხვადასხვა ფუნქცია ეკისრებოდა. ქალწულები კანეფოროსებად ანუ „ქალათის მატარებლებად“ მსახურობდნენ. მათ გვერდით იყვნენ ასევე ახალგაზრდა ქალიშვილები, რომლებიც ჭურჭლით წყალს დაატარებდნენ (მათ „ლიტროფოროსებს“ და „ჰიდროფოროსებს“ უწოდებდნენ). ზრდასრულ ქალებს მსხვერპლშენიერის დროს სამსხვერპლო შეძახილის — „ოლილიგეს“ ძახილი ევალებოდათ. აქვე შეხედვით „პატივდებულ მოხუც ქალებს“ — ე.წ. გერაიებსაც. საჯარო დღესასწაულებში ქალთა ასეთი მრავალმხრივი მონაწილეობა, უდავოდ ნიშნავდა იმას, რომ ქალებს საზოგადოება თავის მთავარ წევრებად მოიაზრებოდა. ამასთან ადასტურებდა იმასაც, რომ ქალები საზოგადოების მიმართ სოლიდარულნი იყვნენ.

თავად ქალები თავიანთ რელიგიურ მსახურებას მნიშვნელოვნად თვლიდნენ. არისტოფანეს „ლისისტრატეს“ ქორო.რელიგიურ კულტმსახურებაში ქალთა მონაწილეობას მათი ნამდვილი მოქალაქეობის დასტურად მიიჩნევს. ეს კი მათ უფლებას აძლევს, რომ ქალაქს „სასარგებლო სიტყვით“ მიმართონ. გავიხსენოთ ასევე ქალი-პერსონაჟის განაცხადი ევრიპიდეს „მელანაიეს“ ზემოთ წარმოდგენილი ფრაგმენტიდან: „რელიგიაშიც, და მე ვფიქრობ, ეს ძალიან მნიშვნელოვანია, ჩვენ, ქალები, დიდ როლს ვასრულებთ“. ქალებთან ერთად ბერძენი კაცებიც უნიკალურ მნიშვნელობას ანიჭებდნენ საკრალურ სფეროში ქალთა მონაწილეობას — ასეთი ფართო სექტორის რელიგიური მსახურება სწორედ ამას ადასტურებს. მეტიც, ბერძნები ქალების წვლილს კულტმსახურებაში არა მარტო აუცილებლობად, არამედ საზოგადოებრივი წესრიგის და მისი უწყვეტობის გარანტიად მოიაზრებდნენ.



**დამოკიდებულება ქალის მიმართ –
ქალთმომკლავობითი
და ე. წ. „ფემინისტური ტენდენციები“**

და ბოლოს, რა შეიძლება ითქვას ქალის მიმართ დამოკიდებულების შესახებ ამ პერიოდში?

ვფიქრობთ, არ შეეცდებით, თუ ვიტყვით, რომ მეტწილად ქალისადმი დამოკიდებულება ქალთმომკლავობითი, ანუ მისოგინური იყო. ამგვარ მიმართებას უკონდა იმდენად გარკვეული საფუძვლები და ჩამოყალიბებული სტრუქტურა, რომელმაც მოახერხა თავი მოეყარა სხვადასხვა ტიპის არგუმენტებისთვის, რომ მას უკვე იდეოლოგია შეიძლება ეუნოდოთ. მაგრამ მისოგინური იდეოლოგია არ გახლავთ ამ პერიოდში ქალისადმი არსებული ერთადერთი დამოკიდებულება. ძვ.წ. V საუკუნე, განსაკუთრებით კი კლასიკური ეპოქის ბოლო ათწლეულები ძალიან საინტერესო, ურთულესი კითხვებით აღსავსე ხანა იყო, რომელიც ტრადიციულ მორალს მკაცრი გამოცდის წინაშე აყენებდა და საზოგადოებას გაბედულ და კრიტიკულ კითხვებს უსვამდა. გასაკვირი არ არის, რომ დროის მახასიათებელი ამგვარი კრიტიკული მიდგომა ქალისადმი დამოკიდებულებასაც შეეხო. სწორედ ამ პერიოდში ისახება ათენში ის უმნიშვნელოვანესი ტენდენციები, რომელთა საფუძველზე შემდგომ ეპოქებში შესაძლებელი გახდა ქალისადმი ახლებური მიმართება დაემყარებინათ.

რამ განაპირობა მისოგინური იდეოლოგიის წარმოშობა? ამისი მიზეზი რამდენიმე იყო. მაგრამ მათ შორის, ვფიქრობთ, უმთავრესი გახლდათ ის, რომ ამ იდეოლოგიას უნდა აეხსნა და გაემართლებინა ქალის დაქვემდებარებული სტატუსი და მისი იმგვარი ინკორპორაცია საზოგადოებაში, რომლის თაობაზეც ზემოთ გეჭონდა მსჯელობა.

ბერძნებს მტკიცედ სჯეროდათ, რომ მათ მიერ შექმნილი ქალაქ-სახელმწიფო – პოლისი ცივილიზაციის უმაღლესი ფორმა გახლდათ, თავად ცივილიზაცია კი ბუნებაზე მოპოვებული ურთულესი გამარჯვება იყო. ეს ამავდროულად წარმოადგენდა მამრი ავტორიტეტის გამარჯვებას, რომელმაც ბუნება/ქალი ხანგრძლივ, დამლუპველ, დაუნდობელ ბრძოლაში საბოლოოდ დაამარცხა. ქალის ასოცირება ბუნებასთან საერთოდ ძველი ხალხებისათვის და არა მარტო ბერძნებისთვის იყო დამახასიათებელი. შესაბამისად, მათ ცნობიერებაში სწორედ ქალი იყო დაკავშირებული იმ ირაციონალურ საწყისთანაც, რაც საზოგადოდ ბუნებას ახასიათებდა. ბერძნული მითების მთელ ციკლს წითელ ზოლად გასდევს მითოპოეტური ხატები იმ ქალებისა, რომლებიც თავიანთი სიმშაგით, ველურობით, ირაციონალური სულით კაცთა მოდგმას ღუპავენ. მაგრამ გარკვეული პერიოდიდან მოყოლებული კაცები ახერხებენ ამ მონსტრი, ბნელი, ბარბაროსი



და აეისმომასწავებელი არსებების დამარცხებას. სწორედ ამ გამარჯვებებს ალუელენენ ჰიმნებს და აფიქსირებენ ხელოვნების ნიმუშებზე. პარტენონის ცნობილი ფრიზები - „გიგანტომაქია“ და „ამაძონომაქია“ - სინათლის, ცივილიზაციის, მამრის გამარჯვებას ეძღვნება ბნელზე, ირაციონალურზე, მდებარზე. პესიოდეს კოსმოგონიური მითების წყება ზევსის საბოლოო გამარჯვებით მდებდრის გენერაციული ძალებით მართული უნიდელი წყობის დამარცხებაზე მოგვითხრობს, ჰომეროსისეული ჰიმნი აპოლონის მიმართ ღმერთის მიერ მდებდრისაგან შობილ ურჩხულთა დაძლევის უმღერის. სოფოკლე თავის ცნობილ საგუნდო პარტიკაში „ჰიმნი ადამიანს“, რომელიც ადამიანის გასაოცარ გამარჯვებათა შესახებ მოგვითხრობს, განსაკუთრებით გამოჰყოფს მამრის მიერ ბუნების სტიქიის - მიწის მოთვინიერებას და ამ გმირობას ადამიანის უმთავრეს გამარჯვებად, ბუნებასთან ბრძოლაში მამაკაცის ერთ-ერთ უმნიშვნელოვანეს დამსახურებად მიიჩნევს:

„გეას ღმერთთაგან ყველაზე დიადს,
გარდაუეალს და მარად მოუღლეღს,
ფიტაეს, როდესაც თავისი გუთნით
შებმულ ცხენებით ნლითი-ნლობით ხნავს ხოლმე მუღამ...“

(სოფოკლე, „ანტიგონე“, 338-341)²²

მაგრამ ბუნებაზე გამარჯვება მის მოსპობას არ გულისხმობდა. გამარჯვება გარკვეული ფორმით უნდა ყოფილიყო გამოხატული, რამეთუ ბუნება არ არის ის, რის გარეშეც ადამიანს შეუძლია იარსებოს. და ბერძნებმა სხვებთან ერთად ასეთი ფორმა ბუნების მოშინაურებაში დაინახეს. თუ ბუნებას მონესრიგებულ სახეს მისცემ, ამ შემთხვევაში იგი ასატანი იქნება ცივილიზაციისათვის. ქალის, როგორც ბუნების ერთ-ერთი იპოსტასის მონესრიგება ბერძნებმა ქორწინების ინსტიტუტს დააკისრეს. ის, რომ ქორწინება ქალის მოშინაურებას გულისხმობდა, განსაკუთრებით მკვეთრად იკითხება ასოციაციურ წყვილებში, რომლებშიც ბავშვის ჩასახვა (ქორწინების მიზანი) იგივე მიწის მოხვნაა, ქალის გათხოვება კი მასზე უღლის დადგმას წარმოადგენს, ისეთივე უღლის, როგორითაც ველურ ცხოველებს ათვინიერებენ.²⁴ ქორწინების შემდეგ გათხოვილი ქალები უკვე მისაღები ხდებოდნენ ბერძნული პოლისისათვის. პოლისმა მხოლოდ ამ ქალებს უბოძა თავისი უმაღლესი ძღვენი - მოქალაქის სტატუსი პეტერების, ხარჭების და მეძავეებისგან განსხვავებით, რომლებთაც ბერძნები პოლისის გა-

²² სოფოკლე, თებეს ტრაგედიები, ძველი ბერძნულიდან თარგმნა, ნინასიტყვაობა და კომენტარები დაურთო გ. ხომერიკმა, თბ., 1988.

²⁴ Gould, 1980, 53.



რეთ მდგომეზად, ე. წ. „სხვებად“ მოიაზრებდნენ, რამეთუ ისინი თავისუფალი, უღელდაუდგმელი ცხოვრების ნირს ენეოდნენ. მაგრამ მოუხედავად იმისა, რომ ბერძნებმა პოლისის სტრუქტურაში ქალს ამგვარი სახით დაუმკვიდრეს არსებობა, როგორც ჩანს, მათ მაინც ემინოდათ ქალებისა – იყვნენ კი ისინი საიმედონი ასეთი მოშინაურების შემდეგ? და მართლაც, დრო და დრო ბერძნულ ლიტერატურაში გამწარებული კაცების ხმა გაისმის, კაცებისა, რომლებიც გაცილებით ბედნიერი იქნებოდნენ ქალების გარეშე რომ ყოფილიყო შესაძლებელი არსებობა. გავიხსენოთ თუნდაც ერთ-ერთი ყველაზე ცნობილი მისოგინური ტირადა ქალებზე, რომელიც ქალთმობილეს პიპოლიტოსს ეკუთვნის. დედინაცვლის მიერ სარეცლის შეთავაზებით შეურაცხყოფილი პიპოლიტოსი სასონარკვეთილი მიმართავს ზეესს, ნუთუ არ შეიძლებოდა, რომ ადამიანების მოდგმა ქალთა გარეშე გაგრძელებულიყო, ნუთუ არაა შესაძლებელი შეილების ყიდვა, რათა ამით სახლში ცოლის ყოლისაგან განთავისუფლებულიყავითო (ეერიპიდე, „პიპოლიტოსი“, 615-651). ანდა იასონის დასკვნა მედეასთან პირველი შეხვედრის შემდეგ: „ნეტავი ბავშვები რაღაც სხვა გზით იზადებოდნენ და ქალი სულაც არ ერიოს ამ საქმეში. რამდენ უბედურებას გადაურჩებოდა კაცთა მოდგმა,“ – აცხადებს იასონი, რომელსაც წარმოდგენა არა აქვს, რას დაატეხს მისი შეილებს თავს ქალო-დედა მომავალში (ეერიპიდე, „მედეა“, 547-3).²⁸

ბუნებაზე ცივილიზაციის გამარჯვების ერთ-ერთი ყველაზე მკაფიო ლიტერატურულ გამოხატულებას ესქილეს ტრილოგია „ორესტია“ წარმოადგენს. ეს არის ტრაგედია, რომელიც დასახელებული გამარჯვების გარდა, ყველა იმ დანარჩენ გამარჯვებათ უმღერის, რომელიც ამას სდევს თან. ეს არის ახალი წყობის, ახალი სამართლის, მამრი ავტორიტეტის მიერ ძველი წყობის, ტომობრივი სამართლიანობის, დედის უფლებების დამარცხება, რაც ორესტეს მიერ კლიტემნესტრას მოკვლით და არეოპაგზე ამ მკვლელობის გამართლებითაა გამოხატული. ტრილოგია სრულიად ერთმნიშვნელოვნად წარმოგვიდგენს ახალი საზოგადოების ქვაკუთხედ პრინციპს – ამგვარი ტიპის პოლისის ფუნქციონირება მხოლოდ მაშინაა შესაძლებელი, თუ იგი ერთხელ და სამუდამოდ იტყვის უარს ოჯახურ, გვაროვნულ, სისხლისმიერი ნათესაობის უპირატესობაზე და შესაბამისად, მდედრის უფლებების უპირატესობაზე, მდედრისა, რომელიც ამ ინსტიტუტებთან თავისი არსით მჭიდროდაა დაკავშირებული. და რადგან ქალის სტატუსს ყველაზე მეტად ის განამტკიცებდა, რომ სწორედ დედა შობდა ბავშვს და აგრძელებდა სიცოცხლეს, მისი უფლებების დაკნინება უპირველესად სწორედ ამ უპირატესობის ჩამორთმევას შეეძლო. და ესქილეს ბერძნულ

²⁸ ეერიპიდე, „მედეა“, ძველი ბერძნულიდან თარგმნა ბ. ბრეგვაძემ, წინასიტყვაობა და კომენტარები რ. გორდეზიანისა, თბილისი, 1996.



ლიტერატურაში, ალბათ, ყველაზე გამოკვეთილად ბავშვის გაჩენაში ქალის მნიშვნელობას უკიდურესად ამცირებს, იქამდე, რომ შთამომავლობის ჩასახვაში უმთავრეს როლს მამრს — მამას აკისრებს.

„იგი, რომელსაც დედად ხმობენ, სულაც არ გახლავთ შვილის გამჩენი, მამრის თესლსა აღვივებს მხოლოდ, ნაყოფს შობს კაცი, ხოლო ქალი, ვით მასპინძელი ინახავს სტუმრის მობოძებულ ძვირფას საჩუქარს“

(ესქილე, „ევმენიდები“, 658-661).²⁶

ის ერთადერთი ხმა, რომელიც ორესტეს გამარჯვებას მოაპოვებინებს, ქალმერთ ათენას ხმაა. ათენა კი თავისი არსით დედის გარეშე შობილს განასახიერებს, რომელიც მამაკაცისადმი თავის თაყვანისცემას დაუფარავად აცხადებს:

„დედის მუცლიდან არ ვშობილვარ და მამაკაცი ქალს მიჩვევია, თუმცა არასდროს არ ვეუღლები, მაინც მას ველტვი მამალმერთის მთაყვანებელი“

(ესქილე, „ევმენიდები“, 736-738).

ჩვენ ზემოთ უკვე აღვნიშნეთ, თუ რამდენად მნიშვნელოვანი როლი შეიძინა ქალმა ოჯახში, რამდენად დიდად იყო მასზე დამოკიდებული ოიკოსის წარმატება, რამდენადაც აუცილებელი იყო ოჯახის წინსვლასა და კეთილდღეობისთვის ქალის მიერ მასზე დაკისრებული ფუნქციების პირნათლად შესრულება. მაგრამ ქალის ფუნქციის მნიშვნელობა ოჯახის მართლოდენ მატერიალური სივრცით არ ამოიწურებოდა. ცოლზე დიდად იყო დამოკიდებული ქმრის „მამაკაცური ღირსება“. „მამაკაცური ღირსების“ ცნება კი პატრიარქალური საზოგადოებისთვის ძალზე არსებითი, საგულისხმო ფენომენი გახლდათ. სწორედ ის, რომ ქალს ესოდენ მნიშვნელოვანი როლი ჰქონდა „მამაკაცური ღირსების“ შენარჩუნებაში, აძლევდა მას დაფარულ, ლატენტურ ძალაუფლებას, ზრდიდა მის გავლენას და მნიშვნელობას. ეს გარემოება ანიჭებდა ქალს ძალას არა მარტო იმისთვის, რომ არსებითად ემოქმედა ოჯახის „მამაკაცურ ნაწილზე“, არამედ იმისთვისაც, რომ ფაქტიურად დაეღუპა ისინი. ბუნებრივია, აღნიშნული საფრთხე კიდევ უფრო ზრდიდა შიშს ქალის ფაქტორის მიმართ. „ამიტომ ძალიან ადვილი გასაგებია, ქალის მოქმედებით თავმოყვარეობის შეღავნის გამო განაწყენებული მამაკაცი, თუ რატომ ცდილობდა მოეგონებინა ქალთა

²⁶ ესქილე, ორესტეა, ძველი ბერძნულიდან თარგმნა გ. სარიშვილმა, თბილისი, 1974. აქ და შემდეგ ვიზონებ გ. სარიშვილის თარგმანს.



სქესისათვის ხასიათის მანკიერი შტრიხები... ეს სწორედ ის თვისებებია, რომლებიც თავისთავად ამართლებს ქალის სრულ გაძევებას პოლიტიკური ცხოვრების სფეროდან და რომლებიც გასაგებს ხდის ქალზე გაბატონების აუცილებლობასაც.²⁷

ვფიქრობთ, დასახელებული ფაქტორები – კერძოდ საშიშროება იმისა, რომ ქალს არ მიეცევიან ოჯახი და ამდენად წარმატებით შეესრულებინა თავისი მოვალეობა, ისევე როგორც იმის საფრთხე, რომ ქალს „მამაკაცური ღირსებისათვის“ შეურაცხყოფა არ მიეყენებინა, წარმოგვიდგენენ დამატებით მიზეზებს, თუ რამ გამოიწვია ქალთმოძულეობითი იდეოლოგიის წარმოშობა. ამავე დროს ისინი აჩვენებენ იმ პრაქტიკულ საჭიროებასაც, რამაც ამ იდეოლოგიის ასეთი ფართო ფუნქციონირება განაპირობა.

უნდა ითქვას, რომ ბერძნებმა წარმატებით მოახერხეს ქალის უარყოფითი ხატის შექმნა. და მართლაც, ჩამოაყალიბეს იდეოლოგია, რომელიც ქალს მამაკაცთან შედარებით ყველა ასპექტში უფრო დაბალ საფეხურზე აყენებდა. მათ მტკიცედ სჯეროდათ, რომ ქალი ინტელექტუალურადაც და ფიზიკურადაც მამაკაცზე სუსტი იყო. ფიზიკური სისუსტე არ აძლევდა ქალს საშუალებას მონაწილეობა მიეღო საგარეო საქმიანობაში. არისტოფანეს ქალები შეძრწუნებულნი არიან, როცა შეიტყობენ, რომ თურმე ქალაქის უსაფრთხოება მათზე ყოფილა დამოკიდებული (არისტოფანე, „ქალები სახალხო კრებაზე“, 109). ასევე ბანალურია ქალთა ინტელექტუალური სისუსტის ხაზგასმით გამოკვეთა. გასაოცარი ის არის, როცა ქალი რაიმე ჭკვიანურს ამბობს, უფრო მეტიც, ბრძნულად მოქმედებს. ქსენოფონის აზრით, ქალი მამაკაცს აზროვნებით და სიძლიერით ჩამოუვარდება. მხოლოდ გარკვეულ საზღვრებში და სიძლიერით ჩამოუვარდება. მხოლოდ გარკვეულ საზღვრამდე შეიძლება აათვისებინო ქალს იგივე, რაც მამაკაცს, მაგრამ ნურას უკაცრავად, ამ საზღვრის ზევით (ქსენოფონი, „სიმპოსიონი“, 2, 9).

ფიზიკურად და ინტელექტუალურად სუსტი არსებები – ქალები, ბუნებრივია, მორალურად სრულყოფილნი ვერ იქნებოდნენ. ყოველ შემთხვევაში ბერძნებს ასე მიაჩნდათ. ისინი ქალებს ალბათ ნივთად, ან უბრალოდ უგუნურ სულიერ არსებებად სახავდნენ, რადგანაც თვლიდნენ, რომ ქალებმა, შეიძლება არც კი აგონ პასუხი ჩადენილ დანაშაულზე. ამ მხრივ ალბათ ტიპურია ქალის შედარება ცხვართან ან ცხენთან, რომელიც ქსენოფონს მოჰყავს. ცხენს ან ცხვარს თუ რაიმე არ უფარგათ, ამას ხომ ჩვენ მეფინიბეს ვაბრალებთ, შესაბამისად, მისი აზრით, თუ ქალს ნაკლი აქვს, შეიძლება დაფუშვათ, რომ მას მიუძღვის ამაში ბრალი, მაგრამ უმთავრესად პასუხისმგებლობა მისმა ზედამხედველმა მამაკაცმა უნდა იკისროს (ქსენოფონი, „ოიკონომიკოსი“, 3, 11).

²⁷ Pitt Rivers, *The Fate of Shechem or the Politics of Sex, Essays in the Anthropology of the Mediterranean*, Cambridge, 1977, 80.



ბერძნები თვლიდნენ, რომ ესოდენ არასრულყოფილ ქმნილებებს არსებობის შესანარჩუნებლად დასჭირდებოდათ გარკვეული თვისებები. ეს თვისებები კი აუცილებლად მანკიერნი იქნებოდნენ. ასე მაგალითად, მტრის დამარცხება, მათი აზრით, ქალს მხოლოდ მოტყუებით ან მონამვლით თუ შეეძლო (არისტოფანე, „ქალები სახალხო კრებაზე“, 238). ქალებმა ათასგვარი ხრიკის და ტყუილის მოგონება, ათასნაირი ხლართის დაგება იცოდნენ, რათა მიზნისთვის მიეღწიათ. ქალს მშვენიერად ეხერხებოდა მლიქვნელობაც. ბუნებით ეჭვიანი ქალი ხშირად ხდებოდა შურისმძიებელი, და ა. შ. (ვერიბიდე, „ანდრომაქე“, 911 და შმდგ.).

და მაინც, ქალების ამ მართლაც თვალისმომჭრელ მანკიერ თვისებათა გალერეაში ბერძნები, როგორც ჩანს, ყველაზე დიდ მანკიერებად ქალის ზღვარსგადაცილებულ სექსუალურობას თვლიდნენ, თვისებას, რომელიც ყველაზე საშიში გახლდათ, როგორც ოჯახის დანგრევისათვის, ასევე „მაკაკურნი ღირსების“ ფენომენისათვის. ეს შიში, ალბათ, ქალის ექსცესური სექსუალობის წარმოდგენას ქმნიდა. ამ თვალსაზრისის ერთ-ერთ ყველაზე მკაფიო გამოხატულებას ტირესიასის შესახებ გადმოცემა წარმოადგენდა. მითის თანახმად, ზევსი და პერა ერთმანეთში დიდხანს დაეობდნენ, თუ რომელი სქესი იღებდა უფრო მეტ სიამოვნებას სექსუალური ურთიერთობიდან. და რადგანაც ვერ შეთანხმდნენ, მისან ტირესიასს მიმართეს, რომელსაც შეეძლო ყოფილიყო კაციც და ქალიც. მაშინ ტირესიასმა მათ უპასუხა, რომ მაკაკაცთან შედარებით ქალი ათჯერ მეტ სიამოვნებას იღებდა (პესიოდე, „მელამპოღია“, ფრ. 275). და რამეთუ ქალის ნილ ამხელა სიამოვნება მოდიოდა, ბუნებრივად გამომდინარეობდა დასკვნაც – სექსუალურ სფეროში ქალს თავის შეკავება ნაკლებად შეეძლო, განსაკუთრებით საშიში კი სწორედ ის ქალი შეიძლება გამხდარიყო, ვისაც სარეცელში მეტოქეობას გაუწევდნენ (ვერიბიდე, „მედეა“, 569-75). ქალის სექსუალობის მიმართ ასეთი შიში, ბუნებრივია, ქალის ასექსუალობას აიდეალებდა. ამიტომაც, ალბათ, ქალებზე სიმონიდესის სატირაში ყველაზე უკეთესია ის ქალი, რომელიც ფუტკარს ჰგავს. ქალი-ფუტკარი საუცხოოა არა მარტო იმიტომ, რომ იგი ფუტკარივით მოფუსფუსე, გამრჯე და მოუცლელია, არამედ იმიტომაც, რომ იგი ფუტკარივით ინდიფერენტულია სექსუალური ურთიერთობის მიმართ (სიმონიდესი, „სატირა ქალებზე“, 7, 90-91).

მისოგინური პოზიციის კვინტესენციას პანდორას შესახებ პესიოდეს ცნობილი მითი წარმოადგენს. ზევსმა ადამიანების დასასჯელად ახალი უბედურება მოიგონა. მან უბრძანა ჰეფესტოსს, გამოეძერწა მინისაგან ქალი, შეამკო იგი ღმერთთა საუკეთესო თვისებებით, უნოდა მას პანდორა (პანდორა ნიშნავს ყველასაგან დასაჩუქრებულს), მისცა ქალს ჭურჭელი, რომელშიც თავმოყრილი იყო ყველა შესაძლო უბედურება, ავადმყოფობა,



ჭირი და ამ ჭურჭლით და გარკვეული დარიგებებით გამოუშვა ადამიანებთან, როგორც „მშვენიერი ბოროტების“ ხატება. უგუნურმა ეპიმეთევსმა პანდორა ცოლად შეირთო. აი, მაშინ კი მოხდა პანდორამ თავი ზევსის მიერ გამოტანებულ ჭურჭელს და ამოფრინდა იქიდან ყოველივე საზარელი, მხოლოდ იმედი დარჩა ჭურჭლის ძირში, რადგან პანდორამ სასწრაფოდ დახუფა ჭურჭელი ზევსის გაფრთხილების შესაბამისად (პესიოდე, „სამუშაონი და დღენი“, 47-105). პანდორას შემდეგ წარმოიქმნა ქალთა დამღუპველი მოდგმა – ჩვენდა საუბედუროდ, ისინი ჩვენთან ცხოვრობენ, მაგრამ ჩვენი თანამგზავრნი მხოლოდ სიმდიდრეში არიან – ასკენის პესიოდე (პესიოდე, „თოგონია“, 591 და შმდგ).

როგორც აღვნიშნეთ, მეხუთე საუკუნის ბოლო ათწლეულში ქალისადმი დამოკიდებულების სფეროში ახალი, კარდინალური ცვლილებები იკვეთება. ეს უმნიშვნელოვანესი გარდატეხა უპირველესად დიდი ბერძენი ტრაგიკოსის – სოფოკლეს სახელს უკავშირდება. სოფოკლე დაუვინყარი და ლეგენდარული გმირი ქალების სამყაროს ქმნის. მისი გმირები იდეალურები არიან – იდეალურნი არიან, როგორც მისი მამაკაცი პერსონაჟები, ისე ქალებიც. ეს კი ნიშნავს, რომ დრამატურგმა უკან გადასწია სქესის ფაქტორი, ქალი მამაკაცს პიროვნულად გაუთანაბრა და ამით იგი სოციალურად წინ წამოსწია. მართლაც, სოფოკლეს გმირი ქალები იმავე თვისებებით ხასიათდებიან, რითაც დრამატურგის მამაკაცი პერსონაჟები. ქალებს – ანტიგონეს და ელექტრას მამაკაცთა მსგავსად გამძაფრებული აქვთ მოვალეობა მშობლების და ნათესავების მიმართ, მოვალეობა ღმერთებისადმი. ამავე დროს მათში მოჭარბებულია სირცხვილის გრძნობაც. იდეალური თვისებებით შემკულ ქალებს, სოფოკლეს მამაკაცი პერსონაჟების მსგავსად, აკლიათ „სოფროსინე“ (კეთილგონიერების ბერძნული იდეალი). ისინი არიან თავდაჯერებული, ბობოქარი, მტკიცე ადამიანები, რომლებიც მოქმედებენ დაუფიქრებლად, რამეთუ სოფოკლეს გმირები, იდეალურობის მიუხედავად, მაინც ადამიანები არიან. ტრაგედიებში სოფოკლეს ქალები უპირისპირდებიან მამაკაცებს და საინტერესოა ის, რომ ამ დაპირისპირებაში მორალური უპირატესობა სწორედ ქალების მხარესაა. მაგრამ ამავე დროს არც ანტიგონე და არც ელექტრა არ არიან ტრადიციული „ქალური ქალები“, მეტიც, თავიანთი საქციელით ისინი ქალის ბერძნულ იდეალს მკვეთრად უპირისპირდებიან. ცხადია, მათი საქციელი არ იქნებოდა ადვილი მისაღები ტრადიციული ათენელი მაცურებლისათვის. მაგრამ სოფოკლეს ქალები ანგარიშს არ უწევენ ისეთ პირობითობას, როგორიცაა საზოგადოების მიერ სქესთათვის დადგენილი ნორმები, რადგან მიაჩნიათ, რომ ისინი უფრო მაღალ ღირებულებათ ემსახურებიან. ტრაგედია „ანტიგონეს“ ფინალში ნათლად ჩანს დიდი დრამატურგის მრწამსი – როცა საქმე ღმერთებს ეხება, სქესთა შორის არ შეიძლება იყოს განსხვავება.



სოფოკლემ, როგორც ჩანს, ქალისადმი დამოკიდებულების ძველ პოზიციას, ტრადიციულ მორალს სუსტი წერტილი უშოვა, ჩაავლო ხელი ამ იდეოლოგიის საფუძვლებს და შეარყია. ფაქტი ერთია, დიდი დრამატურგი თავისი დამოკიდებულებით აშკარად უსწრებდა წინ თავის დროს. თუმცა საინტერესოა ის, რომ ამგვარი ქალი პერსონაჟების შემქმნელ დრამატურგს, სოფოკლეს, მაინც არ გამოუწვევია საზოგადოების გალიზიანება. ბერძნული საზოგადოება, ალბათ, ინტუიტიურად გრძნობდა იმას, რომ სოფოკლეს ყოველივე ამის მიუხედავად, ქალის მხარე მაინც არ ეჭირა.

აი, ევრიპიდემ, სოფოკლეს უმცროსმა თანამედროვემ კი ათენის საზოგადოება ძალიან გააღიზიანა, შესაძლებელია იმიტომ, რომ ათენელები ფიქრობდნენ – ევრიპიდე ქალის პოზიციიდან ლაპარაკობსო. პარადოქსია, მაგრამ ფაქტია, ერთსა და იმავე მწერალს ქალებთან დამოკიდებულების თვალსაზრისით ტრადიციამ და თანამედროვეობამ განსხვავებული შეფასება მისცა. პირველმა იგი „ქალთმოძულედ“, მეორემ – პირველ ფემინისტად მონათლა. მიზეზი ალბათ ის იყო, რომ მოვლენებისადმი ევრიპიდეს დამოკიდებულება თითქმის არასოდეს განისაზღვრებოდა ერთმნიშვნელოვნად.

და მაინც, რა იყო საყურადღებო ევრიპიდესთან ქალებისადმი დამოკიდებულების თვალსაზრისით? უპირველესად ის, რომ ევრიპიდეს აინტერესებდა ქალთა სქესი, როგორც დამოუკიდებელი ფენომენი. მას უნდოდა გაერკვია მათი სპეციფიკური მახასიათებლები, მათი მოტივები ამა თუ იმ საქციელის მიღმა. ყველაზე უკეთ მისი ეს ინტერესი სქესთა ურთიერთობის წარმოჩენისას გამოიხატა. თავისი შემოქმედების სხვადასხვა ეტაპზე, მწერალი ისევ და ისევ ქალისა და მამაკაცის ურთიერთობის თემას უბრუნდება. სწორედ ევრიპიდემ შემოიტანა ტრაგიკული ფანრისთვის სრულიად უცხო – სიყვარულის თემა და ამით, ფაქტობრივად, საფუძველი ჩაუყარა კიდევ ამ მოტივის თანამედროვე ლიტერატურაში. ათენელი ტრადიციული მაცურებლისათვის მართლაც ძალზე ძნელი აღმოჩნდა, მიეღო ევრიპიდეს ქალთა უმეტესობა. მის ქალებთაგან ზოგიერთი ხომ არად დაგიდევს ტრადიციულ მორალს. ალბათ გაუგებარი იყო მათთვის მედეას პოზიცია, რომელიც არ იზიარებდა ქორწინებაში მამაკაცის და დედაკაცისთვის დადგენილ ნორმას, და რომელიც თავს მამაკაცის თანასწორ პარტნიორად მიიჩნევდა. ევრიპიდე თვლიდა, რომ მისი დროის საქორწინო იდეალს აშკარად გადახედვა ესაჭიროებოდა. ვფიქრობთ, სქესთა ურთიერთობაში მწერლის იდეალს პარმონიული ცოლ-ქმრობა წარმოადგენდა, რომელიც მეუღლეების სრულ ურთიერთგაგებაზე უნდა ყოფილიყო დამყარებული. იყო კი ამგვარი რამ სრულიად უცხო ბერძნული ცნობიერებისთვის? – რასაკვირველია, არა, თუ გავიხსენებთ ჰომეროსს, რომელმაც ევრიპიდემდე დიდი ხნით ადრე, „ოდისეაში“ ქორწინების ბერძნული იდეალი ოდისეესის და პენელოპეს ურთიერთობით გამოხატა.



მაგრამ ვერიპიდეს ეპოქაში ეს მივინყებული ქეშმარიტება ხელახლა აღმოსაჩენი გახდა – ფონი ხომ ის მისოგინური იდეოლოგია იყო, რომელმაც პანდორას მითი, ქალებზე სიმონიდესის და ფოკილიდესის მწარე სატირები წარმოქმნა.

თუმცა ვერიპიდეს ნოვატორობა არ შემოფარგლულა ორივე სქესის ღირებულებათა აუცილებლობის ჩვენებით მხოლოდ ოჯახურ სივრცეში. მან ქალისა და მამაკაცის ფასეულობათა საჭიროება უფრო მაღალ – საზოგადოებრივ დონეზე დააყენა. ხომ არ დადგა დრო, გველიარებინა, რომ საზოგადოებას მამაკაცური ღირებულებები მდებდრობითის დათრგუნვის ხარჯზე აქვს გადაჭარბებით შეფასებული? ვერიპიდე ისევე უბრუნდება ბუნებას კულტურის დაპირისპირების ძველ თემას, მაგრამ იგი სრულიად რევოლუციურ განაცხადს აკეთებს – არის კი სწორი მკვეთრად დეაპირისპიროთ ისინი ერთმანეთთან? თუმცა მთავარი კითხვა, რომლის გარშემოც ისევე და ისევე ტრიალებს ათენელი დრამატურგი ვფიქრობთ, მაინც შემდეგში მდგომარეობს – მოიპოვა კი ადამიანმა საბოლოოდ ბუნებაზე ის გამარჯვება, რომლის შესახებაც მან ასე ამაყად გამოაცხადა?

ამ კითხვებს კი მოჰყვა მართლაცდა გენიალური ტრაგედია. ეს „ბაკქი ქალები“ გახლდათ. მიუხედავად იმისა, რომ პიესაში ძველი და ნაცნობი თემები თამაშდება, თავად დასკვნა სრულიად ნოვატორულია. თუმცა აქ გამარჯვებული არც ერთი მხარე არაა, მამრობითი სანყისის განადგურება მაინც ძალზე შთაბეჭდავია – ილუპება პენთეუსი, მეფე და ქალაქი. მოვლენათა ამგვარი წარმოჩენით ვერიპიდე, შესაძლოა, პასუხობდა კიდევ ზემოთ დათსულ შეკითხვას. პასუხი კი ასეთი იყო, – როგორც ჩანს, ადამიანმა მაინც ვერ გაიმარჯვა საბოლოოდ ბუნებაზე. ალბათ ბუნებაზე გამარჯვება შეუძლებელია, შესაბამისად დადგა დრო, რომ საზოგადოებამ გარკვეული ფორმით ირაციონალურის მიღების აუცილებლობა აღიაროს.

/და ბოლოს, ვფიქრობთ, ქალისადმი ამ ახალი დამოკიდებულების – პირობითად „ფემინისტური პოზიციის“ დაგვირგვინებად შეიძლება ჩაითვალოს პლატონისეული, უფრო სწორედ სოკრატე-პლატონისეული დოქტრინა. ქალთა ახლებური ცხოვრების მოდელს თავის იდეალურ სახელმწიფოში პლატონი ორ ნაწარმოებში „სახელმწიფოსა“ და „კანონებში“ გვთავაზობს. ფილოსოფოსის პირველი და უმთავრესი კითხვა ძველ, ნაცნობ პრობლემას ეხება – არის ქალი უკვე თავისი ბუნებრივი მონაცემების გამო დაქვემდებარებული არსება, თუ ქალისთვის დამახასიათებელი თვისებები, მისი შესაძლებლობანი, შეიძლება სოციალური გარემოთი ავხსნათ – გარემოთი, რომელიც უბრალოდ არ აძლევს ქალს სხეანაირი განვითარების შესაძლებლობას? სოკრატეს აზრით, ქალსა და კაცს შორის ისეთივე განსხვავებაა, როგორიც თმთან და უთმო მამაკაცს შორის. ადამიანები ხომ არ ვანსხვავებთ ძაღლებს სქესთა მიხედვით? თუ მდებდრ ძაღლს მამ-



რივით გავწვრივით, ისიც ხომ შეასრულებს თავის მოვალეობას – ინადირებს ანდა სახლს უდარაჯებს. გაუწვრივნილი კი არც ერთი სქესისა არ გამოადგება ადამიანს. სოკრატე არსად არ ამბობს, რომ ქალები და კაცები არიან თანაბარნი, მაგრამ იგი უშვებს მათი თანასწორობის შესაძლებლობას. ბუნებრივია, ასევე სოკრატე, ჩვენ არ შეგვიძლია ვინინასწარმეტყველოთ, თუ როგორი იქნებიან ქალები სწორი აღზრდის შემთხვევაში. მაგრამ ის, რომ ქალები არ იღებენ იმავე განათლებას, რასაც მამაკაცები, ნამდვილად არ არის მოსაწონი. ამიტომ იდეალურ სახელმწიფოში ბიჭებმა და გოგონებმა ერთნაირი აღზრდა-განათლება უნდა მიიღონ – ისწავლონ მუსიკა, ხელი მიჰყონ გიმნასტიკას, შეისწავლონ სამხედრო საქმე. იმ ქალებს კი, რომლებიც წარმატებით გაივლიან შეჯიბრებას და გადარჩევის პროცესს, შეეძლებათ მამაკაცების თანაბრად სახელმწიფოს დამცველნი – დარაჯნი გახდნენ. და რადგან საშუალო მონაცემების ქალი ცუდ მამაკაცს აშკარად სჯობს, ამიტომ სახელმწიფო ქალის სამსახური არ უნდა უგულვებლყოს. იდეალური სახელმწიფო საშუალებას მისცემს ქალს თავისი ფარული ნიჭი და შესაძლებლობანი სრულად გამოავლინოს. მეტიც, მას მმართველიც კი შეუძლია გახდეს.

სახელმწიფო ასპარეზზე ქალის ამგვარი მასშტაბით გამოყვანა, ბუნებრივია, ოჯახის არსებული ტიპის შეცვლას გამოიწვევდა, რადგან ქალები საოჯახო საქმეებიდან და ბავშვის აღზრდის მოვალეობიდან უნდა გამოთავისუფლებულიყვნენ. ამიტომ უმაღლეს – დარაჯთა კლასში ფილოსოფოსმა ახალი ტიპის შეუღლება შემოიტანა, რაც ევგენისტური პრინციპებიდან გამომდინარეობდა – საუკეთესო სახელმწიფოსთვის აუცილებელი იყო საუკეთესო შთამომავლობის, უმაღლესი რასის შექმნა, რისთვისაც ერთმანეთს ორივე სქესის საუკეთესო წარმომადგენლები უნდა შეუღლებოდნენ. ყველაფერი სახელმწიფოს ინტერესების სამსახურში – ასეთი გახლდათ პლატონისეული იდეალური სახელმწიფოს ბაზისური პოსტულატი. მაგრამ საუკეთესოთა შეუღლება ჩვეულებრივი ქორწინება არ იყო, რადგან თავიანთ შვილებს „საუკეთესონი“ თავად როდი ზრდიდნენ, ბავშვები დაბადებისთანავე თანამდებობის პირთა ხელში გადადიოდნენ, რომლებიც მათ აღზრდას ხელმძღვანელობდნენ. შესაბამისად, იშლებოდა ოჯახი, როგორც ასეთი, მშობლებს საერთოდ არ უნდა სცოდნოდათ თავიანთი შვილები, ფაქტობრივად უქმდებოდა მშობელთა და შვილთა ინსტიტუტი. რათა და-ძმებს შორის ინცესტი თავიდან აგვერიდებინა, პლატონის აზრით, ერთი ასაკის ბავშვები ერთმანეთის და-ძმებად უნდა ჩაგვეთვალა და მათ შორის სექსუალური ურთიერთობა აგვეკრძალა. პლატონის მიხედვით, ყოველივე ამის შემდეგ თავად სახელმწიფო ერთი ოჯახი გახდებოდა (პლატონი, „სახელმწიფო“, V).



მოგვიანებით პლატონმა იდეალური სახელმწიფოს ამ მოდელში არსებითი ცვლილებები შეიტანა. ფილოსოფოსმა „კანონებში“ ოჯახთან მიმართებაში თავისი მოსაზრებები შეცვალა, უფრო ზუსტად რომ ვთქვათ, მან „კანონებში“ ოჯახი აღადგინა. ამასთან დააწესა უმკაცრესი კანონები პირად ცხოვრებაზე და სქესობრივი ურთიერთობის მაქსიმალური შეზღუდვა მოითხოვა, თუ ეს უკანასკნელი შთამომავლობის გაგრძელებას არ ისახავდა მიზნად (პლატონი, „კანონები“, VI-VII).

უთუოდ საინტერესოა, რომ პლატონისეული მოდელი საკმაოდ სიცოცხლისუნარიანი აღმოჩნდა და მის ცალკეულ კომპონენტებს მრავლად ვხვდებით სხვადასხვა ეპოქის სხვადასხვა პოლიტიკურ სისტემაში.

ოჯახის და სახელმწიფოს ურთიერთობის პლატონისეული მოდელი კიდევ ერთხელ ცხადყოფს, რომ ქალის როლის ცვლილება ყოველთვის სახელმწიფოს მთლიანი ტრანსფორმაციის ნაწილს წარმოადგენდა. ხშირად ქალის და მამაკაცის თანაბრობის პლატონისეული პოსტულატი ლიბერალური აზროვნების მაგალითად მოჰყავთ. მაგრამ ამასთან ერთად, არ უნდა დაგვაიწყდეს, გვაფრთხილებს მ. არტური, რომ ბერძნები ოჯახში სქესთა როლების ცვლილებას ოჯახში აუცილებელ, თუმცაღა მეორეხარისხოვან პრობლემად მიიჩნევდნენ. უმთავრესი მათთვის ყოველთვის სახელმწიფოს მონყობის საკითხი იყო.²⁸

კლასიკურის შემდგომ ეპოქაში – ელინისტურ პერიოდში შეიცვალა ქალის მიმართ დამოკიდებულება და ქალის ფაქტობრივი მდგომარეობაც. ის მუდმივი პრობლემა, თუ რომელი უსწრებდა დროში – ქალის მდგომარეობის, თუ მისადმი დამოკიდებულების ცვლილება, ალბათ, გადაუჭრელი დარჩება. მაგრამ ერთი ფაქტია, მხატვრულ აზროვნებაში წარმოქმნილმა ტენდენციებმა ძველ კლიშეებს, ძველ სტერეოტიპებს საკმაოდ შეურყია საფუძველი. ტრადიციულის გვერდით მძლავრად მოიკიდა ფეხი ახალმა კულტურულმა იდეალებმა. ელინისტურ ეპოქაში ჩვენ უკვე ვხვდებით ქალებს, რომლებიც მნიშვნელოვან საკუთრებას განკარგავენ, ქალებს, რომლებიც სხვადასხვაგვარ საზოგადოებრივ ნაგებობებს აშენებენ და ასევე ქალებს, რომლებიც უმადლეს სახელმწიფო თანამდებობებსაც კი იკავებენ. ყოველივე ეს კლასიკური პერიოდის ქალებისთვის სრულიად გამორიცხული იყო.

²⁸ Arthur, 1977, 81-82.





ქალი ელინისტურ სამყაროსა და რომში



„შენა ხარ ჩემი სიმშვიდე უმძიმესი დაღლილობის
ჟამს, სიხარული ხარ მწუხარებაში“.

(პლინიუს უმცროსი, წერილები, VII, 5)

ძვ.წ. IV საუკუნიდან ბერძნული სამყაროს განვითარებაში იწყება პერიოდი, რომელსაც მეცნიერებაში ჩვეულებრივ, პოლისური იდეოლოგიის კრიზისის ხანად მიიჩნევენ. არსებითად ეს კრიზისი იმით გამოიხატა, რომ საზოგადოებრივი ცხოვრების პოლისური ორგანიზაციის პრინციპმა, რომელმაც ესოდენ დიდი წარმატებები მოუტანა ბერძნულ კულტურას და ე.წ. ქალაქ-სახელმწიფოებს არქაიკისა თუ კლასიკის ეპოქაში, პელოპონესოსის ომების შემდგომ არსებითად ამოწურა თავისი თავი და, გარკვეული თვალსაზრისით, იმდროინდელ მსოფლიოში მიმდინარე პროცესების კონტექსტში ერთგვარ ანაქრონიზმადაც იქცა. როდესაც ვსაუბრობთ ამ პროცესებსა და მათთვის დამახასიათებელ ტენდენციებზე, უპირველეს ყოვლისა, ვგულისხმობთ ძველი სამყაროს ლტოლვას ინტეგრაციისაკენ, ერთიანობის ახალი ფორმების მოწაზვისაკენ. როგორც ცნობილია, ერთის მხრივ სპარსეთმა, ხოლო მეორეს მხრივ საბერძნეთმა, კაცობრიობას შესთავაზეს განვითარების ორი გზა: ე.წ. აზიური და ევროპული. პირველისათვის დამახასიათებელი იყო მონარქის ნებაზე აგებული ცენტრალიზებული იმპერიისაკენ სწრაფვა, რომელშიც მთელი ხალხი და საერთოდ იმპერიის ყოველი მოქალაქე დაექვემდებარებოდა ღმერთთან გათანაბრებული ერთმმართველის ნებას, ხოლო მეორესათვის პირიქით, ლტოლვა დეცენტრალიზაციისა და თავისუფალ მოქალაქეთა მიერ შექმნილი კანონების მეუფებისაკენ. შესაბამისად, პირველ მოდელში, არსებითად, საკმაოდ შეზღუდული იყო მოქალაქის პიროვნული თავისუფლება, მაგრამ სახელმწიფოს შეეძლო ვეებერთელა სტრუქტურის ფარგლებში ემართა პროცესები. მეორე მოდელში კი პირიქით, ძალზე დიდი იყო მოქალაქის პიროვნული თავისუფლება, მაგრამ, სამაგიეროდ, სახელმწიფო იყო იმდენად პა-



ტარა, რომ მას ძალზე უჭირდა გლობალური პრობლემების მართვა. ამავე დროს კომუნიკაციების გაფართოება, ძალზე ინტენსიური კონტაქტები სხვადასხვა რეგიონს შორის, ცივილიზაციის სწრაფი განვითარება აშკარად უბიძგებდა ძველ სამყაროს ინტეგრაციის ახალი ფორმების მონახვისაკენ, რომლებშიც, გარკვეული თვალსაზრისით, გაერთიანებული იქნებოდა ცენტრალიზებული სახელმწიფოს ფუნქციონირებისა და მოქალაქეთა პიროვნულ თავისუფლებაზე აგებული საზოგადოების ორგანიზაციის პრინციპები. სამწუხაროდ, გვიან კლასიკურმა საბერძნეთმა, რომელსაც საკმაოდ ღრმად ჰქონდა გამჯდარი პოლისური ცხოვრების წესი და პოლისური იდეოლოგია, სახელმწიფოთა პოლიტიკური ორგანიზაციის დონეზე ვერ შეძლო დროულად გადასვლა განვითარების ახალ საფეხურზე, თუმცა თეორიული აზროვნების დონეზე მან რამდენადმე სწორად დასვა ინტეგრაციის აუცილებლობის საკითხი.¹ შესაბამისად, კრიზისმაც არ დააყოვნა: ის, რაც საკმაოდ ეფექტურად მოქმედებდა ძვ.წ. V საუკუნეში, შემაფერხებლად იქცა ძვ.წ. IV საუკუნისთვის და აღბათ ელინურ სამყაროს დაემუქრებოდა რეალური საფრთხე უკიდურესი დაქუცმაცებისა და, ბოლოს და ბოლოს, აღმოსავლურ მოდელთან შერწყმისა, რომ არა მაკედონური ფაქტორი. ჯერ ფილიპე მეორე ახერხებს ელინურ ღირებულებებზე ორიენტირებული სამყაროს გარკვეულ გამთლიანებას ერთ სახელმწიფო ორგანიზმად, ხოლო შემდეგ კი ალექსანდრე მაკედონელი იწყებს ახალ ეტაპს ძველი მსოფლიოს განვითარებაში. მისი ლაშქრობების შედეგად სულ რაღაც მოკლე პერიოდში ნარმოიქმნება ვეებერთელა სამყარო, ფაქტობრივად, მსოფლიო სახელმწიფო, რომელსაც დროიზენის შემდეგ მეცნიერებაში ელინისტურს უწოდებენ. როგორც ჩანს, ალექსანდრე მაკედონელი არ იყო ჩვეულებრივი დამპყრობელი, მას არ უცდია ერთი ქვეყნის პოლიტიკური მმართველობისათვის დაექვემდებარებინა მის მიერ დაპყრობილი უზარმაზარი ტერიტორიები და მრავალრიცხოვანი სახელმწიფოები. მან სცადა მოენახა შესაძლებლობა ევროპისა და აზიის გაერთიანებისა, ელინურ-ევროპულისა და სპარსულ-აზიურის შერწყმისა. შესაბამისად, მისი ძირითადი მიზანი იყო, ერთის მხრივ, ცენტრალიზებული სახელმწიფო ორგანიზმის შექმნა, ხოლო, მეორეს მხრივ, ინიციატივიან პიროვნებათაგან შემდგარი საზოგადოების ჩამოყალიბება. მის მოდელში ერთმანეთს შეერწყა აღმოსავლური ერთმმართველობისა და ელინური თავისუფალი მოქალაქის იდეა.² და მიუხედავად იმისა, რომ ალექსანდრეს მსოფლიო სახელმწიფო მისი უეცარი სიკვდილის შემდგომ უშალ დაიშალა რამდენიმე დიდ ნაწილად, ელინისტურ სამყაროში მაინც დარჩა ერთიანობის საო-

¹ მიმოხილვისათვის იხ.: H. Bengtson, Griechische Geschichte, München, 1969; H. Bengtson, Die hellenistische Weltkultur, Stuttgart, 1988.

² Ф. Шахермайр, Александр Македонский (пер. с немец. яз.), Москва, 1984.



ცარი სული, უპირველეს ყოვლისა, სამწერლობო ენისა და კულტურის დონეზე. საინტერესოა, რომ ელინისტური სამყარო არის ძლიერი ერთმმართველობის და მკაფიოდ გამოკვეთილი ინდივიდუალობების, თავისუფალი პიროვნებების მეტად საინტერესო სინთეზი. კამ ერთმმართველთა ძალაუფლება ხშირად ისეთი შეუზღუდავი ხდება, რომ მათ (განსაკუთრებით ეგვიპტეში) აღმერთებენ ამ სიტყვის სრული მნიშვნელობით და შესაბამისად, გარკვეული თვალსაზრისით, ძველი ფარაონების სტატუსს ანიჭებენ. და მაინც, თვით ამ ერთმმართველებშიც ელინისტური ცივილიზაცია აფიქსირებს საკმაოდ ბევრ ინდივიდუალურს, ჩვეულებრივი, მინიერი ადამიანისათვის ნიშანდობლივი ხასიათის თვისებებს. სწორედ ამ ცენტრალიზაციისა და მონარქიის სულით მოცულ სამყაროში ჩნდებიან მკაფიოდ გამოკვეთილი პიროვნებები. ცენტრალიზებული ელინისტური სახელმწიფოები ქმნიან ინსტიტუტებს, კულტურის ცენტრებს, რომელნიც ელინური და აღმოსავლური ტრადიციების შერწყმის ქეშმარიტ ლაბორატორიებად იქცევიან, საფუძველს უქმნიან ელინური აზროვნების და მხატვრული შემოქმედების ფართოდ გავრცელებას აღმოსავლეთში. ეს პროცესი კი იწვევს ინტელიგენციის ანუ მათი, ვინც ინტელექტუალური შრომით ირჩენს თავს, ძველი სამყაროსათვის მანამდე არნახული მასშტაბებით აღმოცენებას. ხოლო სახელმწიფოს და არა ერთმმართველის სამსახურში ჩამდგარი ინტელიგენცია საზოგადოების ინდივიდუალიზაციის ქეშმარიტად ყველაზე უფრო მყარ საფუძველს წარმოადგენს.³ სწორედ ამიტომ, არ უნდა გაგვიკვირდეს, რომ მაშინ, როდესაც ელინისტური სამყარო პოლისური საბერძნეთისაგან განსხვავებით პოლიტიკურ თავისუფლებათა-სფეროში არსებითად უკან გადადგმულ ნაბიჯს წარმოადგენდა, საზოგადოების ინდივიდუალიზაციის თვალსაზრისით გაცილებით უფრო ნინ წავიდა, რამაც თავისი გამოხატულება პპოვა ხელოვნებაშიც, ფილოსოფიაშიც და საერთოდ, საზოგადოებრივი განვითარების ყველა სფეროში.⁴

ეს პროცესები, ბუნებრივია, შეეხო ქალთა საზოგადოებასაც. აქაც გამოიკვეთნენ ქალი-მმართველები და ქალი-ინდივიდები, რომლებიც საზოგადოებრივი ცხოვრების სულ სხვადასხვა სფეროებში მოღვაწეობდნენ. და მაინც, შეიძლება ითქვას, რომ ამ ეპოქის ქალები ბევრად უფრო თავისუფალნი იყვნენ ამპიონობის კომპლექსისაგან, ვიდრე მათი ნინამავალი ეპოქის ქალები („ამპიონობა“, როგორც საზოგადოების განვითარების ერთ-ერთი მოვლენა, ჩვენ გავიცნობიერეთ ე. ფრენზელის ცნობილი ნიგნით.⁵ ამპიონობის კომპლექსში ვგულისხმობთ ქალთა ანტაგონისტურ, ჩვენ

³ Т. В. Блаватская, Из истории греческой интеллигенции эллинистического времени, Москва, 1983.

⁴ H. Bengtson, Römische Geschichte. München, 1988.

⁵ E. Frenzel, Moline der Weltliteratur, Stuttgart, 1980.



ვიტყოდით, მისიანდრულ დამოკიდებულებას ძლიერი სქესის წარმომადგენელთა მიმართ. ამ შემთხვევაში იგულისხმება ქალთაგან მამაკაცების საზოგადოების საერთოდ იგნორირება და მათთან ურთიერთობა მხოლოდ ორ შემთხვევაში: ბრძოლის ველზე, როგორც მტრებთან, ან წლის გარკვეულ დროს სარეცელზე, როგორც ამაძმონობის მოდგმის შემდგომი გაგრძელების საშუალებებთან). ამ ეპოქაში საზოგადოებრივი ცნობიერების დონეზე ნათლად ჩამოყალიბდა აზრი, რომელსაც ქადაგებდნენ პლატონი და არისტოტელე. მარტივად რომ ეთქვას, ამ აზრის არსი ასეთია: ქალს აქვს თავისი ბიოლოგიური თვითგამოხატვის საზღვრები. მას შეუძლია გაუთანაბრდეს მამაკაცს ინტელექტით, შემოქმედებითი პოტენციალით, მაგრამ იგი ვერასოდეს გადალახავს იმას, რასაც ქალურობა ენოდება, და რაც გარკვეულ თვისებათა ერთობლიობით გამოიხატება. შესაბამისად, გვიან კლასიკური ეპოქისა და ელინიზმისათვის არსებითი ხდება არა ის, რომ ქალმა გადალახოს ქალურობის საზღვრები, არამედ, პირიქით: მან რაც შეიძლება მეტად უნდა შეინარჩუნოს ეს ქალურობა და სწორედ მის ფარგლებში პპოვოს ის საშუალება, რაც მას მამაკაცზე მეუფების უნარს მიანიჭებს. პირველ რიგში — მშვენიერება, სინაზე და გამჭრიახობა. ეს, ერთის მხრივ, შეიძლება გახდეს საფუძველი მისი კეთილშობილებისა და კდევ მამოსილებისა, ხოლო მეორეს მხრივ, კი ვერაგობისა, განსაკუთრებით მაშინ, თუკი ქალი მონანილეობს დიდ პოლიტიკაში.

და მართლაც, არცერთი წინამაეალი ეპოქა არ არის ისე მდიდარი მკვეთრად გამოხატული ქალი — ინდივიდებით სახელმწიფოს უმაღლეს ეშელონებში, როგორც გვიანი კლასიკა და ელინიზმი. საკმარისია დაეასახელოთ ოლიმპიასი, არსინოე II, ბერენიკე, კლეოპატრა / რომელთა პორტრეტები წარმოდგენილია ჩვენს ნიგნში. ამ შემთხვევაში მათი ცხოვრების აღწერილობები გვიანტერესებს, როგორც დასტური იმისა, თუ როგორ თავსდებოდა გვიან კლასიკური და ელინიზმის ეპოქის ქალებში ძალაც, პატივმოყვარეობაც, ჭკუაც ქალური სიმშვენიერის ფარგლებში; თუ რამდენად ძლიერი იარაღი იყო სწორედ ეს თვისებები პოლიტიკურ ასპარეზზე ამ ქალთა მოღვაწეობისას.

(როგორც ისტორიული დოკუმენტები ცხადყოფენ, პოლიტიკაში სწორედ ქალურობის ფარგლებში მოხდება ქალთა სქესის რჩეულ წარმომადგენელთა მაქსიმალური გამოხატვა. ამ ოთხი ქალის პორტრეტულ შტრიხებში გამოიკვეთა ვერაგობაც, რომელიც სასტიკად დაისაჯა; გამჭრიახობაც, რომელიც საფუძველი გახდა გაღმერთებისა; კეთილშობილებაც და ქმრისადმი სიყვარულიც, რომელიც ცად ამაღლების ლეგენდად იქცა და უაღრესად წინააღმდეგობრივ თვისებათა საოცარი სინთეზიც, რომელმაც იმდენად რთული ხასიათი წარმოქმნა, რომლის გაშიფვრა ვერ შეძლეს ძველი სამყაროს უძლიერესმა და უჭკვიანესმა მამაკაცებმაც კი. ნიშანდობლივია, რომ სწორედ ამ თვისებათა მქონე ქალი — კლეოპატრა —



განასრულებს ელინისტური სამყაროს განვითარების საკმაოდ საინტერესო და წინააღმდეგობებით აღსავსე გზას, რომ უკანასკნელი ელინისტური სახელმწიფოს უკანასკნელი მმართველი სწორედ ქალი შეიქნება.

მაგრამ, როგორც ვთქვით, ქალის აქტიუობა მხოლოდ მმართველობის უმაღლეს ეშელონებში არ გამოიხატა. შეიძლება ვარკვევით ითქვას, რომ ელინისტურ ეპოქაში მნიშვნელოვნად იზრდება ქალის როლი საზოგადოებრივ ცხოვრებაშიც.)

ჩვენ ამჟამად დავასახელებთ მხოლოდ იმის რამდენიმე ტიპურ მაგალითს, თუ რაოდენ შესამჩნევი ვახდა ამ ეპოქაში ქალის მოღვაწეობა ამა თუ იმ სფეროში და რაოდენ დიდი მასშტაბები მიიღო ამან მოგვიანებით. სხვათა შორის, აქ უნდა აღინიშნოს, რომ ათენი, ბერძნული დემოკრატიის სამშობლო, ქალთა ემანსიპაციის პროცესის თვალსაზრისით ბევრად ჩამოუვარდებოდა ელინისტური სამყაროს სხვა რეგიონებს. ყოველი შემთხვევისათვის, თუკი ჩვენამდე მოღწეული წერილობითი დოკუმენტებით ვიმსჯელებთ, ათენელ ქალთა სახელები ამ ეპოქაში ეპიგრაფიკულ წარწერებში ფიქსირების ღირსი ხდება მხოლოდ იმ შემთხვევაში, როდესაც ისინი მონაწილეობას იღებენ პანათენეების დღესასწაულში, ვითარცა ე.წ. პეპლოსის ცერემონიალს ზიარებულნი.⁶ განსხვავებით ამისაგან, ელინისტური სამყაროს სხვადასხვა რეგიონში, თვით რომაული ბატონობის ეპოქამდე, გვხვდებიან ცნობილი ქალები საზოგადოებრივი ცხოვრების სრულიად სხვადასხვა სფეროებში. უპირველეს ყოვლისა, საკმაოდ აქტიურია ქალთა მონაწილეობა რელიგიურ ცხოვრებაში. ასახელებენ ქალ-ქურუმებს, აგრეთვე იმ ქალებს, რომელნიც ამ სფეროში განსაკუთრებული აქტიურობისათვის საპატიო აღნიშვნისა და წერილობითი ფიქსაციის ღირსნი ხდებოდნენ. ძვ.წ. II საუკუნეში მცირე აზიის ქალაქ კიმეში სახალხო კრების საბჭოს სპეციალური დეკრეტიც კი გამოუცია მანდილოსან არქიპესთან დაკავშირებით, რომელსაც საგანგებო კეთილშობილება და გულუხვობა გამოუჩენია და მისთვის მინიჭებული თანხით ქალაქის მთელ მოსახლეობას ღვინითა და საკვებით გამასპინძლებია. არის ცნობები იმის შესახებ, რომ თვალსაჩინო ქალებს განსაკუთრებული პოლიტიკური უფლებები მიუღიათ, ზოგნი უცხო ქალაქებსაც კი აურჩევიათ თავის საპატიო მოქალაქეებად ამ ქალაქებისათვის განეული სიკეთისათვის. ასე მაგალითად, პოეტესა სმირნადან, სახელად არისტოდამეა, რაოდენ პარადოქსულიც არ უნდა იყოს ეს, ისტორიას შემორჩა მხოლოდ როგორც ძვ.წ. 218 წელს შესრულებული ერთ-ერთი წარწერის პერსონაჟი, საიდანაც ვიწყობთ, რომ ეტოლიელებს თესალიურ ლამიაში იგი საპატიო მოქალაქედ აურჩევიათ, რადგან მას თავისი ლექსებით განუდიდება ეტოლიელები და მათი წინაპრები. გვაქვს ასევე წარწერით დადასტურებული ცნობა, რომ ქალი არ-

⁶ S. B. Pomeroy, *Frauenleben im Klassischen Altertum*, Stuttgart, 1985, გვ. 188 და შშგ.



ქონტიც კი ყოფილა ძვ.წ. II საუკუნეში; ხოლო ძვ.წ. I საუკუნეში ვინმე ფილექს პრიენელმა ააგო წყალსაცავი. შესაძლოა, მან ეს დავალება მიიღო ხელისუფლებისაგან. ყოველივე ეს კი ცხადყოფს, რომ ქალებმა იმ დროისათვის მოიპოვეს მნიშვნელოვანი უფლებები. მათ შეეძლოთ კაცებისათვის დიდ საქმეებში პარტნიორობა გაენიათ, უფრო მეტიც, ემართათ ქვეყანა მათ მაგივრად.

ის, რომ ქალის უფლებები მნიშვნელოვნად გაიზარდა ისეთ სფეროში, როგორც არის ქორწინება, ნათელი ხდება ეგვიპტეში აღმოჩენილი ძვ.წ. 311 წლით დათარიღებული საქორწინო ხელშეკრულებით, რომელიც დადებული ყოფილა ვინმე პერაკლიდესა და დემეტრიადესს შორის. აქ სავსებით ცალსახად აღნიშნულია, რომ ცოლსა და ქმარს ერთმანეთის წინაშე აქვთ თითქმის თანაბარი უფლებები.

ბუნებრივია, ქალთა ემანსიპაციის ტენდენციები აისახა განათლებისა და სპორტის სფეროშიც. ჩვენ გვაქვს ცნობები იმის თაობაზე, რომ მთელ რიგ შემთხვევებში ქალები იგივე პროგრამით იღებდნენ განათლებას, როგორც ვაჟები.

სხეულის ვარჯიშები თავდაპირველად ბიჭებისათვის იყო აუცილებელი. ელინისტური ეპოქიდან ქალებისა და ქალიშვილებისთვისაც შესაძლებელი გახდა სპორტული აღზრდის მიღება. გაჩნდნენ მოყვარულები, რომლებიც თანდათან მომრავლდნენ. ხოლო რომაულ ეპოქაში სპორტული აღზრდა ქალთათვის წესად იქცა. ამ თვალსაზრისით რომში სპეციალური სანახაობებიც კი ეწყობოდა.

ზოგიერთ ოლიმპიურ ასპარეზოებზე ქალები მამაკაცების პირისპირ იბრძოდნენ. ქალთათვის ეწყობოდა სპეციალური თამაშები პერას პატივსაცემად გამართულ ზეიმებზე ელისში, დელფოში, ნემეასა და სხვა ადგილებში. ცნობილია სპორტულ ასპარეზოებში გამარჯვებულ ქალთა სახელებიც.

ქალთა ასეთი მრავალმხრივობა გახდა საფუძველი იმისა, რომ მათ დაინყეს მამაკაცური საქმეების კეთებაც. ამას გვამცნობს ერთ-ერთი ეგვიპტური პაპირუსი. განსაკუთრებით უნდა აღინიშნოს ის, რომ ჩვენთვის საინტერესო ეპოქაში ქალი იძენს მამაკაცისათვის ნიშანდობლივ იმ თვისებებს, რაც სუსტი სქესის წარმომადგენელთა შორის არ შეიმჩნეოდა წინამავალ საუკუნეებში. კერძოდ ის, რომ ქალი იყო არა მარტო დიასახლისი, დედა, კაცის ბიოლოგიური პარტნიორი, არამედ ინტელექტუალური პარტნიორიც. როგორც ჩანს ძვ.წ. IV საუკუნიდან და შემდგომ ჩვეულებრივ მოვლენად იქცა სხვადასხვა ქალაქში ემანსიპირებულ, განათლებულ, მეტწილ შემთხვევებში მხატვრული შემოქმედების უნარით დაჯილდოებულ პეტერათა ინსტიტუტების არსებობა. ეს ბერძნული სიტყვა აღნიშნავს „თანამგზავრს, მხლებელს“. დემოსტენეს ინტერპრეტაციით კი „სიხარულის



თანამგზავრს". პეტერები მნიშვნელოვან როლს თამაშობდნენ ბერძნულ საზოგადოებაში. ისინი გამოირჩეოდნენ არა მხოლოდ დახვეწილი მშვენიერებით, არამედ ინტელექტითაც: მიღებული ჰქონდათ მუსიკალური განათლება, ერკევოდნენ ფილოსოფიაში, პოლიტიკასა და სხვა სფეროებში. ისინი იყვნენ ქალთა მკაფიოდ გამოხატული წარმომადგენლები კულტურულ ასპარეზზე. კორინთოს მკვიდრი ლაისი იყო დიოგენეს მეგობარი და მონაფე და თავადაც აღიარებულ ფილოსოფოსად ითვლებოდა. დიოტიმა სოკრატესა და პლატონის წრეში ტრიალებდა და თავადაც მონაწილეობდა ფილოსოფიურ საუბრებში. სწორედ მას ასხამს ხოტბას პლატონი თავის „ნადიმში“. აქ იგი აღნიშნავს, რომ მამაკაცთა წრეში მეცნიერული სუბაასის დროს დიოტიმას სიტყვები იყო ყოველთვის ბრძნული, იმიტომ, რომ იგი იყო ქალი და ფლობდა შობის საიდუმლოს: „ყოველგვარი შემოქმედებითი სწრაფვა სიკეთისა და მშვენიერებისადმი კი სიცოცხლის გაგრძელების წყურვილით არის ნაკარნახევი. ყოველგვარი დაბადება არის საოცრება, ანუ ადამიანში ღვთაებრივის გამოვლინება...“⁷ სწორედ დიოტიმას წყალობით მივიდა სოკრატე იმ დასკვნამდე, რომ სიყვარული არის სწრაფვა მშვენიერებისადმი. სოკრატესათვის მშვენიერება იგივე იყო, რაც ფილოსოფია. დიოტიმასთვის კი ეს ცნება, უპირველეს ყოვლისა, დაკავშირებული იყო საქსუალობასთან. მისთვის ეროსი, სიყვარულის ბერძნული ღვთაება, თავდაპირველი კოსმოური ძალაა. მისი საყვარელი არსება ფსიქე („სული“) კი არის მისივე შემავსებელი. შესაბამისად, დიოტიმასთვის ეროსი სულისა და გონების ფორმირებისადმი სწრაფვის განსახიერებაა, მშვენიერებაში არსებობის მოთხოვნილება.⁸

ცნობილია პეტერა ლეონტიონი, რომელსაც ეპიკურე თავისი შთაგონების წყაროდ მიიჩნევდა. მისდამი სიყვარულს იგი ცხოვრების ბოლომდე ატარებდა და სწორედ მას მიუძღვნა ეს დიდებული სიტყვები: „იგი ცოცხლობს ჩემთან ერთად და ჩემში“.⁹

დიდი სახელმწიფო მოღვაწე პერიკლე, რომლის სახელთანაც დაკავშირებულია ათენის „ოქროს ხანა“, აღიარებდა, რომ ხშირად ეთათბირებოდა პეტერა ასპასიას და სწავლობდა მისგან მჭევრმეტყველების ხელოვნებას. იგი ცოლს გასცილდა, რათა ექორწინა ასპასიაზე, რომელიც არ იყო ათენის მოქალაქე, არც მაღალი წარმომავლობის. ეს გახდა საბაბი ოპოზიციონერ არისტოკრატთა პროტესტისაც. პერიკლე ასპასიას ერთგული დარჩა ცხოვრების ბოლომდე (უფრო დანვრილებით იხ. პორტრეტი სახელწოდებით „ასპასია“).

⁷ J. Vogt, Von der Gleichwertigkeit der Geschlechter in der bürgerlichen Gesellschaft der Griechen. Akademie der Wissenschaften und der Literatur in Mainz, Abhandlungen der Geistes und Sozialwissenschaft, Wiesbaden, 1960, c, d, e.

⁸ იქვე, b, c.

⁹ E. Вардиман, Женщина в древнем мире, Москва, 1970, гл. 263.



ჰეტერა ფრინას ბრალი დასდეს მკრეხელობაში, რამეთუ იგი დიდი მოქანდაკის, პრაქსიტელესის მოდელი იყო, როცა ის ქმნიდა აფროდიტე კნოდოსელის შეუდარებელ ქანდაკებას. ის, ვინც ფრინას იცნობდა, ილიმბოდა ქანდაკების ხილვისას. ხოლო მნახველნი ქანდაკებისა მონინებით უმზერდნენ ფრინას. ქანდაკების წინ მუხლმოყრილი მლოცველები ვედრებით აღაპყრობდნენ ხელებს და ხმამალა ამბობდნენ: „ო, მშვენიერო აფროდიტე!“ გულში კი ზუზუნიდნენ: „რა ლამაზი ხარ, ფრინა, ღვთაებრივია შენი მშვენება!“ მისი დამცველი სასამართლო პროცესზე იყო ჰიპერიდესი. როდესაც აღარ იყო სიტყვები ბრალმდებელთა დასაშოშმინებლად, მან განუძარცვა თურმე მკერდი ფრინას და წამოიძახა: „აჰა, შეხედეთ!“ და ამით თავის მხარეს გადაიბირა გადაბერებული მსაჯულები: ფრინას მშვენებით მოჯადოებულებმა შეწყვიტეს პროცესი. ეს მხოლოდ ლეგენდაა, მაგრამ არის მასში, ალბათ, ჭეშმარიტებაც.

მენანდრე, ცნობილი კომედიოგრაფოსი, აღნიშნავდა, რომ ვერ გაუძლებდა, ალბათ, კრიტიკოსთა განქიქებას და საზოგადოების ლანძღვას, რომ არ ჰქონოდა მისი საყვარელი ქალის, ჰეტერა გლიკერას მხარდაჭერა. ერთხელ, როდესაც იგი დათრგუნული მივიდა მასთან პრემიერის ჩავარდნის გამო და სურდა ერთიანად გაენადგურებინა ყველა ხელნაწერი, მთელი ცხოვრების ნამოღვაწარი, გლიკერამ უსიტყვოდ მიანოდა მას რძით საცხე ჭიქა. გაღიზიანებულმა მენანდრემ არ ისურვა მისი დაღევა, რადგანაც თავზე სქლად ედო ნაღები. მაშინ გლიკერამ უთხრა: „გადანმინდე და დატკბი იმით, რაც მის ქვეშაა“. ეს ნიშნავდა: ნუ აქცევ ყურადღებას იმას, რაც ზედაპირზეა, მნიშვნელოვანია ის, რაც სიღრმეშია.

„ჰეტერები ყველას სჭირდება სიამოვნებისათვის!“ — აღნიშნავდა მჭევრმეტყველი დემოსტენე ათენის აგორაზე, სადაც გამართულა ჰეტერა ნეერას წინააღმდეგ აღძრული სასამართლო პროცესი და დამსწრე საზოგადოების აპლოდისმენტების თანხლებით განაგრძობდა: „ღიახ, სიხარული-სათვის. პატივდებულ ქალებზე კი ქორწინდებიან იძულებით, რათა შეან სრულუფლებიანი და კანონიერი შვილები და ჰყავდეთ სახლში ერთგული დიასახლისები“.

ეს სიტყვები მთელი სისრულით ასახევენ იმდროინდელ საზოგადოებაში არსებულ აზრს ქალთა შესახებ.¹⁰ დამოუკიდებლობა, განათლება, საკუთარ შესაძლებლობათა განვითარების საშუალება მისალწვევი იყო მხოლოდ იმ ქალთათვის, რომელთაც ჰყოფნიდათ სიმედვრე ეცხოვრათ თავისუფლად, უარი ეთქვათ ქორწინების წმინდა რიტუალზე. ქალი, რომელიც ემორჩილებოდა საზოგადოების კანონებს, კანონიერი ქორწინებით უზრუნველყოფდა თავის ცხოვრებას, იძულებული ხდებოდა დარჩენილიყო ტყვეობაში და სიბნელეში. მისთვის ბერძენი მწერლები და ფილოსოფოსები

¹⁰ შტრ. E. Вардиман, *Женщина в древнем мире*, Москва, 1970, გვ. 261 და შმდგ.



იმეტებდნენ მხოლოდ დამცინავ სიტყვებს, მაშინ როდესაც ჰეტერებისადმი გამოხატავდნენ უსაზღვრო აღტაცებასა და სიყვარულს.

ბუნებრივია, ყოველივე ამან მნიშვნელოვნად გაზარდა ქალის როლი კაცის ინტიმურ ცხოვრებაში. ამ ტენდენციას ასახავს მენანდრეს კომედიებიც, სადაც ქალისადმი სიყვარულმა, ქალთან ურთიერთობით გამოწვეულმა კოლიზიებმა ძირითადი ადგილი დაიჭირეს. შეიძლება ითქვას, რომ ეროსმა, როგორც მწველმა გრძნობამ, რომელსაც შეუძლია მამაკაცს ჩაადენინოს გმირობაც, უგუნურებაც, ყველაზე მეტი ძალით სწორედ ახალ ატიკურ კომედიაში იჩინა თავი. ასე მაგალითად, მენანდრეს „დისკოლოსში“ ვაჟი იმისათვის, რომ ქალი მოიპოვოს, ათასგვარ ხერხს მიმართავს: იგი ცდილობს ქალის მამას სანიმუშო შრომითაც კი მოანონოს თავი. „მოჭრილ ნაწნავში“ ქალი დროებითი მსხვერპლია საყვარლის ეჭვიანობისა, თუმცა ბოლოს ისევ სიყვარული აბედნიერებს. რაც შეეხება „სამოსელ ქალს“ აქ ეჭვიანობა ქალის მიმართ დახლართული ინტრიგებისა და ვენებათაღელვის საფუძველი ხდება.

შესაბამისად, შეიძლება დავასკვნათ, რომ ქალის ფუნქცია მამაკაცთა საზოგადოებისათვის გაცილებით უფრო მრავალფეროვანი ხდება. ქალში მამაკაცი აღმოაჩენს იმას, რაც მას აქამდე ან არ ჰქონია შენიშნული, ან რასაც სათანადო ყურადღების ღირსად არ თვლიდა. გვიან კლასიკურსა და ელინისტურ ეპოქაში ხდება ერთგვარი დაძლევა იმ გათიშულობისა, რაც არქაულსა და კლასიკურ ეპოქებში მამაკაცთა და ქალთა საზოგადოებაში იყო. ხელოვნებაშიც კი წინა პლანზე იწევს ქალის სიშიშველ და არც თუ იშვიათად — სექსუალობა. არ არის შემთხვევითი, რომ ბერძნულ ხელოვნებაში იწყება ქალის შიშველი ფიგურების გამოძერწვა, რაც ელინისტურ ეპოქაში ერთობ ფართო მასშტაბებს იღებს. ქალის სიშიშველე, ერთის მხრივ, აღიქმება პრაქსიტელესისეული ესთეტიზმის თვალთახედვით და იგი ბიძგს აძლევს მაღალი ხელოვნების განვითარებას, სადაც უმთავრეს ღირებულებად გვევლინება მშვენიერება, ხოლო მეორეს მხრივ ეს სიშიშველე წარმოიჩინდება ე.წ. პორნოგრაფიულ პლასტიკად, რომელიც შეესაბამება ელინისტური ეპოქის დიდი ქალაქების იმ მაცხოვრებელთა გემოვნებას, დროის დიდ ნაწილს საროსკიპობებსა და იმ ხანისათვის ესოდენ მომრავლებული მსუბუქი ყოფაქცევის ქალებში რომ ატარებდნენ.¹¹

ქალისადმი დამოკიდებულების ცვალებადობის ტენდენციას რამდენადმე ასახავს აპოლონიოს როდოსელის „არგონავტიკა“, სადაც მედეასა და იასონის ცნობილ დიალოგში ბერძნულ ლიტერატურაში, ალბათ, ყველაზე ღრმად არის წარმოჩენილი ქალის და კაცის სიყვარულის ფიზიოლოგია (სტრ. 1078-1148).

ქალის აქტიური გამოსვლა ასპარეზზე, ბუნებრივია, აისახებოდა გარ-

¹¹ S. B. Pomeroy, Supplementary Notes on Frina, ZPE 32, 1978, გვ. 17-22, 215.



კეული თვალსაზრისით ფილოსოფიაშიც. გვიან კლასიკურისა და ელინისტური ეპოქის სხვადასხვა ფილოსოფიური მიმდინარეობები ცდილობდნენ თავიანთი სიტყვა ეთქვათ ქალის როლზე საზოგადოებრივ ცხოვრებაში. შეიძლება ითქვას, რომ თითქმის ყველა მიმართულებაში (ეპიკურეიზმი, კინიზმი, სტიოციზმი, ნეოპითაგორეიზმი და სხვა) გამოითქვა საკმაოდ საყურადღებო აზრები იმის თაობაზე, ქალი თავისუფალი უნდა იყოს ოჯახური მარნუხებიდან თუ პირიქით, უნდა იყოს სიმბოლო ოჯახის ერთიანობისა და სიმკვიდრისა. ჩვენ ამჟამად შორს ნაგვიყვანდა ყველა ამ მოსაზრების განხილვა. გვიანდა აღვნიშნოთ ერთი მეტად საყურადღებო ტენდენცია. სწორედ ელინისტურ ეპოქაში იწყებენ მომრავლებას ფილოსოფიური შინაარსის ტექსტები, რომელთა პათოსი ცხოვრების წესების შესახებ სახელმძღვანელო აზრების გამოთქმა იყო და რომელთაც მიაწერენ ცნობილ ქალებს. ჩვენთვის დღეს ძნელია იმის თქმა, არიან ეს ქალები მართლაც ავტორები ამ ტექსტებისა ან და ხომ არ დგანან მათ უკან მამაკაცები; მაგრამ ერთი ფაქტია: ელინისტური ეპოქიდან მოყოლებული გამოიკვეთა ტენდენცია, ეს ნაწარმოებები ქალებს მიაწერონ. ასე მაგალითად, ელინისტურ ეპოქაში ვინმე თეანოს სახელით, რომელიც ან თავად პითაგორას ცოლი ან მისი ასული უნდა ყოფილიყო, იცნობდნენ საკმაოდ მრავალრიცხოვან ნაწარმოებებს. მათგან შემორჩა პითაგორასადმი მიმართული შეიდამდე წერილი, რომელიც ეძღვნებოდა ქორწინებისა თუ განქორწინების საკითხებს.¹² ვინმე მელისას დაუწერია ტრაქტატი ქალთა მოვალეობებზე, განსაკუთრებით კი იმ აუცილებლობაზე, რომ ქალი უნდა მოერიდოს ფუფუნებით ცხოვრებას. ასევე პითაგორას მონაწიდე თელიდნენ პლატონის დედას პერიქტიონეს, რომლის სახელითაც მრავალი ფილოსოფიური თხზულება უნდა ყოფილიყო ცნობილი ელინისტურ ეპოქაში. მეცნიერები ფიქრობენ, რომ შესაძლოა, ეს თხზულებები დაენერა გვიან მცხოვრებ სხვა ქალს, ან სულაც მსგავსად სახელდებულ რომელიმე ნეოპითაგორელს.

ჩვენთვის ამჟამად საინტერესოა, რომ ამ პერიქტიონეს ლიტერატურულ მემკვიდრეობაში არის ერთი საკმაოდ საყურადღებო ტრაქტატი, რომელსაც ახალგაზრდა ქალისათვის რჩევის მიცემა აქვს დასახული მიზნად და რომელიც წარმოგიდგენს თავის კონცეფციას იმაზე, თუ როგორი უნდა იყოს პარმონიული ქალი. თავისთავად ის გარემოება, რომ ჩნდება მოთხოვნა პარმონიული, იდეალური ქალის მოდელის შექმნისა, მრავლისმეტყველია და მიუთითებს სწორედ ქალის მზარდ როლზე და ფუნქციებზე ელინისტურ სამყაროში. აი, როგორ იკითხება ეს ტრაქტატი:

„პარმონიულ ქალს სხვაგვარად ვერც ნარმოიდავენ, თუ არა გონიერ-

¹² H. Thesleff, *The Pythagorean texts of the Hellenistic period*. Åbo: Åbo Akademi, 1965, გვ. 195 და შმდგ.



ბითა და წინდახედულებით საესეს, რამეთუ გამორჩეულად გამგები უნდა იყოს, რომ მიადნოს სრულყოფილებას; მხოლოდ მაშინ იქნება სამართლიანი, მამაკაცურად საზრიანი და კეთილგონიერი; მხოლოდ მაშინ შეძლებს თავმდაბლობით აღჭურვას, ფუჭი აზრებისა და სიტყვების უკუგდებას. ეს თვისებები კეთილ გავლენას ახდენს თვით ქალზე, მის მეუღლეზე, ბავშვებზე, მთელ სახლზე და ასე განსაჯეთ, მთელ ქალაქზეც — ხომ შეიძლება დედოფლის მსგავსად მთელ ქალაქებსა და ხალხებს განაგებდეს.

ასე რომ, როდესაც შეძლებს, დაიმორჩილოს თავისი გრძნობები და ვნებები, მაშინ არის ქალი წმინდა და პარმონიული, სრულ თანხმობაში თავის თავთან და გარემოსთან. ვერანაირი ქვენა გრძნობა ვერ აცთუნებს: მას უყვარს ქმარი, ბავშვები, სახლი. სხვის სარეცელზე მეოცნება ქალი უპირველესად საკუთარ სახლში იქცევა მტრად. იგი უსაქციელოა, როგორც მონა. ასეთი ქალი ქმრის მიმართ სიყალბესა და გაიძევრობას იჩენს, ათასგვარ სიცრუეს მიმართავს, რათა ერთგულების შთაბეჭდილება შექმნას. ცდილობს მთელ სახლზე თავისი ბატონობა შეინარჩუნოს ისე, რომ სასიკეთოდ თითოც არ გაანძრიოს. ამიტომაც ხელიდან ეცლება ყველაფერი, რაც მას და მის ქმარს ეკუთვნის. ამის შესახებ მეტს აღარაფერს ვიტყვი.

ახლა, რაც შეეხება სხეულს, პარმონიულმა ქალმა ის ნორმალურად უნდა უზრუნველყოს ტანსაცმლითა და საკვებით. უნდა დაიბანოს, მოინესრიგოს თმა, ატაროს ოქრო და პატიოსანი თვალი, როგორც სამკაული. ქალი, რომელიც საუკეთესოსა და ძვირად ღირებულს მიირთმევს, ტანსაცმელსა და სამკაულს დახარბდება (როგორც ქალებშია მიღებული), უკვე მცდარ ნაბიჯს დგამს. იგი ყოველი სისაძაგლისთვის არის მზად, ყოველთვის ცდება და არა მარტო ცოლ-ქმრული ერთგულების მიმართ. ქალმა მხოლოდ შიშხილი და წყურვილი უნდა მოიკლას და თუ იგი დაბალ ფენებს განეკუთვნება, ცხერის ან თხის ბენეის მოსახამს დასჯერდეს სიცივისაგან თავის დასაცავად. ეგზოტიკური და ნუგბარი საქმელების სიყვარულიც არანაკლები შეცდომაა და თუ ამასთან ერთად თვალშისაცემ ტანსაცმელსაც ატარებს, ვთქვათ შენამული ან სხვა ფერისას, ეს ხომ მის დიდ სიბრყვეზე მეტყველებს. სხეული არ უნდა ითოშებოდეს და წესის მიხედვით შიშხილი არ უნდა იყოს. სხვა დანარჩენი მას არ სჭირდება. მაგრამ ადამიანებს თავიანთი სისულელით მიაჩნიათ, რომ უნდა ისწრაფოდნენ ზედმეტობისა და უაზრობისაკენ. ამდენად, ჭკვიანი ქალი არ დაიკიდებს ოქროსა და ინდურ (ან სხვა რომელიმე) ქვას, არც ხელოვნურად დაიყენებს ვარცხნილობას და არც ნელსაცხებელს შეურევს ხელოვნურ სურნელს. არც სახეს ნაიგლისავს თეთრად და წითლად, ან წარბ-წამწამს შავად, არც ჭალარას გაიცოცხლებს ფერადი საღებავით. ის ხშირად არ იელის აბანოში, რადგან ქალი, აბანოს ხშირი სტუმარი, თავისი სიშიშვლის (თუნდაც ლამაზი იყოს) მაყურებელსაც ეძებს. სილამაზე, რომელიც ხორციელიდან კი არა, სული-



ერიდან მოდის, ქალის კარგ წარმომავლობაზე მეტყველებს. ეს ისე კი არ უნდა გავიგოთ, თითქოს იგი აუცილებლად კეთილშობილთა მოდგმას ან შეძლებულ წრეებს უნდა ეკუთვნოდეს ან განთქმული ქალაქის მკვიდრი იყოს. სახელოვანი და მაღალი წრის მამაკაცთა სიყვარულიც არ არის საკმარისი. თუ ქალი ყოველივე ამას ფლობს, არაფრად ადგებს, ხოლო თუ არ გააჩნია, მაშინ არც შური აღძვრის, რადგან ამ უპირატესობების გარეშეც ვერაფერი შეუშლის ხელს, გონიერად წარმართოს თავისი ცხოვრება. თუ ყველა ამ სიკეთეს ბედი არგუნებს, მაინც არ უნდა ისწრაფოდეს მისი სული განდიდებისა და აღტაცებისაკენ, რადგან ეს ბრწყინვალეობა უფრო ავნებს მას, ვიდრე არგებს. ის დალუპისაკენ უბიძგებს, რადგან დიდებულთა შორის არის შური, გაუტანლობა, ცილისწამება და ასეთ გარემოში ძნელად თუ შესძლებს ქალი ურყევი ნებისა და სიმშვიდის მიღწევას.

ქალს ღმერთების რწმენა და ბედნიერების იმედი უნდა ჰქონდეს, ამასთან უნდა მისდოოს იმ წესებსა და კანონებს, რაც წინაპართაგან მიუღია. ღმერთების შემდეგ, ჩემი აზრით, მშობლების პატივისცემა მშართებს, რადგან ისინი, ღმერთების მსგავსად, თავიანთი ნაშვირის საკეთილდღეოდ ზრუნავენ. ქალმა თავის მეუღლესთან ცხოვრება მონესრიგებულად და სასიამოვნოდ უნდა ააწყოს. მარტო საკუთარ თავზე არ უნდა იზრუნოს, არამედ უნდა გაუფრთხილდეს და წმინდად დაიცვას ქორწინების წესი, რადგან ამაზეა ყველაფერი დაფუძნებული; ყველაფერი უნდა აიტანოს, რაც მის ქმარს შეეხება, იქნება ეს თავსდატეხილი უბედურება თუ შეცდომა, ჩადენილი უგუნურებით, ავადმყოფობით, სიმთვრალით; თუნდაც მისი სხვა ქალებთან ურთიერთობა. მამაკაცებს ასეთი შეცდომა მიეტევებათ, ქალებს კი — არასოდეს. ამაზე სასჯელიც კი არის. ქალის მოვალეობაა მისდოოს ამ წესს და არ გაბოროტდეს, მოთმინებით აიტანოს ქმრის რისხვა, სიძუნწე, ბედით უკმაყოფილება, ეჭვიანობა, შეურაცხყოფა და სხვა მრავალი, რაც მის ბუნებაშია. ქალი თუ ჭკვიანია, ყველაფერს ისე მოაწყობს, როგორც ქმარს გაეხარდება. ქალი, რომელიც ქმრისთვის მეგობარიცაა, ყველა მის საქმეს სასიამოვნოდ წარმართავს, ჰარმონიულად ცხოვრობს; მას უყვარს მთელი სახლი და კეთილად განაწყობს ყველას მის გარშემო. ხოლო თუ არ უყვარს, ცხადია, სურვილიც არ აქვს მოუაროს ბავშვებს, სახლს, ქონებას, უფრო მეტიც, ის დალუპვას უქადის ყველაფერს, თითქოს მტერი იყოს; მის სურვილზე რომ იყოს, ქმარსაც გაისტუმრებდა იმქვეყნად, რათა სხვა კაცებს გამოედევნოს. ასეთ ქალს ყველა სძულს, ვინც მის ქმარს მოსწონს. აი, ჰარმონიული ქალი კი, ჭკუითა და გონებით სავეს, მარტო ქმარს კი არ მოუტანს სიკეთეს, არამედ შვილებს, ნათესაობას და მთელ სახლს, მეგობართა, თანამოქალაქეთა და სტუმართა ჩათვლით. იგი თავმდაბლად მართავს სახლს, საამურად საუბრობს და ყურს უგდებს მოსაუბრეს; ქალი მხოლოდ იმას მიიღებს, რაც საერთო ცხოვრების წესს ესადაგება, მხარში უდგას ყველა ნათესავსა და მეგობარს, ვისაც მისი ქმარი პატივს სცემს; მოსწონს ყვე-



ლაფერი, რაც ქმარს სიამოვნებს, ხოლო ქმრისთვის არასასურველი მისთვის მიუღებელია, რა თქმა უნდა, თუ მთლად არაპარმონიული არ არის".¹²

ეს ხედვა ნეოპითაგორული უნდა იყოს, ან სტიოკური, თუმცა, როგორც ვთქვით, არსებობდა სხვა არსებითად განსხვავებული თვალსაზრისებიც ეპიკურეელთა და კინიკოსთა წრეში. ამ კუთხით საინტერესოა ცნობა, რომელიც მოჰყავს დიოგენე ლაერტიოსს, რომლის მიხედვითაც დიოგენე სინოპელს შემდეგი უთქვამს: „ქალები უნდა იყვნენ საერთო, რა საჭიროა კანონიერი ქორწინება. ვინც ვის დაიყოლიებს, მასთან იცხოვროს" (VI, 72).

აქედან გამომდინარე ნათელია არა მარტო ის, რომ ფილოსოფოსებს განსხვავებული აზრი ჰქონდათ ქალის თავისუფლებასა და ადგილზე საზოგადოებრივ ცხოვრებაში, არამედ ისიც, რომ იმ დროს ემანსიპაციის პროცესი საკმაოდ მძლავრად იდგამდა ფესვებს.



ქალთა ემანსიპაციის პროცესი რომში ბევრად უფრო შორს წავიდა. ამას თავისი მიზეზები ჰქონდა და რამდენიმე მნიშვნელოვანი ფაქტორი განაპირობებდა:

რომის ლეგენდარულ ისტორიაში საკმაოდ საინტერესოდ არის გამოკვეთილი ქალთა განსაკუთრებული როლი. ამ შემთხვევაში ჩვენ ვგულისხმობთ საბინ ქალთა ეპიზოდს. გადმოცემათა თანახმად, საბინები ცხოვრობდნენ ცენტრალურ იტალიაში, რომის დასავლეთით. ლეგენდარული მეფის ტიტუს ტაციუსის მმართველობის ყამს საბინებს თავს დაესხა რომულუსი. ლეგენდის თანახმად, რომში იმ ხანად ქალთა უკმარისობა იყო. რომულუსმა მოაწყო თამაშობანი, რომელზე დასასწრებადაც მოიწვია მეზობელი საბინები მთელი ოჯახებით. ასპარეზობათა დროს რომაელებმა მოიტაცეს გაუთხოვარი საბინი ქალწულები. ეს იყო ომის დაწყების საბაბი. მოგვიანებით, როდესაც ომი გაცხარდა, საბინი ქალები, უკვე რომაელთა ცოლები და დედები, შეიჭრნენ ბრძოლის ველზე, მათ შეძლეს მეგრძოლთა დამშეიძება. სწორედ მათი დამსახურებით დაიდო ზავი საბინთა და რომაელთა შორის. ამის შემდეგ საბინები გადასახლდნენ რომში. ნუმა, რომის მეორე ლეგენდარული მეფე, საბინთა მოდგმისა იყო (მდრ. ლივიუსი I, 13; აგრ. 174, 269).

საბინი ქალების ისტორია, გარდა თავისი ბელეტრისტული ღირსებებისა, ჩვენთვის საინტერესოა ერთი ასპექტით: რომის ლეგენდარულ ისტორიაში ეს ეპიზოდი გამოკვეთს ქალების განსაკუთრებულ როლს რომის სახელმწიფოს ფორმირებისა და დიფუზიის პროცესში. ამასთანავე მიუთითებს ქალთა კეთილგონიერებაზე, რამაც იტალიის მოსახლეობას თავიდან ააცილა დიდი სისხლისღვრა. აქედან გამომდინარე სავსებით ამკარაა, რომ რომაელთა ფსიქოლოგიაში არა ცალკეული წარმატებული ქალები, არამედ მთლიანად ქალთა საზოგადოება აღქმული იყო, როგორც მამაკაცთა ღირსეული თანამდგომი.

¹² H. Thesleff, დასახ. ნაშრომი, გვ. 142-45.



იტალიის კონტინენტზე ლათინურენოვან ტომთა მოსვლამდე დიდი ხნით ადრე მკვიდრობდნენ მედიტერანულ ტრადიციებთან ორგანულად დაკავშირებული ტომები. კერძოდ, ჩვენ გვაქვს არაერთი ცნობა იმის თაობაზე, რომ აქ საკმაოდ მყარი პოზიციები უნდა ჰქონოდათ ძვ.წ. II ათასწლეულში პელაგებს. როგორც ცნობილია, მედიტერანულ სამყაროში ქალს განსაკუთრებული ადგილი ეკავა; ბუნებრივია, ეს ტრადიცია გარკვეული თვალსაზრისით გადმოვიდოდა იტალიის კონტინენტზეც და საკმაოდ მნიშვნელოვანი სუბსტრატის როლსაც შეასრულებდა რომაული საზოგადოებისათვის.

და მაინც, განსაკუთრებულ მოვლენად იტალიის კონტინენტზე ჩვენ მიგვაჩნია ის, რაც ნიშანდობლივი იყო ეტრუსკული საზოგადოებისათვის ქალთან მიმართების სფეროში. მეცნიერებაში მიღებული აზრის თანახმად, ეტრუსკული კულტურა რომაული ცივილიზაციის სინქრონულად ვითარდებოდა, ეტრუსკთა და რომაელთა ურთიერთობების ისტორიაში ბევრი იყო დრამატული ფურცელი. დროთა განმავლობაში მკვეთრად იცვლებოდა თანაფარდობა მათ ძლიერებასა და გავლენას შორის.

თუკი თავდაპირველად რომი აშკარად ეტრუსკული გავლენის სფეროში აღმოჩნდა როგორც პოლიტიკური, ასევე კულტურული თვალსაზრისით, დროთა განმავლობაში, თანდათანობით, ძალები ჯერ განონანსნორდა, ხოლო შემდეგ კი თავად ეტრურია დაიქვემდებარა რომმა და ბოლოს და ბოლოს მისი მოსახლეობის სრული ასიმილაციაც მოახდინა. ძვ.წ. I საუკუნისათვის ეტრუსკული ფენომენი მხოლოდ ეგზოტიკურ დატიერთვას თუ ინარჩუნებდა ძველ ისტორიაში. ბუნებრივია დავუშვათ, რომ ეტრუსკული მოსახლეობის დიდი მასები ამ ასიმილაციის შედეგად უბრალოდ იქცნენ რომის მოსახლეობის ნაწილად და ენისა და ნაციონალური სახის დაკარგვის შემდგომაც კი ბევრი რამ დაიტოვეს ისეთი, რაც მათ ყოფასა და ფსიქიკაში იყო გამჯდარი.¹⁴ თავისთავად ცხადია, ამან თავისი კვალი თვით რომაულ ცივილიზაციაშიც კი დატოვა. ერთ-ერთი ამდაგვარი ნმინდა ეტრუსკული ფენომენი იყო ქალი ეტრურის საზოგადოებაში. თვით მრავლის მნახველი ბერძნები და რომაელებიც არაერთგზის აღნიშნავდნენ, რომ ქალის თავისუფლების ხარისხი ეტრუსკულ საზოგადოებაში გაცივბას ინევედა. ბევრ შემთხვევაში ეს აღიქმებოდა როგორც გარყვნილების ლეგალიზაცია და ყოველგვარი რეგლამენტაციის გარეშე დატოვება იმ ნორმებისა, რასაც ბერძნულ და რომაულ პატრიარქალურ საზოგადოებაში ესოდენ დიდი ყურადღება ექცეოდა. შეგვეძლო მრავალი წყაროს დასახელება, სადაც დასტურდება ეს დამოკიდებულება. ასე მაგალითად, ძვ.წ. IV საუკუნის ბერძენი ისტორიკოსი თეოპომპოს ქიოსელი ასეთ ინფორმაციას გვანდის ეტრუსკი ქალების შესახებ: „ეტრუსკებს აქვთ წესად, რომ ჰყავდეთ საერთო ცოლები.

¹⁴ А. И. Немировский, *Этруски. От мифа к истории*. Москва, 1983.

აგრ. J. Heurgon, *Die Etrusker*, Stuttgart, 1971.



ქალები ძალზე ზრუნავენ საკუთარ სხეულზე და ვარჯიშობენ, ხშირად კაცებთან ერთად, ზოგჯერ კი მარტო; მათ სრულიადაც არ რცხვენიათ სიშიშვლისა. სუფრასთან ისინი სხდებიან არა თავიანთი ქმრების გვერდით, არამედ მათთვის რჩეულ კაცებთან და სვამენ ყოველ სადღეგრძელოს სურვილისამებრ. ისინი, ჩვეულებრივ, ადვილად თერებიან და ძალზე მშვენიერები არიან სახილველად. ეტრუსკი ქალები შობენ შვილებს ისე, რომ არ იციან, რომელია მამა. შვილები იმავე წესით ცხოვრობენ, როგორც მათი აღმზრდელები. ე.ი. ისინი ძირითად დროს ატარებენ ნადიმსა და საზოგადოებაში.¹⁵ ამ ცნობას დაემატებოდა არა ერთი ბერძენი თუ რომაელი ავტორის ინფორმაცია იმის თაობაზე, თუ როგორი უსირცხვილოები არიან ეტრუსკი ქალები, თუ როგორი განურჩეველი არიან ხორციელ სიყვარულში, თუ როგორ შეიძლება მათი სახელი ამა თუ იმ გვარის გენეალოგიაში იყოს ჩართული და ა.შ. ამასთანავე, ამ ცნობებიდან სრულიად აშკარად გამოსჭყვივის, რომ ეტრუსკული საზოგადოება ბევრად წინ იყო წასული ბერძნულ და რომაულ საზოგადოებასთან შედარებით ქალთა უმანსიპაციის პროცესში, რომ ქალი პოლიტიკაშიც, საზოგადოებრივი ცხოვრების სხვა სფეროებშიც მართლაც ასრულებდა მამაკაცის თუ თანაბარ არა, თითქმის თანაბარ ფუნქციას. ამ ინფორმაციაზე დაყრდნობით მეცნიერებაში გამოთქმულია მრავალი მოსაზრება, რომელიც წარმოადგენს ეტრუსკული საზოგადოების თავისებურებაში გარკვევის ცდას. რისი გამოვლინება იყო ეს — მატრიარქატული ტრადიციების სიმძლავრისა ეტრურიაში თუ უბრალოდ, ეტრუსკული საზოგადოების მიერ სოციალური თავისუფლების იმ ხარისხის მიღწევისა, რომლამდეც იმ ხანად ჯერ კიდევ არ იყო ამაღლებული არც ბერძნული და არც რომაული საზოგადოება. ბახოფენიდან დანწყებული,¹⁶ მეცნიერებაში ამ საკითხზე მიმდინარე დისკუსიაში უკანასკნელი ხანების ეტრუსკოლოგიურმა გამოკვლევებმა გარკვეული სინათლე შეიტანეს. კერძოდ, დღეს სრული დარწმუნებით შეიძლება ითქვას, რომ ეტრუსკული საზოგადოება მკაფიოდ გამოკვეთილი პატრიარქალური საზოგადოებაა და აქ არ შეიძლება მატრიარქატზე საუბარი. უფრო მეტიც, ბახოფენისათვის ერთ-ერთი მნიშვნელოვანი არგუმენტი, თითქოს ეტრუსკული წარმომავლობის სახელებში ქალის შტოს უპირატესობა პქონდა მინიჭებული, არქეოლოგიური გათხრების შედეგად მოპოვებულ ეპიგრაფიკულ მასალაში არ დადასტურდა. ე.ი. თითქმის არ გვხვდება წარწერა, სადაც მხოლოდ ქალის შტო იქნებოდა დაფიქსირებული. ყველგან, სადაც დედის სახელი ფიგურირებს, პირველ ადგილზე ყოველთვის არის მამის სახელი. ასევე, არსად ჩანს, რომ კაცი ქალს ექვემდებარებოდა, ან ქალი ჯაბნიდა მას პოლიტიკურ ასპარეზ-

¹⁵ А. И. Немировский, დასახ. ნაშრ. გვ. 43.

¹⁶ J. J. Bachofen. Die Sage Von Tanaqli: eine Untersuchung über den Orientalismus in Rom und Italien, Heidelberg: Mohr. 1870. აგრ. J. J. Bachofen, Das Mutterrecht: Eine Untersuchung über die Gynaikokratie der alten Welt nach ihrer religiösen und rechtlichen Natur, Stuttgart: Kreis und Hoffman, 1861.



ზე თუ საზოგადოებრივი ცხოვრების სხვა სფეროებში. ამასთანავე გამოვლინდა ისიც, რომ ქალის როლი ეტრურიაში მართლაც ერთობ მნიშვნელოვანი იყო. ეს უნდა აიხსნას, ერთის მხრივ, ეტრუსკების ორგანული კავშირით მედიტერანულ ტრადიციებთან, ხოლო მეორეს მხრივ, ეტრუსკული საზოგადოების კეთილდღეობის ძალზე მაღალი დონით და, ალბათ, ამის წყალობით საზოგადოებაში არსებული ქალთა ემანსიპაციის ძველი სამყარო-სათვის უჩვეულოდ მაღალი ხარისხით. გამოირკვა, რომ თეოპოპოსისა და ანტიკური ეპოქის ავტორთა ცნობები, რომელზედაც ზემოთ გვექონდა საუბარი, წარმოადგენენ ეტრუსკული საზოგადოების თავისებურების საკმაოდ სუბიექტურ ინტერპრეტაციას. ეტრუსკული ოჯახი მყარია, პატრიარქალურია, მაგრამ ქალის განსაკუთრებული მდგომარეობა, როგორც ჩანს, ნეგატიური პიპერბოლიზაციის კუთხით იქნა აღქმული მრავალი ანტიკური ხანის ავტორის მიერ. და მაინც, შეიძლება ითქვას, რომ მთელ რიგ ეტრუსკულ წარწერებში საგვარეულო სახელთა შორის დედის სახელიც ფიგურირებს. ასე მაგალითად, ტარკინიის ერთ-ერთ პრეტორს ჰქვია Larth Amihal Plicus clan Ramihasc Apatual რაც ნიშნავს: „ლართი არნთ პლეკოს და რამთა აპატრუას ვაჟი“. აქ მეორე საგვარეულო სახელი აშკარად დედის სახელია. მაგრამ პირველი ასევე აშკარად არის მამისა.¹⁷ ამ შემთხვევაში დასკვნა შეიძლება იყოს ერთადერთი: ეტრურიაში საჭიროდ თვლიდნენ მამის სახელთან ერთად დედის სახელის მოხსენიებასაც. ასევე ეტრუსკულ ფრესკებზე ტარკინიის და სხვა სამარხებიდან ჩვენ შეგვიძლია დავაფიქსიროთ ანალოგიური შემთხვევა ქალთა მონაწილეობისა ნადიმებში, სანახაობებში. ზოგიერთ მათგანზე ქალი კაცთან ერთად ნებობდა არის წამოწოლილი ტახტზე და ტკბება მუსიკით, ზოგან აღბეჭდილია ქალისა და კაცის თავდავიწყებული როკვა. შეიძლება ითქვას, არ გვხვდება სურათი, სადაც ქალთა და კაცთა საზოგადოება ერთმანეთისაგან გამიჯნულად იყოს წარმოდგენილი. ისინი აშკარად ქმნიან ერთ ორგანულ მთლიანობას, ერთნაირად მონაწილეობენ ნადიმებსა, რიტუალებსა და დღესასწაულებში. ამ მხრივ, რასაკვირველია, ეტრუსკული ფრესკები უნიკალურ მასალას იძლევიან. დღეს მეცნიერებაში განსაკუთრებული ყურადღება ექცევა ეტრუსკულ ქალთა გავლენის კვლევას პოლიტიკის სფეროში. სრული საფუძველი გვაქვს ვიფიქროთ, რომ ქალების მონაწილეობა ძალზე მნიშვნელოვანი იქნებოდა ეტრუსკულ მხატვრულ კულტურაში.¹⁸ მართალია, დღემდე არ არის აღმოჩენილი ეტრუსკული წერილობითი ლიტერატურის ძეგლი, რადგან ეტრუსკულ წარწერათა აბსოლუტური უმეტესობა მიძღვნილი ხასიათისა არის. მაგრამ მეცნიერები არ გამორიცხავენ ამგვარი ლიტერატურის არსებობის შესაძლებლობას. ყოველი შემთხვევისათვის უცილობლად შეიძლება იმის მტკიცება, რომ ეტრუსკების საკმაოდ ძლიერი ზეპირი პოეზია უნდა ჰქონო-

¹⁷ J. Heurgon, *Die Etrusker*, Stuttgart, 1971. აგრ. A. K. Bum, *The Pelikan History of Greece*, Penguin Books, 1966.

¹⁸ ეტრურის ქალთა შესახებ დანერჩილებით იხ. J. Heurgon, *Die Etrusker*, Stuttgart, 1971.



დათ. სხვას რომ თავი დავანებოთ, ფრესკებზე გამოსახული მრავალრიცხოვანი მომღერლები, მათ შორის ქალებიც, ასრულებდნენ რალაცა ტექსტის მქონე სიმღერებს. ბუნებრივია, ყოველივე ამის გათვალისწინებით ეტრუსკულ ფაქტორს არ შეიძლებაოდ არ მოეხდინა გავლენა რომაულ საზოგადოებაში ქალის სტატუსის გამოკვეთაზე.

ამ თვალსაზრისით რომს ერთგვარი საშუალებოდ ადგილი უჭირავს ბერძნულსა და ეტრუსკულ საზოგადოებებს შორის. იგი ბევრად უფრო შორს წავიდა ქალის ემანსიპაციის სფეროში ელინურ სამყაროსთან შედარებით, მაგრამ ასევე მნიშვნელოვნად ჩამორჩა ამ მხრივ ეტრუსკულ საზოგადოებას. თავად რომაელი მოღვაწეები აღნიშნავდნენ, რომ რომში ქალი გაცილებით მეტი უფლებებით სარგებლობდა, ვიდრე საბერძნეთში. კერძოდ, იგი ბევრად უფრო თავისუფალი იყო, თავად ოჯახის ფარგლებშიც უფრო მნიშვნელოვან ფიგურას წარმოადგენდა. და მართლაც, შეიძლება ჩამოვთვალოთ ამის დამადასტურებელი რამდენიმე ნიშანი: ქალი ცხოვრობდა სახლის ცენტრალურ ოთახში, იღებდა მონაწილეობას წვეულებებში, ყველა სახის სანახაობაში. თავად სახლში მას აღიქვამდნენ როგორც ქალბატონს, არსებითად სახლის განმგებელს, რომელიც, როგორც წესი, არასოდეს ასრულებდა უხემ სამუშაოს. იგი ძირითადად დაკავებული იყო ბავშვებზე ზრუნვით და ქსოვით. ძაფის რთვა და ქსოვა რომაელი ქალის ერთ-ერთ ძირითად საქმიანობას წარმოადგენდა საკმაოდ დიდხანს, როგორც ფიქრობენ, თვით ავგუსტუსის ეპოქამდე. საქსოვი დაზგა რომაელი ქალის სიბეჯეთის ერთგვარ სიმბოლოდ იქცა.¹⁹

რასაკვირველია, განსაკუთრებული სფეროა ის, თუ როგორ ქმნიდა ქალი ოჯახს. ამ მხრივ გამოიკვეთა ორი ძირითადი ტენდენცია: ერთის მხრივ ქალი აღიქმებოდა როგორც პატრიარქალური საოჯახო სტრუქტურის ორგანული წევრი, ხოლო მეორეს მხრივ, თავისუფალი პიროვნება, რომელიც ცხოვრებაში ნებისმიერ არჩევანს აკეთებდა. და მართლაც, ჩვენთვის ცნობილია, რომ რომში საკმაოდ გავრცელებული იყო ე.წ. მანუს — ქორწინება, რომლის დროსაც ქალი გამოდიოდა თავისი საკუთარი *Pater familias*-ის *Patria potestas*-იდან და გადადიოდა თავისი ქმრის *Pater familias*-ის *potestas*-ში. მას მიჰქონდა მთელი თავისი ავლადიდება და არსებითად ხდებოდა მეორე ოჯახის სრულუფლებიანი წევრი. მართალია, დროთა განმავლობაში ეს პრინციპი ქორწინებისა საკმაოდ შეირყა, ძალზე დიდი მნიშვნელობა მოიპოვა თავად ქალის სიმდიდრემ და მის ქონებაზე გამოდევნებამ. ამ თვალსაზრისით საინტერესოა მარციუსის ერთი ეპიგრამა: „აღბათ მკითხავთ, თუ რატომ არ მიზნდა მდიდარი ცოლი? იმიტომ, რომ სულაც არ მსურს ქმრად გავყვე ცოლს. ჩემო პრისკუს, ცოლი ქმარს უნდა მორჩილებდეს, სხვაგვარად მეუღლეთა შორის არანაირი სითანაბრე არ იქნება“ (V#, 12).

¹⁹ E. Burck, *Die Frau in der griechisch-römischen Antike*, Tusculum Schriften; Munich: Heimeran, 1969. J. C. Cooper, *Lexicon Alter Symbole*, Leipzig, (übers. aus dem Engl.), 1986.



ქორწინების ეს ფორმა გარკვეულად დაკავშირებული იყო ქალის იმ თეორიულ იდეალთან, რომელიც ტაციტუსს შემდეგი ნიშნების ერთობლიობით აქვს წარმოდგენილი: 1. pudicitia (სინშინდე), 2. nobilitas (წარჩინებული წარმომავლობა), 3. fertilitas (ნაყოფიერება), 4. opes (სიმდიდრე) და, რასაკვირველია, 5. forma (სილამაზე). ამ მოდელის მიხედვით ქალი უპირველეს ყოვლისა აღიქმებოდა, როგორც ბავშვების აღმზრდელი და თავისი ქმრის თანამგზავრი ჭირსა და ღვინში. თუმცა იდეალური მოდელი ტაციტუსის დროისათვის რომელი ქალების მიერ, არსებითად, იგნორირებული იყო.

სწორედ ამიტომ რომში ძალზე მალე დიდი უპირატესობა მოიპოვა ქორწინების თუ ერთად ყოფნის მეორე ფორმამ, რომელსაც შეიძლება ასე ვუწოდოთ: „თავისუფალი სიყვარულით დაკავშირებული ორი ადამიანის თანაარსებობა იმ პერიოდის განმავლობაში, ვიდრე მათ უყვართ ერთმანეთი“. როგორც ცნობილია, ავგუსტუსის შემდეგ ქორწინების ე.წ. პურიტანული აღქმა თანდათანობით ადგილს უთმობს სწორედ ემანსიპირებულ წყვილთა ამ ტიპის კავშირს. შესაბამისად, რომაულ საზოგადოებაში გამოიკვეთა ორი ტენდენცია: ერთი — ქალის როლის გააზრების საკითხში ტრადიციული პატრიარქალური ღირებულებების შენარჩუნებისა, ხოლო მეორე — ამ ღირებულებათა უარყოფისა და მათგან განთავისუფლებისა. აქედან გამომდინარე, სახე რომელი ქალისა, გარკვეული თვალსაზრისით, წინააღმდეგობრივია. ერთის მხრივ, იგი არის ტრადიციული მატრონა, ხოლო მეორეს მხრივ, თავისი თავისუფლებით გამოჩნევი, ვითარცა ლესბია, კატულუსის ლექსების გმირი. შეიძლება ითქვას, რომ ორივე ტიპის ქალები საკმაოდ აქტიურად იყვნენ ჩართულნი რომის საზოგადოებრივი ცხოვრების სხვადასხვა სფეროში. ზოგიერთი მათგანის სახელი გარკვეული დიდებით შეიმოსა. მათ შესახებ ისტორიას მრავალი საინტერესო ფურცელი შემორჩა.²⁰

უმალესი პატივი, რომელსაც რომის მაღალი წრის ქალები იმსახურებდნენ, იყო მათი განდიდება, ვითარცა ქალღმერთისა. ასეთებად გვევლინებოდნენ ძირითადად იმპერატორთა ის მეუღლეები, რომელთაც გარკვეული წვლილი მიუძღოდათ ქვეყნის პოლიტიკურსა თუ რელიგიურ ცხოვრებაში (გაიხსენით არსინოე). ამ მხრივ ყურადღებას იმყრობს ლივია დრუზილა, პირველი რომელი იმპერატორი ქალი (ძვ.წ. 58-29 წწ.). რომის პოლიტიკურ ცხოვრებაში დიდი როლი ითამაშეს ანტონიუსის ცოლებმა — ფულვიამ, ოქტავიამ და ცნობილმა კლეოპატრამ.

შეიძლებოდა დაგვესახელებინა მრავალი ცნობილი რომელი მატრონა, რომელთაც გარკვეული წვლილი მიუძღვით მათი მეუღლეებისა თუ შვილების საზოგადოებრივ საქმიანობაში. თავიანთი ინტრიგული ნიჭისა თუ მომხიბვლელობის წყალობით ამ ქალებმა მრავალი კეთილი თუ მზაკვრული განზრახვა აღასრულეს. მათ შორის ბევრი იყო პატივმოყვარეობის სენით შეპყრობილი, ბევრიც სათნო და თავგადადებული დედა. მათ პორტრეტებს თქვენ გაეცნობით ჩვენს ნიგნში.

²⁰ K. Christ, Die Römer, Eine Einführung in ihre Geschichte und Zivilisation, München, 1984^a.



აღნიშნავთ მხოლოდ რომ თავად რომაელი მამაკაცები დიდი პატივით ეპყრობოდნენ ქალებს, ანგარიშს უნევენდნენ მათ სურვილებს და მისწრაფებებს, ღირსეულად აფასებდნენ მათ ნიჭსა და უნარს. აქ უნდა გაეხსენოთ ის, თუ როგორი პატივი მიაგეს გრაკქუსებმა მათთვის ძვირფას დედას — კორნელიას. სვეტონიუსის გადმოცემის თანახმად, ლეთაბრიემა აევუსტუსმა „დედა დაკარგა თავისი პირველი კონსულობის ყამს, ხოლო და, ოქტავია, ორმოცდაათობმეტი წლის ასაკში. ორთავეს იგი დიდი მონინებით ეპყრობოდა სიცოცხლეში, ხოლო გარდაცვალების შემდეგ მათ უმაღლესი პატივი მიაგო“ („ავგუსტუსი“, 61, 2).


კეისართა ცოლებს ენიჭებოდათ საგანგებო ტიტულები. ავგუსტუსის გარდაცვალების შემდეგ მის ქერიეს ლივიას ეწოდა სახელი „ავგუსტა“ („პატივის ღირსი“). ასეთივე წესით ეწოდა აგრიპინა უმცროსს, კეისარ კლავდიუსის მეუღლეს, მომავალი იმპერატორის, ნერონის, დედას სახელი „კლავდია“. მოგვიანებით კი, ახ.წ. III საუკუნეში ზოგიერთი ტიტული უკვე მხოლოდ *pro forma* ხასიათს ატარებდა. ასე მაგალითად, „ავგუსტუსის დედა“, „ლაშქრის დედა“ ან „ლაშქრისა და სენატის დედა“ — ეს ტიტულები მიენიჭათ განსაკუთრებული დამსახურებისათვის პოლიტიკურ სარბიელზე უაღრესად გამორჩეულ ქალებს.²¹

რასაკვირველია, განსაკუთრებით საინტერესოა ქალის როლი რომაულ მხატვრულ კულტურაში. თუკი გავითვალისწინებთ იმას, რომ რომში საკმაოდ მაღალი იყო ქალთა განათლების დონე, ყოველ შემთხვევაში საზოგადოების ზედა ფენებში მაინც, რომ ამ წრის ქალები მიჩვეულნი იყვნენ ფუფუნებაში ყოფნას, რომ ისინი მონაწილეობდნენ რომის სულიერი თუ ბოჰემური ცხოვრების ყველა სფეროში და ამასთანავე საკმაოდ დიდი თავისუფლებით სარგებლობდნენ, მოსალოდნელი იყო, რომაელ ქალებს თავისი მნიშვნელოვანი სიტყვა ეთქვათ ლიტერატურისა და ხელოვნების დარგებში, პირველ რიგში კი პოეზიაში. მაგრამ საინტერესო ის არის, რომ ამ მხრივ რომაელი ქალები ბევრად ჩამოუვარდებიან თავიანთ ბერძენ კოლეგებს, რომლებიც გაცილებით უფრო ნაკლები უფლებებით სარგებლობდნენ. როგორც აღნიშნავენ, რომაელ ქალთა შემოქმედებითი პოტენციალი, მიუხედავად მათი საკმაოდ დიდი პიროვნული თავისუფლებისა საზოგადოებრივ ცხოვრებაში, საკმაოდ დაბალი იყო.²² რასაკვირველია, ამ მოვლენას თავისი ახსნა დაეძებნება.²³

²¹ S. B. Pomeroy, *Frauenleben im Klassischen Altertum*, Stuttgart, 1985, გვ. 281.

²² *Dichterinnen des Altertums und des frühen Mittelalters*, Zweisprachige Textausgabe, Eingeleitet, übersetzt und mit bibliographischem Anhang versehen von Helene Homeyer, Paderborn, München, Wien, Zürich, 1979.

²³ იხ. ნ. ტონია, საჰფოს ფენომენი და ანტიკური ხანის ქალთა პოეზია (დისერტ.), თბილისი, 1993 წ.



პოლიტექნოლოგია

საპფო

ტფფფ

კორინა

ტფფფ

ერიანა

ტფფფ

ნოსინი

ტფფფ

ანიტა

ტფფფ

გორიო

ტფფფ

სულანიცია

პოეტისებრი







სააფოს

პორტრეტი
ფოლიანტიკუმი

„ასე მგონია, მომავალშიც გაგიხსენებენ...“ — იმისა სააფომ, მსოფლიოს ლირიკული პოეზიის უპირველესმა პოეტისამ, თავის ეპოქაშივე აღიარებულმა დიდებულ მგოსნად, საუკუნეთა განმავლობაში დიდების გვირგვინით მოსილმა და ამიტომაც მარადისობას ზიარებულმა. მისნობა ახდა: მის ქმნილებებს აღფრთოვანებით კითხულობდნენ ელინებიც და ბარბაროსებიც, წარმართებიც და ქრისტიანებიც... დროთა განმავლობაში სააფოსს სახელი ლეგენდებით შეიმოსა, ქმნილებათაგან კი ფრაგმენტები შემოგვრჩა.

ყველა ეპოქის მკითხველს იზიდავს შეუსაბამო ისტორიები, მითუმეტეს, თუკი ისინი სახელოვან პიროვნებებზე მოგვითხრობენ. ანტიკურ ხანაშივე ვრცელდებოდა სააფოს შესახებ მიეთ-მოეთი. გადმოცემათა თანახმად, იგი ყოფილა ტანმორჩილი, შავგვრემანი და ულამაზოც, თანაც უზნეო (P. Ox. XV (19220 nr. 1800 ფრ 1); მას მშვენიერი ჭაბუკი ფაონი შეჰყვარებია, ხოლო ფაონს კი არ უყვარდაო პოეტი ქალი. უიმედო ენებათაღელვას აყოლილ სააფოს თავი მოუკლავს, გადაშვებულა რა ლეკადის კლდიდან ამღვრეულ ზღვაში (სტრაბონი, X 452); სხვა ლეგენდა კი გვამცნობს, თითქოს სააფო იყო ჰეტერა, ართობდა კაცებს, მაგრამ ჭეშმარიტი ენებით მხოლოდ ახალგაზრდა ქალიშვილებისაკენ ისწრაფოდა, მათ უძღვნიდა თავის სიმღერებს (მაქსიმოს ტიროსელი, 18, 9). ამ არაბუნებრივი სიყვარულის სახელწოდებად დღემდე შემორჩა „საფოური“ ან „ლესბოსური“, რამეთუ სააფო კუნძულ ლესბოსის მკვიდრი იყო.

სულ სხვაგვარად წარმოგვიდგენენ სააფოს ანტიკურობის სახელოვანი მოღვაწეები: მისი თანამედროვე და თანამოქალაქე დიდი პოეტი ალკეოსი ერთ-ერთ ფრაგმენტში (სიმღერა ალბათ სააფოს ეძღვნებოდა) ღვთაებათა საკადრისი ეპითეტებით ამკობდა თავისი ოდის ადრესატს: „იებით



მორთულო, წმინდა, ტკიბილიმილიანო სააფო" (ფრ. 63 D.); ბრძენი სო-
ლონი თურმე სიკვდილის წინ მის სიმღერებს სწავლობდა (ელეიანოსი, XXIX
58); ფილოსოფოსი პლატონი „მეათე მუზას“ უწოდებდა (AG IX 506); უტყ-
უარი სტრაბონი „გასაოცარ არსებად“ (Μαμαστων η χερψα) მოიხსენიებდა
და დასძენდა: „...ჩვენ არ ვიცით სხვა პოეტესა, რომელიც მცირეოდენით
მინც თუ გაუტოლდებოდა სააფოს პოეტური მშვენიერებით“ (XIII 617).
სწორედ ეს ჰქონდა ალბათ მხედველობაში რომის უდიდეს პოეტს, პორა-
ციუსს, როდესაც მას „mascula Sappho“ („მამაკაცური სააფო“, Ep. 1.19.28)
უწოდა. იმ ხანად ქალთა პოეზია დაღმავალი გზით მიექანებოდა და ამი-
ტომ სააფოს შემოქმედებითი ნიჭი მამაკაცური ძალისხმევის ტოლფასი
ჩანდა.

ეს შეფასებანი, ანტიკური კრიტიკისათვის ნიშანდობლივი სიზუსტითა
და სინატიფით აღბეჭდილნი, ხანგრძლივი დროის განმავლობაში შემუშა-
ვებული ე.წ. მხატვრული კანონის გამოცდილებას რომ ეფუძნებიან, ნათ-
ლად განსაზღვრავენ სააფოს პოეტურ გენიას. მათ ველარაფერს დავუმა-
ტებთ. ჩვენამდე მოღწეული ფრაგმენტები, თუკი ისინი ორიგინალის შე-
სატყვისნი არიან, თავად აგრძნობნიებენ მკითხველს ამ შეფასებათა ჭეშ-
მარიტებას. ოღონდ ერთი რამ უნდა გვახსოვდეს: იმ უძველეს ხანად (ძვ.წ.
VII-VI სს.) მელოსური ლირიკის ქმნილებები სრულდებოდა სიმღერისა და
ცეკვის თანხლებით, რაც ქმნიდა სრულყოფილ ეფექტს. ჩვენამდე კი მხო-
ლოდ ლექსებია შემორჩენილი და ისიც ფრაგმენტულად. თუმცა ეს ფო-
ლიანტური ფრაგმენტულობაც თავისებურად მომხიბლავია.

სააფოს პიროვნებით დაინტერესებას მრავალმა გარემოებამ შეუნყო
ხელი. ყველაზე მეტად კი იმან, რომ მისი შემოქმედების დიდი ნაწილი ქალ-
წულებს ეძღვნებოდა. მათი შთაგონებით ქმნიდა პოეტი თავის სიმღერებს,
რომლებშიც ჩაქსოვილი იყო მისი ემოციური ბუნებისათვის დამახასიათე-
ბელი მძაფრი განცდები და ლტოლვები. რატომ? ამაში რომ გავერკვეთ,
უპირველეს ყოვლისა, უნდა წარმოვიდგინოთ იმ პერიოდის კუნძული ლეს-
ბოსი, სააფოს სამშობლო.

ანტიკური ტრადიცია ლესბოსს ხმელთაშუა ზღვის შვიდ უდიდეს და
უმნიშვნელოვანეს კუნძულთა შორის მოიხსენიებს (სტრაბონი, XIII 612).
სააფოს დროს ეს კუნძული სხვა მხარეთაგან გამოირჩეოდა თავისი მა-
ღალგანვითარებული კულტურით. უპირველეს ყოვლისა, იგი იყო მემკვიდ-
რე ძველი ეოლიისა, სადაც ვითარდებოდა ეპიკური პოეზია. ლესბოსი იყო
აგრეთვე ადგილი, სადაც ხალხმა, უაღრესად მუსიკალურმა, ეპოსის მასა-
ლის საფუძველზე შექმნა დიდებული ლირიკა. აქ ცხოვრობდნენ და მოღ-
ვანობდნენ ისეთი სახელოვანი პოეტები, როგორებიც იყვნენ არიონი და
ტერპანდროსი, თავად სააფოს დროს კი — ალკეოსი. იგი, ისევე როგორც
სააფო, მიტილენელი იყო, თუმც ოდნავ უფრო ახალგაზრდა. მიტილენელი
იყო მათივე თანამედროვე პიტაკოსიც, ძველი საბერძნეთის შვიდ ბრძენ-
თა შორის რომ ასახელებენ.



ეოლიელებით დასახლებულ ამ მშენიერ და მდიდარ კუნძულზე საინტერესო თავისებურება დასტურდება: აქ ქალები დამოუკიდებელნი და თავისუფალნი იყვნენ, მაშინ როდესაც იმავე პერიოდის ატიკაში ისინი მკაცრად განსაზღვრულ ოჯახურ წესებს ემორჩილებოდნენ. იმ შორეულ ეპოქაში ლესბოსზე მატრილინეალური ტრადიციები ჯერ კიდევ არ იყო გამქრალი. ალბათ ამიტომ არისტოკრატიული გვარის ჩამომავალი კაცებისათვის არსებულა ე.წ. მამრთა საიდუმლო კავშირები. სავარაუდოა, რომ კაცები თავისი დროის უმეტეს ნაწილს იქ ატარებდნენ. თავის ისტორიულ როლს, რომელიც მატრილინეალური გადმონაშთების წინააღმდეგ ბრძოლასა და ეკონომიურად ძლიერი პატრილინეალური ძალაუფლების დამკვიდრებას გულისხმობდა, ეოლიდის მამრთა საიდუმლო გაერთიანებები აღასრულებდნენ რელიგიური მორჩილების ტაქტიკით. ეს იყო რიტუალთა და რწმენათა მთელი სისტემა, რომელიც მოსახლეობაზე მაგიურად მოქმედებდა. როგორც სოციალური ორგანიზაცია, ეს საიდუმლო კავშირები მდიდარ არისტოკრატთა ღარიბ მოსახლეობაზე ბატონობის ერთგვარი იარაღიც იყო. კუნძულ ლესბოსზე ამ საიდუმლო გაერთიანებებში მამრთა მიღება ხდებოდა ბავშვობის ასაკიდან, უცერემონიოდ, მაგრამ გარკვეული გადასახადით. ახლადზიარებულნი იცავდნენ გარკვეულ წესებს, მონაწილეობდნენ მნიშვნელოვან წესისგებებსა თუ რელიგიურ ზემოქმედებებში, რომლებსაც აღასრულებდნენ მამრთა საიდუმლო კავშირების მფარველ ღვთაებათა წმინდა ქალებში.

თუკი ალკეოსის პოეზიას გაეიხსენებთ, ასეთ მფარველ ღვთაებად იქ აპოლონი გვევლინება, როგორც წესრიგისა და კანონიერების დამცველი ღმერთი. უძველესი წყაროებიც მიუთითებენ, რომ აპოლონის კულტი გავრცელებული იყო ამ კუნძულზე (სტრაბონი, 579).

მამრთა საიდუმლო რიტუალებისა და მათთან დაკავშირებულ რწმენათა შინაარსი, მათი გასაიდუმლოებულობის გამო, დღემდე უცნობია. თუ დაეუშვებთ, რომ ალკეოსი ამ საიდუმლო კავშირის ნეერი იყო (რაზეც მიგვანიშნებს მისი შემოქმედების ანალიზი), უნდა ვივარაუდოთ, რომ ასეთი გაერთიანების სოციალური ფუნქცია შიდაპოლიტიკურ სიტუაციათა ფლობას გულისხმობდა. ალკეოსის პოეზიაში ნათლად იკვეთება მოქალაქე — პოეტის სახე, რომელიც იბრძვის არისტოკრატიული უფლებების დასაცავად. მართალია, იგი მარცხდება ამ ბრძოლაში (ეს ისტორიული აუცილებლობა იყო), მაგრამ სულით არ ითრგუნება და საბრძოლო მახვილს ღვიწით სავესე ფიალას შენაცვლებს.

ისევე, როგორ კაცებს, კუნძულ ლესბოსზე ქალებსაც ჰქონდათ თავშესაყარი ადგილები, ჰყავდათ რჩეული ღვთაებები, რომლებსაც თავყვანს სცემდნენ და რომელთა კეთილგანწყობის მოსაპოვებლადაც საგანგებო რიტუალებს აღასრულებდნენ. ამის თქმის საშუალებას გვაძლევს, უპირველეს ყოვლისა, საპფოს ლირიკა. სამწუხაროდ, არქაული ეპოქის ბერძენთა რელიგიური ცხოვრების შესახებ არქეოლოგიური მასალა განზო-



სააფო



გადებათა არამყარ საფუძველს იძლევა. მეცნიერები იძულებულნი არიან ძირითადად დაეყრდნონ ამ პერიოდის მხატვრულ ნაწარმოებებს. მიუხედავად მათი ფრაგმენტული ხასიათისა, სწორედ აქ მოპოვებული ინფორმაციაა უმთავრესი ეპოქის საზოგადოებრივი ცხოვრების სურათის წარმოსადგენად. ის, რომ სააფოსა და მის გარშემო შემოკრებილ ქალიშვილთა სათაყვანებელი ქალღმერთი იყო აფროდიტე, ეს ჯერ კიდევ ალექსანდრიელმა სწავლულებმა (ძვ.წ. III ს.) დაადგინეს და, შესაბამისად, ბერძენი პოეტი ქალის სიმღერათა გამოცემაში პირველ ადგილზე ამ ღვთაებისადმი მიძღვნილი ჰიმნი მოათავსეს. სააფოს ჩვენამდე მოღწეული სიმღერების დიდი ნაწილი სწორედ აფროდიტეს ეძღვნება, უფრო დიდი ნაწილი კი სიყვარულის იმ მშვენიერების განცდას, რომელსაც ეს ღვთაება ანიჭებდა ადამიანებს.

აფროდიტე სააფოს პოეზიაში წარმოგვიდგება არა მხოლოდ სიყვარულის, სიკეთისა თუ მარადიულობის სიმბოლოდ, არამედ უმუშაოდ პოეტთან, მის ინტიმურ სამყაროსთან დაკავშირებულ ღვთაებად. იგი სააფოს „თანამდგომი“ იყო ყველაზე უფრო დაძაბულ ცხოვრებისეულ მომენტებშიც კი. ასე ეგონა პოეტს. ამ შემთხვევაში მისი განჭვრეტა გამძაფრებული იყო და გრძნობიერება განწმენდილი, რადგანაც მარადიულთან ზიარებით ეძიებდა ბედნიერებას (ფრ. 58, ფრაგმენტებს ვუთითებთ ე. ლობელისა და დ. პეიჯის გამოცემის მიხედვით: E. Lobel, D. Page, *Poetiarum Lesbiorum Fragmenta*, Oxford, 1955.). სააფოს პოეზიაში ეს ზიარება აისახა იმ ტრადიციული დროისა და მანძილის უგულბელყოფით, რაც მოკვდავთა და უკვდავთა სამყაროს ერთმანეთისგან განაშორებდა. ამ სიტყვების ნათელსაყოფად უნდა გავიხსენოთ ერთი სიმღერა, სადაც ღვთაების მოლოდინი საოცარი ინტიმურობითა და პოეტურობით არის წარმოდგენილი. რიტუალი უნდა აღსრულდეს, აფროდიტეს გამოცხადებას მოელის ყველა — ადამიანიც და ბუნებაც, წმინდა ტაძარი, ვაშლის ხეების ხეივანი, საკურთხევლები, წვიმა, ვარდები, ბალახები... და სიჩუმეა. თვლემს ბუნება თავისი ღვთაების მოლოდინში. სააფო მიმართავს აფროდიტეს:

„ციდან ისწრაფე, კრეტის წმინდა ტაძართან მოდი,
აქ ვაშლის ხეთა დიდებული ხეივანია
და სურნელოვან საკმეველთა ბოლით მოსილი
საკურთხევლები.

წვიმის წვეთები ხმაურობენ ხეთა რტოებში,
ველად ბალახებს ეფინება ვარდების ჩრდილი,
ათრთოლებული ფოთლებიდან მოითენთება
მღუმარე თვლემა.



მიმოხეულან საძოვრებით მდიდარ მინდორზე
ახლად მოსული ყვავილები და საამური
ნიავი არხევს იაკინთებს წმინდა ბალების
წყაროთა ჩრდილში.

კიპროსშობილო, გვირგვინებით დამშვენებული
მოდი ამ ველზე და ალავეც ოქროს თასები
დამათრობელი სიხალისით განზავებული
ტკბილი ნექტარით".

ფრ. 2

ბერძნებს ღრმად სწამდათ, რომ ღვთაებათა მოვლინება დღესასწაულზე უდიდესი ბედნიერების მომნიჭებელი იყო. სააფო არა მხოლოდ მოუხმობს თავის რჩეულ ღმერთქალს, არამედ შესთხოვს, თავადაც მიიღოს მონაწილეობა ამ ზეიმში — ოქროს თასები ალავსოს... ტკბილი ნექტარით, ანუ ღმერთების სასმელით. დავუკვირდეთ, როგორი უბრალოებით არის წარმოსახული მთელემარე მოლოდინისა თუ ღმერთქალთან ურთიერთობის სურათები. ეს უშუალოდაა და უბრალოებაა სწორედ სააფოს პოეტური უაღრესობის განმსაზღვრელი. და კიდევ ერთი: როდესაც სააფო ელის ღვთაებას, მან იცის, რომ იხილავს კიდევ. იგი გრძნობს ღმერთებს, მათ სინათლეს, კეთილგანწყობას, სიყვარულს. ძველი ბერძენისათვის ხომ ეს ჩვეულებრივი მოვლენა იყო, რადგან ღრმად სწამდა, რომ სამყაროს მის გარშემო ავსებდნენ ღვთაებრივი ძალები. ოქროსგვირგვინოსანი აფროდიტე თავის მხლებელი პეითოთი (დარწმუნების ქალღმერთი), ვარდისფერმკლავება ქარიტები, თმამშვენიერი მუზები, ნათელი ჰერა, ნერეიდები სააფოსთვის ალევორიები კი არ არიან, როგორც რომაული თუ ახალი დროის პოეტებისთვის, არამედ რეალურად არსებული, ცოცხალი ღმერთები, რომლებიც არასოდეს ტოვებენ პოეტს. მისი ვედრება, ავლენილი აფროდიტესადმი, ეს გულწრფელი ლოცვაა, რწმენით აღსავსე. როდესაც სააფო ამბობს: „წუხელის სიზმრად ვესაუბრე კიპროგენეას“ (ფრ. 134), ეს იმას ნიშნავს, რომ მას მართლაც ეზმანა აფროდიტე და შესაძლოა, ესაუბრა ისე, როგორც ეს ცნობილ პირველ სიმღერაშია აღბეჭდილი; როდესაც სააფო გვამცნობს, რომ „ახლახანს ოქროსსანდლება ეოსი“ (ფრ. 123) იხილა, ღრმად სჯერა, რომ გამთენიისას, ძილ-ბურანში მან მართლაც იგრძნო ცისკრის ღვთაების სიხარული და ოქროვანი ნათელი სიხვი... ხოლო ჩვენთვის კი ამ სიმღერებით ცოცხლებიან ღვთაებები გარდასულ დროთა. სწორედ ეს ინტიმური შეგრძნება ღმერთებთან რეალური სიახლოვისა სააფოს პოეზიის კიდევ ერთი ხიბლია.

სააფოს უთქვამს, რომ მას მუზები ანიჭებდნენ ჭეშმარიტ ბედნიერებას (ელთანოსი, 28, 51), ამიტომაც ეთაყვანებოდა მუზებს, ხოლო იმ ად-



სააფო



გილს, სადაც თავს იყრიდნენ საიდუმლოს ზიარებული ქალიშვილები, უნოდებდა „მუზის მსახურთა სახლს“ („μυθιστοπιλῶν δῆμα“ ფრ. 150). არავის მიუჩნევია საკამათოდ ის, რომ საბჭო ამ სახლის წინამძღვარი იყო. მის მიერ აღიარებული კულტი (აფროდიტე) განაპირობებდა საიდუმლოს ზიარებულთა ცხოვრების წესსა თუ შემოქმედების თემატიკას. ეს იყო სიყვარული, მშვენიერება, გაზაფხულის დღესასწაული, ქორწინება და ყოველივე ის, რაც დაკავშირებული იყო აფროდიტეს კულტთან და რაც ხალხით აღავსებდა ადამიანურ ყოფიერებას. ალკეოსისგან განსხვავებით, ლესბოსის პოლიტიკური ცხოვრება მისი თვალსაწიერიდან შორს იდგა.

საეარაუდოა, რომ საბჭო, როგორც წინამძღვარი ქალწულთა რელიგიური და შემოქმედებითი სახლისა, ანუ თანამედროვე ტერმინი რომ მოვიშველიოთ, სალონისა, უნეოდა აღმზრდელით და აკადემიურ მოღვაწეობასაც. ხოლო ქალწულნი, მას შემდეგ რაც მიიღებდნენ დახვეწილ რელიგიურ თუ მუსიკალურ-პოეტურ განათლებას, შინ ბრუნდებოდნენ, ან თხოვდებოდნენ. ის დრო, რომელსაც ქალიშვილები ერთად ატარებდნენ, ჩანს, უბედნიერესი იყო მათ ცხოვრებაში. ისინი თხზავდნენ ლექსებს, სიმღერებს; სწავლობდნენ ცეკვებს; ეუფლებოდნენ დახვეწილ მანერებს, სილამაზის ხელოვნებას, რამეთუ მონაწილეობდნენ ცნობილ ზეიმებში, რომელთაც „კალისტები“ („სილამაზის აგონები“, თანამედროვე სამყაროში განსაკუთრებული პოპულარობა რომ მოიპოვა) ეწოდებოდათ; ემზადებოდნენ რელიგიური რიტუალების აღსასრულებლად და განიცდიდნენ ღვთაებებთან ზიარების სიხარულს; თავისუფალ დროს კი მინდვრად კრეფდნენ ყვავილებს, თმებს იმშვენებდნენ დიადემებით, სხეულს იხელდნენ ნელსაცხებლებით და მოღლილები ისვენებდნენ რბილ ბალიშებზე (ფრ. 94). ბუნებრივია, მათ მოსწონდათ „მუზის მსახურთა სახლში“ ყოფნა, ამიტომაც განშორებისას აფრქვევდნენ ცრემლებს და დგამდნენ დრამებს ასეთი დიალოგით:

- — საით მიდიხარ, სიქალწულე, სიქალწულე, რად მიმატოვე?
- აღარასოდეს დაებრუნდები, დედოფალო, აღარასოდეს!”

ფრ. 114

ხოლო პოეტი, წინამძღვარი, სიკვდილს ნატრობდა განშორებით გამონვეულ სიმწუხარეში (ფრ. 94). მას ხომ წრფელი გულით უყვარდა თავისი მონაფეები, რომელთაც უძღვნიდა არა მხოლოდ სიყვარულით გამთბარ სტრიქონებს, არამედ საკუთარი სულის ნაწილსაც. ეს ასე ხდება დღესაც. ყოველ ჭეშმარიტ მოძღვარს უყვარს თავისი მონაფე. საბჭოს შეეძლო ერთდროულად მოსიყვარულეც ყოფილიყო და მკაცრიც, ზომაზე მეტად გამოეხატა ენებათაღელევა გარეშემო შემოკრებილთა სულიერი ამაღლებისთვის. ამ მოვლენის საფუძველში იდო მყარი და ნათლად გასაგები, თუმცა დაწერილი კანონებით განუპირობებელი, აღზრდის სისტემა ღვთაებრივი



სინმინდის და ყოვლისშემძლეობის შეგრძნებისა, მშვენიერებისა და სიკეთის (καλοκαίρια) აღქმისა, მართალი ცხოვრებით ცხოვრებისა, ადამიანურ ფასეულობათა (სიბრძნე, ღირსება, სიმედგრე, სიყვარული, შემწყნარებლობა) შეგნებისა. ერთი სიტყვით, საბჭოს მოღვაწეობა წმინდა ელიზური მოვლენაა, რამეთუ ძველი ბერძენისათვის აღზრდაში მოიაზრებოდა რელიგიაც, ზნეობაც, შემოქმედებაც, სიყვარულიც. წარმოუდგენელი იყო მისთვის შემოქმედება ღმერთებისა და მართალგანგების გარეშე, ისევე როგორც შემოქმედი თავისი ქმნილების სიყვარულის გარეშე.

„სული შემიძრა სიყვარულმა ისე ძლიერად, როგორც მაღლიდან მოვარდნილი ქარი შესძრავს მთაზე მდგომ მუხას“.

ფრ. 47

ძნელია იმის გარკვევა, თუ ვისი სიყვარულით აღვლევებული წერდა საბჭო ამ სიტყვებს. მისი ემოციური არსება მიისწრაფოდა მძაფრი ვნებებისაკენ. იგი გარდაქმნიდა პოეზიად იმას, რასაც მისი აღფრთოვანება შეეძლო. მისთვის, ვინც უყვარდა (ან რაც უყვარდა), იყო ყველაზე მშვენიერი დედამინაზე (ფრ. 16). საბჭოს გენიას შეეძლო გასაოცარი სიმსუბუქით წარმოეჩინა საკუთარი სულის ვნებანი. ჯერ კიდევ უძველეს ხანებში ალაფრთოვანებდა მკითხველს ის პოეტური სრულყოფილება, რომელსაც აღწევდა იგი გრძნობათა წარმოსახვისას. ისევ ძველ ავტორს მივმართოთ. აი, როგორ ახასიათებს საბჭოს ძვ.წ. III საუკუნით დათარიღებული ტრაქტატის — „ამალეზბულისათვის“ — ავტორი ფსევდო-ლონგინოსი: „არა ხარტ გაოცებულნი, თუ როგორ მიმართავს იგი თითქოსდა შორით მყოფ სულსა და სხეულს, სმენას თუ ენას, თვალებსა თუ ფერს, — ყოველივეს, რაც თითქოსდა განილტვა მისგან. ურთიერთსანიანალმდეგო გრძნობათ რომ აერთებს, ის ერთდროულად თან იწვის, თან იყინება, ან გონი ერთმევა, თან ცნობას ეგება, ან სიკვდილის შიშით ძრწის, თან სიკვდილს ნატრობს, რათა თავისი განცდა ერთი რომელიმე გრძნობით კი არა, გრძნობათა ჭიდილით წარმოსახოს. განა ასე არ მოსდით მიჯნურთ? მაგრამ ეს არის, როგორც ვთქვით, ყველაზე მძაფრი (განცდანი მძაფრთა შორის) და მათი თავმოყრა ერთ მთლიანში, რაც გამოარჩევს ამ სიმღერას სხვათაგან (ტრაქტატის თარგმანი ეკუთვნის ბაჩანა ბრეგვაძეს):

„ღმერთების ხედრის მეჩვენება თანაზიარი კაცი, რომელიც შენს წინარე ზის მდუმარებით და გისმენს ტკბილად მოსაუბრეს, ნაზად მომლიმარს სულგანაბული.“



სააფთ



მე კი სხვა გრძნობა მეუფლება: ოდეს გიხილავ,
თუნდ წამიერი იყოს შენი გამოცხადება,
მღელვარებისგან ამოვარდნას ისწრაფვის გული
და გაოგნებულს

ძალი არ შეშინებს ხმა გავილო შენდა სათქმელად.
თავბრუ მეხვევა, მწველი ალი სხეულს დამიელის,
თვალთაგან ჩინი მეკარგება, სასმენელთაგან
მერთმევა სმენა,

ოფლად ვიღვრები, თრთოლა მიტანს, გონებას ეკარგავ,
ბალახზე უფრო მწვანე ფერი სახედ მედება,
მცირედი ხანიც და უსულოდ ჩაევიცეცები
მგონია, მკვდარი.

მაგრამ ყველაფრის დამთმენია საბრალო სული..."

ფრ. 31

საძფოს აღელვებდა არა მარტო საყვარელი არსება ერთიანად, არამედ მისი გაღიმება, საამური ხმა, კაბის შრიალი... და არც ერიდებოდა ამის გამხელა, რადგან ღრმად სწამდა, რომ სიყვარულის გამოვლინებით მშვენიერებას აზიარებდა საკუთარ თავსაც და მსმენელებსაც.

აზრს იმის თაობაზე, რომ მუსიკური სალონის წინამძღვარი აკადემიურ მოღვაწეობასაც ეწეოდა, ამყარებენ საძფოს ის ფრაგმენტები, რომლებსაც შეგონებითი ხასიათი აქვთ. მათში პოეტი ღირსებისა და სულიერი კეთილშობილების გრძნობაზე ამახვილებს თავისი მსმენელის ყურადღებას. პლუტარქემ შემოგვინახა ერთი ფრაგმენტი ასეთი კონტექსტით: „მრისხანების ჟამს არაფერია უფრო ღირსეული, ვიდრე სიმშვიდე. როგორც იტყოდა საძფო: „ოდეს შენს სულში ბორჯნული მძინეარებს რისხვა, ენა, ამოად მოყეფარი, დაიმორჩილე“ („მრისხანების დაოკებაზე“, 7 ფრ. 158). შეგონებათა ციკლს უნდა მივაკუთვნოთ ის ფრაგმენტიც, სადაც პოეტი მსჯელობს ბედნიერებაზე:

„თუკი სიმდიდრეს ღირსება არ დაავიროგვინებს
ცუდია, ერთად — მწვერვალია ბედნიერების“.

ფრ. 148

აღბათ საძფოს ეს გამონათქვამი ჰქონდა მხედველობაში ათენეოსს, როდესაც აღნიშნავდა: „ნათუ თქვენ გგონიათ, რომ სიმდიდრე ღირსების



გარეშე არის სიამის მომგვრელი? სააფო, რომელიც იყო ქალი ჭეშმარიტად და პოეტი, სამართლიანად გამოპყოფდა კეთილშობილებას სიმდიდრისაგან და ამბობდა (ციტ. ფრ. 58)... რომ მას თავად ჰქონდა ბრწყინვალე და ლამაზი ცხოვრების სურვილი" (P. OX. XV nr. 1787 fr. 1, 2).

დიდი ხანია, სააფოს შემოქმედების მკვლევართა ყურადღება მიიპყრო ერთმა ფრაგმენტმა:

„მშვენიერს მხოლოდ გარეგნობა აქვს მშვენიერი, კეთილი უმალ მშვენიერიც მოგეჩვენება“.

ფრ. 50

სიტყვის „მშვენიერი“ ბერძნული შესატყვისია „καλός“. ხოლო „კეთილის“ — „ἀγαθός“. მოგვიანებით, პლატონთან, ეს ორი ტერმინი შეერთდება და შეიძენს უმაღლესი ადამიანური ფასეულობის გაგებას. ანტიკური ლიტერატურის ცნობილი მკვლევარის ა. ლესკის სამართლიანი შენიშვნით, ბერძნულ ფილოსოფიაში მეტად გავრცელებული „კალოკაკათიას“-ს პრობლემა სწორედ სააფოს პოეზიიდან აიღებს დასაბამს (A. Lesky, *Geschichte der griechischen Literatur*, München, 1971⁹, 176).

„მუზის მსახურთა სახლი“, რომელსაც მეთაურობდა სააფო, არ ყოფილა ერთადერთი კუნძულ ლესბოსზე. მიტლენში მის გარდა არსებულა სხვა მსგავსი „სახლებიც“, რომლებსაც ქალები მეთაურობდნენ, მათ სახელებს თავად სააფოც მოიხსენიებს (ფრ. 57; 131; 90; 68 და სხვა.). ჩანს, მათ შორის გარკვეული ურთიერთდაპირისპირებაც იყო. ამაზე მიგვანიშნებენ ის ფრაგმენტები, სადაც სააფო გამოთქვამს თავის გულისტკივილსაც იმის გამო, რომ მისი წრის წევრი ქალწული სხვისკენ (ანდრომედასკენ, გორგოსკენ) ისწრაფვის და სიხარულსაც იმის გამო, რომ ვიღაცა მას უბრუნდება:

„შენ დამიბრუნდი, რა კარგია, ო, როგორ მსურდი, ნათელმოსილი სიყვარულით ამივსე სული, იბედნიერე, ვიდრე დროა ბედნიერების...“

ფრ. 48

ცნობილ ბერძენ მწერალ ფილოსტრატოსსთან ვხვდებით ასეთ ცნობას: „გაინტერესებს, თუ რა ერქვა პამფილიელ ქალს, რომელიც იცნობდა სააფოს და თხზავდა ჰიმნებს არტემის პერგაელის განსაადიდებლად, უსადაგებდა რა ერთურთს ეოლიურ და პამფილიურ მანერას? ...ეს ბრძენი ქალი თავის თავს უწოდებდა დამოფილეს და თხზავდა სააფოს მანერით. შემოიკრიბა გარეშემო ქალწულთა წრე და ქმნიდა ეროტიკულ სიმღერებს, აგრეთვე ჰიმნებს, რომელთაც არტემისს უძღვნიდა. საერთოდ კი ბაძავდა



სააფო



საჰფოს" (ფილოსტრატოსი, „აპოლონიოსის ცხოვრება“, I, 30). ამ დამოცემის მიხედვით, პამფილიელი დამოფილეს სალონის წევრებს, ქალწულებს, არტემისის კულტი აერთიანებდა. ისინიც ქმნიდნენ ეროტიკულ სიმღერებსა (თუმც ეროტიკა ერთობ შორს უნდა ყოფილიყო არტემისისგან) და პიძნებს. ფილოსტრატოსი დამოფილეს ბრძენ ქალს უწოდებს ისევე, როგორც პლატონი — საჰფოს (ელიანოსი, „ჭრელ-ჭრელი ამბები“, 12, 19). ჩანს, დამოფილევ არტემისის კულტს ზიარებულ ქალთა სტუდიის განსწავლული და შემოქმედებითი ნიჭით დაჯილდოებული ნინამძღვარი უნდა ყოფილიყო.

ასე, რომ უძველესმა წყაროებმა შემოგვიინახეს ცნობები საჰფოსდროინდელ ლესბოსზე სულ ცოტა ქალთა ოთხი სალონის არსებობის თაობაზე. ეს უმნიშვნელო ციფრი როდია. უნდა ვივარაუდოთ, რომ მათ შორის არსებული კონკურენცია, ბერძენთა აგონისტური სულის ერთ-ერთი გამოვლინება, ხელს უწყობდა ლესბოსზე მუსიკალურ-პოეტური ტრადიციების განვითარებას. ამ აზრს ამყარებს უცნობი ავტორის ფრიად საგულისხმო ნაუბარი: „ეფიქრობ, აღამაღლეს „შეგობარმა ქალებმა“ (ἐταίραι) მუსიკალური ხელოვნება, რომელიც სასარგებლო და აუცილებელი იყო ქალწულებისთვის“ (P. Oxy. XXIX nr. 2506 fr. 48). ამ ერთი ფრაზიდან ორი უმნიშვნელოვანესი აზრის გამოტანა შეიძლება: ერთის მხრივ იმის, რომ ახალგაზრდა ქალიშვილებისათვის აუცილებელი და სასარგებლო იყო მუსიკალური (და შესაბამისად, პოეტური) განათლება, მეორეს მხრივ კი — ეს მოვლენა ხელს უწყობდა, საერთოდ მუსიკალური ხელოვნების განვითარებას. ლესბოსელ ქალთა საიდუმლო სტუდიების წევრები, ისევე როგორც მათი მეთაურები, რა თქმა უნდა წერდნენ სიმღერებს, მაგრამ მათგან ჩვენამდე არაფერს მოუღწევია. როგორც ჩანს, ყველა დაჩრდილა საჰფომ. მისი სიმაღლე მიუწვდომელი აღმოჩნდა შემდგომდროინდელი პოეტებისთვისაც.

ანტიკური ესთეტიკის მესვეურებს არ დარჩენიათ ისინი ყურადღების გარეშე. მათ შეუდგენიათ ნუსხა, სადაც ცხრა საუკეთესო პოეტი ქალის სახელი ყოფილა წარმოდგენილი. ამ ნუსხის მიხედვით კი პოეტ ანტიპატროს თესალონიკელს (ძვ.წ. I — ახ.წ. I სს.) შეუთხზავს ეპიგრამა მათი მოკლე დახასიათებით (AG IX, 26). ჩვენამდე შემორჩა ამ ეპიგრამაში წარმოდგენილი თითქმის ყველა პოეტი ქალის შემოქმედების ნიმუშები. უფრო მნიშვნელოვანია, ე.წ. ბერძენ პოეტთა კანონი, რომელიც ჯერ კიდევ ძვ.წ. III საუკუნეშია შექმნილი და სადაც ძველი საბერძენეთის ცხრა საუკეთესო ლირიკოსია დასახელებული. მასში პოეტ ქალთაგან მოხსენიებულია ერთადერთი საჰფო, რომელსაც პინდაროსისა და ბაკქილიდესის შემდეგ მელოსური ლირიკის უმნიშვნელოვანეს შემოქმედად თელიდნენ. დრო, როგორც ყოველთვის, ადასტურებს ანტიკური კრიტიკის ჭეშმარიტებას.

პლატონის „ნადიმს“ ერთ-ერთი მონაწილე ამბობს: „არცერთ მოვლენაზე არ შეიძლება ითქვას, რომ იგი მშვენიერია ან უმსგავსო. ასე მაგალითად, ჩვენ აქ ვსვამთ, ვმღერით და ვბაასობთ. ამასი თავისთავად არაფერია



მშვენიერი და ის გახდება მშვენიერი იმის მიხედვით, თუ როგორ აღვასრულებთ ამას — თუ მართებულად და მშვენიერად, მაშინ ნადიმიც მშვენიერი იქნება, ხოლო თუკი უმართებულოდ, მაშინ — უმსგავსო. იგივე ითქმის სიყვარულისა და ეროსის შესახებაც: ყოველი ეროსი კი არ არის მშვენიერი და დიდების ღირსი, არამედ მხოლოდ ის, რომელიც ჩვენში მშვენიერ სიყვარულს აღძრავს". იგივე ითქმის პოეზიაზეც. მისი ყოველი ნიმუში კი არ არის დიდების ღირსი, არამედ მხოლოდ ის, რომელიც ჩვენში მშვენიერების გრძნობას აღვიძებს. ასეთი იყო საპფოს ლირიკა. იგი სიყვარულზე წერდა და სიყვარულის მშვენიერებას განაცდევინებდა მსმენელს. სოკრატეს მსჯელობის თანახმად, ზეციური აფროდიტეს ეროსი არის „მშვენიერების სიყვარული“. იგი, ეუფლება რა ადამიანის სულს, აღამაღლებს და განანათლებს. ზეციური აფროდიტე იყო სწორედ საპფოს შთამაგონებელი. ამიტომ იგი ცხოვრობდა თავის სამყაროში — სიყვარულით სილამაზეში.

საპფოს არა მხოლოდ თავისი პეტაირები („მეგობარი ქალწულები“) უყვარდა, არამედ თავისი ახლობლებიც.

გადმოცემათა თანახმად, მას ჰყავდა ქალიშვილი, სახელად კლეისი (საგულისხმოა, რომ მის დედასაც კლეისი ერქვა). პოეტს მრავალი ლექსი ექნებოდა მისდამი მიძღვნილი. ჩვენამდე მოაღწია რამდენიმემ, მათ შორის ასეთ სტრიქონებს ვხვდებით:

„რა ლამაზია საყვარელი ჩემი გოგონა,
ჩემი კლეისი, ოქროვანი ყვავილის დარი,
მის ნათელ სახეს შემოვავლებ ლიდიასაც და
ლესბოსსაც მისდა სანაცვლოდ გავხედი“.

ფრ. 132

რაოდენი სიყვარულია ჩაქსოვილი ამ სიტყვებში. ქალწულებისადმი მიძღვნილი ვერცერთი ლექსი ვერ შეედრება მას სიღრმითა და გულწრფელობით. ეს ყველა ეპოქისა და დროის დედის ნათქვამს ჰგავს.

ცნობილია, რომ საპფოს ჰყავდა სამი ძმა: ერიგიოსი, ლარიქოსი და ქარაქსოსი (P. Ox. XV (1922) nr. 1800 fr. 1). უმცროსს, ლარიქოსს, ნარჩინებულთა გვარისათვის შესაფერისი თანამდებობაც ეკავა. ერიგიოსი მონაწილეობდა რომელიღაც ბრძოლაში. შედარებით მეტი რამ ვიცით უფროსი ძმის — ქარაქსოსის შესახებ: იგი მიტილენიდან სამოგზაუროდ წასულა ეგვიპტეში. იქ შეიყვარა პეტერა დორიქა, რომელიც დიდი თანხით გამოისყიდა. ამან კი საპფოს გულისწყრომა გამოიწვია, რაც აღიბეჭდა კიდევ მის სიმღერებში (ფრ. 5; 3; 20; 7). მათგან შედარებით ვრცლად მოღწეულ ფრაგმენტში ვკითხულობთ ძმისადმი განსაკუთრებული მზრუნველობით გამთბარ სტრიქონებს. პოეტი ევედრება აფროდიტესა და ნერეიდებს, შეაძლებინონ ბედნიერად შინ დაბრუნება მის ძმას, შეუნდონ შეცოდებები



საპფო



და სანადელი ალუსრულონ, რათა „ოდინდელი სიყვარულით აღსავსე სულით დაბრუნდეს დასთან“ (ფრ. 5).

რაც შეეხება სააფოს სხვა მამაკაცებთან ურთიერთობას, რამდენიმე ფრაგმენტში ჩანს ამის კვალიც. ერთ-ერთ მათგანში პოეტი მისთვის ჩვეული ოსტატობითა და პოეტურობით სამყაროში სიმარტოვის მარადიული განცდის წინაშე გეტოვებს:

„ჩაესვენა მთვარეც, ვარსკვლავებიც,
დადგა შუალამე,
დრო კი მიდის, მიდის...
ისევ მარტო ვნევარ“.

ფრ. 94 D

სხვა სიმღერაში სააფო თავიდან იცილებს ვილაც მამაკაცს და სთხოვს, უფრო ახალგაზრდა ქალი მოიყვანოს ცოლად (ფრ. 121). საინტერესოა ერთი ფრაგმენტიც, სადაც პოეტესა მეგობარი კაცისადმი უჩვეულო სიბოძის გამოხატავს:

„...მეგობარო, წინ დამიდექი
და დამანახე მშვენიერი ნათელი თვალთა.“
ფრ. 138

განსაკუთრებულ ყურადღებას იმყრობს სააფოსა და ალკეოსის ურთიერთობა. როგორც აღენიშნეთ, ისინი ერთ დროს, ერთ ქალაქში ცხოვრობდნენ და თავ-თავის საქმეს ალასრულებდნენ. ისიც ვთქვით, რომ გადმოცემათა თანახმად, ალკეოსს უყვარდა სააფო. ჩანს, ამის საფუძველს ალკეოსის ადრე მოხსენიებულ ფრაგმენტთან ერთად იძლეოდა არისტოტელესთან დადასტურებული ამონარიდი — დიალოგი ორ დიდ პოეტს შორის:

ალკეოსი: მსურდა, რომ მეთქვა შენთვის რაღაც,
მაგრამ ვერ ვბედავ...

სააფო: ღირსებითა და სათნოებით სავსე სურვილი
რომ გქონდეს, განა წარმოთქვამდი საძრახის სიტყვებს?
მაშინ თვალებსაც არ დახრიდი დამორცხვებულნი
და გამანდობდი წრფელი გულით ნათქვამ სიმართლეს“.

ფრ. 137



დიდი ფილოსოფოსი ამ ამონარიდს იმონმებს, როდესაც საუბრობს სათნოებისა და მშვენიერების, საძრახისი საქციელისა და ამით გამოწვეული სიმორცხვის თაობაზე. იგი აღნიშნავს, რომ საპფო უღირს და, შესაბამისად, სამარცხვინო საქციელზე მიუთითებს ალკეოსს. ჩვენამდე მოაღწია ძე.წ. VI საუკუნის ლარნაკმა (იგი მიუნხენის მუზეუმში ინახება) ამ ორი პოეტის გამოსახულებით, სადაც ალკეოსი თავდახრილი დგას საპფოს წინაშე. გამოუცნობი რჩება, მაინც რას საყვედურობს საპფო ალკეოსს. თუმცა ჩვენ ეს ნაკლებად გვაინტერესებს. ყოველი შემთხვევისთვის, ერთი რამ ნათელია: საპფო ღირსებასა და სათნოებაზე ესაუბრება თავისი დროის ერთ-ერთ სახელოვან პოეტს და ალბათ უფლებამოსილიც არის. იგი ხომ სულიერ მშვენიერებას უქადაგებდა თავის მსმენელებს. მამაკაცებისადმი მიმართულ საპფოსეულ სტრიქონებზე კი მხოლოდ იმიტომ გავამახვილეთ ყურადღება, რომ მათი გათვალისწინებით გვინდა კიდევ ერთი შტრიხი შევმატოთ პოეტის პორტრეტს: რამდენადაც გახსნილია და მხურვალე საპფო თავისი სალონის ქალწულებისადმი ემოციათა გამოვლენისას, იმდენად თავშეკავებულია და ღირსების გრძნობით აღვსილი კაცებისადმი მიმართებით. ცნობილია, რომ მას ჰყავდა მეუღლე, ლესბოსელი არისტოკრატი, სახელად კერკილასი, რომელიც მიტილენეს პოლიტიკურ მღელვარებათა უამს გადასახლეს. მას გაჰყვა საპფოც. ხოლო როდესაც ტირანმა პიტაკოსმა ამნისტია გამოაცხადა, პოეტესა ქმართან ერთად დაბრუნდა მშობლიურ ქალაქში და სიბერემდე იცოცხლა (მდრ. ფრ. 58). „და წერდა იგი ლამაზ სიმღერებს სიყვარულზე, გაზაფხულზე და ზღვის ჩიტებზე; და იყო იგი ტკბილმოუბარი და საამო, რადგან ირჩევდა ლამაზ სიტყვებს, ზოგს კი თავადაც იგონებდა (დემეტრიოსი, „აზრის გამოთქმისათვის“, 166).“







თეთრაქალოსიან
ტანაგრელთა
მგოსანი

კორინთს

„მითები ხელით უნდა აბნო და არა ბარდანათი“ — ასე დაუმოდერავს კორინთს მისივე თანამედროვე პოეტი პინდაროსი, რომლის დიდებულებას თავადაც გრძნობდა. ამის თქმის საშუალებას გვაძლევს ფრაგმენტი მისივე სიმღერიდან: „გაკიცხვის ღირსია ტკიბილხმიერი მირტისი, რადგანაც ქალმა პინდაროსსთან შებმა გაბედა“ (ფრ. 15 D). სვიდას გადმოცემის თანახმად კი მირტისი იყო მასწავლებელი პინდაროსისაც და კორინთსიც (იხ. სვიდა, „კორინთა“). ამგვარად კორინთა, მართალია, აღიარებს, რომ მირტისი „ტკიბილხმიერია“, მაგრამ მაინც ვერ უნონებს სითამამეს, მაშინ როდესაც თავად ბევრჯერ გაბედავს პინდაროსსთან შებმას, ხოლო ხუთგზის გამარჯვებასაც მოიპოვებს. ამას გვამცნობს პლუტარქე და თანაც დასძენს: „ამ ტანაგრელ პოეტესას როდესაც მოუსმენია პინდაროსის პირველი სიმღერები, შეუნიშნავს, რომ იგი ძალზე იშვიათად მიმართავდა მითებს. პოეტს შეუსმენია კორინთს რჩევა, თუმცა ბოლოს უკიდურესობამდე მისულა. სწორედ ამის გამო დაუმსახურებია თითქმის აფორიზმად ქცეული ეს შეგონება: მითები ხელით უნდა აბნო და არა ბარდანათით“ („ათენის დიდება“, 4, 347).

ანტიკური ხანის ლირიკოსთაგან პინდაროსის შემოქმედებამ ყველაზე მრავლად მოაღწია ჩვენამდე. ამ ბედნიერი შემთხვევის წყალობით საშუალება გვეძლევა ღრმად ჩავნედეთ მისი ოდების დიდებულებასა და ვირწმუნოთ ძველი სამყაროს მესვეურთა აზრი მათი შემოქმედის უაღრესობაზე.¹ სწორედ ასეთ პოეტთან შეჯიბრში მოუპოვებია გამარჯვება, თანაც არაერთგზის, პოეტესა კორინთს, რაც მისთვის დიდი პატივი უნდა ყოფილიყო. სამწუხაროდ, კორინთს შემოქმედებიდან ჩვენამდე ერთობ მცირე რაოდენობის ფრაგმენტებია შემორჩენილი. მხოლოდ მათი გათვალისწინებით ძნელია ვირწმუნოთ ამ გადმოცემის ჭეშმარიტება, თუმცა, როგორც ჩანს, ამ საკითხზე ანტიკური ხანის ავტორებიც მსჯელობდნენ და ცდილობდნენ პინდაროსის აგონებში დამარცხების მიზეზის ახსნას. აი,



რას მოგვეთხოვს პავსანიასი: „ტანაგრის ერთადერთი პოეტი ქალის, კორინას, საფლავის ქვა დგას ქალაქის თვალხშიერ ადგილას. ხოლო გიმნასიონში არის სურათი: კორინა თავს იდგამს საზეიმო გვირგვინს იმის ნიშნად, რომ გაიმარჯვა პინდაროსსთან შეჯიბრისას თებეში. ჩემი აზრით, მან გაიმარჯვა ალბათ თავისი დიალექტის გამო, რამდენადაც წერდა არა დორიულ დიალექტზე, პინდაროსის მსგავსად, არამედ იმ დიალექტზე, რომელიც ესმოდთ ეოლიელებს. ამას გარდა, თუ შეიძლება ენდო მხატვრის ქმნილებას, იგი ყოფილა თავისი დროის ულამაზესი ქალი“ (IX, 22, 3). როგორც ამ ამონარიდიდან ირკვევა, პავსანიასს ან თავად უხილავს, ან მოეპოვებოდა სარწმუნო ცნობები იმაზე, რომ ტანაგრაში ჯერ კიდევ იყო კორინას საფლავის ქვა და რომ გიმნასიონში ეკიდა მისი სურათი — პინდაროსსთან გამარჯვების აღსანიშნავად.

ანტიკური ხანის ცნობათა გათვალისწინებით დაინერა სვიდასეული „კორინას ბიოგრაფია“, სადაც ვკითხულობთ, რომ კორინა იყო აქელოოდოროსისა და პიპოკრატეას ასული, თებელი ან ტანაგრელი პოეტესა, მირტიისის მონადე, ლირიკოსი; რომ მან ხუთგზის გაიმარჯვა პინდაროსსთან შეჯიბრში; რომ დაწერა ხუთი წიგნი ლირიკული სიმღერებისა, ეპიგრამებისა და ნომოსები. ამ გადმოცემებზე დაყრდნობით ზოგი შეკვლევარი იმახსაც კი ვარაუდობს, რომ შესაძლოა არსებობდა რაღაც ნაწარმოებიც კი პინდაროსისა და კორინას პოეტურ შეჯიბრზე, ისეთი, როგორიც იყო „პომეროსისა და პესიოდეს აგონი“.

ელინისტურ ეპოქაში შეიქმნა „ლირიკოს პოეტთა კანონი“, სადაც წარმოდგენილია საბერძნეთის ცხრა საუკეთესო პოეტის ნუსხა. მართალია, თავდაპირველად იქ არ იყო კორინა დასახელებული, მაგრამ მოგვიანებით მისი სახელი მაინც შეიტანეს ამ ნუსხაში.

კორინა არ მოიხსენიება უძველეს ანტიკურ წყაროებში. მისი სახელი გამოჩნდა მხოლოდ ელინისტურ ეპოქაში, როდესაც გაიზარდა ინტერესი უცნობი პოეტებისადმი.

ამ და, შესაძლოა, სხვა მიზეზთა გამო კორინას პიროვნებასა და შემოქმედებასთან დაკავშირებით მრავალმა სადავო საკითხმა იჩინა თავი. აზრთა სხვადასხვაობას იწვევდა მისი ცხოვრებისა და მოღვაწეობის ხანის განსაზღვრაც კი. დღეს უკვე დადგენილად ითვლება, რომ კორინა იყო პინდაროსის თანამედროვე, ე.ი. მოღვაწეობდა ძვ.წ. V საუკუნეში.²

ჩვენამდე კორინას შემოქმედებიდან 36 ფრაგმენტია მოღწეული, თუმცა მათ შორის მხოლოდ სამიოდეა ისეთი მნიშვნელოვანი, წარმოდგენა რომ შეგვიქმნას მის პოეზიაზე. ამას ემატება ირიბ წყაროებში დადასტურებული ფრაგმენტები (დაახლოებით ორი ათეული სტრიქონი), რომლებიც ახდენენ კორინას ციტაციას ძირითადად ბოტიური დიალექტისთვის დამახასიათებელი ფორმების სანიშნოდ. ჩვენს ხელთ არსებული მასალა საშუალებას გვაძლევს აღვნიშნოთ, რომ კორინა ხშირად მიმართავდა მითოსს. თუ ვენდობით პლუტარქეს გადმოცემას პინდაროსისა და კორინას აგონის თაობაზე, უნდა ვიფიქროთ, რომ პოეტი ქალი, მითების დამუშავების თვალსაზრისით, ზომიერებით გამოირჩეოდა. მის შემოქმედებაში შე-



ინიშნება ერთი საკმაოდ საინტერესო ტენდენცია: პოეტი გაურბის უკვე დამუშავებული მითების პოეტურ რეალიზაციას და ცდილობს ბეოტიის ლოკალური თქმულებებიდან შეარჩიოს ისეთი, რომელსაც გვერდი აუარეს ელადის დიდმა პოეტებმა. ასე მაგალითად, ერთ-ერთ სიმღერაში აღბეჭდილია მთების, პელიკონისა და კითერონის, პოეტური აგონის ამბავი. ოლიმპოსზე გამართულ მუსიკალურ-პოეტურ შეჯიბრზე პელიკონი მღეროდა იმაზე, თუ როგორ ზრდიდნენ კურეტიები რეას მიერ მოტაცებულ ახალშობილ ზევსს კრონოსისაგან ნამალევად (ფრ. 1 P). სხვა ფრაგმენტში (ფრ. 2 P) ვკითხულობთ ასოპოსის ქალწულების შესახებ, რომლებიც ზევსს, პოსეიდონსა და პერმესს ჰყავდათ ცოლებად. „ისინი კიპრისისა და ეროსის ბრძანებას აღასრულებდნენ. მათ მოუვლინეს ქვეყანას ნახევრადღმერთი გმირების მიწყევობადი, უხრწნელი, სახელოვანი თაობა“. პოეტი ასახელებს აკრაფენს, ევონიმოსს, პიერეესს და ორიონს. საკპარისია გადავალოთ თვალი ამ გმირების ხსენებას ანტიკურ წყაროებში, რომ ადვილად შევნიშნავთ ერთ კანონზომიერებას: ეს წყაროები მათ ან საერთოდ არ იცნობენ, ან მათთვის უცხოა ის ეპიზოდი, რომელსაც ნარმოგვიდგენს კორინა. თუმცა მის პოეზიაში შეინიშნება ელადაში ცნობილ მითოსურ ციკლთა კვალიც. კერძოდ, მას ჰქონია ნანარმოები, რომელიც თებებში შვიდთა ლაშქრობას ეძღვნებოდა, აგრეთვე სიმღერა ოიდიპოსის მიერ ტევემესიური მელისის მოკვლაზე. პერაკლეს თემა მის ერთ-ერთ ლექსში ნარმოდგენილი იყო გმირის ერთგული მეგობრის, იოლაოსის სახით. კორინას ქმნილებათა შორის ასახელებენ ნანარმოებს სახელწოდებით „ორესტას“ (?), რომელსაც ჩვენამდე არ მოუღწევია და რომლის სიუჟეტიც ტრანს ციკლიდან უნდა ვივარაუდოთ. გადმოცემათა თანახმად, კორინას ჰქონია ლექსები ათენას ფარზე (AG 9. 26); აპოლონსა და ათენაზე (პლუტარქე, „მუსიკის შესახებ“, 14) და სხვა ლმერთებზე. ასახელებენ აგრეთვე ნანარმოებს სახელწოდებით „ყერიძე“, რომლის შინაარსი არ არის ცნობილი.

კორინას პოეზიით დაინტერესებულ მკითხველს ალბათ დაებადება კითხვა: რით იყო გამორჩეული ტანაგრელი პოეტესა და როგორ შეძლო მან ანტიკური საზოგადოების ყურადღების მიპყრობა? ამ კითხვაზე პასუხის გასაცემად უპირველეს ყოვლისა უნდა გავითვალისწინოთ კორინას შემოქმედების თემატიკა, აგრეთვე ის, თუ ვინ იყო მისი მსმენელი, ანუ ვისთვის წერდა იგი. მიუხედავად ფრაგმენტთა სიმცირისა, ამაზე პასუხს თავად კორინას შემოქმედებაში ეპოულობთ. ერთ-ერთ ფრაგმენტში ვკითხულობთ: „მე თქვენთვის ვმღერი გმირი ქალებისა და გმირი კაცების სიქველზე“ (ფრ. 664 (b) P). ხოლო სხვაგან კი ასეთ სტრიქონებს ვხვდებით: „კვლავ მიხმობს ტერფსიქორე, რათა ტანაგრელ თეთრპეპლოსიან ქალებს ვუმღერო ამაღლებული სიმღერები გმირებზე და გულით ხარობს ქალაქი ჩემი ტკბილი სიმღერით“ (ფრ. 655 P). კორინა საკმაოდ ნათლად მიგვანიშნებს, რომ იგი ძირითადად წერს გმირ ქალთა და კაცთა სიქველზე, ხოლო მისი მსმენელები არიან ტანაგრას თეთრპეპლოსიანი ასულები. პოეტესას გაცნობიერებული ჰქონდა ისიც, რომ მისი სიმღერები მთელი ქალაქის (ამ შემთხვევაში ტანაგრას) მოწონებას იმსახურებდა.



კორინა



კორინას სიმღერების კითხვისას შეიგრძნობა ავტორისეული პოეტური ენის ორდინალურობა, რომელსაც შეიძლება ეწოდოს არაბატოვანი ნარატიულობა. რას ვგულისხმობთ ამ გამოთქმაში: კორინას ჩვენამდე მოღწეულ პოეზიაში არსებითად არ გვხვდება არცერთი ის პოეტური ხერხი, რომლითაც ესოდენ მდიდარია ჰომეროსის ეპოსი თუ შემდგომდროინდელი ლირიკა. მხედველობაში გვაქვს აზროვნების სტილი, პოეტური ფორმულები, შედარებები, ეპითეტები, მეტაფორული გამონათქვამები და სხვა, რაც პოეტურ ქმნილებას ხატოვანებას ანიჭებს. თუკი გავიხსენებთ იმ პოეტურობასა და სიტყვაკაზმულობას, რაც საბჭოს პოეზიისთვის იყო ნიშანდობლივი, შეიძლება ვივარაუდოთ, რომ კორინა თავისი სტილით მკვეთრად ემიჯნებოდა მის წინამორბედ პოეტებს. განსხვავებულობა იგი მისი თანამედროვე და თანამემამულე პინდაროსისგანაც. ბუნებრივია, იზადება კითხვა: რით აიხსნება კორინას სტილის ესოდენ მკაფიოდ გამოკვეთილი ნარატიულობა, რაც მას განასხვავებს მელიკოს პოეტთათვის დამახასიათებელი სიტყვაკაზმულობისაგან? ალბათ, ეს იყო გაცნობიერებული შემოქმედებითი თვითმყოფადობა, რაც გამოიხატებოდა არა ორნამენტულობით, არა ხატოვანებით, არამედ ინფორმაციის რაც შეიძლება უბრალოდ და სადად გადმოცემით. ბუნებრივია, ამგვარი პოეზია ძვ.წ. V საუკუნის საბერძნეთში არ მოეწონებოდათ. ელინისტური პერიოდიდან მოყოლებული კი, მაშინ, როდესაც ლიტერატურაში მკაფიოდ გამოიკვეთა ორი მიმართულება, ერთის მხრივ, ხაზგასმული ორნამენტულობა და ხელოვნურობა, მეორეს მხრივ, ე.წ. მეცნიერული სიმძიმე, როგორც ჩანს, კორინას სტილის უბრალოებამ და ბუნებრიობამ აშკარად მიიზიდა მკითხველი.

ტანაგრელი პოეტისა მოპულარული ყოფილა გვიან ელინისტურ სამყაროსა და ძველ რომშიც, რაზედაც მიგვანიშნებს თუნდაც ის ფაქტი, რომ დიდმა რომაელმა პოეტმა ოვიდიუსმა თავის ნარმოსახვით (თუ რეალურად არსებულ) სატრფოს მისი სახელი უწოდა. სხვა, ასევე დიდი რომაელი პოეტი, პროპერციუსი თავისი საყვარელი ქალის პოეტური აღმატებულების აღსანიშნავად მის კორინასთან გატოლებას ლამობს. აქვე უნდა აღინიშნოს ისიც, რომ პოეტ ქალთაგან საბჭოს შემდეგ მხოლოდ კორინას ხვდა პატივი „ლირიკოსთა კანონში“ მამაკაც პოეტთა გვერდით მოხვედრილიყო, თუნდაც გვიანდელი ხანის ნუსხებში.





შენიშვნები:

ფსევდო-ლონგინოსი ტრაქტატში „ამალღებულისათვის“ როდესაც ცდილობს, შეაფასოს პინდაროსისა და ბაკქილიდესის შემოქმედებითი ძალები, ამ უკანასკნელს „ზომიერ ტალანტს“ უწოდებს, ხოლო პინდაროსს „მოუწესრიგებელ გენიოსს“. უფრო დანერჩილებით პინდაროსის შემოქმედებაზე იხ.: ნ. ტონია, „მოუწესრიგებელი გენიოსი“, წიგნში: პინდაროსი, ოდები, ფრაგმენტები, თბილისი, 2003.

- ² დანერჩილებით კორინას შემოქმედებაზე იხ.: A. Lesky, *Geschichte der Griechische Literatur*, München, 1971¹, გვ. 167 და შმდ. აგრეთვე: ნ. ტონია, საპფოს ფენომენი და ანტიკური ხანის ქალთა პოეზია, (დის.), თბილისი, 1993, გვ. 104-119.





„ჰადესის
ტყვე“

ერინა

გადმოცემათა თანახმად, ერინა 19 წლის ასაკში გარდაიცვალა და მიუხედავად ხანმოკლე ცხოვრებისა და კიდევ უფრო ხანმოკლე მოღვაწეობისა, მნიშვნელოვანი კვალი დატოვა ძველი ბერძნული ლირიკის ისტორიაში. ელინისტური ხანის დიდ ეპიგრამატისტს ასკლეპიადეს სამოსელს ნაუკითხავს რა ერინას რომელიღაცა ქმნილება, აღფრთოვანებულს დაუნერია: „დიდებულია მომხიბლავი ერინას ეს სიმღერა, სხვებს ბევრად აღმატებული. ცხრამეტი წლისა რომ არ გარდაცვლილიყო, ვერავინ შეძლებდა პოეზიაში მასთან გატოლებას“ (AG VII, II).

ეს ეპიგრამა ჩვენთვის მრავალი თვალსაზრისით არის საყურადღებო. უპირველეს ყოვლისა, ასკლეპიადესი გვეხმარება დავათარილოთ ერინას ცხოვრების ხანა. უნდა ვივარაუდოთ, რომ იგი ასკლეპიადესზე უფროსი, ან სულაც მისი თანამედროვე იყო. შესაბამისად, ერინას მოღვაწეობის ხანად ძვ.წ. IV საუკუნის II ნახევარი უნდა მივიჩნიოთ. ყურადღებას იპყრობს ისიც, რომ საკმაოდ ცნობილმა პოეტმა ერინა ჩათვალა იმის ღირსად, რომ ეძღვნა ესოდენ საკები სიტყვები. ასკლეპიადესის აზრით, ის, რაც ერინამ მოასწრო 19 წლის ასაკში უკვე საკმაოდ მნიშვნელოვანია; მაგრამ უფრო მნიშვნელოვანი იქნებოდა ის, რაც მას შეეძლო შეექმნა. როგორც ჩანს, ასკლეპიადესის ხელთ არსებული ნიმუშები იძლეოდა იმის აღნიშვნის საშუალებას, რომ ერინას ჰქონდა მონაცემები ყოფილიყო პოეტთა შორის აღმატებული. ამავე ეპიგრამიდან შეგვიძლია დავასკვნათ, რომ 19 წლის ქალწულმა ძალზე ცოტას დანერა მოასწრო, მაგრამ ამითაც მიიპყრო მის თანამედროვეთა ყურადღება.



ასკლეპიადესიდან მოყოლებული ერინა ბერძნული ეპიგრამის ერთ-ერთ უპოპულარულეს ფიგურად იქცა. ეპიგრამები ერთსულოვანია იმაში, რომ ერინა გამორჩეული ნიჭის პოეტია. ახ.წ. V-VI საუკუნის ცნობილი პოეტი, ნონოსის მონაფე ქრისტოდორე თავის ცნობილ ვრცელ ლექსში, რომელიც ძვექსიპოსის გიმნასიონში მდგარ ქანდაკებებს აღწერს, გვამცნობს, რომ მათ შორის იდგა ერინას ქანდაკებაც (AG II, 108). სხვა ეპიგრამატი-სტები ცდილობენ რაც შეიძლება რომანტიკულ და მიმზიდველ ფერებში წარმოადგინონ 19 წლის ასულის პადესში ჩასვლის ამბავი და მიზეზი. ერთ ეპიგრამაში მისი სიმღერები თავისი სინორჩით გაზაფხულთან არის შედარებული (AG VII, 12). სხვა ეპიგრამაში ნათქვამია, რომ თავად პადესიც კი შურით აღვსებულა მის მიმართ და ამიტომ წაუყვანია ასე ადრე პოეტი ქალი თავის სამფლობელოში (AG VII, 13). ერთ-ერთი ეპიგრამის ავტორი კი, როდესაც მისი შემოქმედების სიმცირესა და ხანმოკლეობაზე მიგვი-თითებს აღნიშნავს, რომ მას არასოდეს დაივიწყებენ, თანაც იქვე დას-ძენს: „საუკეთესოა გედის სიმღერა, თუნდაც იგი ესოდენ ხანმოკლედ ყლერდეს“ (AG VII, 713). მელეაგროსის ცნობილ ეპიგრამაში, რომლის სა-ხელწოდებაცაა „გვირგვინი“, სხვა სახელმძღვანელო პოეტთა შორის ერინას თავის ღირსეული ადგილი აქვს მიჩენილი (AG I, 12).

იმდენად უჩვეულო მოვლენაა ერინა ანტიკური პოეზიისათვის (უპირ-ველეს ყოვლისა, იგულისხმება მის ასაკში ესოდენი პოპულარობა), რომ ზოგიერთი მეცნიერის აზრით, მთელი ეს მწირი ბიოგრაფია მხოლოდ ფიქ-ციაა. ცნობილი მკვლევარი მ. ლ. ვესტი მიიჩნევს, რომ ის ქმნილებები, რომლებიც ერინას მიეწერება, სინამდვილეში დაწერილი უნდა იყოს ერთი ან რამდენიმე კაცი — პოეტის მიერ.¹ სხვანი კი აქ იმ გამოცდილი პოეტე-სას აღმოჩენას ცდილობენ, რომელიც ოსტატურად იმარჯვებს ქალწულის ნილაბს და საკუთარ თავს წარმოგიდგენს წარმოსახვით შექმნილი სამყა-როს პერსონაჟად, სამყაროსი, რომელსაც არავითარი კავშირი არა აქვს რეალურ ცხოვრებასთან.² ანტიკურობის ქალთა სამყაროს ცნობილი მკვლე-ვარი ს. ბ. პომეროი კი მრავალმნიშვნელოვან შეკითხვებს სვამს: „ვინ იყო ერინა? იყო იგი ჩვეულებრივი ქალი, მუშათა ძღვენს ზიარებული? თუ იყო ექსცენტრიული არისტოკრატი, როგორც ჰიპარქია, რომელიც ისე ცხოვ-რობდა, როგორც მოსწონდა და ქორწინებაზე ფიქრის ნაცვლად ლექსებს წერდა? ან იქნებ ერინა იყო ვით სააფო, კულტს ზიარებულ ქალთა მთელი ჯგუფის წინამძღვარი?“³

ყველა ეს შეკითხვა და პიპოთეზა არსებითად ეფუძნება არა რაიმე რე-ალურად არსებულ ცნობას, არამედ მხოლოდ გაოცებას ესოდენ ახალგაზ-რდა პოეტესას ესოდენი პოპულარობით ანტიკურ სამყაროში. სწორედ ამი-



ტომ, თანამედროვე კლასიკური ფილოლოგია საესეებით იზიარებს ბერძნული ეპიგრამების ინფორმაციას იმაზე, რომ ერინა ჭეშმარიტად ქალწული პოეტესაა, რომელიც მართლაც ადრეულ ასაკში უნდა გარდაცვლილიყო. წინააღმდეგ შემთხვევაში გაუგებარი იქნებოდა ამის ერთხმად აღიარება ანტიკურ ავტორთა მიერ.

და ბოლოს, ანგარიშგასანეცია ის ფაქტი, რომ ერინას სახელი შეტანილია საბერძნეთის ცხრა საუკეთესო ლირიკოსი ქალის ნუსხაში. ანტიპატროს თესალონიკელი, რომელსაც ამ ნუსხის მიხედვით ეპიგრამა დაუნერია, მას საპფოს გვერდით მოიხსენიებს (AG IX, 26).

ბუნებრივია, ჩვენ მისი მცირე მოცულობის შემოქმედებიდან კიდევ უფრო ნაკლები ფრაგმენტები შემოგვრჩა. და მაინც, თითქოსდა უმნიშვნელო მონაცემებზე დაყრდნობით ანტიკური ლიტერატურის ისტორიის სპეციალისტები ერინას უძღვნიან ისეთივე პათოსით აღსავსე სიტყვებს, როგორც ეს თავის დროზე ელინისტმა ეპიგრამატისტებმა გააკეთეს. მოვიტანთ ორ მაგალითს: ა. ლესკი თავის ცნობილ „ბერძნული ლიტერატურის ისტორიაში“ აღნიშნავს: „ამ ათასწლეულების პოეზიის (იგულისხმება ძვ.წ. IV საუკუნის II ნახევარი, ალექსანდრე მაკედონელის ეპოქამდე) მდგომარეობა არ იყო რამდენადმე სანუგეშო. არსად ისმის ღღერა ნამდვილი, ჭეშმარიტი პოეზიისა, რომელიც გარდასული დროიდან ჩვენს გულს მოსწეებოდა... გვექმნება ისეთი შთაბეჭდილება, რომ ეს მხოლოდ მასალის მოუღწევლობის გამო არ არის. მით უფრო სასიამოვნო აღსანიშნავია, რომ მხოლოდ ტელოსელი ერინას პოეზიაში ისმის სუფთა ხმა ახალგაზრდა ადამიანისა, ხმა სევდიანი სიტკბოებისა“.⁴ სხვა ცნობილი ფილოლოგი ა. დილე თავის „ბერძნული ლიტერატურის ისტორიაში“ საგანგებოდ წერს, რომ „ყველაზე მნიშვნელოვანი ფიგურა ძვ.წ. IV საუკუნის პოეტებს შორის არის გოგონა, სახელად ერინა“.⁵

ერინას შემოქმედებიდან კარგა ხნის მანძილზე ცნობილი იყო ოთხი ეპიგრამა. მათ უკანასკნელ ხანებში მიემატა პაპირუსზე აღმოჩენილი ნაწარმოების „ელაკატეს“, ანუ ქართულად „ჯარატარის“ ფრაგმენტები, რომელთაგან დაახლოებით ოც სტრიქონამდე აღდგენა შეძლეს. გადმოცემათა თანახმად, ეს ნაწარმოები 300 სტრიქონის შემცველი უნდა ყოფილიყო. საგარაულო რჩება პლინიუსის შენიშვნა იმის თაობაზე, რომ ერინა წერდა ეპიგრამებს ჭიჭინობელასა და კალიაზე (მდრ. პლინიუსი, „ბუნებრივი ისტორია“, 34, 57).

ერინას პოეზიის შეფასებისას თანამედროვე მეცნიერებაში ძირითადად ყურადღება გამახვილებულია უკანასკნელ ხანებში აღმოჩენილი „ელაკატეს“ ანუ „ჯარატარის“ ფრაგმენტებზე, თუმცა არანაკლებ მნიშვნელოვანია მისი ეპიგრამებიც, რომლებიც უკვე კარგა ხანია ცნობილია.



ერინა

დაქტილური პეგზამეტრით დანერილი „ელაკატე“ ეძღვნებოდა პოეტის მეგობარ ბავკისს, რომელიც სულ ახალგაზრდა გარდაცვლილა, ისე რომ ქორწინებაც ვერ მოუსწრია. მთელი ნაწარმოებიდან დაახლოებით 20-მდე სტრიქონის თარგმნა ხერხდება:



„ველური ფეხებით ზღვაში გადაეშვა ვარდების ბარდიდან, ბრწყინავდნენ ვარდები, ყვიროდა, ხარობდა და ისე გადახტა, როგორც კუ მდგარი გახტება ვრცელი და დახუნძლულ ველიდან. ამიტომ დაგტირი, ბავკის, ო, საბრალოვ, ესოდენ მწუხარედ, ამიტომ მინთია გულში მოგონება ბავშვობის თამაშთა. მორმო საშინელი შიშით და ვაებით ჩვენშია ჩამდგარი, უზარმაზარ ყურებს ატარებს თავზე და ისე მიაბიჯებს ოთხფეხა ცხოველი, სხედასხვა სახედ რომ გარდაისახება. მალე მუღლესთან როს გაიზიარებ სარცელს, ყველაფერს დათმობ, დაივინყებ, რაც დედამ გასწავლა ბავშვობის ხანაში. ბავკის, ო, ძვირფასო, შენ გადაგივინყა მართლაც აფროდიტიმ: შენზე მწუხარებით უნდა განვერიდო ჩემს ახალგაზრდობას. მე არ შემოძლია, მძიმე ნაბიჯებით სახლის მიტოვება, არც ის შემოძლია, მარტო დარჩენილი მივიდე საფლავთან გაშლილი თმებით და ვაებით, სირცხვილი სახეს შემოფაკლავს და დამიუშნოვებს“...

ვიდრე ფრაგმენტის შინაარსობრივ მხარეს შევხებოდეთ, რამდენიმე სიტყვა უნდა ითქვას მისი ფორმის შესახებ. რა ჟანრს შეიძლება მიეკუთვნებოდეს ეს ნაწარმოები? თავისი პათოსით, ბუნებრივია, იგი ელეგიური ჟანრის შთაბეჭდილებას ტოვებს. მაგრამ, როგორც აღვნიშნეთ, ნაწარმოები დანერილია პეგზამეტრებით და მას უფრო მეტი სიახლოვე აქვს ეპილიონის ჟანრთან. როგორც ჩანს, ამ შემთხვევაში გამოვლინდა ერინას ნოვატორული სული: „ელაკატეს“ მოთავსება ამა თუ იმ ჟანრის ფარგლებში შეუძლებელი აღმოჩნდა. თუმცა ნაწარმოები დანერილია პეგზამეტრებით, მას არ ახასიათებს მისწრაფება მონუმენტურობისაკენ. გვრჩება ისეთი შთაბეჭდილება, რომ ერინას ხელში პეგზამეტრმა საოცარი სიმსუბუქე და ნაღვლიანი ელფერი მიიღო.

ლექისი პათოსს ქმნის გადმოცემა იმ სევდიანი განწყობილებისა, რომელიც ეუფლება პოეტს მისი ბავშვობის მეგობრის უდროო გარდაცვალების გამო. ალბათ ბერძნულ პოეზიაში პირველად შემოდის ლირიკოსი პო-



ეტის ბავშვობის წლების მოგონებები, იმ წლებისა, რომლებთანაც მას არც თუ ისე დიდი დრო განაშორებდა. ერინა განსაკუთრებული სითბოთი იხსენებს მისთვის ძვირფას ბავშვურ თამაშებს. ამ დროს ჩვენს თვალწინ ცოცხლდებიან ბერძენი გოგონები, რომლებიც ესოდენი გულწრფელობით ეთამაშებოდნენ თოჯინებს, კუს. სალექსო სტრიქონებში გასაცარი სიცხადით გაირბენს მორმოს საშინელი აჩრდილი და შიში მის წინაშე. მორმო ბერძნულ მითოლოგიაში არის ქალი — ურჩხული, რომელიც იტაცებდა ბავშვებს. ცნობილია, რომ ბერძენ ბავშვთა ფანტაზიაში ცოცხლობდნენ საშინელი ქალები, რომლებმაც საკუთარი შვილები დაკარგეს და ამიტომ ცდილობდნენ სხვისი შვილების ჩაყლაპვას. უნდა აღინიშნოს, რომ ეს ქალები იყვნენ სექსუალურად დაუქმყოფილებლნიც. ს. ბ. პომეროის აზრით, მორმოს გახსენება ბავშვობის მოგონებებში ქორწინების ხანის დადგომის სიმბოლოდ შეიძლება მივიჩნიოთ.⁴

გარდა ბავშვობის მოგონებებისა, ფრაგმენტში შეიმჩნევა სევდა არშემდგარი ქორწინების გამო, იმის გამო, რომ პოეტის მეგობარ გოგონას არ ელირსა ნეფესთან სარეცელის გაზიარების ბედნიერება. აღსანიშნავია ერთი დეტალიც: ერინა გვამცნობს, რომ მას არ შეუძლია მისვლა მიცვალებულის სახლში. ეს ერთგვარ გაუგებრობას იწვევს. მკვლევართა ვარაუდით, ამას შეიძლება ჰქონოდა რელიგიური საფუძველი; უფრო სავარაუდოა ვიფიქროთ, რომ უბრალოდ ერინასათვის უცხო იყო ის სახლი, სადაც მისი ძვირფასი მეგობარი უნდა შესულიყო.

ვფიქრობთ, ეს ფრაგმენტი რამდენიმე ასპექტით იმსახურებს ყურადღებას:

ერინა გაცნობიერებულად თუ გაუცნობიერებლად უბრუნდება იმ სამყაროს, რომელიც ესოდენ დიდებულად წარმოაჩინა საქვომ. ეს არის მეგობარ ქალებთან ურთიერთობის სამყარო. მაგრამ თუკი საქვოსთან ეს არის უკვე ასაკოვანი პოეტის მიერ განცდილი ურთიერთობები, სადაც ტკივილი ძირითადად განშორებით გამოწვეული სევდის გამო ჩნდება, ერინას სამყარო, შეიძლება ითქვას, ბევრად უფრო სათუთია, რამეთუ იგი ჯერ კიდევ შორს არის მონიჭულობისაგან და ამდენად აღგვაფრთოვანებს თავისი ბავშვური უშუალობით, ბავშვობის მეგობართან ურთიერთობის განცდის პოეტური სიღრმით.

არა ნაკლებ საყურადღებოა ის, რომ ბავკისთან ურთიერთობის მოგონებები და ამით გამოწვეული სევდა ერინამ განაზოგადა და აიყვანა იმ დონემდე, როდესაც ჩვენ შეგვიძლია ვისაუბროთ უკვე ურთიერთობათა მთელ სისტემაზე, სადაც ერთმანეთს ენაცვლება ნათელი და ღიმილის აღმძვრელი წარსული და ცრემლიანი ანმყო. სწორედ ამ გარემოებამ გამო-



პ რ ი ნ ა



ინვია ალბათ ის, რომ ერინამ თავისი სათქმელი ვერ ჩაატია მცირე პოეტურ ლექსში და მას მოუნახა გამოხატვის ის ფორმა, რომელიც ეპიკურობისაკენ მიისწრაფოდა. „ელაკატეში“ ამკარად ელეგიურ-ეპიკური სული ტრიალებს. ელეგიური — განწყობილების თვალსაზრისით, ხოლო ეპიკური — რეალიზაციითა განზოგადების უნივერსალობის თვალსაზრისით. ბუნებრივია, ამის შემდეგ ისმის კითხვა: შეიძლება თუ არა ჩაგვეთვალა „ელაკატე“ გარკვეული თვალსაზრისით ეპილიონად? ვფიქრობთ, რომ ერთის მხრივ ელეგიურობის, ხოლო მეორეს მხრივ ეპიკურობის ხარისხი მას გარკვეულად აშორებს იმ უანრს, რასაც ტრადიციულად ეპილიონს უწოდებენ. ამ თვალსაზრისით საინტერესოა ერთ-ერთი ეპიგრამა, რომლის ავტორი არ არის ცნობილი: „ეს ლესბოსური ნექტარი — ვკითხულობთ ეპიგრამაში — ეკუთვნის ერინას, თუმცა მცირე რამაა, მაგრამ ერთიანად სავსეა მუზათა თაფლით. ეს არის სამასი სტრიქონი, პომეროსის სადარი. ქალწული კი სულ 19 წლისაა. ან დედის შიშით ჯვრატარს უზის, ან საქსოვთან დგას, მუზებს იდუმალ ზიარებულს. სააფო აღემატება ერინას სიმღერებით, ერინა კი სააფოს ჰეგზამეტრებით“ (AG IX, 190).

ჩვენთვის ამ შემთხვევაში განსაკუთრებით საინტერესოა ის, რომ ეპიგრამის ავტორი ერინას უშუალოდ სააფოს ადარებს, რომ ამ შედარებაში ის ზუსტად იჭერს „ელაკატეს“ სულს. იგი აღნიშნავს, რომ სააფო აღემატება (μᾶλλον) ერინას სიმღერებით (μῆσταιν), ანუ ლირიზმით, ხოლო თავად ერინა ასევე აღემატება სააფოს ჰეგზამეტრებით (ἐν ἑξάμετροις), ანუ ეპიკურობით. ამ შემთხვევაში არც ამ ეპიგრამის ავტორი და არც სხვა რომელიმე წყარო არ თვლის ერინას ეპილიონების პოეტად, რამდენადაც იგი თავისი სტილით შედარებულია სწორედ პომეროსს და არა სხვა რომელიმე პოეტს.

აღსანიშნავია ისიც, რომ ერინამ პოეზიაში, შესაძლოა, პირველმა (ყოველ შემთხვევაში ჩვენამდე მოღწეულ პოეზიაში ეს ამკარაა) შემოიტანა ის სახეები, რომლებიც დაკავშირებულია ადამიანისათვის უძვირფასეს ასაკთან — ბავშვობასთან. ეს სახეებია: თოჯინებით თამაში, კუსთან თამაში, მორმო და სხვა.

ამ ფრაგმენტით მიღებულ შთაბეჭდილებებს გარკვეულად ეხმიანება ის განცდაც, რასაც ერინას ეპიგრამები გვთავაზობენ. დიდი პოეტურობითა და შინაგანი სითბოთი არის დაწერილი ის ორი ეპიგრამა, რომელიც ერინას ისევ და ისევ ბაკისისადმი მიუძღვნია. თავადაც ახალგაზრდა პოეტს მართლაც რომ ღრმა მწუხარებით განუცდია მეგობარი გოგონას უდროო სიკვდილი. აი, როგორი წარწერა ჰქონია საფლავის ქვას:



„ვეკუთენი დედოფალ ბაეკისს, როს მოხვალ საფლავთან, მგ ზავრო,
 იხილავ დაცრემლილ მიწას, ჰადესს გადასძახე რისხვით:
 „ჰადესს, შურიანი ყოფილხარ!“ ნატიფი წარწერა გიამბობს,
 ოდესღაც რა მწარე ხვედრი ენია დედოფალ ბაეკისს.
 ფიჭვის ჩირაღდნებით, რომელთაც ქორნილის ჰანგები ამკობდნენ,
 სამგლოვიარო კოცონი აანთო მოყვასმა ცრემლვით.
 შენ კი, ჰომენაოს, შეცვალე ქორნილის ნათელი ჰანგები
 და საზეიმო ძნობა აქციე მწუხარე გლოვად“.

ფრ. 4 D

როგორც ეპიგრამიდან ირკვევა ბაეკისი ქორნილამდე გარდაცვლილა.
 ამაზე მიგვანიშნებს პოეტი, როდესაც ესოდენ უბრალოდ და წრფელი გან-
 ცდით აგვიწერს, თუ როგორ აანთეს საქორნილო ჩირაღდნებით სამგლო-
 ვიარო კოცონი, როგორ შეიცვალა ქორნილის მხიარული ჰანგები მწუხა-
 რე გლოვად.

მეორე ეპიგრამაში, რომელიც იმავე თემას ეხება, პოეტი საკუთარ თავ-
 საც წარმოგვიდგენს:

„ჩემო სირენებო, სვეტებო, გლოვის და ნუხილის სამარევე,
 რომელიც უნახავთ ჰადესს ფერფლად გადაქცეულ სხეულს,
 კეთილად მიიღეთ ყოველი საფლავთან მოსული ყარობი,
 იქნება მშობელი მიწის თუ სხვა ქალაქის მკვიდრი.
 აუნყეთ, რომ ადრე წასული დედოფლის სამარეს უმზერენ,
 რომელსაც შეარქვა „ბაეკისი“ დაბადების დღეს მამამ,
 რომ კუნძულ ტელოსზე ვსახლობდი, რომ ჩემმა დობილმა ერინამ
 ეს შესანდობარი სიტყვა თავად წააწერა საფლავს“.

ფრ. 5 D

აი, ასეთი სიყვარულით ეთხოვებოდა სულ ახალგაზრდა პოეტი თავის
 მეგობარს, რომელიც „შურიანი ჰადესის“ სამფლობელოში განისვენებდა.
 ჩვენამდე მოაღწია ერინას ორსტრიქონიანმა ეპიგრამამ, სადაც პოეტი
 ცდილობს წარმოიდგინოს პირქუში ჰადესის განსასვენებელი:



ბაიონა

„აქედან ჰადესში აღწევს მხოლოდ მიმქრალი ექო,
 დუმილი სუფევს მკვდრებში, თვალებს ეფარება ბინდი“.

ფრ. 1 D



და ბოლოს, კიდევ ერთი ეპიგრამა, სადაც სულ სხვა განწყობილებით წარმოგვიდგება პოეტესა ერინა. ეს არის წარწერა ქალწულ აგათარქისის სურათზე: პოეტი აქებს შხატვარს, ამ სურათის შემოქმედს:

„ეს ხატი, მაღალო პრომეთეე, შექმნეს დიდოსტატის ხელეგმა,
გყოლია მოკვდავთა შორის თანაზიარი სიბრძნით,
ქალწულის ნატიფი ქმნილება ხმითაც რომ შეემკო შემოქმედს,
წარმოსდგებოდა ჩვენს წინ აგათარქისი თავად“.

ფრ. 3 D

ჩანს, მსგავსი ეპიგრამები კიდევ უნდა უკონოდა ერინას.

მოდუნული ფრაგმენტების მიხედვით შეიძლება ითქვას, რომ ერინამ ხანმოკლე ცხოვრებისდა მიუხედავად, შეძლო თავისი წვლილის შეტანა ლირიკულ პოეზიაში. თუ ვირწმუნებთ გადმოცემებსა და შეფასებებს, იგი თავისი პოეტურობით აღემატებოდა მის ეპოქაში მოღვაწე სხვა ლირიკოსებს.





შენიშვნები:

M. L. West, *Erinna*, ZPE 25, 1977.

- ² A. Lesky, *Geschichte der Griechische Literatur*, München, 1971ⁿ, გვ. 589.
- ³ S. B. Pomeroy, *Frauenleben im Klassischen Altertum*, Stuttgart, 1985, გვ. 208.
- ⁴ A. Lesky, *დასახ. ნაშრ.* გვ. 715.
- ⁵ A. Dihle, *Griechische Literaturgeschichte*, Stuttgart, 1967, გვ. 261.
- ⁶ S. B. Pomeroy, *Frauenleben im Klassischen Altertum*, Stuttgart, 1985, გვ. 209.





„ტაპილხმირი“

ნოსისი

ამ პოეტესას არ გამოუწვევია ისეთი ალტაცება ანტიკურ სამყაროში, როგორც საპფოს ან ერინას, თუმცა მასაც იცნობდნენ და პოეტ ქალთა კანონშიც მოიხსენიებდნენ. მას ასახელებს მელეაგროს გადარელიც თავის ცნობილ ეპიგრამაში, რომელსაც „გვირგვინი“ ეწოდება (AG IV | 12). ნოსისის კავშირზე სამხრეთ იტალიაში მოღვაწე ფრიად განათლებულ და საკმაოდ ცნობილ მწერლებთან შეიძლება მიგვანიშნოს მისივე ეპიგრამამ, რომელიც ეძღვნება რინთონ სირაკუსელს, დაახლოებით ძვ.წ. 300 წლის მახლობელ ხანებში მოღვაწე მწერალს, რომელმაც სახელი გაითქვა ფლიაქსებითა და მითების ტრავესტიებით:

„რაოდეს ჩაუვლი ჩემს სამარხს, ხმამალა იცინე, ყარიბო,
და გაიმეტე ჩემთვის ნყალობა კეთილი სიტყვით,
ვარ სირაკუსელი რინთონი, მუზის უბადრუკი მსახური,
ტრაგიკულ ფლიაქსთა მღერით მაქვს მოპოვებული სურო“.

VII, 414

ჩვენთვის ცნობილია აგრეთვე, რომ ნოსისი ყოფილა თეოფილოსის ქალიშვილი, იტალიური ქალაქის ლოკროს მკვიდრი. ეს არის და ეს. არსებითად, ჩვენ მის ბიოგრაფიაზე მეტს ვერაფერს ვიტყვით.

რაც შეეხება ნოსისის შემოქმედებას, ბერძნული ლირიკის ანთოლოგიაში (AG) შემონახულია თორმეტიოდე ეპიგრამა. თუმცა, როგორც ჩანს, ეს მხოლოდ მცირე ნაწილია მისი პოეზიისა, რადგანაც მხოლოდ ამ ქმნილებებით იგი ვერ მიიპყრობდა ყურადღებას, ვერც პოეტ ქალთა კანონში აღმოჩნდებოდა და ვერც მელეაგროსის „გვირგვინში“. ანტიკურობაში ნოსი-



სის მთავარ ღირსებად ორი რამ მიაჩნდათ: ერთი იყო მისი ქალურობა. შეიძლება ითქვას, მას მშვენიერი ეპითეტიც კი მოუნახა ანტიპატროს თე-სალონიკელმა — *ἠγαλλοῦχος* ანუ „ქალურად მეტყველი“, „სათუთად ხში-ერი“ (AG IX, 26). მეორე — სიყვარულის ძალის საპფოსმაგვარი ასახვა. აქ უნდა აღვნიშნოთ, რომ თავად ნოსისი სიამაყით აყენებს თავის თავს საპ-ფოს გვერდით:

„მგზავრო, მიტილენედ თუ მიხვალ, სადაც დიდებულად მღერიან,
რათა აღენთო საპფოს დიდი პოეზიის მადლით,
ახსენე, რომ მუზებს უყვარდათ ლოკრების მიწაზე შობილი
პოეტი, სახელად ნოსისი, არ დაივინყო, ნადი!“

VII, 718

ნოსისის შემოქმედებაში, ჩანს, ეროსს ერთობ მნიშვნელოვანი ადგილი ეჭირა. ჩვენამდე მოღწეულ ეპიგრამებში მხოლოდ ერთი ეხმიანება ამ თე-მას:

„დიდი სიყვარული ტკბილია, ამ ქვეყნის ყოველი სიამე
დაჩრდილა ეროსმა, თაფლიც ჩემმა ბაგეებმა დათმეს.
ამას გიჟდავებთ ნოსისი: ვისაც აფროდიტე არ სწყალობს,
ის ვერასოდეს იგრძნობს ვარდების მშვენიების ძალას.“

V, 170

ნოსისის ეპიგრამათა უმეტესობა ეძღვნება მეგობრებს, ისინი გამოსა-ხულებათა და ქანდაკებათა ნარწერებს წარმოადგენენ. ასე მაგალითად, ვინმე კალოს საკუთარი სურათი მიუძღვნია აფროდიტეს ტაძრისთვის. იგი ასეთი ეპიგრამით შეუმკია პოეტს:

„მართლაც დიდებული ქმნილება — ხატი საკუთარი სახების
ოქროს აფროდიტეს ტაძარს უბოძა საჩუქრად კალომ,
მოსავს მომხიბლავი დგომა და ყველასთვის ნანატრი ასაკი,
ასეთს გაუმარჯოს, ცხოვრებას ვერ უსაყვედურებს იგი.“

IX, 605

ვინმე თავმარეტეს პორტრეტს კი ასეთი გრძნობები გამოუწვევია პო-ეტში:



„ო, რა დიდებულად ასახავს თავად თავმარეტეს სურათი,
 თვალები ცოცხლობენ თითქოს მონყალე, კეთილი მზერით,
 კუდს აქნევს პატარა ფინია, სასახლის ერთგული დარაჯი,
 ნახატს კი არა და, ჰგონია, რომ ცოცხალ ქალბატონს უმზერს“.

IX, 604

ნოსისის ეპიგრამები ეძღვნება ღვთაებათა გამოსახულებებსაც. უნდა აღინიშნოს, რომ ჩვენამდე მოღწეული ამ სახის ყველა ეპიგრამა ღმერთქალთა გამოსახულებების წარწერებია (პერასადმი: VI, 265, აფროდიტესადმი: IX, 332; არტემისისადმი: VI, 273); ვხვდებით საფლავის ქვათა წარწერებსაც (VII, 414, VII, 718). ვფიქრობთ, საკმაოდ ორიგინალურად იჩენს თავს ნოსისის ეპიგრამებში საბრძოლო თემატიკაც. პოეტური მახვილგონიერებით გვამცნობს ნოსისი მიტოვებულ აბჯართა განწყობილებას:

„სძლიეს ბრუტიუმელ მებრძოლებს ომებში მედგარმა ლოკრებმა
 და სასიკვდილოდ განწირულთ უბადრუკ ბეჭთაგან ახსნეს
 ის აღსაჭურველი, რომლითაც შეამკეს ღმერთების ტაძრები.
 და არ იცოდებენ აბჯრები იმ ჯაბანთ, რომელთაც დათმეს“.

VI, 132

ჩვენამდე მოღწეულ ფრაგმენტთა სიმცირე საშუალებას არ გვაძლევს ვისაუბროთ ნოსისის წელიწადზე სამხრეთ იტალიის ლიტერატურაში მიმდინარე პროცესებში, მაგრამ, ჩანს, ეს წელიწადი საკმაოდ მნიშვნელოვანი უნდა ყოფილიყო.







„პომეროსის საღარი“

სნიტე

ანიტემ ახალი სუნთქვა შემოიტანა ძველი საბერძნეთის ქალთა პოეზიაში. მართალია, ჩვენამდე მისი შემოქმედების ერთობ მცირე ნაწილი შემორჩა, ერთობ ძუნწია ბერძნული ეპიგრამების ცნობებიც მის შესახებ, მაგრამ შეიძლება ითქვას, რომ მან თავისი ადგილი დაიმკვიდრა ლირიკოსთა შორის. ანტიპატროს თესალონიკელის ეპიგრამაში, რომელიც პოეტესათა ნუსხას გვამცნობს, ანიტე წარმოდგენილია ისეთი ეპითეტით, რომლითაც იამაყებდა ალბათ ყოველი შემოქმედი. ეპიგრამის ავტორი მას პომეროსს ადარებდა (AG IX, 16, 3) და, შესაძლოა, პქონოდა კიდევ ამის საფუძველი. ანიტე ძ.წ. III საუკუნეში მოღვაწეობდა და, ჩანს, ანტიპატროსს მისი შემოქმედება კარგად უნდა სცოდნოდა. ანიტეს მოიხსენიებს აგრეთვე მელეაგროს გადარელი თავის „გვირგვინში“ და „წითელ შროშანს“ (AG IV, 1, 5) უწოდებს. რაც შეეხება მის ბიოგრაფიას, ერთადერთი ცნობა, რომელიც პავსანიასმა შემოგვინახა, ანეგდოტურია: „პოეტ ქალ ანიტეს — ეკითხულობთ „ელადის აღწერილობაში“ — ეზმანა ღმერთისგან გამოგზავნილი წერილი (ალბათ პაპირუსის გრაგნილი). მას ეს დაბეჭდილი გრანილი უნდა მიეტანა ბრმა ფალისიოსისათვის წასაკითხად. როდესაც ანიტემ გამოიღვიძა, საკუთარ ხელში აღმოაჩინა წერილი, რომელიც სასწრაფოდ წაუღო ბრმა ფალისიოსს. ამ უკანასკნელს ეგონა, რომ ნაწერს ვერ დაინახავდა, მაგრამ შეხედა თუ არა გრაგნილს, მსწრაფლ აღიქვა იგი და წაიკითხა უწყება: გადაეხადა ანიტესათვის 2000 სტატერი, რაც აღასრულა კიდევ“ (X, 38, 13).



არსებითად ამით ამოიწურება ჩვენი ცოდნა ანიტიეს ბიოგრაფიის თაობაზე. რაც შეეხება მის შემოქმედებას, მას ჩვენ მხოლოდ ფრაგმენტულად ვიცნობთ. ბერძნულმა ანთოლოგიამ შემოინახა 21 ეპიგრამა. არის კიდევ რამდენიმე ეპიგრამა (VII, 232, 236, 492, 538), რომელთა კუთვნილება ანიტიესადმი სადაოა. არ არის გამორიცხული, რომ ანიტიე წერდა ლირიკულ სიმღერებსაც, შესაძლოა, მას ჰქონდა ეპიკური ხასიათის თხზულებებიც, რამეთუ ანტიკურ ავტორთა მისდამი დამოკიდებულება, როგორც ჩანს, ეფუძნება არა მარტო იმ პროდუქციას, რომელიც ჩვენამდე შემორჩა.

რაც შეეხება საკუთრივ ჩვენამდე მოღწეულ ეპიგრამებს, მათი დაჯგუფება შეიძლება ორ ძირითად ნაწილად და ეფიქრობთ, ორივე მიმართულებით ანიტიეს გარკვეულწილად ახალი ნაკადი შემოაქვს ეპიგრამატულ პოეზიაში. პირველ ნაწილში უნდა მოვათავსოთ ეპიგრამები „გარდაცვლილ“ ცხოველებზე, მწერებზე, ფრინველებზე, რომელთაც გაპყლიათ პატრონთა დიდი სიყვარული. შეიძლება ითქვას, რომ ანიტიემდე ცხოველთა სამყარო ეპიგრამებში არ იქცევდა არსებითად დიდ ყურადღებას. საერთოდ, აქამდე ბერძნულ პოეზიას და აზროვნებას ძირითადად აინტერესებდა ადამიანი და ნაკლებად ცხოველთა და ბუნების სამყარო. ანიტიეს პოეზიაში პირველად არის ესოდენ რელიეფურად წარმოჩენილი ადამიანისა და ცხოველთა სამყაროს ურთიერთმიმართების საკითხი, კერძოდ ის, თუ როგორ განიცდის ადამიანი საყვარელი ცხოველის სიკვდილს. ამ თემის ჩანასახები, შესაძლოა, ერთნაირად იღებდეს დასაბამს. მაგრამ შეგვიძლია დარწმუნებით ვთქვათ, რომ ანიტიედან მოყოლებული ეს ნაკადი საკმაოდ ინტენსიურად შედის ეპიგრამატულ პოეზიაში. ამ სახის ეპიგრამებში შეიძლება გამოვყოთ ისეთები, სადაც ცხოველის სიკვდილით გამოწვეული წუხილი სერიოზულად არის გადმოცემული:

„ეს ძეგლი აუგო დამისმა ბრძოლის ყამს დალუპულ ბედაურს,
არესმა განგმირა მისი შეუპოვარი მკერდი,
სისხლის შეწამულმა ნაკადმა დაფარა ძლიერი სხეული,
საზარი მკვლელობის ადგილი დამძიმდა დაღვრილი სისხლით“.
(VII, 208)

განსაკუთრებულ ყურადღებას იპყრობს ერთი ეპიგრამა, სადაც დელიფინი ესაუბრება მკითხველს:



„ველარ ჩაუქროლებ ამაყად ზვირთებში ბინადარ ქარავენებს,
 ველარ ამოვისვრი სხეულს უძირო სიღრმიდან მაღლა,
 ველარ ნარეუძღვები ხალისით ძლიერ სოლებიან ხომალდებს,
 მათ უმშვენიერეს კიჩოებს ვერ მოვეფერები ქმენით,
 რადგან მარადიულ სავანედ მექცა საუცხოო ნაპირი,
 სადაც გამომრიყა მინად ზღვათა ძონისფერმა ზვირთმა“.

(VII, 215)

ვხედებით ისეთ ეპიგრამებსაც, რომელთაც ღიმილნარევი სინანული ეტყობათ:

„ჩემი გაღვიძება აისზე აღარ შეგეძლება, მამალო,
 ველარ შეირხევა შენი ხშირი, მოფარფატე ფრთები,
 რამეთუ მზაკვარი ცხოველი ღამე მოგეპარა მაღულად,
 მომაკედინებელი ბრჭყალით უმალ გამოგლადრა ყელი“.

(VII, 802)

ანიტეს ეპიგრამათა შორის აშკარად შეიმჩნევა კომიკურობის ელემენტებიც:

„ხედავ, ბრომიოსის რქით მოსილ თხას, ამპარტავანს და მზვაობარს,
 გრძელწვერებიანი სახით რა მედიდურობით გვიმზერს,
 ამაყობს იმით, რომ მაღალი მთების მწვერვალებზე მის ღანეებს
 ეალერსებოდა ნიმფა ნაისი ვარდისფერ ხელით“.

(IX, 745)

მეორე ჯგუფი ეპიგრამებისა არსებითად ამ ხედვის ერთგვარ გაგრძელებად შეიძლება მივიჩნიოთ. ეს არის აღწერა იმ გარემოსი, მყუდრო ადგილებისა, სადაც დგას ღვთაებათა ქანდაკებები, სადაც ადამიანთათვის საამო დასასვენებელია. ამ ჯგუფში აშკარად შეინიშნება ბერძნული პოეზიისათვის მანამდე არც ისე ნიშანდობლივი განცდა ადგილის მშვენიერებისა, იდილიურობისა, რასაც ეპიგრამაში შემოაქვს ის სული სიმყუდროვისა და უშფოთველობისა, რომელიც ბუკოლიკური პოეზიისათვის არის ნიშანდობლივი. ამ მხრივაც, ჩვენი აზრით, ანიტეს შემოქმედება გამოირჩევა მის წინამორბედთა პოეზიისაგან. ნიმუშად რამდენიმე ეპიგრამას წარმოვადგენთ:



ანიტა



„იქ, სადაც სამი გზა იყრება ჭალარა ზღვის სანაპიროსთან,
 მინყივ ნიაიან ჭალად ღვთაება პერმესი დგება,
 რათა შორი გზებით მოღლილებს არგუნოს შეება და სიმშვიდე:
 გასაგრილებლად უძღვნას ცივი და ანკარა წყარო“.

(IX, 314)

„რად ზიხარ ფოთლებით დაჩრდილულ ტყეში, სოფლის პანო, ეულად,
 შენი ტკიბილხმიერი სტვირით მიდამოს რად ავსებ სტვენით,
 მიტომ, რომ ცვარ-ნამით დაფარულ ამ მთიან ველებზე მოსული
 პურის ლამაზთმება თავთავი ხარების ნახირმა ძოვოს“.

(XVI, 231)

„ლამაზად შეფოთლილ დაფნის ქვეშ შეჩერდი, ჩამოჯექ, ყარიბო,
 მიირთვი ანკარა წყაროს გრილი და საამო წყალი,
 ზაფხულის მოსაყლის აღებით მოღლილ და მოთენთილ კიდურებს
 მიესალბუნება ჩრდილში თავად ზეფიროსის სიო“.

(IX, 131)

რასაკვირველია, ამასთან ერთად ეპიგრამებში შეიძლება ამოვიკითხოთ ტრადიციული ინტერესი გამორჩეული საგნებისადმი. აი, როგორი პოეტურობითა და სითბოთი წარმოგვიდგენს პოეტი ქალი საბრძოლო ოროლს:

„აქ დარჩი მრავალთა მმუსერელო, შინდისგან ნათალო ოროლო,
 შეაშრეს მეტოქის სისხლი ბრინჯაოს დამლუპველ ბუნიქს,
 ათენას მაღალი ტაძარი გექცევა მარადის საყანედ
 კრეტელ ექსეკრატეს დიდების ღირსეულ ამბავთა მაცნეს“.

(VI, 123)

ამგვარად, შეიძლება ითქვას, რომ ანიტეს შემოქმედებაში ქალთა სამყარო აისახა ახალი კუთხით. ანიტეს თვალმა შენიშნა ის, რაც კაცისთვის, შესაძლოა, უმნიშვნელო იყო. ეს არის სევდა გარდაცვილილ ცხოველებზე, ფრინველებზე თუ მწერებზე, მათდამი ფაქიზი, ზოგჯერ ირონიული დამოკიდებულებაც. ამ შემთხვევაში შემოქმედს მოეთხოვებოდა პოეტური ხელოვნების დახვეწილობა, რომელსაც ეს ერთი შეხედვით უმნიშვნელო



მოვლენები შეეძლო წარმოსახვის ღირსად ექცია. ანიტე დორიულ დია-
ლექტზე წერდა. მიუხედავად ამისა, მის ეპიგრამებში შეიგრძნობა საპფო-
სეული სული. მისი შემოქმედება განსაკუთრებულ ყურადღებას იმსახუ-
რებს იმ თვალსაზრისითაც, რომ აქ, ბერძნულ ეპიგრამაში პირველად,
ვხვდებით ბუკოლიკური პოეზიის ნიმუშებს, ბუნების სურათების პასტო-
რალურ აღწერას.







„მუხათა მოწაფე“ მოძრაობა

მართალია, მოიროს მოიხსენიებს პავსანიასიც და რამდენიმე ბერძენი პოეტიც, მაგრამ ისე ტუნნად, რომ მათ საფუძველზე ჩვენ მხოლოდ მცირედენი შთაბეჭდილება შეიძლება შევიქმნათ ამ პოეტესაზე. რამდენადაც მოიროს ხსენება მჭიდროდ არის დაკავშირებული მისი ვაჟის, ტრაგიკოს ჰომეროს ბიზანტიონელის სახელთან, შეიძლება დავასკვნათ, რომ იგი მოღვაწეობდა ძვ.წ. IV საუკუნის მინურულსა და III საუკუნის დასაწყისში. როგორც ჩანს, ოჯახში შექმნილმა პოეტურმა ატმოსფერომ, მუდმივმა ურთიერთობამ თანამედროვე მამაკაც მწერლებთან, რომელთა წრესაც ეკუთვნოდა მისი ძე ჰომეროსი, გარკვეულწილად განაპირობა პეროიკულისა და ლირიკულის ერთგვარი სინთეზი მოიროს შემოქმედებაში. არსებობს ცნობები იმის თაობაზე, რომ მას დაუწერია ელეგიები და შეუთხზავს ეპიკური ნაწარმოებებიც (პავსანიასი, IX, 5, 8), რომელთაგან ერთ-ერთს „მნემოსინე“ ეწოდებოდა. ამ პოემიდან ჩვენამდე მოაღწია ათმა პეგზამეტრიულმა სტრიქონმა. მათზე დაკვირვება გვაძლევს საშუალებას აღვნიშნოთ, რომ მოირო ერთგულია ტრადიციული ეპიკური სტილისა, რასაც, სხვათა შორის, გვიდასტურებს აგრეთვე ქრისტოდოროს კოპტოსელი, როდესაც მისი პოეტური შემოქმედების მოკლე დახასიათებისას მას მუხათაგან განსწავლულსა და პეროიკულ-ეპიკური პოეზიით ცნობილს უწოდებს (AG II, 410, 411). მოიროს უნდა შეეთხზა აგრეთვე პოსეიდონისადმი მიძღვნილი ჰიმნი და ნაწარმოები სახელწოდებით „წყევლანი“, რომელიც იმ მითოლოგიურ სიუჟეტებს ამუშავებდა, სადაც წყველის მომენტი განსაკუთრებით იყო გამოყოფილი. ბერძნულმა ანთოლოგიამ შემოგვინახა მისი ორი ეპიგრამა. შეიძლება ითქვას, რომ მოიროს ჩვენამდე მოღწეული ფრაგმენტები



არ გვაძლევენ საშუალებას, ვისაუბროთ მისი რაღაც განსაკუთრებული მიმართების შესახებ სააფოს პოეტურ მოდელთან, თუმცა ვფიქრობთ, რომ როდესაც მას მელეაგროს გადარელი „თეთრ შროშანს“ ადარებს, ამით იგი წარმოაჩენს მის ქალურობასა და სინმინდეს (IV, 1, 6). როგორც ცნობილია, შროშანი, განსაკუთრებით თეთრი, ანტიკურ სამყაროში ქალური კდემამოსილებისა და სინმინდის სიმბოლოდ გაიაზრებოდა. მოიროს თავისი ადგილი აქვს მიჩენილი აგრეთვე ასკლეპიადესის ეპიგრამაში (AG IX, 26). ვფიქრობთ, მოიროს შემოქმედებაში ერთმანეთს შეერწყა კლასიკური ეპოქის ქალთა პოეზიისათვის ნიშანდობლივი პეროიკული სული და ლირიზმი. პირველს შეესაბამებოდა ალბათ მისი მოღვანეობა ეპოსისა და ჰიმნოგრაფიის, მეორეს კი ელეგიისა და ეპიგრამების სფეროში. ორივე ეს მიმართულება კარგად არის გამოხატული ჩვენამდე მოღწეულ სტრიქონებში. გთავაზობთ ფრაგმენტს ეპიკური თხზულებიდან „მნემოსინე“:

„მაღალმა ზევსმა რომ კრეტად დაივანა, იქ ჰპოვა საფარი, იმძლავრა სხეულით, არარა უწყინა ნეტარმა ღმერთებმა, ოკეანის წყლიდან მოჰქონდათ ფრთხალ მტრედებს მისთვის ამბროსია; ასე გამოკვებეს დიდი კრონიონი ღეთაებრივ მღვიმეში. კლდიდან გადმომდინარ ნექტარს აგროვებდა არნივი ნისკარტით და საამებელი სასმელი მოჰქონდა მაღალი ღმერთისთვის. რაოდეს დაამხო მამა კრონიონმა, შორით მოქუხარმა, დიდ არნივს არგუნა მარადიულობა და ცად აღაზევა. ფრთხალი მტრედებისთვის ზევსმა მოავლინა სხვაგვარი წყალობა: მათ ზამთარ-ზაფხულის წინასწარ უწყების პატივი მიაგო“.

ვფიქრობთ, ამ თხზულებაში არსებითად გრძელდებოდა ის პათოსი, რაც ე.წ. თეოგონიური ეპოსისთვის იყო დამახასიათებელი და რაც თავის საწყისებს ჰესიოდედან იღებდა.

რაც შეეხება მოიროს ეპიგრამებს, აქ შეინიშნება იდილიურობისაკენ მიდრეკილების ის ტენდენციები, რაც ანიტეს შემოქმედებისთვის იყო ნიშანდობლივი:

„ბაკოსის შანარით აღვსილო ვაზის დიდებულო მტევანო, გფარავს აფროდიტეს ტაძრის ოქროცურვილი სვეტი, აღარ მოგველება გარშემო დედა მოალერსე სუროთი, არ აღმოგიცენებს ბუნზე თავის სურნელოვან ფოთოლს“.

(VII, 119)



„ჰამადრიადებო, ნიმფებო, მდინარის ღვთიურო ქალწულნო,
ვარდისფერ ტერფების შეხებით უფსკრულებს რომ თელავთ მიწყიე,
უკვდავო ქალღმერთნო, იდიდეთ და კლეონიმოსი მიილეთ,
მან ხომ ფიჭვების ძირში ლამაზი ძეგლები გიძლენათ.“

(VI, 189)

ჩვენამდე მოღწეული ფრაგმენტები მხოლოდ იმის საშუალებას გვაძლევენ დავასკვნათ, რომ მოიროს შემოქმედებაში შეინიშნება ეპიკურ-ლირიკული სტილი.







სულპიცია

რეალურად არსებული პოეტიკა,
თუ პოეტური ფიქცია?

სულპიცია ჩ.წ. | საუკუნემდე მოღვანე ერთადერთი რომაელი პოეტე-
საა, რომლის შემოქმედების ნიმუშებიც შემოგვრჩა. და მაინც, დღეს ამ
სახელთან დაკავშირებით ბევრი კითხვა იხმის დანყებული იქიდან, არსე-
ბობდა თუ არა ასეთი პოეტესა საერთოდ, დამთავრებული იმით, თუ რო-
გორი იყო მისი ბედი. ყოველივე ეს გამოიწვია, უპირველეს ყოვლისა, იმან,
რომ სულპიციას შემოქმედებამ და მასზე ინფორმაციამ ჩვენამდე მოაღ-
წია ცნობილი რომაელი ელეგიკოსის ტიბულუსის კორპუსის მეოხებით. ეს
კორპუსი შეიცავს სამ, ზოგიერთი გამოცემით კი, ოთხ ნიგნს. ბოლო ნიგ-
ნში ჩვენ გვხვდება ვინმე სულპიციასა და კერინთუსის სიყვარულთან და-
კავშირებული ელეგიების ორი ჯგუფი: ერთი მოიცავს ხუთ ელევას და
გვთავაზობს საკმაოდ მაღალი რანგის პოეზიას, სადაც ხან მესამე პირი,
თავად პოეტი, მოგვითხრობს სულპიციასა და კერინთუსის სიყვარულზე,
ხან კი თავად სულპიცია წარმოგვიდგება მთხრობელის როლში. ხოლო მე-
ორე ჯგუფი შეიცავს ექვს შედარებით მოკლე ელევას, რომელთა ავტო-
რიც თავად სულპიციაა. ეს ელეგიები პოეტის მიერ პირველ პირშია დანე-
რილი. მათში ვადმოცემულია ახალგაზრდა ქალის სასიყვარულო გრძნო-
ბები სატრფოს, კერინთუსის, მიმართ. არსებითად, ამით ამოიწურება მთე-
ლი ინფორმაცია ამ, ჩვენთვის უცნობ, პოეტესაზე.¹ კერძოდ, ჩვენ არ შეგ-
ვიძლია გავაკეთოთ რაიმე დასკვნა იმის თაობაზე, თუ როგორ განვითარ-
და სულპიციას და კერინთუსის სიყვარულის ამბავი. არც იმაზე, ჩვენამდე
შემორჩენილი ექვსი ელეგია იყო სიყვარულით ანთებულ ქალში მუზის უე-
ცარი აფეთქების შედეგი და მთელი მისი პოეტური შემოქმედება ამით ამო-



ინურება, თუ მას კიდევ ჰქონდა დანერლი სხვა ლექსები. ასევე, მიუხედავად იმ ელევგიების სიმრავლისა, რომლებიც სულპიციასა და კერინთუსის სიყვარულს ეძღვნება, მაინც არ ვიცით, როდის და როგორ დაიწყო მათი სიყვარულის ამბავი, შეიძლება ითქვას, რომ ჩვენთვის საინტერესო ელევგიებში, როგორც ერთ, ასევე მეორე ჯგუფში დაფიქსირებულია ურთიერთობა ქალსა და ვაჟს შორის მხოლოდ დროის მცირე მონაკვეთში.

უპირველესი კითხვა, რომელიც დაისმის, ბუნებრივია, ეხება თავად სულპიციას ვინაობას. აქ შეიძლება წამოვაცენოთ ორი თვალსაზრისი: ერთი — სულპიცია არის რეალური პიროვნება; მეორე — იგი არის პოეტური ფიქცია. ბუნებრივია, არსებული მონაცემებით ამ საკითხის საბოლოოდ გადაჭრა შეუძლებელია.

დღეს მკვლევართა აბსოლუტური უმეტესობა ემხრობა იმ პიპოთეზას, რომ სულპიცია რეალურად არსებული პიროვნებაა. სხვა საკითხია, ეკუთვნის თუ არა მას ის ელევგიები, რომლებიც ტიბულუსის კორპუსშია წარმოდგენილი.

ჩვენს ხელთ არსებული ძუნწი ცნობებით შეიძლება ვივარაუდოთ, რომ სულპიცია მაღალი წრის ქალი იყო. შესაძლოა, შეილი სერვიუს სულპიციუს რუფუსისა, იმავე სახელით ცნობილი იურისტის ვაჟისა; ხოლო მისი დედა კი, სავარაუდოა, იყო ვალერია, და მარკუს ვალერიუს მესალა კორინთუსისა. შესაბამისად, საესებით ბუნებრივია ვიფიქროთ, რომ იგი იცნობდა პოეტთა იმ ჯგუფს, რომელიც მისი ბიძის — მესალას წრის გარშემო იყო შემოკრებილი და რომელშიც გაერთიანებულნი იყვნენ თავად ტიბულუსიც და პოეტი ოვიდიუსიც. რაც შეეხება კერინთუსს, აქაც შეიძლება დავუშვათ, რომ იგიც რომაული მაღალი საზოგადოების წარმომადგენელი იყო, რომელიც პოეტებსა ბერძნულიდან აღებული ფსევდონიმით ჰყავს შენიღბული. მისი ნამდვილი სახელი, შესაძლოა, კორნუტუსი ყოფილიყო, რომელიც ტიბულუსის (1, 2 და 3) სიმღერებში არის მოხსენიებული. ვერ ვიტყვით, რითია გამონეული ის, რომ სულპიციას შეყვარებული ფსევდონიმით არის შენიღბული. სავარაუდოა, ან ქალის შიშით, არ გაეთქვა მისი სატრფოს ნამდვილი სახელი; ან ამ პერიოდის პოეზიაში ჩამოყალიბებული ტრადიციით, ბერძნული სამყაროდან აერჩაით სატრფოთა ფსევდონიმები (კატულუსთან ლესბია, პროპერციუსთან კინთია, ოვიდიუსთან კორინა, ტიბულუსთან დელია), ან სულაც იმით, რომ სულპიცია სათვის მისი სატრფო იყო პოეტური ფიქცია. არსებითად ეს არის და ეს. სხვა კონკრეტული ბიოგრაფიული ცნობის მოძებნა, თუ არ ჩავთვლით ქალის ელევგიებში განცხადებულ სასიყვარულო გრძნობებს, რომლებზედაც ქვემოთ ვისაუბრებთ, ჩვენ გაგვიჭირდება ანტიკურ წყაროებში.



სწორედ ამიტომ შეიძლება გაჩნდეს ეჭვი იმის თაობაზე, რომ სულპიცია არ არის რეალურად არსებული პიროვნება და მთელი ამბავი მისი და კერინთუსის სიყვარულისა მესალას წრის რომელიღაც პოეტის ფანტაზიის ნაყოფია. როგორც აღვნიშნეთ, ამ ეჭვის საფუძველი მხოლოდ ჩვენს ხელთ არსებული ცნობების სიმწირე შეიძლება იყოს, რაც, რასაკვირველია, არ არის საკმარისი.

სხვა საკითხია თავად ე.წ. სულპიციას ციკლის ელეგიების ავტორობის პრობლემა. აქ მეტ კამათს იწვევს ამ ციკლის პირველი ჯგუფის ხუთი ელეგია (III, 8-12; ან IV, 2-8).

მეცნიერებაში არსებობს ორი აზრი: ა) ეს ელეგიები ეკუთვნის მესალას წრის რომელიმე ჩვენთვის უცნობ პოეტს; ბ) ამ ელეგიების ავტორი არის თავად ტიბულუსი. დღეისთვის მეტი მომხრე პყავს ამ უკანასკნელ თვალსაზრისს. არსებითად არავინ თვლის შესაძლებლად იმას, რომ ამ ელეგიათა შორის რომელიმე, თუნდაც სულპიციას მიერ პირველ პირში გადმოცემული, შეიძლება ეკუთვნოდეს ამ პოეტსას. რაც შეეხება მეორე ჯგუფის ელეგიებს (III, 13-18; ან IV, 7-12), აქ მეცნიერები თითქმის ერთსულვანნი არიან იმაში, რომ ავტორი მართლაც სულპიცია უნდა იყოს. ამ ერთსულვონებას რამდენიმე არგუმენტი განსაზღვრავს: 1. ელეგიები თავისი სტრუქტურით (ისინი თითქმის ეპიგრამებივით მოკლენი არიან), შედარებით დაბალი პოეტური დონით აშკარად გამოირჩევიან ტიბულუსის კორპუსის სხვა ელეგიებიდან; 2. მათში პოეტესა სრულიად არაორაზროვნად ლაპარაკობს თავისი სახელით; 3. არ გაგვაჩნია არცერთი ანტიკური წყარო, რომელსაც შეუძლია ეჭვი შეგვატანინოს ამ ელეგიების სულპიციადმი კუთვნილებაში. მაგრამ, რასაკვირველია, ეს სულაც არ არის საკმარისი იმისათვის, რომ გამოვრიცხოთ სხვა შესაძლებლობა.

ახლა კი თვალი შევავლოთ თავად სულპიციას ელეგიებს. როგორც არაერთგზის აღვნიშნავთ, ამ ელეგიებში მათი მომენტალურობის, ჩვენ ვიტყვოდით, იმპრესიონისტულობის გამო, უფრო მეტად კატულუსის ლექსების სული ტრიალებს, ვიდრე ტიბულუსისა, თუმცა, რასაკვირველია, ისინი ვერ აღიან კატულუსის პოეზიის სიმალღემდე. ის, რაც ამ ელეგიებში იპყრობს ყურადღებას, უთუოდ არის ახალგაზრდა ქალის გულწრფელი და დიდი სიყვარული, გადმოცემული ყოველგვარი შენიღბვის გარეშე. ვერ ვიტყვით, რომ ელეგიებში დიდი იყოს პოეტური ინფორმატიულობის ხარისხი, დახვეწილი იყოს პოეტური ენა, მაგრამ მათ აქვთ ერთი დიდი უპირატესობა: უბრალოება, რომელიც არ გადადის გამაღიზიანებელ სიმარტივეში; მთავარი ის არის, რომ ელეგიების წაკითხვის შემდეგ ჩვენ თანაუგრძნობთ



სულპიცია



სულპიციას სიყვარულს. უნდა ვიფიქროთ, რომ სწორედ ეს გახდა საფუძველი იმისათვის, რომ სულპიციასა და კერინთუსის სიყვარულის თემა გადაქცეულიყო ტიპულუსის ლექსების სტიმულად.

ჩვენი აზრით, ეს ექვსი ელეგია, თუკი მათი ავტორი მართლაც შეყვარებული სულპიციაა, არ წარმოადგენს პოეტის შემოქმედებიდან შემთხვევით შემორჩენილ ლექსებს. ისინი აშკარად კრავენ გარკვეულ ციკლს სულპიციასა და კერინთუსის ურთიერთობის რაღაც ეტაპის გადმოცემისას, რომელსაც შეიძლება ვუნოდოთ სიყვარულის ამბავი განცხადებიდან პირველ სინანულამდე. თემა მათი სიყვარულისა აქ სრულიად გარკვეული ლოგიკით ვითარდება. პირველი ელეგია ეს არის შეყვარებული ქალის აღიარება, განცხადება იმისა, რომ მას უყვარს და არ ერიდება, სრულიად დაუფარავად ისაუბროს ამაზე:

„ბოლოს სიყვარულიც მენვია, ამ გრძნობის დუმილით დაფარვას უფრო სამარცხვინოდ ჩავთვლი, ვიდრე საქვეყნოდ განთქმას; ჩემი კაშენა — ლოცვის და ვედრების სიმღერა ისმინა ვენუსმა, მომგვარა იგი, მკერდზე დამინვინა თავად, სიტყვა აღასრულა ღვთაებამ. დე, ილაპარაკოს ამაოდ მან, ვისაც არ ძალუძს თავად ამ ბედნერების განცდა. აღარ მსურს მივენდო გულწრფელად უსტართა დაწერილ სტრიქონებს, რათა ჩემს სატრფოზე უნინ სხვამ არ წაიკითხოს იგი. მე თავდავინწყებას ვესწრაფვი, ჭორების შიშით მძულს შენიღბვა. დაე, ასე თქვან: ილტვის ღირსეულისაკენ ღირსი“.

(IV, VII)

მეორე ელეგიაში შემოდის სულპიციას დაბადების დღის თემა, მაგრამ არა როგორც სიხარულის საფუძველი, არამედ როგორც დიდი წუხილისა, რადგან იგი შეიძლება ვერ შეხედეს კერინთუსს. შესაბამისად, მისთვის ყველაზე სასიხარულო დღეც კი შეიძლება იყოს სევდის საბაბი, თუკი იგი მას დაამორებს, თუნდაც დროებით, საყვარელ კაცთან:

„ჩემი დაბადების დღე მზარავს, რადგან კერინთუსის თვინიერ უნდა გავატარო იგი დარღით ამ უდაბურ სოფლად, რომი — დიდებული ქალაქი მოხიბლავს სოფელი ქალიშვილს, ანდა არეტუმის მიწად მდინარი ანკარა წყარო?“



ნულარ შენუხდები, მესალა, ნუ ფიქრობ ჩემს ბედზე, დამშვიდდი.

უდროოდ მოდიხარ ხშირად, შენი ახლობელი გეტყვი:

თუკი ჩემს წაყვანას ინებებ, სულით და გრძნობით აქ დავერჩები,
რადგან არა მრთავ თავად წადილის მიღწევის ნებას”.

(IV, VIII)

და რაოდენ უცბად იცვლება სულპიციას დამოკიდებულება დაბადების
დღის მიმართ, როდესაც იგი აღმოაჩენს, რომ ეს ზეიმი მას შეახვედრებს
თავის სატრფოს, კერინთუსს:

„იციოდე, მწუხარე მგზავრობა ველარ შეაშინებს გოგონას,

ჩემს დაბადების დღეს რომში შეეხვედებით, ძვირფასო, ერთად,

ეს დღე ჭეშმარიტად იქნება მოყვასთა ლამაზი ზეიმი,

დღე — მოულოდნელად ბედმა რომ გარდმოაველინა ჩვენთვის”.

(IV, IX)

შეიძლება ითქვას, რომ ამ სამი ელეგიის შემდეგ არსებითად ხდება ერ-
თგვარი გარდატეხა. თუკი ამ ელეგიებში გადმოცემულია ქალის უღრუბ-
ლო სიყვარულის აზრები, სადაც ერთადერთი ნუხილი სატრფოსთან გან-
შორებაა, შემდეგ მათ სიყვარულში უკვე გარკვეული დამაბულობის ელე-
მენტები შემოდის. ჩნდება ჯერ ეჭვიანობა, ამის ნიადაგზე ავადმყოფური
განცდა სასიყვარულო ვნებისა, რაც ბოლოს მიდის სულპიციას სინანუ-
ლამდე, ან სურვილამდე, შენიღბოს თავისი ვნება და ბოლომდე არ გაამ-
ყლავნოს. და მართლაც, მეოთხე ელეგიაში ჩვენს წინ წარმოდგება სულპი-
ცია, რომელსაც გაუჩნდა ეჭვის საფუძველი, მაგრამ იგი ინარჩუნებს
სიმშვიდეს. აქ აშკარად გამოხატულია მისი, ალბათ როგორც მაღალი წრის
წარმომადგენელი ქალის, უპირატესობის შეგრძნება იმ მდაბიო ქალის წი-
ნაზე, რომელთანაც მას თურმე ლალატობს კერინთუსი:

„კარგია, ასე რომ ირწმუნე, საძრახისს არაფერს ჩაეიდენ,

ალარ შეგანუხებს მეტად ჩემს სისულელეზე ფიქრი,

რას იზამ, თუ უფრო გიზიდავს უგვანო, მდაბიო დიაცი,

ვიდრე სერეიუსის მოდგმა, სათნო სულპიცია ვიდრე;

ჩემი უბედობით შეძრული დამწუხრებულა ყოველი,

რათა არ ჩავეუნე უღირსს სანოლში ჩემივე ნებით”.

(IV, X)



სულპიცია

მაგრამ ეს ეჭვიანობა არ ჩაივლის უკეალოდ და აი, მეხუთე ელეგიაში
ნარმოგვიდგება სიყვარულით და იმის ფიქრით, რომ სათანადო პასუხს
ვერ პპოვებს, თითქმის სნეულებამდე მისული სულპიცია:



„კელავაც თანაუგრძნობ, კერინთუს, შენს მოსიყვარულე გოგონას,
რომლის მოთენთილ სხეულს სწევას დაუთმენელი ცეცხლი?
ამ ავადმყოფობის დაძლევას შეეძლებდი იმ რწმენით აღსავსე,
შენც რომ განუხებდეს ჩემი განუკურნებელი სენი.
აღარ მსურს ვებრძოლო საღმობას, რადგანაც ასეთი სიმშვიდით,
აუღელვებელი სულით ხვდები ჩემს განცდას და ტკივილს“.

(IV, XI)

ხოლო ფინალური ელეგია, თუ შეიძლება ასე ითქვას, გარკვეულად მო-
ასწავებს სულპიციასა და კერინთუსის სიყვარულის ერთი ეტაპის დასას-
რულს და მეორე ეტაპის დასაწყისს: შეყვარებულებს შორის თავს იჩენს,
ერთის მხრივ, ჩადენილი საქციელის გამო სინანულის განცდა, ხოლო, მე-
ორეს მხრივ, ერთგვარი თამაშის მომენტი, როდესაც სულპიციას გარკვე-
ული მოსაზრებების გამო სურს დაფაროს სატრფოსადმი ვნება:

„ო, ჩემო ნათელო, აღარ მსურს ვგრძნობდე შენს მხურვალე სიყვარულს,
ისეთს, როგორსაც ვგრძნობდი ამ რამდენიმე ხნის წინ.
და თუკი შეეცოდე უაზროდ, ბავშვისათვის ჩვეული სიკდემით,
იყო საოცარი ცოდვა, რომელსაც გულწრფელად ვნანობ,
ვნანობ უფრო მეტად, მერწმუნე, ვიდრე ამღამინდელ ცოდვას,
ოდეს მიგატოვე, რადგან შენგან დამეფარა ვნება“.

(IV, XII)

ამგვარად, როგორც ვხედავთ, სულპიციას ჩვენამდე მოღწეული ელე-
გიების თემატიკა ერთგვარ მელოდრამატულ ელფერს ატარებს: თავიდან
დიდი, გულწრფელი და დაუფარავი სიყვარული; შიში სატრფოსთან თუნ-
დაც ცოტა ხნით განშორების გამო; შემდეგ ეჭვიანობა; ამის საფუძველზე
თითქმის დასნეულება და ბოლოს, სიფრთხილე, რომელიც ჩნდება შეყვა-
რებული სულპიცია და მოკიდებულებაში თავისი სატრფოს მიმართ.

რაც შეეხება იმ ელეგიებს, რომელნიც თუმცა ეძლევიან სულპიცია-
სა და კერინთუსის სიყვარულის ამბავს, მაგრამ არ უნდა ეკუთვნოდნენ



პოეტ ქალს, ისინი არსებითად არ შეიცავენ ახალ ინფორმაციას განსხვავებულს იმისგან, რაზე საუბრის საფუძველსაც იძლევა თვით სულპიციას ელეგიები. მართალია, მათში არაფერია ნათქვამი თავად სულპიციას მიერ დაწერილ ლექსებზე, მაგრამ ისეთი შთაბეჭდილება იქმნება, რომ ავტორი მხოლოდ სულპიციას ელეგიებში წარმოჩენილი თემატიკით იფარგლება. უფრო მეტიც, ეს ელეგიები სულპიციას ლექსების ერთგვარ პოეტურ კომენტარებად თუ ვარაიციებად შეიძლება მივიჩნიოთ. და მართლაც, შეინიშნება საკმაოდ საინტერესო მიმართება არა მარტო სულპიციასთან აქცენტირებულ თემატიურ მომენტებთან, არამედ ამ თემების დალაგების რიგთანაც. ამ ჯგუფის პირველი ელეგია ასახელებს, უმღერის სულპიციას და მის სიყვარულს, რაც ზუსტად ეხმიანება თვით სულპიციას პირველ ელეგიაში სიყვარულის განცხადების თემას. მეორე ელეგია წარმოგვიდგენს სულპიციას მონატრებას, რაც ასევე აისახა სულპიციას მეორე ელეგიაში. შემდეგი ელეგია გადმოგვცემს სულპიციას ავადმყოფობის ამბავს და ვედრებას, რომ იგი განიკურნოს. აქაც საეხებით აშკარაა მიმართება სულპიციას იმ ლექსთან, სადაც მის დასწრეულებაზეა მინიშნება. მეოთხე ელეგიაში შემოდის კერინთუსის დაბადების დღის თემა, რომელსაც სულპიცია გამოიყენებს, ერთის მხრივ, სატრფოსადმი კეთილი სურვილების აღსაყენად, ხოლო მეორეს მხრივ, თავისი ეჭვის გამოსატყმელად, ხომ არ არის ახლა იგი გატაცებული სხვა ქალით. შეიძლება ითქვას, რომ ეს ელეგიაც ეხმიანება ეჭვისა და სულპიციას ერთგვარი გაორების თემას. და ბოლოს, მეხუთე ელეგია თითქოს ერთგვარად ცდილობს, გაანეიტრალოს ის შიში და ეჭვი, რაც სულპიციას ელეგიებშია გამოთქმული სატრფოს მიმართ. აქ სულპიციას დაბადების დღე გამოყენებულია იმისათვის, რომ პოეტმა დალოცოს სულპიცია და დღეგრძელობა უსურვოს მისი და კერინთუსის სიყვარულს.

ყოველივე ამის შემდეგ, ბუნებრივია, ისმის კითხვა, რითი უნდა ავხსნათ ის გარემოება, რომ ელეგიათა ეს ორი ჯგუფი ინფორმატიულად ასე ორიგანულად არის ერთმანეთთან დაკავშირებული. თუკი ჩვენ დაეუსებებთ იმას, რომ ე.წ. ტიბულუსის ელეგიები დაწერილია სულპიციას ელეგიების გათვალისწინების გარეშე და ეყრდნობა მხოლოდ და მხოლოდ მესალას წრეში ცნობილ ისტორიას, მაშინ გაუგებარია, რატომ არ არის მათში ამ სატრფოთა სიყვარულის რაღაცა ახალ, სულპიციას ელეგიებისათვის უცნობ მომენტზე ან ეპიზოდზე საუბარი; რატომ არ ცდილობს პოეტი გვითხრას რაიმე ამ სიყვარულის დასაწყისზე და თუნდაც მისი განვითარების რაღაც ეტაპის დასასრულზე; რატომ ემთხვევა ეს ორი ჯგუფი ელეგიებისა



სალაიშია



ერთმანეთს სულპიცია-კერინთუსის სიყვარულის საკვანძო მომენტთა წარმოჩენაში. ჩვენ შეგვიძლია მხოლოდ ეჭვის სახით გამოვთქვათ ვარაუდი: ხომ არ შეიძლება დაეუშვათ, რომ ელეგიათა ორივე ჯგუფს ერთი და იგივე ავტორი ჰყავს. თუმცა ამჟამად ჩვენთვის მთავარი ის არის, რომ სულპიცია დაფიქსირებულია რომაულ ლიტერატურაში როგორც პოეტესა. მიუხედავად იმისა, იგი ნამდვილად არსებობდა თუ არა, ფაქტი ერთია: მისი ლექსები წარმოგვიდგენს ჭეშმარიტად ქალის სამყაროს და რომც დაეუშვათ, რომ ეს პოეტური ფიქციაა და მათი ავტორი კაცია, აქ მაინც ისეა გადმოცემული ადამიანური გრძნობები, როგორც ისინი ქალს შეეძლო აღეჭვა და აღებუჭდა.





შენიშვნა:

**შტრ. Tibull, Gedichte. Lateinisch und
deutsch von R. Helm, Berlin, 1979.**

ოლიგვიასი
✚
გარენიკა
✚
სოფონისა
✚
კალკურნია
✚
ფულვია
✚
ლივია
✚
ოქტავია უმცროსი
✚
იულია უფროსი
✚
აგრიპინა უფროსი
✚
მესალინა
✚
აგრიპინა უმცროსი
✚
კლოტინა
✚
საბინა
✚
დომიციანა ლუცილა
✚
ფაუსტინა უმცროსი
✚
ლუცილა
✚
ვალერია
✚
ჯენოვია
✚
ელენე
✚
ფაუსტა
✚
კონსტანტინა
✚
გალა პლაციდია
✚
კონორია

ქალები
საზოგადო
საზოგადოებრივ
საზოგადოებრივ







ოლიმპიასი

ოლიმპიასი ფილიპე II მაკედონელის ცოლი და ალექსანდრე მაკედონელის დედა იყო. ანტიკურ სამყაროში ოლიმპიასი ცნობილი იყო, როგორც თავისი დროის უმნიშვნელოვანესი და საოცრად ძლიერი ხასიათის ქალი. ბუნებით ოლიმპიასი თავშეუკავებელი ტემპერამენტის, ექსცესური გამოვლინების პიროვნება გახლდათ, რომლისთვის ზღვარი არ არსებობდა. ვერ აკავებდა მას ვერც ტრადიციული ღირებულებანი და ვერც მორალური პრინციპები. ანტიკური წყაროები მაკედონიის ლამაზ და ამაყ დედოფალს დემონური ბუნების ქალად მოიაზრებს, რომლის უკიდევანო თავნებობას და სისასტიკეს მრავალი ადამიანის სიცოცხლე შეენირა. ძალაუფლების უზომოდ მოყვარულმა ოლიმპიასმა დაუნდობელი შურისძიება იცოდა. ასეთი იყო მოკლედ ალექსანდრე მაკედონელის დედა, რომელიც „მსოფლიოს მბრძანებელს“ განსაკუთრებით უყვარდა. უნდა ითქვას ისიც, რომ დედამ არც თუ უმნიშვნელო როლი ითამაშა შვილის ცხოვრებაში.

ოლიმპიასი წარმოშობით მოლოსთა¹ ტომის ეაკიდთა სამეფო გვარს მიეკუთვნებოდა. ამ გვარს თავისი წარმომავლობა თავად გმირთაგმირ აქილევსამდე აჰყავდა. მათი საბრძანებელი მაკედონიის მოსაზღვრე ეპიროსის სამეფო იყო. ოლიმპიასის მამა — ეპიროსის მეფე ნეოპტოლემოსი ახალგაზრდა გარდაიცვალა და ორი შვილი დატოვა. ობლების ადგილი ტახტზე მათმა ბიძამ — არიბამ დაიკავა. თავის ძმისშვილებს იგი ყოველმხრივ ავიწროებდა და ჩაგრავდა.

როგორც გადმოგვცემენ, მაკედონიის მეფე ფილიპეს მომავალი ცოლი პირველად მაშინ უნახავს, როდესაც ოლიმპიასი ჯერ კიდევ გოგონა იყო და კუნძულ სამოთრაკეზე საიდუმლო ღვთისმსახურების აღსრულებაში იღებდა მონაწილეობას. ქალების უზომოდ მოყვარულ მეფეს გოგონა ძალ-



ზე მოსწონებია. რამდენიმე წლის შემდეგ, როცა ოლიმპიასი ნამოიზარდა, მაკედონიის მეფემ მისი ცოლად შერთვა გადაწყვიტა.

ფილიპეს ადრეულ ქორწინებათა შესახებ ტრადიცია განსხვავებულ ვერსიებს გვთავაზობს. ერთი ისტორიკოსი — სატიროსი² გადმოგვცემს, რომ ფილიპეს შვიდი ცოლი ჰყავდა, სხვები — ნაკლებ რიცხვს გვისახელებენ. თანამედროვე მეცნიერთ ყველაზე სარწმუნოდ ესახებათ სამი ცოლის ყოლა, თუმცა ისინი დაზუსტებით ვერ აცხადებენ, თუ როგორი წესით მოჰყავდა მაკედონიის მეფეს ცოლები — ერთმანეთის მიყოლებით ირთავდა მათ, თუ სამივე ერთდროულად ესვა. როგორც ჩანს, წყაროები ამ ამბით დიდად არც ინტერესდებოდნენ. ვიცით მხოლოდ ის, რომ ფილიპეს ერთი ვაჟიშვილი, სახელად — არიდეოსი ჰყავდა.

ოლიმპიასის და ფილიპეს ქორწინება ფილიპეს გამეფების მესამე — ძვ.წ. 357 წელს სრულიად ოფიციალურად და განსაკუთრებით საზიგომოდ ჩატარდა. მაკედონური ტრადიციის თანახმად, მეფემ საპატარძლოს ხელი მის ძმას — არიმბასს სთხოვა.

უყვარდათ თუ არა ერთმანეთი ოლიმპიასისა და ფილიპეს? თუ მათ ქორწინებას პოლიტიკური ინტერესები განსაზღვრავდა? ცნობილი მეცნიერი ფ. შახერმარი ამ საკითხზე თავის მოსაზრებას გვთავაზობს: «ქუჭგარეშეა, რომ მათი ქორწინება სიყვარულით ქორწინება იყო. დასაწყისში ეს ორი გამორჩეული პიროვნება ისეთივე ძალით მიისწრაფოდა ერთმანეთს, კენ, რა ძალითაც ისინი შემდგომ ერთმანეთს ხელს კრავდნენ. მაგრამ ფილიპე ფილიპე არ იქნებოდა, რომ ქორწინებას პოლიტიკური მიზნები არ ჰქონოდა. ბოლოს და ბოლოს, მაკედონიის სამეფო კარს ახლა ჰყავდა პატარძალი, რომლის ძარღვებშიც სამეფო სისხლი ჩქეფდა და რომელსაც სახელმწიფოს წარმოდგენა შეეძლო. მათი ვაჟიშვილი კი, შესაძლოა, სამეფო ტახტის ღირსეული მემკვიდრე გამხდარიყო.»³

ცოლქმრული ცხოვრების დასაწყისი წყვილისთვის ბედნიერი გამოდგა. განსაკუთრებით სასიხარულო კი ძვ.წ. 356 წელი იყო, როდესაც მათ ვაჟიშვილი — ტახტის მემკვიდრე შეეძინათ. ბიჭუნას ალექსანდრე დაარქვეს. იგი მომავალში ალექსანდრე მაკედონელი — მსოფლიოს მბრძანებელი გახდება.

ცნობილია, რომ ტრადიცია დიდი ისტორიულ პიროვნებათა დაბადებას თუ ჩასახვას განსაკუთრებულ მოვლენებს უკავშირებს, რომელთა უმეტესობა მისტიურ საბურველშია გახეული. ალექსანდრე მაკედონელის ჩასახვის დროსაც, წყაროების თანახმად, მრავალი უჩვეულო ამბავი მოხდარა.

ოლიმპიასის ქორწინების წინაღამეს ქუხილი მოესმა, უცებ თითქოს მეხიც გავარდა და პატარძალს მუცელზე დაეცა. ოლიმპიასი ცეცხლში გაეხევიდა, შემდეგ ალი ჰაერში გაიფანტა და მოჩვენებაც გაჰქრა. ქორწინების



შემდეგ მცირე ხანმა განვლო და ფილიპემ უცნაური სიზმარი ნახა — თითქოს მეუღლის მუცელს ბეჭედს არტყამდა. ბეჭედზე კი, როგორც მოერეენა, ლომი იყო გამოსახული... სახელგანთქმულმა არისტანდროს ტელმესელმა განაცხადა, ცარიელ რასმეზე ბეჭედს როდი არტყამენ, დედოფალი ფემძიმედ არის და შობს ვაჟს, რომელსაც ცეცხლის ძალა და ლომის გული ექნებაო (პლუტარქე, „ალექსანდრე მაკედონელი“, 2).

მოგვიანებით თავად ალექსანდრე მაკედონელმა გააერთიანა ლეგენდები თავისი მისტიური ჩასახვის შესახებ. იგი ხომ საგანგებოდ ესტუმრა აფრიკაში უდაბნოს მეფედ წოდებულ ამონის სამისნოს, რათა ღმერთისთვის თავისი ჩასახვის საიდუმლო გამოეკითხა. ღმერთად განცხადებული ქურუმი მეფეს, როგორც საკუთარ შვილს, ისე შეეგება. თუმცა ეს მისი მიწიერი მამის — ფილიპეს უარყოფას როდი გულისხმობდა. პირიქით, სამისნოს განმარტების მიხედვით, შვილის ჩასახვის მომენტში ფილიპე თავად იყო ღმერთი, რაც იმას ნიშნავდა, რომ ღმერთი ფილიპეში იყო განსხეულებული. თავის მხრივ ოლიმპიასიც ხელს უწყობდა ალექსანდრეს ღვთაებრივი წარმომავლობის ლეგენდის გავრცელებას — ქარაგმულად და ბუნდოვნად ლაპარაკობდა იგი შვილის ჩასახვის შესახებ (არიანოსი, „ალექსანდრეს ლაშქრობები“, IV, 10, 2). რაც შეეხება ალექსანდრეს თანამედროვე მაკედონელებს, მათ ყველაზე ნაკლებად სჯეროდათ მაკედონიის მეფის ღვთიური წარმომავლობისა. შესაბამისად, ამაზე ისინი თავშეკავებით ლაპარაკობდნენ.

მაღე ფილიპეს და ოლიმპიასს მეორე შვილიც ეყოლათ, 354 წელს ალექსანდრე მაკედონელის და — კლეოპატრა დაიბადა. ცოლსა და ქმარს შორის იმ ხანად ჯერ კიდევ ურთიერთგაგება სუფევდა. ოლიმპიასს გადაწყვეტილი ჰქონდა ეპიროსის სამეფო ტახტი თავისი ოჯახისთვის დაებრუნებინა. ეს ფილიპეს ინტერესებშიც შედიოდა, ამიტომ მაკედონიის მეფემ ძვ.წ. 351 წელს ეპიროსის იმჟამინდელი მბრძანებლის — არიბას წინააღმდეგ ჯარი დაძრა და აიძულა იგი, მისთვის ოლიმპიასის ძმა — არიბასი გადაეცა. ძვ.წ. 342 წელს კი, როცა არიბასი სრულწლოვანი შეიქმნა, მაკედონელებმა არიბა ეპიროსიდან გააძევეს და ტახტზე არიბასი აიყვანეს. ძმის მუშევრობით მშობლიურ ეპიროსს ოლიმპიასი დაუბრკოლებლად, თავის ნება-სურვილზე განაგებდა. ფაქტობრივად, ეპიროსი მაკედონიის სამეფოს დაექვემდებარა.

გადიოდა დრო. ცოლსა და ქმარს შორის ნელ-ნელა ქრებოდა სიყვარულიც და ურთიერთგაგებაც. ორ მკვეთრად გამოხატულ პიროვნებას ერთ ჭერქვეშ ცხოვრება უძნელდებოდა — თითქოს ერთი — მეორეს თავისუფლებას უზღულდავდა. ოლიმპიასს არამც და არამც არ აკმაყოფილებდა მხოლოდ ბრწყინვალე მეფის ცოლი და ძლიერი სახელმწიფოს დედოფალი ყოფილიყო. ამ ქალის ბუნებაში აქამდე მიძინებული ძალაუფლების სიყვა-



ოლიმპიასი



რული და შურისძიების დაუოკებელი ლტოლვა ნელ-ნელა გამოდიოდა სა-
აშკარაოზე. მაკედონიის დედოფალს სასტიკად სძულდა ფილიპეს ყოფი-
ლი ცოლები და მათი ნაშვირნი. ამბობდნენ იმასაც, რომ ფილიპეს ვაჟიშ-
ვილი არიდოსი დაბადებით გონებასუსტი არ ყოფილა და გონება მხო-
ლოდ მას შემდეგ აემღვრა, რაც ოლიმპიასმა სხვადასხვა სანამლავი ასვაო
(პლუტარქე, „ალექსანდრე მაკედონელი“, 77).

რელიგიური ორგანიზაციები ოლიმპიასის ქვეშაირი სტიქია იყო. დიონისუ-
რი ბაქქანალიები და ორფიკული მისტერიები — ეს იყო ის, რასაც დედო-
ფალი ყველაზე მეტად მიეღებოდა. ბუნებითი ცრუმორწმუნეობა მის რე-
ლიგიურ გრძნობებს ექსცესურ გამოხატულებას სძენდა — ოლიმპიასის
ღვთისმსახურება გადაჭარბებული, ყოველგვარ ზღვარს გადაცილებული
იყო.

„იგი ბარბაროს ქალებს ჰბაძავდა და, როცა ბაქქ ქალთა გუნდში მიდი-
ოდა, თან მოშინაურებული დიდი გველებიც მიჰყავდა. დედოფლის გვე-
ლები ხშირად გამოძვრებოდნენ ხოლმე სუროს ფოთლებიდან და სამისტე-
რიო კალათებიდან. მერმე ბაქქი ქალების სუროთი შემოსილ კვერთხებსა
და გვირგვინებს ეხვეოდნენ. ეს სანახაობა იქ მყოფ მამაკაცებს შიშის ზარს
ჰგვირდა“ (პლუტარქე, „ალექსანდრე მაკედონელი“, 2).

როგორც ჩანს, ოლიმპიასის ამგვარი რელიგიური გრძნობების ფილი-
პესაც საკმაოდ ეშინოდა. ყოველ შემთხვევაში, როცა მძინარე ოლიმპია-
სის გვერდით გველი იხილა, ფილიპეს ცოლისადმი სიყვარულის და სინა-
ზის გრძნობა მეტისმეტად გაუნელდა და მასთან დანოლის სურვილი
გაუქრა. შესაძლოა, მას დედოფლის ჯადოქრობის ეშინოდა და ამასთან
ფრთხილობდა, მუულებე არ მომნამლოსო — გადმოგცემს პლუტარქე
(პლუტარქე, „ალექსანდრე მაკედონელი“, 2). მალე ფილიპემ ერთ-ერთ
ბრძოლაში ცალი თვალი დაკარგა. ეს ისტორიული ფაქტია. მაგრამ ამის
შესახებ სულ სხვანაირი ლეგენდა შეიქმნა. ამბობდნენ, მეფემ კარის ხერე-
ლიდან დედოფლის ოთახში შეიხედა და მასთან მწოლიარე ღმერთი ამონი
იხილა, რომელსაც გველის სახე მიეღო. ღმერთის ხილვამ კი მეფეს თვა-
ლის ჩინი დააკარგინა — ყოველ შემთხვევაში, ასეთია ის ლეგენდა, რო-
მელსაც პლუტარქეს ნაწარმოებში ვხვდებით (პლუტარქე, „ალექსანდრე
მაკედონელი“, 2).

ოლიმპიასის ხასიათი და მისი საიდუმლო იერსახე, როგორც ჩანს, გა-
დამწყვეტი აღმოჩნდა იმისთვის, რომ მეფე ცოლს განრიდებოდა. ცოლი-
სადმი გაუცხოებამ კვლავ გააღვიძა მის ბუნებაში დროებით მინელებული
ქალების სიყვარული. ფილიპემ მეორეხარისხოვანი ცოლები კვლავ გაიჩი-
ნა. ყოველ შემთხვევაში ძვ.წ. 346 წლიდან მოყოლებული წყაროები ასეთი
ცოლების არსებობას გვიმონებენ. ბუნებრივია, რომ ამაყ დედოფალს
ქმრის საქციელი ძლიერ სტკენდა გულს და თანდაყოლილი შურისძიების



ეინს უღვიძებდა. მაგრამ ოლიმპიასი ჯერ-ჯერობით თავს იკავებდა. იგი ჩამოსცილდა ქმრის ცხოვრებას და მთელი სიყვარული და ყურადღება თავის ვაჟიშვილზე გადაიტანა. მბრძანებლობის მოყვარული, უდრეკი ბუნების და მკაცრი ხასიათის ოლიმპიასი თურმე ძალზე მოსიყვარულე და თბილი დედა ყოფილა. პატარა ალექსანდრეს აღზრდას დედა ხელმძღვანელობდა. პედაგოგები მან ეპიროსიდან ჩამოიყვანა. მათგან მთავარი ლეონიდასი იყო, რომელიც ალექსანდრეს სპარტანული წესებით ზრდიდა. იგი იმდენად მკაცრად ექცეოდა თურმე ყმანვილს, რომ ოლიმპიასს შვილი ეცოდებოდა და პატარა ალექსანდრეს ხშირად საწოლში მალულად ნუგბარსა და ტკბილეულს უდებდა. მეორე მასწავლებელიც — წარმოშობით ბერძენი ლისიმაქოსი ეპიროსიდან იყო. რაც შეეხება ფილიპეს, ამ ხანად მას შვილზე გავლენა თითქმის არ აქონდა. ჯერ ერთი იგი სახლში ფაქტიურად არც იმყოფებოდა. ამას გარდა, ქმრის გამუდმებული ლალატით შეურაცხყოფილი და გამძვინვარებული ოლიმპიასი ნებისთნე უნებლიედ შვილს მამის წინააღმდეგ განაწყობდა. ალექსანდრეც მამას დედის თვლით ხედავდა. რაც უფრო იზრდებოდა ყმანვილი, მით უფრო ღრმად ედებოდა გაუცხოება მამასა და შვილს შორის. ფილიპე კარგად ხვდებოდა, თუ რაოდენ დიდი იყო ალექსანდრეზე დედის გავლენა. ამას ემატებოდა ისიც, რომ ალექსანდრეს აღზრდელი ოლიმპიასის მხარეზე იყვნენ. და მაკედონიის მეფემ გადაწყვიტა, ერთხელ და სამუდამოდ დაესვა წერტილი ამისთვის. როგორც კი ყმანვილი საკმარისად წამოიზარდა — ალექსანდრე 13 წლისა გახდა, ფილიპემ შვილის აღზრდა თავის თავზე აიღო და მომავალი მეფის განსასწავლად სასახლის კარზე ყველაზე სახელგანთქმული ფილოსოფოსი — ბრძენთა შორის უბრძენესი — თავად არისტოტელე მოიწვია.

სწავლების ის წესი, რომელიც არისტოტელემ ალექსანდრესთვის შეარჩია სავსებით შეესაბამებოდა ფილიპეს მიზნებს. მაკედონიის მეფეც კმაყოფილი იყო. თუმცა დედის მიმართ ალექსანდრეს დამოკიდებულება არ შეცვლილა. ოლიმპიასს უკვე გაეღვივებინა მის გულში ის მარცვალი, რომელმაც შემდგომში თავისი ნაყოფი გამოიღო. მთელი სიცოცხლის განმავლობაში ალექსანდრეს დედა უზომოდ უყვარდა, მუდამ ანებიერებდა მას, არ აკლებდა ფუფუნებას. ერთი ამბავი განსაკუთრებით საჩინოს ხდის მეფის დამოკიდებულებას დედისადმი, თუმცა იგი კარგა ხნის შემდეგ, მაშინ მოხდა, როცა ალექსანდრე მაკედონელი სამშობლოში უკვე აღარ იმყოფებოდა. აზიაში სალაშქროდ წასვლის წინ, ალექსანდრემ შინ, მაკედონიაში მმართველობა ანტიპატროსს⁴ ჩააბარა. ამან ოლიმპიასი საშინლად განარისხა, რადგან მას თავად უნდოდა მაკედონია ემართა. ამიტომ თუმცა ფორმალურად იგი მისთვის საძულველ ანტიპატროსს ემორჩილებოდა, ფარ-ხმალს მაინც არ ყრიდა და შემთხვევას არ უშვებდა ხელიდან, რომ შვილისადმი მიწერილ წერილებში ანტიპატროსისთვის რაიმე არ და-



ოლიმპიასი



ებრალეზინა. ბუნებრივია, გულხელდაკრეფილი არც მეორე მხარე იყო. ალექსანდრე მათ მიმართ ნონასნორობას ინარჩუნებდა და თითოეული მათგანის ბრალდებასა თუ საყვედურს გულმშვიდად იღებდა. მაგრამ ეს მაინც მოჩვენებითი ნეიტრალობა იყო, გულის სიღრმეში, როგორც ჩანს, მეფეს მაინც აღიზიანებდა ანტიპატროსის ბრალდებები. თუმცაღა გალიზიანება მეფემ მხოლოდ ერთხელ გამოაქვლინა, აი მაშინ, როდესაც მაკედონიის დროებითმა მმართველმა ალექსანდრეს გრძელი წერილი მისწერა. წერილი ოლიმპიასის მიმართ საყვედურებით იყო სავსე. ალექსანდრემ ბარათი გულდასმით წაიკითხა, შემდეგ კი განაცხადა: „ანტიპატროსს არ სცოდნია, დედის ერთი ცრემლი რომ ათი ათასს ასეთ წერილს დაგავიწყებოს“ (პლუტარქე, „ალექსანდრე მაკედონელი“, 39).

ალექსანდრე მაკედონელს სიჭაბუკის ხანა დაუდგა, როდესაც მამამისი ფილიპე ისევ მოიცვა ახალმა ვნებამ, ამჯერად მაკედონიის მეფის სასიყვარულო ლტოლვა ფრიად სერიოზული აღმოჩნდა. ორმოცდაექვსი წლის მეფეს გატაცებით შეუყვარდა ნორჩი ქალწული, სახელად — კლეოპატრა. კლეოპატრა მაკედონიის ერთ-ერთი ყველაზე ცნობილი და წარჩინებული ოჯახიდან იყო. მას ბიძა — ატალოსი მეურვეობდა, რომელიც მაკედონიაში ძალზე გავლენიან პირად ითვლებოდა. ატალოსი არაფრის დიდებით არ დაანებებდა ფილიპეს, რომ მას კლეოპატრა ერთ-ერთ და არა ერთადერთ ცოლად მოეყვანა, ისე, როგორც ამას აქამდე მაკედონიის მეფე აკეთებდა. არა, თუ ფილიპეს კლეოპატრა სურდა, ქალი ყველა წესის დაცვით უნდა ეთხოვა და კანონიერი მეუღლის და დედოფლის რანგში აეყვანა. რომ არა ალექსანდრე, ფილიპე არანაირი გასაჭირის წინაშე არ დადგებოდა. იგი გაცვილდებოდა ოლიმპიასს, რომელიც უკვე სძულდა კიდევ, დედოფლად კი დაისვამდა იმ ქალს, რომელიც ასე უყვარდა და რომელიც ასე სურდათ, ეხილათ მაკედონიის დედოფლად მის წარჩინებულ თანამემამულეთ. ახლა კი საქმე გაცილებით რთულად იყო. ატალოსი მარტო იმას კი არ ითხოვდა, რომ კლეოპატრა ფილიპეს კანონიერ ცოლად მოეყვანა, არამედ მაკედონიის მეფეს იგი პირობას უდებდა — ახალი ქორწინებიდან გაჩენილ შვილებს მემკვიდრეობის უფლება უნდა ჰქონოდათ.

მეფისადმი წაყენებული მოთხოვნები ერთობ მკაცრი იყო. მაგრამ ფილიპე მაინც დაქორწინდა. ალექსანდრეს იგი კვლავ თავის მემკვიდრედ მიიჩნევდა.

ახალმა ქორწინებამ, როგორც მოსალოდნელი იყო, მამასა და შვილს შორის ურთიერთობა ძალზე გაართულა. ქორწილზე მომხდარმა ამბავმა ცეცხლს ნავთი წაუკიდა. როდესაც ქეიფის დროს ატალოსსა და ალექსანდრეს შეხლა-შემოხლა მოუვიდათ, ფილიპე ახალი ნათესაეის მხარეზე დადგა და შვილის წინააღმდეგ მახვილი აღმართა. უზომოდ შეურაცხყოფილმა ალექსანდრემ არჩია, მამას განრიდებოდა, დედა ეპიროსში წაიყვანა, თვი-



თონ კი მაკედონია დატოვა და ილირიელებთან გაემგზავრა. როგორც ჩანს, დედა-შვილი გზებს ეძებდა, რათა ფილიპეს წინააღმდეგ გაელაშქრათ. ოლიმპიასი ცდილობდა თავისი ძმა — არიმბასი დაეთანხმებინა მაკედონიის წინააღმდეგ ომზე, ალექსანდრე კი, თავის მხრივ, მაკედონიასთან საბრძოლველად მოკავშირეებს ილირიაში ეძებდა.

რა უბიძგებდა ამ ომისკენ ალექსანდრეს, რა იყო მისი მოქმედების ჭეშმარიტი მიზეზი? — „იყო ეს მარტოოდენ შურისძიება დედის გამო, თუ მას ეშინოდა, რომ მაკედონიის მემკვიდრეობა არ დაეკარგა? არ ვიცი. თუმცა ყველაზე უფრო, ალექსანდრეს მაინც იმის სურვილი ამოძრავებდა, რომ მამისაგან განთავისუფლებულიყო, მამისგან, რომელიც მის წინ იდგა და რომელიც მას ხელს უშლიდა“, — კიდევ ერთხელ დაეიმონებეთ შახერმარის მოსაზრებას.⁵

მოვლენები, ალბათ, მართლაც საბედისწეროდ განვითარდებოდა, რომ არა ფილიპეს ხასიათის ერთი უმთავრესი ნიშანი. ჩვენ ჯერ არ გვითქვამს, რომ ფილიპე მაკედონელი გასაოცარი დიპლომატიური ნიჭით იყო დაჯილდოებული, ნიჭით, რომელმაც მის გამარჯვებებში, ალბათ, უფრო დიდი როლი ითამაშა, ვიდრე მისმა სამხედრო გამოცდილებამ. მან ამ ურთულეს სიტუაციაშიც მოახერხა მდგომარეობის განმუხტვა და საბედისწერო დაპირისპირება შვილთან თავიდან აიცილა. ფილიპემ ვაჟიშვილი მაკედონიაში მიიბატიეა, სადაც ყოველგვარი წესის დაცვით იგი ტახტის მემკვიდრედ აკურთხებინა. რაც შეეხება ალექსანდრეს მტერს — ატალოსს, იგი მაკედონიის მბრძანებელმა მცირე აზიაში გააგზავნა, რათა დაუძინებელ მეტოქეთა ახალი დაპირისპირება აღარ მომხდარიყო.

ახლა ოლიმპიასის დანყნარებაც იყო საჭირო. მაკედონიის ყოფილ დედოფალს შესთავაზეს, რომ ქალიშვილი — კლეოპატრა თავისი ძმის — არიმბასისთვის მიეთხოვებინა. ქორწინება, ბუნებრივია, მაკედონიას და ეპიროსს ერთმანეთთან კიდევ უფრო მჭიდროდ შეაკავშირებდა, შესაბამისად ოლიმპიასიც მაკედონიაში თავის გაუღენას შეინარჩუნებდა. ოლიმპიასი წინადადებაზე დასთანხმდა. ქორწილის დღეც და ადგილიც დანიშნეს.

ძვ.წ. 336 წელს კლეოპატრას და არიმბასის ქორწილი მაკედონიის ძველ სატახტო ქალაქში დიდი ბრწყინვალეობით გაიმართა. მაგრამ მაკედონიის მეფისთვის ქალიშვილის ქორწინება საბედისწერო აღმოჩნდა. საზეიმო ღვინის დროს ფილიპე ვერაგულად მოკლეს. მკვლელი — მაკედონელი მხედარი პავსანიასი შეეცადა გაქცეულიყო, მაგრამ მეფის მცველებმა იგი ადგილზევე შეიპყრეს და სიცოცხლეს გამოასალმეს. გამოცხადდა მკვლევობის ოფიციალური ვერსიაც. ფილიპეს მკვლელობის მოტივად შურისძიებას ასახელებდნენ. პავსანიასმა იმიტომ იძია მაკედონიის მეფეზე შური, რომ ეს უკანასკნელი არ დასთანხმდა პავსანიასს, რათა მას ატალოსის წინააღმდეგ საქმე სასამართლოში აღეძრა (ატალოსსა და მაკედონელ



ოლიმპიასი



ნარჩინებულს დიდი ხნის მტრობა აკავშირებდათ. მიზეზი ამისა ის იყო, რომ კაცების მოყვარულმა ატალოსმა პავსანიასი შეურაცხყო. ერთი შეხედვით, ვერსია სიმართლესთან ახლოს ჩანდა. ამგვარი შურისძიება მაკედონურ ადათ-წესებს საკვებით შეესაბამებოდა და მაინც, იგი ბევრ კითხვას ბადებდა. ოფიციალური განაცხადის გვერდით კი გაჩნდა ჭორები, რომელთა მიხედვით კვალი ოლიმპიასამდე მიდიოდა. პლუტარქე ასეთ ვარიანტს გეთავაზობს: „ოლიმპიასმა ისედაც აღელვებული ახალგაზრდა კიდე უფრო აღაშფოთა და წააქეზაო. ცილისნამება ნანილობრივ აღექსანდრესაც შეეხო“... (პლუტარქე, „ალექსანდრე მაკედონელი“, 10).

ფილიპეს მკვლელობაში ოლიმპიასის ერთგვარი მონაწილეობა თანამედროვე მეცნიერთათვისაც სარწმუნო ჩანს და არა მხოლოდ იმის გამო, რომ ატალოსი და ფილიპე ისეთივე დაუძინებელი მტრები იყვნენ ოლიმპიასის, როგორც პავსანიასისა. ბუნებრივია, რომ ოლიმპიასი დიდი სიამოვნებით შეუერთდებოდა მათზე შურისმაძიებლებს. მაგრამ დედოფლისთვის გაცილებით მნიშვნელოვანი სხვა რამ იყო — ის, რომ მის ვაჟიშვილს მაკედონიის ტახტი შეენარჩუნებინა. ფილიპეს უკვე ეყოლა ქალიშვილი, მომავალში მას ვაჟიშვილიც შეიძლება გასჩენოდა. აი მაშინ კი, ვინ იცის, რა მოხდებოდა... ყოველ შემთხვევაში, ერთი რამ უდავო იყო — ალექსანდრეს მემკვიდრეობა ამიერიდან მუდმივად საორჭოფო იქნებოდა. ხოლო იმისთვის, რომ მაკედონიის მეფეს მეტი შვილი არ ჰყოლოდა, ის უნდა მომკვდარიყო. ლოგია ამაში ნამდვილად იყო. ოლიმპიასის შურისძიებაში მონაწილეობა კიდე უფრო სარწმუნო ხდება, თუ დედოფლის ხასიათსაც გავიხსენებთ. ალბათ საგულისხმოა ისიც, რომ მაკედონიაში დაბრუნებულმა ოლიმპიასმა პავსანიასის საფლავზე საგანგებოდ იზრუნა. რაც შეეხება ალექსანდრეს, არავინ იცის, გაანდო თუ არა მას თავისი გეგმები დედამ, შესაძლოა, არ გაუმხილა.

ალექსანდრე მაკედონელი სასტიკად გაუსწორდა ყველას, ვინც კი მამის მკვლელობაში საეჭვოდ მიიჩნია. მან სიკვდილით დასაჯა ლინკესტიდები, ამინტასი,⁴ ატალიდთა გვარის მამაკაცები, თავად ფილიპეს მამრობითი სქესის შთამომავლები. მამაკაცთაგან ცოცხალი მან მხოლოდ გონებასუსტი არიდოსი დატოვა. რაც შეეხება ქალებს, თავისი გვარის ქალები ალექსანდრე მაკედონელმა შეიწყალა. მაგრამ მათ ოლიმპიასი გაუსწორდა. როგორც კი ალექსანდრე აზიაში სალაშქროდ წავიდა, ოლიმპიასმა დრო იხელთა. მისი პირველი მსხვერპლი ჩვილი ევროპე იყო — ფილიპესა და კლეოპატრას გოგონა. ოლიმპიასმა ბრძანა, რომ ბავშვი დედის კალთაში დაეკლათ. შემდეგ მან აიძულა ფილიპეს ახალგაზრდა ცოლი თავად მოესწრაფა სიცოცხლე. უნდა ითქვას, რომ ამ საზარელმა მკვლელობებმა ალექსანდრე აღაშფოთა და ლაშქრობიდან მონერილ ნერილში დედას თავისი უკმაყოფილება გამოუთქვა.



ჩვენ უკვე ვახსენეთ, რომ ალექსანდრემ ლაშქრობაში წასვლის წინ, მაკედონიის განმგებლად ანტიპატროსი დატოვა, ალენიშნეთ ისიც, თუ როგორი დაძაბული იყო ურთიერთობა ანტიპატროსსა და ოლიმპიასს შორის. ხელისუფლების გარეშე დარჩენილმა ოლიმპიასმა თავისი წრე შემოიკრიბა გარშემო, საკუთარი სამეფო კარი მოიწყო, მეტიც, დედოფალი ცდილობდა, სახელმწიფოში სახელმწიფო შეექმნა. ამასთან ქვეყნის მართვაში განუწყვეტლივ ერეოდა. ეს გრძელდებოდა მანამ, სანამ ალექსანდრემ გადაწყვეტი სიტყვა არ თქვა და ერთხელ და სამუდამოდ არ აუკრძალა დედას ანტიპატროსის საქმეებში ჩარევა. მაშინ ძვ.წ. 331 წელს ოლიმპიასმა მაკედონია დატოვა.

სწორედ ამ დროს მოვლენები დრამატულად განვითარდა მის მშობლიურ ეპიროსში. გარდაიცვალა ეპიროსის მეფე და ოლიმპიასის ძმა — არიშბასი. მმართველობის ხელში ჩაგდება მის ცოლს და ოლიმპიასის ქალიშვილს — კლეოპატრას სურდა, მაგრამ ეპიროსის პოლიტიკურ სარბიელზე მოულოდნელად ოლიმპიასი გამოჩნდა და მართვის სადავეები მალევე ჩამოართვა კლეოპატრას. ყოფილი დედოფალი იძულებული გახდა მაკედონიაში წასულიყო. იქ მან ანტიპატროსს შესთხოვა მფარველობა. ოლიმპიასი კი ეპიროსში დარჩა და მშობლიური სამეფოს ერთპიროვნული მმართველი შეიქნა, თუმცა ამის შემდეგაც მაკედონია დედოფლის ინტერესთა სფეროში კვლავ შედიოდა და იგი შორიდანაც მშვენიერად ახერხებდა საძულველი ანტიპატროსისთვის ინტრიგების მოწყობას.

დადგა საბედისწერო ძვ.წ. 323 წელი. 33 წლის მსოფლიო მბრძანებელი ბაბილონში გარდაიცვალა. მას ოფიციალური მემკვიდრე არ დაუტოვებია. გენიალური მეფის მიერ შექმნილი ვეებერთელა სახელმწიფო წარმოუდგენელმა არეულობამ მოიცვა. იმპერიის მომავლის ორი ალტერნატივა არსებობდა. ერთი — ალექსანდრეს მემკვიდრისთვის (თუ მემკვიდრეთა ჯგუფისთვის) ცენტრალიზებული ხელისუფლების გადაცემა — ანუ, ფაქტობრივად, მართვის იმპერიული პრინციპების შენარჩუნება იყო. ამ შემთხვევაში არჩეულ პირს ალექსანდრე მაკედონელის როლი უნდა შეეზღუდებინა. მეორე ალტერნატივა კი ის იყო, რომ იმპერია ალექსანდრეს მხედართმთავართათვის — სატრაპებისთვის დაენაწილებინათ და თავისებურ „სატრაპათა ფედერაციად“ ექციათ. ამ შემთხვევაში სამეფო ოჯახი თამაშგარე მდგომარეობაში აღმოჩნდებოდა. ეს წინადადება პირველად ალექსანდრეს ერთ-ერთმა გამოჩენილმა მხედართმთავარმა პტოლემეაიოსმა წამოაყენა. მაგრამ, როგორც ჩანს, ამისთვის სიტუაცია ჯერ არ იყო მომწიფებული. მმართველობის ტრადიციული ფორმების დაშლა არც ისე იოლი გახლდათ — არც დიდგვაროვანთა საბჭომ და არც ჯარმა პტოლემეაიოსის წინადადებას მხარი არ დაუჭირა.



ოლიმპიასი

მმართველობის ის ფორმა, რომელიც ალექსანდრეს გარდაცვალების



შემდგომ შვიქმნა, ფაქტობრივად კომპრომისულ ვარიანტს წარმოადგენდა. სამეფო ოჯახი ინარჩუნებდა მმართველობის სადავეებს — იმპერიის სათავეში მდგომი მეფის როლი გონებასუსტ არიდეოსს უნდა შეესრულებინა. მის თანამმართველად კი გამოაცხადეს ალექსანდრეს და როქსანას⁷ ჩვილი ვაჟიშვილი, რომელსაც შემდგომ, როცა სრულწლოვანი გახდებოდა, ხელისუფლება უნდა გადასცემოდა. მანამდე კი სახელმწიფოს საქმეების წარმართვა სამთავრობო კოლეგიას დააკისრეს. იმპერიის ამგვარმა მოწყობამ არ გაამართლა. და სწორედ იმის გამო, რომ მმართველთა ფუნქციები და მათი კომპეტენცია მკვეთრად გამოიწვეული არ იყო, ბევრი აღმოჩნდა ისეთი, რომელსაც მიღებული არ აკმაყოფილებდა და გაცილებით მეტზე აცხადებდა პრეტენზიას.

რას აკეთებდა ამ დროს ეპიროსში მყოფი ოლიმპიასი? ერთობ საკვირველი იქნებოდა, რომ ძალუფლებისთვის წარმოებულ ამ სასტიკ ბრძოლაში ოლიმპიასი გულხელდაკრეფილი მჯდარიყო. თანაც ჯერ-ჯერობით მას არაფერი შეახვედრეს. განსაკუთრებით კი დედოფალს ის აშფოთებდა, რომ მის დაუძინებელ მტერს — ანტიპატროსს — მაკედონიის ნაცვლის და ელინური კავშირის ავტონომიური სტრატეგოსის თანამდებობა მიანიჭეს.

ამ დროს ალექსანდრეს სარდლებს შორის განსაკუთრებით გამოიკვეთა პერდიკასი⁸ ფიგურა, რომლის ამბიციებიც თანდათანობით იზრდებოდა. ოლიმპიასმა მაშინვე დაადგა მას თვალი, რამეთუ მიაჩნდა, რომ ანტიპატროსთან დასაპირისპირებლად ყველაზე მეტად მას პერდიკასი გამოადგებოდა. ამიტომაც ეპიროსიდან დაუყოვნებლივ დაუკავშირდა პერდიკასს, მოკავშირეობა აღუთქვა და თავისი ქალიშვილის — დაქვრივებული კლეოპატრას ხელიც შესთავაზა. პერდიკასს ახლა აშკარად გაუჩნდა პრეტენზია იმპერიის ერთმმართველი გამხდარიყო. მაგრამ თავად მაკედონიაში ოლიმპიასის რჩეულს მომხრეები არ ჰყავდა. პერდიკასის მისწრაფებასა და ამბიციებს მისით უკმაყოფილო პირებმა იმით უპასუხეს, რომ მის წინააღმდეგ კოალიცია შექმნეს. ამ უკანასკნელს მთავარსარდლის ნიჭი არ აღმოაჩნდა და ძვ.წ. 321 წელს იგი მისივე მხედართმთავრებმა გამოასალმეს სიცოცხლეს. ამჯერად ოლიმპიასი დამარცხდა. ამ დამარცხებას ოლიმპიასისთვის მეტად საეალალო შედეგი მოჰყვა. მისი უპირველესი მტრის — ანტიპატროსის პოზიციები გამყარდა. იმპერიის მმართველობა ანტიპატროსს გადაეცა, რომელიც არიდეოსთან, როქსანასთან და მის ჩვილ ვაჟიშვილთან ერთად დაბრუნდა მაკედონიაში. ევებერთელა იმპერიის მართვა ამიერიდან მაკედონიიდან უნდა განხორციელებულიყო. მაგრამ არც ანტიპატროსის ხელისუფლება აღმოჩნდა დღევგრძელი. იგი საკმაოდ ხანდაზმული იყო და ამ ამბიდან ორი წლის შემდეგ — ძვ.წ. 319 წელს გარდაიცვალა.



ანტიპატროსის მიერ დატოვებულმა ანდერძმა ისედაც დაძაბული სიტუაცია უკიდურესად გაამწვავა. საქმე ის იყო, რომ მან თავის მემკვიდრედ და, შესაბამისად, სახელმწიფოს რეგენტად საკუთარი ვაჟიშვილი — კასანდროსი არ დაასახელა. კასანდროსი⁹ ამან სასტიკად აღაშფოთა. მემკვიდრედ ანტიპატროსმა პოლიპერქონი¹⁰ დანიშნა, კაცი, რომელიც მაკედონელებს არ უყვარდათ. შესაბამისად, მათ უარი განაცხადეს, დამორჩილებოდნენ პოლიპერქონს. პოლიპერქონი არც სხვადასხვა მხარეში გაბნეულმა ალექსანდრეს მთავარსარდლებმა აღიარეს. მაშინ ახლადდანიშნულმა რეგენტმა გადაწყვიტა, მოკავშირე მოენახა. მოკავშირე მას სამეფო ოჯახში უნდა მოეძია, რათა თავისი მდგომარეობა ალექსანდრეს სანათესაოსთან კავშირით როგორმე განემტკიცებინა. და აი, ასპარეზზე კვლავ ოლიმპიასი გამოჩნდა. პოლიპერქონმა იგი თავის თანამმართველად გამოაცხადა. გამარჯვების სასწორი თითქოს ალექსანდრეს დედის მხარეზე გადაიხარა. პირველ დამარცხებას ამჯერად წარმატება მოჰყვა.

მაგრამ ეს მხოლოდ ახალი კრიზისის დასაწყისი გამოდგა, რომელსაც სამეფო ოჯახის დაღუპვა და იმპერიის დაშლა მოჰყვა.

პოლიტიკურ ბრძოლაში ჩვენთვის აქამდე უცნობი ფიგურა ჩაერია. ეს გონებასუსტი არიდეოსის ცოლი — ევრიდიკე იყო. იგი ძლიერი ხასიათის და უზომოდ ენერგიული ქალი გახლდათ. მან მოახერხა თავისი ნებისთვის დაექვემდებარებინა უნებისყოფო არიდეოსი — იმპერიის ნომინალური მმართველი. ეს კი იმას ნიშნავდა, რომ არიდეოსის მართვასთან ერთად ევრიდიკე სახელმწიფოსაც მართავდა. ევრიდიკემ კიდევ ერთი რამ შეძლო — ჯარი მან ანტიპატროსის — ამ ერთ-ერთ ყველაზე გავლენიანი მოღვაწის წინააღმდეგ განაწყო. ხოლო როცა ანტიპატროსის გარდაცვალების შემდეგ აღმოჩნდა, თუ რაოდენ უსამართლოდ მოექცა იგი თავის კანონიერ მემკვიდრეს — კასანდროსს, ევრიდიკეს მშვენიერი საშუალება მიეცა, ყველასთვის კარგად იჩვენებინა, რამხელა ძალაუფლებას ფლობდა. იგი არა მარტო დადგა კასანდროსის მხარეზე, არამედ სხვებთან ერთად მნიშვნელოვანი როლი ითამაშა პოლიპერქონის და ოლიმპიასის წინააღმდეგ ომის გაჩაღებაში. ძალები ასე გადაიწვინილდა — ერთ ნაპირზე აღმოჩნდნენ ალექსანდრეს მთავარსარდლები, კასანდროსი, არიდეოსი და ევრიდიკე, მეორე მხარეს კი — პოლიპერქონი და ოლიმპიასი.

ომი ოლიმპიასამ დაიწყო და თავისი ჯარით მაკედონიას დაესხა თავს. აქ მას წინააღმდეგობა არ შეხვედრია. ოლიმპიასს ხელში ჩაუყვარდნენ არიდეოსი და ევრიდიკე, რომლებიც დედოფალმა სამაგალითო სისასტიკით დასაჯა. ტყვეები დილეგში ჩაყარა და ბრძანება გასცა, რომ ცოცხლად დაემარხათ. შემდეგ გადაწყვეტილება შეცვალა — არიდეოსი მოაკვლევინა; რაც შეეხება ევრიდიკეს, ნამების თავიდან ასაცილებლად, ქალმა თავადვე მოისწრაფა სიცოცხლე.



ოლიმპიასი



ოლიმპიასს ხელ-ფეხი გაეხსნა და „ეპიროსელმა ჯადოქარმა“, როგორც მას უწოდებდნენ, სრულად დაიკმაყოფილა შურისძიების დაუოკებელი ჟინი. პირველ რიგში იგი საქულველი ანტიპატროსის ოჯახს გაუსწორდა, შემდეგ თავისი ქმრის — ფილიპეს მრავალრიცხოვანი ნაბიჭვრები ამოახოცვინა, ბოლოს კი — ყველა იმ მაკედონურ გვარს მიადგა, რომლებიც მთელი სიცოცხლის მანძილზე სძულდა. გადმოგვცემენ, რომ გამხეცვებული ქალი თავისი მტრების ჯერ არშობილ, დედის მუცელში მყოფ ნაშიერთაც კი არ ინდობდა. მაკედონელებისთვის უცხო, ჯერ არ ნახულმა ამ სისასტიკემ, ისინი დედოფლის წინააღმდეგ განაწყობა. ოლიმპიასს ყველა განუდგა. პოლიპერქონმაც საბოლოოდ გაიფუჭა სახელი. და მოხდა, რაც უნდა მომხდარიყო და რასაც ყველა მოელოდა. კასანდროსი მაკედონიაში შევიდა. ქვეყანა მას უბრძოლველად ჩაბარდა. ოლიმპიასი პიდნაში იყო გამაგრებული. პიდნას კასანდროსმა ალყა შემოარტყა და იოლად აიღო. შემდეგ კი ალექსანდრე დიდის დედა ტყვედ აიყვანა. განაჩენი დედოფალს მაკედონიის საშხედრო კრებამ გამოუტანა — მას სიკვდილი მიუსაჯეს. ძვ.წ. 316 წელს განაჩენი სისრულეში იქნა მოყვანილი.

ოლიმპიასის სიკვდილის შემდეგ კი კასანდროსმა დაიწყო ყველას და ყველაფრის განადგურება, რაც კი ოლიმპიასის და ალექსანდრეს სახელთან იყო დაკავშირებული.





შენიშვნები:

- ¹ მოლოსები — იმ ტომების საერთო სახელწოდება, რომლებმაც ეპიროსში ტომობრივი სახელმწიფო შექმნეს. სახელმწიფო ჩრდილოეთ პინდოსში ჩამოყალიბდა და შემდეგ სამხრეთის მიმართულებით განივრცო (ეპიროსი არის ადგილი თესალიის დასავლეთით პინდოსის მთაგრეხილის გადაღმა). ტომთა ჯარის და სამეფო სახლის სათავეში იდგა მეფე. სამეფოს ეაკიდთა სამეფო გვარი მართავდა.
- ² სატიროსი — ძვ.წ. III ს-ის მწერალი, აღწერდა გამოჩენილ ადამიანთა ცხოვრებას. მის კალამს ეკუთვნის როგორც პოლიტიკურ მოღვაწეთა (ა.მ. ფილიპე II მაკედონელის), ისე მწერლების ბიოგრაფიები (სოფოკლე, ევრიპიდე და ა.შ.). სატიროსის თხზულებათა ფრაგმენტები დაცულია დიოგენე ლაერტიოსთან და ათენაიოსთან. სატიროსი თავის ბიოგრაფიებს ხშირად ურთავდა ჭორებსა და ანეკდოტებს. შახერმაირი მას ანტიკურობის ლეპორელოს უწოდებს.
- ³ Ф. Шахермайр, Александр Македонский, Феникс, Ростов-на-Дону, 1997, 70.
- ⁴ ანტიპატროსი — მაკედონელი ნარჩინებული, ფილიპე II ერთგული თანამზრახველი. ფილიპეს მკვლელობის შემდეგ მან დიდი როლი ითამაშა ალექსანდრე მაკედონელის გამეფებაში. ძვ.წ. 334-323 წწ-ში, როდესაც ალექსანდრე მაკედონელი აზიაში ლაშქრობდა, ანტიპატროსი მაკედონიის მმართველი იყო. პერდიკასის მკვლელობის შემდეგ სირიაში მთავარსარდლების კრებამ ანტიპატროსი იმპერიის მმართველად, „რეგენტად“ დანიშნა. ანტიპატროსი სიკვდილამდე (ძვ.წ. 319 წ.) ერთგულად ემსახურებოდა მაკედონურ დინასტიას. მისი სიკვდილის შემდეგ ალექსანდრე მაკედონელის შექმნილი იმპერია საბოლოოდ დაიშალა — იმპერიის ერთიანი მმართველობა უკვე ფორმალურადაც აღარ არსებობდა.



⁵ შახერმაირი, დასახ. ნაშრომი, 94.

⁶ ლინკესტიდები — მაკედონიის ერთ-ერთი წარჩინებული გვარი. ფილიპეს მკვლელობის შემდეგ ისინი მის პოლიტიკურ მონინაალმდეგებად იყვნენ დასახელებულნი. ცოცხალი ერთი ლინკესტიდი გადარჩა — ალექსანდრე — ანტიპატროსის სიძე.

ამინტას III — პერდიკას III ვაჟი. მაკედონიის მეფე პერდიკას III ძვ.წ. 359 წელს დაიღუპა. მისი სიკედილის შემდეგ მაკედონიის მეფედ გამოაცხადეს მისი ვაჟი — ექვსი წლის ამინტასი, რომლის მეურვედაც დანიშნული იქნა მისი ბიძა, ახალგაზრდა, 23 წლის ფილიპე, როგორც არგეადთა გვარის ერთადერთი ცოცხლად დარჩენილი წარმომადგენელი. ფილიპემ ჩაიბარა განადგურების პირას მდგარი ქვეყანა და ბალკანეთის უდიდეს იმპერიად აქცია. ამ უზარმაზარი დამსახურებისთვის მაკედონიის ჯარების კრებამ მცირეწლოვან ამინტასს ტახტი ჩამოართვა და სამეფო ხელისუფლება ფილიპეს გადასცა. ეს ძვ.წ. 357 წელს უნდა მომხდარიყო.

⁷ როქსანა — ბაქტრიის (სპარსეთის ერთ-ერთი სატრაპიის) პრინცესა. როქსანა ძვ.წ. 327 წელს ალექსანდრე მაკედონელის ცოლი გახდა. იგი ულამაზესი ქალი ყოფილა და როგორც გადმოგვცემენ, ალექსანდრეს იგი პირველი ნახვისთანავე ძლიერ მოსწონებია. ქორწილი მაშინვე, დიდი ზარ-ზეიმით გადაიხადეს. ალექსანდრეს და როქსანას ქორწინებას პოლიტიკური დატვირთვაც ჰქონდა — ის მაკედონელების და აზიელების მომავალი ერთობის სიმბოლოს წარმოადგენდა.



- 8 პერდიკასი — აზიის ქილიარქოსი (ქილიარქოსი — ალექსანდრეს მეფობის ბოლო წლებში მეფის უახლოესი თანამემხნე, მისი თანამდებობა აღმოსავლეთის პროვინციების ვეზირის თანამდებობას შეესატყვისებოდა). ალექსანდრეს სიკვდილის შემდეგ პერდიკასი მთავარსარდლის ფუნქციებსაც ასრულებდა, რამეთუ მთავარსარდლად დანიშნული კრატერი ამ დროს ბაბილონში არ იმყოფებოდა. პერდიკასი გასცემდა ბრძანებებს ახლადდანიშნულ სატრაპებს და ცალკეულ შემთხვევებში თავადაც კი ნიშნავდა მათ. ფაქტობრივად მან ალექსანდრეს როლის შესრულება დაიწყო.
- 9 კასანდროსი — ანტიპატროსის ვაჟიშვილი, ძვ.წ. 358-297 წწ. მამამ იგი ძვ.წ. 324 წელს ალექსანდრესთან წარგზავნა, რათა კასანდროსს მისიადმი მეფის გულისწყრომა შეერბილებინა. კასანდროსმა არა მარტო ვერ გაართვა თავი დატალღებს, არამედ ალექსანდრესთან ფრიად დაძაბული ურთიერთობა ჩამოუყალიბდა. მამის სიკვდილის შემდეგ კასანდროსმა რეგენტად დანიშნული პოლიპერქონის წინააღმდეგ დაიწყო ბრძოლა და იგი მაკედონიის და საბერძნეთის ტერიტორიათა უმეტესი ნაწილიდან განდევნა კიდევ (ძვ.წ. 319-316 წწ.).
- 10 პოლიპერქონი — წარჩინებული მაკედონელი, ალექსანდრე მაკედონელის ერთ-ერთი მხედართმთავარი. პოლიპერქონი პატიოსანი ადამიანი გახლდათ, მაგრამ როგორც მთავარსარდალი, ერთობ საშუალო მონაცემებისა იყო. მაკედონიიდან გაძევების შემდეგ პოლიპერქონი საბერძნეთში დაქირავებული ჯარების მთავარსარდლად გვევლინება. მისი გარდაცვალების თარიღი და ადგილი ცნობილი არ არის.





ბერენიკე

ძველი მსოფლიო ბერენიკეს სახელით ოთხ ისტორიულ პიროვნებას იცნობს. თანამედროვე მკითხველისთვის კი ბერენიკე, უპირველეს ყოვლისა, სახელგანთქმული ბერძენი პოეტის — კალიმაქოსის ლექსის „ბერენიკეს ნანნავის“ პერსონაჟია, ქალი, რომელიც ამ ლექსის წყალობით ქმრის უსაზღვროდ მოყვარული ცოლის სიმბოლოდ დამკვიდრდა ადამიანთა ცნობიერებაში. ამავე დროს ლექსის მხატვრული პერსონაჟი, როგორც აღვნიშნეთ, რეალურად არსებული ისტორიული პირი იყო. თავად ამ ლექსის სახელწოდება „ბერენიკეს ნანნავი“ კი, ფაქტობრივად არსებული ასტრონომიული ცნებაა — „ბერენიკეს ნანნავი“ იმ სუსტ ვარსკვლავთა ჯგუფს ეწოდება, რომელიც ლომის, ქალწულის, დიდი დათვის თანავარსკვლავედსა და ხარის თანავარსკვლავედს შორის არის განლაგებული.

და მაინც, ვინ იყო ბერენიკე? რატომ ეწოდა თანავარსკვლავედს მისი ნანნავის სახელი?

ბერენიკე კირენაიკის მეფის — მაგასის და აპამას¹ ქალიშვილი იყო. იგი დაახლოებით ძვ.წ. 273 წლისთვის უნდა დაბადებულიყო.

კირენაიკა, კირენეს სამეფო, ელინისტური სამყაროს ერთ-ერთი მნიშვნელოვანი სამეფო იყო. აფრიკის კონტინენტზე იგი ბერძნული კულტურის ძირითადი ფორპოსტი გახლდათ და სამივე მთავარი ელინისტური მონარქიის — სელევკიდების სირიის, პტოლემეაიოსების ეგვიპტის და ანტიგონიდთა მაკედონიის ინტერესთა სფეროში შედიოდა. ამ სახელმწიფოებთაგან თითოეულს კირენაიკის სამეფოში მომხრეთა თავისი დაჯგუფება ჰყავდა, რო-



მელთა ამოცანაც ის იყო, რომ კირენაიკის პოლიტიკური კურსი თავიანთი ქვეყნის ინტერესების შესაბამისად წარემართათ. თითოეული მათგანი, ბუნებრივია, თავის მთავარ დასაყრდენს კირენეს მმართველში ეძებდა.

თუმცა ბერენიკეს მამა — კირენეს მეფე მაგასი ეგვიპტის მეფის, პტოლემეოსის II ნახევარძმა იყო, იგი მთელი ცხოვრება ცდილობდა, რომ როგორმე თავისი ქვეყანა პტოლემეოსისა და მეურვეობისაგან გაეთავისუფლებინა. სწორედ ამ მიზნით დაუკავშირდა იგი სელევკიდებს და ცოლად მათი მეფის — ანტიოქოს II ქალიშვილი — აპამაც მოიყვანა. ამის შემდეგ მაგასმა კირენელთა და სელევკიდთა ძალები გააერთიანა და პტოლემეოსების ეგვიპტის წინააღმდეგ სალაშქროდ გაემართა, მაგრამ ამ დროს მის სამეფოში შინაურმა განხეთქილებამ იფეთქა და იგი იძულებული გახდა, უკან დაბრუნებულიყო. შინ მას ისეთი ვითარება დახვდა, რომ მაგასს სხვა არაფერი დარჩენოდა გარდა იმისა, რომ ეგვიპტის დალაშქვრაზე საბოლოოდ განეცხადებინა უარი. და მართლაც, მაგასის მეფობის დროს კირენესა და ეგვიპტეს შორის სამხედრო დაპირისპირება აღარ ყოფილა, მაგრამ მეფე მაინც უოტუად იკავებდა თავს, პტოლემეოსს მეორესთან მოლაპარაკება დაეწყო. მათ შორის დაძაბულობა კარგა ხანს, დაახლოებით 20 წელი გაგრძელდა, თუმცა საბოლოოდ კირენეს მეფე მაინც გახდა იძულებული ეგვიპტის მმართველისთვის დაეთმო. სიცოცხლის მიმწუხრს, დაახლოებით ძვ.წ. 250 წლისთვის, მაგასი პტოლემეოსს II დასთანხმდა მისი ვაჟიშვილისთვის — ეგვიპტის ტახტის მემკვიდრის პტოლემეოსს მესამისთვის თავისი ულამაზესი ასული ბერენიკე გაეყოლებინა. ამის შემდეგ მალე მაგასი გარდაიცვალა.

კირენეს სამეფოში კი მოვლენები სხვაგვარად განვითარდა. კირენეს დედოფალი აპამა აქტიური და ენერგიული ქალი გახლდათ. სელევკიდების შთამომავალს, მისი სამშობლოს — სირიის უმთავრესი პოლიტიკური მონიწილმდეგეები — ეგვიპტელები განსაკუთრებით სძულდა. ქვრივმა აპამამ დრო იხელთა და მაკედონელებს დაუკავშირდა, რომელთა ინტერესებშიც ასევე შედიოდა კირენეს სამეფო. ბუნებრივია, მაკედონელები კირენესთან შესაძლო კავშირის პერსპექტივამ ძალიან მოხიბლა. მაკედონის მეფე — ანტიგონოს გონატასი დაუყოვნებლივ გამოეხმაურა კირენეს დედოფალს — აპამამ მას დახმარება სთხოვა, რათა სასახლის კარზე პტოლემეოსისა დაჯგუფება გაენადგურებინა. ანტიგონოს გონატასმა კირენეში თავისი ძმა დემეტრიოსი, ზედწოდებით „კალოს“ — ლამაზი გამოავ-



ზანა. დემეტრიოსს მან არა მარტო მათი პოლიტიკური მონინალმდების დამარცხება დააეალა. დემეტრიოს „ლამაზის“ ფუნქციაში შედიოდა ისიც, რომ მას აპამას ქალიშვილი — ბერენიკე უნდა ეთხოვა ცოლად. მაგრამ აპამასა და გონათასის ჩანაფიქრს განხორციელება არ ენერა. სასახლის კარზე საზარელი მკვლელობა მოხდა.

წყაროები იმდენად არეულად და ფრაგმენტულად გადმოგვცემენ ამ ამბავს, რომ შეუძლებელია მოვლენათა განვითარების მწყობრი სურათი აღვადგინოთ. ჩვენ ვიცით მხოლოდ ის, რომ საპატარძლო ბერენიკე სათავეში ჩაუდგა კირენელთა აჯანყებას და მაკედონელი სასიძო თავისი დედის — აპამას საძინებელში მოაკვლევინა.

იყო კი დემეტრიოსი მართლაც აპამას საყვარელი?

და თუ იყო კიდეც, ნუთუ მათმა კავშირმა მართლა ისე განარისხა ხალხი, რომ აღშფოთებულებმა აჯანყება მოაწყვეს?

ეს კითხვები უპასუხოდ რჩება.

სასიძოს მკვლელობის შემდეგ, ბერენიკეს ბრძანებით, თითქოს აპამაც გამოასალმეს სიცოცხლეს.

ამ კითხვების და ვარაუდების მიღმა ერთი რამ არის უეჭველი. მოვლენებს, როგორც ყოველთვის, პოლიტიკური ძალები წარმართავდნენ. ამ შემთხვევაში, კირენეს კარზე მაკედონური პარტიის მომხრეებს პტოლემაიოსთა დაჯგუფებამ სძლია.

და ბერენიკეც, მამამისის მიერ მიცემული პირობის თანახმად, პტოლემაიოს III დაქორწინდა. ეს ძვ.წ. 247 თუ 246 წელს მოხდა.

ამ ამბიდან ტრადიციას კარგად დაამახსოვრდა ის, რომ აჯანყებას ქალი — ბერენიკე მეთაურობდა. ამიტომაც უნოდებს მას კატულუსი სულით ძლიერ პიროვნებას, მან ხომ იმგვარი გმირობა ჩაიდინა, რომელიც ვაჟკაცებსაც კი შეაშფოთებდა. თუმცა ამ გმირობის საფასურად ბერენიკემ ქმარიც მოიპოვა და სამეფო გვირგვინიც. თავისი ბედი მან თავადვე დაიმსახურა.

ახლადდაქორწინებულებს ერთმანეთი ძალიან უყვარდათ. მაგრამ მათ ბედნიერ ცხოვრებას მალე საფრთხე დაემუქრა. ახლადგამეფებული პტოლემაიოს III სირიაში საომრად უნდა წასულიყო.² მაშინ ბერენიკემ თავისი უმშვენიერესი ნაწნავი მოიჭრა და აფროდიტე ზეფიროსელს³ ქმრის შინ მშვიდობით დაბრუნების ვედრებით შესწირა. შემდეგ კი მეტად უცნაური რამ მოხდა. მეორე დღეს უეცრად აღმოაჩინეს, რომ ნაწნავი ტაძრიდან



ბერენიკე



გაუჩინარებულიყო. მეფე საშინლად განრისხდა, რადგან თვლიდა, — ნან-
ნავი ტაძრიდან ჩემმა მტრებმა გაიტაცესო, — ახლა ხომ მათ შეეძლოთ
მაგია მოეშველებინათ და ბნელი ძალების იარაღად ქვეული ნანნავი მისი
და ბერენიკეს დასალუპად გამოეყენებინათ. პტოლემეოს III მკაცრად
ბრძანა, დაეძნათ ქურდები. სასახლის კარზე მდგომარეობა უკიდურე-
სად დაიძაბა. საბედნიეროდ, სამეფო კარზე ამ დროს ცნობილი ასტრონო-
მი — არქიმედესის მეგობარი კონონი იმყოფებოდა. ტაძრიდან ნანნავის
გაუჩინარებას მან თავისი ახსნა დაუძებნა. ასტრონომის განცხადებით,
ბერენიკეს ნანნავი ღმერთებმა ცაში აღაღვლინეს და თანავარსკვლავედად
აქციეს. ამასთან კონონმა საზოგადოებას შეახსენა, რომ სწორედ ასეთი
ხვედრი არგუნა განგებამ არიადნეს გვირგვინსაც, რომელიც ზეციური თა-
ნავარსკვლავედი გახდა. ასტრონომმა სასახლის კარი თავის მოსაზრების
სისწორეში დაარწმუნა და დაძაბულობაც განმუხტა. ამ დროს ეგვიპტის
მეორე ძალზე ცნობილი ადამიანი, პოეტი კალიმაქოსი სტუმრობდა. ნან-
ნავის გაქრობის ამბავი, როგორც ვთქვით, სწორედ მან აქცია ლეგენდად
და თავისი ცნობილი ლექსი „ბერენიკეს ნანნავი“ უძღვნა. მომხდარს ან
უკვე ცად აღვლენილი ვარსკვლავი — ყოფილი ნანნავი მოგვითხრობდა,
რომელიც თავის მოსაუბრეს, თავის უმშვენიერეს ქალბატონს — ბერენი-
კეს დამნუხრებული მიმართავდა.

სამწუხაროდ, კალიმაქოსის ლექსი მთლიანად არ შემოგვრჩა, პაპირუ-
სებმა მისი მხოლოდ ფრაგმენტები შემოგვინახა (21 სტრ.). მაგრამ, საბედ-
ნიეროდ, სრულად მოაღწია ჩვენამდე ამ ლექსის ბრწყინვალე მხატვრულ-
მა თარგმანმა შესრულებულმა ცნობილი რომაელი პოეტის, კატულუსის
მიერ. ლექსში ბერენიკეს ნანნავი თავისი ქალბატონის შესახებ გვიყვება
და ჩვენ ვიგებთ, რომ დედოფალს უსაზღვროდ უყვარს ქმარი. ეს აფიქრე-
ბინა ნანნავს დედოფლის განცდებმა, მისმა მოთქმამ და შფოთმა ქმრის
საომრად ნასვლამ რომ გამოიწვია:

„ამაში დედოფლის მოთქმა-გოდებამ დამარწმუნა,
თვალნაცემს დამაგვანა ახალშერთული მეუღლის ომში ნასვლამ.
კენტად დარჩენილი შენს ეულ სარეცელს კი არა,
ალბათ საყვარელთან მწარე განშორებას სტიროდი.
ასე ღრმად როგორ დაგეუფლა მწუხარება,



ასე როგორ შეგძრა სულით ხორცამდე,
რომ ყოველი გრძნობა და ცნობა მიგხადა! მე შენ ყოველთვის,
შენი ყმანვილქალობიდანვე სულით ძლიერი მახსოვდი”.

კატულუსი, „ბერენიკეს ნაწნავი“, 19-26
თარგმანი მანანა ლარიბაშვილისა

ოღონდ კი ქმარი დაბრუნებულიყო ლაშქრობიდან — მხოლოდ ამას ნატ-
რობდა ბერენიკე და ამისი მუდარით სწირავდა თავის ნაწნავს ღმერთებს.
ბერენიკეს მუდარა აღსრულდა. მოკეცილი ნაწნავი კი ღმერთებმა ზეცა-
ში აღავლინეს. და მიუხედავად იმისა, რომ დიდი პატივია ვარსკვლავი იყო,
ნაწნავი მაინც მწარედ მისტირის თავის ქალბატონთან განშორებას და ოც-
ნებობს პატრონთან დაბრუნდეს:

„რატომ მაკავენებენ ვარსკვლავები, რატომ ისევ არ ვიქცევი დედოფლის ზილფად,
დაე, ორიონმა (ჩემს გვერდით კი არა) შერწყულის გვერდით იბრწყინოს!“

კატულუსი, „ბერენიკეს ნაწნავი“, 92-94
თარგმანი მანანა ლარიბაშვილისა

შემდგომ ხანებში თანავარსკვლავედის ეს ძველი სახელწოდება „ბერე-
ნიკეს ნაწნავი“ მიივიწყეს და ვარსკვლავი კარგა ხნის მანძილზე უსახე-
ლოდ ითვლებოდა. მხოლოდ XVIII ს-ში გამოჩნდა „ბერენიკეს ნაწნავი“
კვლავ ასტრონომიულ ლიტერატურაში.

ელინისტური სამყაროსთვის დამახასიათებელი ტრადიციის შესაბამი-
სად, ბერენიკესა და პტოლემეოს III უკვე ცხოვრებაშივე სცემდნენ თაყ-
ვანს, ვითარცა ღმერთებს. მათთვის საგანგებო კულტმსახურება იყო და-
წნებულები. ბერენიკეს და პტოლემეოს III კულტი „მეის ზნეყუადი“-ის სახე-
ლითაა ცნობილი. შემდგომ ამ კულტმა საბერძნეთსა და იტალიაშიც ვადა-
ინაცვლა, მაგრამ მან აქ უკვე ბერძნული ფორმა მიიღო. ბერენიკე აფრო-
დიტეს და ისიდას გაუთანაბრეს.

ბერენიკესა და პტოლემეოს III ოთხი შვილი ჰყავდათ: პტოლემეოს IV,
არსინოე III, მაგასი და ბერენიკე. ნაბოლარა ქალიშვილი მშობლების
სიცოცხლეშივე გარდაიცვალა და გაღმერთებულ იქნა. რაც შეეხება არ-
სინოეს, იგი ცოლად გაჰყვა თავის უფროს ძმას — პტოლემეოს მეოთხეს.



ბერენიკეა



ძვ.წ. 222 წელს პტოლემეაიოს III გარდაიცვალა და ბერენიკეს ბედნიერი ცხოვრებაც დასრულდა. ეგვიპტის მმართველად ბერენიკე და მისი უფროსი ვაჟიშვილი — პტოლემეაიოს IV იქნენ გამოცხადებულნი. მაგრამ დედოფალს სურდა, რომ ტახტზე საყვარელი ვაჟიშვილი მაგასი აეყვანა და ამისთვის ჯარის მხარდაჭერის მოპოვებას ცდილობდა. დედას პტოლემეაიოს მეოთხემ დაასწრო და მაგასი მოაკვლევინა. მალე სასახლეში მეორე უბედურება დატრიალდა, მაგასს ბერენიკეც მიაყოლეს, რადგან ახალ ხელისუფალს — პტოლემეაიოს IV დედის ძალაუფლების და გავლენის ძლიერ ეშინოდა. შემდეგ კი ერთპიროვნულმა მონარქმა, პტოლემეაიოს IV, დედის პატივისაცემად მისი კულტის მსახურად ქურუმი ქალის სპეციალური თანამდებობა დააწესა. ნითელი ზღვის სანაპიროზე სამი ქალაქი ატარებს ბერენიკეს სახელს (სტრაბონი, 16, 771), თუმცა რომელ მათგანს ეწოდა იგი ჩვენი ბერენიკეს პატივსაცემად, არავინ იცის.






შენიშვნები:

¹ აპამა — ანტიოქოს II ქალიშვილი.
ანტიოქოსი — სირიის მეფეების
სახელია სელევკიდთა დინასტიიდან.
სელევკიდთა სამეფო ალექსანდრე
მაკედონელის იმპერიის
ნანგრევებზე დაარსა მისმა
მხედართმთავარმა სელევკოს
პირველმა. სელევკიდთა სირია
ელინისტური სამყაროს
უმნიშვნელოვანესი სახელმწიფო
იყო.

² პტოლემეაოს III გაემართა სირიაში
სელევკოს აზიელის წინააღმდეგ
საბრძოლველად. ამ ომს
ისტორიაში III სირიული, იგივე
ლაოდიკური ომი ეწოდება
(ძვ.წ. 246-241 წწ.).

³ აფროდიტე ზეფიროსელი — ამ
სახელით იყო გაღმერთებული
არსინოე — ბერენიკესა და
პტოლემეაოს III მამიდა.





სოფონისბა

სოფონისბა კართაგენელთა ცნობილი მხედართმთავრის და წინამძღოლის პასდრუბალის ქალიშვილი იყო.¹ იმ დროს, როცა სოფონისბას მოუწია ცხოვრება, მისი სამშობლო კართაგენი ერთობ მიძიმე მდგომარეობაში იყო. ე.წ. II პუნიური ომი² დასასრულს უახლოვდებოდა. ეს ის პუნიური ომები იყო, რომლებიც რომსა და კართაგენს შორის წარმოებდა და რომელსაც ხმელთაშუა ზღვის ჰეგემონის ბედი უნდა გადაეწყვიტა. განგების ნებით, სოფონისბას წილად ხვდა მნიშვნელოვანი როლი ეთამაშა თავისი დროის პოლიტიკურ პერიპეტეტიკში.

სოფონისბა ლამაზი და საოცრად მომხიბლავი ქალი იყო. სწორედ მისი წყალობით შეიძინა მისმა ქვეყანამ გადამწყვეტ დროს ძალზე მნიშვნელოვანი მოკავშირე, შემდეგ კი სოფონისბამ შეძლო, რომ თავისი ქმარი თითქმის დასალუპად განწირულ კართაგენს ისევ გვერდზე დასდგომოდა. სოფონისბას ხიბლი იმდენად დიდი გახლდათ, რომ მაშინაც კი, როცა მისი სამშობლო სასტიკად დამარცხდა, განადგურებულმა დედოფალმა მოახერხა თავისი ნებისთვის დაექვემდებარებინა კართაგენელთა მტერი მასინისა — იმ დროის ფრიად გავლენიანი პოლიტიკური ფიგურა. როგორც ჩანს, ეს უღამაზესი ქალი დაჯილდოებული იყო უნარით მამაკაცები ჯერ მოეჯადოებინა, შემდეგ კი თავისი სურვილისამებრ ემართა. მაგრამ ამ ქალის ბედი მთლიანად იყო გადაჯაჭვული მისი ქვეყნის — კართაგენის ბედთან. განგებამ ორივეს — კართაგენსაც და სოფონისბასაც ერთნაირი — ტრაგიკული ალსასრული არგუნა.

თავის „ისტორიაში“ ლივიუსი სოფონისბას შესახებ უმშენიერეს ნოველას მოგვითხრობს. ჩვენც, შეძლებისდაგვარად ვეცდებით ამ ქალის ეს ლამაზი და ტრაგიკული ისტორია გადმოვცეთ, მაგრამ რადგან ამბავი ნანარმოების სხვადასხვა თავშია გაბნეული, იძულებულიები ვართ, იგი კონტექსტიდან ამოვიღოთ. ამონარიდებს კი დავურთოთ ინფორმაცია, თუ



რა ხდებოდა კართაგენში იმ უძველეს ხანად, რათა მკითხველისთვის მოვლენათა მსვლელობა გასაგები გახდეს. ამასთან, რამდენადაც შესაძლებელია, დიდი ისტორიკოსის მონათხრობს სოფონისბას შესახებ უცვლელად დავტოვებთ.

ჩვენთვის არაა ცნობილი, თუ როდის დაიბადა სოფონისბა. ვიცით მხოლოდ ის, რომ იგი ძვ.წ. 206 წელს გაათხოვეს. სწორედ ამ დროს გამხდარა იგი იმ ასაკისა, როდესაც ქალის გათხოვება უკვე დასაშვები იყო. ამ ამბავზე ერთი წლით ადრე კი დაიწყო კართაგენსა და რომს შორის დაპირისპირების ახალი ეტაპი, რომელიც კართაგენისთვის ძალზე კრიტიკული გამოდგა. ძვ.წ. 207 წელს პოლიტიკურ ასპარეზზე სრულიად ახალგაზრდა მხედარმთავარი სციპიონი გამოჩნდა. იგი გამორჩეულად ნიჭიერი იყო სამხედრო საქმეშიც და დიპლომატიამშიც. თავისი პირველი სიტყვა მან ესპანეთში — ბეკულესთან თქვა, როდესაც კართაგენელთა არმია დაამარცხა. მაშინ კართაგენელებს პასდრუბალი და მაგონი მეთაურობდნენ. ამ გამარჯვებით მან ესპანეთი, რომელიც ამ ომში ერთ-ერთი უმნიშვნელოვანეს როლს თამაშობდა, რომს დაუბრუნა.

ყველაფერთან ერთად სციპიონი მეტად ამბიციური პიროვნება იყო. ესპანეთში მოპოვებული გამარჯვება, მას, თქმა არ უნდა, არ დააკმაყოფილებდა. კართაგენი საბოლოოდ რომ დაემარცხებინა, რომს ომი აუცილებლად აფრიკაში უნდა ეწარმოებინა. ასე სწამდა სციპიონს და როგორც ჩანს, ამაში არც ცდებოდა. აფრიკაში რომაელთა გამარჯვება კართაგენის საბოლოო დამარცხების ტოლფასი იქნებოდა. მაგრამ რომი მარტო ამას ვერ შეძლებდა. ახალგაზრდა რომაელს მოკავშირეები სჭირდებოდა, მოკავშირეები კი ნუმიდიის მეფეებში უნდა ეძებნა.

იმ ხანად ნუმიდიის სამეფო ორად იყო გაყოფილი. აღმოსავლეთ ნუმიდიელებზე მასინისა მეფობდა, დასავლეთ ნუმიდიის მეფე კი სიფაქსი იყო. როგორც რომისთვის, ისე კართაგენისთვის ნუმიდიელების მხარდაჭერა ფრიად საშური გახლდათ. ორივე მათგანი ცდილობდა ისინი თავიანთ მხარეზე გადმოებრებინათ. მონინალმდეგენი ამას მონაცვლეობით ახერხებდნენ კიდევც, რასაც, უპირველეს ყოვლისა, ნუმიდიაში შექმნილი მდგომარეობა განაპირობებდა. ნუმიდიის მეფეები — მასინისა და სიფაქსი — ერთმანეთს მეტოქეობდნენ და ტერიტორიების გამო მუდმივად შუღლი უკონდათ.

როგორც ზოგიერთი წყარო გადმოგვცემს, მასინისა კართაგენში გაიზარდა და თავდაპირველად კართაგენის მოკავშირე იყო. არსებობს ცნობაც, რომ პასდრუბალმა — სოფონისბას მამამ, სოფონისბა და მასინისა ადრეულ ასაკში ერთმანეთზე დანინდა. მასინისა განათლებული ადამიანი და ნიჭიერი მხედარმთავარი იყო. იგი ესპანეთში ძვ.წ. 212 თუ 211 წელს პასდრუბალის წინამძღოლობით იბრძოდა. მაგრამ შემდეგ ვითარება შეიცვალა. მოხდა ისე, რომ სციპიონს ტყვედ მასინისას ძმისშვილი ჩაუვარდა. რომელი მას დიდსულოვნად მოექცა და ტყვეს თავისუფლება უბოძა. როგორც ჩანს, ამ კეთილშობილურმა საქციელმა მოხიბლა მასინისა. სცი-



პიონის პოლიტიკურად სწორად გათვლილმა ნაბიჯმა კი საფუძველი ჩაუყარა მასინისას და სციპიონის მომავალ დაახლოებას. ამასთან ერთად მასინისა იმასაც ხედავდა, რომ თუკი რომაელები დაამარცხებდნენ კართაგენს, ის განუწყვეტელი ომი, რომელიც აფრიკაში მიმდინარეობდა, ერთხელ და სამუდამოდ დამთავრდებოდა და მისი სამშობლო — ნუმიდიაც მშვიდობით ამოისუნთქავდა.

ასე რომ მასინისამ ყველაფერი კარგად ანონ-დანონა და სციპიონს მოლაპარაკებაზე დაეთანხმა. სციპიონმა ფაქტობრივად მასინისა თავის მხარეზე გადმოიბირა. ახლა ჯერი ნუმიდიის მეორე მეფის — სიფაქსის დაყოლიებაზე მიდგა. მის დასათანხმებლად რომაელს ყველაფერი უნდა ელონა. ამიტომ მან უყოყმანოდ მიიღო სიფაქსის პირობა, რომელმაც შეუთვალა სციპიონს, მოსათათბირებლად მასთან — აფრიკაში ჩამოსულიყო. ბედის ირონიით, სწორედ ამ ხანად სიფაქსის საბრძანებელში აღმოჩნდა ესპანეთიდან გამოქცეული პასდრუბალიც. და იმ საღამოს, როდესაც მოსალაპარაკებლად სიფაქსს სციპიონი ეახლა, სიფაქსმა სტუმრად პასდრუბალიც მოიპატიჟა. ვახშამზე სციპიონმა ნუმიდიის მეორე მეფის მოხიბლავც მოახერხა. სიფაქსმა გადაწყვიტა, რომაელებთან კავშირი დაელო. იქვე მყოფმა პასდრუბალმა ეს კარგად გაიგო და დანახა. იმასაც მშვენივრად მიხვდა, თუ რა ელოდა კართაგენს, თუკი ნუმიდიის ორივე მეფე რომაელთა მოკავშირე შეიქნებოდა. მას რამე უნდა ელონა და თანაც სასწრაფოდ. გამოსავალი ერთი იყო — სიფაქსი მის უღამაზეს ასულს — სოფონისბას ჰყვარობდა. ამიტომ, რათა სიფაქსი კართაგენელთა მოკავშირე გაეხადა, მას ნუმიდიის მეფისთვის სოფონისბა უნდა მიეთხოვებინა. და მართლაც პასდრუბალმა აღარ დააყოვნა, ქალიშვილი კართაგენიდან გამოიხსმო, ქორნილი გადაიხადა და სიფაქსთან ხელშეკრულება დადო.

როგორც უკვე ვთქვით, არსებობდა მეორე ვერსიაც, რომლის მიხედვითაც სოფონისბა და მასინისა დანინდული იყვნენ. ამ ვერსიის თანახმად, არც მამამ — პასდრუბალმა და არც სოფონისბას საქმრომ — მასინისამ არაფერი იცოდნენ, როდესაც „ვილაც კართაგენელებმა“ სოფონისბა მასზე შეყვარებულ სიფაქსზე გაათხოვეს. ეს საქორნიო კავშირი კართაგენს ძალიან ესაჭიროებოდა, ამიტომაც ამ პირებმა ქალის მეურვეების არყოფნით ისარგებლესო (აპიანოსი, „ლიბიური ომები“, 10, 37; 27, 110).

და მაინც პასდრუბალს სიძის — სიფაქსისა დიდად არ სჯეროდა. ბარბაროსები ხომ ცნობილი იყვნენ იმით, რომ ახლობლის გაყიდვაც და მოტყუებაც მშვენივრად შეეძლოთ. ყოველ შემთხვევაში პასდრუბალის განწყობას ლივიუსი ასე ხსნის. მამა-შვილმა ერთობლივი მოქმედება გადაწყვიტა. სიფაქსს, რომელსაც „სიყვარულის ალი კიდევ სწავება“, სოფონისბა ემუდარებოდა, რომ სციპიონთან ელჩები გაეგზავნა. სიძისაგან ამასვე მოითხოვდა პასდრუბალიც. ელჩებს რომაელი მხედართმთავრისთვის შემდეგი უნდა განეცხადებინათ: „დაე, სციპიონს ნულავე ექნება სიფაქსის მიერ მიცემული პირობის იმედი და სალაშქროდ აფრიკაში ნუ წამოვა“ (ლივიუსი, XXIX, 23, 7-10). ელჩობის მიზანი იყო, სციპიონი გაეფრთხილე-



სოფონისბა



ბინათ. რომაელს ხომ გარკვევით ეუბნებოდნენ, რომ თუ ის მაინც მიადგებოდა კართაგენს, სიფაქსი იბრძოლებდა აფრიკისთვის, იმ მინისთვის, სადაც ის დაიბადა და სადაც მისი ცოლისა და სიმამრის სამშობლო და სახლი იყო.

ელჩების მოტანილმა ამბავმა სციპიონი დიდად დაანალღელიანა. ასეთი მოკავშირის დაკარგვა სახუმარო არ გახლდათ. თავად რომაელთა ნაწილიც ჭოჭმანობდა, წასულაციენენ თუ არა აფრიკაში სალაშქროდ. იყენენ ისეთებიც, რომლებიც ამ გვეგმის განხორციელებაში სციპიონს წინ ელოებოდნენ. მაგრამ მან მაინც თავისი გაიტანა და აფრიკისაკენ გაემართა. ნუმიდიის მეორე მეფე — მასინისა მისი ერთგული მოკავშირე იყო და მას გვერდს უმშვენიებდა. მონინალმდეგები ერთმანეთს აფრიკაში, უტიკის მახლობლად მდებარე ველზე — კამპი მაგნიზე შეხვდნენ. კართაგენელების და სიფაქსის გაერთიანებული არმია დამარცხდა. სიფაქსი ნუმიდიაში — თავის სამეფოში გამოიქცა. ეს ყოველივე ძვ.წ. 204 წელს მოხდა.

მიუხედავად ამისა, კართაგენს რომი საბოლოოდ წაგებული ჯერ კიდევ არ ჰქონდა. მაგრამ ეს მაშინ, თუ არც სიფაქსი აიღებდა ხელს ბრძოლაზე. ჩვენ არ ვიცით, რა ტრიალებდა იმჟამად სიფაქსის გულში, თუმცა ლივიუსის მონათხრობის მიხედვით გარკვეული წარმოდგენა მაინც შეიძლება შევიქმნათ. ეტყობა, მას ომის გაგრძელება არ სურდა, რადგან გულამოსკენით მოტირალი სოფონისბა ქმარს ემუდარებოდა, ბრძოლა განეგრძო და კართაგენს კვლავაც დახმარებოდა. ქალი ევედრებოდა სიფაქსს, „არ მიეტოვებინა მისი მამა, მათი სამშობლო და არამც და არამც არ დაეშვა ის, რომ კართაგენი ისე შთავითქა ცეცხლს, როგორც მათი საბრძოლო ბანაკი გადანვა“ (ლივიუსი, XXX, 7, 8-9).

როგორც იქნა სოფონისბამ სიფაქსი დაიყოლია. ის კვლავ გაემართა საბრძოლველად. მის წინააღმდეგ მასინისას და ლელიუსის წინამძღოლობით რომაელთა და აღმოსავლეთ ნუმიდიელთა არმია გამოდიოდა. ბრძოლა სატახტო ქალაქის — კირტას მახლობლად გაიმართა. სიფაქსი ისევ დამარცხდა, ამჯერად იგი მონინალმდეგეს ტყვედ ჩაუვარდა. გამარჯვებულები კი დედაქალაქში შევიდნენ და პირდაპირ სიფაქსის სასახლეს მიადგნენ.

მოვლენები ერთობ დრამატულად განვითარდა. მასინისას ფეხიც არ ჰქონდა შედგმული სასახლეში, რომ ზღურბლზე სოფონისბა მიეახლა. დედოფალი მასინისას ფეხებში ჩაუვარდა. — გემუდარები, გაფიცები, რაც კი შენთვის ყველაზე ძვირფასია, დამიხსნა განსაცდელისგან და არ დაუშვა, რომ რომაელთ ხელში ჩაუვარდე. შენ ხომ მშვენივრად მოგეხსენება, თუ რატომ არიან რომაელები ასე საშიშნი კართაგენელი ქალის, ჰასდრუბალის ქალიშვილისთვის. და თუ სხვა არაფერი გამოვა, გემუდარები და პირობას გართმევ — სიკვდილით დამიხსენი რომაელებისგან“ (ლივიუსი, XXX, 12, 11-16). გამარჯვებულს მუხლმოყრილი ევედრებოდა ყოფილი დედოფალი.

ქალს გასაოცარი ხიბლი ჰქონდა. იგი იმდენად უმწეო იყო, მის სიტყვებში ისეთი ალერსი გამოსჭვიოდა, რომ მასინისა მაშინვე მოაჯადოვა. გამარ-



ჯეებულმა მხედართმთავარმა დედოფალი წამოაყენა და შეჰპირდა, მუდარას აუსრულებდა. აი ის კი, რაც მან მოიმოქმედა, ლივიუსის აზრით, მოუფიქრებელი და ურცხვი გადანყვეტილება იყო, რომლისკენაც მას ამ ქალის სიყვარულმა უბიძგა. მასინისამ არც მეტი და არც ნაკლები, იმავე დღეს სოფონისბაზე იქორწინა. ამიერიდან, წესით რომაელთაგან ვერავინ შეძლებდა სოფონისბას ბედი განეკარგა. ეს ქალი ხომ ახლა, უკვე მათი მონინალმდევე კი არა, მათი მოკავშირის ცოლი იქნებოდა.

ამასობაში დატყვევებული ნუმიდიელები სიფაქსის მეთაურობით სციპიონთან მიიყვანეს. პირისპირ დარჩენილ სიფაქსს სციპიონმა მხოლოდ ერთი შეკითხვა დაუსვა — რატომ დაიწყო მან, რომაელთა ყოფილმა მოკავშირემ, ომი მათ წინააღმდეგ, ომი, რომელსაც მას არავინ აიძულებდა?

ნუმიდიის ყოფილ მეფეს თავის მართლება არც კი უცდია, რამეთუ თვლიდა, რომ მისი საქციელი გონებაარეული ადამიანის ნამოქმედარი იყო. თუმცა გონება მას ახლა კი არა, გაცილებით ადრე დაუბნელდა, აი, მაშინ, როცა სტუმართმოყვარეობის ადათი დაივიწყა, არად ჩააგდო მის სამეფოსა და რომს შორის დადებული ხელშეკრულება და სახლში კართაგენელი ქალი შემოიყვანა. ამოფერებით, ალერსით, დათაფლული საუბრით ამ ქალმა — ამ ფურიამ, ამ შავმა ჭირმა მას გონი წაართვა და არ მოისვენა მანამ, სანამ თავისი ხელით არ მისცა იარაღი სტუმრისა და მეგობრის წინააღმდეგ — ასე ფიქრობდა სიფაქსი. — ახლა მხოლოდ ერთი რამ მამშობდებეს, — ეუბნებოდა ტყვე მეფე სციპიონს, რომელსაც მასინისას და სოფონისბას ქორნილის ამბავი უკვე შეეტყო, — კარგად ვუწყი, რომ ეს ქალი მასინისას, ჩემს დაუძინებელ მტერს, ჩემსავით დალუპავს" (ლივიუსი, XXX, 13, 10-13). სიფაქსს შეყვარებულის ეჭვიანობაც ალაპარაკებდა, შეყვარებულისა, რომელმაც იცოდა, რომ მისი საყვარელი ადამიანი ამჯერად მის მეტოქეს ჰყავდა. ყოველ შემთხვევაში ლივიუსი სიფაქსის სიტყვებს ასეთ კომენტარს უკეთებს.

სიფაქსის ნათქვამმა სციპიონი ღრმად ჩააფიქრა. მის გულს განსაკუთრებით ერთი რამ მოხვდა — ეს მასინისას ნაჩქარევი და დაუფიქრებელი ქორწინება იყო — ამ საქციელით ხომ მასინისამ ნათლად აჩვენა ყველას, თუ როგორ იოლად დაჰყვა იგი კართაგენელი ქალის ნებას ქალის პირველსავე მცდელობის შემდეგ. რა მოხდებოდა მერე? ასე თუ გაგრძელდებოდა, სოფონისბა მალე ალბათ იმასაც მოახერხებდა, მასინისა რომაელთა დაუძინებელ მტრად ექცია. სციპიონი შემფოთდა. არა, ამ საქმის ასე დატოვება არ შეიძლებოდა და რომაელმა გადანყვიტა, როდესაც მასინისა ჩამოვიდოდა, მას მკაცრად და ყოველგვარი კომპრომისის გარეშე დალაპარაკებოდა.

საუბარი მართლაც შედგა. სციპიონმა აუხსნა მასინისას, რომ სიფაქსის მთელი ქონება ამიერიდან რომაელი ხალხის საკუთრება იყო — მათ შორის თავად სიფაქსიცა და მისი ცოლი სოფონისბაც. ამიტომ მასინისას ისინი რომში უნდა გაეგზავნა. «დაე, იქ გადანყვიტოს სენატმა იმ ქალის ბედი, რომელმაც, როგორც ამბობენ, ჩვენ მეფე-მოკავშირე დაგვაკარგვინა



სოფონისაა



და რომელმაც დაიყოლია სიფაქსი უგუნურად აეღო ხელში იარაღი" (ლივიუსი, XXX, 14, 10).

შეცბუნებული მასინისა თავის ოთახში შებრუნდა. დიდხანს იჯდა მარტო, ოხრავდა და გოდებდა. ბოლოს გამწარებულმა გადაწყვეტილება მიიღო. უხმო თავის მსახურს, რომელსაც განსაკუთრებით ენდობოდა და რომელიც მას სანამალავს უნახავდა. სწორედ მას უნდა მიეტანა სოფონისბას თავის მონამლული სასმელით სავსე თასი და მასინისას დანაბარები გადაეცა: მასინისა ბედნიერი იქნებოდა რომ შესძლებოდა იმ პირველი პირობის შესრულება, რომელიც მან, როგორც ქმარმა ცოლს მისცა. მაგრამ მისი მბრძანებელი ამას არამც და არამც არ დაუშვებს. ამიტომაც იგი მას მეორე პირობას უსრულებს — სოფონისბა რომაელებს ცოცხალი ხელში არ ჩაუყარდება. დაე, თავად სოფონისბამ გადაწყვიტოს, როგორ მოიქცეს, მაგრამ ერთი კი ახსოვდეს — იგი კართაგენელი წინამძღოლის ქალიშვილია, და არც ის დაივინყოს, რომ ამასთან ერთად იგი ორი მეფის ცოლი იყო.

მონამლული სასმისი და ქმრის დანაბარები მსახურმა სოფონისბას გადასცა. ამავე ტრაგიკულად დასრულდა. „ამ საქორწინო საჩუქარს მადლიერებით აღსავეს მივიღებ, თუკი ქმარმა ცოლისთვის უკეთესის ჩუქება ვერ შეძლო. თუმცა იმას კი გთხოვ, გადასცე მასინისას, რომ ჩემთვის უფრო იოლი იქნებოდა უფსკრულის პირას მდგომი არ გავთხოვილიყავი" (ლივიუსი, XXX, 15, 4-8). ლივიუსი გადმოგვცემს, რომ უკანასკნელი სიტყვები სოფონისბამ მტკიცედ წარმოთქვა, შემდეგ კი მონამლული სასმისი აიღო და შესვა ისე, რომ ერთი წამითაც არ შეტოკებულაო (ლივიუსი, XXX, 15, 4-8).

რაც შეეხება მასინისას, რომელმაც სძლია თავს და ქალის ნებას არ დაჰყვა, რომაელთა მთავარსარდალმა იგი სათანადოდ დააჯილდოვა. სციპიონმა იგი მეფედ გამოაცხადა და სამეფო გვირგვინი უბოძა.





შენიშვნები:

¹ პასდრუბალი — გისგოს ძე.
ძე.ნ. 214-206 წწ-ში იყო ესპანეთში
კართაგენელთა ჯარის
წინამძღოლი. ძე.ნ. 206 წელს
სციპიონმა იგი დაამარცხა და
აიძულა დაეტოვებინა ესპანეთი.
შემდგომში იგი აფრიკაში იბრძოდა,
მაგრამ ძე.ნ. 203 წელს კამპი მაგნის
ისტორიულ ბრძოლაში სციპიონმა
პასდრუბალი კელა დაამარცხა.
ერთი ხანობა იგი პარტიზანულ ომს
აწარმოებდა, მაგრამ მას შემდეგ
რაც ლალატში დაადანაშაულეს,
პასდრუბალმა სიცოცხლე
თვითმკვლელობით დაასრულა.

²|| პუნიური ომი — ძე.ნ. 218-201 წწ.
იგი თავდაპირველად
კართაგენელთა მნიშვნელოვანი
წარმატებებით მიმდინარეობდა.
ძე.ნ. 218-16 წწ-ში კართაგენელთა
მეთაურმა — ჰანიბალმა კინალამ
დაიპყრო იტალია, მაგრამ
ძე.ნ. 211 წლიდან მოყოლებული
კართაგენელები მარცხს მარცხზე
განიცდიდნენ, ბოლოს ძე.ნ. 202
წელს რომაელთა მხედართმთავარმა
სციპიონმა მათ ზამსთან დიდი
დამარცხება აგემა. ამის შემდეგ
კართაგენმა არა მარტო დაკარგა
თავისი ყველა სამფლობელო
აფრიკის გარეთ, არამედ დიდი
იმპერიის სახელიც.





ქალპურნიას

ქალპურნია იულიუს კეისრის მესამე ცოლი იყო. ტრადიციის მიხედვით იგი ლამაზი მოკრძალებული, გონიერი ქალი გახლდათ, რომელიც ძველ ავტორებს ქალური სათნოების და მაღალი ზნეობის საუკეთესო მაგალითად ესახებოდათ.

ქალპურნიას შესახებ, ისევე როგორც კეისრის პირველ ორ ცოლზე, წყაროები ცოტას მოგვითხრობენ. ალბათ იმიტომ, რომ ამ გენიალური პიროვნების ცხოვრებაში ცოლებს მცირე ადგილი ეჭირათ. კეისრის შესახებ მოსათხრობი ისედაც ძალზე ბევრი იყო. შესაძლებელია იმიტომაც, რომ თავად ეს ქალები, ქმრის გვერდით მყოფნი, არ ან ვერ ერეოდნენ პოლიტიკურ ცხოვრებაში ისე, როგორც ამას შემდგომ უმაღლეს ხელისუფალთა ცოლების უმეტესობა აკეთებდა. ქალპურნიას, მისი ხასიათიდან გამომდინარე, ამის სურვილი არც უნდა ჰქონოდა. მაგრამ ცნობების სიმწირის მიუხედავად, რომის მმართველთა მუღუღეებზე თხრობას ჩვენ მაინც ქალპურნიათი დავიწყებთ, თუნდაც იმიტომ, რომ იგი დიდი რომაელის — იულიუს კეისრის ცოლი გახლდათ.

ჩვენ არ ვიცით, როდის და სად დაიბადა ქალპურნია. ვიცით მხოლოდ ის, რომ იულიუს კეისარზე იგი ძ.წ. 59 წელს დაქორწინდა.

ეს ის დრო იყო, როდესაც პომპეუსმა, კრასუსმა და კეისარმა — რომის ამ სამმა ყველაზე გავლენიანმა პირმა ე.წ. I ტრიუმვირატი შექმნეს, არისტოკრატიას დაუპირისპირდნენ და ამით რომში, ფაქტობრივად, სახელმწიფო გადატრიალება მოახდინეს.

მაშინ განსაკუთრებით პოპულარული გახდა დანათესაების მეშვეო-



ბით პოლიტიკური აღიანსების განმტკიცება. ასე მაგალითად, კეისარმა თავისი ერთადერთი ქალიშვილი — იულია თავის მოკავშირეს — იულიაზე ბევრად უფროს პომპეუსს მიათხოვა. ამის კიდევ ერთი მაგალითი — თავად კეისარი გახლდათ; მას იმხანად ძალზე სჭირდებოდა კავშირი ლუციუს კალპურნიუს პიზონ ცეზონიუსთან,¹ რომის ერთ-ერთ ფრიად გავლენიან ფიგურასთან. სწორედ ამ მიზნით, მან ცოლად პიზონის ქალიშვილი — კალპურნია შეირთო. მომდევნო წელს კალპურნიუს პიზონი კეისარმა კონსული გახადა. კატონ უმცროსი, გადმოგვცემს პლუტარქე, ამან საშინლად აღაშფოთა. „აუტანელი ამბავია მაჭანკლობის შემწეობით ძალაუფლების მოპოვება და ქალების საშუალებით პროვინციათა და მხედრობათა გამგებლობაში ერთმანეთის გაყვანაო“ (პლუტარქე, „იულიუს კეისარი“, 14). ხმამალა განუცხადებია მაშინ კატონ უმცროსს,² რომელიც რომში ცუდი ამბების წინასწარმეტყველად იყო ცნობილი.

ქორწინებიდან მცირე დრო იყო გასული, როდესაც ძვ.წ. 58 წელს იულიუს კეისარმა სამართავად გალიის პროვინცია მიიღო და იტალია დატოვა. დატოვა მან რომში თავისი ცოლი კალპურნიაც. ცოლ-ქმრის განშორება ხანგრძლივი აღმოჩნდა. კეისარმა გალიაში თითქმის ათი წელი დაჰყო. განსაკუთრებით მძიმე კალპურნიასთვის ძვ.წ. 52 (თუ 53 წ.) გამოდგა. სწორედ ამ წელს გარდაიცვალა კეისარის ქალიშვილი და პომპეუსის მეუღლე — იულია. კეისარსა და პომპეუსს შორის ისედაც უკიდურესად დაძაბული მდგომარეობა ამან კიდევ უფრო გაართულა. კეისარი ჯერ ისევ გალიაში იმყოფებოდა, პომპეუსი კი, ფაქტობრივად, რომის ერთპიროვნული მმართველი გახლდათ. იულიუს კეისარს კვლავ ესაჭიროებოდა პომპეუსის მოკავშირეობა. მათი ნათესაობა როგორმე უნდა აღდგენილიყო. და აი, კეისარმა, მიუხედავად იმისა, რომ ამ დროს იგი ჯერ კიდევ კალპურნიას ქმრად ითვლებოდა, გადაწყვიტა, გაეყოფა ცოლს და პომპეუსის ქალიშვილი ეთხოვა. უნდა ითქვას, რომ პომპეუსის ქალიშვილი უკვე დანიშნული იყო. მიზეზთა და მიზეზთა გამო კეისარის დაგეგმილი ქორწინება არ შედგა, მაგრამ კალპურნია და იულიუს კეისარი ამ ამბავმა ერთმანეთს კიდევ უფრო დააშორა. თუმცა, როგორც ტრადიცია გვიმომშებს, მიყენებული ტრავმის მიუხედავად, კალპურნიას იულიუს კეისარი მაინც ძალიან უყვარდა.

ამ ჭკვიან და ღირსეულ ქალს კარგად ესმოდა, რომ მისი ქმარი სრულიად გამორჩეული პიროვნება იყო, ყველასაგან განსხვავებული თავისი ძლიერებით და გაქანებით. შეუძლებელი იყო, ამ კაცს ჩვეულებრივად ეცხოვრა და რიგითი, ორდინალური ქმარი ყოფილიყო. ჩვეულებრივი, იული-



უს კეისარს, რომელიც გამუდმებით პირველობისკენ მიისწრაფოდა, არც არაფერი აკმაყოფილებდა. კალპურნია ალბათ იმითაც იმშვიდებდა თავს, რომ პომპეუსის ქალიშვილის თხოვნა კეისარს მხოლოდ პოლიტიკური მიზნებიდან გამომდინარე სჭირდებოდა. იგი ხვდებოდა, რომ როგორც ქალი, ეს უკანასკნელი მისი მეტოქე არ იყო. სამწუხაროდ, წყაროები დღემან იმაზე, ითვლებოდა თუ არა კალპურნია იულიუს კეისარის ცოლად იმ წლებში, როდესაც კეისარი ეგვიპტეში იმყოფებოდა და ეგვიპტის დედოფალ კლეოპატრას ჰყვარობდა. ჩვენ არც იმის შესახებ შეგვიძლია ვიმსჯელოთ, რას უფრო განიცდიდა კალპურნია — იმას, რომ კეისარი მასთან გაყრას და პომპეუსის ქალიშვილის შერთვას აპირებდა, თუ იმას, რომ ეგვიპტის დედოფალმა დიდი რომელიც მოაჯადოვა და კარგა ხნით დაიტოვა ეგვიპტეში. ალბათ არანაკლებ მტკივნეული უნდა ყოფილიყო კალპურნიასთვის ისიც, რომ შემდგომში კეისარმა კლეოპატრა რომში ჩამოიყვანა და თავის ვილაზე დაასახლა. არ უნდა დაგვაფიქვადეს არც ის, რომ კეისარს კლეოპატრამ ვაჟიშვილი გაუჩინა, ვაჟიშვილი, რომელიც მას არცერთ ცოლთან არ ჰყოლია. კალპურნიას შესახებ უკანასკნელად კეისარის მკვლელობის ამბიდან ვიტყვობთ.

იულიუს კეისარმა — კაცმა, რომელმაც ამდენი სამოქალაქო ომი მოიგო, ხალხს ერთი მხრივ ისეთი შიში შთაუწერა, მეორე მხრივ კი — თავის დიდებაში ისე დაარწმუნა, როგორც აქამდე არც ერთ რომაელს არ გაუკეთებია.

სწორედ ამგვარი განწყობილების გამოხატულება იყო ის, რომ ყოველგვარ ზღვარს გადაცილებით ცდილობდნენ კეისარის გულის მოგებას და მას ყოველნაირ პატივს მიაგებდნენ — ისეთსაც კი, ადამიანისთვის დასაშვებს რომ სცილდებოდა. ყველა ტაძარსა თუ საზოგადო ადგილას კეისარს მსხვერპლს სწირავდნენ. მის პატივსაცემად სამხედრო თამაშობებს აწყობდნენ, კეისარის გამოსახულებებს მუხის ფოთლებისაგან დაწნული გვირგვინებით რთავდნენ (სიმბოლო, რომლითაც გადარჩენილები თავიანთი მხსნელისადმი პატივისცემას გამოხატავდნენ). ბოლოს მას სამშობლოს მამა უწოდეს, ათი წლის ვადით კონსულის ნოდება მიანიჭეს და სიკვდილამდე დიქტატორად აირჩიეს. ამასთან კეისარის პიროვნება წმინდად და ხელშეუხებლად გამოაცხადეს.

ბუნებრივია, ყოველივე ეს რომის მბრძანებლის თანხმობით ხდებოდა. ერთადერთი, რაც მას ჯერ კიდევ არ ჰქონდა — ეს მეფის ტიტული გახლდათ, ტიტული, რომელიც კეისარს მთელი არსებით სწადადა, თუმცა გარეგნულად ცდილობდა, თავი ისე მოეჩვენებინა, რომ ამ ნოდების მიღებას არც აპირებ-



კ ა ლ ა უ რ ნ ი ა



და. უფრო მეტიც, ყოველნაირად აღუდგებოდა წინ მისთვის ამ ტიტულის მინიჭების მცდელობას (აპიანოსი, „სამოქალაქო ომები“, II, 106-109).

მაგრამ კეისარმა მაინც ვერ მოახერხა თანამოქალაქეები მოეტყუებინა. როგორც პლუტარქე აღნიშნავს, ხალხის თვალში კეისარის უმთავრესი დანაშაული სწორედ მისი მეფობისკენ სწრაფვა იყო (პლუტარქე, „იულიუს კეისარი“, 60). სენატორთა აღშფოთებას იწვევდა უპირველესად ის, რომ დიქტატორმა რომის რესპუბლიკა ფაქტობრივად მონარქიად აქცია.

და აი, ძვ.წ. 44 წელს კეისარის წინააღმდეგ შეთქმულება მოენყო. შეთქმულების ორგანიზატორები უმთავრესად ორნი იყვნენ — მარკუს ბრუტუსი და გაიუს კასიუსი. ისინი ადრე კეისარის მტრის — პომპეუსის მხარეზე იბრძოდნენ, შემდეგ, როდესაც ეს უკანასკნელი დამარცხდა, იულიუსმა ბრუტუსი და კასიუსი შეინყნარა, ნდობა გამოუცხადა და სამსახურიც უბოძა. განსაკუთრებით იგი მარკუს ბრუტუსს სწყალობდა. ამბობდნენ იმასაც, რომ ბრუტუსი კეისარის შვილი იყო, რამეთუ კეისარს მის დედასთან — სერვილიასთან პქონდა თურმე ურთიერთობა.

მაგრამ ყოველივე ამის მიუხედავად, ბრუტუსი წინ აღუდგა კეისარს. სხვა გარემოებათა შორის ამის მიზეზი, როგორც აპიანოსი ასკენის, ალბათ ისიც იყო, რომ მარკუსი იმ დიდი ბრუტუსის მემკვიდრე გახლდათ, რომელმაც ოდესღაც რომიდან მეფეები გააძევა. სწორედ ამის გამო მას ყველაზე მეტად აქეზებდა და ალაგზნებდა ხალხი... მის საგარძელზე, თუ მისი წინაპრის ბრუტუსის ქანდაკებაზე დრო და დრო ასეთი წარწერები ჩნდებოდა: „ბრუტუს, შენ ცოცხალი აღარა ხარ?“ — „არა, შენ, ბრუტუსი არა ხარ“, — „ბრუტუს, რატომ აღარ ხარ ახლა ცოცხალი!...“ ასეა თუ ისე, მაგრამ ბევრი რამ აღანთებდა ჭაბუკს იმ საქმისთვის, რომელსაც იგი წინაპართა ანდერძად მიიჩნევდა (აპიანოსი, „სამოქალაქო ომები“, II, 112).

გადაწყდა, კეისარი მარტის იდებში — 15 მარტს სენატის სხდომაზე უნდა მოეკლათ.

როგორც ამბობენ, მკითხავს კეისარისთვის დიდი განსაცდელის შესახებ უწინასწარმეტყველებია და ურჩევია მარტის იდებს გაფრთხილებოდა. კეისარის ცოლს, კალპურნიასაც წინა ღამით ავისმომასწავებელი სიზმარი უნახავს. ერთი ძველი ავტორის ცნობით, კალპურნიას ეზმანა, თითქოს მოკლული ქმარი ჰყავდა მკლავებზე გადასვენებული და დასტიროდაო. სხვა ისტორიკოსთა გადმოცემით, კალპურნიას სიზმრად უხილავს, თითქოს სახლის თავზე დადგმული ქონგური გადმონგრეულიყო, ამიტომაც მოთქვამდა და ტიროდა ძილშიო. გათენდა 15 მარტის დილა. „დილით



კალპურნიამ კეისარს ხეენა-მუდარა დაუნყო. თუ შესაძლებელია, დღეს გარეთ ნუ გახვალ და სენატის სხდომა გადადგო. თუ ჩემს სიზმარს არაფრად აგდებ, მაშინ სხვა სახის წინასწარმეტყველებით და მსხვერპლშენიროვით მაინც შეიტყვე შენი მომავალიო. როგორც ჩანს, რალაც ეჭვი და შიში კეისარს თვითონაც ჰქონდა იმ დღეს. მას აქამდე არასოდეს არ შეენიშნა კალპურნიასთვის ქალური ცრუმორწმუნეობა. მაშინ კი მეუღლე მეტისმეტად შეშინებული იყო. ამიტომ როდესაც კეისარს მრავალი მსხვერპლის შენიღვის შემდეგ მკითხავენმა ცუდი მომავალი უწინასწარმეტყველეს, გადანყვიტა, ანტონიუსი გაეგზავნა და სენატის სხდომა დაეშალა" (პლუტარქე, „იულიუს კეისარი“, 63).

მაგრამ შეთქმულებმა კეისრის სახლიდან გამოყვანა მაინც მოახერხეს. მასთან დეციმუს ბრუტუსი მივიდა და ამცნო, რომ სენატორები დღეს აპირებდნენ, მისთვის სამეფო გვირგვინის ტარების უფლება მიეცათ. თუმცა კეისარს მეფის ტიტული მხოლოდ იტალიის გარეთ მდებარე და რომისადმი დაქვემდებარებულ ქვეყნებში ექნებოდა.³ როცა მან დაინახა, რომ კეისარი მაინც ჭოჭმანობდა, სახლიდან გამოსულიყო, მაშინ დიქტატორს ასე მიმართა: „აბა, რას იტყვიან შენი მტრები, ან შეკრებილთ სენატორთ რომ ვინმემ გამოუცხადოს: ახლა დაიშაღენით და მაშინ შეიკრიბეთ, როცა კალპურნია უკეთეს სიზმრებს იხილავსო?“ (პლუტარქე, „იულიუს კეისარი“, 64). დეციმუს ბრუტუსმა სთხოვა კეისარს, ნუ მისცემდა საბაბს, მისთვის ქედმაღლობა დაებრალეზინათ, ამიტომ თავად ნასულიყო სენატში და სხდომის გადადება თავადვე ეცნობებინა. კეისარი სახლიდან გამოვიდა. ის იყო გასცდა სახლს, რომ მისკენ ვილაც მონა გამოემართა, მაგრამ მას ხელი ჰკრეს და კეისართან ახლოს არ მიუშვეს. მაშინ იგი დიქტატორის სახლში ძალით შეიჭრა და სთხოვა კალპურნიას: „კეისრის მოსვლამდე დამაცდევინე, ვინაიდან მისთვის ფრიად მნიშვნელოვანი საქმე მაქვს საუწყებელიო“ (პლუტარქე, „იულიუს კეისარი“, 64). სვეტონიუსის გადმოცემით, ვილაც შემხედრს, სწორედ მაშინ გადაუცია წერილი კეისრისთვის, როცა იგი სენატის სხდომაზე შედიოდა. ამ ბარათში იგი იულიუსს შეთქმულების შესახებ ატყობინებდა. კეისრის სავალალოდ, მას წერილის ნაკითხვა ვერ მოუხსრია.

კეისარმა არც მსხვერპლშენიღვის აეისმომასწავლებელი ნიშნები, არც მკითხავთა რჩევა, არც კალპურნიას ხეენა-მუდარა არ გაითვალისწინა. იგი სენატში მაინც შევიდა. „რამეთუ ის, რაც კეისარს მოუვიდა, უნდა მომხდარიყო,“ — ასკენის აპიანოსი (აპიანოსი, „სამოქალაქო ომები“, II, 118). იმ დღეს კეისარი შეთქმულებმა მოკლეს.



კალპურნია



დიდი დიქტატორის სიკვდილის შემდეგ ქმრის საქმიანი ქაღალდები და მისი ქონება კალპურნიამ კეისრის უახლოეს მეგობარს და თანამზრახველს — მარკუს ანტონიუსს გადასცა.

მეტს კალპურნიას შესახებ წყაროებში ვერაფერს ვხვდებით, ისიც კი არ ვიცით, რამდენ ხანს იცოცხლა მან კეისრის მკვლელობის შემდეგ.





შენიშვნები:

¹ ლუციუს კალპურნიუს პიზონ ცეზონიუსი — ძვ.წ. 70 წლიდან მოყოლებული ეკავა სხვადასხვა მნიშვნელოვანი თანამდებობა. ხშირად დაპირისპირებულ მხარეთა შორის შუამავლის როლს ასრულებდა. შემდგომში, როცა კეისარი მისი სიძე გახდა, კეისრის ავტორიტეტმა პიზონის პოლიტიკურ წინასვლას დიდად შეუწყო ხელი. პიზონმა ყველაფერი ილონა, რათა რომს სამოქალაქო ომი თავიდან აეცილებინა, ხოლო, როცა ომი დაიწყო, იგი მხარეთა მიმართ ნეიტრალიტეტს ინარჩუნებდა. სამშვიდობო პოლიტიკურ კურსს იგი კეისრის მკვლევლობის შემდეგაც აგრძელებდა.

² მარკუს პორციუს კატონი, რომელსაც მეტსახელად უტიკელს, ან უმცროსს უწოდებდნენ. კატონი იბრძოდა არისტოკრატიული წყობის შესანარჩუნებლად. იგი კეისარში მეტად საშიშ მტერს ხედავდა, ამიტომაც თავი მის მონინალმდევედ გამოაცხადა. ძვ.წ. 49 წელს, როდესაც სამოქალაქო ომები დაიწყო, კატონი იძულებული იყო, იტალიიდან გაქცეულიყო და უტიკისთვის (ჩრდ. აფრიკა) შეფარებინა თავი. ძვ.წ. 46 წელს მან თვითმკვლელობით დაასრულა სიცოცხლე. მისი გავლენა იმდენად დიდი იყო, რომ თავად კეისარი იძულებული იყო კატონის და მის მომხრეთა წინააღმდეგ ორი პამფლეტი დაეწერა.

³ როგორც ტრადიცია გადმოგვცემს, რამდენიმე დღეში კეისარი ჯერ გეთების, შემდეგ კი პართელების წინააღმდეგ აპირებდა გალაშქრებას. სწორედ ამ დროს გავრცელდა ხმა, თითქოს სიბილას წიგნები წინასწარმეტყველებდნენ, რომ რომაელები პართელებს მხოლოდ მაშინ დაამარცხებდნენ, როდესაც მათ წინააღმდეგ ბრძოლას მეფე წარმართავსო. ამიტომაც ამბობდნენ ზოგიერთები, რომ კეისრისათვის ისეთი ტიტულების მიცემა იყო საჭირო, რომლებსაც რომაელები მეფის ტიტულის ნაცვლად იყენებდნენ, ხოლო იმ ხალხებმა, რომლებიც რომს ექვემდებარებიან, კეისარს მეფე უნდა უწოდონო (აპიანოსი, „სამოქალაქო ომები“, II, 110). ფაქტიურად, ამასვე ადასტურებს პლუტარქეს ცნობა, რომლის მიხედვითაც სენატი კეისარს სწორედ ამ ლაშქრობისათვის ანიჭებდა მეფის ტიტულს, მაგრამ ეს ტიტული კეისარს მხოლოდ იტალიის ფარგლებს გარეთ ეძლეოდა.





ფულვია

ფულვია წარმოშობით რომის ერთ-ერთი ყველაზე ცნობილი, კეთილშობილი და მდიდარი ოჯახიდან იყო, როგორც მამის, ისე დედის მხრიდანაც. იგი მარკუს ფულვიუს ბამბალიოს¹ და სემპრონიას ქალიშვილი გახლდათ.

ფულვიას გარეგნობაზე წყაროებში თითქმის არაფერია ნათქვამი. თუმცა მონეტებზე არსებული მისი გამოსახულებები გარკვეულ წარმოდგენას გვიქმნიან მასზე. ამაყად ზეალმართული თავი, მოკუმული ტურები, წაწვეტიბული; წინ წამოწეული ნიკაპი, სწორი და წვეტიანი ცხვირი, დაბალი შუბლი — აი, ასეთად წარმოგვიდგება მათზე ფულვია. ის, რომ ფულვია ლამაზი ქალი არ ყოფილა, დანამდვილებით შეიძლება ითქვას. თუმცა მისი პორტრეტი ალბათ გარკვეული ზნის ქალს წარმოაჩენს — ქედმაღალს და ამაყს, სწორედ ისეთს, როგორადაც იგი წყაროებშია დახასიათებული. დავეუმატებდით, რომ ანტიკური ავტორები ფულვიას სხვა ეპითეტებითაც ამკობდნენ. მათი მიხედვით, იგი ძალაუფლების დიდად მოყვარული, ამასთან ენერგიით აღსავსე და ერთობ მზაკვარი ქალი გახლდათ.

ფულვია რომაელმატრონათა იმ რიცხვს მიეკუთვნებოდა, რომლებიც ყველა ჯურის პოლიტიკური ინტრიგებით ცხოვრობდნენ და რომლებიც ყველანაირ საშუალებას იყენებდნენ, რათა იმ გვარის, თუ პოლიტიკური დაჯგუფების გავლენა გაეძლიერებინათ, რომლებსაც იმ ხანად ისინი ემხრობოდნენ. ამგვარი ქალები განსაკუთრებით მრავლად იყვნენ ძვ.წ. I ს-ის შუა წლებში. ციცერონის თხზულებებში მკითხველი მათ არაერთგზის შეხვდება.

პირველად ფულვია სახალხო ტრიბუნზე — კლოდიუს პულხერზე დაქორწინდა, რომელიც რომის იმჟამინდელი პოლიტიკური ცხოვრების აქტიურ ფიგურას წარმოადგენდა.



კლოდიუს პულხერის სახელს ერთი ფრიად სკანდალური ამბავი უკავშირდებოდა. იულიუს კეისრის სახლში კეთილი ღვთაებისადმი მიძღვნილ რელიგიურ ზეიმს — Bona Dea-ს დღესასწაულობდნენ. ეს საკუთრივ ქალთა რელიგიური დღესასწაული იყო და, ბუნებრივია, მასზე მხოლოდ ქალები იყვნენ წარმოდგენილი. უეცრად აქ ქალად გადაცმული კლოდიუს პულხერი შენიშნეს. ბოროტი ხმები იმასაც ამბობდნენ, კლოდიუსი აქ კეისრის ცოლის სიყვარულმა მოიყვანაო. ქალთა დღესასწაულზე მამაკაცის ყოფნა რომში დიდ მკრეხელობად ითვლებოდა, შესაბამისად ტრიბუნის წინააღმდეგ საქმე სასამართლოშიც იქნა აღძრული. მაგრამ კლოდიუსმა მოსამართლეები მოიხსიდა და თავის გამართლებაც მოახერხა. ამის შემდეგ ეს სკანდალური პიროვნება ერთი ხანობა პლესის წინამძღოლი ბრძანდებოდა და ერთობ მნიშვნელოვან როლსაც თამაშობდა პოლიტიკურ სარბიელზე მანამ, სანამ პომპეუსი და მილონი არ გადაიკიდა. ძვ.წ. 52 წელს იგი სიცოცხლეს გამოასალმეს.

კლოდიუსსა და ფულვიას ორი შვილი ჰყავდათ — ვაჭიშვილი პუბლიუსი და ქალიშვილი კლოდია. ქმრის გარდაცვალების შემდეგ ფულვია მეორედ დაქორწინდა, ამჯერად გაიუს სკრიბონიუს კურიონზე. მასთან ფულვიას ერთი ვაჭიშვილი შეეძინა.² მალე, ძვ.წ. 49 წელს კურიონი დაიღუპა. მეორედ დაქორწიებული ფულვია რამდენიმე წელიწადში კვლავ გათხოვდა (ძვ.წ. 45 წ.). ეს მესამე ქორწინება ქვრივისთვის ძალზე სახარბიელო იყო, მისი ქმარი გამოჩენილი მხედართმთავარი, სახელოვანი მარკუს ანტონიუსი გახლდათ. კეისრის ერთგული თანამზრახველი მარკუს ანტონიუსი ამ დროისთვის უკვე უზარმაზარი პოპულარობით სარგებლობდა და იულიუს კეისრის შემდეგ რომში ფაქტობრივად მეორე კაცი იყო. ანგარებიან და ძალაუფლებისმოყვარე ფულვიას, ბუნებრივია, ანტონიუსის ცოლობა ძალიან უნდოდა. პლუტარქეს განცხადებით, მარკუს ანტონიუსის ცოლს სრულებით არ აინტერესებდა სართავი და სახლის მოვლა-პატრონობა. მისთვის არც ის იყო საკმარისი — მორჩილი, მოკრძალებული და შეუმჩნეველი ქმარი ჰყოლოდა. არა, მას სურდა, რომ თავად მბრძანებლის მბრძანებელი და მეთაურის მეთაური ყოფილიყო (პლუტარქე, „ანტონიუსი“, X). უნდა ითქვას, რომ ფულვიამ დასახელებულ ამოცანას წარმატებით გაართვა თავი. მან იმდენად ოსტატურად გამოწერტნა მარკუს ანტონიუსი და ასწავლა მას ქალების ნებას დაქვემდებარებოდა, რომ სრული უფლება ჰქონდა, ამგვარი გაკვეთილებისთვის საფასური კლეოპატრასგან მოეთხოვა, რომელმაც მისგან უკვე სრულიად თვინიერი და ქალების მორჩილებას ჩვეული ანტონიუსი მიიღო (პლუტარქე, „ანტონიუსი“, X). დასაწყისში წყვილი შეხმატკბილებულად ცხოვრობდა. ფულვიამ ქმა-



რი ისეთად მიიღო, როგორც ანტონიუსი სინამდვილეში იყო. გამოჩენილი მხედართმთავარი ჩვეულებრივ ყოფაში არც თუ ადვილი ასატანი უნდა ყოფილიყო. ენერგიული, გიჟმაჟი, მფლანგველი და მოქიფე — აი, ის ძირითადი შტრიხები, რომლითაც ანტონიუსს ტრადიცია ახასიათებს. ანტონიუსიც მშვენიერად გრძნობდა თავს ფულევიასთან და ცდილობდა, ცოლი თავისი ოინბაზობითა და ბავშვური გამობტომებით გამოეცოცხლებინა. პლუტარქეს ერთი მაგალითი მოჰყავს. როდესაც კეისარი ესპანეთის ლაშქრობიდან ბრუნდებოდა, გავარდა ხმა, თითქოს კეისარი მტრებს მოეკლათ, რომლებიც ახლა რომის ასაღებად მოდიოდნენ. ამ დროს კი ანტონიუსი სწორედ კეისართან იყო წასული. როგორც ჩანს, მითქმა-მოთქმამ ანტონიუსს გზაში მიუსწრო და მაშინ იგი უკან, რომში გამობრუნდა. რომში ჩამოსულმა მან ფულევიას გამოცდა გადაწყვიტა. ანტონიუსმა მონად გადაიკცა და შუალამისას ცოლს ეახლა, ვითარცა ანტონიუსისაგან გამოგზავნილი შიკრიკი. როცა თავიდან ფეხებამდე მოსასხამში გახვეული ანტონიუსი ფულევიასთან შეიყვანეს, აღლევებული და მწყობრიდან გამოსული ქალი, პირველ ყოვლისა, შეეკითხა მას, ცოცხალი იყო თუ არა მისი ქმარი. პასუხად შიკრიკმა ქალს მდუმარედ გაუწოდა წერილი. ფულევიამ ახსნა ბეჭდები და ბარათის კითხვა დაიწყო. აი, მაშინ კი მოეხვია ანტონიუსი ცოლს და გადაკოცნა (პლუტარქე, „ანტონიუსი“, X).

კეისრის მკვლელობის შემდეგ (ძვ.წ. 44 წ.) ანტონიუსი და ოქტავიანუსი რომის პოლიტიკური სცენის მთავარი ფიგურები ხდებიან. ცამეტი წლის განმავლობაში ისინი გამუდმებით იყოფდნენ ძალაუფლებას. ანტონიუსს და ავგუსტუსს შორის პირველი გარიგება ძვ.წ. 43 წლის ნოემბერში შედგა. რადგან გარიგებაში მესამე წევრიც მონაწილეობდა, ისტორიაში ეს დაზავება II ტრიუმვირატის (სამთა კავშირის) სახელით შევიდა.³ ხელშეკრულების თანახმად მათ ხელისუფლება ხუთი წლის ვადით ოფიციალურად აიღეს ხელში. დაზავების შემდეგ ტრიუმვირებმა ერთობლივი მოქმედების გეგმა შეიმუშავეს. უპირველეს ყოვლისა, უნდა გასწორებოდნენ მათ, ვინც თავიანთ პოლიტიკურ მონინალმდეგეებად მიიჩნიეს — ცალკეულ სენატორებსა და მხედრებს. გამარჯვებულებმა შეადგინეს სიკედილმისჯილთა ე.წ. სახელმწიფოს მტრების სიები, რომლებშიც თავდაპირველად დაახლოებით 300-მდე სენატორი და 2000 მხედარი ჩანერეს. სიების შედგენის შემდეგ კი რომისკენ გამოემართნენ, რათა განზრახვა სისრულეში მოეყვანათ.

სამი დღის განმავლობაში ტრიუმვირები რომში თავიანთი მხედრების თანხლებით რიგ-რიგობით შედიოდნენ. პირველმა ოქტავიანუსმა შეაბიჯა, მას ანტონიუსი და ლეპიდუსი მიჰყვნენ. ქალაქი მეომრებით გაივსო.



მუღიანა



რომაელებს ახლა ტრიუმფირთა მმართველობა უნდა აეტანათ. მოსახლეობას უმძიმესი დღეები დაუდგა. გამარჯვებულთა შურისძიება მონინალმდეგებზე აქამდე უპრეცედენტო სისასტიკითა და ულმობლობით გამოიჩინოდა.

შენობათა კედლებზე ე.წ. პროსკრიპციები — სიკვდილმისჯილთა სიები იყო გაკრული. თავდაპირველ სიებს თანდათანობით ახალ-ახალი მსხვერპლთა გვარები ემატებოდა. არავინ იცოდა, ხვალ სიაში ახალი ვინ აღმოჩნდებოდა. როგორც ისტორიკოსი მოგვითხრობს, სიკვდილმისჯილნი თავის გადარჩენას ყოველნაირი ხერხით ცდილობდნენ. ყველაფერი თავდაყირა დადგა. სენატორები საკუთარ მონებს შესთხოვდნენ, არ გაეცათ ისინი — მათი ბატონები, ქმრები — ცოლებსა და შვილებს იმავეს ემუდარებოდნენ. საყოველთაო პანიკას კიდევ უფრო ამძაფრებდა ტრიუმფირთა მიერ გავრცელებული ახალი განკარგულება. გამარჯვებულები აცხადებდნენ, რომ თითოეული, ვინც მათ მონინალმდეგეს დაასმენდა, დიდ გამარჯულოს მიიღებდა, ხოლო ის, ვინც სიკვდილმისჯილს შეიფარებდა, სამაგალითოდ იქნებოდა დასჯილი. შედეგად ადამიანებზე აქამდე გაუგონარი ნადირობა დაიწყო. აპიანოსის შეფასებით, ამ დღეებში რომში დატრიალებული უბედურება გაცილებით უფრო დიდი, ყოვლისმომცველი და საზარელი იყო, ვიდრე ის ბოროტება, აჯანყებას ან ქალაქის აღებას რომ მოჰყვება ხოლმე (აპიანოსი, „სამოქალაქო ომები“, IV, 13-14).

პროსკრიპციების შედეგაში აქტიურად მონაწილეობდა ფულვია. ტრიუმფირები დიდხანს ბჭობდნენ, დაესაჯათ თუ არა სიკვდილით ციცირონი. საბოლოოდ მას განაჩენი ცოლ-ქმრის დაყინებული მოთხოვნით გამოუტანეს. პლუტარქე გადმოგვცემს, თუ როგორ უბრძანა ანტონიუსმა მკვლელებს მისთვის დიდი ორატორის თავი და მარჯვენა ხელი მოეტანათ, სწორედ ის ხელი, რომლითაც ციცირონი თავის სიტყვებს წერდა. „როდესაც მკვლელებმა ანტონიუსს ნადავლი წინ დაუდეს, ის ბედნიერი შესცქეროდა ამას, დიდხანს იცინოდა გახარებული, ხოლო მას შემდეგ რაც გული მოიოხა, ბრძანა, რომ ციცირონის თავი ფორუმზე იმ ადგილას შემოედგათ, რომელიც ორატორთათვის იყო განკუთვნილი“ (პლუტარქე, „ანტონიუსი“, XX).

არსებობს სხვა ვერსიაც. მისი ავტორის — დიო კასიუსის მიხედვით ციცირონის გვაში ფულვიამ შეურაცხყო. გაცოფებულმა ქალმა ორატორის მოკვეთილი თავიდან ენა გამოაძრო და იგი ქინძისთავეებით დაჩხვლიტაო (დიო კასიუსი, 47, 8, 2).

ოქტავიანუსისა და ანტონიუსის შერიგება ტრადიციულად ნათესაური კავშირით უნდა განმტკიცებულიყო. ამიტომაც დათქვეს, რომ ოქტავიანუსს ცოლად კლოდია — ფულვიას ქალიშვილი უნდა შეერთო.



მაგრამ მეტოქეებს შორის ზაეი მალე დაირღვა.

ძვ.წ. 41 წლის დასასრულს რომში ვითარება უკიდურესად დაიძაბა. ამდენი ომების შემდეგ იტალია უკვე სულს ლაფავდა. ტრიუმფერთა დაუძინებელ მტერს პომპეუსის ვაჟს — სექსტუსს ქვეყანა ზღვიდან ჰყავდა ჩაკეტილი. სურსათ-სანოვანე ვერც გარედან შემოჰქონდათ და ვერც შიგნით ანარმოებდნენ. ყაჩაღების მთელი ხროვა ანიოკებდა ქვეყანას. დანაშაულისთვის არც არავინ ისჯებოდა. „იფიქრებდით, რომ ამ გაუბედურებულ და გაძარცვულ ქალაქში აღარავინ იყო საჭირო, არც ხელისნები და აღარც სახელმწიფო მოხელეები,“ — დიდი გულისტკივილით აღნიშნავს აპიანოსი (აპიანოსი, „სამოქალაქო ომები“, V, 18).

უმალესი ხელისუფალი კი რომში ამ დროს მხოლოდ ოქტავიანუსი იყო. მარკუს ლეპიდუსი ასპარეზზე არ ჩანდა, ანტონიუსი — კი აღმოსავლეთში იმყოფებოდა. არეულობით, უკანონობით, დაუსჯელობით და შიმშილით განამებული მოსახლეობის მთელი ზიზღი და აღშფოთება ოქტავიანუსს დაატყდა თავს. და აი, ოქტავიანუსის მიმართ ხალხის განწყობით ისარგებლა ფულვიამ. მან მოახერხა, რომ თავის მხარეზე გადმოებირებინა საკუთარი მავალი — კონსული ლუციუს ანტონიუსი. რომელთა ჩვეულების საპირისპიროდ, რომელიც ქალის სახლში ყოფნას მოითხოვდა, ფულვია ხალხის წინ ხშირად ჩნდებოდა ხოლმე. ნელზე მახვილშემორტყმული ფულვია ვეტერან მეომართა წინაშე სიტყვით გამოდოდა და ლუციუს ანტონიუსთან ერთად თავის გარშემო იკრებდა ყველას, ვინც კი ოქტავიანუსით იყო უკმაყოფილო (დიო კასიუსი, 48, 10). და თუმცა მარკუს ანტონიუსი ამ დროს შორს, აღმოსავლეთში იმყოფებოდა, ფულვიამ და ლუციუსმა ანტონიუსის ნათესაეების სახელი ამოიფარეს და ისე მოქმედებდნენ, თითქოს ანტონიუსის საქმეს იცავდნენ.

ფულვიას ახალი სამოქალაქო დაპირისპირების გასაჩაღებლად რამდენიმე მიზეზი ჰქონდა. ერთი მხრივ, მტრობას ოქტავიანუსის მიერ მისთვის მიყენებული პიროვნული შეურაცხყოფა ედო საფუძვლად. ოქტავიანუსმა ხომ მათი ოჯახის სახელი ლაფში ამოსვარა, როცა პირობის თანახმად ფულვიას ქალიშვილი — კლოდია ჯერ ცოლად შეერთო, შემდეგ კი ხელუხლებელი დედას უკან დაუბრუნა.

მაგრამ ამაზე უფრო ფულვიას ქმართან გაბზარული ურთიერთობა ანუ ხებდა. ანტონიუსი უკვე მეტისმეტად ყოვნდებოდა აღმოსავლეთში, სადაც მას კლეოპატრასთან რომანი ჰქონდა, ანტონიუსის ურთიერთობა ეგვიპტის დედოფალთან ფულვიასათვის მეტად საშიში ხდებოდა. ბუნებრივია, ცოლი ყოველნაირად ცდილობდა, ანტონიუსი კლეოპატრას სასიყვარულო ბაღიდან როგორმე გამოეხსნა. ანტონიუსის რომში უკან დასაბრუ-



ფულვია

ნებლად, ეს სამოქალაქო დაპირისპირება, ფულეიას აზრით, საკმარისი უნდა ყოფილიყო.



ამბობდნენ იმასაც, რომ ფულეია ყოველ ღონეს ხმარობდა, რათა ქმრის ეჭვიანობა გამოენდია და ამით მაინც ჩამოეყვანა უკან, რომში ანტონიუსი. ბოროტი ხმები ჰყვებოდნენ, რომ გამწარებულ ცოლს თავისი თავი ოქტავიანუსისთვისაც კი შეუთავაზებია. ერთ-ერთ ემიგრამაში მარციალისი ამის თაობაზე ხუმრობს, მასთან პირველ პირში ოქტავიანუსი ლაპარაკობს: „ფულეია მოითხოვს დავნეე მასთან, თითქოსდა ჩემი ბრალი იყოს ანტონიუსს გლაფირასთან რომ აქვს რომანი — ან იყავი ჩემთან, ან შემებრძოლე, — აი, ასე მეუბნება ფულეია,“ — იძახის ავგუსტუსი და დასძენს, — „არა, სიცოცხლე ჩემთვის ყველაზე ძვირფასი არაა. დაე, დასცენ ბუცსა და ნალარას, მე ბრძოლისთვის ვემზადები“ (მარციალისი, „ემიგრამები“, XI, 20).

ფულეიასა და ლუციუსის მიერ წამოწყებული პოლიტიკური კამპანია ძვ.წ. 41 წლის დასასრულს გაჩაღდა. იგი ისტორიაში „პერუზიის ომის“ სახელწოდებით შევიდა. აჯანყება ერთდროულად იტალიის რამდენიმე ქალაქში დაიწყო, მაგრამ ოქტავიანუსის მთავარსარდალმა აგრიპამ მოახერხა სამხედრო კამპანიის ერთ ადგილას მოქცევა და ქალაქ პერუზიაში აჯანყებულებს ალყა შემოარტყა. ალყამ რამდენიმე თვეს გასტანა. ძვ.წ. 40 წლის გაზაფხულზე მემობოხენი იძულებული გახდნენ დანებებულიყვნენ.

რას აკეთებდა ამ დროს ანტონიუსი?

როგორც ვიცით, იგი ეგვიპტეში კლეოპატრასთან სრულ განცხრომას ეძლეოდა. კლეოპატრას სასიყვარულო ტყვეობიდან იგი მხოლოდ მას შემდეგ გამოუხიზლდა, როცა შეიტყო, რომ პართელებმა რომაელთა აზიურ პროვინციებს შეუტიეს. მაშინ, ძვ.წ. 40 წლის გაზაფხულზე, ანტონიუსმა პართელებთან წინააღმდეგ გალაშქრება გადაწყვიტა. მაგრამ როცა ტიროსში ჩამოდგა, იგი მიხვდა, რომ მისი მცირერიცხოვანი ფლოტი ამ ომისთვის საკმარისი არ იყო. საბერძნეთიდან და იტალიიდან მას მნიშვნელოვანი შეესება ესაჭიროებოდა. ამიტომ გეზი შეცვალა და საბერძნეთისკენ გაემგზავრა, გზად მცირე აზიის ქალაქ ეფესოსში შეჩერდა. წყაროების ცნობით, სწორედ ეფესოსში შეიტყო პირველად ანტონიუსმა, თუ რა მოხდა პერუზიაში და რა დღეში აღმოჩნდნენ მისი თანამზრახველნი ქალაქის დაცემის შემდეგ. მისი ცოლი — ფულეია 3000 მხედრის თანხლებით ბრუნდიზიუმისაკენ გაიქცა. იქედან საბერძნეთში აპირებდა გამგზავრებას. სხვებმა სექსტუს პომპეუსთან — ოქტავიანუსის მოსისხლე მტერთან იპოვეს თავშეაფარი. მათ რიცხვში იყო ანტონიუსის ხანდაზმული დედა — იულიაც.

ანტონიუსი სასტიკად განრისხდა. რას ნიშნავდა ყოველივე ეს?

როგორ გაბედეს, მას არ დაეკითხნენ და ისე წამოიწყეს ომი, ომი, რო-



მელიც მას ამყამად არა თუ არ სჭირდებოდა, პირიქით — სასტიკად უშლიდა ხელს. წინ ხომ პართელებთან ვეებერთელა კამპანია ჰქონდა ჩასატარებელი. გაბრაზებულმა ანტონიუსმა შეუთვალა ცოლს, რომ საბერძნეთში ჩამოსული მას, ანტონიუსს ათენში დალოდებოდა (აპიანოსი, „სამოქალაქო ომები“, V, 50). შემდეგ თვითონაც ათენისკენ გამოემართა. ამის შემდეგ მოვლენათა განვითარებას წყაროები განსხვავებულად მოგვითხრობენ. ასე მაგალითად, პლუტარქეს მიხედვით, ფულვია, რომელიც ქმრის შესახვედრად მოცურავდა, ავად გახდა და ქალაქ სიკიონში გარდაიცვალა (პლუტარქე, „ანტონიუსი“, XXX). სხვა ვერსიით, ცოლ-ქმარის საბოლოოდ შეხვედრა ათენში შედგა. შეხვედრა ორივე მათგანისთვის მძიმე გამოდგა. ფულვია და ანტონიუსი ერთმანეთს გამალებულნი ჰკიცხავდნენ. ანტონიუსი სასტიკად ადანაშაულებდა ცოლს იმაში, რომ მან ქმრის უკითხავად სამოქალაქო ომი წამოიწყო, ეს ხომ სრული უგუნურობა, ნამდვილი სიციფე იყო (აპიანოსი, „სამოქალაქო ომები“, V, 52). ფულვია კი ანტონიუსს კლეოპატრასთან ლალატში სდებდა ბრალს. თან არც იმისი შესხენება ავიწყდებოდა, როგორ იჯდა ანტონიუსი უქმად აღმოსავლეთში, როცა ის — ქალი მის საქმეს იცავდა. ასე იყო თუ ისე, საერთო აზრით, ცოლ-ქმრის შეხვედრა ოქტავიანუსთან ომის დაწყებას მოასწავებდა. ანტონიუსი სამზადისს შეუდგა, რათა მონინაალმდეგის დასახვედრად მზად ყოფილიყო. მაგრამ ამასთან მტკიცედ ჰქონდა გადაწყვეტილი, რომ ომს პირველი არავითარ შემთხვევაში არ დაიწყებდა. ლოდინისთვის საუკეთესო ადგილად მან ბრუნდიზიუმი აირჩია და თავის ფლოტთან ერთად იქ ჩამოდგა.

ბრძოლისთვის არც მეორე მხარე იყო მზად. ოქტავიანუსს დასავლეთის პროვინციებში ბევრი რამ ჰქონდა მოსაგვარებელი. ამიტომაც, ბუნებრივია, ძალიან აწყობდა, რომ როგორმე ანტონიუსს მოლაპარაკებოდა. მაგრამ არც ერთ მათგანს არ სურდა გარიგება პირველს დაეწყო. როგორც ჩანს, კონფლიქტში მესამე მხარის ჩართვა იყო საჭირო. აი, სწორედ ამ დროს მოხდა ის, რასაც არავინ მოელოდა. საბერძნეთში, ქალაქ სიკიონში მოულოდნელად გარდაიცვალა ფულვია (დიო კასიუსი, XLVIII, 28; აპიანოსი, „სამოქალაქო ომები“, V, 50). ფულვიას სიკვდილმა მონინაალმდეგეებს დაზავება გაუადვილა, რადგან ახლა შეიძლებოდა ყველაფერი ამ ქალისთვის დაებრალბინათ. და მართლაც, ანტონიუსმა ოქტავიანუსს განუცხადა, ვაღიარებ, რომ ჩემი ცოლი ფულვია არასწორი იყო. ოქტავიანუსმაც მეტოქეს ასეთივე თავაზიანობით უპასუხა. მან შეუთვალა ანტონიუსს, რომ იგი პირადად მას არაფერში ადანაშაულებდა და რომ ყველა ბრალდებას, რომელსაც მონინაალმდეგენი ანტონიუსს უყენებდნენ, იგი — ოქტავიანუსი მხოლოდ ფულვიას მიანერდა (პლუტარქე, „ანტონიუსი“, XXX). დამ-



ვალვია



თავრდა სამოქალაქო დაპირისპირება, რომელშიც, ფაქტობრივად, ყველა ფულვიას სდებდა ბრალს. ძვ.წ. 40 წლის ნოემბერში ბრუნდიზიუმში ოქტავიანუსსა და ანტონიუსს შორის ახალი ხელშეკრულება დაიდო.

ასე დაასრულა ცხოვრება ფულვიამ, რომელიც ტრადიციის მიხედვით განსაკუთრებულად ხარბი, ანგარებიანი, სასტიკი და ძალაუფლების უზომოდ მოყვარული ქალი გახლდათ, ამასთან იგი გამჭრიახი და უზომოდ მიზანსწრაფული პიროვნებაც იყო.

ილბლიანი არც მისი და ანტონიუსის შვილების ბედი გამოდგა. ორი ვაჟიშვილთაგან, უფროსი — „ანტილუსად“ წოდებული, აქციუმთან ანტონიუსის განადგურების შემდეგ ოქტავიანუსმა სიკვდილით დასაჯა. უმცროსი — იულიუს ანტონიუსი რომში მარკუს ანტონიუსის ცოლმა — ოქტავია უმცროსმა გაზარდა და ამასთან მის პოლიტიკურ წინსვლას ყოველმხრივ შეუწყო ხელი. მან იულიუს ანტონიუსს თავისი ქალიშვილი — მარკელა გააყოლა. მაგრამ ამ ანტონიუსმაც უბედურად დაასრულა სიცოცხლე. ძვ.წ. 2 წელს იგი ავგუსტუსის ქალიშვილთან — იულიასთან სიძვაში დაადანაშაულებს და სიკვდილი მიუსაჯეს. იულიუს ანტონიუსმა განაჩენის აღსრულებას დაასწრო და სიცოცხლე თავად მოისწრაფა.





შენიშვნები:

- ¹ მარკუს ფულვიუს ბამბალიო — ე.წ. „ენაბლუ“. ფულვიუსების ცნობილი გვარის ეს წარმომადგენელი წყაროებში ნაკლებად მოიხსენიება.
- ² გაიუს სკრიბონიუს კურიონი — იმ პერიოდის აქტიური პოლიტიკური ფიგურა. ძვ.წ. 50 წელს გადავიდა ოპტიმატების მხარეზე, ეკავა ტრიბუნის თანამდებობა და უპირისპირდებოდა კეისარს. მაგრამ როცა ოპტიმატებმა არ გაიზიარეს მისი წინადადებები და ამასთან ქრთამად კეისარმა დიდძალი თანხა შესთავაზა, კურიონი კეისრის მხარეზე გადავიდა. ძვ.წ. 49 წელს იგი აფრიკაში იუბას მიერ იქნა მოკლული. კურიონისა და ფულვიას ვაჟი ოქტავიანუსმა აქციუმთან ბრძოლის შემდეგ სიკედილით დასაჯა.
- ³ II ტრიუმვირატში (სამთა კავშირში) — შედიოდნენ ოქტავიანუს ავგუსტუსი, მარკუს ანტონიუსი და მარკუს ემილიუს ლეპიდუსი. ეს უკანასკნელი კეისრის აქტიური თანამზრახველი იყო და მის დროს მნიშვნელოვანი თანამდებობები ეკავა. კეისრის მკვლელობის შემდეგ ლეპიდუსი მარკუს ანტონიუსს მიემხრო, შეთანხმების თანახმად მას სამართავად აფრიკის პროვინციები ჩააბარეს. ძვ.წ. 36 წელს ოქტავიანუსმა იგი პოლიტიკურ ასპარეზს ჩამოაშორა და ამის შემდეგ მარკუს ემილიუს ლეპიდუსს არავითარი მნიშვნელოვანი პოლიტიკური ფუნქცია აღარ ჰქონია.





ლივია

ლივია ოქტავიანუს ავგუსტუსის ცოლი იყო. ოქტავიანუსი თავის მიერ შექმნილი სახელმწიფოს — პრინციპატის პირველი პრინცესაი, რომის უმაღლესი ხელისუფალი გახლდათ. შესაბამისად, ლივიათი იწყება იმ ქალთა რიგი, რომლებიც რომის სახელმწიფოს პირველ ქალბატონებს წარმოადგენდნენ. დღეს ტრადიციის შესაბამისად ჩვენ ოქტავიანუს ავგუსტუსს — პირველ იმპერატორს ვუნოდებთ, ლივიას კი — პირველ იმპერატრიცას; თუმცა, უნდა ითქვას, რომ „იმპერატორი“ ოქტავიანუსისა და ლივიას დროს მხოლოდ უმაღლესი მთავარსარდლის ტიტულს აღნიშნავდა.

ლივია ლამაზი, ჭკვიანი და ენერგიული ქალი იყო. ძალაუფლების უზომო სიყვარულს ეს ეშმაკი ქალი ქველი და დარბაისელი მატრონას ნიღაბქვეშ ოსტატურად მალავდა. პირმოთნეობით აღსავსე ლივია გაცილებით აქტიურად ერეოდა სახელმწიფო საქმეებში, ვიდრე ეს ერთი შეხედვით ჩანდა.

როცა ლივიას შესახებ მოგვითხრობენ, უმთავრესად მისი ცხოვრების მეორე ნაწილი არის ყურადღების ცენტრში — ის წლები, როცა იგი ავგუსტუსის ცოლი იყო, თუმცა მან იქამდეც საინტერესო და თავგადასავლებით აღსავსე ცხოვრების გავლა მოასწრო.

ლივია წარმოშობით წარჩინებული რომაული ოჯახიდან იყო. მამამისი — აპიუს კლავდიუს პულხერი მარკუს ლივიუს დრუზუსმა იშვილა¹ და შესაბამისად ამის შემდეგ იგი მარკუს ლივიუს დრუზუს კლავდიანუსად იწოდებოდა. დედას აღფიდავს სახელით ვიცნობთ. ლივია ძვ.წ. 58 წელს დაიბადა. ძვ.წ. 43 თუ 42 წელს იგი კლავდიუს ტიბერიუს ნერონზე დაქორწინდა. ეს უკანასკნელი ამ დროისთვის უკვე სახელგანთქმული მეომარი იყო. იგი იულიუს კეისრის გვერდით იბრძოდა და კეისრის მიერ წარმოებულ



აღექსანდრიულ ომში მის ფლოტს წინამძღოლობდა. მისმა პროფესიონალიზმმა და სამხედრო ნიჭიერებამ მნიშვნელოვანწილად განაპირობა ამ ომში კეისრის ნარმატება. ამ დამსახურებისთვის ტიბერიუსს კლავდიუს ნერონი პონტიფექსად² დანიშნეს და გალიაში კოლონიების მოსაწყობად გაგზავნეს. მისი აღმავალი კარიერა კეისრის მკვლევლობით (ძვ.წ. 44) ფაქტობრივად დასრულდა.

კეისრის მკვლევლობის შემდგომ რომს საშინელი წლები დაუდგა. აღსრულდა კეისრის წინასწარმეტყველება — მე თუ რაიმე მომივა, სახელმწიფო სიმშვიდეს ველარ ნახავს და კიდევ უფრო საშინელი სამოქალაქო ომების ცეცხლში გაეხევეაო.

თავისუფლება, რომლის მოტანასაც კეისრის მკვლევლები იმედოვნებდნენ, ეფემერული აღმოჩნდა. „ისე მოჩანდა, თითქოს კეისრის და პომპეუსის მკვლევლობის შემდეგ, რომელი ხალხი უწინდელ თავისუფლებას დაუბრუნდა და ის, მართლაც დაუბრუნდებოდა, პომპეუსს შვილები რომ არ დაეტოვებინა, კეისარს — კი მემკვიდრე, და რაც ყველაზე დამლუპველი იყო, რომ არ გადარჩენილიყო ანტონიუსი, ოდესღაც კეისრის მეგობარი, მოგვიანებით — მისი მეტოქე, მომდევნო წლების ქარიშხალი და ჩირაღდანი,“ — შენიშნავდა ისტორიკოსი ლუციუს ანეუს ფლორუსი (ფლორუსი, IV, 3, 1-2).

ამ ნაწყვეტში ჩამოთვლილი პირები, მართლაც ის ადამიანები იყვნენ, რომლებიც კეისრის შემდგომ რომის პოლიტიკურ ცხოვრებას წარმართავდნენ. ამათგან მარკუს ანტონიუსს ყველა იცნობდა. კეისრის უპირველესმა მეგობარმა მომხდარის გამო ხალხის აღშფოთებით ისარგებლა, მაგრამ ამავდროულად მოახერხა, მორიგებოდა კეისრის მკვლევლებს, რომელთა წინააღმდეგაც იგი იმ ხანად გალაშქრებას არ აპირებდა და, ფაქტობრივად, რომის ბატონი გახდა. ერთადერთი რეალური ძალა, რომელიც მას უპირისპირდებოდა, სახელგანთქმული ორატორი — ციცერონი გახლდათ.

მაგრამ ყველასათვის მოულოდნელად ასპარეზზე ოქტავიანუსი გამოჩნდა. როდესაც კეისრის ანდერძი გახსნეს, აღმოჩნდა, რომ ყოფილი დიქტატორი სწორედ ამ ახალგაზრდა ყმანვილს — თავისი დის შვილიშვილს აცხადებდა თავის მემკვიდრედ და ქონების უდიდეს ნაწილსაც მას უტოვებდა. თავად ოქტავიანუსმა ამის შესახებ რომიდან შორს — ილირიის ქ. აპოლონიში შეიტყო და დაუყოვნებლივ გამოემართა იტალიისაკენ, თუმცაღა კარგად ხედებოდა, რომ კანონიერი მემკვიდრეობის მიღება ერთობ რთული საქმე იქნებოდა.

რომში ჩამოსული იგი ოფიციალურად გამოცხადდა კეისრის შვილად და ოულიუს კეისარ ოქტავიანუსად იწოდა. შემდეგ იგი კუთვნილი მემკვიდრეობის მისაღებად ანტონიუსთან გაემართა, რომლის სახლშიც, კეისრის ცოლმა კალპურნიამ ქმრის მთელი ქონება გადაიტანა.



ბუნებრივია, ისედაც დაძაბულ სიტუაციაში ანტონოუსს ახალი მეტოქის გამოჩენა არაფრად ეპიტანავა, თუმცაღა პირველ ხანებში კეისრის ახლად-გამომცხვარ მემკვიდრეს — 19 წლის ყმანვილს, სერიოზულად არც კი აღიქვამდა. მემკვიდრეობის მიცემაზე მან ოქტავიანუსს უარი განუცხადა.

მაგრამ დიდმა მთავარსარდალმა ჯეროვნად ვერ შეაფასა ვერც ოქტავიანუსის პატივმოყვარეობა და ვერც ის დიპლომატიური ნიჭი, რომლითაც ეს ახალგაზრდა იყო დაჯილდოებული. და მართლაც, ოქტავიანუსმა ყველაფერი გააკეთა, რათა ანტონიუსისათვის თავისი ძალა დემიტკიცებინა. უპირველეს ყოვლისა, მან დიდი ორატორის — ციცერონის მხარდაჭერა მოიპოვა, რომელმაც დაარწმუნა სენატი, რომ მათ არა მარტო უნდა გაეძევებინათ რომიდან ანტონიუსი, არამედ აუცილებელი იყო მის წინააღმდეგ შეიარაღებული ძალების გაგზავნაც. სენატის ჯარებთან ბრძოლაში ანტონიუსი დამარცხდა, არმია კი ოქტავიანუსის მხარეზე გადავიდა. აი, მაშინ იზეიმა კეისრის მემკვიდრემ თავისი პირველი გამარჯვება ანტონიუსზე. შემდეგ კი ციცერონის დახმარებით კონსულიც გახდა და ჯარიც შეინარჩუნა. და როდესაც ყველაფერი მიიღო, რაც კი სურდა, „ამ ყმანვილმა“ თავად ციცერონიც გააცურა, რომელსაც თანაკონსულობას ჰპირდებოდა და სენატს მეორე კონსულად საკუთარი ნათესავი აარჩევინა.

ოქტავიანუსმა ისე სწრაფად მოიპოვა უზარმაზარი ძალაუფლება, რომ ირგვლივ მყოფნი გონსაც ვერ მოეგნენ. სულ ცოტა ხნის წინ ხომ ამ ყმანვილს თითქმის არავინ იცნობდა. ახლა კი კეისრის მემკვიდრემ ყველას დაუმტკიცა, რომ მისთვის სერიოზული ანგარიში უნდა გაენიათ. ოქტავიანუსს მოკავშირე ესაჭიროებოდა. და რადგან ანტონიუსს ჯერ კიდევ დიდი ძალა ჰქონდა, ხოლო მას კეისრის მკვლელები უპირისპირდებოდნენ, რომლებზეც კეისრის შვილობილს შურისძიების ალტჟმა ჰქონდა დადებული, ოქტავიანუსმა ჯეროვნად შეაფასა ვითარება და მოკავშირედ ანტონიუსი აირჩია. ანტონიუსმა, ოქტავიანუსმა და მარკუს ემილიუს ლეპიდუსმა გააერთიანეს თავიანთი ძალები და უმაღლესი ხელისუფლება გაიყვეს. ამის შედეგი იყო სწორედ მეორე ტრიუმვირატის შექმნა.

ძვ. წ. 42 წლის შემოდგომაზე ტრიუმვირებმა კეისრის მკვლელებზე იძიეს შური და ფილიპოსთან (მაკედონიაში) ბრტუსის და კასიუსის არმია დაამარცხეს. ამის შემდეგ ანტონიუსი აღმოსავლეთისკენ გაემართა.

მაგრამ თავიდანვე ნათელი იყო, რომ ტრიუმვირთა შორის დაზავება მხოლოდ დროებითი შეიძლებოდა ყოფილიყო. განსაკუთრებით დაძაბული იყო ურთიერთობა ამ კავშირის ორ მთავარ წევრს — ოქტავიანუსსა და ანტონიუსს შორის. ჩასაფრებულები, ისინი ერთმანეთის წარუმატებლობას ხელიდან არ უშვებდნენ. ეს კი არც თუ იშვიათად, უკეთეს შემთხვევაში სამოქალაქო დაპირისპირებას წარმოქმნიდა. თითქოს ანტონიუსი შორს, აღმოსავლეთში იმყოფებოდა და რომში მყოფ ოქტავიანუსისთვის დაბრკო-



ლიპია



ლება არ უნდა შეექმნა. მიუხედავად ამისა, როგორც კი ძვ.წ. 41 წლის ბოლოსთვის რომში მდგომარეობა უკიდურესად დაიძაბა, როდესაც ხალხის ზიზი და აღშფოთება დედაქალაქში მყოფ ერთადერთ ხელისუფალს — ოქტავიანუსს დაატყდა თავს, ამით მაშინვე ისარგებლეს ანტონიუსის უახლოესმა ნათესაებმა — ცოლმა ფულვიამ და ძმამ — ლუციუს ანტონიუსმა და ოქტავიანუსის წინააღმდეგ სამხედრო კამპანია წამოიწყეს.

ასეთი იყო მდგომარეობა ქვეყანაში, როდესაც ლივიას ქმარი — კლავდიუს ტიბერიუს ნერონი, ისევე ჩნდება ასპარეზზე. ამ სამოქალაქო დაპირისპირებაში იგი ოქტავიანუსის მონინააღმდეგეთა რიგებში აღმოჩნდა და ლუციუს ანტონიუსს პერუზიაში გააყვა. ძვ.წ. 40 წლის გაზაფხულზე, როცა აჯანყებულები ოქტავიანუსს დანებდნენ, ტიბერიუს ნერონმა დამარცხებულთა ხვედრი არ გაიზიარა და ბრძოლა მარტომ განაგრძო. ამ კამპანიის დროს მას თან ახლდა ცოლი — ლივია და მცირენალოვანი ვაჟიშვილი ტიბერიუსი, სწორედ ის ტიბერიუსი, რომელსაც ეწერა, რომ მომავალში რომის იმპერატორი გამხდარიყო. მაშინ ხომ ამას ვერაფერს ნარმოიდგენდა. ოჯახმა ბევრი ინანალა, ყოველ წუთს მათ სიკვდილის საფრთხე ემუქრებოდათ, მტერი ფეხდაფეხ მოსდევდა. როგორც იქნა, ნეპოლში მდევარს ერთი ფეხით გაუსწრეს და გემზე ასელა მოახერხეს. მაგრამ აქაც ძლივს გადაურჩნენ განსაცდელს, — პატარა ტიბერიუსი ატირდა, მგზავრთა ყურადღება მიიპყრო და კინაღამ გასცა მშობლები. შემდეგ ერთხანს ისინი სიცილიაში იმალებოდნენ, აქედან კლავდიუს ტიბერიუსი ოჯახთან ერთად საბერძნეთში გადავიდა. იქ მათ კიდევ ერთი ხიფათი ელოდათ. ღამით, როდესაც ისინი საბერძნეთიდან მოემგზავრებოდნენ, ტყეს უეცრივ ყოველი მხრიდან ცეცხლი წაეკიდა. ცეცხლის ალი მგზავრებსაც მისწვდა, ლივიას თმებსა და ტანსაცმლის კიდეზე მოედო. ღმერთის წყალობით ამ განსაცდელსაც გადაურჩნენ. ვინ იცის, რამდენ ხანს გაგრძელდებოდა მათი ხეტიალი, რომ პოლიტიკური მონინააღმდეგენი არ შერიგებულაყვნენ. ძვ.წ. 39 წელს საყოველთაო ამნისტია გამოცხადდა და ყველანი თავიანთი სახლებისკენ გაემგზავრნენ. ტიბერიუს ნერონიც ოჯახთან ერთად რომში დაბრუნდა (სვეტონიუსი, „ტიბერიუსი“, 4, 6).

კლავდიუს ტიბერიუს ნერონს ან უკვე ყოფილი პოლიტიკური მონინააღმდეგე — ოქტავიანუსი — ახლა პირად ცხოვრებაში მოველინა მეტოქედ. წყაროები დეტალებს არ გვიყვებიან და მოკლედ გვაძმცნობენ, რომ რომში დაბრუნებული ლივია მალე ავგუსტუსმა ცოლად შეირთოო. ამის შემდეგ ავგუსტუსი დაქორწინდა ლივია დრუსილაზე, რომელიც ორსული, ქმარს — ტიბერიუს ნერონს წაართვა. და ეს ქალი, როგორც არავინ სხვა, ისე უყვარდა და პატივს მიაგებდა, ვიდრე სიკვდილამდე“ (სვეტონიუსი, „ავგუსტუსი“, 62). და თუმცა განქორწინებული თუ ქვრივი ქალისთვის ახალი ქორწინება ათი თვის განმავლობაში აკრძალული იყო, ოქტავიანუსის



მოთხოვნით ლივიასათვის გამოწვეული იქნა დაშვებული. ამასთან ოქტა-
ვიანუსმა და ტიბერიუს ნერონმაც მოახერხეს შეთანხმება და იმასაც კი
ამბობდნენ, ეს უკანასკნელი თავისი ცოლის საქორწინო ნადიმსაც ესწრე-
ბოდაო. შესაძლოა, მას სწყდებოდა გული ლივიაზე, მაგრამ იმასაც მშვე-
ნიერად ხედებოდა, რომ ოქტავიანუსთან, უმაღლეს ხელისუფალთან ვე-
რაფერს გახდებოდა. თან იმის დაეინყებაც ძნელი იყო, რომ ოქტავიანუს-
მა იგი სულ რამდენიმე თვის წინ შეიწყალა. ქორწინებიდან სამი თვის შემ-
დეგ ლივიას მეორე ვაჟი — დრუსუსი გაუჩნდა. გავრცელდა ჭორი, რომე-
ლიც ამგვარი პიკანტური სიტუაციებისთვის ტიპიურია — თითქოს ახალ-
შობილის მამა ლივიას პირველი ქმარი კი არა, თავად ოქტავიანუსი ყოფი-
ლიყო. „ილბლიანები მესამე თვეზე მშობიარობენო“, — ქილიკობდნენ რო-
მაელები ოქტავიანუსსა და ლივიაზე (სვეტონიუსი, „კლავდიუსი“, 1). მაგ-
რამ ჭორს ოფიციალური სტატუსი არა აქვს და ბავშვის მამად, ბუნებრი-
ვია, ლივიას პირველი ქმარი ითვლებოდა.

ოქტავიანუსსა და ლივიას საკუთარი შვილი არ ჰყოლიათ, თუმცა ავ-
გუსტუსი ყველაზე მეტად ამაზე ოცნებობდა. ლივია მხოლოდ ერთხელ იყო
ფეხმძიმედ ავგუსტუსისაგან, მაგრამ ბავშვი დროზე ადრე, უღლეური და-
იბადა (სვეტონიუსი, „ავგუსტუსი“, 63).

ლივიასა და ოქტავიანუსის ქორწინება გამორჩეულად ილბლიანი გა-
მოდგა. უპირველეს ყოვლისა, ამას, ალბათ, მათი ხასიათთა მსგავსება გა-
ნაპირობებდა. ავგუსტუსის რკინისებურ პატივმოყვარეობას, გასაოცარ
ქვემ-ქვეშობასა და გულქვეობას კარგად ეთავსებოდა ლივიასეული ძა-
ლაუფლების სიყვარული, მისი გამჭრიახი გონება და თანდაყოლილი ტაქ-
ტი. ცოლის თვისებათაგან ავგუსტუსს ყველაზე უფრო ის მოსწონდა, რომ
ლივიას შეეძლო თავისი ჭეშმარიტი ზრახვები შეენიღბა და გარეგნულად
ყველაფერი ისე წარმოეჩინა, როგორც ეს ოქტავიანუსს — მის ქმარს სურ-
და. ქმართან ურთიერთობის ტაქტიკა ლივიას ზედმინუენით კარგად ჰქონ-
და გააზრებული. ერთხელ ვილადან ლივიასათვის უკითხავს, თუ როგორ
მოახერხა მან ავგუსტუსზე ესოდენ დიდი ზეგავლენის მოპოვება, რაზე-
დაც ლივიას ასეთი პასუხი გაუცია: „დავინწყით იმით, რომ ქმრისთვის არა-
სოდეს მილაღატინია, ამის გარდა სიხარულით ვაკეთებდი ყველაფერს, რაც
კი მას სიამოვნებას მოჰგვრიდა, არასოდეს ვყოფდი ცხვირს მის საქმეებ-
ში, მაგრამ ყველაზე მეტად ამას იმით მივალწი, რომ ქმარს მუდამ ისე
ვაჩვენებდი თავს, თითქოს არც ოდესმე გამეგოს რაიმე და არც ოდესმე
მენახოს ისინი, ვინც მისი გადაცემის ობიექტები იყვნენო“ (დიო კასიუსი,
58, 2, 5). ჩამონათვალთაგან ლივიას განაცხადი იმის თაობაზე, რომ იგი
ქმრის საქმეებში არ ერეოდა, სინამდვილისაგან შორს არის, რაშიც მკითხ-
ველი თავად დარწმუნდება. მაგრამ ისიც უნდა ითქვას, რომ ლივია ამას
მეტად მარჯვედ და ოსტატურად აკეთებდა.



ლივია



რაც შეეხება ლივიას ნათქვამს, რომ იგი ქმრის სასიყვარულო თავგადასავლებს არ იმჩნევდა, ეს ნამდვილად შეესაბამებოდა სიმართლეს, ყოველ შემთხვევაში, სხვა წყაროებიც ამასვე გვიდასტურებენ. ავგუსტუსი დიდი მექალთანე იყო. ანტიკური ავტორები მოგვითხრობენ, თუ როგორ ეძებდნენ მეგობრები მისთვის საყვარლებს. ისინი ჯერ საგანგებოდ გამოიკითხავდნენ ლამაზი ქალების შესახებ, შემდეგ კი ავგუსტუსის საყვარლობის კანდიდატებს გულდასმით დათვალაობას უწყობდნენ. ასაკში მყოფ ავგუსტუსს, განსაკუთრებით თურმე ახალგაზრდა ქალიშვილები მოსწონდა. სვეტონიუსის გადმოცემით, იმპერატორისთვის ქალწულთა მოძიებით თავად ლივიაც კი ყოფილა დაკავებული. ცნობილია ანტონიუსის წერილი ავგუსტუსისადმი მიწერილი იმ წერილის საპასუხოდ, რომელშიაც ოქტავიანუსი ანტონიუსს ოქტავიას — მისი კანონიერი ცოლის — ღალატის გამო აკიცხავდა: „ოქტავიანუსს, ნეტავ რამ აღგაშფოთა ასე? ნუთუ იმან, რომ დედოფალთან ვცხოვრობ? მაგრამ იგი ხომ ჩემი ცოლია და ეს ამბავი გუშინ არ დანახებულა, აგერ უკვე ცხრა წელია, რაც მასთან ვარ. შენ რისი თქმა გინდა, ნუთუ იმისი, რომ მხოლოდ ლივია დრუზილასთან ცხოვრობ? ჭირმა წამიღოს, თუ ამ წერილის კითხვისას არ იწვე ტერტულასთან, თუ ტერენტილასთან, რუფილასთან, თუ სალვია ტიტინიასთან, შეიძლება ყველასთანაც — კი. და საერთოდ, განა სულ ერთი არ არის, ვისთან და სად დაეხეტები?“ (სვეტონიუსი, „ავგუსტუსი“, 69; 71). ოქტავიანუსის გატაცებას ლამაზმანებით ცოლ-ქმრის ურთიერთობაში ბზარი არ შექმნდა. ლივიამ მშვენივრად იცოდა, რომ მისი რეალური მეტოქე ოქტავიანუსის საყვარლებიდან არაეინ იყო.

კრიტიკულ მდგომარეობაში ლივია მუდამ ოქტავიანუსის გვერდით იდგა და არა მხოლოდ მორალურად. და თუმცა სამხედრო ბანაკში ცოლის თანხლება იმ პერიოდის რომაული საზოგადოებისთვის უცხო და ახალი იყო, ლივია ხშირად დაჰყვებოდა ქმარს ლაშქრობებში, როგორც დასავლეთში, ისე აღმოსავლეთში (ტაციტუსი, „ანალები“, III, 4).

ამასობაში ლივია, როგორც რომის ერთ-ერთი უმაღლესი ხელისუფალის ცოლი, თავისი სტატუსის ოფიციალურ გამოხატულებებს წელ-წელა იღებს. მას აძლევენ უფლებას, რომ მეურვის გარეშე, პირადად განკარგოს საკუთარი ფინანსები — სიახლე რომაული სინამდვილისთვის. ამასთან ლივიას „ხელშეუხებლობას“ ანიჭებენ, რაც ერთგვარ იმუნიტეტს ნიშნავდა და აქამდე ტრიბუნის პრივილეგიას წარმოადგენდა. ლივია ხდებდა ისეთივე დაცული პერსონა, როგორც მისი ქმარი — ოქტავიანუსი. რომში აღმართავენ ლივიას ქანდაკებას, რაც უნდა ითქვას, რომ იმ ხანად ქალისთვის უნიკალური პატივი იყო, თუნდაც იგი ხელისუფლის მეუღლე ყოფილიყო.

ავგუსტუსის ცოლის არაოფიციალური, რეალური ძალაუფლება კიდევ უფრო დიდი იყო. ლივიას ირგვლივ სხვადასხვა პროფესიის და საქმიანო-



ბის ადამიანთა ფართო წრე იყო შემოკრებილი. ლივია ხშირად ეხმარებოდა მათ წინსვლაში. მას შესწევდა ძალა თავისი პროტექტე გაეხადა სენატორი, თვით კონსულიც კი. ამასთან ლივია აქტიურად ერეოდა თავისი მეგობრების თუ დაახლოებული პირების პირად ცხოვრებაშიც. მაგალითად, ცნობილია, რომ მისმა შვილიშვილმა კლავდიუსმა ლივიას პროტექტეს — პლავტიუს სილანუსის ქალიშვილი — ურგულანია ბებიის გულმოდგინე მეცადინეობის შედეგად ითხოვა. ტაციტუსი ლივიას ზედმინენით ზუსტად და ლაკონურად ახასიათებს: „ლივია კერიის სინმინდეს მტკიცედ იცავდა, ისე, როგორც ეს წინაპართა ადათებს შეეფერებოდა. მაგრამ ამავე დროს იგი უფრო აღერსიანი ქალი გახლდათ, ვიდრე ტრადიციულად ქალებისთვის იყო მიღებული. ლივია უზომოდ მოყვარული დედა და შემწყნარებელი ცოლი იყო. ამასთან იგი მშვენივრად ახერხებდა მისადაგებობად ქმრის ქვეშ-ქვეშობას და შვილის თვალთმაქცობას“ (ტაციტუსი, „ანალები“, V, 1).

როდესაც ოქტავიანუსმა ლივია შეირთო, მას ერთპიროვნული მმართველობა არ ჰქონდა, წინ გრძელი და რთული გზა ედო. მას ჯერ კიდევ უნდა დაემარცხებინა თავისი მონინაალმდეგენი თუ დროებითი მოკავშირეები. და აი, ოქტავიანუსი თანდათანობით იშორებს თავიდან მეტოქეებს — ძვ.წ. 36 წელს მარკუს ემილიუს ლეპიდუსს ჩამოაცილებს პოლიტიკურ ასპარეზს, ძვ.წ. 35 წელს ილუპება სექსტუს პომპეუსი — გნეუს პომპეუსის ვაჟი, ხოლო ძვ.წ. 31 წელს აქციუმთან გამართულ ისტორიულ ბრძოლაში ოქტავიანუსი საბოლოოდ ანადგურებს თავის მთავარ მონინაალმდეგეს — მარკუს ანტონიუსს.

როგორც იქნა სამოქალაქო ომი დამთავრდა და რომმაც თავისუფლად ამოისუნთქა. სახელმწიფო ხელისუფლება მთლიანად ოქტავიანუსის ხელთ აღმოჩნდა. კეისრის მემკვიდრე ფრიად საპასუხისმგებლო არჩევნის წინაშე დადგა. დიო კასიუსი მოგვითხრობს, რომ ოქტავიანუსი ორჭოფობდა, ხომ არ ეთქვა უარი ძალაუფლებაზე და მმართველობა სენატისა და ხალხისთვის ხომ არ გადაეცა. ამ მიზნით იგი თავის უახლოეს გარემოცვას — მეცენატსა და აგრიპას მოეთათბირა.

აგრიპამ შესთავაზა ოქტავიანუსს ერთმმართველობაზე უარი განეცხადებინა, მეცენატი კი პირიქით ურჩევდა მას, რომ ხელისუფლების სათავე ხელში მტკიცედ აეღო. ორივე მხარემ ფრიად საგულისხმო არგუმენტები მოიყვანა. ავგუსტუსმა უპირატესობა მეცენატის სიტყვებს მინიჭა, რომელიც, აი, რას ეუბნებოდა კეისარს: „თუ შენ სამშობლოზე ზრუნავ, რომლისთვისაც ამდენს ომობდი და რომლისთვისაც სულსაც კი გაიღებდი, მაშინ გარდაქმენი იგი და ყველაზე რაციონალური გზებით წესრიგში მოიყვანე. შესაძლებლობა იმისა, რომ თითოეულმა ადამიანმა თქვას და აკეთოს ყველაფერი, რასაც კი მოისურვებს — საყოველთაო კეთილდღე-



ლივია



ობის წყაროა, მაგრამ მხოლოდ იმ შემთხვევაში, თუ საქმე კეთილგონიერ პიროვნებებთან გაქვს. მაგრამ ამავე შესაძლებლობას უბედურება მოაქვს, თუკი ირგვლივ უგუნური ადამიანები არიან, ამიტომ ის, ვინც უგუნურთ ანიჭებს თავისუფლებას, იმავეს სჩადის — ბავშვს ან ჭკუასუსტს რომ აძლევდეს მახვილს. ხოლო ის, ვინც თავისუფლებას კეთილგონიერ მოქალაქეებს გადასცემს, მას ყველასთვის ხსნა მოაქვს, მათ შორის შეშლილთათვისაც, მათივე ნების საწინააღმდეგოდ...

დაე, ნუ იფიქრებ იმას, თითქოს მე გირჩევდე ტირანი გახდე და სენატი და ხალხი მონად აქციო. ამას ჩვენ ვერასოდეს გავებდავთ — ვერც მე, რომ ვთქვა და ვერც შენ, რომ გააკეთო* (დიო კასიუსი, 52, 14-15).

როგორც დიო კასიუსი გვამცნობს, ოქტავიანუსმა უპირატესობა თუმცა მეცენატის რჩევას მიენიჭა, სინადვილემი მისი ყველა მოსაზრება კეისარმა დაუყოვნებლივ არ განახორციელა, რადგან ეშინოდა, თუ ძალზე სწრაფად შეუდგებოდა ხალხის გარდაქმნას, შესაძლოა, საქმე გაეფუჭებინა (დიო კასიუსი, 52, 41).

ოქტავიანუსს კარგად ახსოვდა, თუ როგორ არ მოსწონდა რომაელ ხალხს იულიუს კეისრის წადილი ერთმმართველი ყოფილიყო, ისიც მშვენივრად ესმოდა, რომ წინაპრის შეცდომა არამც და არამც არ უნდა გაემეორებინა. ამიტომაც მან უარი განაცხადა მთელი ცხოვრება დიქტატორად და კონსულად დარჩენილიყო. როგორც იგი შემდეგ თავის ავტობიოგრაფიაში ჩანერს: „...მქონდა რა საყოველთაო თანხმობით გადმოცემული უმაღლესი ძალაუფლება, მე ერთპიროვნულ მმართველობაზე უარი განვაცხადე და სენატსა და რომაელ ხალხს სახელმწიფოს მმართველობა ჩავაბარე. ამ ჩემი დამსახურების გამო და სენატის დადგენილებით, მომანიჭეს კიდევ ავგუსტუსის ტიტული“ (ლას, 34). ეს წოდება სენატმა მას ძვ.წ. 27 წელს უბოძა.³ საპატიო ტიტულთაგან ოქტავიანუსი მხოლოდ ერთს — „პრინციპის“ ტიტულს დასთანხმდა.⁴ ეს მისი უმაღლესი ტიტულატურა გახლდათ. არსად, არც ერთ დოკუმენტში ოქტავიანუსი მონარქად არ ყოფილა წოდებული. ბრძნულად განმსჯელი და საუკეთესო დიპლომატი, იგი ყოველმხრივ ცდილობდა რომის სახელმწიფო გარეგნულად რესპუბლიკისთვის დაემსგავსებინა, ამიტომ ფორმალურად მან ყველა ძველი რესპუბლიკური ინსტიტუტი შეინარჩუნა. უაღრესად პატივმოყვარეს, ავგუსტუსს ეყო იმისი ჭკუა, რომ თავისი სახელობის ტაძრები არ აეშენებინა. მეტიც, მის პატივსაცემად ჩამოსხმული ვერცხლის ქანდაკებები პრინციპის ბრძანებით მონეტებად გადაადნეს და ამ თანხით გაკეთებული ორი ოქროს სამფეხა აპოლონს შესწირეს. ამ გარეგნული მოკრძალებულობის მიღმა, თქმა არ უნდა, ავგუსტუსს ფაქტობრივად, მონარქის ძალაუფლება ჰქონდა.

იმ პატივს, რომელსაც მას სენატი და რომაელი ხალხი მიაგებდა „სიმა-



მაცის, სამართლიანობის, გულმონყალების და ღვთისმოსაობის" გამო, როგორც თავადვე აღნიშნავს ავგუსტუსი ავტობიოგრაფიაში, პრინციებს დიდად აფასებდა, და მიაჩნდა, რომ ამას იგი უდავოდ იმსახურებდა. რომაელებს მან ახლა მათთვის ყველაზე მნიშვნელოვანი — მშვიდობა და სტაბილურობა მისცა. სწორედ ამით ავგუსტუსი გამორჩეულად ამყობდა და ამის აღსანიშნავად დაანება კიდევ მშვიდობიანობის ღვთაების განსაკუთრებული კულტი, რომელსაც ავგუსტუსის მშვიდობა ეწოდებოდა.⁵ ახლა ოქტავიანუსს მართლაც შეეძლო განეცხადებინა ის, რასაც მრავალი წლის შემდეგ სიცოცხლის მიმწუხრს იგი თავის ავტობიოგრაფიაში ჩაწერს: „დაბადებიდან 19 წლის ასაკში, მე ჩემი გადაწყვეტილებით და საკუთარი სახსრებით შეეკრიბე ჯარი და დაეუბრუნე თავისუფლება სახელმწიფოს, რომელიც შეთქმულთა ბანდას ჰყავდა დაჯაბნილი“ (ლას, 1).

მაგრამ იმ სიკეთისა და კეთილდღეობის მიუხედავად, რომელიც ავგუსტუსმა რომაელ ხალხს მოუტანა, მათ კარგად ახსოვდათ, რა ფასად დაუჯდათ ეს, არც რესპუბლიკური რომის სახელოვანი წარსული ჰქონდათ უკვე საბოლოოდ მივიწყებული. ამიტომ იყო ავგუსტუსისთვის აუცილებელი, რომ საზოგადოებრივი აზრი თავის სასარგებლოდ განეწყოს. ამას ემსახურებოდა გამოჩენილ პოეტთა და ინტელექტუალურ მოღვაწეთა მოზიდვა, მათთვის მფარველობის განწევა. ამ პოეტებს შემდგომ ავგუსტუსისთვის სასურველი იდეოლოგია უნდა გაეტარებინათ. სასახლის კარზე ამგვარი ატომოსფეროს შექმნას დიდად უწყობდა ხელს ლივიას გულმოდგინე მცდელობანი. ამ ჭკვიანმა ქალმა, რომელმაც მოახერხა, რომ სენატის განსაკუთრებული სიყვარული დაემსახურებინა, მშვენიერად იცოდა, თუ რაოდენ მნიშვნელოვანი იყო ავგუსტუსისათვის ხალხის კეთილგანწყობა და სენატორთა მხარდაჭერა.

დიო კასიუსი გადმოგვცემს ცოლ-ქმრის დიალოგს ერთ ფრიად საგულისხმო მოვლენასთან დაკავშირებით, რომელშიც მსჯელობას ძირითადად ლივია წარმართავს. როგორც მონათხრობიდან ჩანს, ამ ქალს თავისი შეხედულებები ჰქონია მონარქიის არსზე და მის ბედზე, თავისი წარმოდგენები — მონარქის ფუნქციაზე, მის გზაზე, მონარქის პიროვნულ თავისუფლებაზე. ეს სწორედ ის თემები იყო, რომლებიც იმ დროს ტრიალებდა პაერში, ის კითხვები იყო, დაუსრულებელი რომ აწუხებდა ავგუსტუსს, აშკარად იმ საკითხების გამოძახილს წარმოადგენდა, აგრძობასთან და მეცენატთან იმპერატორის საუბრისას რომ მოვისმინეთ. მთელ ამ პასაჟში ლივიას მსჯელობა დასაბუთებული, ღრმად არგუმენტირებული, დაფიქრებული ადამიანის განსჯის ნიმუშია. თანამედროვე მეცნიერები საეჭვოდ მიიჩნევენ, რომ ლივიას პირით გადმოცემული ფილოსოფიური ნააზრევი თავად ლივიას ეკუთვნოდა (მათი მოსაზრებით მსჯელობის არსი თავად ისტორიკოსის — დიო კასიუსის კრედოს შეესაბამება), მაგრამ ჩვენთვის



ლივია



ამ ფრაგმენტის ჭეშმარიტი ავტორის დადგენა არაა არსებითი. გაცილებით მნიშვნელოვანია ის, რომ ტრადიცია ამ ნააზრევს სწორედ ლივიას მიაწერს და არა სხვა ვინმეს, ლივიას მიაწერს უნარს, დაერწმუნებინა ავგუსტუსი, სწორედ ის პოლიტიკური გეზი აეღო, რომელსაც იგი ურჩევდა. ეს კი ნამდვილად არ იყო ჩვეულებრივი, რიგითი მოვლენა. უნდა ითქვას ისიც, რომ დიო კასიუსი სრულიადაც არ არის გამონაკლისი ანტიკურ ავტორთა შორის, ვინც ლივიას გონიერებას ხაზგასმით აღნიშნავს. ტრადიციის თანახმად, ცოლის ჭკუას ავგუსტუსი დიდად აფასებდა. თითქოს საოცარია, მაგრამ ავგუსტუსი — ეს უდიდესი მოღვაწე, წინასწარ კონსპექტებს ადგენდა, ჩაინიშნავდა არსებითს და მხოლოდ შემდეგ იწყებდა საუბარს ცოლთან მნიშვნელოვან თემებზე. მას არ სურდა, რომ შეცდომით ან ძალზე ბევრი ეთქვა, ან პირიქით, ცოლისთვის საჭიროზე ნაკლები მოეყოლაო (სვეტონიუსი, „ავგუსტუსი“, 84). ლივიას ჭკუას თვით ცინიკოსი კალიგულაც კი აღნიშნავდა, განსაკუთრებით კი მის ეშმაკობას უსვამდა ხაზს. დიდ ბებიას კალიგულა Ulixes Stolatus — ანუ ქალის კაბაში გამოწყობილ ოდისეუსს ეძახდა (ოდისეუსი ხომ ბერძენ გმირთა შორის ეშმაკობით ყველას აღემატებოდა) (სვეტონიუსი, „კალიგულა“, 23).

ავგუსტუსისა და ლივიას ზემოთნახსენები დიალოგი მართლაც ერთ ფრიად მნიშვნელოვან ამბავს უკავშირდებოდა. პომპეუსის შვილიშვილი, წარჩინებული დიდგვაროვანი გენუს კორნელიუს ცინა ავგუსტუსის წინააღმდეგ შეთქმულებას აწყობდა. შეთქმულება დროულად იქნა გამოვლენილი. მაგრამ დიღემა ამით არ გადანყვეტილა. პრინცეპსი დაიბნა, არ იცოდა, დაესაჯა შეთქმულნი თუ პირიქით, შეენყალებინა. ერთი მხრივ იგი ხედავდა, რომ შეთქმულთა განადგურება სიმშვიდეს არ მოუტანდა, მეორე მხრივ ეშინოდა იმისაც, რომ შენყალებას სხვათა გადიდგულება და მის წინააღმდეგ ამხედრება არ გამოენვია.

კეისარმა სიმშვიდე დაკარგა. ცოლი დადარდიანების მიზეზს შეეკითხა. ავგუსტუსმა უპასუხა, რომ მას უზომოდ ანუხებდა მის გარშემო შექმნილი მდგომარეობა — იგი ხომ ხან ერთი, ხან მეორე ჯგუფის მხრიდან შეთქმულების ობიექტი იყო. საუბარი კონკრეტულ მოვლენას დაშორდა, განზოგადდა, გამოიკვეთა პრობლემაც — უმაღლესი ხელისუფლისა და მის ქვეშევრდომთა ურთიერთობა.

ერთპიროვნული მმართველის ხვედრი ასეთია: გარეშე მყოფნი მუდამ მისით უკმაყოფილონი იქნებიან — ვერ შეძლო ცოლმა ავგუსტუსის დამშვიდება, რადგან ეს აუცილებლობითაა განპირობებული. მმართველს არ ძალუძს, რომ ყველას ასიაშოვნოს, ყოველთვის უფრო მეტი იქნება მისით უკმაყოფილო, ვიდრე საკუთარი ბედით კმაყოფილი ადამიანები. — აუცილებლობას ვერ შეებძოლები, თუმცა ხელისუფლების შენარჩუნება შეიძლება. მაგრამ ხელისუფლების შენარჩუნება უნდა მოხდეს არა სასჯელ-



თა მეშვეობით, რომლითაც შენ დასჯი დამნაშავეებს, არამედ იმ სიმკაცრის საშუალებით, რომლითაც ხელისუფლების დამცველი იქნებო, — უთხრა ქმარს ლივიამ.

მაგრამ, როგორც გამოიჩვენა, იმპერატორს საფრთხეზე მეტად სხვა რამ ანუხებდა — ის, რომ მონარქს მტრების გარდა, მეგობრებისაც უნდა შინებოდა. საშინელებაა, როცა ადამიანი მუდამყამს შურისძიებისთვის მზად უნდა იყოს და საშინელებაა, რომ ამ გარდაუვლობის ნამალი არ არსებობსო, — გულის ტკივილით აღნიშნა იმპერატორმა.

„თუ ასეა, მე შემძლია რჩევა მოგცე, თუკი ნებას დამრთავ, რადგან მიუხედავად იმისა, რომ ქალი გირჩევს, ამის თქმას ჩემს მეტი ვერაეინ გაბედავს“, — შეჰბედა ლივიამ. კეისარმა მოსმენის მზადყოფნა გამოთქვა.

„ვეფიქრობ, ჩვენი პოლიტიკა უნდა შეეცვალოთ და შეთქმულთაგან ზოგიერთები შეეინყალოთ, რასაკვირველია, ეს იმ შემთხვევაში, თუ სამი რამ, რასაც მე ახლა ჩამოვთვლი, სწორია და სინამდვილეს შეესაბამება. პირველი, თუ მართალია ის, რომ ადამიანის ბუნებას ძირეულად მაინც ვერ გარდაქმნი, მეორე, თუ სწორია, რომ უდანაშაულო ადამიანებს სიმდიდრე და ღირსება არ უნდა წაართვა და ბოლოს, თუ სინამდვილეს შეესაბამება კიდევ ერთი რამ. კერძოდ კი ის, რომ მმართველის მიერ გატარებული თავდაცვის, გნებათ, თავდასხმის აცილების პოლიტიკა მასვე გამუდმებით ალიზიანებს და ამასთან ცუდ სახელსაც უმკვიდრებსო.

შენ, ავგუსტუს, რომელიც ადამიანებს მართავ, უნდა მოახერხო მუდამ და ყველა საშუალებით დაარწმუნო ისინი იმაში, რომ არავის გაუკეთებ ცუდს, არც მიზანმიმართულად და არც უნებურად. მათ დარწმუნებას თუ მოახერხებ, ამით დიად საქმეთა გაკეთებას შეძლებ. შენ შეძლებ იმას, რომ ხალხს შეუყვარდე, რამეთუ ადამიანს მხოლოდ მაშინ შეუძლია შეუყვარდეს მეორე ადამიანი, როდესაც მას ერწმუნება...

ასეთივე დიდი ძალა აქვს შეწყალებასაც. და თუ დამნაშავეებს შეეინყალებთ, ამით მხოლოდ მოვიგებთ. მოვიგებთ კი, ჩემი აზრით, ფრიად მნიშვნელოვანს:

ჩვენ მოვიმკით არა მარტო შეწყალებულთა სიყვარულს, არამედ დავიმსახურებთ ყველა სხვა დანარჩენთა პატივისცემასაც, რადგან მათ არ მოუნდებათ, რომ ამგვარ მმართველს ზიანი მიაყენონ. შეწყნარებულნი კი ამ მმართველის საუკეთესო ქვეშევრდომნი გახდებიან, რამეთუ გამუდმებით ექნებათ იმედი იმისა, რომ მათი მხსნელი მათდამი კიდევ უფრო მეტ ქველმოქმედებას გამოიჩენს, ბუნებრივია, თუ ისინი თავიანთი მხრივ მცდელობას არ დააკლებენ.

ის ხელისუფალი კი, რომელიც არ დათმობს თავის პოზიციას და მუდმივად სასტიკი და აღშფოთებული იქნება, არა მხოლოდ იმ ადამიანთა ზიზღს დაიმსახურებს, რომელთაც უნდა ეშინოდეთ მისი, არამედ ვერც



ლივია



იმას მიაღწევს, რომ დანარჩენთ მანაც მოსწონდეთ. ბოლოს კი იმას მოიმკის, რომ მის წინააღმდეგ ამხედრდებიან, რათა დალუპავს გადაურჩნენ", — ეს უთხრა ქმარს ლივიამ და შეწყალების რჩევა ერთი ფრიად დამაჯერებელი არგუმენტით დაასრულა. «შეუძლებელია, — ამბობდა ლივია — რომ ერთმა ადამიანმა ასეთი დიდი სახელმწიფო დემოკრატიიდან ერთმმართველობაზე გადაიყვანოს ისე, რომ ამას სისხლისღერა არ მოჰყვეს. ეს გარდაუვალია. მაგრამ თუ ახლა შეიცვლი გეზს და შეინყალებ დამნაშავეებს, მაშინ ხალხში გაჩნდება იმის რწმენა, რომ ყველა შენი ქმედება, რომელმაც უკმაყოფილება გამოიწვია, აუცილებლობით იყო ნაკარნახევი. მაგრამ თუ შენ ძველ პოლიტიკას განაგრძობ, მაშინ, დამიჯერე, იფიქრებენ, რომ ყველა წარსულში მომხდარი აუტანელი საქმენი, შენ, შენივე ნებასურვილით ჩაიდინე» (დიო კასიუსი, 55, 14-22).

ლივიას მთელი მსჯელობა სწორედ იმ კურსის არჩევისკენ იყო მიმართული, რომელსაც ავგუსტუსისთვის ბრძენი და მონყალე მმართველის სახელი უნდა მოეტანა.

როგორც ჩანს, ავგუსტუსისათვის ცოლის მოსაზრებები სარწმუნო აღმოჩნდა. დიო კასიუსის ცნობით, მან ლივიას რჩევა შეისმინა და ყველა ბრალდებული გაათავისუფლა. კორნელიუს ცინას კეისარმა კონსულობაც კი უბოძა.

ლივიას წინასწარმეტყველება ასრულდა. შეწყალებულნი ავგუსტუსის უერთგულესი ქვეშევრდომები შეიქნენ. როგორც გვატყობინებს დიო კასიუსი, ამის შემდეგ არც მათ და არც სხვა დანარჩენთ ავგუსტუსის წინააღმდეგ შეთქმულება არ მოუწყვიათ, მცდელობაშიც კი არ ყოფილა ვინმე ეჭვიმითანილი. ავგუსტუსიც იღვწოდა ისე ემართა სახელმწიფო, რომ კეთილმონყალე, გონიერი, ქვეშევრდომებზე მზრუნველი და სამართლიანი მმართველის სახელი ჰქონოდა.

მიუხედავად იმისა, რომ ლივია ყოველმხრივ ცდილობდა სათნო და დარბაისელ ქალად წარმოჩენილიყო და რაც შეეძლო ნიღბავდა თავის ინტრიგებს, მაინც იყვნენ ისეთნი, რომლებიც იმპერატორისას უარყოფითად აფასებდნენ. ასე მაგალითად, ისტორიკოსები — ტაციტუსი და დიო კასიუსი ლივიას მიმართ მტრულად არიან განწყობილნი. და თუმცა თანამედროვე მეცნიერებაში გამოთქმულია მოსაზრება, რომ პრინციპის ცოლისთვის ნამოყენებული ბრალდებები სერიოზულ წყაროებს არ უნდა ეყრდნობოდნენ, ალბათ, ამ წყაროთა სრული იგნორირება გაუმართლებელი იქნებოდა.

უდავო ფაქტია ის, რომ ლივიას ავგუსტუსის მემკვიდრედ თავისი შვილი — ტიბერიუს ნერონი უნდოდა. მაგრამ ეს რთული იყო, რადგან ავგუსტუსს მეორე ცოლისგან საკუთარი ქალიშვილი — იულია ჰყავდა. ბუნებრივია, სანამ იულია და მისი მემკვიდრეები ცოცხლები იყვნენ, ტიბერიუსი იმპერატორობას ვერ ეღირსებოდა.



ეტყობა, ტიბერიუსს მართლაც ენერა იმპერატორი გამხდარიყო, რადგან ყველა პირდაპირი შთაბრძნავალი, რომელიც ავგუსტუსმა თავის მემკვიდრედ გამოაცხადა, ან დაიღუპა, ან თავად პრინცეპსმა გადაასახლა. სრულიად ახალგაზრდანი გარდაიცვალნენ მარკელუსი — იულიას ქმარი, შემდეგ კი იულიას ვაჟები — გაიუს და ლუციუს კეისრები. ამ უკანასკნელთა უდროო სიკვდილი, ბუნებრივია, ეჭვს ბადებდა. მაგრამ მათ დაღუპვაში ლივიას თვით ტაციტუსიც კი ვერ ადებს ხელს და მხოლოდ ამას შენიშნავს: „ძნელია იმის თქმა, ბედისწერამ დააჩქარა მათი სიკვდილი, თუ დედინაცვლის ბოროტმა ხრიკებმაო“ (ტაციტუსი, „ანალები“, I, 3).

ბოლოს ასპარეზს ჩამოაცილეს აგრიპა პოსტუმუსი — ავგუსტუსის უკანასკნელი ლეგილი შეილიშვილი, რომელიც პრინცეპსმა ტიბერიუსთან ერთად თავის მემკვიდრედ დაასახელა. პოსტუმუსი პლანსიას კუნძულზე გადაასახლეს. ტიბერიუსისთვის საიმპერატორო გზა თითქმის თავისუფალი იყო, მაგრამ არა საბოლოოდ. აგრიპა პოსტუმუსი ხომ მხოლოდ გადასახლებული იყო და არა მკვდარი.

სწორედ ამ „მაგრამზეა“ აგებული ტაციტუსის ვერსია, რომელიც ავგუსტუსის გარდაცვალებას აგრიპა პოსტუმუსთან აკავშირებს და აი, რას მოგივთხრობს: ავგუსტუსის ჯანმრთელობა თანდათანობით სულ უფრო და უფრო უარესდებოდა, ზოგიერთები იმასაც ფიქრობდნენ, ამაში ლივიას ხელი ურევიაო. ასეთი ხმაც გაერცვლდა, თითქოს გარდაცვალებამდე ცოტა ხნით ადრე ავგუსტუსს რამდენიმე რჩეული პირისთვის გაენდო, შეილიშვილის მონახულება განმიზრახავსო. შემდეგ კი ერთადერთი მხლებელი ფაბიუს მაქსიმუსი წაუყვანია და კუნძულ პლანსიასკენ გაუცურავს. შეილიშვილის და ბაბუსის შეხვედრა ერთობ გულისამაჩუყებელი აღმოჩნდა. ორივემ მდულარე ცრემლები ღვარა და ერთმანეთს სიყვარული აუხსნა. ამიტომაც გაჩნდა იმედი, რომ აგრიპა პოსტუმუსს გადასახლებიდან დააბრუნებდნენ. საუბედუროდ, საიდუმლო ავგუსტუსის თანამგზავრმა მაქსიმუსმა თავის ცოლს გაუმელა, ანა, ამ უკანასკნელმა კი ლივიას გაანდო. ეს ცნობილი გახდა კეისრისთვისაც. ძალიან მალე მაქსიმუსი გარდაიცვალა. არსებობს საფუძველი ვიფიქროთ, — ასკენის ტაციტუსი —, რომ ეს თვითმკვლელობა იყო, ფაბიუს მაქსიმუსის დაკრძალვაზე მისი ცოლი საკუთარ თავს იდანაშაულებდა და ქმრის სიკვდილის მიზეზად თავს აცხადებდაო (ტაციტუსი, „ანალები“, I, 5).

მოვლენათა შემდგომი განვითარება ჩვენთვის უცნობია. ტაციტუსი მხოლოდ ერთ რამეს გვაძნობს. ილირიამი მყოფი ტიბერიუსი ლივიამ სასწრაფოდ იხმო. ისტორიკოსის თქმით, არაა ბოლომდე გარკვეული, ჩაუსწრო თუ არა ტიბერიუსმა ავგუსტუსს ცოცხალს. ლივიამ ისე მოაწყო საქმე, რომ არავინ იცოდა სინამდვილეში, როგორ გრძნობდა თავს პრინცესი. სახლი გარედან მცველებით იყო გამაგრებული, შიგნითაც არავის უშვებდნენ, რა-



ლივია



თა საკუთარი თვლით ნანახი გარეთ გამოეტანა. ამასთან დრო და დრო ლივია ავგუსტუსის ჯანმრთელობის შესახებ სასიხარულო ცნობებს იუნყებოდა. უეცრად კი ერთდროულად ორი ხმა გაერცელდა — ერთის თანახმად ავგუსტუსმა სული განუტევა, მეორის მიხედვით კი მმართველობა ტიბერიუსმა — ლივიას შვილმა ჩაიბარა (ტაციტუსი, „ანალები“, I, 5).

სწორედ ამის მოთხრობის შემდეგ იტყვის ტაციტუსი იმ ფრაზას, რომელიც ლივიას შესახებ ყველაზე ცნობილ გამონათქვამად გადაიქცა: „ლივია იყო დედა, სახიფათო სახელმწიფოსთვის და ავი დედინაცვალი კეისრის ოჯახისთვის“ (ტაციტუსი, „ანალები“, I, 10).

ავგუსტუსის გარდაცვალების თაობაზე სხვა მონათხრობიც არსებობს. იგი სვეტონიუსს ეკუთვნის. მისი გადმოცემით, ხანდაზმული პრინციპსი ბუნებრივად, სწრაფად და უნვალებლად გარდაიცვალა — ისე, როგორც მას ყოველთვის სურდა. წინა დღით იგი ტიბერიუსთან განმარტოვდა და დიდხანს ესაუბრებოდა მას. ეს მისი უკანასკნელი მნიშვნელოვანი საქმე იყო. სიკვდილის დღეს ავგუსტუსმა სარკე მოითხოვა და მსახურებს თავი მოაწესრიგებინა. როცა მის მოსანახულებლად მეგობრები მოვიდნენ, ოქტავიანუსი შეეკითხა, როგორ ფიქრობდნენ ისინი, კარგად გაითამაშა თუ არა მან ცხოვრების კომედია. შემდეგ კი ის სტროფები წარმოთქვა, კომედიის ბოლოს მსახიობი რომ აცხადებს ხოლმე:

**„თუ კარგად ვითამაშეთ, მამ ტაში დაგვიკარით
და გზა დაგვილოცეთ!“**

მერე მან ყველანი დაითხოვა. ამ დროს ვილაც ჩამოვიდა რომიდან. ავგუსტუსი მას დრუზუსის შეუძლოდ მყოფი ქალიშვილის შესახებ ეკითხებოდა, როცა უეცრად ლივიას მკლავებში ჩაესვენა და სული განუტევა. მისი უკანასკნელი სიტყვები იყო: „ლივია, გახსოვდეს როგორ ვიცხოვრეთ ერთად! იცოცხლე და მშვიდობით“ (სვეტონიუსი, „ავგუსტუსი“, 99).

რომაელმა ხალხმა ავგუსტუსს გრანდიოზული დაკრძალვა მოუწყო. სენატში საზეიმოდ გახსნეს მისი ანდერძი. ავგუსტუსი პირველი რიგის მემკვიდრეებად — ტიბერიუსსა და ლივიას აცხადებდა, ლივია იულიუსების გვარში გადაჰყავდა და ავგუსტას ტიტულს უბოძებდა. აქედან მოყოლებული ლივია ოფიციალურად იულია ავგუსტადა იწოდებოდა.

ბოლოს და ბოლოს ლივიამ მიაღწია იმას, რისკენაც მთელი სიცოცხლე მიისწრაფოდა, ტიბერიუსი იმპერატორის ტახტზე აიყვანა. მაგრამ ცხოვრების კომედია მისთვის ბედნიერად არ დასრულდა. ძალაუფლების უზომო სიყვარული, რომლითაც მოცული იყო ლივია, ვერა და ვერ ერგებოდა მისი შვილის ხასიათს. თუმცა თავდაპირველად დედა-შვილის მტრობა შეფარული იყო. ლივიას ჯერ კიდევ დიდი გავლენა ჰქონდა. როდესაც ავ-



გუსტუსის კულტმსახურება დანესდა, მისი ქვრივი ქურუმად დანიშნეს და მსახურების აღსრულების დროს მას ვესტას ქურუმი ქალების დარად ლიქტორის ყოლის უფლება მიანიჭეს. თეატრში ავეგუსტას სავარძელიც ვესტას ქურუმი ქალების გვერდით იდგა. ხალხს ლივია უყვარდა და მას პატივს მიაგებდა. როდესაც ახ.წ. 22 წელს იგი მძიმე ავადმყოფობისგან განიკურნა, დაადგინეს, რომ ავეგუსტას გამოჯანმრთელების გამო ღმერთებისთვის მადლობის ნიშნად საგანგებო ლოცვა-კურთხევა აღევლინათ, დიდი თამაშობებიც გამართეს. ისიც კი ითქვა, რომ ლივიას განკურნების აღსანიშნავად საკურთხეველი აეგოთ (ეს საკურთხეველი არ აღმართულა). ერთი ხანობა ოფიციალური წერილები ლივიას და ტიბერიუსის სახელზე იწერებოდა ისე, თითქოს იგი ტიბერიუსის თანამმართველი ყოფილიყო. ასევე იყო წაწერილი მისი სახელი იმ დოკუმენტებზეც, რომელთაც იმპერატორი აგზავნიდა. მაგრამ ყოველივეს მიუხედავად ლივიას მდგომარეობა ისეთი აღარ იყო, როგორც ადრე. უმალეს ხელისუფალს იგი მრჩეველად არ სჭირდებოდა. ამის გარდა, ტიბერიუსს კატეგორიულად არ სურდა, ძალაუფლება დედასთან გაეყო. ლივიას მცდელობებს შვილზე გაელენა მოეხდინა, ტიბერიუსის მხრიდან წყენა და სიცივე მოპყვებოდა ხოლმე. ამას თან ერთვოდა ისიც, რომ ტიბერიუსს გაუჩნდა ერთობ დაახლოებულნი პირი — პრეტორიანელთა პრეფექტი — ლუციუს სეიანუსი. ასე რომ, როდესაც რჩევა სჭირდებოდა, ტიბერიუსი სეიანუსს მიმართავდა და არა დედას.

მაგრამ ეს კიდევ ყველაფერი როდი იყო. უზომოდ ეჭვიან ტიბერიუსს გამუდმებით ეჩვენებოდა, რომ ლივია მისი დიდების დაკნინებას ცდილობდა. ასე მაგალითად, როდესაც ლივიამ ავეგუსტუსის ქანდაკების წარწერაში ჯერ თავისი, შემდეგ კი ტიბერიუსის სახელი ჩაწერა, იმპერატორმა ეს უდიდეს შეურაცხყოფად მიიღო და ბოლმა ღრმად ჩაიდო გულში (ტაციუსი, „ანალები“, III, 64). მერე და მერე ლივია ტიბერიუსისთვის უფრო აუტანელი და მძიმე ხდებოდა. იმპერატორი ლივიასთან ხშირ შეხვედრებს და პირისპირ საუბრებსაც ერიდებოდა, რამეთუ ეწინააღმდეგებოდა, ვინმეს არ ჰგონებოდა, რომ პრინციპსი დედის რჩევებით ხელმძღვანელობსო. როდესაც სენატმა შესთავაზა ტიბერიუსს, მისთვის „ავეგუსტუსის შვილის“ თანაბრად „ლივიას შვილიც“ ეწოდებინათ, პრინციპსმა თავი უზომოდ შეურაცხყოფილად ჩათვალა. მეტიც, მან უარი განუცხადა სენატს, რომ ლივიასთვის „მშობლის“ და „სამშობლოს დედის“ ტიტული ებოძებინათ და სახელმწიფოს სახელით გამორჩეული პატივი მიეგოთ. თავის მხრივ, იგი ხშირად აფრთხილებდა დედას, რომ მნიშვნელოვან საქმეებში არ ჩარეულიყო, რამეთუ ეს ქალებს არ შეეფერებოდათ.

ბოლოს ისინი სრულიად აშკარად დაუპირისპირდნენ ერთმანეთს. საბაბი შემთხვევითი იყო. ტიბერიუსმა დედას თხოვნა არ შეუსრულა და მეტიც,



ლივია



ირონიულად უპასუხა. მაშინ ლივიას მოთმინება ამოინურა. ავგუსტამ სამალავიდან ამოილო და სააშკარაოზე გამოიტანა ქმრის რამდენიმე ძველი წერილი, რომელშიც იგი ტიბერიუსის სიჯოუტეზე და მის სასტიკ ზნეზე ჩიოდა. ეს მეტისმეტი იყო. ახ.წ. 27 თუ 26 წელს ტიბერიუსმა რომი დატოვა. ზოგიერთი მიიჩნევდა, რომ დედა-შვილს შორის მომხდარი განხეთქილება ტიბერიუსის გამგზავრების მთავარი მიზეზი იყო. „ყოველ შემთხვევაში, ტიბერიუსის გამგზავრებიდან ლივიას სიკვდილამდე — ანუ მთელი სამი წლის განმავლობაში, პრინცესმა დედა ერთხელ, ისიც რამდენიმე საათით ნახა. იგი არც მაშინ მოინახულა, როცა ავგუსტა ავად გახდა. ლივიას გარდაცვალების შემდეგ ტიბერიუსმა ამაოდ აიძულა ხალხი, მის ჩამოსვლას დალოდებოდნენ. ასე რომ, ლივიას გახრწილი ცხედარი მხოლოდ მრავალი დღის შემდეგ მიაბარეს მიწას“ (სვეტონიუსი, „ტიბერიუსი“, 51).

ტაციტუსის ცნობით, ლივიას გარდაცვალების შემდეგ ტიბერიუსმა წერილობით მიმართა სენატს და შეატყობინა მათ, რომ საქმეებით უზომოდ იყო დაკავებული და ამიტომაც დედის დასაფლავებას ვერ დაესწრებოდა. ამასთან მან, ვითომცდა მოკრძალებულობის საბაბით, მნიშვნელოვნად შეკვეცა პატივისცემის ის ნიშნები, რომლებიც სენატმა ავგუსტას სამახსოვროდ დაადგინა და მხოლოდ რამდენიმე მათგანი დატოვა (ტაციტუსი, „ანალები“, V, 2). გარდა ამისა, ტიბერიუსმა აკრძალა გაელმერთებინათ ლივია იმ მიზეზით, თითქოს ეს თავად ავგუსტას არ სურდა. მან ლივიას ანდერძიც კი ბათილად გამოაცხადა. ლივიას გარდაცვალების შემდეგ, აღნიშნავს ტაციტუსი, სრულიად უსაზღვრო და განუკითხავი ერთმმართველობის ხანა დადგა. „ავგუსტას ცხოვრების დროს ჯერ კიდევ არსებობდა დევნილთათვის რაღაც თავშესაფარი, რამეთუ ტიბერიუსი ოდითგანვე ჩვეული იყო დედის მორჩილებას“ (ტაციტუსი, „ანალები“, V, 13).

გარდაიცვალა ლივია ახ.წ. 29 წელს, ღრმად მოხუცებული — 86 წლის ასაკში. მისი ანდერძი ლივიას შვილიშვილის შვილმა — იმპერატორმა კალიგულამ მოიყვანა სისრულეში, კალიგულას შემდეგ გამეფებულმა ლივიას შვილიშვილმა კლავდიუსმა კი ავგუსტა ოფიციალურად გააღმერთა.





შენიშვნები:

- ¹ მარკუს ლივიუს დრუზუსი — ძვ.წ. 50 წელს ეკავა პრეტორის თუ მოსამართლის თანამდებობა, ანარმოებდა საქმიან ურთიერთობებს ციცირონთან. ძვ.წ. 43 წელს იგი სენატის პარტიის მხარეზეა. ლივიუს დრუზუსი მოხვდა ე.წ. „პროსკრიპციებში“, მაგრამ გადაურჩა სიკედილს. ძვ.წ. 42 წელს იგი ფილიპოში ბრუტუსისა და კასიუსის მხარეზე იბრძოდა და მათი დამარცხების შემდეგ სიცოცხლეს გამოესალმა. იმის წყალობით, რომ მან აპიუს კლავდიუს პულხერი იშვილა, ლივია ორი ცნობილი გვარის — კლავდიუსებისა და ლივიუსების შთამომავალი შეიქნა. რაც შეეხება ლივიას დედას, იგი ერთ-ერთი იტალიური ქალაქის მაგისტრატის ქალიშვილი იყო და ამდენად წარჩინებული შთამომავლობით არ გამოირჩეოდა.
- ² პონტიფექსი — რელიგიური წოდება რომში. პონტიფექსთა კოლეგიას რომის კულტმსახურებაში ცენტრალური ადგილი ეკავა. ეს კოლეგია ქურუმთა სხვა კოლეგიებს ზედამხედველობდა.
- ³ ავგუსტუსი — ის, ვინც განადიდა თავისი სახელმწიფო. ზმნიდან *augere* — გაზრდა, გაძლიერება. ამის შემდეგ ოქტავიანუსი ოფიციალურად იმპერატორ კეისარ ავგუსტუსად იწოდებოდა. იმპერატორის საპატიო ტიტული მას ოცდაერთხელ მიანიჭეს.
- ⁴ პრინცეპსი — პირველი სენატორთა შორის. პრინცეპსს უფლება ჰქონდა სენატში საკუთარი მოსაზრება პირველს განეცხადებინა. დასახელებულ პერიოდში იგი უმაღლეს ხელისუფალს წარმოადგენდა. ავგუსტუსის მიერ შექმნილ სახელმწიფოს კი პრინციპატი ეწოდებოდა.
- ⁵ *Pax Augusta* — ავგუსტუსის მშვიდობა. ამ მოვლენის პატივსაცემად ძვ.წ. 9 წელს მარსის ველზე აღმართულ იქნა საკურთხეველი.





ოქტავია

უმცროსი

ოქტავია უმცროსი რომის ორ უმაღლეს ხელისუფალთან იყო მჭიდროდ დაკავშირებული. იგი კეისარ ავგუსტუსის და და ამასთან ტრიუმვირ მარკუს ანტონიუსის ცოლი გახლდათ. მას უმცროსი უნოდეს, რათა თავისი ნახევარდის — ოქტავია უფროსისაგან გაეჩივებინათ.

მთელი ცხოვრების განმავლობაში ოქტავია მისაბაძი იყო, როგორც სილამაზის, დიდსულოვნებისა და ქველმოქმედების განსახიერება.

მისმა პიროვნულმა თვისებებმა და ცხოვრების წესმა ერთგვარად განაპირობა ქველი და დარბაისელი რომაელი მატრონას იმ ხატის ჩამოყალიბება, რომელიც რომაელებს იდეალად ჰყავდათ დასახული და რომლის მსგავსიც ასე უნდოდათ თავიანთი ოჯახის ქალთა შორის ეხილათ. პლუტარქეს შეფასებით, ეს ჭკვიანი და ღირსეული ქალი „ქალთა შორის ნამდვილი საოცრება“ ყოფილა (პლუტარქე, „ანტონიუსი“, XXX).

პირველად ოქტავია გაიუს კლავდიუს მარკელუსზე დააქორწინეს. გაიუსსა და ოქტავიას სამი შვილი შეეძინათ — მარკელა უფროსი, მარკელა უმცროსი და ვაჟიშვილი — მარკელუსი.

ოქტავიას მთელი ცხოვრება ზედმინევენით მკაფიო მაგალითია იმისა, თუ როგორ იყენებდნენ რომაელი ხელისუფალნი საქორწინო კავშირებს პოლიტიკურ ალიანსთა დასამყარებლად ისე, რომ თავშიაც არ მოსდიოდათ თავად ქალისთვის ეკითხათ, რამდენად სასურველი იყო მისთვის ეს ქორწინება. საოჯახო ცხოვრება რომაელთათვის მხოლოდ პოლიტიკის ნაწილი იყო. თავად ოქტავია, როგორც ჩანს, იზიარებდა ამას და საკუთარ ცხოვრებას ნებაყოფლობით სწირავდა სახელმწიფოს უმაღლეს ინტერესებს.

ალბათ გახსოვთ, როგორ ცდილობდა იულიუს კეისარი კვლავ დანა-



თესავებოდა პომპეუსს, როცა მისი ქალიშვილი და პომპეუსის ცოლი — იულია უეცრად გარდაიცვალა. და რადგანაც მას სჭირდებოდა პომპეუსი მოკავშირედ ჰყოლოდა, ერთი ხანობა პომპეუსს თავი სიძედაც შესთავაზა. როდესაც ეს ვარიანტი ჩაიშალა, იულიუს კეისარმა გადაწყვიტა, პომპეუსზე ახლა ოქტავია — თავისი დის შვილიშვილი დაექორწინებინა. არ დაგვაინყდეს, რომ ოქტავიას ამ დროს გვერდით ცოცხალი ქმარი ჰყავდა. მაგრამ შემდგომ მოვლენები სხვაგვარად განვითარდა და პომპეუსისა და ოქტავიას ქორწინება არ შედგა.

თუმცა გავა დრო და ოქტავია მაინც იქნება იარაღი მხარეთა შორის პოლიტიკური კავშირის განმტკიცებისთვის.

ძვ.წ. 40 წელს გაიუს მარკელუსი გარდაიცვალა. ოქტავიაც დაქვრივდა. ამჯერად მის ცხოვრებაში მისი ძმა ოქტავიანუსი, რომის ერთ-ერთი უმაღლესი ხელისუფალი ჩაერია, რომელმაც გადაწყვიტა, დაქვრივებული ოქტავია მისთვის ამჟამად უალრესად საჭირო პოლიტიკური ალიანსის გასამყარებლად გამოეყენებინა. ახლაც, ისევე როგორც უნინ, მისთვის ყველაზე მთავარი მარკუს ანტონიუსთან ურთიერთობის მოგვარება იყო. ძვ.წ. 40 წელს ჯერ კიდევ არც ერთი მხარე არ იყო მზად გადამწყვეტი შერკონებისთვის, ამდენად, უნდოდათ თუ არა, მარკუს ანტონიუსს და ოქტავიანუსს როგორმე, დროებით მაინც, საერთო ენა უნდა გამოენახათ. „პერუზიის ომის“ შემდეგ ძვ.წ. 40 წელს მათ დადეს კიდევაც ხელშეკრულება — ე.წ. ბრუნდიზიუმის პაქტი. სწორედ ამ დაზავების განსამტკიცებლად ოქტავიანუსმა ანტონიუსს დის ხელი შესთავაზა.

ამ დროისთვის ოქტავიას ქვრივობის დაწესებული ვადა ჯერ კიდევ არ იყო გასული. რომაელი კანონების მიხედვით დაქვრივებულ ქალებს ათი თვის განმავლობაში ხელახლა გათხოვება ეკრძალებოდათ. მაგრამ ამ შემთხვევისთვის სენატმა საგანგებო დადგენილება გამოიტანა და ოქტავიას ქვრივობის სავალდებულო ვადა შეუმცირა. ძნელია დაუშვა, რომ ზნესრულ და მოკრძალებულ ოქტავიას, შესაძლოა, ქმრად მარკუს ანტონიუსი მოსწონებოდა, რომელიც თავაშვებული ცხოვრების ნირით რომაელ დიდგვაროვნებში ყველასგან გამოირჩეოდა. მაგრამ ოქტავია უდიდეს პატივს სცემდა ძმას და მიაჩნდა, რომ ოქტავიანუსის ეს გადაწყვეტილება — მისი ქორწინება ანტონიუსთან სახელმწიფოსთვის სასარგებლო იქნებოდა.

მთელი რომაელი ხალხი ამასვე ფიქრობდა. ისინი მათ შეუღლებაზე დიდ იმედებს ამყარებდნენ, რადგან ეგონათ, რომ ოქტავიასა და ანტონიუსის ქორწინება რომს სამოქალაქო ომს თავიდან ააცილებდა.

«ყველა იღწვოდა ანტონიუსის და ოქტავიას დასაქორწინებლად. მათ იმედი ჰქონდათ, რომ როდესაც ოქტავია ანტონიუსზე დაქორწინდებოდა და მოიპოვებდა იმ სიყვარულს, რომელიც არ შეიძლებოდა არ გამოენიოდა ოქტავიას არაჩვეულებრივ სილამაზეს, შერწყმულს მის ღირსებასა და ჭკუ-



ასთან, მაშინ ეს ქალი სახელმწიფოს ერთიანობას და კეთილდღეობას მოუტანდა" (პლუტარქე, „ანტონიუსი“, XXXI).

ამ ორი პოლიტიკური მეტოქის ურთიერთკავშირში თავისი როლი ოქტავიას კარგად ჰქონდა გაცნობიერებული. მასზე ბევრი რამ იყო დამოკიდებული და ამიტომ ოქტავია ყოველ ღონეს ხმარობდა, რომ ქმარს და ძმას შორის ნორმალური ურთიერთობა ყოფილიყო. ანტონიუსის ჭირვეული ხასიათიდან გამომდინარე ამის მოგვარება, რასაკვირველია, იოლი საქმე არ გახლდათ. მათ ცოლ-ქმრობასაც ბევრი სირთულე ახლდა. მაგრამ ქმართან დამოკიდებულებაში ოქტავიას პირადული მეორე რიგის მოვლენად მიაჩნდა და ისე იქცეოდა, როგორც ეს სახელმწიფოს ინტერესებისთვის იყო საჭირო.

სწორედ ოქტავიას ერთ-ერთი აქტიური ჩარევის შედეგად თავიდან იქნა აცილებული ანტონიუსსა და ავგუსტუსს შორის ფრიად სახიფათო დაპირისპირება. ოქტავიანუსზე განანყენებული ანტონიუსი გემებით ტარენტუმში ჩამოვდა. საქმეს ცუდი პირი უჩანდა. მაშინ ოქტავია ფეხებში ჩაუვარდა ანტონიუსს და შეევედრა, ძმასთან მოსალაპარაკებლად გაეშვა. როგორც იქნა ანტონიუსი დაეთანხმა. კეისარი დას გზაში შეხვდა. მაგრამ ვიდრე ძმას დაელაპარაკებოდა, ოქტავიამ ჯერ მისი უახლოესი მეგობრების — აგრიპასა და მეცენატის მხარდაჭერა გაიწაღა. მხოლოდ ამის შემდეგ წარდგა ოქტავია კეისარის პირისპირ, ახლა მას როგორმე უნდა დაერწმუნებინა ძმა, რომ ანტონიუსთან შერკინება ყველას მხოლოდ უბედურებას მოუტანდა. და ოქტავიას ძმისთვის მუდართი მიუმართავს: „ახლა, — ეუბნებოდა ქალი ოქტავიანუსს, — ყველა მას შესცქერის იმედით — მას, ოქტავიას, რომელიც ერთი იმპერატორის და და მეორის ცოლია. მაგრამ თუ ბოროტება იზივებს და საქმე ომზე მიდგება, არავინ იცის მათ შორის რომელს უნერია გამარჯვება, რომელს — კი დამარცხება, ის კი ყველა შემთხვევაში უბედური იქნება" (პლუტარქე, „ანტონიუსი“, XXXV). დის სიტყვებით გულაჩუყებული კეისარი ტარენტუმში მშვიდობიანად შევიდა და მხარეებმა ერთმანეთთან მოილაპარაკეს. ეს შეთანხმება, რომელიც ძვ. წ. 37 წელს შედგა, ტარენტუმის პაქტის სახელითაა ცნობილი.

ოქტავიასა და ანტონიუსს ორი შვილი შეეძინათ — ქალიშვილები — ანტონია უფროსი და ანტონია უმცროსი. მაგრამ გადიოდა დრო და ოქტავიას თავდაუზოგავი მცდელობის მიუხედავად, ანტონიუსსა და ავგუსტუსს შორის ურთიერთობა სულ უფრო და უფრო იძაბებოდა. ეს კი ახალი სამოქალაქო ომის საფრთხეს მოასწავებდა.

ურთიერთობა ცოლსა და ქმარს შორისაც გართულდა. ლომის წილი ამაში, რასაკვირველია, კლეოპატრასი — ანტონიუსის ყოფილი საყვარლისა იყო. ეგვიპტის დედოფალი არც ეშმაკობასა და არც პატივმოყვარეობაში ოქტავიანუსს ტოლს არ უდებდა. მას მტკიცედ ჰქონდა გადაწყვეტილი, რადაც არ უნდა დასჯდომოდა, ანტონიუსი უკან დაებრუნებინა.



ოქტავია უმცროსი



კლექოპატრა შიშობდა. იგი მშვენივრად ხედებოდა, რომ ოქტავიამ მას ბრძოლა გამოუცხადა, თუმცა ეს აშკარად არ ხდებოდა. ეს ქალი ქმრის შენარჩუნებას იმით ცდილობდა, რომ ყველაფერში მას ექვემდებარებოდა, თავს არ ზოგავდა, რომ ანტონიუსის გული მოეგო, რას არ აკეთებდა, რომ ქმრისთვის ეამებინა. ამას ოქტავიას ღირსებით აღსავსე მოკრძალება და ოქტავიანუსის სიძლიერე ემატებოდა. ყველაფერი ეს კლექოპატრას ძალიან აფრთხობდა. ვაი თუ, მან, კლექოპატრამ ოქტავიას ვერ აჯობოს, ხომ შეიძლება, რომ ამ ქალმა ანტონიუსი მთლიანად თავის ნებას დაუმორჩილოს. და აი, კლექოპატრა ყოველ ღონეს ხმარობს. იგი ოსტატურად თამაშობს თავდავინყებით შეყვარებული და ამ სიყვარულისაგან გათანგული ქალის როლს. ნარმატებით მოქმედებენ დედოფლის ქვეშევრდომებიც, ისინი ანტონიუსს უგულობის გამო ჰკიცხავენ, აბრალებენ, რომ იგი ღუპავს იმ ქალს, რომელსაც მხოლოდ მისით თუ უდგას პირში სული.

«ოქტავია, — ეუბნებოდნენ ისინი, — მასზე — ანტონიუსზე ძმის ნებასურვილით და პოლიტიკური ანგარებით დაქორწინდა და ტკებება კიდევ კანონიერი ცოლის მდგომარეობით, მაშინ, როდესაც კლექოპატრა ანტონიუსის საყვარლის სახელს საჯერდება, თუმცა მას არც რცხვენია და არც უარყოფს ამას, კლექოპატრას ხომ მხოლოდ ერთი რამ სურს — უცქერდეს ანტონიუსს და მასთან ერთად იყოს, მაგრამ თუ ამასაც ნაართმევენ, მაშინ კლექოპატრა მოკვდება» (პლუტარქე, „ანტონიუსი“, LIII).

ეგვიპტის დედოფლის და მის ქვეშევრდომთა მცდელობამ მიზანს მიადნია და მარკუს ანტონიუსიც გაემართა ალექსანდრიაში, სერიოზულად შეშფოთებული, რომ კლექოპატრას სიცოცხლე თვითმკვლელობით არ დაესრულებინა.

ეს ამბები ძვ.წ. 35 წელს ხდებოდა.

მაშინ ოქტავიამ ძმას ნებართვა გამოსთხოვა და ქმართან გაეშურა. იგი გზად, ათენში იმყოფებოდა, როცა ანტონიუსისგან მკაცრი შეტყობინება მოუვიდა — ქმარი მასთან ჩამოსვლას უკრძალავდა. ოქტავია იძულებული გახდა უკან, რომში დაბრუნებულიყო. ამ ამბავმა ოქტავიაზე მეტად მისი ძმა შეურაცხყო. განრისხებულმა კეისარმა შესთავაზა ოქტავიას ქმრის სახლი დაეტოვებინა და ცალკე დასახლებულიყო. «მაგრამ ოქტავიამ კეისარის შეთავაზებაზე უარი განაცხადა, უფრო მეტიც, იგი ემუდარებოდა ძმას, რომ თუ მას არ ჰქონდა განზრახული ანტონიუსთან ომი სხვა მიზეზთა გამო დაენყო, მაშინ ნუ ჩააგდებდა სათვალავში ოქტავიასათვის მიყენებულ შეურაცხყოფას, რამეთუ გაგონებაც კი საზარელია იმისა, რომ ორ უდიდეს მხედართმთავარს რომაელები სამოქალაქო ომის საშინელებისკენ მიჰყავდნენ, პირველს — ქალის სიყვარულის, მეორეს — კი შეურაცხყოფილი თავმოყვარეობის გამო» (პლუტარქე, „ანტონიუსი“, LIV). თავისი დიდსულოვნება ოქტავიამ საქმით დაამტკიცა. ის კვლავ ანტონიუსის



სახლში ცხოვრობდა და განსაკუთრებული მზრუნველობით უვლიდა არა მარტო მათ საერთო შვილებს, არამედ ანტონიუსის შვილებს წინა ქორწინებიდან. „თუმცა ამით ოქტავია თავისდა უნებურად ვნებდა ანტონიუსს,“ — ყოველ შემთხვევაში, როგორც ჩანს, ასე მიიჩნეოდნენ ძველად, რამეთუ პლუტარქეს მიხედვით ოქტავიას საქციელი ბადებდა სიძულვილს იმ კაცისადმი, რომელიც „ასეთ არაჩვეულებრივ ქალს ამგვარი შავი უმადურობით პასუხობდა“ (პლუტარქე, „ანტონიუსი“, LIV).

ანტონიუსი მინც გაშორდა ოქტავიას (არ ვიცით დანამდვილებით როდის). მან გაყრის განაცხადი ოქტავიას ნერილობით გაუგზავნა და ამასთან უბრძანა, მისი სახლი დაეტოვებინა. ოქტავიამ შეასრულა ქმრის მოთხოვნა, თან წაიყვანა ანტონიუსის ყველა შვილი (ფულვიასთან გაჩენილი უფროსი ვაჟის გარდა, რომელიც თან ახლდა ანტონიუსს). მწარედ მოსთქვამდა ოქტავია, როდესაც ქმრის სახლს ტოვებდა, მოგვითხრობს პლუტარქე, იგი წყველიდა თავის ბედს, რამეთუ რომაელები ახლა მასაც ჩათვლიდნენ მომავალი ომის მიზეზად. მაგრამ რომაელებს ეცოდებოდათ არა იმდენად ოქტავია, რამდენადაც ანტონიუსი. მათგან განსაკუთრებით კი იმათ, რომლებსაც ნანახი ჰყავდათ კლეოპატრა და იცოდნენ, რომ ეგვიპტის დედოფალი ოქტავიაზე არც უფრო ლამაზი და არც უფრო ახალგაზრდა იყო (პლუტარქე, „ანტონიუსი“, LVII).

მაღე ოქტავიანუსსა და ანტონიუსს შორის მართლაც სასტიკი და საბოლოო სამოქალაქო ომი დაიწყო. მაგრამ რომაელ ხალხს არსად და არასოდეს განუცხადებია, რომ ერთ-ერთი დამნაშავე ამ ომის დაწყებისა ოქტავიაც იყო. პირიქით, ისინი უსაზღვროდ აფასებდნენ და პატივს სცემდნენ ამ დიდებულ ქალს. საყოველთაო სიყვარულით მოცული ოქტავია ძვ.წ. 11 წელს რომში გარდაიცვალა.







იულია

უფროსი

იულია იმპერატორ ოქტავიანუს ავგუსტუსის ერთადერთი შვილი იყო. იგი ძვ.წ. 39 წელს დაიბადა. სწორედ მისი დაბადების დღეს გაცვილდა ავგუსტუსი თავის მეორე ცოლს — სკრიბონიას, „გაბეზრდა რა მისი ცული ხასიათით“, როგორც ოქტავიანუსი თავად აცხადებდა (სვეტონიუსი, „ავგუსტუსი“, 62). ორი წლის იულია ავგუსტუსმა თავისი იმჟამინდელი პოლიტიკური მოკავშირის — მარკუს ანტონიუსის უფროს ვაჟზე — „ანტილუსად“ წოდებულ მარკუს ანტონიუსზე დანიხდა, მაგრამ როდესაც მათ შორის კელაე უთანხმოება ჩამოვარდა, ოქტავიანუსმა ნიშნობა გააუქმა. შემდეგ მან თავისი ქალიშვილი გეტების (დაკების) მეფე — კოტიზონზე დანიშნა. ეს ამბავი დაახლოებით ძვ.წ. 30-იანი წლების მეორე ნახევარში მოხდა, სწორედ იმ ხანად, როდესაც ავგუსტუსს გეტები მოკავშირედ სჭირდებოდა. საბოლოოდ იულიას ეს ნიშნობაც ჩაიშალა.

იულია ავგუსტუსისა და ლივიას ოჯახში იზრდებოდა. 14 წლის ასაკში მამამ იგი თავისი დის — ოქტავიას ვაჟზე — მარკელუსზე გაათხოვა. ეს ახალგაზრდა კაცი, რომელიც ამ დროისთვის მხოლოდ 18 წლისა იყო, რომელთა დიდი სიყვარულით სარგებლობდა. გარეგნობით უმშვენიერესი ვაჟკაცი, მარკელუსი ზნეკეთილობით, გულისხმიერებით და პატიოსნებით გამოირჩეოდა. პრინციესი ყოველმხრივ უწყობდა ხელს, რომ ახალგაზრდა მარკელუსს ბრწყინვალე მომავალი ჰქონოდა. ამიტომაც რამდენიმე საპასუხისმგებლო თანამდებობაზე დანიშნა, შემდეგ კი იშვილა და თავის მემკვიდრედ გამოაცხადა. კეისარს იგი გამორჩეულად მოსწონდა და ამასთანავე ძალიან უყვარდა.



იულიასა და მარკელუსის ქორწილი რომში განსაკუთრებით საზეიმოდ გადაიხადეს, მაგრამ ქორწინება დღეკეთილი არ გამოდგა, ორი წლის შემდეგ მარკელუსი მოულოდნელად გარდაიცვალა და სრულიად ახალგაზრდა იულია 16 წლის ასაკში დაქვრივდა.

არ გასულა დიდი დრო, რომ ავგუსტუსმა იულია კვლავ გაათხოვა, ამჯერადაც იგი პოლიტიკური ინტერესებით ხელმძღვანელობდა. მას აუცილებლად უნდა შემოერიგებინა მარკუს აგრიპა, მისი ჯარების მთავარსარდალი და უპირველესი თანამზრახველი, რომელიც იმუშავებდა მასთან უბრაოდ იყო. პატივმოყვარე აგრიპა ვერ პატივებდა კეისარს იმას, რომ მან თავის მემკვიდრედ მარკელუსი აირჩია და არა ის. კეისარზე განაწყენებულმა, მან საერთოდ დატოვა რომი და ლესბოსის ქალაქ მიტილენეში გადასახლდა. მარკელუსის გარდაცვალების შემდეგ პრინცესის მემკვიდრის ასპარეზი განთავისუფლდა და ავგუსტუსს ხელსაყრელი დრო დაუდგა, რომ აგრიპასთან მეგობრობა ახლა დანათესავებით განემტკიცებინა. სწორედ ამიტომ იულია მარკუს აგრიპაზე გაათხოვეს. აგრიპა ამ დროს ცოლიანი კაცი იყო, მეტიც, იგი თავად კეისრის დის — ოქტავიას სიძე გახლდათ, მაგრამ ამ გარემოებას მნიშვნელობა არ ენიჭებოდა, როცა ქორწინება პოლიტიკური ალიანსის გასამყარებლად იყო საჭირო. ავგუსტუსმა უბრალოდ სთხოვა თავის დას, რომ სიძე მისთვის დაეთმო. როგორც ყოველთვის, ოქტავია ახლაც დასთანხმდა.

ქორწინება ძვ.წ. 21 წელს შედგა და 9 წელიწადს — მარკუს აგრიპას გარდაცვალებამდე — გაგრძელდა. აგრიპასა და იულიას ხუთი შვილი შეეძინათ: გაიუსი, ლუციუსი, იულია, აგრიპინა უფროსი და აგრიპა პოსტუმუსი. ძვ.წ. 17 წელს კეისარმა იულიას უფროსი ვაჟები — გაიუსი და ლუციუსი იშვილა. ნაშვილობა ძველი რომაული ადათ-წესების სრული დაცვით ჩაატარეს — ავგუსტუსმა ისინი მამისაგან შეისყიდა. სრულიად პატარებს, კეისარი მათ ისე ზრდიდა, როგორც ეს ტახტის მემკვიდრეებს შეეფერებოდათ. შემდეგ კი სახელმწიფო საქმეებში აცნობიერებდა, ავალებდა პროვინციებში განლაგებულ ჯარებთან ურთიერთობის მოგვარებას (სექტონიუსი, „ავგუსტუსი“, 64).

ოქტავიანუსი ყოველ ღონეს ხმარობდა, რომ მისი შთამომავლები ზნეობით და მოკრძალებით გამორჩეული ყოფილიყვნენ. საერთოდაც უნდა ითქვას, რომ პრინცესა ზნეობის საკითხებს განსაკუთრებულ ყურადღებას აქცევდა. კეისარს სურდა, წინაპართა ჩვეულებები აეღორძინებინა და ფუფუნებისაგან უკვე გადაგვარების გზაზე დამდგარი რომი რესპუბლიკის მკაცრ ნორმებთან დაებრუნებინა. სწორედ ამ მიზნით მიიღეს კანონები, რომლებიც გარყვნილებისა და განცხრომით ცხოვრების წინააღმდეგ



იყო მიმართული. ამასთან ერთად დაადგინეს ის კანონებიც, რომლებსაც ოჯახის განმტკიცებისთვის უნდა შეენყო ხელი. ეს წესები ძვ.წ. 9 წელს კონსულებმა მარკუს პაპიუსმა და კვინტუს პოპეუსმა გაატარეს და შესაბამისად, ისინი შემდგომში სწორედ მათი სახელებით გახდა ფართოდ ცნობილი — *lex Papia Poppaea*.¹ დასახელებული კანონები იმდენად მკაცრი იყო, რომ მომავალში მათი უფრო შერბილებული ვარიანტით შეცვლაც კი მოუხდათ.

ცხადია, პირველ რიგში სანიმუშო პრინციპის ოჯახი უნდა ყოფილიყო. თუმცა თავად ავგუსტუსი არ გახლდათ მალალი ზნეობის ადამიანი (ღალატობდა ცოლს, საყვარლებად ჰყავდა მეგობრების მეუღლეები და ა.შ.), თავის ქალიშვილს და შვილიშვილებს იგი მკაცრად ზრდიდა და საერთოდ მათ აღზრდას თავად ხელმძღვანელობდა. ავგუსტუსმა იმაზეც კი იზრუნა, რომ მისი ოჯახის ქალებს — ქალის უპირველესი საქმე — *la-nificium* — მატყლის დართვა სცოდნოდათ. „ავგუსტუსი უკრძალავდა მათ ყველაფერს, რისი თქმაც, ან გაკეთებაც საჯაროდ არ შეიძლებოდა. იგი იმდენად იყო მონადინებული, რომ თავისი ქალები უცხოებთან ურთიერთობისთვის მოერიდებინა, რომ კეისარმა წერილობით გააკიცხა ლუციუს ვინიციუსი, წარჩინებული და ღირსეული კაცი, რომელმაც სათანადო მოკრძალება არ გამოიჩინა და ბაიეში მის ქალიშვილთან მისასალმებლად მივიდა“ (სვეტონიუსი, „ავგუსტუსი“, 64, 2).

მაგრამ ავგუსტუსის მცდელობა იუღია კდემამოსილებისა და სათნოების განსახიერებად აღეზარდა, სრული კრაზით დასრულდა. უპირველეს ყოვლისა იმიტომ, რომ ეს თავად იუღიას არ სურდა. მას სულაც არ მოსწონდა, რომ მამიდამ თავისი თავი ოქტავიანუსის პოლიტიკურ მიზნებს შესწირა მსხვერპლად. იუღია ბრწყინავდა სიღამაზით. განთქმული იყო, როგორც განსაკუთრებულად მოხდენილი და ეშხიანი ქალი და ამასთან მშვენივრად ფლობდა კეკლეუცობის ხელოვნებასაც. ძლიერ სქესს მის ცხოვრებაში განსაკუთრებული ადგილი ეჭირა. გარდა ამისა, იუღია საინტერესო ქალი იყო — საუბრობდა რამდენიმე ენაზე, განსწავლული იყო ლიტერატურაში. ძველი მწერლები მის გამჭრიახობას, ჭყუის სიმახვილეს და ენამოსწრებულობას ადასტურებენ. როგორც მაკრობიუსი გადმოგვცემს, ვილაც რომაელს, იუღიას აღვირაახსნილი ზნის მშვენივრად მცოდნეს, გაკვირვებია, როგორ ჰგავდა იუღიას სამივე ვაჟიშვილი თავიანთ მამას — აგრიპას. როცა მას ეს აღუნიშნავს, იუღიას უპასუხნია: „მე მგზავრებს მხოლოდ მაშინ ვიყვან, როცა ჩემი ტრიუმი სავესეაო“ (ე.ი. საყვარლები მარტო მაშინ მყავს, როცა უკვე ორსულად ვარო — ქ.წ.) (მაკრობიუსი, „სატურნალიები“, II, 5). მაგრამ, პირველ რიგში, მას ავგუსტუსი იმიტომ



იუღია
უჭრისი



ვერ დაიმორჩილებდა, რომ იუღია საოცრად თავნება იყო და ვერაგინ აი-
ძულებდა, საკუთარი ნება-სურვილის წინააღმდეგ ემოქმედა.

ბუნებრივია, ასეთი ზნისა და დაუდევარი სულის სრულიად ახალგაზ-
რდა 18 წლის იუღია 40 წლის მარკუს აგრიპას ერთგული ცოლი არ იქნე-
ბოდა. მით უფრო, რომ მას ეს ქორწინება სულაც არ სურდა. ის ჯერ კიდევ
აგრიპას ცოლი იყო, როდესაც საყვარლად ძალზე ცნობილი რომაელი დიდ-
გვაროვანი სემპრონიუს გრაკუსი ჰყავდა. ამბობდნენ იმასაც, რომ იუ-
ლიას თვალის ავგუსტუსის გერზე — ტიბერიუსზეც ეჭირა და ძალიან ცდი-
ლობდა, როგორმე ეს უკანასკნელი ეცდუნებინაო.

ძვ. წ. 12 წელს გარდაიცვალა აგრიპა. უქმროდ დარჩენილმა ქალმა თა-
ვისი ავხორცობა უფრო ამკარად გამოავლინა. ახლა მისი შეკაეება ერთობ
რთული შეიქნა. მამამისი ხედავდა, რომ აუცილებელი იყო იულიას მო-
თოკვა, მისი ხელახალი გათხოვება. იგი დიდხანს არჩევდა იულიას მომა-
ვალი ქმრის კანდიდატურას და ბოლოს და ბოლოს თანხმობა განაცხადა,
იუღია ტიბერიუსისთვის მიეთხოვებინათ (ძვ. წ. 11 წ.). იმ ხანად ტიბერი-
უსიც დაქორწინებული იყო, მაგრამ ჩვენ უკვე მივეჩვიეთ იმას, რომ ეს
დამპარკოლებელი გარემოება არ გახდებოდა. ტიბერიუსის ცოლი — ვიპ-
სანია აგრიპინა იულიას ქმრის — მარკუს აგრიპას ქალიშვილი იყო, რომე-
ლიც დიდ მხედართმთავარს პირველი ქორწინებიდან ჰყავდა. ტიბერიუსი
და ვიპსანია აგრიპინა სრულ თანხმობაში ცხოვრობდნენ. ერთი ვაჟი მათ
უკვე ჰყავდათ, ახლა მეორეს ელოდებოდნენ. მაგრამ ავგუსტუსის ბრძა-
ნებით მათ ბედნიერ ცხოვრებას ბოლო მოეღო. ტიბერიუსი იძულებული
გახდა, საყვარელ ცოლს სამუდამოდ დაშორებოდა.

„ცოლთან განშორება ტიბერიუსს უსაზღვროდ ტანჯავდა. აგრიპინა მას
მხურვალედ უყვარდა, ღრმად იყო მიჯაჭვული, იუღია კი — მისი ზნის
გამო ეზიზღებოდა. ტიბერიუსს მშვენივრად ახსოვდა, რომ ჯერ კიდევ მა-
შინ, როდესაც იულიას ქმარი ჰყავდა, ეს ქალი მასთან სიახლოვეს ეძებდა
და ამის შესახებ ჭორაობდნენ კიდევ. აგრიპინა კი ტიბერიუსს გაყრის შემ-
დეგაც ენატრებოდა. როდესაც ერთხელ შემთხვევით შეხვდა აგრიპინას,
ტიბერიუსმა მას ისეთი მზერა გააყოლა, ისეთი ხანგრძლივი და ცრემლი-
ანი, რომ ყველაფერი ილონეს იმისთვის, რომ ტიბერიუსი ცოლს მეტი ალა-
რასოდეს გადაჰყრდა“ (სვეტონიუსი, „ტიბერიუსი“, 7, 2).

პირველ ხანებში ტიბერიუსსა და იულიას მეტ-ნაკლებად ნორმალური
ურთიერთობა ჰქონდათ. მაგრამ შემდეგ მათ ჩვილი ბავშვი დაეღუპათ. ეს
პატარა, როგორც ჩანს, მათი ერთად ყოფნის საწინდარი იყო. ცოლი და
ქმარი სრულიად გაუცხოვდნენ ერთმანეთისაგან. და ტიბერიუსიც ცალკე
საძინებელში განცალკევდა, ცოლთან სარეცელი გაჰყო. ამას ემატებოდა



ისიც, რომ იულია აბუნად იგდებდა ქმარს, რადგან იგი წარმომავლობით თავის სწორად არ მიაჩნდა (ტაციტუსი, „ანალები“, I, 53). რთული ხასიათი ჰქონდა ტიბერიუსსაც. უკმეხ, კუშტ და გულწაბრობილ ტიბერიუსთან საერთოდაც არ იყო ადვილი ურთიერთობა, მით უფრო ძნელი ასატანი იყო იგი ისეთი თავნება ქალისთვის, როგორც იულია გახლდათ.

და იულიას დაუდევარმა ზნემ ისევ იჩინა თავი. საყვარელთა სია ამჯერად გაცილებით ვრცელი გახდა, მათ რიცხვში გამოჩნდა იულიას ყოფილი საყვარელი — სემპრონიუს გრაკუსი. ეს შეუპოვარი კაცი იულიას თავნებობას კიდევ უფრო აღვივებდა. ამასთან ცდილობდა, რომ თავის საყვარელში ქმრისადმი სიძულვილი გაემძაფრებინა. გრაკუსს იულიაზე ერთობ დიდი გავლენა ჰქონდა და ამიტომაც თელიდენს, რომ სწორედ მან შეთხზა ის წერილი, რომელიც ავგუსტუსის ქალიშვილმა მამას მისწერა და რომელშიც იგი თავის ქმარს მკაცრად ესხმოდა თავს (ტაციტუსი, „ანალები“, I, 53).

ტიბერიუსი დუმილს არჩევდა. პირმოთნე და იდუმალი, იგი ჯერ კიდევ ახერხებდა, დაემალა ის სისასტიკე, რომელიც ბუნებით დაჰყვა. მან მშვენიერად იცოდა, რომ ჯერ მისი დრო არ დამდგარიყო. სირთულეებისთვის თავი რომ აერიდებინა, ძვ.წ. 6 წელს მომავალმა იმპერატორმა არჩია, დაეტოვებინა რომი და კუნძულ როდოსზე დასახლებულიყო.

ქმრის გამგზავრების შემდეგ იულიას თავაშვებულმა საქციელმა ყოველგვარ საზღვარს გადააჭარბა. ეს ძალზე ენებდა ავგუსტუსის სახელს და ღირსებას. რა გამოდიოდა — კეისარი, საყოველთაო ზნეობის დამცველი, ვერ ახერხებდა იმას, რომ თავისი ქალიშვილისთვის მოეწყო?

და აი, ავგუსტუსმა ადულტერის შესახებ თავის მიერვე შემუშავებული კანონი საკუთარი ქალიშვილის მიმართ გამოიყენა და იულია კუნძულ პანდატერიაზე გადაასახლა. ეს ძვ.წ. 2 წელს მოხდა.

ავგუსტუსს იულიას საქციელის ძალიან რცხვენოდა. ღირსებაშელახული იგი სენატში თავად ვერ გამოცხადდა, რომ სენატორებისთვის იულიას თაობაზე მოეხსენებინა. მან ქალიშვილის შესახებ სენატს წერილობით ამცნო. შემდეგ კი დიდხანს სირცხვილით იტანჯებოდა, ხალხს გაურბოდა და იმასაც კი ფიქრობდა, იულია სიკვდილით ხომ არ დავსაჯოო. ყოველ შემთხვევაში ცნობილია ის, რომ, როდესაც ფებუს (იულიას გააზატებულ თანამზრახველს) თავი ჩამოუხრჩვია, ავგუსტუსს უთქვამს — მერჩია, ფებუს მამა ვყოფილიყავიო.

კეისარმა აკრძალა გადასახლებაში მყოფი იულიასათვის ღვინო მიეცათ და ადამიანური პირობები შეექმნათ. მის უკითხავად არავის — არც მონას და არც თავისუფალს — არ ჰქონდა უფლება იულია მოენახულებინა.



იულია უბრისი



ავგუსტუსი ყოველთვის დეტალურად აზუსტებდა იმ პირის ასაკს, სიმაღლეს, თუ გარეგნობას, რომელიც იულიას სანახავად მიდიოდა, მხოლოდ ხუთი წლის შემდეგ გადმოიყვანა მან იულია კუნძულიდან მატერიკზე (რეგიონში) და ცოტაოდენ შეუმსუბუქა გადასახლების პირობები. მაგრამ მუდარა იმის თაობაზე, რომ იულია მას შეენყალებინა, უსარგებლო იყო. რომელი ხალხი ხშირად და დაჟინებით სთხოვდა ავგუსტუსს მიეტყუებინა იულიასთვის შეცოდებანი, რაზედაც პრინციპსი პასუხობდა, რომ იგი ყველას უსურვებდა, იულიასნაირი ცოლები და ქალიშვილები ჰყოლოდათ (სეპტიმიუსი, „ავგუსტუსი“, 65).

ტიბერიუსის სახელით ავგუსტუსმა იულიას განქორწინება მისცა. თავად ტიბერიუსმა იულიას გადასახლებისა და თავისი განქორწინების შესახებ როდოსზე შეიტყო. თუმც ამ ცნობამ იგი ფრიად გაახარა, მან მაინც თავის მოვალეობად ჩათვალა, რომ მამის წინაშე ქალიშვილს გამოსარჩლებოდა. ამასთან იულიას ყოფილმა ქმარმა მის მიერ ბოძებული ყველა საჩუქარი დაუტოვა, თუმცა ეს უკანასკნელი ამას არ იმსახურებდა (სეპტიმიუსი, „ტიბერიუსი“, 11, 4). მაგრამ ყოველივე ტიბერიუსის დამახასიათებელი პირფერობა იყო. თავის ნამდვილ დამოკიდებულებას ცოლისადმი იგი მომავალში გამოავლენს, აი მაშინ, როცა რომის ერთპიროვნული მმართველი გახდება.

იულიას უფროსი ვაჟიშვილები — გაიუს და ლუციუს კეისრები მისი გადასახლებაში ყოფნის დროს დაილუპნენ. სწორედ ისინი ჰყავდა დასახლებული ავგუსტუსს თავის მემკვიდრეებად. ამათგან გაიუს კეისარი ახ.წ. 2 წელს გარდაიცვალა ლიკიაში, ჩეიდმეტი თვის შემდეგ კი გზაში დაიღუპა არმენიიდან მომავალი დაჭრილი ლუციუს კეისარიც. მაშინ ახ.წ. 4 წელს ავგუსტუსმა კიდევ ორი იშვილა — ესენი გახლდნენ იულიას უმცროსი ვაჟიშვილი, ავგუსტუსის მამრობითი სქესის უკანასკნელი პირდაპირი შთამომავალი — აგრიპა პოსტუმუსი და ტიბერიუსი, პრინციპის გერი და ან უკვე ყოფილი სიძე. მაგრამ ახ.წ. 7 წელს აგრიპა პოსტუმუსზე ავგუსტუსმა უარი განაცხადა და იგი ჯერ სორენტოში, შემდეგ კი კუნძულ პლანასიაზე გადასახლა. ტაციტუსის ინტერპრეტაციით, რომელიც ლივიას მიმართ მტრულად იყო განწყობილი, აგრიპას ბედში ლივიას ხელი ერია, რადგან აგრიპა პოსტუმუსს გიჟმატი ზნისა და გაუთლელობის მიუხედავად, ბრალი არაფერში ედებოდა (ტაციტუსი, „ანალები“, 1, 3). ახ.წ. 8 წელს კეისარმა გადასახლა აგრიპა პოსტუმუსის დაც — იულია უმცროსი, რომელსაც მისდა საუბედუროდ დედის ზნე დაჰყვა. დედის მსგავსად, იგიც სიძეში დაადანაშაულეს და პატივყაროს რომი დაატოვებინეს. იულია უმცროსის შვილი, რომელიც მას გადასახლებაში გაუჩნდა, ავგუსტუსმა



არ სცნო. ახლა ტიბერიუსს მართლაც ვერავინ გადაეღობებოდა წინ, პრინციპის გამხდარიყო. და როდესაც ახ.წ. 14 წელს ავგუსტუსის გარდაიცვალა, ტიბერიუსი რომის იმპერატორად გამოაცხადეს. ზუსტად იმ ხანად მოკლულ იქნა გადასახლებაში მყოფი აგრიპა პოსტუმუსიც.

მამის გარდაცვალების შემდეგ ყოფილი ქმრის ხელში იულიას მდგომარეობა კიდევ უფრო გაუსაძლისი შეიქნა. მას შემდეგ, რაც მმართველობა ჩაიგდო ხელთ, გულდახურულმა და მუდმივად ნიღაბფარებულიმა ტიბერიუსმა ერთხელ და სამუდამოდ გამოაელინა თავისი პირქუში, კარგა ხანს დაფარული სისასტიკე. მან იულიას სახლიდან ნაბიჯის გადადგმა და ხალხთან შეხვედრაც კი აუკრძალა. ამასთან ტიბერიუსმა ყოფილ ცოლს წაართვა ის ქონებაც, რომელიც ქალიშვილს ავგუსტუსმა გამოუყო და მეტიც, მოუსპო ყოველწლიური სარჩო. თავისი სისასტიკის გასამართლებლად იგი კანონს იმონებდა — ავგუსტუსს ხომ ამის შესახებ თავის ანდერძში არ მოუხსენებიაო (სვეტონიუსი, „ტიბერიუსი“, 50, 1).

არ შეიძლება არ ითქვას, რომ ტიბერიუსი, რომელიც თავისი ყოფილი ცოლის ზნეს უჩიოდა და გადასახლებულის მიმართ ასეთი უღმობელი იყო, ყოველთვის გამოირჩეოდა მანკიერებითა და ბინიერებისკენ მიდრეკილებით. მაგრამ რომში იგი თავის მოთოკვას ასე თუ ისე მაინც ახერხებდა. მოგვიანებით კი, როცა იმპერატორი კუნძულ კაპრიზე დასახლდა, მან თავის თავს უკვე ყველაფრის უფლება მისცა.

...მაგრამ კაპრიზე, მას შემდეგ რაც განმარტოებულ გარემოში მოხვდა, იგი იქამდე მივიდა, რომ საიდუმლო გარყვნილების ბუდეები, განსაკუთრებული საძინებლები მოაწყო. აქ ყოველი მხრიდან მოჰყავდათ გოგონები და ბიჭუნები — მათ შორის იყვნენ გარყვნილებაში დაოსტატებულნიც, რომელთაც ტიბერიუსი „სპინტრიებს“ ეძახდა. ამ ოთახებში შეკრებილნი ისინი დასწრებაზე იყვნენ და სამ-სამად დაყოფილნი, მის წინაშე ერთმანეთს ენებიანად თანაეყოფოდნენ, რათა იმპერატორის მიფერფლილი ლტოლვა აღენთოთ.

აქა-იქ მიმოფანტული საძინებლები მან ყველაზე უხამსი სურათებით და ქანდაკებებით მორთო და იქ ელეფანტინეს წიგნებიც დააწყო, რათა ორგისის თითოეულ მონაწილეს მისაბაძი ნიმუში ხელთ ჰქონოდა. ტყეებსა და კორომებში, ყველგან, იგი ე.წ. „ვენუსის ადგილებს“ აწყობდა, სადაც მღვიმეებსა თუ კლდეებში ახალგაზრდები მის წინაშე სატირებსა და ნიმფებს განასახიერებდნენ...

მაგრამ მის სულში კიდევ უფრო საზარელი და სამარცხვინო ბინიერება გიზგიზებდა... მან შემოიკრიბა თავისი გარშემო სრულიად პატარა ბიჭუნები, რომელთაც თავის „ლიფსიტებს“ ეძახდა და რომლებთანაც საწოლში ნებევრობდა? (სვეტონიუსი, „ტიბერიუსი“, 43-44).



იულია უფრისი




ტაციტუსი იულიას სიკვდილსაც ტიბერიუსს აბრალებს: „ახლა, როდესაც ძალაუფლება მიიღო, ტიბერიუსმა შიმშილით და ხელმოკლეობით სული ამოხადა იულიას — გადასახლებულსა და პატივყარილს, რომელმაც შვილის — აგრიპა პოსტუმუსის მკვლელობის შემდეგ უკანასკნელი იმედიც დაკარგა. ამის გამკეთებელი ტიბერიუსი ვარაუდობდა, რომ იულიას მოკვდინება გადასახლების ხანგრძლივობის გამო შეუმჩნეველი დარჩებოდა“ (ტაციტუსი, „ანალები“, I, 53). იულია გარდაიცვალა ახ.წ. 14 წელს. ავგუსტუსმა თავის ანდერძში აკრძალა, რომ მისი ქალიშვილის ნეშტი მის მავზოლეუმში დაეკრძალათ.





შენიშვნები:

- ¹ ამ სახელწოდებით ცნობილი კანონი ავგუსტუსის ორ კანონს შეიცავს, რომლებიც თავისი არსით ერთ მთლიანობას წარმოადგენს. ამ კანონთა თანახმად რომაელებს ქორწინებაში უნდა ეცხოვრათ 25-დან 60 წლის ასაკამდე (ქალებს — 20-დან 50 წლის ასაკამდე) და არანაკლებ სამი შვილი უნდა გაეჩინათ. ქერიები და განქორწინებულნი, როგორც მამაკაცები, ისე ქალები, ხელახლა უნდა დაქორწინებულიყვნენ: ქერიები — 2 წლის განმავლობაში, განქორწინებულნი კი — 18 თვის მანძილზე. თავისუფალ რომაელს მოქალაქეებს — *ingenui*-ს არ ჰქონდათ „შეუფერებელი ქორწინების“ უფლება არაპატიოსან ქალებთან — *meretrix* — მეძაეთან, *lena* — მაცთუნებელთან და *adultera* — ცოლ-ქმრული ერთგულების დამრღვევთან. რაც შეეხება სენატორებს და მათ შთამომავლებს, მათ ქორწინება გააზატებულ ქალებთან და მსახიობებთანაც ეკრძალებოდათ. მოქალაქეები, რომლებიც ამ კანონებს აღასრულებდნენ, სხვადასხვა მემკვიდრეობითი პრივილეგიით სარგებლობდნენ, მათ ასევე ენიჭებოდათ უპირატესობა თანამდებობათა მიღებისას. ის მამაკაცები და ქალები, რომლებიც მათთვის დაწესებულ ასაკობრივ პერიოდში ქორწინებაში არ იმყოფებოდნენ, კარგავდნენ მემკვიდრეობის უფლებას (იგულისხმება ანდერძით გათვალისწინებული მემკვიდრეობა). ის დაქორწინებული მამაკაცები, რომლებმაც შვილები არ ჰყავდათ, მემკვიდრეობის მხოლოდ ნახევარს იღებდნენ. ასევე იღებდნენ მემკვიდრეობის ნახევარს ის გათხოვილი ქალები, რომლებსაც სამ შვილზე ნაკლები ჰყავდათ.
- ² ამონარიდი მოგვყავს სვეტონიუსის თხზულების რუსული თარგმანის მიხედვით, რომელიც ორიგინალთან შედარებით შემოკლებულიცაა და საგრძნობლად შერბილებულიც. სპინტრიები — პროსტიტუტი მამაკაცები. ელენანტინეს წიგნები — ამ სახელწოდებით ანტიკური მწერლები მოიხსენიებდნენ ტრაქტატთა ორ ჯგუფს: ერთში ჩამოთვლილი იყო კოსმეტიკური საშუალებები, მეორეში — ე.წ. „ვენუსის ფიგურები“. ეს უკანასკნელი, კინიარის შენიშვნით, „კამასუტრას“ ანტიკურ ანალოგს წარმოადგენდა. Паскаль Киньяр, Секс и Страх, Москва, „Текст“, 2000, 112.





აგრიპინა

უფროსი

აგრიპინა უფროსი მარკუს აგრიპას და იულია უფროსის ქალიშვილი, აეგუსტუსის შვილიშვილი და გერმანიკუსის ცოლი იყო.

აგრიპინა მტკიცე ხასიათის, უდრეკი სულის და უშიშარი ქალი გახლდათ, ამასთან იგი პატიოსნებით და მაღალი ზნეობრიობით გამოირჩეოდა. მას არც დათმობა სჩუეოდა, არც პირფერობა და მლიქვნელობა. აგრიპინა განსაკუთრებით ამაცობდა იმით, რომ იგი ღვთაებრივი აეგუსტუსის შვილიშვილი იყო და მის ძარღვებში დიდი რომაელის სისხლი ჩქეფდა. იგი არ უშვებდა შესაძლებლობას, ყველასთვის შეეხსენებინა ეს და ამასთან გამუდმებით ცდილობდა, პირადი მაგალითით დაემტკიცებინა, რომ აეგუსტუსის მემკვიდრეთა შორის მისი ჭეშმარიტი შთამომავლის სახელს ყველაზე მეტად სწორედ იგი იმსახურებდა.

ბედმა ის ახ.წ. 5 წელს გერმანიკუსთან დააკავშირა. გერმანიკუსი ლივიას ვაჟის — დრუზუს უფროსისა და ოქტავია უმცროსის ქალიშვილის — ანტონია უმცროსის შვილი იყო.¹ აგრიპინა იყო გერმანიკუსის არა მარტო უსაყვარლესი და უერთგულესი ცოლი, არამედ ქმრის სულიერი თანამზრახველი და ნამდვილი მეგობარი. ტრადიციაც აგრიპინა უფროსს უპირველესად გერმანიკუსის ცოლად მოიაზრებს.

რომს ცოტა ჰყავდა ისეთი ღირსებით დაჯილდოებული დიდგვაროვანი, როგორც გერმანიკუსი იყო. კიდევ უფრო მცირე იყო იმ წარჩინებულთა რიცხვი, რომელიც ხალხს ისე უყვარდა, როგორც გერმანიკუსი. ფიზიკურად მშვენიერი, ახოვანი ვაჟკაცი, იგი უმამაცესი მებრძოლი გახლდათ. ამასთან ინტელექტითაც გამოირჩეოდა — კარგად იცოდა მეცნიერების



ყადრი, მშენებრად იყო განაფული ორატორულ ხელოვნებაში, თავადაც ეწეოდა ლიტერატურულ მოღვაწეობას.

მაგრამ არსებითი მის პიროვნებაში მაინც სხვა რამ იყო — გერმანიკუსი გამუდმებით ესწრაფოდა, თავისი ხალხის კეთილგანწყობა მოეპოვებინა და უნდა ითქვას, რომ ამას იგი ნარმატებით ახერხებდა. ამასთან ის სიყვარული, რომელსაც თანამოქალაქეთაგან იღებდა, ნამდვილად დამსახურებული გახლდათ.

საკუთარ ნათესავებსაც გერმანიკუსი ძალიან უყვარდათ, რაც ელიტარულ რომაელთა წრეში მაინც და მაინც ჩვეული რამ არ იყო. თავად ავგუსტუსიც ყოყმანობდა მემკვიდრედ გერმანიკუსი ხომ არ დაესახელებინა, მაგრამ ლივიამ მოახერხა, ქმარი თავის ნებას დაეყოლებინა და ტახტი ტიბერიუსისთვის გადაეცა. თუმცაღა ავგუსტუსმა გერმანიკუსი საბოლოოდ არ მიიწინა და ტიბერიუსს უბრძანა, გერმანიკუსი ეშვილებინა.

გერმანიკუსსა და აგრიპინას ცხრა შვილი გაუჩნდათ, მაგრამ ზრდასრულობას მათგან მხოლოდ ექვსმა მიაღწია. ესენი იყვნენ: ნერონ კეისარი, დრუზუს კეისარი, გაიუს კალიგულა, აგრიპინა უმცროსი, დრუზილა და იულია ლივილა. ახ.წ. 13 წელს გერმანიკუსი უმალლეს მთავარსარდლად დანიშნეს. მისი ლეგიონები მდ. რაინზე იდგნენ. ამ დროიდან მოყოლებული იგი რომისგან შორს, უმთავრესად სამხედრო ბანაკებში ცხოვრობდა. მას თან ახლდა თავისი მეუღლე — აგრიპინა. მაგრამ ეს ქალი მხოლოდ ცოლობას როდი უწევდა მას. როცა საჭირო იყო, სამხედრო საქმეშიც აქტიურად ერეოდა. ისტორიამ ორი საგულისხმო ამბავი შემოგვინახა სამხედრო ასპარეზზე აგრიპინას მონაწილეობის შესახებ.

გერმანიკუსის ჯარში აჯანყებამ იფეთქა. მდგომარეობა ძალზე რთული იყო, იმდენად რთული, რომ თქვენ წარმოიდგინეთ, თავად გერმანიკუსმაც კი, რომელიც ჯარისკაცთა დიდი სიყვარულით სარგებლობდა, ამბობებულელებთან ვერაფერი გააწყო. ცოლ-შვილის ბანაკში გაჩერება უკვე აღარ შეიძლებოდა, თანაც აგრიპინა ფეხმძიმედ იყო. მიუხედავად ამისა, გერმანიკუსის ცოლს წასვლა არ სურდა. მას მიაჩნდა, რომ ავგუსტუსის შვილიშვილს უკან დახევის უფლება არ ჰქონდა, პირიქით, იგი საფრთხეს პირისპირ უნდა შეგებებოდა. ბოლოს გერმანიკუსმა აგრიპინას დაყოლიება მოახერხა და ქალი დაითანხმა გამგზავრებაზე.

მწუხარე ქალების ჯგუფი ბანაკიდან დაიძრა. ისინი უცხო ტომის ხალხთან მიემართებოდნენ, სადაც დახმარების და კეთილმოწყალების იმედი ჰქონდათ. სასონარკვეთილი ქალები მწარედ გოდებდნენ. მათ შორის იყო ფეხმძიმე აგრიპინა, რომელსაც ხელში მცირეწლოვანი ბიჭუნა ჰყავდა ატატიებული. ქალებს არაეინ ახლდათ — არც ცენტურიონები, არც მცველები,



არც ახლობლები — არაფერი მოგვაგონებდა მთავარსარდლის ცოლის გამგზავრებას. მეტიც, აგრიპინა უფრო მეტად ლტოლვილს ჩამოგაედა, ლტოლვილს, რომელიც უცხოსთან თავშესაფრის საძიებლად მიდიოდა. როგორც ჩანს, კენესის და მოთქმის ხმა ძლიერი იყო, ყოველ შემთხვევაში, გოდებამ აჯანყებულ მეომრებამდე მიაღწია. ამბობებული ჯარისკაცები ქალებისკენ გამოემართნენ. და როცა ისინი იხილეს, მათში სიბრაღის და სირცხვილის გრძობამ გაიღვიძა. ლტოლვილი აგრიპინას დანახვამ გაახსენა მათ, თუ ვისი მოდგმისა იყო ეს ქალი. გაიხსენეს ისიც, თუ რაოდენ უმნიეკლო იყო მისი სახელი, რაოდენ პატიოსანი იყო იგი თავისი ზნით. მესხიერებაში ამოტივტივდა აგრიპინას პატარა ვაჟი, რომელიც მან ბანაკში გააჩინა და რომელსაც ჯარისკაცთა გულის მოსაგებად დედა უბრალო ფარაჯაში და პატარა სამხედრო ჩექმებში გამოაწყობდა ხოლმე და ისე დაატარებდა მათ რიგებში. ამ პატარა ბიჭს ხომ სწორედ ამიტომ შეარქვა ჯარმა სიყვარულით კალიგულა (Caliga — სამხედრო ჩექმა). მაგრამ ყველაზე მეტად მეომრები შეაშფოთა და აეჭვიანა იმან, რომ ქალები ტრევერებისკენ მიემართებოდნენ, რომელთაც მათთვის დახმარება უნდა აღმოეჩინათ. და მაშინ, სიბრაღის და დანაშაულის გრძნობით მოცული მეომრები შედრკნენ, ორად გაიყვნენ. ნაწილი აგრიპინასთან ვაემართა და შეევედრა ქალს, მათთან დარჩენილიყო, ნაწილი კი — გერმანიკუსს ჩაუვარდა ფეხებში და შეწყალება შესთხოვა (ტაციტუსი, „ანალები“, I, 40-43).

„კეთილმოსურნეებმა“ არ დააყოვნეს, შეეტყობინებინათ ტიბერიუსისთვის, თუ როგორ იქნა აჯანყება ჩახშობილი, არც ის დააიწყდათ, რომ იმპერატორის ყურადღება აგრიპინასადმი მეომრების კეთილგანწყობაზე გაემახვილებინათ. ტიბერიუსსაც სამომავლოდ კარგად დაამახსოვრდა, რომ ამ ქალმა შეძლო ჩაეხშო აჯანყება, რომლის წინააღმდეგაც თავად ტიბერიუსის სახელი უძღური გამოდგა (ტაციტუსი, „ანალები“, I, 63).

აგრიპინას მორიგმა აქტიურობამ რომის იმპერატორი კიდევ უფრო გააღიზიანა. რომაელთა ბანაკში ხმა გავრცელდა, რომ ისინი ალყაში იყვნენ მოქცეულნი და რომ გერმანელთა უზარმაზარი ლაშქარი მათ წინააღმდეგ მოდიოდა. მეომრები შიშმა მოიცვა, ისინი საბედისწერო და სამარცხვინო საქციელისთვის იყვნენ მზად — ფიქრობდნენ, მდ. რაინზე აღმართული ხიდი დაეშალათ, რათა მტერი მათ მხარეს არ გადმოსულიყო. მაშინ აგრიპინამ თავის თავზე აიღო მთავარსარდლის ფუნქცია და ხიდიც დანგრევას გადაარჩინა. ამასთან იგი მეომრებს ყოველგვარ დახმარებას უწევდა — აძლევდა მათ ტანსაცმელს, უხვევდა ჭრილობებს. ხოლო იმ ლეგიონებს, რომლებიც ბანაკში ბრუნდებოდნენ, აგრიპინა ხიდის თავში ხედებოდა და მადლიერების გრძნობით აღესილი შექებით აცილებდა (ტაციტუსი, „ანალები“, I, 69).



აგრიპინა უსარისი



ტიბერიუსისთვის ეს უკვე მეტისმეტი იყო. იმპერატორს ვერაინ და-
არწმუნებდა, რომ აგრიპინა მხოლოდ მტრის დამარცხებას ესწრაფოდა.
არა, ამ ქალს სურდა ჯარისკაცთა ერთგულება მოეპოვებინა. სწორედ ამი-
ტომ სტუმრობდა აგრიპინა არმიის ქვედანაყოფებს, ამიტომ აწყობდა იგი
აღლუმებს, ამიტომ ეპირფერებოდა მეომრებს. პატარა სამხედრო ჩემებ-
ში გამოწყობილი კალიგულას ტარებაც მეომრებში ხომ სწორედ ამას ემ-
სახურებოდა. არმიაში აგრიპინას უფრო მეტი ძალა აქვს, ვიდრე ლეგა-
ტებსა და მთავარსარდლებსო — ასე მიაჩნდა ტიბერიუსს, თუ რასაკვირ-
ველია, ტაციტუსს ვერწმუნებით. იმპერატორის ეჭვს კიდევ უფრო აძლი-
ერებდა გავლენიანი სეიანუსი, რომელიც იმ ხანად ტიბერიუსთან ერთობ
ახლოს იყო. ამ კაცს გერმანიკუსის ოჯახი სასტიკად სძულდა, ამასთან
კარგად იცნობდა იმპერატორს. მან მშვენიერად გათვალა, თუ რა ნაყოფს
გამოიღებდა მომავალში იმპერატორის სულში ჩათესილი ექვიანობის მარ-
ცვალი (ტაციტუსი, „ანალები“, I, 69).

მაგრამ საქმე მარტო აგრიპინას სიძულელიში არ იყო. განდიდების
სენით შეპყრობილ იმპერატორს განსაკუთრებით აღიზიანებდა რაინზე
გერმანიკუსის სამხედრო წარმატებები. ყველაზე მეტად კი ის უდიდესი
სიყვარული და პოპულარობა, რომელიც ჯარისკაცთა შორის მოეპოვებინა
გერმანიკუსს. და სწორედ იმიტომ, რომ გერმანიკუსს საბოლოოდ არ და-
ემარცხებინა გერმანელები და ამით დიდი სახელი არ მოეხვეჭა (როგორც
ამბობდნენ, გერმანელებზე გამარჯვებისთვის ერთი საზაფხულო კამპა-
ნია იყო საჭირო), ტიბერიუსმა გერმანიკუსი რაინიდან გამოიხშო და სა-
ლაშქროდ აღმოსავლეთში გაგზავნა.

აღმოსავლეთში, კერძოდ სირიის პროვინციაში ნაცელის მოვალეობას
გნეუს კალპურნიუს პიზონი ასრულებდა, კაცი, რომელსაც გერმანიკუსი
არ მოსწონდა. ეს ტიბერიუსმა კარგად იცოდა. სირიაში ჩასვლის შემდეგ
გერმანიკუსს საკმაოდ დაძაბული ურთიერთობა ჩამოუყალიბდა პიზონთან
და მის მუღლს — პლანტინასთან. ცოლ-ქმარმა გადაწყვიტა, გერმანიკუსი
თავიდან მოეცილებინა. ისინი გერმანიკუსს ისეთ სანამღვას აპარებდნენ,
რომელიც ნელი და ხანგრძლივი მოქმედებისა იყო. გერმანიკუსი ჯერ ლო-
გინად ჩავარდა, შემდეგ კი გარდაიცვალა. ამბობდნენ, ავადმყოფი მშვენიე-
რად ხედებოდა, თუ ვისი ხელი ერია მის მონამვლაში. სასიკვდილო სარე-
ცელზე მიჯაჭვულმა მეგობრებს მან მტრებზე შურისძიება დაავალა. მაგ-
რამ გერმანიკუსს ეჭვი ღრღნიდა, რომ მასსა და მის ოჯახს პიზონებზე ბევ-
რად უფრო ძლიერი, ფარული მტერი ჰყავდა. მომაკვდავმა გერმანიკუსმა
ცოლთან განმარტოება მოითხოვა და აგრიპინასთან პირისპირ დარჩენილ-
მა გაუმხილა ცოლს ის საფრთხე, რომელიც მას ტიბერიუსის მხრიდან ემუქ-



რებოდა. ამ საუბრიდან ცოტა ხნის შემდეგ ოცდათოთხმეტი წლის სახელგანთქმული მთავარსარდალი, იმპერატორის ტიტულის ორგზის მფლობელი გერმანიკუსი გარდაიცვალა. ეს ანტიოქიაში, ახ.წ. 19 წელს მოხდა.

ქმრის ნეშტი აგრიპინამ იტალიაში ჩამოასვენა. იმის შესახებ, თუ როგორ დახვედრა მოუხყო რომაელმა ხალხმა თავისი საყვარელი გმირის ჩამოსვენებას, ტაციტუსს მოვუსმინოთ:

„გემი ბრუნდიზიუმს მიადგა. ხომალდს მრავალრიცხოვანი ბრბო მიეგება. წინასწარ არავის ჰქონდა დაგეგმილი, როგორ უნდა შეხვედროდნენ გერმანიკუსის ქერივს — ხმაამოუღლებლივ, მდუმარედ, თუ შეძახილით. ყველაფერი თავისით მოხდა. ურნით ხელში აგრიპინა ორი შვილის თანხლებით ხომალდიდან ჩამოვიდა. უბედურმა ქალმა მზერა მიწას მიაპყრო და უეცრივ გოდების ერთიანი ხავილი გაისმა. ვერავინ გაარჩევდა, ვინ მოსთქვამდა — ახლობლები, თუ უცნობები, ქალები, თუ მამაკაცები“ (ტაციტუსი, „ანალები“, III, 1).

ნეშტი ავგუსტუსის სამლოცველოში დაასვენეს. ასეთი გლოვა რომს ჯერ არ ენახა. რომი დაილუპა, არაფრის იმედი აღარ უნდა გვექონდესო, — მოთქვამდა ხალხი. გერმანიკუსის დასაფლავებას ტიბერიუსი არ დასწრებია, უკანასკნელ გზაზე თავისი შვილიშვილი არც ლივიას გაუცილებია. ხალხი გლოვას არ წყვეტდა. ტიბერიუსი ძალიან გაბზურდა ამით და სპეციალური დადგენილება გამოსცა, დატირება შეენიშნათ. მაგრამ ხალხის მწუხარებაზე მეტად ტიბერიუსს სხვა რამ აცოფებდა — იგი ხედავდა, თუ როგორი სიყვარული გაჩნდა რომაელებში გერმანიკუსის ქერივის მიმართ. „ხალხი აგრიპინას სამშობლოს მშვენებას და ტრადიციული ზნეობის განუმეორებელ მაგალითს უწოდებდა. მას მიაჩნდა, რომ აგრიპინა ერთადერთი იყო, ვის ძარღვებშიც ჭეშმარიტად დიდი ავგუსტუსის სისხლი ჩქეუდა. ისინი ღმერთს ევედრებოდნენ, რომ ამ ქალის შთამომავლები უვნებელნი დარჩენილიყვნენ და თავიანთ მტრებზე უფრო ხანგრძლივად ეცოცხლათ“ (ტაციტუსი, „ანალები“, III, 4).

ტიბერიუსის სასახლეში აგრიპინას მძიმე ცხოვრება ელოდა. იგი სრულიად დაუცველი დარჩა. თავი რომ დავანებოთ ტიბერიუსს, მას არც ლივია წყალობდა, რომელიც სასახლის კარზე ჯერ კიდევ დიდი გავლენით სარგებლობდა. აგრიპინას და ტიბერიუსს შორის მეტ-ნაკლებად ასატანი ურთიერთობის დამყარებას ხელს უშლიდა აგრიპინას ხასიათი. ამ ქალს სასტიკი განრისხება სჩვეოდა. გაგულისებული იგი მონიწილმდეგეს ყველაფერს პირში ახლიდა, არაფერს თმობდა. ცოლის ხასიათი, ბუნებრივია, კარგად იცოდა გერმანიკუსმა, რომელმაც სიყვდილის წინ ანდერძად დაუტოვა აგრიპინას, მოედრიკა ქედმაღლობა, სასტიკი ბედის წინაშე თავი



აგრიპინა უსფრსი

მოეხარა და რომში დაბრუნებულს ძალაუფლებაში შეეჯიბრით ძლიერნი მეტად აღარ განერისხებინა (ტაციტუსი, „ანალები“, II, 72). მაგრამ ყოველივე ამას იყო.



სასახლის კარზე აგრიპინას წინააღმდეგ გალაშქრება მაშინ დაიწყო, როდესაც სასამართლოში მისი ბიძაშვილის — კლავდია პულხრას წინააღმდეგ აღძრეს საქმე. ამ უკანასკნელს ბრალი ედებოდა სიძეაში, ქურდობა-სა და ასევე პრინციპის წინააღმდეგ ბოროტად განზრახულ ქმედებაში. კლავდია პულხრა დიდ პატივს სცემდა აგრიპინას. იგი მისი კერპი იყო. მაშინ აგრიპინა ტიბერიუსთან გაემართა და ბიძაშვილს გამოესარჩლა. მომჩივანი ქალისთვის ტიბერიუსს დიდხანს არ უსმენია, ხელი დაუვლია მისთვის და ბერძნული ლექსით ასე მიუმართავს: „შენ რა, ქალიშვილო, შეურაცხყოფად ხომ არ მიიჩნევ იმას, რომ მმართველი არა ხარო?“ (სვეტონიუსი, „ტიბერიუსი“, 53). მათი ურთიერთობის გამწვავებაში თავისი წილი, ბუნებრივია, სეიანუსმაც შეიტანა.

მან აგრიპინას წინააღმდეგ მოქმედების გეგმა შეიმუშავა.

სეიანუსმა, პირველ ყოვლისა, გააერცვლა ჭორი, რომ ტიბერიუსს აგრიპინას მონამვლა უქონდა განზრახული. შემდეგ იზრუნა იმაზეც, რომ ეს ჭორი აგრიპინას ყურამდე მისულიყო.

მეორე მხრივ, სეიანუსის მეცადინეობით ტიბერიუსსაც შეატყობინეს, რომ ასეთი ხმა დადიოდა და რაც მთავარია, ეს აგრიპინამ უკვე იცოდა.

იმპერატორმა გადაწყვიტა გამოეცადა, რამდენად სჯეროდა ამ ჭორისა აგრიპინას. ამიტომაც ერთ-ერთ წვეულებაზე გერმანიკუსის ქვრივს მან თავისი ხელით მიანოდა ხილი. აგრიპინამ ვერ გაბედა იმპერატორის მიცემული ვაშლი გაესინჯა და იგი თავის მსახურს გადასცა. ტიბერიუსმა თვალნათლივ დაინახა, რომ აგრიპინა მას არ ენდობოდა და ეჭვობდა, რომ იმპერატორი მის მონამვლას აპირებდა. ამას გარდა აგრიპინას უნდობლობა სხვებმაც მშვენიერად შენიშნეს. ტიბერიუსსაც ხომ სწორედ ეს სურდა.

მაშინ ტიბერიუსი ლივიასთან გაემართა და უამბო, რაც მოხდა — კერძოდ კი ის, რომ გერმანიკუსის ცოლი მას — რომის იმპერატორს მონამვლის განზრახვაში სდებდა ბრალს. ამასთან ისიც განუცხადა, რომ თუ იგი ამ ქალის მიმართ უშკაცრეს ზომებს მიიღებდა, დაე, ეს ნურავისთვის საკვირველი ნუ იქნებოდა.

ამის შემდეგ კი გავრცელდა ხმა, სასახლის კარზე აგრიპინას დასალუპად ემზადებინაო, ოღონდ იმპერატორს არ სურს, ეს ამკარად გააკეთოს და მის მოსაკვინებლად საიდუმლო ხერხებს ეძიებსო (ტაციტუსი, „ანალები“, IV, 54).

ამასობაში გარდაიცვალა ლივიაც და ტიბერიუსს როგორც იქნა გაეხსნა ხელ-ფეხი, რათა თავისი ოდინდელი ოცნება აღესრულებინა. მან სე-



ნატს გაუგზავნა ნერილი, რომელშიც იმპერატორი აგრიპინას და მის ვაჟს — ნერონს ადანაშაულებდა. აგრიპინას იგი ქედმაღლობისა და ჭირვეული ხასიათის გამო სდებდა ბრალს, ნერონს — კი გარყვნილებაში.

უნდა ითქვას, რომ სენატორთა შორის აგრიპინას მიმართ ერთნაირი განწყობილება არ იყო. ამასთან, როცა სენატის სხდომაზე ეს საკითხი განიხილებოდა, კარებთან ხალხი შეგროვდა. ისინი აგრიპინას გამართლებას მოითხოვდნენ. მაგრამ იმპერატორის მხრიდან უმაღლეს ორგანოზე ზეწოლა დიდი იყო, და ცოტა ხნის შემდეგ სენატმა გამოაცხადა, რომ თავად იგი მზად იყო დამნაშავეთა დასასჯელად და მას მხოლოდ პრინციპის ნება აბრკოლებდა.

სამწუხაროდ, ჩვენ არ ვიცით, თუ რა ვითარებაში გამოუტანეს აგრიპინას კუნძულ პანდატერიაზე გადასახლების განაჩენი. დაკარგულია ტაციტუსის თხზულების ის ნაწილი, რომელიც ახ.წ. 29-30 წლების და 31 წლის პირველი ათი თვის ამბებს მოგივითხრობს.

უკვე შემდეგ, როცა ისტორიკოსი აგრიპინას სიკვდილის ამბავს გვამცნობს, იგი აღნიშნავს, რომ განრისხებულ ტიბერიუსს აგრიპინას წინააღმდეგ უსაზიზღრესი ბრალდებები წამოუყენებია — კერძოდ კი ის, რომ გერმანიკუსის ქვრივი აზინიუს გალუსს ეტრფოდა და ისეთი ლტოლვა პქონდა, რომ მისი დაღუპვის შემდეგ სიცოცხლეც კი გაბეზრებია. ტაციტუსისავე ინტერპრეტაციით, ყველასთვის იმთავითვე იყო ნათელი, თუ რაოდენ შორს იდგა სიმართლისგან ეს ბრალდება. „აგრიპინა, რომელიც არასოდეს კმაყოფილდებოდა მოკრძალებული ხვედრით, რომელიც დაუსრულებლივ მიისწრაფოდა ძალაუფლებისკენ და მამაკაცური საზრუნავით იყო მოცული, ქალური სისუსტეებისგან თავისუფალი იყო“ (ტაციტუსი, „ანალები“, VI, 25). ტრადიციასაც აგრიპინა სწორედ ამგვარ ქალად ჰყავს დახატული.

ჩვენ ვერც სვეტონიუსისგან ვიგებთ, თუ რა ბრალდების საფუძველზე გაასამართლეს აგრიპინა. ისტორიკოსი მხოლოდ იმას გვამცნობს, რომ ტიბერიუსმა ცილი დასწამა აგრიპინას, თითქოსდა ეს ქალი თავშესაფარს ავგუსტუსის ქანდაკებასთან თუ ჯარისკაცთა შორის ეძიებდა. ამიტომაც იმპერატორმა აგრიპინა კუნძულ პანდატერიაზე გადაასახლა (სვეტონიუსი, „ტიბერიუსი“, 53). არც მის თქმა შეგვიძლია დაზუსტებით, თავად მოიკლა აგრიპინამ შიმშილით თავი, თუ ვერსია თვითმკვლელობის შესახებ შეთხზეს, სინამდვილეში კი პატიმარი იმპერატორის სურვილით შიმშილით მოაკვდინეს.


აგრიპინას მიმართ საოცარი სიძულელი ტიბერიუსს არც მისი სიკვდილის შემდეგ განელება. მან თავის დამსახურებადაც კი მიითვალა ის,



აგრიპინა უფროსი



რომ აგრიპინა არც ჩამოახრჩო და არც ჰემონიაში² ჩააგდო. რამხელა ირო-
ნიაა ტაციტუსის სიტყვებში, როცა იგი გვამცნობს, რომ იმპერატორს ამ-
გვარი გულმონყალებისთვის სენატმა მადლობა გამოუცხადა. სენატმა და-
ადგინა ისიც, რომ აგრიპინას გარდაცვალების დღეს — მეთხუთმეტე დღეს
ნოემბრის კალენდებამდე — ყოველწლიურად იუპიტერისთვის მადლიე-
რების ნიშნად ძღვენი მიერთმიათ (ტაციტუსი, „ანალები“, VI, 25).





შენიშვნები:

¹ ამდენად გერმანიკუსი ლივიას შვილიშვილი იყო (ამასთან ოქტავიანუსის დის შვილიშვილიც), აგრიპინა უფროსი კი — ავგუსტუსის. გერმანიკუსისა და აგრიპინას შვილები ლეთაებრივი წყვილის — ოქტავიანუსისა და ლივიას საერთო შვილთაშვილები იყვნენ.

² პემონია — „გოდების კიბე“ — ჩასასვლელი კაპიტოლიუმის ბორცვიდან მდ. ტიბერისისკენ (თან. ტიბრი), რომლითაც სიკედელმისჯილთა ცხედრებს მდინარეში კავებით მიათრევდნენ.





მესალინა

მესალინას დიახაც შეეძლო თავისი წარმომავლობით ეამაყა. იგი ოქტავია უმცროსის შვილიშვილის შვილი იყო, ამასთან მისი დედაც და მამაც ოქტავიას შვილიშვილები გახლდნენ, ოღონდ სხვადასხვა ქორწინებიდან. მესალინას მამა — მარკუს ვალერიუს მესალა ბარბატუსი — ოქტავიას ქალიშვილის — მარკელას შვილი იყო. დედა — დომიცია ლეპიდა კი ანტონია უფროსის ქალიშვილი გახლდათ, რომელიც ოქტავიას მეორე ქორწინებიდან შეეძინა.

ასეთი გამორჩეული გვარიშვილობის 14 წლის მესალინა ცოლად გააყოლეს იმპერატორ კლავდიუსს, რომელიც მას გარე ბიძაშვილად მოუდიოდა. ამ ხანად კლავდიუსი უკვე 48 წლისა იყო. მათ ორი შვილი შეეძინათ — ვაჟიშვილი ბრიტანიკუსი და ქალიშვილი ოქტავია.

მტკიცე ხასიათის, მბრძანებლობის მოყვარული და სასტიკი მესალინა გასაოცარი გარყვნილებით და თავაშვებულობით გამოირჩეოდა. სიძვის სიყვარული იმდენად მოჭარბებული იყო ამ ქალში, რომ სახელი მესალინა საზოგადო სახელად იქცა და გარყვნილების სიმბოლოდ დამკვიდრდა. სპეციალურ ლიტერატურაში, როდესაც სექსუალურ გადახრებზე, კერძოდ სექსუალურ დაუკმაყოფილებლობაზე ლაპარაკობენ, ამგვარი გადახრის, ანუ ნიშფომანიის კლასიკურ მაგალითად სწორედ მესალინას ასახელებენ.

და თუ რატომ, სჯობს თავად რომაულ წყაროს, სატირიკოს იუვენალისს მოვუსმინოთ. თქმა არ უნდა, რომ მისი გადმოცემა მესალინას შესახებ აშკარად ჰიპერბოლიზებულია, მაგრამ ეტყობა იგი მართლაც იმდენად თავაშვებული ქალი იყო, რომ თანამედროვენი კლავდიუსის ცოლს უმთავრესად ასეთად მოიაზრებდნენ:



„რის კერძო სახლი, რა აპიასაგან ჩადენილი საქმენი!
შენ ისინი ნახე, ღმერთებს რომ ეტოლებიან, კლავდიუსისა
მოისმინე, რაცა სჭირდა. ცოლი მას, როგორც კი მძინარეს დაიგულბდა,
უშიშრად მიატოვებდა პალატინურ სარეცელს ჯვალოს სანოლისათვის,
ხელს დასტაცებდა ღამის პირსაბურავს ამძუვნებულნი ავგუსტა,
თავის შავ თმას ქერა პარიკში ჩამალავდა,
ერთადერთ მოახლესთან ერთად გაეცლებოდა იქაურობას
და ძონძებით შემოსილი ახურებულ ლუპანარიუმში შევიდოდა,¹
იქ, თავის ცარიელ ოთახში, ლიცისკას სახელით რომ ჰქონდა აღებული,
გაშიშვლდებოდა, მოოქროვილ ძუძუ-მკერდს გადაშლიდა,
სამოს გადახსნიდა, რომელმაც შენ გშობა, კეთილშობილო ბრიტანიკუს!
მაცდურად შეიხმობდა შემომსვლელს, მერე საფასურს მოსთხოვდა,
გულაღმა დანოლილი უამრავ დარტყმას შეირგებდა,
ბოლოს, როცა მაჭანკალი თავის კახპებს გაისტუმრებდა,
ნაღვლიანი მიდიოდა, ოთახს უკანასკნელი ტოვებდა,
გადაღლილი ბრუნდებოდა, მაგრამ კაცთაგან ჯერ ისევ
დაუკმაყოფილებელი“.

(იუვენალისი, „სატირა“ VI, 114-130)
თარგმანი მანანა ლარიბაშვილისა

მაგრამ თავი დაევანებოთ სატირიკოს იუვენალისს და ისტორიკოსს მო-
ვუსმინოთ. და თუმცა ტაციტუსი არას გვიამბობს იმაზე, რომ იმპერატრი-
სა საროსკიპოში მსახურობდა, სამაგიეროდ გვიყვება, თუ როგორ მოჰყა-
დათ მესალინასთვის გამოძახებით ახალგაზრდა მამაკაცები, სწორედ ისი-
ნი, რომელთაც ქალი ხელს დაადებდა. ამის შემდეგ კი პალატინუსის სა-
სახლეში აქამდე უნახავი და გაუგონარი ორგიები ეწყობოდა.

ბუნებრივია, მკითხველს გაუჩნდება კითხვა, თუ რას აკეთებდა ამ დროს
მესალინას ქმარი — იმპერატორი კლავდიუსი და საერთოდ, როგორი
იყო იგი პიროვნულად.

ამ შეკითხვაზე ერთმნიშვნელოვან პასუხს ვერ იძლეოდნენ ანტიკური
წყაროები, ერთმნიშვნელოვნად კლავდიუსს ვერც თანამედროვე მეცნიე-
რები აფასებენ. იგი, ალბათ, რომის ყველაზე იღუმალი და ამოუცნობი იმ-
პერატორი გახლდათ. დოყლაპიად მიჩნეული, მორჩილი და გაუბედავი
კლავდიუსი ამავე დროს მეტად განსწავლული, სიღრმისეული პიროვნება
იყო, წერდა მეცნიერულ შრომებს, კარგად ერკვეოდა ისტორიოგრაფიაში,
გონივრული და გააზრებული ლაპარაკი ხელეწიფებოდა. თუმცა ის, რომ



იგი შეიძლება იმპერატორი გამხდარიყო, ვერავის წარმოედგინა. მიუხედავად ამისა, როცა უმაღლესი ხელისუფალი გახდა, კლავდიუსმა არა ერთი სასარგებლო საქმე გააკეთა და საერთოდაც, მისი სახელმწიფოებრივი მოღვაწეობა ფართო სპექტრისა იყო. მაგრამ კლავდიუსის პიროვნებაში, როგორც ჩანს, მაინც ორი თვისება სჭარბობდა დანარჩენთ — უნდობლობა და სიმხდალე, ამას კი არაერთხელ ერთობ სავალალო შედეგი მოუტანია და არა მარტო მისთვის.

იმპერატორის გარემოცვა მშვენიერად სარგებლობდა კლავდიუსის ლაჩრობით, შანტაჟს უწყობდა მას, არწმუნებდა, რომ მის სიცოცხლეს საფრთხე ემუქრებოდა და წარმატებასაც აღწევდა. ინტრიგანი, შურიანი, მზაკვარი ხელქვეითნი კი სასახლის კარზე ბლომად იყვნენ. მაგრამ ყველაზე დიდი გავლენა იმპერატორზე მასთან დაახლოებულ ადამიანებს ჰქონდათ — მის ოთხივე ცოლს და იმ სამ აზატს,² რომლებმაც კლავდიუსის მმართველობის დროს საიმპერატორო კარზე მნიშვნელოვანი ძალაუფლება იგდეს ხელთ.

მესალინა, რომელიც ძლიერი და მზაკვარი ქალი იყო, ქმარს თავის ნებაზე დაატარებდა. ბუნებით ინტრიგანი ეს ქალი წარჩინებულ და გამოჩენილ ადამიანებს გამორჩეულად ერჩოდა და თავის მიზანს წარმატებით აღწევდა, რადგან მეუღლე — იმპერატორი მის სურვილებს მორჩილად ასრულებდა. მესალინას მეცადინეობით არაერთი დიდგვაროვანი რომაელი სიკვდილით იქნა დასჯილი, ვინც ამას გადაურჩა, რომიდან განდევნეს. სხვებთან ერთად გადაასახლეს ცნობილი ფილოსოფოსი სენეკა.

მესალინას გამორჩეულად სძულდა კლავდიუსის ძმისშვილი აგრიპინა უმცროსი. ეს ქალი ხომ კლავდიუსმა გადასახლებიდან დააბრუნა. მტრობის ერთ-ერთი მიზეზი ის იყო, რომ აგრიპინას შვილი ნერონი მესალინას თავისი ვაჟის — ბრიტანიკუსის მეტოქედ მიაჩნდა. ყოველ შემთხვევაში წყაროები ასე მოგვითხრობენ. სხვა საკითხია, თუ რატომ უნდა გასჩენოდა მესალინას ამისი შიში, წესით ბრიტანიკუსის მემკვიდრეობა ეჭვქვეშ არ უნდა დამდგარიყო. ნუთუ მესალინამ რაღაც ქენა გრძნობით იგრძნო ის, რომ მოვლენები სწორედ ასე განვითარდებოდა? ლოგიკურ ახსნას ეს არ ექვემდებარებოდა. მაგრამ მიეყვით ფაქტების მსვლელობას.

მესალინა უსათუოდ მოიცილებდა აგრიპინას თავიდან, მაგრამ ამ უკანასკნელის საბედნიეროდ იმპერატორისამ მისთვის ვერ მოიცალა. ახალმა სასიყვარულო ვნებამ მესალინა აქამდე გამოუცდელი ძალით მთელი არსებით მოიცვა. ეს სიყვარული, ტაციტუსის თქმით, სიგიჟეს უტოლდებოდა (ტაციტუსი, „ანალები“, XI, 12).



მესალინა



მესალინას საყვარელი ერთ-ერთი ყველაზე წარჩინებული რომაელი, გამორჩეული გარეგნობის ახალგაზრდა ვაჟკაცი — გაიუს სილიუსი იყო. რათა მხოლოდ მისი საკუთრება ყოფილიყო, იმპერატორისამ იგი ცოლს გააშორა. მათი ურთიერთობა სრულიად აშკარად, ყველას თვალწინ წარმართებოდა. სილიუსს კარგად ესმოდა, თუ რაოდენ სარისკო იყო ასეთი თვალნათელი ადულტერი, მაგრამ გამოსავალი არ ჰქონდა — მესალინასთვის უარის თქმა სიკვდილის ტოლფასი იყო. თანაც, სილიუსი იმასაც მშვენივრად განჭვრეტდა, რომ იმპერატორის მეუღლესთან ასეთი ვნებიანი და სიგიჟემდე მისული რომანი მას ახალი, ცოტა ხნის წინათ სრულიად წარმოუდგენელი შესაძლებლობისაკენ უხსნიდა გზას. სასიყვარულო ურთიერთობა იმპერატრისას, მართალია, აქამდე არაერთ მამაკაცთან ჰქონოდა, მაგრამ მისი თავაშვებულობა და უტიფრობა ასე აშკარად არასოდეს გამოშვეურებულყო, — ასე ფიქრობდა სილიუსი და გეგმებს აწყობდა. ამა-სობაში მესალინა თანდათან სულ უფრო მეტი გამმაგებით ეძლეოდა სიძვას. ამასთან ის, რასაც იგი აკეთებდა, გამონევევასაც წააგავდა, თითქოს იგი ებრძოდა სასახლის კარზე მიღებულ ნორმებს. აბა სხვა რაღა უნდა დაერქვას იმას, როცა იმპერატრისა ამალის თანხლებით მიბრძანდებოდა სილიუსის სახლში, გვერდიდან არ სცილდებოდა, უხვად ასაჩუქრებდა თავის საყვარელს ფულით, თუ სხვა ძვირფასეულობით. მესალინა იმ ზომამდე გათავხედდა, რომ იმპერატორის ნიეთები სილიუსის სახლში გადაიტანა და საყვარლის პალატი მისთვის ჩვეულ გარემოს დაამსგავსა — გაიუს სილიუსის სახლში ნახავდით კლავდიუსის მონებს, მსახურებსა თუ აზატებს.

თუ ტრადიციას ვერწმუნებით, ცოლის ამ სკანდალური რომანის თაობაზე ქმრისთვის არაფერი იყო ცნობილი. შესაძლებელია, იმეულეები ხომ საერთოდ ყველაზე გვიან იგებენ თავიანთი მეორე ნახევრის ლალატის შესახებ, გარდა ამისა, კლავდიუსი მართლაც განსაკუთრებულად დაუდევარი ადამიანი გახლდათ და საესებით დასაშვები იყო მისგან, რომ თვალწინ მომხდარისთვის ყურადღება არც კი მიექცია.

ბოლოს მესალინას მობეზრდა მიღწეული და ახალი, აქამდე გამოუცდიელი სიამოვნების ძიება იწყო. სილიუსს კი, როგორც ვთქვით, თავისი გეგმები ჰქონდა და ოცნების აღსასრულებლად შესაფერის მომენტს უძედიდა. მისი გათვლით, სწორედ ახლა დადგა დრო, რომ ჩანაფიქრი მესალინასთვის გაენდო. — მოდი, შევწყვიტოთ თვალთმაქცობა — ეუბნებოდა იგი საყვარელს. — ჩვენ ხომ ვერ დაველოდებით იმას, სანამ კლავდიუსი ბუნებრივად, სიბერით არ მოკვდებაო. კეთილგონიერებას ზიანი უღანაშაულოთათვის ნამდვილად არ მოაქვს, მაგრამ აშკარა უზნეობამ საყ-



რდენი მხოლოდ თავზე ხელის ალებაში შეიძლება ნახოსო — არმუნებდა სილიუსი ქალს. — მე უცოლო ვარ, არც შვილები მყავს, მინდა ცოლად მოგიყვანო, შენი შვილი ბრიტანიკუსი — კი ვიჭილოო. თუ მიმნდობ და დაუდევარ კლავდიუსს დაეასრებთ, შენ უნინდელ ძალაუფლებას შეინარჩუნებ, მაგრამ ამას უსაფრთხოებაც დაემატება, არ დაგაიწყდეს, შენს ქმარს რომ საშინელი განრისხება სჩვევიაო. — ასეთი იყო სილიუსის არგუმენტები, რომელსაც იგი გამუდმებით აწვეთებდა თავის საყვარელს.

„მესალინა სილიუსის სიტყვებს გულგრილი უსმენდა, მაგრამ იმიტომ კი არა, რომ ქმარი უყვარდა, არამედ იმიტომ, რომ ეშინოდა ძალაუფლების ხელში ჩაგდების შემდეგ სილიუსი მისადმი არ განელტებულიყო და სათანადოდ არ შეეფასებინა ის ბოროტება, რომელსაც სახიფათო ვითარებაში ასე დადებითად განიხილავდა“, — შენიშნავს ტაციტუსი (ტაციტუსი, „ანალები“, XI, 26).

და მაინც, მესალინას ახალი ქორწინების პერსპექტივა მოეწონა, ალბათ, მას ყველაზე მეტად სწორედ ამ საქციელის გაუგონარი სითავებდე ხიბლავდა, ყველაფერი დანარჩენი მას უკვე მოყირჭებული ჰქონდა. და მართლაც, როგორც კი კლავდიუსი ოსტიაში დაიგულა, იმპერატრისამ ქორწილი ყველა წესის დაცვით, საზეიმოდ რომში გადაიხადა. პირ-სახე საქორწინო საბურველით დაიფარა, საქორწინო ხელშეკრულებას მონშეების თანდასრებით მოანერა ხელი, აღასრულა საზეიმო მსხვერპლშენიერაც. ბოლოს, ცოლ-ქმარი მოქიფეთა შორის გამლილ საქორწინო სარეცელზე წამოწვენ და ღამეც ცოლქმრულ ნებიერობაში გაატარეს (ტაციტუსი, „ანალები“, XI, 26-27).

ამ გაუგონარმა ამბავმა სასახლის კარი ფრიად შეაშფოთა. სახელმწიფო გადატრიალებისა კი ყველაზე მეტად იმათ ეშინოდათ, ვინც კლავდიუსის კარზე თბილ და რბილ სავარძლებში ისხდნენ. ის, თუ რა უნდა მოპყოლოდა ამ ქორწინებას, ყველა მშენიერად ხვდებოდა. სასწრაფოდ რაღაც უნდა ეღონათ. და აი, სამი აზატი — ნარცისი, პალასი და კალისტოსი, სასახლის კარის ყველაზე გავლენიანი პირები შეთანხმდნენ, რომ ცოლის ქორწინება ოსტიაში მყოფი კლავდიუსისთვის შეეტყობინებინათ. ამ საქმის მოგვარება ნარცისმა ითავა. თავდაპირველად კლავდიუსს მისმა მოახლებებმა ამცნეს მესალინას გათხოვების შესახებ, შემდეგ კი ოთახში ნარცისი შევიდა. მან იმპერატორს ყველაფერი დანეროლებით უამბო და ამასთან მკაცრად გააფრთხილა, რომ თუ დაუყოვნებლივ არ ილონებდა რამეს, მესალინას ახალი ქმარი რომის მმართველი გახდებოდა.

მომხდარმა გააოგნა კლავდიუსი. იგი ისე დაიბნა, რომ იმასაც ვერ ხვდებოდა, იყო თუ არა იგი კვლავ იმპერატორი, თუ რომს უკვე სილიუსი მარ-



მესალინა



თავდა. გონებანართმეულ იმპერატორს წინ შემუშავებული გეგმა დაუდეს. ახლა მთავარი იყო, პრინციპსს არმიის მხარდაჭერა გაენალდებინა, არმია ხომ ასეთ ვითარებაში, ფაქტობრივად, ყველაფერს წყვეტდა. შემდეგ კი დამნაშავენი სასტიკად უნდა დაესაჯა.

რა ხდებოდა ამასობაში რომში? როგორც ჩანს, მექორწინებმა რეალობის შეგრძნება დაკარგეს. შემოდგომა იდგა და მესალინამ გადწყვიტა, ყურძნის აღებასთან დაკავშირებით წარმოდგენა მოეწყო. სასახლის კარზე ნამდვილი ბაკქანალია გაიმართა. ყურძენს საწინახელში წურავდნენ, როფებში ყურძნის ტკბილი მოედინებოდა... აქვე გამალებით ხტოდნენ და ცეკვავდნენ თმაგაშლილი, ცხოველთა ტყავით შემოსილნი, ბაკქური სიგიჟით მოცული ქალები. მესალინაც მათ შორის იყო, თმაგაძეძილი, იგი კოტურნებზე იდგა, თირსოსს იქნევდა და გახლებული მენადას მსგავსად თავს უკან ისროდა.³ სუროში გახვეული მისი ქმარი კი მის გვერდით როკავდა და ცოლთან ხმაშენყობით უწმანურ სიმღერებს მღეროდა. სწორედ ამ დღეში იყვნენ მექორწილენი, როცა რომში ხმა გაგარდა, კლავდიუსმა ყველაფერი შეიტყო და რომში შურის საძიებლად მოემართებაო.

მესალინას ახლა თავის გადარჩენაზე უნდა ეზრუნა. მისი ვარაუდით, კლავდიუსს ყველაზე მეტად ის აუჩუყებდა გულს, თუ შეილებთან ერთად თავადვე ეახლებოდა. ამასთან იმპერატრისამ ქურუმი ქალიც ნაიყვანა თან. ამ უკანასკნელს კლავდიუსისთვის უნდა მოეთხოვა, რომ ცოლისთვის მოესმინა. ეს, რასაკვირველია, იმ შემთხვევაში, თუ საქმე გაჭირდებოდა. თუმცა მესალინას თავისი ხიბლის და ქმარზე უწინდელი ზეგავლენის იმედი ჰქონდა.

და აი, გადამწყვეტი შეხვედრაც შედგა. მესალინა კლავდიუსს მოსმენას ევედრებოდა, — ყური დამიგდე, შენი შვილების — ოქტავიას და ბრიტანიკუსის დედას და შემდეგ გამომიტანე განაჩენიო, — და კლავდიუსიც ალბათ დაყაბულდებოდა, ნარცისს რომ არ შეეშალა ხელი. მან კლავდიუსს ქალადი მიანოდა, სადაც მისი ცოლის სასიყვარულო თავგადასავლები იყო ჩამოთვლილი. ნარცისს როგორმე უნდა მოეხერხებინა, რომ ცოლ-ქმრის მზერა ერთმანეთს არ შეხვედროდა, რათა არ განმეორებულყო უკვე მრავალგზის მომხდარი — მესალინას ხიბლს კლავდიუსი კვლავ არ დაეჯაბნა. ამავე დროს ნარცისი იმპერატორს მისი ცოლის ქორწინებას ახსენებდა. როგორც იქნა, აზატის ძალისხმევამ შედეგი გამოიღო. კლავდიუსმა მესალინას ლაპარაკი შეწყვეტინა.

ახლა იმპერატორს საკუთარი თვალთა უნდა ეხილა მესალინას დანაშაულის მამტიციტებელი საბუთები. ამიტომ ნარცისმა იგი სილიუსის სახელში მიიყვანა. იმპერატორმა თავისი ნივთები იცნო.



შემდეგი ნაბიჯი ჯარისკაცთა ბანაკი იყო. სამხედროებმა კლავდიუსს დამნაშავეთა დასჯა მოსთხოვეს. უკვე დატუსაღებული სილიუსი და მისი მომხრეები სიკვდილით იქვე დასაჯეს. სიცოცხლეს გამოასალმეს ის რომელი დიდებულებიც, რომელთაც მესალინას საყვარლობა ბრალდებოდათ.

და ბოლოს ყველაზე რთული საქმე უნდა მოეყვანათ სისრულეში — მესალინა უნდა დაესაჯათ. ეს მართლაც ყველაზე საძნელო რამ იყო, იმპერატრისას ფარ-ხმალი ჯერ კიდევ არ ჰქონდა დაყრილი და თავის გადასარჩენად ყოველ ღონეს ხმარობდა. ნარცისს ცოტათი რომ დაეყოვნებინა, ეს ქალი თავის ბრალმდებელს თავად დალუპავდა.

კლავდიუსიც ნელ-ნელა ტყდებოდა, რისხევაც უნელდებოდა. ერთხელაც ნასევამმა იმპერატორმა ბრძანება გასცა, გადაეცათ უბედური ქალისთვის (როგორც ამტკიცებენ, მან სწორედ ასე მოიხსენია ცოლი), რომ მეორე დღეს მასთან თავის სამართლებლად მისულიყო (ტაციტუსი, „ანალები“, XI, 97). სასწორი მესალინას მხარეს გადაიხარა. ნარცისმა ეს დაუყოვნებელი მოქმედების ნიშნად ჩათვალა და მესალინას სიკვდილით დასჯის განაჩენი თავად გამოუტანა. იმათ კი, ვისაც ამის გაკეთება უბრძანა, განუცხადა, რომ ასეთი იყო იმპერატორის ნება.

მესალინა ლუკულუსის ბალებში განმარტოებულიყო. ჯალათნი მას აქ გამოეცხადნენ. მათ დანახვაზე იმპერატრისამ პირველად გააცნობიერა, რომ აღარაფერი უშველიდა და ხანჯალს სტაცა ხელი. აკანკალებული ხელით ქალს ხანჯალი ხან გულთან მიჰქონდა, ხან ყელს უშვერდა, მაგრამ დარტყმას ვერა და ვერ ბედავდა. მაშინ ტრიბუნმა აღარ დააყოვნა და თავად ჩასცხო მესალინას მახვილი.

როგორც გადმოგვცემენ, როცა ცოლის სიკვდილის ამბავი იმპერატორს შეატყობინეს, იგი სუფრას უჯდა და ქეიფობდა. მისთვის არ უთქვამთ, იძულებითი იყო მესალინას სიკვდილი, თუ თავად მან ისურვა ასე. კლავდიუსსაც არაფერი უკითხავს, მან მხოლოდ ღვინო მოითხოვა და ნადიმი ნესისამებრ განაგრძო. მას ვერც მომდევნო დღეებში შეატყობდით რაიმეს — არავითარი ნიშან-წყალი არ ჩანდა არც სიხარულის, არც სიძულვილის, არც რისხვის, არც სასონარკვეთის, ან თუნდაც სხვა ადამიანური ემოციისა.

ვერ მიხვდებოდით, თუ რას განიცდიდა იმპერატორი ვერც მაშინ, როდესაც ის გამარჯვებულ ბრალმდებელთ უყურებდა, და ვერც მაშინ, როცა უბედურებით განგმირულ შვილებს უცქერდა.

სენატმა დაადგინა, რომ მესალინას სახელი შენობებზე გაკეთებული



მესალინა



ნარნერებიდან ამოეშალათ. ბრძანება გასცეს, აეღოთ მისი ქანდაკებებიც. ფიქრობდნენ, ეს იმპერატორს ცოლის დავინყებას გაუადვილებსო. დააჯილდოვეს ნარციისი — მას კვესტორობა უბოძეს, რაც ტაციტუსის შეფასებით, ძალზე მცირე ჯილდო იყო იმასთან შედარებით, რასაც თავად ნარციისი მოელოდა — ამ საქმეში ხომ მისი დამსახურება ბევრად მეტი იყო ვიდრე პალასის, ან თუნდაც კალისტოსისა.

„დიახ, ნარციისის განზრახვა პატიოსანი იყო, მაგრამ ამან საქმე ყველაზე უარეს შედეგებამდე მიიყვანაო“, — ასრულებს მესალინას ამბის თხრობას ტაციტუსი (ტაციტუსი, „ანალები“, XI, 38).






შენიშვნები:

¹ ლუპანარიუმი — საროსკიპო.

² ტერმინ „აზატი“ ვთარგმნეთ ჩვენ თავისუფლებამოპოვებული ყოფილი მონების სოციალური ფენა (ლათ. libertus, libertinus). საბერძნეთისაგან განსხვავებით, ამ სოციალურ ფენას რომში მაღალი სახელმწიფო თანამდებობებიც ეკავა, განსაკუთრებით კლავდიუსის მმართველობისას. იმპერიის პერიოდში აზატების შვილებს შეეძლოთ გამხდარიყვნენ არა მარტო მხედრები, არამედ თავად იმპერატორებიც (ა.მ. პერტინაქსი ან თუნდაც დიოკლეტიანე). თუმცა ძირითადად ისინი მიეკუთვნებოდნენ წერილ მენარმეთა კლასს და იყვნენ თავიანთი პატრონების ნდობით აღჭურვილნი პირნი სამენარმეო თუ პოლიტიკურ საქმიანობაში. კლავდიუსის კარზე ყველაზე გავლენიანი აზატები იყვნენ — ნარცისი, პალასი და კალისტოსი.

³ კოტურნი — მაღალი დახურული ჩექმა რბილი ტყავისგან. იყო ყოველდღიურ მოხმარებაშიც. კოტურნები ეცვათ მსახიობებს — ისინი ამალეებდნენ მსახიობს და მის პერსონას დიდებულებას ანიჭებდნენ. კოტურნები ძალიან ნააგავს თანამედროვე ე.წ. „პლატფორმიანი ძირის“ ფეხსაცმელს. თირსოსი — ჯოხი, რომელიც სუროთი და ვაზის ფოთლებითაა შემოხვეული. თავში გირჩა აქვთ ნამოცმული. დიონისური პროცესიების ერთ-ერთი მთავარი ატრიბუტი, დიონისესა და მის თანმხლებთა კვერთხი. მენადა — დიონისეს თანმხლები ქალი. დიონისეს ასევე ბაკქუსი ეწოდებოდა. შესაბამისად მენადებს ასევე ბაკქ ქალებსაც ეძახდნენ. ისინი გამოწყობილნი იყვნენ ირმის ტყავში, იქნევდნენ მაშხალებსა და თირსოსებს და გიჟური ცეკვით ტყეებსა და მთებში მიჰქროდნენ. იქ ექსტაზის მდგომარეობაში მენადები ხოცავდნენ მხეცებს და ნანილ-ნანილ კუნავდნენ. თავის უკან გადასროლა მენადას რიტუალის დამახასიათებელი ელემენტი.





აგრიპინა

უმცროსი

რომის საიმპერატორო კარის ერთ-ერთ ყველაზე უფრო გამორჩეულ და ამასთანავე განსაკუთრებულად ტრაგიკული ბედის პიროვნებად აგრიპინა უმცროსი შეიძლება დაეასახელოს.

ის ხეივანი, რომელიც აგრიპინას ერგო წილად, ალბათ ორი გარემოებით იყო გამოწვეული. ერთი იყო ამ ქალის სრულიად არაორდინალური ზნე და ხასიათი. მეორე კი ის, რომ ბედმა მას არგუნა მთელი ცხოვრების განმავლობაში რომის საიმპერატორო კარის პირველი ქალბატონი ყოფილიყო — აგრიპინა ხომ ბავშვობიდან მოყოლებული ვიდრე სიკვდილამდე — რომის უმაღლეს ხელისუფალთა უახლოესი ნათესავი გახლდათ. აკი ხაზგასმით აღნიშნავს კიდევ ტაციტუსი, რომ რომის ისტორიაში აგრიპინა უმცროსი წარმოადგენდა ერთადერთ ქალს, რომელიც იყო იმპერატორის ქალიშვილიც და პრინციპსების — დაც, მეულლეც და დედაც (ტაციტუსი, „ანალები“, XII, 42).

და მართლაც აგრიპინა უმცროსის სრულიად გამორჩეული სანათესაო პყავდა. მამამისი — გერმანიკუსი, იმპერატორ ტიბერიუსის ძმისშვილი რომელთა ერთ-ერთი ყველაზე გამორჩენილი მხედართმთავარი იყო, რომელსაც იმპერატორის საპატიო ტიტული ორჯერ მიანიჭეს. აგრიპინას ძმა — კალიგულა 37-41 წწ.-ში რომის პრინციპსი¹ გახლდათ. აგრიპინას ქმარი — კლავდიუსი საიმპერატორო ტახტზე კალიგულას მკვლელობის შემდეგ ავიდა და ცამეტეი წელი მართავდა რომის სახელმწიფოს (41-54 წწ.). აგრიპინას შვილი — ნერონი ასევე რომის იმპერატორი იყო, რომელსაც უმაღლესი ხელისუფლება კლავდიუსის სიკვდილის შემდეგ ერგო (54-68 წწ.).

თუ აგრიპინას შესახებ ძველები მართალს მოგვითხრობენ, გამოდის, რომ თითქმის არ დარჩენილა არანაირი მანკიერება, რომელიც ამ ქალის-



თვის უცხო ყოფილიყო. ჯერ კიდევ სრულიად ახალგაზრდა იგი საკუთარ ძმას — კალიგულას ჰყავდა საყვარლად. შემდგომ მას კალიგულასვე წინააღმდეგ მონაწილე შეთქმულებაში მიუღია მონაწილეობა. უკვე ზრდასრულ აგრიპინას თავისი ქმრის და იმავდროულად ბიძის — კლავდიუსის მონაწილეობაში სდებენ ბრალს. და ბოლოს, უკვე სიცოცხლის მიმწუხრს აგრიპინა დაჟინებით მიისწრაფოდა თურმე საკუთარ ვაჟიშვილთან — ნერონთან სასიყვარულო ურთიერთობისკენ. ალბათ საინტერესოა ის, რომ ამ ცოდვებში აგრიპინას თითქმის ყველა ძველი ავტორი ადანაშაულებს. როგორც ჩანს, დასახელებული ქმედებანი აგრიპინას ხასიათსა და ზნეს, მათი აზრით, საესებით შეესატყვისებოდა. აი, ერთ-ერთი მათგანის არგუმენტი იმის თაობაზე, თუ რატომ არ იყო გასაკვირი აგრიპინას ამგვარი გაუგონარი გარყვნილება. „რადგან აგრიპინას ძალაუფლების ხელში ჩაგდებას იმედი აცდუნებდა, იგი ჯერ კიდევ ყმანვილქალობაში ყოველგვარი ყოყმანის გარეშე ლეპიდუსის² საყვარელი გახდა, მოგვიანებით თავიც დაიმცირა და პალასთან³ გააბა სასიყვარულო ურთიერთობა, ხოლო მას შემდეგ კი, რაც საკუთარი ბიძის ცოლიც გახლდათ, აგრიპინა მზად იყო, ნებისმიერი სისაძაგლე ჩაედინა და სრულიად არ ჰქონდა მნიშვნელობა მისთვის, თუ რა იქნებოდა ეს“ (ტაციტუსი, „ანალები“, XIV, 2). იგივე ტაციტუსი სხვაგან, როცა აგრიპინა უმცროსსა და დომიცია ლეპიდას⁴ შესახებ გვიყვება, ამ ორი ცნობილი მატრონას შეფასებისას განსაკუთრებით უსვამს ხაზს მათ სამარცხვინო სახელს, საოცარ გარყვნილებასა და აღვირახსნილობას. „ისინი, — ამტკიცებს ისტორიკოსი, — ერთმანეთს უფრო მეტად ეჯიბრებოდნენ მანკიერებაში, ვიდრე იმ მცირერიცხოვან დადებით თვისებებში, რომელიც, შესაძლოა, მათ ბედმა არგუნა წილად“ (ტაციტუსი, „ანალები“, XII, 64).

მაგრამ აგრიპინას ერთადერთი მახასიათებელი მხოლოდ ავხორცობა არ ყოფილა. თავისი ოცნების აღსასრულებლად — ძალაუფლების ხელში ჩასაგდებად მას სხვა, ამისთვის საჭირო თვისებები ჰქონდა. აგრიპინა იყო გამჭრიახი, სხარტი გონებით დაჯილდოებული ქალი. იყო ეშმაკიც, მშვენივრად შეძლო, ემლიქვნელა და ეპირფერა. ყოველ შემთხვევაში, მას იმისი ჭკუა ყოფნიდა, რომ კლავდიუსის მესამე ცოლის — მესალინას მსგავსად ყველა თავისი ქმედება სააშკარაოზე არ გამოეტანა. „სახალხოოდ ის მკაცრი იყო, უფრო მეტად კი ქედმაღლობას ავლენდა ხოლმე“, — შენიშნავს ტაციტუსი (ტაციტუსი, „ანალები“, XII, 7). ყოველივე ამას კიდევ ერთი მნიშვნელოვანი გარემოება ემატებოდა — აგრიპინა, როგორც გადმოგვცემენ, გამორჩეულად ლამაზი ქალი ყოფილა.

აგრიპინა უმცროსი რომის კოლონიაში Ara Ubiorum-ში (უბიების ქალაქში) — ახ.წ. 15 წელს დაიბადა. იმპერატორმა ტიბერიუსმა აგრიპინა მარკუს ანტონიუსის შვილიშვილზე — გნეუს დომიციუს აპენორბარბუს-



ზე დააქორწინა. აპენობარბუსი სასტიკი, გარყვნილი და უპატიოსნო კაცი იყო „ადამიანთა შორის ყველაზე საზიზღარი თავისი ცხოვრების ნებისმიერ მონაკვეთში“ (სვეტონიუსი, „ნერონი“, 5). აგრიპინას და დომიციუსს ერთადერთი შვილი ჰყავდათ — ლუციუს დომიციუს აპენობარბუსი, რომელიც შემდგომ იმპერატორი გახდება და რომის ისტორიაში ნერონის სახელით შევა. ამბობენ, თითქოს შვილის გაჩენის გამო მოსალოცად მისული მეგობრებისთვის აპენობარბუსს განუცხადებია, რომ მისგან და აგრიპინასაგან სხვა არა შეიძლება იშვას, თუ არა არსება, რომელიც კაცობრიობას საშინელებას და დიდ განსაცდელს მოუტანსო (სვეტონიუსი, „ნერონი“, 6, 1). უნდა ითქვას, რომ რომის სახელმწიფოსთვის საუაღალოდ, აპენობარბუსი არ ცდებოდა. აგრიპინამ მართლაც რომ ურჩხული შვა. შვილის გაჩენიდან მალე, სამიოდე თვის შემდეგ აგრიპინა დაქვრივდა.

ახ.წ. 37 წელს რომის საიმპერატორო ტახტზე კალიგულა ავიდა. თითქოს ან უკვე გარდაცვლილი იმპერატორის — ტიბერიუსის მიერ შერისხული აგრიპინას ოჯახისთვის უკეთესი დღეები უნდა დამდგარიყო. მართლაც, თავისი მმართველობის დასაწყისში კალიგულა — კიდევ ერთი საზარელი იმპერატორი — შედარებით ზომიერად იქცეოდა, მეტიც, ცდილობდა, ხალხი თავისი პიროვნების მიმართ კეთილად განეწყო. საზოგადოების გულის მოსაგებად მან ძველი რომაული ადათების შესაბამისად გარდაცვლილ ნათესავთა ხსოვნას პატივი მიაგო, ცოცხლების მიმართ კი პატივისცემა გამოხატა. დების მიმართ პატივისცემის გამოვლინება იყო ის ფიცი, რომლითაც მოსახლეობა იმპერატორის სახელს იფიცებდა. ხალხს კალიგულასთან ერთად ამ ფიცში მისი დებიც უნდა მოეხსენიებინა. „დაე, ნუ მეყვარება მე საკუთარი თავი და შვილები უფრო მეტად, ვიდრე გაიუსი და დანი მისნი“, ან „დაე, წარმატება ხედეთ და ხარობდნენ გაიუსსა და მის დათ“ (სვეტონიუსი, „კალიგულა“, 15, 3).

პატივი, რომელსაც კალიგულა დებს მიაგებდა, თქმა არ უნდა, მხოლოდ გარეგნული იყო. სინამდვილეში კი, როგორც გადმოგვცემენ, კალიგულას ყველა მათგანთან სასიყვარულო ურთიერთობა ჰქონდა. ნევეულებზე კალიგულას დები ჩვეულებისამებრ იმპერატორის ტახტრევიანის ქვევით გაშლილ სარეცლებზე განისვენებდნენ.

არ გასულა დიდი ხანი კალიგულას გამეფებიდან, როცა მის წინააღმდეგ შეთქმულება გამოამკარავდა. მას მარკუს ლეპიდუსი — კალიგულას ან უკვე ყოფილი სიძე მეთაურობდა. ამბობდნენ, თითქოს იმპერატორის წინააღმდეგ ჩათრეულნი იყვნენ კალიგულას დებიც — აგრიპინა და ლივილა, რომლებიც იმავდროულად ლეპიდუსის საყვარლებად იყვნენ ცნობილნი. რამდენად მართალია ეს მიეთ-მოეთი, არ ვიცით, მაგრამ ფაქტია ის, რომ უზომოდ ეჭვიანი კალიგულას დამოკიდებულება დებისადმი უმაღლესი იყო. საქმე ორივე მათგანის მიმართ აღიძრა. აგრიპინასა და ლივილას



აგრიპინა უმცროსი



ორი ბრალდება წაუყენეს — ცხოვრების გარყვნილი ნირი და იმპერატორის წინააღმდეგ შეთქმულებაში მონაწილეობა. როგორც მოსალოდნელი იყო, სასამართლომ ისინი დამნაშავედ სცნო და პონტიას კუნძულებზე გადასახლება მიუსაჯა. სექტონიუსის გადმოცემით, იმისთვის, რომ დების ბრალეულობა დაემტკიცებინა, კალიგულამ მზაკვრობით და ცდუნებით აგრიპინასა და ლივილას მათივე ხელით დაწერილი წერილები გამოსტყუა და სააშკარაოზე, სახალხოდ გამოიტანა. გადასახლებაში აგრიპინა კალიგულას მკვლელობის შემდეგაც იმყოფებოდა, სანამ ახალმა იმპერატორმა და მისმა ბიძამ — კლავდიუსმა იგი უკან, რომში არ დააბრუნა.

ახ. წ. 48 წელს რომი წარმოუდგენელმა სკანდალმა მოიცვა. ჯერ არ გაგონილ გარყვნილებაში მხილებული კლავდიუსის მესამე ცოლი — მესალინა დასჯილ იქნა. ახლა აგრიპინას გზა გაეხსნა, თავისი ოცნება აღესრულებინა — ბოლოს და ბოლოს ძალაუფლება მოეპოვებინა. კლავდიუსი ამჯერად ხომ უცოლო იყო და აგრიპინამ მტკიცედ დაისახა მიზნად, რადაც არ უნდა დასჯდომოდა კლავდიუსის, ანუ საკუთარი ბიძის ცოლი და შესაბამისად რომის პირველი ქალბატონი გამხდარიყო. მესალინას გაუგონარი ღალატით თავლადანსხულმა კლავდიუსმა, მართალია, საჯაროდ განაცხადა, რომ მეტი ცოლს აღარასოდეს მოიყვანდა, მაგრამ რომში ყველამ კარგად იცოდა, რომ კლავდიუსი, რომელიც ცოლებზე დიდად იყო დამოკიდებული, ეულად ყოფნას ვერ აიტანდა. მორჩილება და სხვისი გავლენის ქვეშ ყოფნა იმპერატორის უმთავრესი ნაკლი გახლდათ. განსაკუთრებით თვინიერი კი კლავდიუსი თავისი ცოლების და ყოფილი მონების, ან უკვე ფრიად გავლენიანი პირების — აზატების მიმართ იყო. ესენი იმპერატორს თავიანთ ჭკუაზე დაატარებდნენ, რაც თავისთავად სამწუხარო მოვლენას წარმოადგენდა, მაგრამ, უპირველეს ყოვლისა, ეს სახელმწიფოსთვის იყო სახიფათო. მისი საქებარი თვისებების ჩამოთვლის შემდეგ, ამიტომაც შენიშნავს ასე დანაწიებით სექტონიუსი: „ამ ადამიანებს იმდენად ჰყავდათ მოქცეული კლავდიუსი თავიანთი გავლენის ქვეშ, რომ ხშირად იგი მსახურს უფრო ნააგავდა, ვიდრე იმპერატორს“ (სექტონიუსი, „კლავდიუსი“, 25).

კლავდიუსისთვის ცოლის ამორჩევა ფრიად საპასუხისმგებლო საქმე იყო. საპატარძლოს შერჩევაში ერთმანეთს სამი აზატი დაუპირისპირდა. თითოეულ მათგანს თავისი კანდიდატურა ჰყავდა. პალასს, საიმპერატორო კარის ერთ-ერთ ყველაზე გავლენიან პირს, მიაჩნდა, რომ კლავდიუსისთვის ყველაზე შესაფერისი ცოლი აგრიპინა იქნებოდა, რადგან ამ ქორწინებით აგრიპინა იულიუსებისა და კლავდიუსების გვარებს ერთმანეთთან დააკავშირებდა და კლავდიუსების სახლში რომაელთა სათაყვანებელი გმირის — გერმანიკუსის შეილიშვილს შემოიყვანდა.⁵ სრულიად დაუშვებელია, ამტკიცებდა პალასი, რომ ახალგაზრდა და ჯიშინამა ქალმა კეისრების სახელი და დიდება სხვა საგვარეულოში წაილოსო (ტაციტუსი,



„ანალები“, XII, 2). დანარჩენი კანდიდატები — კლავდიუსის ყოფილი ცოლი (რიგით მეორე) ელია პეტინა და კალიგულას ყოფილი ცოლი — ლოლია პაულინა იყვნენ. შეჯიბრში აგრიპინამ გაიმარჯვა. „სშირად სტუმრობდა რა თავის ბიძასთან, ვითარცა ახლო ნათესავი, აგრიპინამ აცდუნა იგი და მას შემდეგ, რაც სხვებს აჯობა, იგი იმპერატორის ცოლის შესაფერისი ძალაუფლებით სარგებლობდა, თუმცაღა კლავდიუსზე დაქორწინებულ იქნა ვერ არც კი იყო“ (ტაციტუსი, „ანალები“, XII).

მაგრამ ქორწინებისთვის საიმპერატორო წყვილის — კლავდიუსისა და აგრიპინას სურვილი საკმარისი არ აღმოჩნდა. მათ შეუძლებას რომაული ადათები ეწინააღმდეგებოდა — ბიძასა და ძმისშვილს შორის ქორწინება რომაელთათვის გაუგონარი რამ იყო, ეს სისხლის აღრევად ითვლებოდა. საქმე უკვე ჩიხში იყო შესული, როდესაც რომაელმა წარჩინებულმა, სახელად ვიტელიუსმა, ამისი მოგვარება თავის თავზე აიღო. თავდაპირველად მან დაითანხმა სენატორები, რომ პრინციპსს სახელმწიფოსვე სასარგებლოდ ცოლი აუცილებლად უნდა მოეყვანა. შემდეგ დაიყოლია იმაზეც, რომ მომავალი იმპერატორისა აუცილებლად გამორჩეული ქალი უნდა ყოფილიყო, გამორჩეული გვარიშვილობით და ზნესრულობით. ასეთი ქალი, ვიტელიუსის მტკიცებით, მხოლოდ და მხოლოდ აგრიპინა თუ იქნებოდა. მაგრამ ახსენა თუ არა აგრიპინა, ორატორი მთავარ დაბრკოლებას მიადგა. დიახ, განაცხადა მან, ბიძასა და ძმისშვილს შორის ქორწინება მართლაც უცხო ხილი იყო რომაელებისთვის, თუმცაღა ისიც დაუმატა, რომ სხვებთან, ასე მაგალითად, ბერძნებში ეს სრულიად ჩვეულებრივი მოვლენა გახლდათ. მაგრამ ახლა ეს არ იყო მთავარი. ამჯერად აგრიპინასა და კლავდიუსის ქორწინება სახელმწიფოსთვის იყო საჭირო, ამ საჭიროების წინაშე კი ყველა დაბრკოლება უკან იხევდა, სწორედ ამიტომ, ისინი, პატივცემული სენატორები, სამშობლოს მამები, ამაზე უნდა დაყაბულებულიყვნენ. ჩვენ არ ვიცით, პყავდა თუ არა ვიტელიუსს სენატორები წინასწარ შემზადებული, ფაქტი ერთია, მისი სიტყვის შემდეგ გარეთ თანდათანობით იწყო შეგროვება ხალხმა, რომელიც დაჟინებით მოითხოვდა იმპერატორისაგან, რომ იგი აგრიპინაზე დაქორწინებას დათანხმებოდა. შედეგი ძნელი გამოსაცნობი არ უნდა იყოს. კლავდიუსმა ხალხის სურვილი შეისმინა. თავის მხრივ, სენატმა შეიმუშავა დადგენილება და ბიძასა და ძმისწულს შორის ქორწინება კანონიერი გახადა. კლავდიუსმა და აგრიპინამ ქორწილი დიდი ზარ-ზეიმით გადაიხადეს. ტაციტუსი აღნიშნავს: „პრინციპსის ეს ქორწინება სახელმწიფოსთვის გადამწყვეტ ცვლილებათა მიზეზი შეიქმნა: ყველაფრის მოთავე გახდა ქალი, რომელიც მესალინასაგან განსხვავებით, რომის იმპერიის საქმეებს ლაგამაშეებული თავნებობით სრულიადაც არ განაგებდა. აღვირი აგრიპინას მტკიცედ ჰქონდა დაჭიმული ისე, თითქოს იგი მამაკაცის ხელში ყოფილიყო“ (ტაციტუსი, „ანალები“, XII, 7).



აგრიპინა უმბროსი



და მართლაც, აგრიპინას მთელი შემდგომი მოღვაწეობა იმის ნათელი მაგალითია, თუ როგორ შეიძლება ქალმა მართოს სახელმწიფო ისე, რომ სახელად მას მხოლოდ იმპერატორის ცოლი ერქვას. აგრიპინა წყვეტდა, თუ ვინ უნდა დაენიშნათ, ან ვინ უნდა გაეთავისუფლებინათ ამა თუ იმ თანამედებობიდან. მისი მითითებების შესაბამისად აძევებდნენ ცენტურიონებს თუ ტრიბუნებს და ნიშნავდნენ ახლებს. სენატორები და ელჩები აგრიპინას აბარებდნენ ანგარიშს. მისი ძალაუფლება იმდენად დიდი იყო, რომ მან პრეტორიანელთა კოჰორტის უფროსის დანიშვნაც კი შეძლო, თუმცა ეს თანამედებობა სახელმწიფოსთვის ერთ-ერთი საკვანძო გახლდათ. და მოუხედავად იმისა, რომ რომის იმპერიას ფაქტობრივად ტახტის უკან მდგარი აგრიპინა მართავდა, როგორც ჩანს, ამგვარი ძალაუფლება მისი პატივმოყვარეობისთვის საკმარისი არ იყო. ეს ქალი ყოველგვარ საშუალებას მიმართავდა იმის დასამტკიცებლად, რომ თავისი ქმრის ქვეშაობა თანამმართველს წარმოადგენდა. ამის დასტურად ტაციტუსის ერთი გადმოცემა გამოდგება. პრეტორიანელთა ბანაკის წინ კლავდიუსმა ტყვედ ჩაუვარდნილ ბრიტანელ კარატაკუსს და მის ოჯახს საჯაროდ სიცოცხლე აჩუქა. როდესაც მათ ბორკილები აპყარეს, ტყვეები მადლიერების გამოსახატავად იმპერატორისკენ გაემართნენ. საგულისხმოა, რომ კლავდიუსის თანაბრად ქება-დიდება და სამადლობლო სიტყვები მათ აგრიპინასაც აღუწლინეს, როცა იმპერატორისა იქვე აღმართულ ტრიბუნაზე შენიშნეს. ქალის გამოჩენა რომაელთა სამხედრო წყობის წინ უცხო იყო, მაგრამ თავად აგრიპინა შესაძლებლობას არ უშვებდა ხელიდან, რათა უჩვენებინა, რომ იგი სახელმწიფოს ქმართან ერთად მართავდა, იყოფდა რა მასთან წინაპართა მიერ მოპოვებულ ძალაუფლებას (ტაციტუსი, „ანალები“, XII, 37).

ამასთან აგრიპინა ცდილობდა, მისი ძლიერება რომის მოკავშირეებსაც ეგრძნოთ. ამიტომ მან თავის მშობლიურ ქალაქში ვეტერანთა კოლონია შეიყვანა და თავისი სახელი Colonia Agrippina უწოდა (თანამედროვე კოლნი).

ჩაიგდო თუ არა ხელში რეალური ძალაუფლება, აგრიპინამ გადანყობა, თავისი მეტოქე ქალები მოეშორებინა თავიდან. განსაკუთრებული სიმკაცრით იგი ლოლია პაულინას გაუსწორდა. ეს ქალი დაადანაშაულეს იმაში, რომ მან იმპერატორის მომავლის განჭვრეტა განიზრახა. ბუნებრივია, ეს იურიდიულ ბრალდებად ვერ გამოდგებოდა. მაშინ აგრიპინამ ხერხს მიმართა და პაულინას ბრალმდებლად თავად იმპერატორი გამოიყვანა. იმპერატორის სიტყვას განსაკუთრებული წონა ჰქონდა. კლავდიუსის ლოგიკა ასეთი იყო — პაულინა მისი, იმპერატორის მომავლის გაგებას ცდილობდა, მაგრამ იმპერატორის ბედ-იღბალი ხომ მჭიდროდ იყო სახელმწიფოს მომავალთან დაკავშირებული, ამდენად ბრალდებული თავისი ქმედებით თავად ქვეყანას უქმნიდა საფრთხეს. შესაბამისად, პაულინასთვის



მისი საქმიანობა უნდა აეკრძალათ და ბოროტმოქმედი იტალიიდან უნდა გაესახლებინათ. სენატი დაეთანხმა კლავდიუსს და ლოლია პაულინა გადაასახლეს. მაგრამ აგრიპინა არც ამას დასჯერდა. მან პაულინასთან ტრიბუნი ვაგზენა, რომელმაც აიძულა ქალი სიცოცხლე თვითმკვლევლობით დაესრულებინა. აგრიპინას შემდეგი მსხვერპლი ნარჩინებული გვარიშვილობის მატრონა — კალპურნია უნდა ყოფილიყო. კალპურნიას დანაშაული ის იყო, რომ კლავდიუსმა მისი სილამაზე შეაქო. თუმცა იმან, რომ კლავდიუსმა ეს ყოველგვარი ქვენა გრძნობების გარეშე და ისიც შემთხვევით საუბარში განაცხადა, შეაკაეა აგრიპინა შურისძიების უკიდურესი ზომებისთვის მიემართა (ტაციტუსი, „ანალები“, XII, 22).

მაგრამ ხანი გადიოდა. კლავდიუსი თანდათანობით ასაკში შედიოდა. ბუნებრივია დადგებოდა ის დროც, როდესაც იმპერიის ტახტზე სხვა ავიდოდა. ვინ იქნებოდა იგი? — ეს კითხვა მოსვენებას არ აძლევდა აგრიპინას.

კლავდიუსს საკუთარი შვილები ჰყავდა — ბრიტანიკუსი და ოქტავია, რომელიც მას მესაღინამ გაუჩინა. აგრიპინასაც ჰყავდა თავისი შვილი — ნერონი, და რადაც არ უნდა დასჯდომოდა, სწორედ ის უნდა გაეხადა იმპერატორად. ეს რომ ადვილი არ იქნებოდა, აგრიპინამ თავიდანვე იცოდა. ამიტომაც იგი ნაბიჯ-ნაბიჯ, მიზანმიმართულად მოქმედებდა.

კლავდიუსთან ნერონის უფრო ახლო დანათესავების საუკეთესო გზა დასაწყისისთვის მისი ჩასიძება იყო. და, მართლაც აგრიპინა ყველა საშუალებას იყენებს, რომ ნერონი ოქტავიაზე დააქორწინოს. მერე რა, რომ ოქტავია უკვე დანიშნული იყო ლუციუს სილანუსზე. განა ამ ნიშნობის ჩაშლა არ შეიძლებოდა? და, აი სილანუსს თავის დასთან — იულია კლევინასთან ინცესტში ადანაშაულებენ, სილანუსი თავს იკლავს. ოქტავიას ნერონზე ნიშნავენ.

და მაინც, აგრიპინასთვის ნერონის მომავალი არც ამის შემდეგ იყო საიმედო. აუცილებელი იყო, ნერონსა და კლავდიუსს შორის კავშირი კიდევ უფრო მტკიცე გამხდარიყო. როგორმე უნდა დაარწმუნონ კლავდიუსი, რომ მან ნერონი შეილად აღიაროს. უნდა დააჯერონ, რომ ეს სახელმწიფოსთვისაა აუცილებელი. ამას აგრიპინა თავის უერთგულეს ქვეშევრდომს — პალასს ავალებს, რომელიც ამასთან კლავდიუსის დიდი ნდობით სარგებლობდა. პალასი ითანხმებს იმპერატორს და აი, აგრიპინას ვაჟი ლუციუს დომიცეუსი კლავდიუსების გვარში გადადის და ამიერიდან ტიბერიუს კლავდიუს დომიცეანუსს დრუზუსად იწოდება. სახელს — ნერონს იგი მომავლში მიიღებს, მაშინ, როცა რომის იმპერატორი გახდება.

აგრიპინა არც ამან დაამშვიდა. ერთხელ მთვრალ კლავდიუსს ასეთი რამ წამოსცდა: „ასეთია ჩემი ბედი, მოვითმინო ცოლების ღალატი, შემდეგ კი დავსაჯო ისინიო.“ როგორც ამბობენ, ქმრის სიტყვებმა აგრიპინა



აგრიპინა უსაფრსი



ძლიერ შეაშფოთა. მესალინას დასჯა მას კარგად ახსოვდა. დადგა დრო, რომ ემოქმედა, და ამასთან ემოქმედა სწრაფად.

თავდაპირველად მან თავისი ყოფილი მული დომიცია ლეპიდა მოიცილა თავიდან, რომელიც, როგორც მამიდა, ცდილობდა ნერონზე ერთი-როგნული გავლენა ჰქონოდა და შესაბამისად აგრიპინას შვილზე ზეგავლენაში ეცილებოდა. შემდეგ კი როდესაც ნარცისიც გაისტუმრა რომიდან, ადამიანი, რომელიც ბრიტანიკუსის ყველაზე საიმედო საყრდენი და ამასთან მისი — აგრიპინას დაუძინებელი მტერი გახლდათ, აგრიპინამ განზრახულის სისრულეში მოყვანა გადაწყვიტა. მის ხელთ იყო ყველაფერი, რაც კლავდიუსის მოსაკედინებლად იყო საჭირო — მას ჰყავდა ერთგული მსახურები, რომლებიც ამ საქმის აღსრულებაში დაეხმარებოდნენ, ჰყავდა მწიხიბავიც, რომელიც განაფული იყო მონამვლაში.

ერთხელაც, სადილობის ყამს საჭურისმა გალოტუსმა, რომელიც იმპერატორისთვის განკუთვნილ საჭმელს სინჯავდა, კლავდიუსს სოკოს შეჭამანდი მიანოდა.⁶ შეჭამანდი მონამლული იყო. სანამლავმა უცბად არ იმოქმედა, იმპერატორი ცუდად კი შეიქმნა, მაგრამ არ იქნა და არ კვდებოდა. შეთქმულები შეშფოთდნენ, ვაი თუ სასიკედილო აგონია ზედმეტად გაგრძელებულიყო და მათი ბოროტმოქმედება გამჟღავნებულიყო. მაშინ საქმეში ექიმი ქსენოფონი ჩაერია და ვითომცდა ლეზინების გამოსანევეად, მან სულთმობრძავ იმპერატორს ყელში მონამლული ფრთა ჩაჩხირა. კლავდიუსმაც სული უმალ განუტევა (ტაციტუსი, „ანალები“, XII, 66-67). ამის შემდეგ ერთილა დარჩა გასაკეთებელი, ნერონი იმპერატორად უნდა გამოეცხადებინათ. როცა იგი სასახლის მცველთა კოპორტის წინაშე გამოიყვანეს, ჯარისკაცებმა ნერონი საზეიმო შეძახილებით ხელში აიტაცეს და პრეტორიანელთა ბანაკში მიიყვანეს. უკვე ყველაფერი წინასწარ იყო მომზადებული და ჯარმაც ნერონი იმპერატორად გამოაცხადა. კლავდიუსი კი დიდი პომპეზურობით დაასაფლავეს და ღმერთების შესაფერი პატივი მიაგეს.

აგრიპინამ თავის მიზანს მიაღწია. ახლა იგი მტრების ჩამოცილებას დანიწყებს. მან სიკვდილით დასაჯა იუნიუს სილანუსი — იმ სილანუსის ძმა, რომელიც ოქტავიაზე იყო დანიშნული, რამეთუ ეშინოდა, რომ იუნიუსს, რომლის ძარღვებშიც ავგუსტუსის სისხლი სჩქეფდა, იმპერატორებაზე არ განეცხადებინა პრეტენზია. შემდეგი მსხვერპლი ნარცისი გახლდათ, აგრიპინას დაუძინებელი მტერი. და ასე კიდევ დიდხანს გაგრძელდებოდა, რომ აგრიპინას მისივე პროტეჟეები — ბურუსი და სენეკა არ აღდგომოდნენ წინ.⁷

მაგრამ, როგორც აღმოჩნდა, აგრიპინას მთავარი პრობლემა შვილთან ურთიერთობა იყო. თუმცაღა მმართველობის დასაწყისში ნერონი ცდილობდა, ძალაუფლება დედასთან გაეყო, მას უნდოდა, რომ ხალხს ის და



აგრიპინა თანამმართველებად დაენახა. ნერონმა აგრიპინას თავისი საზოგადოებრივი და პირადი საქმეები მიანდო (სვეტონიუსი, „ნერონი“, 9). მაგრამ დედა-შვილის იდილიური ურთიერთობა მალე დაირღვა. ნერონს მოზებურდა დედის მკაცრი კონტროლის ქვეშ ყოფნა. პირველად დედას იგი მაშინ გაუძალიანდა, როცა აგრიპინამ მოისურვა, ნერონი აქტეას (გააზატიბულ ქალს) დაშორებოდა. აგრიპინა მალე მიხვდა, რომ არაფერი გამოუვიდოდა და შვილთან ურთიერთობის ნირი შეცვალა. მაგრამ ნერონი კლავდიუსი არ იყო და მისი მოტყუება ადვილი არ გახლდათ, გარდა ამისა, მეგობრები ნერონს აფრთხილებდნენ, რომ ეს მზაკვარი და სასტიკი ქალი მას მახეს უგებდა. და მართლაც, აგრიპინამ მალე გამოაჩინა თავისი კლანჭები. ეს მაშინ მოხდა, როდესაც ნერონმა პალასი — აგრიპინას უერთგულესი ქვეშევრდომი რომიდან გააძევა.

აი, ახლა კი განუცხადა აგრიპინამ შვილს, რომ მან — ნერონმა მხოლოდ მისი წყალობით მოიპოვა მმართველობა. ამასთან ახსენებდა იმასაც, რომ ბრიტანიკუსი — კლავდიუსის ლეიძლი შვილი, უკვე გაიზარდა და ცხადია, სწორედ მას ეკუთვნოდა ის ძალაუფლება, რომლითაც ამჟამად მამამისის ნაშვილები, უცხო გვარის ნაშვიერი სარგებლობდა. ამგვარ გაფრთხილებას მუქარაც ემატებოდა — აგრიპინა მზად არის, რომ ხალხმა მათი ოჯახის უბედურება გაიგოს, პირველ რიგში კი ის, როგორ მონამლა მან, აგრიპინამ თავისი ქმარი. ყოველივე ეს, ბუნებრივია, ნერონს ძალზე აშფოთებდა. ამასთან ახლოვდებოდა ის დღეც, როცა ბრიტანიკუსი თოთხმეტი წლისა გახდებოდა. ამიტომაც, რათა მომავალში გართულება თავიდან აეცილებინა, ნერონმა განიზრახა ორივე საფრთხე ახლავე მოეცილებინა თავიდან — სიცოცხლეს გამოესალმებინა ბრიტანიკუსიც და საკუთარი დედაც. ამის შემდეგ დიდი დრო არ გასულა, რომ ერთ-ერთ წვეულებაზე ბრიტანიკუსი მონამლეს. იქ იმყოფებოდა აგრიპინაც — აგრიპინას ნაკეთებში ისეთი შიში და ელდა გამოკრთა, რომ ყველასთვის ნათელი გახდა, მისთვის, ისევე როგორც ბრიტანიკუსის დის — ოქტავიასთვის, მომხდარი სრული მოულოდნელობა იყო. აგრიპინას ხომ გარკვევით ესმოდა, რომ ფეხქვეშ უჯანასკნელი საყრდენი ეცლებოდა და რომ ეს მკვლევლობა მისი მომავალი ხევდრის პირველსახე იყო“ (ტაციტუსი, „ანალები“, XII, 16).

მალე აგრიპინა სასახლიდან გამოასახლეს. დედა-შვილს შორის ახალ დაძაბულობაში თავისი როლი ნერონის ახალმა საყვარელმა — პოპეა საბინამ ითამაშა, რომელიც ცდილობდა იმპერატორის კანონიერი ცოლი გამხდარიყო. იგი მშვენიერად ხედებოდა, რომ აგრიპინა ყველანაირ ღონეს იხმარდა, რათა მათი დაქორწინებისთვის ხელი შეეშალა. ამიტომაც პოპეა ნერონს გამუდმებით აქეზებდა დედის წინააღმდეგ, დაცინვით ეუბნებოდა, რომ მას — იმპერატორს არც ძალაუფლება ჰქონდა და არც თავის ნებაზე მოქმედება შეეძლო. თითოეულ მის საქციელს აგრიპინა წარმარ-



აგრიპინა უმცროსი



თავდა, რომლის ხელშიაც იყო რეალური ძალაუფლება. არც არავინ აცხადებდა პროტესტს ამგვარი სიტყვების მიმართ, რამეთუ ტაციტუსის თქმით, „ყველას სურდა, აგრიპინას ძალაუფლება შერყეულიყო, მაგრამ ამასთან არავის ეგონა, რომ სიძულელი შვილს დედის მკვლელობამდე მიიყვანდო“ (ტაციტუსი, ანალები, XII, 1).

ძალაუფლების შესანარჩუნებლად აგრიპინამ კიდევ ერთი ახალი ხერხი მოსინჯა — იგი შეეცადა შვილი ეცდუნებინა. ზოგიერთის ვერსიით, ინცესტისკენ თავად ნერონი მიისწრაფოდა. მაგრამ წყაროთა უმეტესობა წერს, რომ ნერონი ხაზგასმით არიდებდა თავს დედასთან მარტო დარჩენილიყო. მან ახლა უკვე დაბეჯითებით გადაწყვიტა, დედა თავიდან საშუალოდ მოეცილებინა. ერთი პირობა განიზრახეს, ამისთვის სანამლაგი ეცადათ. მაგრამ შემდეგ გადაიფიქრეს, რადგან სანამლაგი უეცარ სიკვდილს გამოიწვევდა, ამას კი შემთხვევითობას ვერ მიანერდნენ.

შემდეგ იარაღით მოკვდინების შესახებაც ითათბირეს. თუმცა არც ეს ვარიანტი გამოადგებოდათ, რადგან ვერც ამ შემთხვევაში დამალავენენ, რომ აგრიპინას სიკვდილი ძალადობრივი ხასიათისა იყო.

ბოლოს ფლოტის უფროსმა ნერონს თავისი გეგმა შესთავაზა. ნერონი სწორედ მის ვერსიაზე შეჩერდა, რამეთუ იგი ყველაზე ნაკლებად ჩამოკავდა განზრახ მონყობილ მკვლელობას.

გეგმა თითქოს მარტივი იყო — ხელოვნურად უნდა ჩაეძირათ ის ხომალდი, სადაც აგრიპინა ლამის გათევას აპირებდა.

და აი, ნერონი იწვევს დედას ბაიუში, თბილად იღებს მას, იკრავს გულში და საღამო უამს თავად მიაცილებს გემთან. იგი იმედოვნებს, რომ ღამით ყველაფერი დამთავრდება.

მაგრამ მარტივი გეგმა რთული განსახორციელებელი აღმოჩნდა. დიდი არეულ-დარეულობის შემდეგ გემი, როგორც იქნა დააზიანეს. ჩამოშალა აგრიპინას კაიუტის ჭერიც, მაგრამ იმპერატრისა და მისი მსახური ქალი საწოლის მაღალმა კედლებმა გადაარჩინა. მაშინ მენიჭებებს უბრძანეს, რომ ხომალდი ერთ მხარეს გადაეხარათ და ამგვარად ჩაეძირათ. მაგრამ ამ შემთხვევაშიც შემსრულებლები შეთანხმებულად არ მოქმედებდნენ, რის გამოც ქალები ზღვაში უეცარი ბიძგიით კი არ გადაცვივდნენ, არამედ წყალში ნელა ჩასრილდნენ.

მსახური ქალი ვერ მიხვდა, რომ ყოველივე ეს განზრახ იყო მონყობილი. იგი ხმამაღლა ყვიროდა — აგრიპინა ვარო, რადგან ფიქრობდა, რომ მას პირველ ყოვლისა გადაარჩენდნენ. უგუნურს თავში ნიჩბები ჩასცხეს და სიცოცხლეს გამოასალმეს. აგრიპინა კი ჩუმად იყო და ამიტომაც ვერ ამოიცნეს. იგი ჯერ ცურვით გავიდა, ხოლო შემდეგ მეთევზეთა შემხვედრ ნავზე ავიდა და ნაპირს მშვიდობით მიაღწია.

შეთქმულებმა ვერც გემის მეორე ნაწილი გათვალეს სწორად — ისი-



ნი იმედოვნებდნენ, რომ ხომალდის ჩაძირვას ყველა ბუნებრივ მოვლენად აღიქვამდა. მაგრამ მათ იმდენად უნიჭოდ შეასრულეს დავალება, რომ მომხდარი აგრიპინასთვის ერთობ ადვილი მისახვედრი აღმოჩნდა. იგი კარგად იცნობდა საკუთარ პირმშოს და მაშინვე გაიცნობიერა, რომ კატასტროფა განგებ, მის მოსაკეცილებლად იყო დაგეგმილი. თუმცა შექმნილი მდგომარეობიდან გამოსავალი მხოლოდ ერთი რჩებოდა, აგრიპინას როგორმე უნდა დაერწმუნებინა ნერონი, თითქოს ის — აგრიპინა ვერაფერს მიხვდა. მისი რეაქციებიც, რაც შეიძლება, ბუნებრივი უნდა ყოფილიყო. ამიტომ დედამ შიკრიკი აფრინა შეილთან, რათა მას იმპერატორისთვის დედის გადარჩენა ეხარებინა.

აგრიპინას მსახურმა ამცნო ნერონს, რომ დედამისი ცოცხალი და უვნებელი იყო. ნერონი მოვლენათა ამგვარ განვითარებას არ მოელოდა და სასტიკად დაიბნა. დაბნეულმა იმპერატორმა სხვა ვერაფერი მოიფიქრა იმის გარდა, რომ ბრძანა, აგრიპინას მსახურისთვის წინ მალულად დაეგდოთ ხანჯალი, თითქოსდა ეს ხანჯალი ამ კაცმა აგრიპინას ბრძანებით მისი — ნერონის მოსაკლავად აღმართა, მაგრამ იმპერატორისას დავალება ვერ აღასრულა და მახვილი ხელიდან გააგდებინეს. შემდეგ კი ყველაფერი ისე წარიმართა, როგორც შეთქმულების გახსნას მოჰყვება ხოლმე. აგრიპინას შიკრიკი დაიჭირეს და შებორკეს. ახლა სიცოცხლეს უნდა გამოეხალმებინათ აგრიპინა — მისი სიკვდილი კი თვითმკვლელობად წარმოედგინათ. მიზეზიც გასაგები იქნებოდა — იმპერატორისამ შეილის მკვლელობა განიზრახა, მაგრამ, როცა წარუმატებელი მცდელობის შემდეგ დანაშაულში ამხილეს, აგრიპინამ თავადვე მოისწრაფა სიცოცხლეო (სვეტონიუსი, „ნერონი“, 34, 3).

აგრიპინას სიცოცხლის უკანასკნელ წამებს ტაციტუსი ასე გადმოგვცემს: „ოთახი ოდნავ იყო განათებული — აგრიპინას, რომელთანაც ერთი მოახლე იმყოფებოდა, მღელვარება თანდათან სულ უფრო და უფრო მეტად იპყრობდა: არ ჩანს შეილის გამოგზავნილი, არც აგერინუსი — მისი შიკრიკი ბრუნდება უკან. მშვიდობა რომ ყოფილიყო, ყველაფერი სხვანაირად წარიმართებოდა; ახლა კი სამარისებური სიჩუმეა. უცარი ხმაური ყველაზე უარესს მოასწავებს. და აი, როდესაც მონა ქალიც კი გაემართა გასასვლელისკენ, აგრიპინა ჩაილაპარაკებს: „შენც მტოვებ“, შემდეგ ირგვლივ მიმოიხედავს და დაინახავს რა ანიკეტუსს, რომელსაც ტრიერარქოსი ჰერკულეუსი და ფლოტის ცენტურიონი ობარიტუსი ახლდნენ თან, ეუბნება ამ უკანასკნელს: თუ იგი — აგრიპინას მოსანახულებლად მოვიდა, მაშინ დაე, გადასცეს ნერონს, რომ დედამისი უკეთ გრძნობს თავს. ხოლო თუ იგი იმიტომამა მოსული, რომ ბოროტმოქმედება ჩაიდინოს, მაშინ იცოდეს, რომ მას — აგრიპინას არ სჯერა, რომ ასეთია მისი შეილის ნება: ნერონს მისი მოკვდინება არ უბრძანებია. ამასობაში მკვლელები გარს




აგრიპინა უმცროსი



აგრიპინას სარეცელს ეხვევიან. პირველმა მას თავში ჯოხი ტრიერარქოს-მა ჩაარტყა, ხოლო როდესაც ცენტურიონმა მის მოსაკლავად მახვილის ამოძრობა იწყო, აგრიპინამ მიუშვირა მას მუცელი და შესძახა: „საშოში ჩამცხე!“ ამ უკანასკნელმაც მახვილი მრავალგზის ჩასცა და სიცოცხლეს გამოსალამა აგრიპინა“ (ტაციტუსი, „ანალები“, XIV, 8).

ასეთი ტრაგიკული იყო აგრიპინას აღსასრული. არანაკლებ საზარელი იყო ის, რაც ნერონმა დედის მოკვლის შემდეგ მოიმოქმედა. მან სენატს გაუგზავნა წერილი, რომელშიც იგი სენატორებს აგრიპინას მკვლელობის შესახებ თავის შეთხზულ ვერსიას ამცნობდა. იგი სწერდა მათ, როგორ ეცადა ბოროტმოქმედი აგრიპინა მოეკლა ნერონი, ხოლო როდესაც ვერ განახორციელა ჩანაფიქრი, როგორ დაასრულა მან თვითმკვლელობით სიცოცხლე. ნერონი ბრალდებას არ დასჯერდა და ამას წარსულში დედამის მიერ ჩადენილ ცოდვათა ჩამონათვალად დაურთო. კლავდიუსის იმპერატორობის უამს მომხდარ ყველა სისაძაგლეში ნერონმა აგრიპინა დაადანაშაულა. ამით იგი ერთი რამის დამტკიცებას ცდილობდა — კერძოდ კი იმისა, რომ დედამისის სიკვდილი რომსა და მის ხალხს კეთილდღეობას მოუტანდა.


ნერონის განაცხადს სენატმა მხარი დაუჭირა. სენატმა ორი დადგენილება გამოიტანა. პირველის მიხედვით, ის დღეები, როდესაც აგრიპინას შეთქმულება იქნა გახსნილი, რომაელ ხალხს სახალხო თამაშობებით უნდა აღენიშნა და ამით ღმერთებისათვის გადარჩენის გამო მადლიერება უნდა აღევლინათ. მეორე დადგენილების თანახმად კი, აგრიპინას დაბადების დღე რომის სახელმწიფოსთვის უბედურ დღეთა რიცხვში უნდა შეეტანათ.





შენიშვნები:

- ¹ უკვე აღენიშნეთ, რომ ტრადიციის შესაბამისად ამ პერიოდის რომის უმაღლეს ხელისუფალს ჩვენ იმპერატორს ვუნოდებთ, თუმცა მათი ოფიციალური ტიტული არის პრინციპსი. მაგრამ ცალკეულ შემთხვევებში მაინც ვიყენებთ ტერმინ — პრინციპსს. ეს ამონარიდი სწორედ ის შემთხვევა გახლავთ, როდესაც დასახელებული ტიტულები თავიანთი პირვანდელი მნიშვნელობებით არის ნახშიარი და ამდენად სხვადასხვა თანამდებობას აღნიშნავს.
- ² მარკუს ემილიუს ლეპიდუსი — ამ სახელწოდებით რამდენიმე ისტორიული პიროვნებაა ცნობილი. ჩვენ შემთხვევაში მარკუს ემილიუს ლეპიდუსი იყო კალიგულას უსაყვარლესი დის — დრუზილას ქმარი. დრუზილას სიკვდილის შემდეგ მარკუს ლეპიდუსი სათავეში ჩაუდგა კალიგულას წინააღმდეგ ჩაფიქრებულ შეთქმულებას.
- ³ კლავდიუსის დედის — ანტონიას მიერ გააზატებული პირი, რომელმაც შემდგომში სასახლის კარზე დიდი გავლენა მოიპოვა, იყო კლავდიუსის მრჩეველი. პალასი დიდი გავლენით სარგებლობდა აგრიპინა უმცროსის დროსაც. ნერონის ბრძანებით იგი მოკლულ იქნა.
- ⁴ დომიცია ლეპიდა — ანტონია უფროსის ქალიშვილი, აგრიპინა უმცროსის პირველი ქმრის — გნეუს დომიციუს აპენობარბუსის და, ნერონის მამიდა.
- ⁵ ანუ თავის ვაჟიშვილს ლუციუს დომიციუს აპენობარბუსს — ნერონს.
- ⁶ როგორც სვეტონიუსი გადმოგვცემს, ნერონმა ყველაფერი იცოდა და ამას არც მალავდა. თეთრ სოკოს ის ამის შემდეგ ბერძნული ანდაზის მიხედვით „ღმერთების საჭმელს“ უწოდებდა, რადგანაც სწორედ თეთრი სოკოს შეჭამანდი იყო გაზაგებული სანამლავეთ (სვეტონიუსი, „ნერონი“, 33, 1). ამბობენ, რომ სოკო კლავდიუსის ყველაზე საყვარელი კერძი ყოფილა.
- ⁷ ბურუსი — პრეტორიანელთა კოპორტის უფროსი; ლუციუს ანეუს სენეკა — ცნობილი მწერალი და პოლიტიკური მოღვაწე. ისინი ნერონის აღმზრდელებად აგრიპინამ დანიშნა.





პლოტინა

პლოტინა პომპეა იმპერატორ ტრაიანეს ცოლი იყო, იმ იმპერატორისა, რომელსაც შთამომავლობამ რომის „საუკეთესო იმპერატორი“ უწოდა.¹ ყოველგვარი ღირსებით შემკულ იმპერატორს, ყოველ შემთხვევაში, ასეთად მიაჩნდათ იგი ძველებს, ცოლიც ერთობ ღირსეული პყავდა. პლოტინა იყო განსახიერება იმ ქალური უბინოებისა, რომლითაც, რომაელთა იდეალის მიხედვით, ყველა უმაღლესი სახელმწიფო პირის — მით უმეტეს, იმპერატორის ოჯახი უნდა ყოფილიყო შემკული. საყურადღებოა, რომ სახელგანთქმული რომაელი ისტორიკოსი პლინიუს უმცროსი ტრაიანესადმი მიძღვნილ თავის პანეგირიკში პლოტინას უპირველესად იმიტომ აქებს, რომ იგი იმპერატორ ტრაიანეს ღირსეული თანამეცხედრე იყო. ისტორიკოსი ახმოვანებს რომაულ საზოგადოებაში გამეფებულ წარმოდგენას იმის თაობაზე, თუ რაოდენ თვალნათლივ წარმოაჩენს მამაკაცის ღირსებას მის მიერ არჩეული მეუღლე. ამიტომაც, მრავალი პატივდებული კაცისთვის სამუდამოდ სამარცხვინო ლაქად დარჩება ის, რომ მან ნაჩქარევად და დაუფიქრებლად, ერთობ თავქარიანად ამოირჩია მეუღლე, ანდა თუნდაც ის, რომ იგი ზედმეტად რბილი და შემწყნარებელი იყო ცოლის მიმართ. და მართლაც, მრავალი სახელოვანი ადამიანი ღირსეული მოქალაქე მხოლოდ იმიტომ ვერ გახდა, რომ ისინი ოჯახში ძალზე სუსტები აღმოჩნდნენ, მათ ვერ გამოავლინეს ის თვისებები, რაც ქმარს, ოჯახის მმართველს, რომაული იდეალების თანახმად, აუცილებლად უნდა ჰქონოდა. აქედან გამომდინარე, ალბათ, გასაკვირიც აღარ იქნება რამხელა მნიშვნელობას ანიჭებდნენ ტრაიანეს თანამედროვეები იმას, რომ იმპერატორს ღირსეული



და კეთილშობილი თანამეცხედრე ჰყავდა. ეს ხომ ტრაიანეს სიქველეთ კიდევ უფრო აღმატებულს ხდიდა.

„შენი მეუღლე, კეისარო, შენ დიდებას კარგად მიესადაგება. იგი შენი სამკაულია. შესაძლებელია კი, რომ ადამიანთაგან ვინმე პლოტინას სინმინდით და უბინოებით აღემატებოდეს? ანდა მასზე უფრო მეტად იყოს მარადისობის ღირსი? შენი ცოლი, ტრაიანევე, მთელი შენი ბედისა და დედებისგან ხომ თავის წილ მხოლოდ პირად ბედნიერებას მიითვლის! მას ხომ საოცარი სიმტკიცით უყვარხარ და პატივს მოგაგებს შენ და შენთან ერთად შენს სიძლიერესაც!... ..რაოდენ მომჭირნეა, ტრაიანევე, შენი ცოლი პირად ცხოვრებაში, რაოდენ მოკრძალებულია იგი მხლებლებთან, რაოდენ უბრალოა იგი ურთიერთობაში... განა პლოტინა მოკრძალებული და ჩუმი იმიტომ არ არის, რომ ხედავს, ტრაიანევე, კარგად ხედავს, რომ შენ გარშემო არც შიში არის დასადგურებული და არც პატივმოყვარეობაა გამეფებული. განა პლოტინა არ ცდილობს მიბაძოს ფეხით მოსიარულე თავის ქმარს,² რამდენადაც ქალური ძალა მას ამის საშუალებას აძლევს? ...ქმრის ამგვარი მოკრძალებულობის დროს, ცოლი მას იმ ზომით მიაგებს პატივს, რა ზომითაც ეს ქალი საკუთარ თავსაც სცემს პატივს“ (პლინიუს უმცროსი, „პანეგირიკი ტრაიანესადმი“, 83).

პლოტინას ბიოგრაფიიდან ჩვენთვის არც თუ ბევრი რამაა ცნობილი. ვიცით, რომ იგი ქ. ნემაუსუსში (დღ. ნიმი) ცხოვრობდა, იყო შეძლებული ოჯახიდან და ცოლად გაჰყვა ტრაიანეს, ვიდრე ეს უკანასკნელი იმპერატორი გახდებოდა. ტრაიანეს და პლოტინას შვილი არ ჰყოლიათ. ერთგული პლოტინა ხშირად დაჰყვებოდა ტრაიანეს ლაშქრობებში, იყო მის გვერდით პართელებთან და აღმოსავლეთში წარმოებული სამხედრო კამპანიების დროს. პლოტინას ტრაიანეს დასთან — მარკიანასთან გამორჩეულად კარგი ურთიერთობა ჰქონდა. რძალსა და მულს შორის ამგვარი თბილი და თანხმობით აღსავსე ურთიერთობა კი რომაელ იმპერატორთა კარზე ფრიად იშვიათ გამონაკლისს წარმოადგენდა.

ჭკვიანი და წინდახედული პლოტინა სახელმწიფოს საქმეებშიც ერეოდა, ამასთან ძველების შეფასებით, მისი ყველა ნაბიჯი, როგორც წესი, სწორი და ბრძნული იყო და ქმრის სახელის განმტკიცებას ემსახურებოდა. პლოტინას ერთ-ერთი გონივრული საქციელის შესახებ ავრელიუს ვიქტორი მოგვითხრობს. პლოტინა ტრაიანეს პროკურატორების (ფინანსური მოხელეების) წინააღმდეგ გამოვიდა, როდესაც ამ უკანასკნელებმა მოქალაქეთა შევიწროება და მათი ქონების უკანონო კონფისკაცია დაიწყეს. პლოტინა არ მოერიდა ქმრის გაკიცხვას, რომელიც არ კრძალავდა მოხე-



ლეთა თავგასულ საქმიანობას და აუხსნა ტრაიანეს, რაოდენ დიდ ზიანს აყენებდა იმპერატორის კეთილ სახელს მისი ხელქვეითების უზნეობა. ისტორიკოსის გადმოცემით, „პლოტინას იმგვარი ზემოქმედება მოუხდენია ქმარზე, რომ შემდგომში ტრაიანეს ქონების უკანონო ამოღება საერთოდ აუკრძალავს. თავად სახელმწიფო ხაზინისთვის კი იმპერატორს „ლიანა“ შეურქმევია, — იმ მცენარის სახელი, რომლის აყვავებაც ყველა დანარჩენი მცენარის გახზობას იწვევს ხოლმე“ (აერელიუს ვიქტორი, „ეპიტომე“, XLIII). ეს ამბავი ალბათ ნათელი დასტურია იმისა, თუ რაოდენ დიდი სარგებელი შეეძლო მოეტანა საზოგადო საქმისთვის ჭკვიანი და ღირსეული ქალის დროულ ჩარევას. როგორც ჩანს, ამგვარი საქციელის საწინააღმდეგო არც რომაელებს ჰქონდათ, პირიქით, ისინი სათანადო შეფასებას აძლევდნენ ქალის სწორ და ბრძნულ გადაწყვეტილებებს.

სამეფო კარზე პლოტინას დიდ გავლენას ჰადრიანეს წარმატებაც მონაშთს. სწორედ მისი მეცადინეობით დანიშნეს ჰადრიანე ლეგატად პართელებთან ომის დროს (აცა, „ჰადრიანე“, IV, 1). პლოტინას ხელი ერია იმას, რომ იგი კონსულად მეორედ აირჩიეს. ტრაიანეს ცოლმა აქტიური მონაწილეობა მიიღო ჰადრიანეს დაქორწინებაშიც. მას უნდოდა, რომ მისი რჩეული ჰადრიანე, რომელიც ტრაიანეს შორეული ნათესავი იყო, იმპერატორს უფრო ახლოს დანათესავებოდა. ამ მიზნით პლოტინამ ჰადრიანეს იმპერატორის დის შვილიშვილი — ვიბია საბინა შერთო. შემდეგ, ფაქტობრივად, ჰადრიანე იმპერატორად პლოტინამ გამოაცხადებინა. ისტორიკოსთა გადმოცემით, არავინ იცოდა, თუ ვინ იქნებოდა რომის მომავალი იმპერატორი, ტრაიანეს ხომ შვილი არ ჰყავდა. ერთნი ამბობდნენ, თითქოს ტრაიანე აპირებდა სენატისთვის იმპერატორობის კანდიდატთა სია გადაეცა, რათა შემდგომ რომის სენატს იმპერატორი ამ სიიდან თავად აერჩია.

მაგრამ აი, გარდაიცვალა ტრაიანე და მის შვილობილად ჰადრიანე დაასახელეს. რომში ერთი მითქმა-მოთქმა ატყდა. იმასაც ჰყვებოდნენ, თითქოს ტრაიანეს მემკვიდრედ არავინ დაუსახელებიაო. სხვების თქმით, გარდაიცვალა თუ არა ტრაიანე, პლოტინამ საქმე შემდგენაირად მოაწყო: მან ვილაცას უბრძანა მისი მეუღლის როლი შეესრულებინა — ანუ ამ უკანასკნელს დაევალა მიცნაებული ხმით, ვითარცა მომაკედავ ტრაიანეს, რომის იმპერატორად ჰადრიანე გამოეცხადებინა (აცა, „ჰადრიანე“, IV, 10).

იმპერატორი ტრაიანე 117 წელს კილიკიაში — მცირე აზიაში გარდაიცვალა. რომში მისი ნეშტი პლოტინამ და ტრაიანეს დისშვილმა — მატრიდემ ჩამოასვენეს.



პლოტინა



ჯერ კიდევ ქმრის გარდაცვალებამდე, 100 წელს, სენატმა პლოტინას „აეგუსტას“ ტიტული შესთავაზა. თავდაპირველად პლოტინამ უარი თქვა ამ ნოდებაზე, მაგრამ შემდეგ მიიღო იგი. პლოტინას წყალობით გაშეშებული ჰადრიანე მას დიდ პატივს მიაგებდა. როდესაც 129 წელს პლოტინა გარდაიცვალა, ჰადრიანემ იგი გააღმერთა და მის სახელზე ორი ტაძარი ააგო, აქედან — ერთი რომში, ტრაიანეს ფორუმზე, მეორე კი — პლოტინას მშობლიურ ქალაქ ნემაუსუსში.

„საუკეთესო იმპერატორის“ მეუღლე პლოტინა შთამომავლობამ საუკეთესო ცოლის შარავანდედით შემოსა.






შენიშვნები:

¹ იმპერატორ ტრაიანეს მმართველობის წლები — 98-117. 96 წელს მოკლეს რომის იმპერატორი დომიციანუსი. მისი სიკვდილის შემდეგ რომის სენატმა იმპერატორად ნარჩინებული სენატორი — 66 წლის ნერვა დაასახელა. ამით ფაქტობრივად რომის იმპერიაში ახალი დინასტიის მმართველობის ეპოქა იწყება. ამ დინასტიას ხშირად „ანტონინუსების დინასტიას“ უწოდებენ და მის წარმომადგენლებად ასახელებენ ნერვას (96-98), ტრაიანეს (98-117), პადრიანეს (117-138), ანტონინუს პიუსს (138-161), მარკუს ავერელიუსს (161-180) და კომოდუსს (180-192). უნდა ითქვას, რომ ტერმინი „ანტონინუსთა დინასტია“ პირობითი ტერმინია, რადგან სახელი ანტონინუსი, ფაქტობრივად, ამ დინასტიის მეოთხე იმპერატორს ერქვა (ამიტომაცაა, რომ სამეცნიერო ლიტერატურაში ზოგან ტერმინი „ანტონინუსთა დინასტიის“ ქვეშ მხოლოდ ანტონინუს პიუსს, მარკუს ავერელიუსს და კომოდუსს შეხედებით). ამ დინასტიას წინამორბედ დინასტიათაგან ერთი მთავარი გარემოება განასხვავებს. მისი იმპერატორები ერთმანეთს მემკვიდრეობითი წესით კი არ სცვლიდნენ (გამონაკლისია კომოდუსი — მარკუს ავერელიუსი კომოდუსის მამა იყო), არამედ თითოეული მათგანი თავის სიცოცხლეშივე ასახელებდა შვილობილს, რომელიც შემდგომ ტახტის მემკვიდრე გახდებოდა. ასე იყო გამოცხადებული ნერვას მიერ ტრაიანეც თავის მემკვიდრედ. საქმე ის იყო, რომ ნერვას ძალაუფლება ჯერ არ ეყრდნობოდა, რომელსაც ხელისუფლის მიმართ თავისი პრეტენზიები ჰქონდა. ნერვა იძულებული გახდა გაეთვალისწინებინა ჯარისკაცთა მოთხოვნები და ერთ-ერთი თავისი მხედართმთავარი — მარკუს ულპიანუს ტრაიანე ეშვილებინა. აღსანიშნავია ისიც, რომ ტრაიანე რომში არ დაბადებულა. იგი ესპანეთში რომაული ქალაქის — იტალიკას მკვიდრი იყო. ანტონინუსთა დინასტიის კიდევ ერთი მახასიათებელია ის, რომ რომის იმპერატორები ნარჩინებული პროვინციული ოჯახებიდან იყვნენ გამოსულნი. საიმპერატორო ხელისუფლება ტრაიანემ ნერვას გარდაცვალების შემდეგ — 98 წელს მიიღო. ამ დროს იგი 45 წლისა გახლდათ. დიდი ხნის მანძილზე „ანტონინუსთა დინასტიის“ მმართველობის ეპოქა რომის იმპერიის „ოქროს ხანად“ ითვლებოდა, შემდეგ მას „დროებითი სტაბილიზაციის პერიოდი“ უწოდეს. ასე თუ ისე, ეს ეპოქა რომის ისტორიაში ერთ-ერთი ყველაზე კეთილისმყოფელი ხანა იყო. ტაციტუსი ნერვასა და ტრაიანეს მმართველობის წლებს ასე ახასიათებს: „ეს იყო იშვიათი ბედნიერების წლები, როდესაც თითოეულს შეეძლო ეფიქრა, რაც სურდა და ეთქვა, რასაც ფიქრობდა“ (ტაციტუსი, „ისტორია“, I, 1).

² ტრაიანე რომში ფეხით დადიოდა. ეს სიახლე იყო, რამეთუ მის წინამორბედებს, როგორც წესი, საკაცით დაატარებდნენ.





საბინა

საბინა — ლუციუს ვიბიუს საბინუსისა და ტრაიანეს დისშვილის — მათიდეა უფროსის ქალიშვილი იყო. ახ.წ. 100 წელს იგი ჰადრიანზე დააქორწინეს. და თუმცა იმპერატორ ტრაიანეს ეს ქორწინება მაინც და მაინც არ ნდომებია, როგორც ჩვენ უკვე მოგიხსნეთ, იგი ტრაინეს ცოლს — პლოტინას სურდა და მისი დიდი მეცადინეობის შედეგად გახდა შესაძლებელი.

ღრმად განსწავლული, ხელოვნების დიდად მოყვარული, ცნობილი ეს-თეტი და ელინოფილი ჰადრიანე უაღრესად რთული ხასიათის ადამიანი იყო. ირგვლივ მყოფთ იმპერატორის ცვალებად და წინააღმდეგობით აღსავსე პიროვნებასთან უჭირდათ შეგუება. დაძაბული იყო ჰადრიანეს ურთიერთობა ცოლთანაც, რომელიც არ უყვარდა და რომელსაც ხშირად ლაღატობდა, მაგრამ რომელზედაც მაინც ეჭვიანობდა. სწორედ ეჭვიანობის გამო გაათავისუფლა თანამდებობიდან ჰადრიანემ საბინასთან დაახლოებული ადამიანები — პრეტორიის პრეფექტი სეპტიკუს კლარუსი და სახელმწიფო მდივანი — ისტორიკოსი სეპტონიუსი, საყოველთაოდ ცნობილი ნანარმოების „თორმეტი კეისრის ცხოვრების“ ავტორი. თავისი საქციელის მოტივად კი ჰადრიანემ მათი არასათანადო მოქცევა გამოაცხადა. იმპერატორის თქმით, დათხოვილი პირები „საბინას პალატში იმაზე მეტი თავისუფლებით მოქმედებდნენ, ვიდრე ეს იმპერატორის კარის პატივისცემას შეეფერებოდაო“ (აცა, „ჰადრიანე“, XI, 3). ცოლ-ქმრის დაძაბულ ურთიერთობას, თუ ჰადრიანეს ვერწმუნებით, საბინას ხასიათი განაპირობებდა. იმპერატორი თვლიდა, რომ მისი მეუღლე მეტად უყმურ ვინმე იყო და აცხადებდა კიდევ, რომ აუცილებლად გასცილდებოდა საბინას, იმპერატორი რომ არ ყოფილიყო, იმდენად რთული იყო მისთვის ცოლის პირქუში და ჭირვეული ხასიათის ატანა (აცა, „ჰადრიანე“, XI, 3). თავის მხრივ არც საბინას უყვარდა ჰადრიანე და იგიც თვლიდა, რომ მათ ურთიერთობას სწორედ ქმრის აუტანელი ზნე აფუჭებდა.



თავისი დროის კვალობაზე საბინა განათლებული ქალი იყო და ირ-გვლივ განსწავლული ადამიანები — ისტორიკოსები, ფილოსოფოსები და პოეტები ჰყავდა შემოკრებილი. მათ წრეში უნდა ყოფილიყო პოეტი ქალი იულია ბალბილა.


ცოლ-ქმარს შორის ცივი ურთიერთობის მიუხედავად, საბინა ხშირად დაპყვებოდა ჰადრიანეს სამოგზაუროდ. ჰადრიანე ხომ ცნობილი მოგზაური იყო, რომის არც ერთ იმპერატორს არ უქონდა მოვლილი იმდენი ქვეყანა, რამდენიც ჰადრიანეს.

ჰადრიანესთან ერთად საბინას უმოგზაურია საბერძნეთში — კერძოდ ელევსინსა და ოლიმპიაში, მცირე აზიაში და ეგვიპტეში. სამეფო წყვილს ეგვიპტეში პოეტი ქალი იულია ბალბილა ახლდა. პოეტესას შემოქმედებიდან სწორედ ის ეპიგრამებია შემორჩენილი, რომლებიც ამ მოგზაურობას გადმოგვცემენ. იულია ბალბილა წერს, თუ როგორ მოინახულა მან ჰადრიანესა და საბინასთან ერთად ეგვიპტის თებეში მემნონის კოლოსი. ამ ეპიგრამებში პოეტი ქალი საბინას „ლამაზ“ და „სათნო“ ქალს უწოდებს:

„შენს ხილვად მეუფის მეუღლე, ლამაზი საბინა მოვიდა,
დუმილით მიიღე, მემნონ, ლამაზი საბინა გუშინ,
გენვია სურვილით, ესმინა შენი ღვთაებრივი სიმღერა,
რათა დამტკბარიყო მზერით მართლაც დიდებული სახის.“!

128 წელს საბინამ „აეგუსტას“ ტიტული და თავისი გამოსახულებიანი მონეტის მოჭრის უფლება მიიღო.

სიციოცხლის უკანასკნელ წლებში საბინას ქმართან ურთიერთობა განსაკუთრებით გაუფუჭდა. წყაროები გადმოგვცემენ, რომ ჰადრიანე დიდხანს ებრძოდა თავს და ცდილობდა არ გამოემტლავებინა ის სისასტიკე, რომელიც ბუნებით დაჰყვა. მაგრამ მას შემდეგ, რაც მძიმედ დაავადდა, იმპერატორმა თავი მიუშვა და მისი დაფარული ზნეც სააშკარაოზე გამოვიდა. ჰადრიანეს ბრძანებით არაერთი ადამიანი დასაჯეს სიკვდილით, ზოგი აშკარად, ზოგი — ფარულად. არ დაინდო მან მოხუცი, ოთხმოცდაათი წლის სერვიანუსი, რადგან იგი თავის მეტოქედ მიაჩნდა. ამ დროს — 136 თუ 137 წელს გარდაიცვალა მისი ცოლი — საბინაც. რომში ხმა დაირხა, რომ მის სიკვდილში ჰადრიანეს ხელი ერიოაო — საბინა ან ჰადრიანეს ბრძანებით მონამლეს, ანდა თვითმკვლევლობამდე მიიყვანესო (აცა, „ჰადრიანე“, X XIII, 10). თუ რამდენად შეეფერებოდა ეს ხმა სიმართლეს, ძნელი სათქმელია. სიკვდილის შემდეგ საბინა გაალმერთეს და 139 წელს ჰადრიანეს მავზოლეუმში დაკრძალეს.





შენიშვნები:

¹ იულია ბალბილა, „დღე პირველი, ოდეს არ გვესმა ხმა მემნონისა“, საფოდან კასიამდე, ძველი სამყაროს პოეტი ქალები, თარგმანი და კომენტარები ნანა ტონიასი, თბილისი, 1990.





დომიცია

ლუცილა

დომიცია ლუცილა იმპერატორ მარკუს ავრელიუსის დედა იყო. მის წინაპრებს საიმპერატორო კარზე მაღალი თანამდებობები ეკავათ. დომიცია ლუცილას პაპა — კატილიუს სევერუსი რომის პრეფექტი იყო, მამამისი — კალპიზიუს ტულუსი კი ორგზის კონსული გახლდათ. დომიცია ცოლად გააყვა წარჩინებული გვარიშვილობით ასევე გამორჩეულ ანიუს ვერუსს, რომის პრეფექტს. დომიციას და ანიუს ვერუსს ორი შვილი შეეძინათ — ვაჟიშვილი მარკუსი და ქალიშვილი — ანია კორნიფიცია ფაუსტინა. დომიციას ოჯახს რომის გარეუბანში კრამიტის დიდი საწარმო ეკუთვნოდა. შემდგომ ეს წარმოება მარკუს ავრელიუსს ერგო და კეისრის სამემკვიდროს კუთვნილებაში გადავიდა. დომიცია ლუცილას აღზრდილად მოიხსენიებენ დიდიუს იულიანუსს, რომელიც შემდგომ რომის იმპერატორი გახდა.

ცნობები დომიცია ლუცილას შესახებ რომაულ წყაროებში ძალზე მწირია. მარკუს ავრელიუსის აღმზრდელის — კორნელიუს ფრონტონის წერილთა კრებულში ორი წერილი დომიციასადმია მიწერილი. დედას ასხეუნებს მარკუს ავრელიუსი თავის თხზულებაში ორიოდ ადგილას. სიცოცხლის მიმწუხრს იმპერატორი უსაზღვრო მადლიერებით იგონებს ყველას, ვისაც კი მის აღზრდაში რაიმე წვლილი შეუტანია. პაპებისა და მამის შემდეგ იგი დედის დამსახურებაზე საუბრობს: „დედის წყალობით ვეზიარე ღვთისმოსაობას, გულუხვობას და თავმოზღუდულობას არა მარტო ბოროტის ქმნის, არამედ ბოროტის ზრახვათაგანაც. აგრეთვე უბრალოებას და სიძულვილს ყოველგვარი ფუფუნების მიმართ“ (მარკუს ავრელიუსი, „ფიქრები“, 1, 3).

ასეთი იყო შვილის თვალით დანახული დედა — დომიცია ლუცილა. ეს ქალი ჩვენ უპირველესად გვანტერესებს, როგორც რომაელთა უწარჩინებულესი იმპერატორის მარკუს ავრელიუსის დედა, ქალი, რომელმაც ასე-



თი სრულქმნილი შვილი აღზარდა. და მიინც, ვინ იყო ეს იმპერატორი? და თუმცა მარკუს ავრელიუსზე მოკლედ ლაპარაკი ერთობ ძნელია, ჩვენ მაინც შევეცდებით ამ დიდი იმპერატორის პორტრეტის უმთავრესი შტრიხები გაგაცნოთ.

რომის სახელმწიფოს „ოქროს ხანად“ წოდებული ეპოქა მარკუს ავრელიუსის ტახტზე ასვლის დროისთვის (161 წ.) თანდათან წარსულს ბარდება. მარკუს ავრელიუსს მძიმე ყამს მოუწია სახელმწიფოს მართვა. მისი იმპერატორობის პერიოდი აღინიშნა დამანგრეველი მინისძვრებით მცირე აზიაში, უზარმაზარი წყალდიდობებით საკუთრივ იტალიაში და ამასთან არანაკლებ საზარელი უბედურებით — ყამიანობით, რომელიც დროდადრო მეორდებოდა და რომელმაც ათიათასობით იტალიელს მოუსწრაფა სიცოცხლე. ამასთან არ იქნა და აღარ დადგა მშვიდობიანი დრო. მარკუს ავრელიუსმა, რომელსაც მთელი არსებით სძულდა ომი, თავისი პრინციპატობის 19 წლიდან თხუთმეტი გამუდმებულ ლაშქრობებში გაატარა, იმპერატორმა სამეფო მოსასხამი გაიძრო და ჯარისკაცის უბრალო ფარაჯა ჩაიცვა. სიცოცხლედ მან, როგორც ჯარისკაცმა, თავის პოსტზე — სამხედრო ბანაკში დაასრულა.²

„მარკუს ავრელიუსი შემკული იყო ყოველგვარი სიქველითა და ღვათებრივი გონებით. იგი საერთო უბედურების ყამს ხალხს დამცველად ველინებოდა. მარკუსი იმ ხანად რომ არ მოვლენოდა ქვეყნიერებას, მთელი რომაული სამყარო ერთი დარტყმით დაიშლებოდა“, — გვამცნობს ისტორიკოსი (ავრელიუს ვიქტორი, „ეპიტომე“, XVI).

და თუმცა ისტორიას მარკუს ავრელიუსი არ შეურაცხავს საუკეთესო იმპერატორად, როგორც ტრაიანე, არც ავგუსტუსის დარად უწოდებია მისთვის ყველაზე ბედნიერი იმპერატორი, მაგრამ აღიარა იგი, ვითარცა ყველაზე ღირსეული რომის ხელისუფალთა შორის. მარკუს ავრელიუსის ზნეობრივმა სრულქმნილებამ, სამართლიანობამ, სიმამაცემ და სინშინდემ იგი ერთგვარ წმინდანად აქცია.³ და მართლაც, მისი ცხოვრების ყამთააღმწერელი წერდა: „მარკუს ავრელიუსს ჩვენ დრომდე უყურებენ, ვითარცა ღმერთს“ (აცა, „მარკუსი“, XL), სხვა ადგილას კი შენიშნავდა, რომ „თავად უზომო ხობასაც არ ძალუძდა ასეთი იმპერატორი შეექმნაო“ (აცა, „ვერუსი“, XI).

ძნელია ითქვას, თუ რამ განაპირობა კონკრეტულად მარკუს ავრელიუსის ამგვარი სახელი და მისადმი ასეთი პატივისცემა. შესაძლოა, იმანაც, რომ სიყრმითგანვე იმპერატორი ზნეობრივი სრულქმნილებისკენ მისწრაფოდა, საკუთარ თავს აჩვევდა ზომიერებას, შრომისმოყვარეობას, სიმტიკიცეს, ასწავლიდა აუმღერეველობასა და შინაგან სიმშვიდეს. მარკუს ავრელიუსი სტოიკური ფილოსოფიის ქმშმარიტი მიმდევარი, ანუ პრაქტიკოსი ფილოსოფოსიც იყო — სტოიციზმი ხომ თავის მიმდევრებს პრაქტიკულად ასწავლიდა, თუ როგორ მიეღწიათ ზნეობრივი სრულყოფისათვის, როგორ განაფულიყვნენ სიქველემში. უკვე თორმეტი წლიდან, როგორც მარკუს ავრელიუსის ყამთააღმწერელი მოგვითხრობს, მარკუსი ფილოსოფოსობის გზას შეუდგა, იცვამდა, როგორც ფილოსოფოსი, ეძინა მინა-



ზე. დიდი ხეენა-მუდარა დასჭირდა დედამისს — დომიცია ლუცილას, რომ დაეთანხმებინა მარკუსი ტყავით გადაფენილ სანოლზე დაწოლილიყო. მარკუს აერელიუსი ამ ხანად თავის ასაკთან შედარებით ნაადრევად დაბრძენებული ბიჭუნა იყო, უზომო ცნობისნადილით შეპყრობილი, იგი საფუძვლიანად სწავლობდა რომაულ თუ ბერძნულ მწერლობას, ისტორიას, ფილოსოფიას. იმპერატორი პადრიანეც დაინტერესებულა ამ ზომამზე მეტად დიდხუი ბიჭუნათი და ყმანვილისთვის „ვერისიმუსი“ — უმართლესი უწოდებია. პადრიანე კარგა ხანს აკვირდებოდა ჭაბუკს, ეტყობა, იმპერატორს, რომელსაც საკუთარი შვილი არ ჰყავდა, მარკუს აერელიუსი თვალში ძალზე მოსდიოდა და მომავალში რომის მბრძანებლადაც ესახებოდა.⁴ 138 წელს გადაწყდა კიდევ მარკუს აერელიუსის ბედი, პადრიანემ იგი კეისრად გამოაცხადა. და მარკუს აერელიუსსაც სწორედ მაშინ უბრძანეს, რომ პადრიანეს ერთ-ერთ კერძო სახლში გადასულიყო. დედისეული მამული მომავალ იმპერატორს სურვილის გარეშე დაუტოვებია.

მას შემდეგ რაც მარკუს აერელიუსი იმპერატორი გახდა, ფართო ასპარეზი მიეცა, რათა თავისი ფილოსოფიურ-მორალისტური პრინციპები ცხოვრებაში განეხორციელებინა. ალბათ გახსოვთ, რომ პლატონისთვის ქვეყნის იდეალურ მმართველს — ფილოსოფოსი-მეფე წარმოადგენდა. შეიძლება ითქვას, რომ ისტორიაში არსად ისე მკაფიოდ არ განხორციელებულა მმართველის პლატონისეული იდეალი, როგორც მარკუს აერელიუსის შემთხვევაში. თავად იმპერატორიც გამუდმებით იმეორებდა თურმე პლატონის გამონათქვამს: „სახელმწიფონი გაფურჩხილინი იქნებოდნენ ან მაშინ, ფილოსოფოსები მმართველნი რომ ყოფილიყვნენ, ანდა იმ შემთხვევაში, ხელისუფალნი ფილოსოფოსები რომ იყვნენ“ (აცა, „მარკუსი“, XXVII). მარკუს აერელიუსი, უპირველეს ყოვლისა, ადამიანის ინდივიდუალურ ღირსებათ და მის განსწავლულობას აფასებდა. ამიტომაც იყო, რომ იგი პლატონისეულ იდეალს პრაქტიკაში ნერგავდა — მისი პრინციპსობის პერიოდში გვაროვნულ არისტოკრატიას თანდათანობით ცვლიდა ინტელექტუალური არისტოკრატია. თანამდებობებს განსწავლული ადამიანები იკავებდნენ. კონსულებად და პროკონსულებად ხშირად ფილოსოფოსები და რიტორები ხდებოდნენ.

და აი, მარკუს აერელიუსი იღებს იმ უმაღლეს შექებას, რომელიც კი ძველებს ბრძინი მმართველის მიმართ გამოუთქვამთ. „მარკუს აერელიუსი ხალხს ისე მართავდა, როგორც ეს თავისუფალ სახელმწიფოში იყო მიღებული. იგი განსაკუთრებულად ტაქტიანი კაცი იყო, მაშინ, როცა საჭირო იყო ბოროტის ქმნისაგან ადამიანთა შეკავება და მაშინაც, როცა საქმის ინტერესები მათი სიკეთისაკენ წარმართვას მოითხოვდა. ასეთსავე თავდაჭერილობას ამტკიცებდა იმპერატორი, როდესაც მდიდრულად ასაჩუქრებდა ზოგს, ხოლო სხვათა მიმართ შემწყნარებლობას იჩენდა. მარკუს აერელიუსი ცუდ ადამიანებს კარგებად ხდიდა, კარგებს — კი საუკეთესოებად, ამასთან ზოგაერთების მხრიდან დაცინვასაც კი მშვიდად იტანდა“ (აცა, „მარკუსი“, XII).



მედიცინა



მარკუს აერელიუსი გარდაიცვალა 180 წლის 17 მარტს ღუნაის ნაპირზე — ვინდობონეში (თან. ვენა) სამხედრო ბანაკში. მისი სიკვდილი რომაელმა ხალხმა გულწრფელად დაიტირა. «ყველა თავისი ასაკის მიხედვით — ძმას, მამას, თუ შვილს ეძახდა მას» (აცა, „მარკუსი“, X VIII).

იმპერატორის სიკვდილის შემდეგ აღმოჩნდა მის მიერ ბერძნულად დანერგილი ფილოსოფიური თხზულება „საკუთარი თავისადმი“. ეს ნაწარმოები დღემდე მსოფლიო ლიტერატურის შედევრთა შორის ირიცხება. ის ყველა სხვა ავტობიოგრაფიისაგან განსხვავდება უპირველესად იმით, რომ მისი ავტორი ჩანაწერებს საკუთარი თავისთვის აკეთებდა. „ზამთრის გულისგამაწვრილებლად გრძელსა და ნალვლიან ღამეებში თავის საზამთრო ბანაკში ჩაკეტილი ეს მარტოსული სენეკას მოძღვრის — სექსტიუსის მსგავსად თითოეული განვლილი დღის ანგარიშს აბარებდა საკუთარ სინდისს... წერდა თავისი სულიერი ცხოვრების ინტიმურ დღიურს — „წარმართული სამყაროს ამ სახარებას“ (ვ. დიური)⁵. უპირველეს ყოვლისა, სწორედ ამ უკვდავმა თხზულებამ განაპირობა ის, რომ მარკუს აერელიუსი ისტორიაში შევიდა, როგორც იმპერატორი-ფილოსოფოსი. „ფილოსოფოსი მსოფლიო იმპერიის ტახტზე“, როგორც მას უწოდებენ, მარკუს აერელიუსის არსს ყველაზე ლაკონურად გამოხატავს.

სიცოცხლის მიმწუხრს დანერგილ „ფიქრებში“ იმპერატორი-ფილოსოფოსი ჩამოთვლის იმას, თუ რას მიიჩნევდა იგი ცხოვრებაში ღმერთების მოვლენილ წყალობად. და აქ მარკუს აერელიუსი კვლავ მოიხსენიებს დედას — ღმერთებმა მას კეთილი მშობლების ყოლა უწყალობეს. და აქვე აკეთებს იგი დედის მისამართით თავის უკანასკნელ ჩანაწერს: „ღმერთების შეწვენითა ისიც... რომ დედაჩემმა, რომელსაც ეწერა სრულიად ახალგაზრდა მომკვდარიყო, ჩემს გვერდით გაატარა სიცოცხლის უკანასკნელი წლები“ (მარკუს აერელიუსი, „ფიქრები“, 1, 17, 15).

სამწუხაროდ, ჩვენ არ ვიცით, თუ რამდენი წელი იცოცხლა დომიცია ლუციამ. მეცნიერთა ვარაუდით, იგი 155-161 წწ-ის ფარგლებში უნდა გარდაცვლილიყო.





შენიშვნები:

- ¹ მარკუს ავრელიუსი, ფიქრები, ძველი ბერძნულიდან თარგმნა, წინასიტყვაობა და შენიშვნები დაურთო ბ. ბრეგვაძემ, თბილისი, 1984. თარგმანს წინ უძღვის ვრცელი და უაღრესად საინტერესო წინასიტყვაობა, რომლის ცალკეულ მოსაზრებებს ჩვენ მარკუს ავრელიუსის პორტრეტის ამ ჩანახატისთვის ვიყენებთ სათანადო დამონებებითურთ.
- ² ბ. ბრეგვაძის დასახელებული წინასიტყვაობა, 41.
- ³ ე. რენანი, მარკუს ავრელიუსი და ანტიკური სამყაროს დასასრული, პარიზი, 1882, 468. მოგვეყვას ბ. ბრეგვაძის დასახელებული წინასიტყვაობის მიხედვით, 45.
- ⁴ შესაბამისად, როდესაც ტახტის მემკვიდრედ ჰადრიანემ ცეიონიუს კომოდუსი (ისტორიაში ელიუს ვერუსის სახელით შესული კეისარი) გამოაცხადა, მან მარკუს ავრელიუსი ცეიონიუსის ასულზე დაწინადა. სრულიად მოულოდნელად 138 წელს კომოდუსი გარდაიცვალა. მარკუს ავრელიუსი ამ დროისთვის ჯერ კიდევ ძალიან ახალგაზრდა — მხოლოდ 17 წლისა იყო იმისთვის, რომ ჰადრიანეს იგი თავის პირდაპირ მემკვიდრედ დაესახელებინა. ამიტომ იმპერატორმა, რომელიც უკურნებელი სენით იყო შეპყრობილი და სიკვდილის მოახლოებას გრძნობდა, იშვილა 52 წლის ანტონინუს პიუსი იმ პირობით, რომ ეს უკანასკნელი თავის მხრივ იშვილებდა მარკუს ავრელიუსს და გარდაცვლილი ცეიონიუს კომოდუსის შვილს — ლუციუს ვერუსს. ამ ამბიდან ექვსი თვის შემდეგ ჰადრიანე მართლაც გარდაიცვალა და რომის ტახტზე ანტონინუს პიუსი ავიდა (138 წ.).
- ⁵ ბ. ბრეგვაძე, დასახელებული წინასიტყვაობა, 30.





ფაუსტინა

უმცროსი

ფაუსტინა უმცროსი — იმპერატორ ანტონინუსს პოუსისა და ანია გალერია ფაუსტინა უფროსის ქალიშვილი¹ იყო. იგი მარკუს ავრელიუსის ცოლი გახლდათ. ისტორიას ყოველთვის განსაკუთრებულად აინტერესებდა, თუ როგორი მუღლზე ჰყავდა მარკუს ავრელიუსს, რომაელთა ამ უთვალსაჩინოეს იმპერატორს, რომელიც თავისი ზნესრულობით ლამის ადაშიანის იდეალს უტოლდებოდა.

ფაუსტინას დაბადების ზუსტი თარიღი ცნობილი არაა. ვიცით, რომ იგი დაახლოებით 125-130 წლების ფარგლებში უნდა დაბადებულიყო. ისტორიკოსები გადმოგვცემენ, რომ პატარა ფაუსტინას ყელის სერიოზული დაავადება ჰქონდა და მას ცნობილი ექიმი გალენუსი მკურნალობდა. შესაძლოა, ეს ჩიყვიც ყოფილიყო, ყოველ შემთხვევაში, თუ ფაუსტინას პორტრეტს დაფუკვირდებით, ამ დაავადებისთვის დამახასიათებელ გამოხურცულ თვალებს უდავოდ შევნიშნავთ.

იმპერატორმა ჰადრიანემ, რომელმაც ფაუსტინას მამა — ანტონინუსი სამეფო ტახტზე აიყვანა, ბრძანა, რომ ანტონინუსს პოუსს, თავის მხრივ, მარკუს ავრელიუსი და ლუციუს ვერუსი ეშვილა, რომლებიც შემდგომში რომის მბრძანებლები უნდა გამხდარიყვნენ. მანვე იბრუნა პატარა ფაუსტინას მომავალზე და ქალიშვილი ტახტის მომავალ მემკვიდრეზე — ლუციუს ვერუსზე დანიშნა. ჰადრიანემ დანიშნა მარკუს ავრელიუსიც. მას ლუციუს ვერუსის და — ფაბია უნდა ეთხოვა. მაგრამ არცერთი დათქმული ნიშნობა ქორწინებაში არ გადაზრდილა. ჰადრიანეს გარდაცვალების შემდეგ იმ მოსაზრებით, რომ ფაუსტინა თავის საქმროზე — ვერუსზე უფროსი იყო, ანტონინუსმა ქალიშვილის ნიშნობა გააუქმა და ფაუსტინას ხელი მარკუს ავრელიუსს შესთავაზა. მარკუსი ფაუსტინას მამიდაშვილად მოუდიოდა, მარკუსის მამა — ანიუს ვერუსი ფაუსტინა უფროსის ძმა იყო.



მარკუს ავრელიუსმა ანტონინუსის წინადადებაზე ცოტა ხანს იფიქრა და შემდეგ მამობილს დასთანხმდა. ფაუსტინა უმცროსისა და მარკუს ავრელიუსის ქორწინება 145 წელს შედგა, იმპერატორმა ქალიშვილის ქორწინილი განსაკუთრებით საზეიმოდ გადაიხადა — მეომრებს ფულადი საჩუქრებიც კი დაურიგა (აცა, „ანტონინუს პიუსი“, 10, 2). მალე ფაუსტინამ პირველი შვილი გააჩინა და „ავგუსტას“ ტიტული მიიღო. როგორც გადმოგვცემენ, ქორწინების პირველი წლები ფაუსტინას და მარკუსისთვის ბედნიერი წლები იყო. თავად მარკუსის წერილებიდან ჩანს, როგორ ხარობს მარკუს ავრელიუსი თავისი შვილების კარგად ყოფნით, როგორ უვლის მათ, როგორ წუხს მათი აუადმყოფობის გამო. მარკუსსა და ფაუსტინას დიდი ოჯახი ჰქონდათ — მათ თორმეტი შვილი ჰყავდათ.

მაგრამ, როგორც ჩანს, ოჯახური ბედნიერება დიდხანს არ გაგრძელდებოდა. ანტიკური ავტორები, რომლებიც ფაუსტინას გამორჩეულ სილამაზეზე მოგვითხრობენ, ხაზგასმით აღნიშნავენ მის თავება ხასიათს, განსაკუთრებით კი იმპერატორისას დაუოკებელ ტემპერამენტზე ამახვილებენ ყურადღებას. ამ ქალის ირგვლივ რომაული საზოგადოებაში გამუდმებით იყო მითქმა-მოთქმა. „ზოგიერთები ამბობენ — და ეს, ალბათ, მართალიც არის, რომ კომოდუს ანტონინუსი, [მარკუსის] მემკვიდრე და შვილი, მარკუსისაგან კი არ ჰყავდა ფაუსტინას, არამედ ამ ქალის მრუშობის ნაყოფი იყო, — გვიამბობს მარკუს ავრელიუსის ცხოვრების ფამთაღმწერელი და განაგრძობს: „ამას ხალხში გავარდნილ ასეთ ზღაპრულ ამბავსაც ურთავენ: ერთხელ, როდესაც ფაუსტინა მის წინაშე გამოსულ გლადიატორებს უცქერდა, გული ერთ-ერთ მათგანზე შეეარდნია. მას დიდხანს უტანჯია ამ ვნების გამო, ბოლოს კი ქმრისთვის გაუნდია თავისი სატკივარი. მაშინ იმპერატორმა ქალებებს მიმართა. მათ მარკუსს გლადიატორის მოკვლა ურჩიეს, მაგრამ მხოლოდ ეს ფაუსტინას საშველად საკმარისი არ იქნებოდა. ფაუსტინა მოკლულის სისხლში უნდა განბანილიყო და მხოლოდ ამის შემდეგ დანოლილიყო ქმართან. რიტუალი ჩატარდა. ფაუსტინა სიყვარულისგან კი განიკურნა, მაგრამ ქვეყანას მოევიწინა კომოდუსი, რომელიც თავისი ბუნებით გაცილებით მეტად ჩამოჰგავდა გლადიატორს, ვიდრე იმპერატორს“ (აცა, „მარკუსი“, XIX). ისტორიკოსის თქმით, ეს ამბავი თანამედროვეთ სიმართლედ ეჩვენებოდათ, რამეთუ კომოდუსი, ეგზომ უმნიკლო მმართველის ვაჟიშვილი ისე იქცეოდა, გეგონებოდათ, იმპერატორის შთამომავალი კი არა ვინმე მდაბიორის — მსახიობის ან გლადიატორის ჩამომავალი იყო. სხვა ვერსიით, ფაუსტინა საყვარლებს მებღავურთა და გლადიატორთაგან ირჩევდა და კომოდუსიც მისი სიძვის ნაშიერი იყო (აცა, „მარკუსი“, XIX, 4).

ამგვარი ქორების გავრცელებაში არც რომაულ კომედიას დაუკლია ხელი. ერთ-ერთ პიესაში, რომლის სახელწოდებაც ჩვენთვის არაა ცნობილი, კალამბურის მეშვეობით მსახიობი ფაუსტინას საყვარლის სახელს — ტერტულუსს წარმოსთქვამდა. ამ ეპიზოდში სულელი ბატონი მონას თავად



ვისი ცოლის საყვარლის სახელს ეკითხებოდა. მონაც მას ზედიზედ სამჯერ უმეორებდა სახელს — „ტულუსს“, ხოლო, როცა ბატონი ისევ აგრძელებდა გამოკითხვას, მონა უპასუხებდა: „მე ხომ უკვე გითხარი სამჯერ — ტულუსი — მისი სახელიაო“ (აცა, „მარკუსი“, XXIX, 1-3). ლათინურად: სამჯერ ტულუსი — არის Ter Tullus, რაც ღღერს, როგორც Tertullus-ი, ანუ ფაუსტინას საყვარლის სახელი. წყაროები გადმოგვცემენ, რომ მარკუს ავრელიუსს ეს სპექტაკლი ნანახი ჰქონია.

ასეა თუ ისე, მარკუს ავრელიუსისთვის ამგვარი ჭორები დაფარული არ უნდა ყოფილიყო. ხალხს არ მოსწონდა, რომ მათი სათაყვანებელი იმპერატორი ამ მითქმა-მოთქმას უპასუხოდ ტოვებდა. ამიტომაც პრინციპის მრავლისმომენას ჰკიცხავდა. „როდესაც მარკუს ავრელიუსს თავისი ცოლის ამორალურ საქციელთა შესახებ ამცნობდნენ და სთავაზობდნენ გაპყროდა მაინც ცოლს, თუკი მისი დასჯა არ სურდა, მარკუსი ასე უპასუხებდა: „თუ ცოლს გავეყრები, მას მზითვიც უნდა დაეუბრუნო“. მზითვი კი სხვა რა შეიძლებოდა ყოფილიყო, თუ არა საიმპერატორო ძალაუფლება, რომელიც მან სიმამრისაგან — ანტონინუს პიუსისაგან მიიღო, რომელმაც მარკუსი ჰადრიანეს ნებით იშვილა“ (აცა, „მარკუსი“, XI).

სჯეროდა კი მარკუსს ფაუსტინას ღალატი? იქნებ მისი უმოქმედობა იმითაც იყო გამოწვეული, რომ იგი ყოველმხრივ ცდილობდა ეჭვიანობისგან თავი მოეზღუდა. ფილოსოფოსი-იმპერატორი თავის თხზულებაში აკი ერთგან წერდა კიდევ: „ნურასოდეს ნუ მიიჩნევ შენი თავის სასარგებლოდ მას, რაც ოდესმე დაგარღვევინებს აღთქმას, დაგაინყებს სირცხვილს, შეგაძულებს ვისმე, ან გაიძულებს იეჭვიანო“² (მარკუს ავრელიუსი, „ფიქრები“, III, 7). ხომ შეიძლება დაეუშვათ ისიც, რომ იმპერატორს, რომელიც მთელი ცხოვრება ზნეობრივი სრულყოფისაკენ მიისწრაფოდა, ეჭვიანობა უფრო დიდ ბოროტებად მიაჩნდა, ვიდრე ცოლის შესაძლო, თუ რეალური ღალატი. ამიტომ ხომ არ ერჩია, რომ უბრალოდ გაჩუმებულიყო?

მაგრამ, როგორც ჩანს, ცოლის ღალატისადმი მარკუს ავრელიუსის დამოკიდებულება ასეთი ერთმნიშვნელოვანი არ უნდა ყოფილიყო. იმპერატორი არა მარტო უპასუხოდ ტოვებდა ჭორებს, არამედ პირველ რიგში თავის თავს უმტკიცებდა, რომ საქმე ასე არ უნდა ყოფილიყო, რომ ფაუსტინას შესახებ ამბები მოგონილი იყო და რომ მას ღირსეული ცოლი ჰყავდა. ყოველ შემთხვევაში, ამას გვაფიქრებინებს ის ფრაზა, რომელიც ფილოსოფოსმა-იმპერატორმა ფაუსტინას შესახებ ავტობიოგრაფიაში ჩაწერა: „ღმერთებს უნდა ვუმადლოდე..., რომ აგრერიგად მორჩილი ცოლი მყავს, უბრალო და ვნებაუღელი“ (მარკუს ავრელიუსი, „ფიქრები“, I, 17, 18).

ამაოდ ცდილობდნენ მოტყუებულ ქმრად გამოეყვანათ იგი, ამაოდ გაპყვიროდენ კომედიანტები ფაუსტინას საყვარლების სახელებს, იმპერატორს არაფრის გაგონება არ სურდა. თვით ცოლის სიკვდილის შემდეგაც კი ვერაინი შეძლო მისი გამოყვანა ამ წმინდა თვითმოტყუებიდან“.³

ანტიკური ავტორები განსაკუთრებით ფაუსტინას ერთ მზაკერობაზე



საქართველოს
ეროვნული
ბიბლიოთეკა



ამაზვილებენ ყურადღებას. ეს ლალატი უბრალო, მორიგი ადულტერი არ იყო და სახელმწიფო ცხოვრებაში ფრიად მნიშვნელოვან მოვლენას უკავშირდებოდა.

მარკუს ავრელიუსი გერმანელებთან წარმატებით იბრძოდა. იმპერია ბარბაროსთა შემოსევას გადაურჩა. ბრძენ იმპერატორს გრანდიოზული გეგმის განხორციელება ჰქონდა ჩაფიქრებული, რომ უეცრად მოულოდნელი რამ მოხდა — იმპერიის წინააღმდეგ ერთ-ერთი ყველაზე გავლენიანი მთავარსარდალი — ავიდიუს კასიუსი აჯანყდა. ავიდიუს კასიუსი სწორედ ის მხედართმთავარი იყო, რომელმაც წლების წინ რომის სახელმწიფოს უდიდესი სამსახური გაუნია — დაამარცხა და უკუაქცია პართელები რომაელთა აღმოსავლეთი პროვინციებიდან. მას განსაკუთრებით ენდობოდა იმპერატორი და ამიტომაც დანიშნა იგი სირიის პროკონსულად (მმართველად). წლების მანძილზე ავიდიუს კასიუსი იმპერატორის უმთავრესი დასაყრდენი ძალა იყო. ახლა კი არმიის მხარდაჭერით ავიდიუსმა თავი იმპერატორად გამოაცხადა. საუბედუროდ, იმპერიის აღმოსავლეთ პროვინციათა მეტი წილი სწორედ მას მიემხრო. ეს 175 წელს მოხდა. რომი საშინელმა პანიკამ მოიცვა, რომაელები შიშით მოელოდნენ ავიდიუს კასიუსის წინამძღოლობით ქალაქის ქუჩებში სირიული ლეგიონების გამოჩენას და ახალი სამოქალაქო ომის დაწყებას. სენატმა ავიდიუს კასიუსი ხალხის მტრად გამოაცხადა, მარკუს ავრელიუსმა ბარბაროსებთან ომი შეწყვიტა, ზავი დადო და აღმოსავლეთში ავიდიუსთან საომრად გაემართა. საბედნიეროდ, საქმე ომამდე არ მივიდა. იმპერატორად გამოცხადებიდან სამი თვის შემდეგ ავიდიუს კასიუსი თავისსავე ცენტურიონებმა მოკლეს.

და მაინც, რითი უკავშირდებოდა სახელმწიფო გადატრიალების ეს მცდელობა იმპერატორის ცოლის სახელს?

ანტიკურ ავტორთა გადმოცემით, ფაუსტინა მთავარსარდალთან მალულად იყო შეკრული. ავიდიუსმა აღმოსავლეთში იმპერატორად გამოაცხადა თავი, როგორც ზოგიერთები ამბობენ, ფაუსტინას სურვილით, რომელსაც უკვე აღარ ჰქონდა იმის იმედი, რომ მარკუსი დიდხანს იცოცხლებდა. ქალს ეშინოდა, რომ მარტოდ დარჩენილი, იგი თავისი მცირეწლოვანი შვილების დაცვას ვერ შესძლებდა და ის, ვინც იმპერატორობას ჩაიგდებდა ხელში, მის არასრულწლოვან ბავშვებს გზიდან ჩამოიცილებდა" (აცა, ავიდიუს კასიუსი", VII, 1). იმავეს იმეორებს მარკუს ავრელიუსის ისტორიკოსიც (აცა, „მარკუსი“, 24). მაგრამ ეს სხვა ისტორიკოსებს იმ ხანადაც მცდარად მიაჩნდათ და ამ ამბის მთხრობელებს უკვე მაშინ ეკამათებოდნენ. ასე მაგალითად, ავიდიუს კასიუსის ისტორიკოსს ფაუსტინას უდანაშაულობის მტკიცებულებად ცოლ-ქმრის მიმონერა მოაქვს. ამ ავტორის მიხედვით მარკუს ავრელიუსი მომხდარის შესახებ ცოლს თავად ატყობინებს და მასთან ჩამოსვლას სთხოვს, რათა ამის თაობაზე მშვიდად მოისაუბრონ. საპასუხო წერილში ფაუსტინა ქმრისგან ავიდიუსის სასტიკად



დასჯას მოითხოვს: „თუ შენ შენი შვილები გიყვარს, მაშინ, რაც შეიძლება, მკაცრად გაუსწორდი მეამბოხეებს,“ — ნერს იგი მარკუს ავრელიუსს. მეორე ნერილში ფაუსტინა კიდევ ერთხელ ემუდარება მეუღლეს, დასაჯოს აჯანყებულები, რამეთუ თელის, რომ ამგვარი ზომები, უპირველეს ყოვლისა, საკუთარ ოჯახზე ზრუნვით არის გამოწვეული. „ხომ ვერ უწოდებ მოყვარულს იმ იმპერატორს, რომელიც საკუთარ ცოლ-შვილზე არ ფიქრობს?.. ნუ შეიბრალებ იმათ, რომლებმაც შენ არ შეგიცოდეს და რომლებიც გამარჯვების შემთხვევაში არც მე დამინდობდნენ და არც ჩემს შვილებს“.

ისტორიკოსის აზრით, ეს ნერილები მონაბოხნი იმას, რომ ფაუსტინამ არა თუ არაფერი იცოდა ავიდიუს კასიუსის აჯანყების შესახებ, არამედ იგი აქეზებდა კიდევ მეამბოხეთა მიმართ მშვიდად განწყობილ და მათი შეწყალების მოსურნე მარკუს ავრელიუსს. იგი ევედრებოდა მეუღლეს, რათა მას დამნაშავეთა მიმართ დასჯის უმკაცრესი ზომებისთვის მიემართა და ამგვარი სასჯელის აუცილებლობას მისგან ჯიუტად მოითხოვდა (აცა, „ავიდიუს კასიუსი“, VII-X).

დღეს მეცნიერებაში გამოთქმულია მოსაზრება, რომლის თანახმადაც ფაუსტინას ამორალურ ქალად წარმოდგენა, შესაძლებელია, სწორედ იმ ცნობიდან მომდინარეობს, რომელიც ფაუსტინას ავიდიუსის აჯანყების თანამონაწილედ სახაცს.⁴ მეცნიერთა ერთ ნაწილს უსაფუძვლოდ მიაჩნია ფაუსტინას მიმართ წაყენებული ბრალდებათა უმეტესობა. შეიძლება ასეც იყოს, მაგრამ ერთიც უდავოა, არც ერთი წყარო ფაუსტინას სიქველეთა შესახებ არ მოგვითხრობს. ისინი არას გვეუბნებიან არც ფაუსტინას დადებით თვისებებზე, არც იმის თაობაზე, რომ იგი ღირსეული ცოლი იყო. პირიქით, თუ რამეს გვამცნობენ ანტიკური ავტორები ამ ქალის შესახებ, სამწუხაროდ, მხოლოდ უარყოფითს. ფაქტი ერთია, ფაუსტინა ვერ იქცა მარკუს ავრელიუსის — ამ უდიდესი პიროვნების და მოღვაწის ჭეშმარიტ მეგობრად და თანამზრახველად.

მაგრამ მიუხედავად იმისა, რომ მარკუს ავრელიუსს ამგვარი ცოლი ჰყავდა, წყაროები ხაზგასმით აღნიშნავენ, რომ იმპერატორის დიდება ვერაფერმა დაჩრდილა. თუმც რომაელთა იდეალის თანახმად, ცოლი მნიშვნელოვანი ილადა განაპირობებდა ქმრის ღირსებასა და მისადმი პატივისცემას, როგორც ჩანს, რომაელებს თავიანთი უსაყვარლესი იმპერატორის მიმართ გამოხატვის დაუშვიათ. „მაგრამ ქველი მეფის ცხოვრებას, მის უმნიშვნელობას, განონასწორებულობას და ღვთისმოსაობას ისეთი ძალა გააჩნია, რომ სიძულვილს, რომელსაც მისი ახლობლები ინევენ, არ ძალუძს დაჩრდილოს მისი დიდება. ასე რომ, მარკუს ავრელიუსს ჩირქს ვერ მოსცხებდა ვერც მისი გლადიატორი-ვაჟიშვილი, ვერც მისი გარყვნილი ცოლი, რამეთუ მარკუსი ყოველთვის საკუთარი თავის ერთგული რჩებოდა და არავის ჩაგონებას არ შეეძლო, იგი შეეცვალა,“ — გვატყობინებს მისი უამთაღმწერელი (აცა, „მარკუსი“, XIX, 10).





გავიდა ხანი. სახელმწიფოში მდგომარეობა გამოსწორდა. მარკუს ავრელიუსმა პირველად ამოისუნთქა შვებით, პირველად გაემართა სამოგზაუროდ — ეწვია საბერძნეთს, ანტიოქიასა და ალექსანდრიას. ამ მოგზაურობისას მას თან ცოლიც ახლდა. როდესაც ისინი უკან ბრუნდებოდნენ, გზაში — კაპადოკიაში მოულოდნელად გარდაიცვალა ფაუსტინა.

მეუღლის გარდაცვალება იმპერატორმა მძიმედ განიცადა. „მე ყოველდღე ელოცულობ ფაუსტინასათვის და უკედავ ღმერთებს ვავედრებ მას“, წერდა იმპერატორი თავის აღმზრდელსა და თავისი წერილების მთავარ ადრესატს — ფრონტონს. მარკუს ავრელიუსმა თხოვნით მიმართა სენატს, რომ ფაუსტინასთვის ღვთაებრივი პატივი მიეგოთ და მისი სახელობის ტაძარი აღემართათ. მან ფაუსტინას ხოტბა აღუვლინა, თუმცა მითქმამოთქმა მის გარდაცვლილ ცოლს გარყენილებაში ჯიუტად ადანაშაულებდა... „მარკუს ავრელიუსმა მადლობა გადაუხადა სენატს ფაუსტინას ღვთაებრივად გამოცხადებისთვის. ფაუსტინა თან ახლდა ქმარს ყველა მისი საზაფხულო კამპანიების დროს, ასე რომ მარკუს ავრელიუსი ფაუსტინას „სამხედრო ბანაკთა დედას“ ეძახდა“ (აცა, „მარკუსი“, XXVI).

მარკუს ავრელიუსმა მეუღლის პატივსაცემად ფაუსტინელი ქალიშვილების ახალი ორგანიზაცია დაარსა. ხოლო ის ადგილი, სადაც იმპერატორისა გარდაიცვალა, პრინციპსმა ფაუსტინას სახელობის კოლონიად გამოაცხადა და იქ მისი სახელობის ტაძარი ააგო.

ფაუსტინას შესახებ მითქმა-მოთქმასთან ერთად ისტორიამ ერთი ხელშესახები დოკუმენტიც შემოგვინახა. ერთ-ერთ ბარელიეფზე გამოსახულია დედოფალი, რომელიც მის მფარველ გენიას ცაში აპყავს. „ხოლო იქვე მჯდარი იმპერატორი სიყვარულით და სასოებით სავსე მზერას აყოლებს „თავისი ძვირფასი ფაუსტინას“ აპოთეოზს.“⁵

ეს ბარელიეფი ამჟამად რომში, კაპიტოლიუმის მუზეუმში ინახება.





შენიშვნები:

- ¹ ანტონინუს პიუსის მმართველობის წლები — 138-161 წწ. წარმოშობით იგი გალიის მსხვილ მინათმფლობელთა სენატორული გვარიდან იყო (ქ. ნემაუსუსიდან). წყაროების თანახმად ანტონინუსი განსაკუთრებული ღირსებებით გამოირჩეოდა. „პიუსი“ — მისი ზედწოდებაა, რაც ლეთისმოსავეს ნიშნავს. მისი ცოლის — ანია გალერია ფაუსტინა უფროსის შესახებ ანტიკური ავტორები საპირისპიროს მოგვითხრობენ. ბერს ლაპარაკობენ ისინი ამ ქალის ძალზე თავისუფალი და თავქარიანი ცხოვრების ნირის თაობაზე. „იმპერატორმა ეს მითქმა-მოთქმები ალაგმა, თუმცაღა სულის სიღრმეში ამის გამო ძალზე იტანჯებოდა“ (აცა, „ანტონინუს პიუსი“, II).
- ² მარკუს ავრელიუსი, ფიქრები. ძველი ბერძნულიდან თარგმნა, წინასიტყვაობა და შენიშვნები დაურთო ბ. ბრეგვაძემ, თბილისი, 1984. მარკუს ავრელიუსის თხზულების ციტირებისას ჩვენ ყველგან დასახელებულ თარგმანს ვიყენებთ.
- ³ ი. რენანი, დასახ. ნაშრომი, 470-71, მოგვყავს ბ. ბრეგვაძის წინასიტყვაობის მიხედვით, 41.
- ⁴ K. P. v. II, 1583-1584, სტატია ფაუსტინა უმცროსზე — Annia Galeria F. (II).
- ⁵ ბ. ბრეგვაძის დასახელებული წინასიტყვაობა, 40.





ლუცილას

ანია ლუცილა მარკუს ავრელიუსის უფროსი ქალიშვილი იყო (წყაროები მას ავრელია გალერიადაც მოიხსენიებენ). ლუცილა 148 თუ 149 წელს დაიბადა. მისი პირველი ქმარი იმპერატორი ლუციუს ვერუსი გახლდათ. ეს სწორედ ის ლუციუს ვერუსი იყო, რომელიც ანტონინუს პიუსმა პადრიანეს მოთხოვნით მარკუს ავრელიუსთან ერთად იშვილა და რომელიც ასევე მომავალი იმპერატორი უნდა გამხდარიყო. მიუხედავად ამისა, სენატმა ანტონინუს პიუსის გარდაცვალების შემდეგ მხოლოდ მარკუს ავრელიუსს გადასცა საიმპერატორო ხელისუფლება. მაგრამ ამ უკანასკნელმა არ მოისურვა პადრიანეს ნება დაერღვია და თავის თანამოსაყდრედ ლუციუს ვერუსი დაისვა. 161-169 წწ-ში ვერუსი მარკუს ავრელიუსთან ერთად მართავდა რომის იმპერიას. ორი იმპერატორის ერთობლივი მმართველობა რომის სახელმწიფოს ისტორიაში პირველი შემთხვევა გახლდათ.

როგორც კი ტახტზე ავიდა, მარკუს ავრელიუსმა მტიკედე გადანყობა, რომ თანამმართველთან ან „ძმასთან“, როგორც ვერუსს ჯამთაღმწერლები მოიხსენიებენ, კეთილი ურთიერთობა კიდევ უფრო საიმედო კავშირით განემტკიცებინა. ჩვენ უკვე არაერთგზის გავხდით იმის მოწმეები, რომ რომაელები პოლიტიკურ მოკავშირესთან ურთიერთობის დამყარების საუკეთესო საშუალებად დანათესავებას მიიჩნევდნენ. და მარკუს ავრელიუსმაც თავისი ქალიშვილის — ლუცილას ხელი ვერუსს შესთავაზა. ლუცილა ამ დროს მხოლოდ თოთხმეტი წლისა თუ იქნებოდა. ვერუსმა თავი შეიკავა, შესაძლოა, საპატარძლოს ასაკის გამოც... მაგრამ მარკუს ავრელიუსს თანამოსაყდრესთან დანათესავება მყარად ჰქონდა განზრახული და ამიტომაც გარკვეული დროის შემდეგ მან ვერუსს ნერილობით კვლავ შეახსენა თავისი ადრინდელი წინადადება. ამჯერად ვერუსმა ყველაფერი



კარგად ანონ-დანონა და მარკუს აერელიუსს შემოთავაზებაზე დათანხმდა. თავად ლუცილას ვერუსის ცოლობა არ სურდა. თუ ჭორებს ვერწმუნებით, ქორწინების წინ ლუცილას ფსიქიური აშლილობა დამართნია. იმ ხანად ამას ბოროტ ძალებს აბრალებდნენ. ქალწული ეპისკოპოსს განუკურნავს, რომელსაც ლუცილას სულში ჩაბუდებული ეშმაკი განუდევნია და საპატარძლოც ქორწინებისთვის მოამზადეს.

რაც შეეხება სიძეს, იგი ამ დროს სირიაში იმყოფებოდა. იქ ვერუსი მარკუს აერელიუსმა გაგზავნა, რათა პართელებთან ომში რომაულ ჯარს სათავეში ჩასდგომოდა. მაგრამ ბრძოლის მაგივრად ლუციუს ვერუსი სირიაში განცხრომით ცხოვრებას მიეცა, მის ნაცვლად კი მისი ლეგატები იბრძოდნენ. იმპერატორი და რომელთა უმაღლესი მთავარსარდალი იმდენად თავაშვებულ ცხოვრებას ეწეოდა, რომ მისი გარყვნილების ამბავი ფართოდ მოედო მთელ რომაულ სამყაროს. მარკუს აერელიუსთანაც, ბუნებრივია, მოდიოდა ხმები ქვეყნისთვის ამ მეტად საპასუხიშმსგებლო ჭამს მისი თანამოსაყდრის და სასიძოს საქციელის შესახებ. მაგრამ იგი მაინც თავისსაზე იდგა — ლუცილასა და ვერუსის ქორწინება მას, უპირველეს ყოვლისა, სახელმწიფოებრივ აუცილებლობად ესახებოდა. შესაძლოა, მარკუს აერელიუსს ქორწინების შემდეგ სიძის გამოსწორების იმედიც ჰქონდა. ამიტომაც აღარ დაახანა, არ დაუცადა პართიის ომის დამთავრებას და ლუცილა მომავალ ქმართან გააგზავნა. თავისი ქალიშვილი მარკუს აერელიუსმა მდიდრულად გაამშობვა, ბრუნდიზიუმამდე მიაცილა, ხოლო შემდეგ სასიძოსთან მისაყვანად ლუციუსის ბიძას და თავის დას — კორნიფიციას ჩააბარა. მექორწინენი ერთმანეთს ეფესოსში (მცირე აზიაში) შეხვდნენ, იქვე გადაიხადეს მათ მდიდრული ქორწილიც (164 წ.). ისტორიკოსები მოგვითხრობენ, რომ ეფესოსში დაქორწინება ხელს აძლევდა ვერუსსაც. მას ნამდვილად არ უნდა სდომოდა, ქალიშვილის დასაქორწინებლად მარკუს აერელიუსის ჩამოსვლა სირიაში. იქ ხომ მარკუს აერელიუსი საკუთარი თვლით ნახავდა, რასაც ჭორად ამბობდნენ. ამიტომაც ვერუსი თავად გამოემართა ეფესოსში ლუცილას ცოლად შესართავად (აქა, „ვერუსი“, XX).

გათხოვების შემდეგ ლუცილამ „ავგუსტას“ ტიტული მიიღო. ქორწინება ბედნიერი არ გამოდგა. ვერუსი სირიიდან ჩამოსვლის შემდეგაც არ „გამოსწორებულა“. „ძმებს“ — მარკუს აერელიუსსა და ლუციუს ვერუსს შორის უზარმაზარი სხვაობა იყო. ზნეობრივად თითქმის სრულქმნილი იმპერატორის გვერდით ლუციუსი ხაზგასმით მანკიერი ჩანდა.

როგორც ამბობდნენ, სირიიდან დაბრუნებული ვერუსი ისეთ გარყვნილებას მიეცა, რომ საკუთარ სახლში ნამდვილი სამიკიტნო მოაწყო და მსახურებად ყოვლად საძაგელი ადამიანები დააყენაო. ამ სამიკიტნო მარკუსის სიძე მთელი ღამის განმავლობაში კოჭს აგორებდა, რასაც სი-



რიაში დაეჭვია. ისტორიკოსის თქმით, თავისი აღვირახსნილობით ლუციუსს შეეძლო გაიუს კალიგულას, ნერონისა და ვიტელიუსისთვისაც კი გაენია მეტოქეობა. იმპერატორი ღამით სამიკიტნოებსა და საროსკიპოებს მიღებდა, გამვლელ-გამომვლელებთან ქეიფობდა, ქუჩაში დებოშებს ტეხდა. თუმცა ვერუსი ცდილობდა, რომ მისი პიროვნება არ გამჟღავნებულიყო და ამიტომაც თავზე მოსასხამჩამოფხატული დაიარებოდა, თავის დამალვას იგი მაინც ვერ ახერხებდა და ხშირად სახლში ჩალურჯებულ, დაშავებული სახით, ნაცემ-ნაგვეში ბრუნდებოდა (აცა, „ვერუსი“, IV).

რომში არაკებს ჰყვებოდნენ ლუციუსის მიერ მოწყობილ ერთ ღრეობაზე, რომელიც 6 000 000 სესტერციუმით დაჯდა და რომელზედაც მხოლოდ თორმეტი სტუმარი იყო მიპატივებული. ისინი ლუციუსმა ერთ უთქმელი საჩუქრებით დაასაჩუქრა. როდესაც მარკუს ავრელიუსს ამ ნადიმის შესახებ ამცნეს, ამბობენ, იმპერატორს ოხვრა აღმოადა და რომის სახელმწიფო შეებრალაო (აცა, „ვერუსი“, V).

თუმცა უნდა ითქვას ისიც, რომ ვერუსისთვის უცხო იყო ნერონის გულმხეცობა, სისასტიკე და ადამიანთა საღისტური დაცინვა. „ვერუსი ეშმაკი კაცი არ იყო და არაფრის დამალვა არ შეეძლო“ (აცა, „ვერუსი“, I). ამასთან იგი დიდ პატივს მიაგებდა თანამოსაყდრეს და სიმამრს და სახელმწიფოსთვის საბედნიეროდ არ ცდილობდა მარკუს ავრელიუსისთვის ინტრიგები მოეწყო, ანდა მის წინააღმდეგ გამოსულიყო. მისი ძალაუფლება ფაქტობრივად ნომინალური იყო.

169 წელს, სწორედ მაშინ, როდესაც მარკუს ავრელიუსმა და ვერუსმა ავიდიუს კასიუსის აჯანყების გამო გერმანელებთან ზავი შეკრეს და რომისკენ გამოემართნენ, ლუციუს ვერუსი გზაში მოულოდნელად გარდაიცვალა. ოფიციალური ვერსიის თანახმად, ვერუსს გზაში აპოპლექსიის მწვავე შეტევა დაემართა და სამი დღის შემდეგ სული განუტევა.

მაგრამ ვერუსის გარდაცვალებაზე ჭორებსაც ჰყვებოდნენ. ამბობდნენ, თითქოს ლუციუს ვერუსს თავის სიღვრეთან — ფაუსტინა უმცროსთან პქონოდა სასიყვარულო ურთიერთობა, შემდგომ კი ღალატში თავის ცოლს — ლუცილას გამოტყდომოდა. როდესაც ფაუსტინამ ამის შესახებ შეიტყო, მან სიძეზე შური იძია და ლუციუსს ხამანკებში მზაკერულად ჩაუყარა სანამლაი. სხვა რამესაც ღაპარაკობდნენ, კერძოდ კი იმას, რომ ლუციუს ვერუსი საკუთარმა ცოლმა მოწამლაო. ლუცილამ ვერ აიტანა ვერუსის მოწინება საკუთარი დის მიმართ, რომელსაც ამის წყალობით დიდი ძალაუფლება პქონდა ხელში მოგდებული. პეროდიანოსის მიხედვით კი თანამოსაყდრე თავად მარკუს ავრელიუსმა მოაკვლევინა, რომელმაც სიძის თავაშვებულობა ვედარ აიტანა და იგი თავიდან მოიცილაო (პეროდიანოსი, IV, 5). თუმცა ისიც უნდა ითქვას, რომ ეს უკანასკნელი ვერუსია უკვე მაშინ მარკუსის უმნიკლო პიროვნებიდან გამომდინარე საფუძველმოკლებულად მიაჩნდათ.



ლუცილა



დაქერივებული ლუცილა მამამ მალე ისევ გაათხოვა, თანაც არც გლოვის დაწესებული ვადის გასვლისთვის დაუცდია. ამჯერად მან ლუცილას ქმრად ხანდაზმული კლავდიუს პომპეიანუსი შეურჩია, რომელიც წარმოშობით ანტიოქიელი მხედრის შვილი იყო და წარჩინებული გვარიშვილობით არ გამოირჩეოდა. შემდეგში მარკუს ავრელიუსმა იგი ორჯერ გახადა კონსული (აცა, „მარკუსი“, XX, 6). ლუცილას საშინლად არ უნდოდა ასაკოვან პომპეიანუსს გაჰყოლოდა ცოლად, არც დედამისს — ფაუსტინა უმცროსს მოსწონდა თურმე ეს ქორწინება.

მარკუს ავრელიუსი გარდაიცვალა. ტახტზე ლუცილას ძმა — კომოდუსი ავიდა. კომოდუსის მმართველობის დროს ლუცილას პატივისცემის ნიშნებს კვლავ აღუვლენდნენ. მის წინ მიჰქონდათ ჩირაღდანი, თეატრშიც იგი კვლავ იმპერატორის საეარძელში განისვენებდა. მაგრამ გავიდა ხანი და კომოდუსი დაქორწინდა, მისი ცოლი — კრისპინა, ბუნებრივია, რომის პირველი ქალბატონი გახდა. ლუცილამ კრისპინა შეიძულა. როგორც ჩანს, მარკუს ავრელიუსის ქალიშვილის ხასიათის განმსაზღვრელი თვისება იყო პატივმოყვარეობა, რომელიც ყოველგვარ ზღვარს სცილდებოდა. ამიტომ კრისპინას პირველობას და ამ ქალისთვის მიგებულ პატივს, ლუცილა საკუთარი პიროვნების დამცირებლად მიიჩნევდა. სწორედ ეს შეიქნა იმ დიდი უბედურების მიზეზი, რომელიც მარკუს ავრელიუსის ოჯახში დატრიალდა. ლუცილამ კომოდუსის წინააღმდეგ შეთქმულება მოაწყო. ბედის მწარე დაცინვა გახლდათ ის, რომ ზნესრულობით ესოდენ აღმატებული იმპერატორის შვილები ასეთი ზნედაცემული პიროვნებები გამოდგნენ. და მართლაც რა უნდა ყოფილიყო უფრო საშინელი და ტრაგიკული მარკუს ავრელიუსისთვის ვიდრე ის, რაც მისმა შვილებმა ჩაიდინეს. ერთმა — მეორის მოკვლა გადაწყვიტა, იმან კი, რომელიც ცოცხალი გადარჩა, პირველს ლაღატი არ აპატია და სიცოცხლეს გამოასალმა.

შეთქმულების შესახებ ანტიკური ავტორები შემდეგს გვიამბობენ: ლუცილა, რომელმაც კარგად იცოდა, რომ მისი ქმარი კომოდუსის მიმართ კეთილად იყო განწყობილი, პომპეიანუსს თავის გეგმებს არ ანდობდა, არ უზუნბოდა, რომ ძალაუფლების ხელში ჩაგდება ჰქონდა განზრახული. სამაგიეროდ, ის განუწყვეტლივ ჩიოდა პირველობის თაობაზე კოდრატუსთან — წარჩინებულ და მდიდარ ახალგაზრდა კაცთან, რათა გაერკვია, რას ფიქრობდა იგი ამის შესახებ. თანდათან ლუცილამ ჩააგონა ამ ვაჟკაცს ის აზრი, რომელიც გამოდგა დამლუპველი. კოდრატუსი შეეთქვა რამდენიმე წარჩინებულს და შეაგულიანა ერთი თავზეხელაღებული და გაბედული სენატორი — სახელად კინცინანუსი, რომ მას შესაფერისი დრო შეერჩია, კომოდუსს თავს დასხმოდა და მოეკლა — დანარჩენს იგი ფულის დარიგებით თავადვე მოაგვარებდა. მოვლენები ასე განვიითარდა: კინცინანუსი ყველასთვის შეუმჩნეველად ამფითეატრის შესასვლელთან დად-



გა, იქ ბნელდა, და მანაც იფიქრა, რომ ვერაგინ დაინახაედა. შემდეგ იმიშ-
ვლა მახვილი, კომოდუსს ჟიქურ მიეჭრა და ხმამალა შეპყვირა, რომ ეს
მას სენატმა გამოუგზავნა. მაგრამ კვინციანუსმა სიტყვის წარმოთქმასა
და იარაღის უღარუნში იმდენი დრო დაკარგა, რომ მცველებმა მისი
შეპყრობა მოასწრეს, ვიდრე იგი იმპერატორს მახვილს ჩასცემდა (პერო-
დიანოსი, I, 8). შეთქმულება საგულდაგულოდ გამოიძიეს, დამნაშავენი შე-
იპყრეს და სასტიკად გაუსწორდნენ. კომოდუსმა ლუცილა კუნძულ კაპ-
რიზე გადაასახლა, სადაც მისივე ბრძანებით, ქალი სიცოცხლეს გამოა-
სალმეს (183 წ.). მოგვიანებით იმპერატორ კარაკალას ბრძანებით მოკლეს
ლუცილას ვაჟიშვილი პომპეიანუსიც.

ამგვარი აღსასრული ხედა წილად მარკუს ავრელიუსის ქალიშვილს —
ლუცილას. მისით ჩვენ „ანტონინუსთა დინასტიის“ ქალების პორტრეტებს
ვასრულებთ.







ვალერიას

ვალერია იმპერატორ დიოკლეთიანეს¹ და პრისკას ქალიშვილი იყო. ვალერიას და პრისკას ცხოვრების ბოლო წლები მძიმე, ტანჯვით და განსაცდელით აღსავსე გამოდგა. ეს პერიოდი რომის იმპერიისათვის ერთობ რთულ ხანას დაემთხვა. 305 წლიდან მოყოლებული 18 წლის განმავლობაში სახელმწიფო სასტიკი შინაომებით იყო მოცული. ერთმანეთის მეტოქე სახელმწიფოს მმართველნი განსაკუთრებით უღმობელნი და სასტიკნი ვალერიას და პრისკას მიმართ აღმოჩნდნენ. ბედის ირონიით კი ამ მმართველთა არსებობა და აღზევება გარკვეულწილად სწორედ იმ რეფორმამ განაპირობა, რომლითაც დიოკლეთიანემ არსებული სახელისუფლებო სისტემა შეცვალა.

რეფორმა თავდაპირველი ჩანაფიქრით სახელმწიფოს განმტკიცებისკენ იყო მიმართული. მართლაც, როდესაც დიოკლეთიანე მმართველი შეიქნა, ქვეყანა ერთობ მძიმე მდგომარეობაში იმყოფებოდა. იმპერიას ყოველი მხრიდან და ამასთან განუწყვეტლივ ბარბაროსთა ტომები უტევდნენ.

დიოკლეთიანე ჭკვიანი კაცი გახლდათ და მშენიერად უწყოდა, რომ ერთი ადამიანი ამ ვეებერთელა იმპერიის საზღვრებს ვერ დაიცავდა. ამიტომაც თავდაპირველად მან სახელმწიფო ორ ნაწილად დაჰყო, რომელიც ორ ავგუსტუსს — ორ უმაღლეს ხელისუფალს უნდა ემართა, შემდეგ კი დამატებით ორი კეისრის თანამდებობაც შემოიღო, რომლებიც მომავალში ავგუსტუსები გახდებოდნენ, მანამდე კი კეისრებს სამართავად გარკვეული, შედარებით მცირე ტერიტორიები გადაეცემოდათ. მმართველობის ამ იერარქიული სისტემის შემოღებასთან ერთად დიოკლეთიანემ ხელისუფალთა მმართველობის ვადებაც განსაზღვრა. ავგუსტუსებს ოცი წე-



ლი უნდა ემეფათ, შემდეგ კი უნდა გადამდგარიყვნენ და უმაღლესი ხელისუფლება კეისრებისთვის გადაეცათ. თავის მხრივ, ახლად გამოცხადებულ ავგუსტუსებს თავიანთი მომავალი მემკვიდრეები — კეისრები უნდა დაესახელებინათ და ა.შ. რათა უმაღლეს ხელისუფალს და მის მემკვიდრეს — კეისარს მყარი კავშირურთიერთობა ჰქონოდათ, დიოკლეტიანეს რეფორმით თითოეულ ავგუსტუსს თავისი მემკვიდრე უნდა ეშვილებინა, მაგრამ ამას გარდა, შვილობილს კიდევ უნდა დანათესავებოდა.

დიოკლეტიანეს სახელისუფლო რეფორმა ისტორიაში ტეტრარქიის — ოთხმმართველობის სახელწოდებით შევიდა.²

ტახტზე ასელიდან ძალიან მალე, 286 წელს დიოკლეტიანემ მეორე ავგუსტუსად მაქსიმიანუსს პერკულესი გამოაცხადა და სამართავად მას იმპერიის დასავლეთი გადასცა, აღმოსავლეთი კი, როგორც უფრო მდიდარი ნაწილი, თავად დაიტოვა.

293 წელს დასახელებულ იქნენ კეისრებიც — კონსტანტიუს ქლორუსი და გალერიუსი. ამთავან გალერიუსი დიოკლეტიანემ თავის მემკვიდრედ დანიშნა, კონსტანტიუს ქლორუსი კი — მაქსიმიანუსს პერკულესს გადაულოცა. მიღებული წესის შესაბამისად, გალერიუსი დიოკლეტიანემ ჯერ იშვილა, შემდეგ კი დაინათესავა, მას თავისი ქალიშვილი — ვალერია მიათხოვა და სამართავად ბალკანეთის ნახევარკუნძული გადასცა (თრაკიის გამოკლებით). ზუსტად ასევე მაქსიმიანუსს პერკულესმა იშვილა კონსტანტიუს ქლორუსი, შემდეგ ჩაისიძა და მას პროვინცია გალია (ბრიტანეთითურთ) ჩააბარა.

უნდა ითქვას, რომ დასაწყისში იმპერიის ამგვარმა განაწილებამ სასურველი შედეგი გამოიღო — რომმა მტრები დაამარცხა, საზღვრებზე სიმშვიდე დაისადგურა. მაგრამ, სამწუხაროდ, ეს მხოლოდ დროებითი იყო. დიოკლეტიანეს ჩანაფიქრი ერთი იყო, რეალობა კი — მეორე. მართლაც, მხოლოდ დიოკლეტიანე გამოდგა ის ერთადერთი მმართველი, რომელიც ოცი წლის შემდეგ — 305 წელს საკუთარი ნებით გადადგა და მას შემდეგ ხელისუფლებაში უკან აღარ დაბრუნებულა. დანარჩენებმა არც თანამდებობრივი იერარქია დაიცვეს და არც მმართველობის განსაზღვრულ ვადებს დასჯერდნენ. დიოკლეტიანეს გადადგომის შემდეგ ავგუსტუსებისა და კეისრების მმართველობა გაშუდმებულ ქიშპობასა და შინაომებში ნარმმართვებოდა, მანამ, სანამ საბოლოოდ იმპერია სრულ ქაოსში არ გაახვიეს.

დიოკლეტიანეს ცოლი — პრისკა ქრისტიანი იყო და შვილსაც ქრისტიანული წესებით ზრდიდა. სხვათაგან ვალერია განსაკუთრებული სათნოებით გამოირჩეოდა. მაღალი ზნეობით შემკული ქალისთვის გალერიუსის ცოლობა იოლი არ გახლდათ. გალერიუსი უბრალო წარმომავლობის, გაუნათლებელი კაცი იყო, ამასთან ქრისტიანები სასტიკად სძულდა. როგორც



წყაროები გადმოგვცემენ, სიმამრს, დიოკლეტიანეს საკუთარი სიძის თურმე სასტიკად ეშინოდა. სანამ გალერიუსის დახასიათებას შემოგთავაზებდეთ, ერთ რამეს უნდა გაესვას ხაზი. იმ პერიოდიდან მოყოლებული, როდესაც ქრისტეს რწმენის მიმდევრები სამწერლობო მოღვაწეობას შეუდგნენ, ერთსა და იმავე მოვლენის, თუ პიროვნების მიმართ, როგორც წესი, ორ განსხვავებულ შეფასებას ვხვდებით. ქრისტიანი ისტორიკოსი არაქრისტიანი ხელისუფლისადმი გაცილებით მკაცრია, მაშინ, როდესაც წარმართი უამთაალმწერელი, შესაძლოა, იმავე პიროვნების მიმართ მეტი ღმობიერებით გამოირჩეოდეს. გალერიუსის პიროვნების განსხვავებული შეფასება ამგვარი მიდგომის ერთ-ერთი ტიპიური ნიმუშია. ასე მაგალითად, აერელიუს ვიქტორის აზრით, „თუმცა გალერიუსი უხეში ვინმე იყო, იგი ამასთან სამართლიანი ადამიანი გახლდათ და ქებასაც იმსახურებდა“ (აერელიუს ვიქტორი, „ეპიტომე“, XL). მაშინ, როდესაც ქრისტიანი ისტორიკოსი ლაქტანციუსი იმავე გალერიუსს მკვეთრად უარყოფით პიროვნებად წარმოგვიდგენს: „გალერიუსისთვის მხეცის ეელურობა და სისატიკე იყო ნიშანდობლივი, ისეთი, როგორც რომაელებს საერთოდ არ ახასიათებდათ... გარეგნული იერი მის ხასიათს საესებით შეესაბამებოდა. იგი მალაღი და უზომოდ გათქვირული კაცი იყო. დასასრულ, ხმით, ყესტებით და მთელი თავისი გარეგნობით გალერიუსი ყველაში შიშსა და ძრწოლას იწვევდა“ (ლაქტანციუსი, „მწვალებელთა სიკედელის შესახებ“, IX). დიოკლეტიანეს სიძე ალვირახსნილ ცხოვრებას ენეოდა და მძაფვებსაც ხშირად სტუმრობდა. ვალერიასთვის განსაკუთრებით მძიმე იყო ქრისტიანების მიმართ საკუთარი ქმრის სასტიკი დამოკიდებულება, მათი დევნა. ამას ქრისტიანი ქალი ვერაფრით ვერ ეგუებოდა. და მაინც, ვალერია ყოველმხრივ ცდილობდა თავი ხელში აეყვანა და როგორც ძველები გადმოგვცემენ, იგი გალერიუსისთვის კარგი ცოლი იყო. მათ შვილი არ ეყოლათ, ამიტომ ვალერიამ ქმრის უკანონო შვილი კანდიდიანუსი იშვილა და მას ღირსეული დედობა გაუნია.

304 წელს დიოკლეტიანეს მეფობის ოცი წელი შესრულდა. იმპერატორმა 20 წლის იუბილე რომში საზეიმოდ გადაიხადა. შემდეგ წელს კი, მიღებული შეთანხმების თანახმად, ორივე ავგუსტუსი ერთსა და იმავე დღეს — 1 მაისს მმართველობიდან გადადგა. დიოკლეტიანე მშობლიურ დაღმატიაში, სალონეში გაემგზავრა და იქ, ვითარცა კერძო პირი, ისე ცხოვრობდა.

დიოკლეტიანეს ადგილი — გალერიუსმა დაიკავა, მაქსიმიანუს პერკულესის კი — კონსტანტიუს ქლორუსმა, მაგრამ ამ უკანასკნელმა მხოლოდ ერთი წელი იმეფა, 306 წელს იგი გარდაიცვალა. აი, მაშინ კი გაეხსნა ხელფეხი გალერიუსს, ხელისუფლება მთლიანად მოიგდო ხელთ და მრავალი უკანონო საქმეც ჩაიდინა. მას ხომ თავისი თავი მთელი სამყაროს ერთა-



ვალერია



დერთ მბრძანებლად მიაჩნდა. 308 წელს გალერიუსმა ყოველგვარი წესების დარღვევით თავისი ძველი მეგობარი ლიცინიუსი ავგუსტუსად დაასახელა, ხოლო მომდევნო წელს ავგუსტუსის ტიტული ასევე უკანონოდ თავის დისშვილს — მაქსიმიუსს დაზას უბოძა. ასე აღმოჩნდა იმპერიის აღმოსავლეთ ნაწილში ერთდროულად სამი ავგუსტუსი. სიმშვიდე არც დასავლეთ ნაწილში სუფევდა, არც აქ უჩიოდნენ ავგუსტუსთა სიმძირეს. შედეგი მკითხველისთვის ძნელი წარმოსადგენი არ უნდა იყოს. ამდენი უმაღლესი ხელისუფლის ხელში, რომლებიც ერთმანეთს არათუ არ ეთათბირებოდნენ, არამედ სამკედრო-სასიცოცხლოდ უპირისპირდებოდნენ, რომის იმპერია შინაომების ასპარეზად, მათი პოლიტიკური ამბიციების პოლიგონად გადაიქცა.

გადიოდა დრო. გალერიუსი უკურნებელი სენით დაავადდა. იმპერატორისა ვალერია მეუღლის სარცეკლს წუთითაც არ სცილდებოდა, ცდილობდა, ავადმყოფი ქმრისთვის ტკივილი და ტანჯვა რამენაირად შეემსუბუქებინა. მაგრამ იმპერატორს დიდი ხნის სიცოცხლე აღარ ეწერა. 311 წელს გალერიუსი გარდაიცვალა. მისი იმპერიაც შესაბამისად ორ ავგუსტუსს — გალერიუსის დისშვილს მაქსიმიუსს დაზასა და მის ძველ მეგობარს ლიცინიუსს გადაეცა. ნამდვილად ბედის დაცინვა გახლდათ ის, რომ ორივე მათგანი, რომლებსაც, როგორც აღვნიშნეთ, მათი ტიტულები თავად გალერიუსმა უბოძა, განსაკუთრებული სისასტიკით მოეპყრო ვალერიას, მათი მწყალობლის ქვრივს. თუმცა თითოეულს ამგვარი საქციელისთვის თავისი მიზეზი ჰქონდა.

გალერიუსი ახალი გარდაცვლილი იყო, როცა მაქსიმიუსს დაზას გული ახალგაზრდა ქვრივზე — ვალერიაზე შეუვარდა. არ დაგვაინწყდეს, რომ განსაცვიფრებელი სილამაზის ვალერია მისი ბიცოლა გახლდათ. მაღალი ზნეობით გამორჩეული ქალისთვის მაქსიმიუსის გრძნობები სრულიად მიუღებელი იყო. ამ ახალგაზრდა კაცში ვალერია, უპირველეს ყოვლისა, თავისი ქმრის დისშვილს ხედავდა და სერიოზულად ვერც კი აღიქვამდა ახლადმოვლენილი ავგუსტუსის გულისთქმას. მის ქმარსაც ხომ დაზა საკუთარ შვილად მიაჩნდა. ამას გარდა, ქალისთვის მაქსიმიუსს დაზა პიროვნულადაც უცხო იყო. შედარებით მშვიდი ზნის იმპერატორი ლეონოს განსაკუთრებით ხარბად ენაფებოდა ხოლმე და აი, მაშინ გონებაარეული სასტიკი განკარგულებებს გასცემდა. გამოფხიზლებული კი თავის სიმხეცეს ძალზე განიცდიდა თურმე (ავრელიუსი ვიქტორი, „ეპიტომე“, XL). ლაქტანციუსის ცნობით, მაქსიმიუსს დაზა უმეცარი და სასტიკი ადამიანი იყო (ლაქტანციუსი, „მწვალებელთა სიკვდილის შესახებ“, XLX). თავდაპირველად დაზას არც კი სურდა დაეჯერებინა, რომ მისი — იმპერატორის სიყვარული უარყვეს. იგი მანინც თავისას ცდილობდა, ამიტომაც გასცილდა მეუღლეს და ვალერიას ცოლობა შესთავაზა. ვალერიას უკანდასახევი გზა მოუჭრა და მაქსიმიუსს მან საბოლოო უარი განუცხადა.



უარყოფილი იმპერატორი საშინლად განრისხდა. მან ურჩი ქალი სასტიკად დასაჯა. იმპერატორისას მთელი ქონება ჩამოართვა, მის ახლობლებს კი ათასგვარი ბრალდება წაუყენა. მაგრამ არც ეს იკმარა, ვალერია და დედამისი დაატყვევეა. დასაწყისში უბედური ქალები სირიის რომელიღაც მივარდნილ სოფელში ჰყავდათ გამოკეტილი, შემდეგ კი ერთი ადგილიდან მეორეში გადაჰყავდათ და წანწაღში ხდიდნენ სულს.

ვალერიას მამა — იმპერატორობიდან გადამდგარი დიოკლეთიანე ჯერ კიდევ ცოცხალი იყო და სალონეში თავის გემოზე ცხოვრობდა. როდესაც მას შეატყობინეს, თუ როგორ მოექცა მაქსიმინუს დაზა მის ცოლ-შვილს, ყოფილი იმპერატორი სასტიკად აღშფოთდა. ვის ვის და დიოკლეთიანეს კარგად ახსოვდა, რომ ყველასთვის უცნობი დაზა დიოკლეთიანემ სწორედ გალერიუსის დაჟინებული მოთხოვნით გამოაცხადა კეისრად. მოხუცმა თავმოყვარეობა დაივიწყა და დაზას შეევედრა, მისი ცოლ-შვილი გაეთავისუფლებინა. ამოდ. მას ხომ იმხანად არავითარი ძალაუფლება არ გააჩნდა, ამიტომაც მის თხოვნას ბარბაროსმა მაქსიმინუს დაზამ ყურცი არ ათხოვა. თავისი შექმნილი სისტემა დიოკლეთიანეს თავისავე საპირისპიროდ შემოუტრიალდა.

ამასობაში მოვლენები იმპერიაში დრამატულად განვითარდა. აღმოსავლეთი ნაწილის ორმა ავგუსტუსმა — დაზამ და ლიცინიუსმა ხელისუფლება ვერ გაიყვეს. დაზამ ლიცინიუსს ომი გამოუცხადა, მაგრამ დამარცხდა, ბრძოლის ველიდან გაიქცა და გაურკვეველ ვითარებაში დაიღუპა (313 წ.). დაზას გარდაცვალების შემდეგ ტყვეებზე — ვალერიასა და პრისკაზე ზედამხედველობა, ეტყობა, შესუსტდა. პატიმრებმა გაქცევა მოახერხეს. ისინი ლიცინიუსთან ჩავიდნენ. ახლა წესით მათ ტანჯვას ბოლო უნდა მოლებოდა — ლიცინიუსი ხომ გალერიუსის მეგობარი იყო, მისი წყალობით აღზევებული. ლტოლვილები ლიცინიუსმა თავდაპირველად კარგად მიიღო. მაგრამ საუბედუროდ, იგი დაზაზე კეთილშობილი არ აღმოჩნდა. ბუნებით ეჭვიანი ლიცინიუსი მაქსიმინუსზე ნაკლები ბარბაროსი როდი იყო. მას კიდევ უფრო მძიმე და სასტიკი ზნე ჰქონდა. „სიხარბით ლიცინიუსი ყველას აღემატებოდა, არც ძალაუფლების წრეგადასული სიყვარული იყო უცხო. პირქუმ და გულფიცხ ლიცინიუსს გამორჩეულად სძულდა მეცნიერება, რომელსაც თავისი უზომო უცოდინრობის გამო საზოგადოების ჭირს და სანამლაეს ეძახოდა“ — ასე ახასიათებს მას სხვა ისტორიკოსებთან შედარებით ლმობიერი და ზომიერი ავრელიუს ვიქტორი (ავრელიუს ვიქტორი, „ეპიტომე“, XLI). როგორც ძალაუფლებისმოყვარე და იმავდროულად ეჭვიან ადამიანებს ახასიათებთ, ლიცინიუსს მუდმივად ელანდებოდა, რომ ერთ მშვენიერ დღეს მას ტახტიდან გადმოაბრძანებდნენ. ალბათ, ამიტომაც აითვალუნა ვალერიასთან ერთად მის კარს შეკედლებული კანდიდიანუსი — ვალერიას შვილობილი. ლიცინიუსმა მასში



ვალერია



მომავალი მეტოქე დაინახა. მალე მასთან დაპირისპირების მიზეზიც იპოვა — კანდიდიანუსი ჩემს მიმართ მტრულად არის განწყობილიო, განაცხადა და მისი მოკელის ბრძანება გასცა. ამასთან დასძინა, რომ კანდიდიანუსი მარტო არ იყო — მის წინააღმდეგ შეთქმულებას ვალერია და პრისკაც აწყობდნენ. დედა-შვილს სიკვდილი მიესაჯათ.

ვალერია და პრისკა გაიქცნენ. თერთმეტი თვის განმავლობაში ისინი ერთი ადგილიდან მეორე ადგილას გადადიოდნენ და გადაცმულები ლიცინიუსის გამოგზავნილ მდევრებს ემალებოდნენ. ბოლოს ლიცინიუსის მსტოვრებმა ლტოლვილები თესალონიკში შეიპყრეს, დედა-შვილს თავები მოჰკვეთეს, ცხედრები კი ზღვაში გადაყარეს.





შენიშვნები:

¹ დიოკლეტიანე — 284-305 წწ. ჩვენ მიერ მოთხრობილ ე.წ. „ანტონინუსთა დინასტიის“ შემდეგ მრავალმა წყალმა ჩაიარა. ანტონინუსთა დინასტია სევერუსთა დინასტიამ შეცვალა (193-238 წწ.), ეს უკანასკნელი კი ე.წ. „ჯარისკაცთა იმპერატორების“ მმართველობის ეპოქამ. იწყება იგი გორდიანუს I (238 წ.) და გრძელდება, ვიდრე დიოკლეტიანემდე (284 წ.). „ჯარისკაცთა იმპერატორები“ პირობითი სახელია. „ჯარისკაცთა იმპერატორობის“ ხანა რომის იმპერიის იმ პერიოდს მოიცავდა, როცა უმაღლესი ხელისუფალნი ხდებოდნენ არა მემკვიდრეობითი წესით, ან შვილად გამოცხადების საფუძველზე, არამედ ჯარის მოთხოვნით და მასზე დაყრდნობით. დიოკლეტიანეც, შეიძლება, „ჯარისკაცთა იმპერატორად“ მივიჩნიოთ, რამეთუ იგი სასახლის ჯარების მეთაური — იმპერატორად არმიამ გამოაცხადა (284 წ.), მაგრამ რადგან დიოკლეტიანემ მმართველობის ახალი სისტემა შემოიღო, მისი მმართველობა რომის ისტორიის ახალი ეტაპის დასაწყისად მოიაზრება.

დიოკლეტიანეს ნამდვილი სახელი იყო დიოკლე. წარმოშობით იგი ილირიელი, თუ დალმატინელი აზატის შვილი გახლდათ. შემდგომში მას რომაული წესის მიხედვით დიოკლეტიანუსი ეწოდა — C. Valerius Aurelius Diocletianus. ტეტრარქიის შემოღების გარდა, მისი მმართველობის დროს სახელმწიფო სისტემის კიდევ ერთ



მნიშვნელოვან ცელილებას აქვს ადგილი. პრინციპატი — სახელმწიფო ხელისუფლების ფორმა იცვლება დომინანტით (ლათინური სიტყვიდან დომინუს — ბატონი). ეს ნიშნავდა იმას, რომ ის მონარქია, რომელიც ფაქტობრივად მთელი III საუკუნის განმავლობაში არსებობდა, დიოკლეთიანეს დროს გათავისუფლდა პრინციპატის უკანასკნელი გადმონაშთისაგან — რესპუბლიკურის გარეგნული ფორმისგან და ამიერიდან წმინდა სახის დომინანტად მოგვევლინა. ა.მ. ალსანიშნავია, რომ, როდესაც ჯარებმა იმპერატორად კარუსი გამოაცხადეს (282-283 წწ.), მან არც კი მიმართა სენატს, როგორც ეს მანამდე ხდებოდა, რომ მისი ტიტული სენატს ოფიციალურად დაემტკიცებინა. ამ უმნიშვნელოვანესი ფუნქციის დაკარგვით სენატი სახელმწიფო დანესებულებიდან ფაქტობრივად უბრალო საქალაქო საბჭოდ გადაიქცა. იმპერატორის კარზე აღმოსავლური წეს-ჩვეულებები დამკვიდრდა. იმპერატორს ამიერიდან ეთაყვანებოდნენ, როგორც ბატონს და როგორც ლმერთს. დიოკლეთიანე შეიმოსა პორფირით, ფარჩისა და აბრეშუმის სამოსით, თავი ძვირფასი ქვებით მოირთო. სასახლის კარზე ცერემონიები წარიმართებოდა აღმოსავლური ეტიკეტის შესაბამისად — მეფის წინაშე ქვეშევრდომები პირქვე ემხობოდნენ და მისი ტანსაცმლის კიდეებს კოცნიდნენ.



² ტეტრარქიის დასაწყისად ერთხმად მიიჩნევენ დიოკლეტიანეს გამეფებას — 284 წელს. ტეტრარქიის პერიოდის მმართველნი არიან: დიოკლეტიანე და მაქსიმიანუს პერკულესი, კონსტანტიუს I ქლორუსი და გალერიუსი, ფლავიუს სევერუსი, მაქსენციუსი, ლიცინიუსი, მაქსიმიანუს დაზა. კონსტანტინე I მმართველად გამოცხადებიდან — 306 წ-დან ახალი დინასტიის ათელას იწყებენ, რომელსაც ფლავიუსთა II დინასტია, ან კონსტანტინეს დინასტია ეწოდება. თუმცა უნდა ითქვას, რომ 306 წელს კონსტანტინე იმპერიის ერთმმართველი ჯერ არ არის, როგორც ალენიშნეთ, იმპერიას ამ პერიოდში რამდენიმე ავგუსტუსი მართავს (გალერიუსი — 305-311; მაქსენციუსი — 306-312; ლიცინიუსი — 308-324; მაქსიმიანუს დაზა — 309-313). კონსტანტინე I ერთმმართველობა, ფაქტობრივად, 324 წლიდან იწყება.





ზენობის

„ზენობია აღმოსავლეთის ყველაზე გამოჩენილი ქალი გახლდათ. კორნელიუს კაპიტოლინუსის მტკიცებით, იგი ქალთა შორის ყველაზე ლამაზი ყოფილა“ — აი, ასეთია ის მოკლე დახასიათება, რომელსაც მის შესახებ ავგუსტუსების ცხოვრებათა ერთ-ერთი უამთაღმწერელი ტრებელიუს პოლიონი გვთავაზობს (აცა, „ოცდაათი ტირანი“, XV, მ).

და მართლაც ზენობია საკვირველი ქალი იყო. ჯერ ერთი — იგი თავად განაგებდა თავის სამეფოს, მეორეც, თავის მთავარსარდლებთან ერთად საკუთრივ წარმართავდა საომარ ოპერაციებს. ზენობიას მოღვაწეობას და მის გამორჩეულ პიროვნებას აღფრთოვანებაში მოუყვანია უკვე მისი თანამედროვე მსოფლიო. საბედნიეროდ, ამ ქალს ხშირად მოიხსენიებენ ანტიკური წყაროები, რომლებიც საგულისხმო ცნობებს გვაწვდიან არა მარტო ზენობიას ცხოვრების და მოღვაწეობის, არამედ მისი პიროვნების შესახებაც. ასე რომ, ჩვენ შეგვიძლია მკითხველს წარმოუდგინოთ თავად ანტიკური სამყაროს თვალით დანახული სახელმწიფოს მმართველი ქალის პორტრეტი, რომელიც, ვფიქრობთ, ერთ-ერთი ყველაზე საინტერესოა ანტიკურ სამყაროს ქალთა გალერეაში.

და მაინც ვინ იყო ზენობია?

267-271/272 წწ-ში იგი აღმოსავლეთში პალმირას სამეფოს¹ განაგებდა. მისი წარმომავლობის შესახებ დაზუსტებით ლაპარაკი ჭირს, ჩვენ შეგვიძლია მხოლოდ ვივარაუდოთ, რომ ზენობია არაბული წარმოშობისა იყო. არამეულ ენაზე მას „ბატ ზაბბაი“ ეწოდებოდა. ვიცით მისი რომაული სახელიც. ზენობია — თავდაპირველად იუღია ავრელია ზენობიად, მოგვიანებით კი სექტიმია ზენობიად იწოდებოდა. შესაძლოა, რომ ზენობიას მამა იყო სწორედ ის იუღიუს ავრელიუს ზენობიუსი, რომელიც რომის იმპერატორ ალექსანდრე სევერუსთან² ერთად სპარსეთის წინააღმდეგ ლაშქრობაში მონაწილეობდა. მისი ქმარი პალმირას მეფე — ოდენატუსი იყო. თავად ზენობია თავს კლეოპატრას შთამომავლად მიიჩნევდა.



პალმირას დედოფალი განსაცვიფრებელი სილამაზის ქალი გახლდათ. „ქანის ფერით ზენობია უფრო შეგვეგრძნობინა იყო. მისი შავი თვალები არაჩვეულებრივი სიკაშკაშით ბრწყინავდნენ. სული მისი — ლეთაებრივი იყო, მომხიბლაობა — ნარმოუდგენელი. მისი ქათქათა კბილები ისე ელავდნენ, რომ ბევრს ეგონა, ზენობიას კბილები კი არა, მარგალიტები ჰქონდა ჩასმული. მისი ხმა მკაფიო და მამაცური იყო (აცა, „ზენობია“, XXX, 15).

ზენობიას ქმარს — ოდენატუსს ანტიკური ისტორიკოსები ზოგჯერ ენოცდაათ ტირანთა რიცხვს მიაკუთვნებენ, რომლებიც ახ.წ. III საუკუნის შუა წლებში რომის იმპერიაში ასე მომრავლდნენ. თუმცა ხელისუფლების ამ უზურპატორთა შორის ოდენატუსი მაინც გამოირჩეოდა, რამეთუ რომმა ბოლოს მისი ძალაუფლება ოფიციალურად აღიარა. რაც შეეხება ოდენატუსის ნარსულს, ვიცით მხოლოდ ის, რომ ისიც არაბული წარმომავლობის იყო და ვითარცა არაბთა მეთაური, რომის წინააღმდეგ იბრძოდა. შემდეგ ოდენატუსმა თავისი პოლიტიკური სიმპათიები რადიკალურად შეცვალა და რომაელებს მიემხრო.

ამ დროს სპარსთა მეფე საპორი (შაპური) განუწყვეტლივ ავიწროებდა რომის იმპერიას, განსაკუთრებით კი მის სამხრეთ-აღმოსავლეთ საზღვრებს უტყედა. ვითარცა რომელთა მოკავშირემ, ოდენატუსმა იმპერიის ამ ნაწილთა დაცვა თავის თავზე აიღო და საქმეს წარმატებულადაც გაართვა თავი. რომ არა ოდენატუსი, რომის იმპერია თავისთვის ესოდენ მნიშვნელოვან აღმოსავლეთის პროვინციებს, ალბათ, დაკარგავდა კიდევც. ამასობაში ოდენატუსმა პალმირას მეფის ტიტული მიიღო. მისი ამბიციები უფრო გაიზარდა. მან გადაწყვიტა, სპარსეთის შემოსევათაგან კი არ დაეცვა თავი, არამედ მათ წინააღმდეგ თავად გაეღაშქრა. ოდენატუსმა შეკრიბა ჯარი და თავის ცოლთან — ზენობიასთან ერთად სპარსელთა წინააღმდეგ დაიძრა. ლაშქრობა ერთობ წარმატებული აღმოჩნდა. 261 წელს მდინარე ეფრატზე მათ სპარსთა მეფეს სასტიკი დამარცხება აგემეს და საპორს გაქცევა აიძულეს. შემდეგ ისინი დაედევნენ დამარცხებულებს, გზად ტყვედ აიყვანეს მეფის მხეველები და საკმაოდ დიდი ტერიტორია — ვიდრე ქტესიფონამდე სპარსელებისგან განმინდეს. ეს დიდი გამარჯვება იყო და საკმაოდ ძნელიც. ქვეყნის რელიეფი და ბუნებრივი პირობები სპარსელების საუკეთესო მოკავშირე იყო. ბევრ მტერს სწორედ მათ აგემეს დამარცხება. სპარსეთის მიწაზე თაკარა მზისა და უდაბნოს მტერის ატანას დიდი ფიზიკური გამძლეობა ესაჭიროებოდა. ამჯერად სპარსელებს ისეთი მონინაღმდეგე შეხვდათ, რომელიც ასეთ გარემოს მშვენივრად ეგუებოდა. დიდი ფიზიკური ამტანობის მქონე ოდენატუსი ბავშვობიდან მიჩვეული იყო ტყეში და მთაში ცხოვრებას, ნადირობის ყინით ანთებულმა, მან კარგად იცოდა, თუ როგორ გამკლავებოდა რთულ ბუნებრივ პირობებს.

საინტერესოა, რომ ზენობიაც, რომელიც ამ უმკაცრეს პირობებში ქმრის მხარდამხარ იბრძოდა, ამ გასაჭირთა დათმენას ასევე ჩვეული იყო. ბევრის აზრით, იგი ლაშქრობაში ოდენატუსზე გაბედულიც კი იყო (აცა, „ოდენატუსი“, XV, 8).



ცოლ-ქმრის წარმატებულ სამხედრო კამპანიებს რომის იმპერიისათვის დიდი მნიშვნელობა ჰქონდა. ახლა უკვე შეიძლება, რომ რომს თავისი აღმოსავლეთი საზღვრები მეტ-ნაკლებად დაცულად ჩათვალოს. რომის იმპერატორმა გალიენუსმა პალმირას მეფის დამსახურება აღიარა და 265 წელს ოდენატუსს ავგუსტუსის ტიტული უბოძა, რითაც ოდენატუსი გალიენუსის თანამმართველად ოფიციალურად გამოცხადდა. მაგრამ ეს ახალი ტიტული ოდენატუსისთვის დღევანდელი არ აღმოჩნდა. მისმა ავგუსტუსად ყოფნამ მხოლოდ ორ წელს გასტანა, შემდეგ კი ოდენატუსი მოკლეს. ტრადიცია ოდენატუსის და ზენობიას საქმიანობას მაღალ შეფასებას აძლევდა და მეფის მკვლელობას ღმერთების მიერ რომისთვის მოვლენილ რისხვად თვლიდა. „თქმა არ უნდა, რომ ოდენატუსს თავის ცოლთან ზენობიასთან ერთად შეეძლო წესრიგი დაემყარებინა არა მარტო აღმოსავლეთში, არამედ მსოფლიოს ყველა სხვა ნაწილში. აღმოსავლეთში მან უწინდელი მდგომარეობა აღადგინა“ (აცა, „ოცდაათი ტირანი“, XV, 7). როგორ ვხედავთ, ქალის ღვანლს — მისი ქმრის — იმპერატორის ღვანლის თანახმად აფასებენ. უნდა ითქვას, რომ ამგვარი შეფასებები ერთობ უპრეცედენტო მოვლენაა ანტიკური სამყაროს ისტორიაში.

ოდენატუსის მკვლელობის შემდეგ მმართველობა ხელში ზენობიამ აიღო. მაშინ, როდესაც გალიენუსი უკანასკნელი ნაძირალასავით ცხოვრობდა, ისტორიკოსთა შეფასებით „იმპერიას მშვენივრად მართავდნენ ქალები, და თანაც უცხოელები. უცხოელმა ქალმა, სახელად ზენობიამ, რომელიც ამყობდა იმით, რომ კლეოპატრასა და პტოლემეიოსის შთამომავალი იყო, ქმრის გარდაცვალების შემდეგ თავზე გვირგვინი დაიდგა, მხარზე იმპერატორის სამხედრო მოსახსამი მოიცვა და დიდონას სამოსში გამოწყობილი თავისი შვილების სახელით ქვეყანას უფრო მეტხანს მართავდა, ვიდრე ეს ქალთა მოდგმას შეეფერებოდა“ (აცა, „ზენობია“, XXX, 1-2). მაგრამ ახლა პალმირას მიმართ რომის დამოკიდებულება შეიცვალა. იმპერატორმა გალიენუსმა აღარ მოისურვა პალმირას მმართველთან და მით უმეტეს ქალთან მმართველობის გაყოფა და დედოფლის ნინააღმდეგ თავისი მთავარსარდალი პერაკლინუსი გაგზავნა. რომაელი მხედართმთავრის არმია დედოფალმა დაამარცხა, მეტიც — გაანადგურა.

ამასობაში ზენობიამ, რომელიც სახელმწიფოს ფაქტობრივი მმართველი იყო (ოფიციალურად ოდენატუსის დაღუპვის შემდეგ პალმირას მმართველობა მისი შვილის — ვაბალატუსის ხელში გადავიდა), გადაწყვიტა, ახალი ტერიტორიები დაეპყრო. 269-270 წწ-ში ჩატარებული სამხედრო ლაშქრობებით მან პალმირას სამეფოს მესოპოტამიის, სირიის, არაბეთის და ეგვიპტის ნაწილი შემოუმატა. ჩრდილოეთით ზენობია ანკირამდეც კი მივიდა. ახლა რომს ზენობიასთვის არ ეცალა. ამასთან კლავდიუს II გოთიკუსი, რომელიც ტახტზე გალიენუსის შემდეგ ავიდა, ჭკვიანი კაცი იყო და სავსებით სწორად მიაჩნდა, რომ პალმირაზე უწინ იმპერიას სხვა, უფრო საშიში მტრები ჰყავდა დასამარცხებელი. ის მდგომარეობა, რომელიც რომის სახელმწიფოში შეიქმნა, ზენობიას პოლიტიკისთვის ფრიად კეთილისმყოფელი აღმოჩნდა.



ზენობია



ზენობიას მხოლოდ ტერიტორიების შემატება არ აინტერესებდა, დედოფალი ამავე დროს თავისი სამეფოს აღშენებასა და განმტკიცებაზე ზრუნავდა. საქარავნო გზაზე მდებარე ძველი პალმირა უძვირფასესი ტაძრებით მორთო და კეთილმოწყობილი ქუჩებით და ნაგებობებით გაშენდა. ზენობიას მმართველობის დროს პალმირას ელინისტური მონარქია მთელი აღმოსავლეთის კულტურულ და სავაჭრო მეტროპოლიად იქცა. თუ აქამდე ჩვენ უმთავრესად ზენობიას სამხედრო და პოლიტიკურ ნიჭიერებაზე ვლაპარაკობდით, ახლა უნდა აღვნიშნოთ ისიც, რომ ზენობია განათლებული მონარქი იყო. იცოდა ბერძნული და ლათინური ენები, თუმცა ლათინური უჭირდა. სრულყოფილად ფლობდა ეგვიპტურ და სირიულ ენებს. ზენობია იმდენად განსწავლული ყოფილა აღმოსავლეთის ისტორიაში და ისე ზედმინევიით და ღრმად სცოდნია ალექსანდრე მაკედონელის მოღვაწეობაც, რომ, როგორც ამბობენ, მას ალექსანდრე დიდის ცხოვრების შემოკლებული ვარიანტიც კი დაუნერია. რომის ისტორიას ზენობია ბერძნულად კითხულობდა (აცა, „ზენობია“, XXX, 21). განათლებულ ქალს კარგად ესმოდა, თუ რაოდენ მნიშვნელოვანი იყო, სამეფო კარზე იმ დროის ინტელექტუალები მოეზიდა და ამით ხელსაყრელი გარემო შექმნა პალმირაში მეცნიერების და ხელოვნების აყვავებისთვის. პალმირას სამეფო კარზე ზენობიას მონევეით იმყოფებოდა გამორჩენილი ფილოსოფოსი — კასიუს ლონგინუსი (სწორედ იგი ასწავლიდა დედოფალს ბერძნულ ლიტერატურას).

ამასობაში იმპერატორი კლავდიუს გოთიკუსი გარდაიცვალა. რომის ტახტზე ავრელიანუსი ავიდა. ახალმა იმპერატორმა ზენობიას შეიღს — ვაბალატუსს 270 წელს აღმოსავლეთის მმართველობა ოფიციალურად გადასცა. მაგრამ ზენობიას ეს არ აკმაყოფილებდა, ამიტომაც 271 წელს მან თავისი ვაჟიშვილი ავგუსტუსად გამოაცხადა, თავისი თავი კი ავგუსტადეს, ფაქტობრივად, პალმირას სამეფოს დამოუკიდებლობის აღიარებას ნიშნავდა. რომი ამას ზენობიას არ დაუთმობდა. თანაც, იმპერიის სათავეში ახლა ახალი იმპერატორი იდგა, რომელიც თავისი სამხედრო ნიჭით უკვე სახელგანთქმული იყო. ამავე დროს ავრელიანუსი არც თუ ურიგო პოლიტიკოსი გახლდათ.

და აი, 271 წელს რომის იმპერატორმა ზენობიას წინააღმდეგ საკმაოდ რთული ომი წამოიწყო. მცირე აზია ავრელიანუსმა შედარებით უმტკივნეულოდ იგდო ხელთ. პალმირას დედოფალს გადაწყვეტი ბრძოლა მან ემეხას მისადგომებთან გაუმართა, მონინააღმდეგე დაამარცხა და გააქცია (წყაროები ზენობიას გვერდით მოიხსენიებენ ზაბდას — ზენობიას მხედართმთავარს, თუ მოკავშირეს). ამის შემდეგ ავრელიანუსი დედოფლის რეზიდენციის — პალმირას ასაღებად გაემართა.

გზა პალმირასაკენ ძალიან ძნელი აღმოჩნდა, სხვა სირთულეებს ემატებოდა ყაჩაღების გაუთავებელი პარტიზანული თავდასხმები. აი, რას წერდა თავად იმპერატორი ამ ომის შესახებ ერთ-ერთ წერილში: „რომაელები ახლა ლაპარაკობენ, რომ მე ომს ქალის წინააღმდეგ ვანარმოებ, თით-



ქოს მხოლოდ ერთი ზენობია მებრძოდეს და ისიც მებრძოდეს მხოლოდ თავისი ძალებით, არა, აქ იმდენი მტერია, რომ იოჟიქრებდით, ვითომც მე ალყაში მამაკაცის მოქცევა მიხდებოდა. მაგრამ მონინააღმდეგეს ქალი მართავს. გადმოცემაც კი შეუძლებელია, თუ რა ხდება აქ — რამდენი ისარი, შუბი, ქვა აქეთ. ანდა როგორი საომარი აღჭურვილობა. კედელზე ერთი ადგილიც კი არაა, რომ ორი ან სამი ბალისტი არ იყოს დადგმული... თუმცა რა საჭიროა მეტის მოყოლა? ზენობიას ემინია, როგორც ქალს და იბრძვის, როგორც კაცი, რომელიც დასჯას უფროხის" (აცა, „ავრელიანუსი“, XXVI, 2). ჟამთააღმწერელი შენიშნავს, რომ ამ წერილში რომის იმპერატორი თავის სიამაყეს ივინყებს და აღიარებს იმ სირთულეებს, რომლის გადატანაც მას — მამაკაცს ქალის წინააღმდეგ ომის დროს უხდებოდა.

ომით გამწვანებულმა და დაღლილმა იმპერატორმა ზენობიას წერილი გაუგზავნა. იგი დედოფალს დანებებას და სიცოცხლის შენარჩუნებას სთავაზობდა: „ავრელიანუსი, რომის სახელმწიფოს იმპერატორი, რომელმაც აღმოსავლეთი ბრძოლით დაიბრუნა, მიმართავს ზენობიას და ყველა სხვას, ვინც მასთან ერთად იბრძვის.

თქვენ თავად უნდა გაგკეთებინათ ის, რასაც ახლა თქვენგან ამ წერილში მოვითხოვ.

მე გიბრძანებ დანებდეთ და გპირდებით, რომ სიცოცხლეს შევიწარჩუნებთ. ამასთან შენ, ზენობია, შენიანებთან ერთად იცხოვრებ იქ, სადაც ბრწყინვალე სენატის გადანყვეტილებით მე მოგათავსებ. ძვირფასი ქვები, ოქრო, ვერცხლი, აბრეშუმის, ცხენები და აქლემები რომის სახელმწიფოს ხაზინას უნდა გადასცეთ. პალმირას მცხოვრებლებს თავიანთი უფლებები შეუნარჩუნდებათ”.

როდესაც ზენობიამ წერილი მიიღო, მან რომის იმპერატორს უფრო ამაყად და დიდგულად უპასუხა, ვიდრე ამის უფლებას მისი მდგომარეობა აძლევდა. ცხადია, იმისთვის, რომ მტერი დაეშინებინა. ყოველი შემთხვევისთვის, ასეთ კომენტარს უკეთებს ამ ამბავს იმპერატორის ჟამთააღმწერელი.

„ზენობია — აღმოსავლეთის დედოფალი — ავრელიანუსს ავგუსტუსს. არავის, შენს გარდა, აქამდე წერილით არ უთხოვია ჩემთვის ის, რასაც შენ მოითხოვ. ომში ყველაფერს სიმამაცე წყვეტს. მთავაზობ დაგნებდე, თითქოს არ იცოდე, რომ დედოფალმა კლეოპატრამ განურჩეველ პატივში ცხოვრებას სიკვდილი არჩია. სპარსელები უარზე არ არიან ჩემს დასახმარებლად ჯარი გამოაგზავნონ. ჩვენც მათ ველოდებით. ჩვენს მხარეს არიან სარკინოზები, ჩვენს მხარეს არიან სომხები. შენი ჯარი კი, ავრელიანუსს, სირიელმა ყაჩაღებმა დაამარცხეს. და მერე რა? ის, რომ თუ შეგროვდება ყველა სამხედრო ძალა, რომელსაც ყოველი მხრიდან ველოდებით, მაშინ შენ მოგინევს უარი თქვა იმ მედიდურობაზე, რომლითაც ახლა დამორჩილებას მიბრძანებ, თითქოსდა შენ მართლაც საბოლოოდ გამარჯვებული იყო”.

ალყაშემორტყმული დედოფლისგან ამგვარი წერილის მიღებამ ავრე-



ზენობია



ლიანუსი არ შეაშფოთა. გაბრაზებულმა მან დაუყოვნებლივ შეკრიბა თავისი ჯარი და პალმირა ყოველი მხრიდან ალყაში მოაქცია. იმპერატორმა სპარსელების დამხმარე ძალები გზად დაიჭირა, სომხების და სარკინოზთა ცხენოსანი რაზმები კი მოისყიდა და თავის მხარეზე გადმოიბირა. „და ბოლოს, მას შემდეგ, რაც დიდი ძალები გამოიყენა, იმპერატორმა დაამარცხა ეს ყველაზე ძლევაშობილი ქალი ქალთა შორის“ (აცა, „ავრელიანუსი“, XXVIII, 2).

მაშინ დამარცხებული ზენობია გაიქცა. აქლემზე ამხედრებული დედოფალი სპარსელებთან მირბოდა, როცა იგი გზაში მდევრებმა შეიპყრეს. პალმირას დედოფალი რომის იმპერატორს მიჰგვარეს. ჯარი ზენობიას სიკვდილით დასჯას მოითხოვდა, მაგრამ ავრელიანუსმა დედოფალი არ გაასამართლა. ჯერ ერთი, იგი უღირს საქციელად მიიჩნეოდა, რომ ქალი სიკვდილით დაესაჯა, მეორეც — მას ზენობია რომში სჭირდებოდა, მაშინ, როდესაც გამარჯვების აღსანიშნავად ტრიუმფს გამართავდა.

მაგრამ იმპერატორმა სიკვდილით დასაჯა ყველა ის, ვისი ნაქვზებითაც ამ ქალმა ომი წამოიწყო. სხვებთან ერთად იმპერატორის ბრძანებით სასიკვდილო განაჩენი გამოუტანეს ფილოსოფოს ლონგინუსს, რადგან ამბობდნენ, რომ მედიდური ტონით აღსავსე წერილი დედოფალმა სწორედ მისი რჩევით დაწერა.

მოგვიანებით ავრელიანუსმა რომის მონინალმდებენი დასავლეთშიც დაამარცხა, გალია და ესპანეთი ისევ შემოუერთა იმპერიას და 274 წელს რომში დიდი ხნის ნანატრი, გრანდიოზული ტრიუმფი გადაიხადა. მისი ეამთააღმწერელი სიამაყით, დიდი მონდომებით და ამასთან დეტალურად აღგინერს ამ უდიდეს სანახაობას, რომელიც მართლაცდა წარმოუდგენელი პომპეზურობით გამოირჩეოდა. ტრიუმფში მონაწილეობას იღებდნენ ოცამდე ტომის რჩეული პირები, რომლებიც თავისი ლაშქრობის დროს ავრელიანუსს ტყვედ ჰყავდა აყვანილი. მაგრამ მათ შორის ორი ადამიანი იყო ყველაზე მნიშვნელოვანი — გალების თვითმარქვეია იმპერატორი ტეტრიკუსი და პალმირას მბრძანებელი — ზენობია.

ზენობიას გამოსვლა ისეთი დიდებული სანახაობა იყო, როგორც რომაელებს აქამდე არ ენახათ. ეს ულაშხესი ქალი უზარმაზარი ძვირფასი ქვებისაგან გაკეთებული სამკაულებით იყო მორთული, სამკაულები კი, თურემ ისეთი მოზრდილი ყოფილა, რომ მათი სიმძიმე თავად ზენობიასაც კი წყვეტდა წელში. ამბობდნენ იმასაც, რომ ეს ფიზიკურად ძლიერი ქალი ხშირად ჩერდებოდა, რადგან ამ ძვირფასი ტვირთის ტარება მეტად უძძიმდა. ამასთან, ზენობიას ფეხებზე ოქროს ხუნდები ედო, ხელებზე კი ოქროსვე ჯაჭვები ჰქონდა ასხმული. კისერზეც კი ეკიდა ოქროს ჯაჭვი, რომელიც იმდენად მძიმე იყო, რომ იგი დედოფლის წინ მიმავალ სპარსელ ხუმარას მიჰქონდა (აცა, „ოცდაათი ტირანი“, XXX, 24-26).

იმპერატორმა ავრელიანუსმა ზენობიას სიცოცხლე არუქა და რომის შემოგარენში ტიბურთან ახლოს მამული უბოძა. თუმცა ამის შემდეგ ზენობიას დიდი ხანი აღარ უცოცხლია.



სხვათა შორის ყოფილან ისეთებიც, რომლებიც საყვედურობდნენ ავრელიანუსს იმას, რომ მან თავის ტრიუმფზე ქალი გამოიყვანა, თითქოს ეს ქალი ვინმე სახელოვანი მთავარსარდალი ყოფილიყო.

მაშინ მათ საპასუხოდ იმპერატორმა სენატს წერილი გაუგზავნა, რომელშიც იგი თავის საქციელს განმარტავდა: „სენატორნო, ჩემამდე მოვიდა ხმები, თუ როგორ მძრახავენ მე იმის გამო, რომ ტრიუმფში ზენობიას მივალეზინე მონანილეობა, რადგან ტრიუმფზე ქალის გამოიყვანა, მათი აზრით, მამაკაცის საკადრისი საქმე არ იყო. სინამდვილეში კი ჩემი დამძრახვანი, თავად ვერც კი შეძლებდნენ შესაფერისი საქებარი სიტყვების მოძებნას, რომც იცოდნენ, როგორი ქალია ზენობია, როგორი გონივრულია მისი გეგმები თუ ჩანაფიქრნი, რომ იცოდნენ, როგორი მტკიცე და ურყევი არის ეს ქალი განკარგულებათა გაცემის დროს, როგორი მომთხოვნია თავის ჯარისკაცთა მიმართ, როგორი გულუხვია, როცა ამას აუცილებლობა მოითხოვს და როგორი უმოწყალოა, როცა სიმკაცრეა საჭირო. მე ისიც კი შემოძლია ვთქვა, ზენობიას დამსახურება იყო ოდენატუსმა სპარსელები რომ დაამარცხა, გააქცია მათი მეფე და თვით ქტესიფონტამდეც კი მივიდა.

შეუძლიათ ამტკიცონ ისიც, რომ აღმოსავლეთის ყველა ხალხს და ეგვიპტელებს ისე უზინოდათ ამ ქალისა, რომ არც არაბებს, არც სარკინოზებს და არც სომხებს მის წინააღმდეგ თითის განძრევაც არ გაუბედავთ.

რაც შემეხება მე, ზენობიას სიცოცხლეს არ შეუუნარჩუნებდი, რომ არ ეიცოდე, თუ რაოდენ დიდი სარგებლობა მოუტანა მან რომის სახელმწიფოს, როდესაც აღმოსავლეთში ხელისუფლება დაიცვა და შეუნარჩუნა თავის შვილებს. ხოლო იმათ, რომელთაც ვერაფრით ასიამოვნებ, უმჯობესია, მწარე ენა გააჩერონ. თუ ქალის დამარცხება და მისი ტრიუმფში გამოიყვანა მამაკაცისთვის შეუფერებელი საქციელია, მაშინ რას იტყვის ეს ხალხი გალიენუსის შესახებ, რომლის აბუჩად აგდებით ზენობია კარგად მართავდა იმპერიას?

რას იტყვიან ეს ადამიანები ლეთაებრივ კლავდიუსზე, ჩვენ უმნიკვლო და პატივცემულ წინამძღოლზე, რომელმაც ნება დართო ზენობიას შეენარჩუნებინა ხელისუფლება, როცა იგი თავად გოთების წინააღმდეგ ბრძოლით იყო დაკავებული? ეს იმპერატორმა გონივრულად და ბრძნულად გააკეთა. მან ხომ ამით საშუალება მისცა ზენობიას მოეველო და დაეცვა იმპერიის აღმოსავლეთი, თავად კი შეძლო მშვიდად აღესრულებინა თავისი ჩანაფიქრი“ (აცა, „ოცდაათი ტირანი“, XXX, 4-12).

აი, ასე იმართლებდა თავს იმპერატორი და ასე აფასებდა იგი თავის მონინააღმდეგეს — ზენობიას.

საგულისხმაოა, რომ ზენობიას იმპერატორისეულ შეფასებას ძირითადად იზარებს მთელი ანტიკური ისტორიოგრაფია. სხვადასხვა ისტორიკოსთა მიერ დახატული ზენობიას პორტრეტები ფაქტობრივად ამ გამორჩეული ქალის შექებას — ენკომიებს წარმოადგენენ. მას შემდეგ, როცა ისინი დაგვისურათხატებენ დედოფლის ქჟუას, განათლებას და სილამა-




ზენობია



ზეს, ყოველი მათგანი განსაკუთრებით აღნიშნავს ზენობიას სამხედრო საქმეში განაფულობას, ოსტატობას, მის ფიზიკურ ამტანობას, გამძლეობას, რომელიც უმთავრესად მამაკაცებს ახასიათებთ. ალბათ აქვე უნდა ითქვას ისიც, რომ უამთააღმწერელნი ყურადღებას ამახვილებენ დედოფლის უმნიეკლო და ამასთან მკაცრ ზნეობრივ ნორმებზე. ზენობია თურმე თავის ქმართანაც კი მხოლოდ შთამომავლობის გასაჩენად წვებოდა. მას შემდეგ რაც ქმართან სარეცელს ერთხელ გაიზიარებდა, დედოფალი თავს იკავებდა სექსუალური ურთიერთობისაგან, თუკი ფენმძიმედ შეიქნებოდა (აცა, „ზენობია“, XXX, 12). ისტორიკოსები აღნიშნავენ იმასაც, რომ დედოფალს, რომელიც ლეინოს საერთოდ არ სვამდა, თუ საჭირო იყო ბელადებთან ლეინის მირთმეეც შეეძლო და სასმელსაც მშვენიერად იტანდა. ფიზიკურად ძლიერ ზენობიას შეეძლო უმკაცრეს ბუნებრივ პირობებში ებრძოლა და „ქმარზე მამაციც“ ყოფილიყო. მაგრამ ამასთან ერთად, პალმირას მბრძანებელს სახელმწიფოებრივი აღმშენებლობის დიდი ნიჭი ჰქონდა. მან მოახერხა, რომ თავისი სამეფო მთელ აღმოსავლეთში ერთ-ერთ ყველაზე ძლიერ მონარქიად ექცია.

დღევანდელი გადასახედიდან პალმირას დედოფლის მოღვაწეობას კრიტიკულადაც შეიძლება მივუდგეთ და გავიზიაროთ თანამედროვე მეცნიერის ამგვარი შეფასება: „თავისი მშობლიური სამეფოს ბედნიერება ზენობიამ პიროვნულ ამბიციებს შესწირა მსხვერპლად, მაშინ როდესაც ოდენატუსმა იმპერიისადმი ერთგულების წყალობით მოახერხა ქვეყნის კეთილდღეობა შეენარჩუნებინა“.⁴


და მაინც, უფრო საინტერესოდ მოჩანს ის ფაქტი, რომ ზენობიას როლსა და დამსახურებას თავად ანტიკურ სამყაროში ყველა ერთხმად აღიარებდა. და ეს იმის მიუხედავად, რომ ის ქალი იყო, ქალი, რომლის ამგვარ დაფასებას, ძველები მაინცდამაინც არ იყვნენ ჩვეულები.





შენიშვნები:

- ¹ პალმირა — არამეულად პალმის ქალაქი თანამედროვე ტადმორის მახლობლად, ჩრდილო-აღმოსავლეთ სირიაში საქარავნო ვაჭრობის და ხელოსნობის მნიშვნელოვანი ცენტრი. I საუკუნიდან პალმირა რომის გავლენის სფეროში მოექცა, შემდეგ იმპერატორმა კარაკალამ პალმირას რომის კოლონიის სტატუსი მიანიჭა.
- ² ალექსანდრე სევერუსი — რომის იმპერატორი 222-235 წწ-ში, წარმოშობით სირიელი. 232-33 წწ-ში სევერუსი სპარსელების ბატონობის წინააღმდეგ იბრძოდა სომხეთსა და მესოპოტამიაში.
- ³ ანკირა — თანამედროვე ანკარა.
- ⁴ OCD, სტატია „ზენობია“.





ელენე

ფლავია იულია პელენა კონსტანტინე | დიდის დედა იყო. მისი წარმომავლობის თაობაზე არაფერი ვიცით. ასევე ჭირს მისი დაბადების თარიღის დაზუსტებით დადგენა. ერთი ცნობის მიხედვით ელენე 257 წელს დრეპანონში (ბითვინიაში) დაიბადა (ვესებიოსი, „კონსტანტინეს ცხოვრება“, 3, 46). სხვა წყაროებზე დაყრდნობით ელენეს დაბადებას მეცნიერები 244 წლის ფარგლებში ვარაუდობენ.¹ ტრადიციის მიხედვით ელენე ხან მედუქნის ქალიშვილად, ხანაც სამიკიტნოს დიასახლისად წარმოგვიდგება.

ელენე კონსტანტიუს ქლორუსის ნახევრად კანონიერი ცოლი იყო. იმ ხანად მომრავლებული კეისრებისაგან კონსტანტიუსს წარჩინებული წარმომავლობა გამოარჩევდა. იგი რომის იმპერატორის — კლავდიუს II გოთიკუსის ძმის შვილიშვილი გახლდათ.² კონსტანტიუსი რბილი და თავაზიანი ადამიანი ყოფილა და განსაკუთრებით მოკრძალებულად ცხოვრობდა. არც მას შემდგომ შეუცვლია ზნე, როცა 293 წელს კეისრად გამოაცხადეს. თუმცაღა ტიტულის მიღებისთანავე მისი უწინდელი ცხოვრება დასრულდა. იგი იძულებული გახდა, გაყროდა ელენეს. მიღებული წესის თანახმად კონსტანტიუსი რომის იმპერიის ავგუსტუსმა — მაქსიმიანუს პერკულესმა ჯერ იშვილა და თავის მემკვიდრედ გამოაცხადა, ხოლო შემდეგ მას თავისი გერი თეოდორა მოათხოვა. სანამ კონსტანტინუსი ელენეს გაცილდებოდა, მათ ფაიშვილი — კონსტანტინე შეეძინათ. მომავალში იგი იმპერატორი გახდება.

306 წელს კონსტანტიუს ქლორუსი გარდაიცვალა. მალე მისმა ვაჟმა — კონსტანტინემ ავგუსტუსის წოდება მიიღო. გამეფებისთანავე იმპერატორმა დედა სამეფო კარზე წაიყვანა. ელენემ მთელი ცხოვრება სასახლის კარზე გაატარა. აქ მას დიდ პატივს მიაგებდნენ. იმპერატორის დედა



განსაკუთრებული ავტორიტეტითა და გავლენით სარგებლობდა. ამას, რასაკვირველია, ისიც განაპირობებდა, რომ კონსტანტინეს და-ძმები, რომლებიც მას მამის მეორე ქორწინებიდან ჰყავდა, სასახლეში არ ცხოვრობდნენ. ელენეს დაყინებული მოთხოვნით ისინი სამეფო კარს ჩამოაცილეს.

ტრადიციის თანახმად, კონსტანტინეს დედა ძალიან უყვარდა, დიდად სცემდა პატივს და მის რჩევებს ხშირად ყურად იღებდა. გადმოგვცემენ, რომ სწორედ ელენემ მოაქცია კონსტანტინე ქრისტეს რწმენაზე. ევსებოსის მიხედვით ეს 312 წელს მომხდარა (ევსებოსი, „კონსტანტინეს ცხოვრება“, 3, 47, 2).

სწორედ 312 წელს ემზადებოდა კონსტანტინე თავის მთავარ მოწინააღმდეგესთან — მაქსენციუსთან საბრძოლველად. მაშინ მან მფარველობისთვის ქრისტეს სჯულს მიმართა. შემდგომში თავად კონსტანტინემ ფიციით დაადასტურა, რომ გადამწყვეტი ბრძოლის წინ მას საოცარი ხილვა ჰქონდა. მის წინ ცაზე ჯვარი გამოისახა, ჯვარი კი ნიშაში იყო ჩასმული, რომელსაც ეწერა: „ამით სძლიო“. კონსტანტინემ ხილვა ღვთაებრივ ნიშნად მიიღო, ირწმუნა ჯერის ძალა და მტერი სასტიკად დაამარცხა. ზოგიერთი ავტორის თანახმად მაქსენციუსზე ამ გამარჯვების შემდეგ კონსტანტინე ქრისტიანულ რელიგიას მიემხრო, თუმცა ქრისტიანად იგი მხოლოდ 337 წელს, სიკედილის წინ მოინათლა.⁴

ელენეს დიდი გავლენა ჰქონდა კონსტანტინეზე. ამიტომაც შვილის ცხოვრებაში ხშირად და აქტიურად ერეოდა. დედოფალმა თავის რძალს საყვარელი შვილიშვილის სიკედილი არ შეარჩინა, კონსტანტინე ცოლის ცრუ ბრალდებათა დაჯერებისთვის უმკაცრესად გაკიცხა. შედეგი იმპერატორის მიერ ცოლის მოკვდინება იყო (ავრელიუს ვიქტორი, „ეპიტომე“, XLI, 12).

ელენე თავგამოდებით იღვწოდა ქრისტიანული რელიგიის გასავრცელებლად. ამას, ბუნებრივია, ხელს უწყობდა ის პოლიტიკა, რომელსაც მისი შვილი ატარებდა. იმპერატორმა ქრისტიანობა თავდაპირველად სახელმწიფოს მიერ აღიარებულ რელიგიათა რიცხვში შეიყვანა, შემდეგ კი საეკლესიო დასი მუნიციპალური გადასახადისაგან გაათავისუფლა და მისი შენახვა სახელმწიფო ხაზინას დააკისრა. თანდათანობით, განსაკუთრებით კი ლიციონუსზე გამარჯვების შემდეგ (324 წ.), კონსტანტინეს იმპერიაში ქრისტიანობის გაბატონებულ რელიგიად აღიარება ხდებოდა. ელენე დედოფალი დიდ შესანიშნავს უგზავნიდა ეკლესიებს, გულუხვად გასცემდა მონყალეხას. ელენესა და კონსტანტინეს თაოსნობით კონსტანტინოპოლში წმინდა მოციქულთა სახელობის ეკლესია იქნა აგებული.

326 წელს კონსტანტინემ დედა იერუსალიმს მიაღწინა, რათა მოეძიათ ის ძელი, რომელზედაც ქრისტე იყო გაკრული. ამასთან ელენეს ჩაფიქრებული ჰქონდა, იერუსალიმში ის ადგილებიც მოეხილა, რომლებიც ქრის-



ტეს ამქვეყნიურ ცხოვრებას უკავშირდებოდა და რომლებიც იმ ხანად ივარქმნილი იყო. მონახულებასთან ერთად დედოფალს უნდოდა, წმინდა ადგილები მათზე აღმართული წარმართული ტაძრებისაგან განეწმინდა და ხელახლა ეკურთხებინა. ამ დროისთვის ელენე უკვე ხანში იყო შესული, თუმცა ასაკს დედოფლისთვის ხელი არ შეუშლია.

იერუსალიმში ჩასვლისთანავე მან დახმარებისთვის პატრიარქ მაკარის მიმართა. ჯვრის ადგილსამყოფელს დიდი ხნის ძებნისა და მრავალი გასაჭირის შემდეგ მიაგნეს. გადმოცემის თანახმად უფალმა მხცოვანი იუდეველის, იუდას მეშვეობით განაცხადა თავისი ნება და მადიებლებმა, როგორც იქნა, იპოვეს მინიბა და ლოდებით დაფარული მაცხოვრის საფლავი. საფლავთან სამი ჯვარი და სამსჭვალეები იხილეს. აქვე იყო ის დაფაც, რომელზედაც პილატეს ბრძანებით სამენოვანი წარწერა იყო გაკეთებული. მაგრამ არავინ იცოდა ამ სამი ჯვარიდან რომელზე იყო ქრისტე გაკრული. ამის გასაგებად სამივე ჯვარი რიგ-რიგობით შეახეს ახლადგარდაცვლილ მიცვალებულს. ლეგენდის თანახმად, ქრისტეს ჯვრის შეხებაზე მიცვალებული გაცოცხლდა. საოცრების სანახავედ უამრავი მორწმუნე შეგროვდა. ზღვა ხალხში, ბუნებრივია, ყველას არ შეეძლო, ქრისტეს ჯვარი თავისი თვალით ეხილა. მაშინ პატრიარქმა ჯვრის აღმართვა დაიწყო, ხალხი კი ხადილით „უფალო, შეგვიწყალო“ უფლის ჯვარს თაყვანს სცემდა. ებრაელთა ნაწილმაც ირწმუნა ქრისტე და ქრისტიანად მოინათლა.⁵ ჯვრის აღმართვამ შემდგომში ჯვართამაღლების უდიდეს საეკლესიო დღესასწაულს ჩაუყარა საფუძველი (ჯვართამაღლება 14(27) სექტემბერი). აღმოჩენილი წმინდა ჯვრის ნაწილი ელენე დედოფალმა პატრიარქს გადასცა, ნაწილი კი შინ — კონსტანტინოპოლში წამოიღო. კონსტანტინემ იერუსალიმიდან ჩამოატანინა სამსჭვალეებიც, რომლებითაც უფალი ძელზე იყო გაკრული.

შემდეგ ელენეს მოთხოვნით წმინდა ადგილები აკურთხეს. გადმოგვცემენ, რომ სინწინდეთა შელანძღვით შეურაცხყოფილმა ელენემ ბრძანა, დაემსხვრიათ ვენუსის ქანდაკებები და გაენადგურებინათ მისი საკურთხევლები.

ელენეს თაოსნობით წმინდა მიწაზე ოთხმოცზე მეტი ეკლესია აშენდა. სწორედ იმ ხანად კონსტანტინე დიდმა ბრძანება გასცა, რომ გოლგოთასა და ქრისტეს საფლავის ადგილას ქრისტეს აღდგომის ტაძრის მშენებლობა დაეწყო. ტაძრის განსრულებას ელენე დედოფალი ვერ მოეწონო. ტაძარი ათი წლის შემდეგ, 335 წლის 13 სექტემბერს იკურთხა.

დედისადმი პატივისცემა კონსტანტინემ რამდენიმე ოფიციალური აქტით გამოხატა. 325 წელს მან ელენეს „ავგუსტას“ ტიტული უბოძა და საიუბილეო მედლის მოჭრის ნება დართო. მალე იმპერატორმა დედას თავზე დაადემაც დაადგა. კონსტანტინემ ბრძანა, მოეჭრათ ელენეს სახელო-



ელენე



ბის მონეტები. რამდენიმე ქალაქს იმპერატორმა ელენეს სახელი მიანიჭა (დრეპანონს, სადაც ელენე დაიბადა, ელენოპოლისი ეწოდა).

იერუსალიმიდან დაბრუნებული ელენე მალე გარდაიცვალა, სავარაუდოდ, რომში 327 წელს. იგი ვია ლაბიკანაში დაკრძალეს (მისი სამეფო სარკოფაგი ვატიკანში ინახება), შემდგომ დედოფლის ცხედარი კონსტანტინემ კონსტანტინოპოლში გადმოასვენა. IX ს-ში ელენეს წმინდა ნაწილები პაუპტივითა სააბატოში იქნა გადასვენებული.

ცხოველმყოფელი ჯვრის აღმოჩენისა და იმ უდიდესი დამსახურებისთვის, რომელიც დედოფალს ეკლესიის წინაშე ჰქონდა, ელენეს ეკლესიამ „მოციქულთსწორი“ უწოდა და წმინდანად აღიარა. მართლმადიდებლური ეკლესია მისი ხსოვნის დღეს 21 მაისს, კათოლიკური ეკლესია კი — 18 აგვისტოს აღნიშნავს.

ქართულ საეკლესიო ტრადიციაში წმინდა ელენე ერთ-ერთი ყველაზე ცნობილი წმინდანია. სვეტიცხოვლის საკათედრო ტაძრის ერთ-ერთ მთავარ ფრესკაზე გამოსახულნი არიან ელენე და კონსტანტინე ჯვრით ხელში. ქრისტეს ძელის ერთი სამსჭვალავი დღეს სიონის საკათედრო ტაძარში ინახება. ეს წმინდა ნაწილი ქრისტეს დაფასთან ერთად საქართველოსთვის გაქრისტიანების შემდეგ კონსტანტინესა და ელენეს გადმოუციათ (სამწუხაროდ დაფა დაკარგულია).

როგორც ქართულ საისტორიო წყაროებში, ისე ლიტურგიკულ საკითხავებში ნანა დედოფალი და მირიან მეფე ელენესა და კონსტანტინესთან არიან შედარებულნი, რამეთუ როგორც რომის იმპერიაში, ისე ქართლში მათი — უმაღლეს ხელისუფალთა ნებით მოხდა უწინდელი კერპთაყვანისმცემლობის ნაცვლად ქრისტიანობის სახელმწიფო რელიგიად დამკვიდრება.





შენიშვნები:

- ¹ Xp., τ. I, სტატია „ელენე“.
- ² კლავდიუს II გოთიკუსი — რომის იმპერატორი 268-270 წლებში, წარმოშობით ილირიელი, აღმოსავლეთ ადრიატიკიდან.
- ³ მაქსენციუსი — მაქსიმიანუს პერკულესის ვაჟი, დაქორწინებული იყო გალერიუსის ქალიშვილზე, თუმცაღა გალერიუსმა იგი კეისრად არ დაასახელა. როდესაც 306 წელს რომში მღელვარებამ იფეთქა, მაქსენციუსმა დაძაბული მდგომარეობით ისარგებლა და თავი იმპერატორად გამოაცხადებინა. 307 წელს მან ავგუსტუსის ნოდებაც მიიღო, მაგრამ რადგან მისი მმართველობა ტირანული იყო, რომაელებმა კონსტანტინესთან მოლაპარაკება დაიწყეს, რათა იგი მათ დახმარებოდა. კონსტანტინემ მათი თხოვნა შეისმინა და ჯარები რომისკენ დაძრა. ცნობილი ბრძოლა რომის მახლობლად შედგა, მაქსენციუსი დამარცხდა და გაიქცა, მაგრამ მულვიუსის ხიდის მახლობლად თავის მიერ დაგებულ მახეში მოჰყვა და მდინარე ტიბერისში (თან. ტიბრი) დაიღუპა.
- ⁴ ქრისტიანული ტრადიცია კონსტანტინეს ქრისტიანად უკვე ბავშვობიდან წარმოგვიდგენს. ეპისკოპოსმა ევსებოსმა კონსტანტინეს გარდაცვალებისთანავე დაწერა მისი ბიოგრაფია — კონსტანტინეს ცხოვრება, რომელიც ამგვარი სულისკვეთებითაა განმსჭვალული.
- ⁵ წმინდანთა ცხოვრება, ტომი III, შედგენაზე მუშაობდნენ დეკანოსი ზაქარია მაჩიტაძე, მაკა ბულია, მარინე ჩხეიძე, თბილისი, 2001.





ფაუსტა

ფლავია მაქსიმა ფაუსტა იმპერატორ მაქსიმიანუსს პერკულესისა და ევტროპია ქალიშვილი იყო. მაქსიმიანუსს პერკულესი, როგორც გახსოვთ, იმპერიის დასავლეთი ნაწილის ავგუსტუსი გახლდათ. ფაუსტას დაბადებას 293-298 წლებს შორის ვარაუდობენ. ფაუსტას გარდა მაქსიმიანუსს და ევტროპიას უფროსი ვაჟიშვილი — მაქსენციუსი ჰყავდათ, რომელიც შემდგომ რომის იმპერატორი გახდა.

307 წელს მამამ ფაუსტა პოლიტიკური მოსაზრებით კონსტანტინე პირველზე დააქორწინა. ქორწინება უპირველესად თავად კონსტანტინეს აძლევდა ხელს. იმ ხანად მაქსიმიანუსს პერკულესი და მისი ვაჟი ხელისუფლების სათავეში აღმოჩნდნენ (თუმცაღა არაკანონიერად. მაქსიმიანუსი უკვე გადამდგარი ავგუსტუსი იყო და მას კერძო პირის სტატუსით უნდა ეცხოვრა. რაც შეეხება მაქსენციუსს, მან რომში მომხდარი არეულობით ისარგებლა და ჯარზე დაყრდნობით თავი ავგუსტუსად გამოაცხადა). კონსტანტინე მამა-შვილთან მოლაპარაკებას სიამოვნებით დასთანხმდა. მას იმპერიის აღმოსავლეთი ნაწილის მბრძანებლის — გალერიუსის წინააღმდეგ მოკავშირეები ესაჭიროებოდა. გალერიუსი ხომ მას განსაკუთრებით ემტერებოდა... თავის მხრივ არც მაქსიმიანუსს პერკულესს და მაქსენციუსს აწყობდათ, იმ დაძაბულ ვითარებაში კონსტანტინე | სახით ახალი მონინაღმდეგე შეეძინათ. ყოველივე ამის საფასურად კონსტანტინე | თავისი სიმამრისაგან არა მარტო ქალიშვილი, არამედ ავგუსტუსის ნანატრი ტიტულიც მიიღო.

კონსტანტინესა და ფაუსტას ექვსი შვილი ეყოლათ — სამი ვაჟი და სამი ქალი. საუბედუროდ, დიდი იმპერატორის შვილები უღირსი ადამიანები გამოდგნენ. მისმა ვაჟიშვილებმა — კონსტანტინე მეორემ, კონსტან-



ტიუს მეორემ და კონსტანსმა ერთმანეთთან გამალებული შუღლით და ქიშპობით რომს არაერთი უბედურება და განსაცდელი მოუტანეს.

იმ ხანად რომის იმპერიაში ისეთი არეულობა სუფევდა, მას იმდენი ოფიციალური ხელისუფალი განაგებდა (307 წლისთვის იმპერიას ერთდროულად ხუთი ავგუსტუსი მართავდა), რომ არც ერთ პოლიტიკურ მოკავშირეს შორის დადებული შეთანხმება მყარი და ხანგრძლივი არ იყო. ამის ერთ-ერთ მაგალითად დაზავებულ მხარეთა — კონსტანტინესა და მაქსიმიანუსს შორის ურთიერთობა გამოდგება. ყოფილი ავგუსტუსი, რომელიც თავის ვაჟს მაქსენციუსს წაეჩხუბა, სიძეს — კონსტანტინეს სტუმრობდა. კონსტანტინემ სიმამრი დიდი პატივით მიიღო, გულთბილად უმასპინძლა, სასახლეში დატოვა, თვითონ კი საომრად გაემართა... მაგრამ გაიგულა თუ არა სიმამრმა სიძე საბრძოლველად, მის წინააღმდეგ ამხედრდა, ხმა გაავრცელა, კონსტანტინე გარდაიცვალა და მმართველობა იგდო ხელთ. უზურპატორის ბედნიერება ხანმოკლე აღმოჩნდა. კონსტანტინეს მალე მიუვიდა ამბავი მომხდარის შესახებ, დაუყოვნებლივ გამობრუნდა უკან და მოლაღატე სიმამრი — მაქსიმიანუსს შერყვენილი ბრძოლაში დაამარცხა. ამ უკანასკნელმა, მართალია, მოახერხა გაქცევა, მაგრამ არ გასულა დიდი ხანი, რომ იგი გაურკვეველ ვითარებაში დაიღუპა.

ორი წლის შემდეგ კონსტანტინე თავის ცოლისძმას — მაქსენციუსსაც დაუპირისპირდა და გადამწყვეტ ბრძოლაში რომის მახლობლად იგი სასტიკად გაანადგურა. ასე ჩამოიშორა კონსტანტინემ თავისი ყოფილი მოკავშირეები — სიმამრი და ცოლისძმა.

უნდა ითქვას, რომ კონსტანტინე, რომელიც შთამომავლობამ კონსტანტინე დიდად შერაცხა, მისი თანამედროვე ისტორიოგრაფია არც ერთგვაროვნად ახასიათებს და არც ერთმნიშვნელოვნად აფასებს. უდავოდ უდიდესი მნიშვნელობა ჰქონდა იმას, რომ კონსტანტინემ შინაომებისაგან განამებულ რომის იმპერიას მშვიდობა მოუტანა, მშვიდობა მთელი იმ სიკეთით, რაც საზოგადოდ სამოქალაქო ომების შეწყვეტას სდევს თან. ფასდაუდებელი ვახლდით კონსტანტინეს ღვანჯირი ქრისტიანობის გავრცელებაში, თუმცა ამ დამსახურებათა მიუხედავად ანტიკური ავტორები თავს არ არიდებენ უარყოფითად შეაფასონ მიზნის მისაღწევად იმპერატორის მიერ გამოყენებული გზები. ისინი აღიარებენ კონსტანტინეს პიროვნების დადებით მხარეებს — იმპერატორის ენერგიულობას, სიმამაცეს, მისთვის ნიშანდობლივ სიფრთხილეს, არც იმას ივინყებენ, როგორ სცემდა პატივს კონსტანტინე განსწავლულობასა და ცოდნას, მაგრამ ამასთან წყაროები ავგუსტუსის უარყოფით თვისებებსაც არ ჩქმალავენ. მათი გადმოცემით კონსტანტინე იყო ხარბი, მფლანგველი, იყო სასტიკი, თუმცაღა მის პიროვნებაში ყველაზე მეტად გამოკვეთილი იყო დაუოკებელი სწრაფვა ძალაუფლებისკენ. მანკიერმა მხარემ განსაკუთრებით მისი მმართველობის მეორე ნახევარში



იჩინა თავი, უფრო ზუსტად კი მას შემდეგ, რაც იმპერატორმა უკანასკნელი მეტოქე დაამარცხა და საბოლოო გამარჯვება იზეიმა. „მას შემდეგ რაც კონსტანტინე ერთპიროვნული მმართველი შეიქმნა, იგი უკვე აღარ მალავდა ბუნებით თანდაყოლილ მანიკერებათ. პირიქით, იმპერატორი თავს უფლებას აძლევდა გაეკეთებინა ყველაფერი, რაც კი მოეხასიათებოდა... როდესაც ზვიადი და ქედმაღალი კონსტანტინე რომში ჩავიდა, მან აუცილებლად ჩათვალა ბინიერება თავისი ოჯახური კერით დაენყო“, — მოგვითხრობს ისტორიკოსი ზოსიმოსი (ზოსიმოსი, 2, XXIX, 1).

და მაინც რა მოხდა რომში, რაზე მიგვიანიშნებს ისტორიკოსი?

კონსტანტინემ რომში თავისი პირველი მსხვერპლი — საკუთარი შვილი კრისპუსი მოაკვდინა, პირველ მსხვერპლს მალე მეორეც მოჰყვა... კრისპუსის სიკვდილის შესახებ წყაროები არეულად მოგვითხრობენ, მაგრამ თითქმის ყველა მათგანში ფაუსტას — კრისპუსის დედინაცვლის სახელი ფიგურირებს.

კრისპუსი კონსტანტინეს მინერვინასაგან ჰყავდა. მიუხედავად იმისა, რომ ჩვენთვის არაა ცნობილი, რა სტატუსი ჰქონდა მინერვინას, ერთი რამ უეჭველია, კონსტანტინეს კრისპუსი კანონიერ შვილად მიაჩნდა. ყმანვილი ჩვიდმეტი წლისა იყო, როცა ავგუსტუსმა მამამ მას კეისრის ტიტული უბოძა და სამართავად გალიის პროვინციები გადასცა. სამოქალაქო ომში, რომელსაც კონსტანტინე ლიცინიუსთან ანარმობდა, კრისპუსმა ფრიად ისახელა თავი. ჯარისკაცებში ახალგაზრდა კეისარი დიდი მოწონებით სარგებლობდა. ამასთან თვინიერი ზნის და პატიოსნების გამო, იგი ხალხსაც ძალიან უყვარდა. როგორც ჩანს, კონსტანტინეს, რომელსაც ძალაუფლების უზომო სიყვარულმა გონება დაუბნელა, შვილის პოპულარობა ერთობ აღიზიანებდა, ეშინოდა, კრისპუსი მისი მეტოქე არ გამხდარიყო. ამიტომ იყო რომ დაამთავრა თუ არა ომი, იმპერატორმა ვაჟიშვილს ყოველგვარი ძალაუფლება ჩამოართვა და ამასთან გვერდიდან არ იცილებდა, მუდამ თან იახლებდა.

ყოველივე ამას ემატებოდა ის, რომ სასახლეში კრისპუსს გავლენიანი მტერი ჰყავდა — დედოფალი ფაუსტა. ამ ქალს გერი საკუთარი ვაჟიშვილების ტახტის მოცილედ მიაჩნდა. მაგრამ მტრობის მიზეზი, თუ ჭორებს ეერწმუნებით, მართო ეს არ იყო. გერით მოხიბლული დედოფალი ცდილობდა, იგი როგორმე ეცდუნებინა. ახოვანი და ბრგე ვაჟკაცი, კრისპუსი მართლაც გამორჩეული გარეგნობით იყო დაჯილდოებული. მაგრამ მან დედინაცვალს სიყვარულზე უარი განუცხადა. მაშინ თავმოყვარეობაშეღახულმა ფაუსტამ გადანყვიტა, გერზე შური ეძია და ამისთვის ნაცად ხერხს მიმართა — ცილი დასწამა კრისპუსს, თითქოს იგი შეეცადა, დედინაცვლისთვის პატივი აეყარა. კონსტანტინეს, რომელსაც შვილზე გული ისედაც აღარ მიუდიოდა, მტერი არც უნდოდა. ეჭვით ანთებულმა ავგუს-



ფაუსტა



ტუსმა ირწმუნა, რომ კრისპუსს მასთან არა მარტო ხელისუფლების გაყოფა სურდა, არამედ — სარეცლისაც. და მაშინ მამამ შვილი სასიკვდილოდ განირა. რომში თავის ტრიუმფზე განგებ წაიყვანა, რადგან ემინოდა, რომ კონსტანტინოპოლის სამეფო კარზე კრისპუსის მოკვლას მღელვარება არ გამოეწვია. რომში ვაჟიშვილს ჯერ ბორკილი დაადო, შემდეგ კი მისი მოკვლაც ბრძანა.

ელენე დედოფალი დიდად განიცდიდა უდროოდ დაღუპული საყვარელი შვილიშვილის სიკვდილს. ამასთან იგი აღშფოთებული იყო კონსტანტინეს განაჩენით, რადგან ისიც უწყოდა, კრისპუსი უდანაშაულო რომ იყო და ფაუსტას მზაკერულ ჩანაფიქრს შეენირა. მალე ელენეს ამბავი მიუვიდა, რომ მისი რძალი მეჯინიბეს ჰყვარობდა. მაშინ დედოფლის მოთმინება ამოიწურა და აღშფოთებულმა დედამ ყველაფერი კონსტანტინეს განუცხადა. სიბრაზისგან და შეურაცხყოფისაგან გონდაკარგული კონსტანტინე ცოლს სასტიკად გაუსწორდა. იმპერატორმა ბრძანა, მაგრად გაეხურებინათ აბანო, სადაც ფაუსტას უნდა ებანავა. როდესაც დედოფალი საბანაოდ შევიდა, აბანო ისე იყო გავარეარებული, რომ ფაუსტა ორთქლმა მოგუდა. სხვა ვერსიით, იმპერატორმა ცხელი წყლის აეზში ცოლი თავად ჩააგდო. ეს ამბავი 326 წელს მომხდარა (ზოსიმოსი, 2, XXIX, 2; სოზომენოსი, 1, 5; ავრელიუს ვიქტორი, „ეპიტომე“, XLI, 11; ფილოსტორგიოსი, 12, 4).


თუმცა კრისპუსის მოკვდინებისა არ იყოს, ანტიკური მწერლები ფაუსტას აღსასრულის შესახებაც ისე აბნეულად მოგვითხრობენ, რომ დაზუსტებით ჭირს იმის თქმა, მართლა დაიღუპა თუ არა ფაუსტა. არსებობს ვერსიაც, რომლის მიხედვითაც, ფაუსტა კონსტანტინეს გარდაცვალების შემდეგ ჯერ ისევ ცოცხალი იყო.¹





ЭБЕГЭЭБЭЭ:

† Федорова Е. В.,
Императорский Рим
в лицах, Москва, 1979, 205.





კონსტანტინე

კონსტანტინა — იმპერატორ კონსტანტინე I და ფაუსტას ქალიშვილი იყო (სავარაუდოდ უფროსი). იგი 320 წელს დაიბადა.

მამამისი — კონსტანტინე დიდი ჯერ კიდევ ცოცხალი იყო, როდესაც კონსტანტინა თავის ბიძაშვილს — ანიბალიანუს უმცროსს მიათხოვეს (335 წ.). იგი კონსტანტინე I ნახევარძმის — დალმაციუს უფროსის ვაჟიშვილი გახლდათ. კონსტანტინე დიდს მემკვიდრეებად საკუთარ ვაჟიშვილებთან ერთად დალმაციუს უფროსის ორივე შვილი — დალმაციუს უმცროსი და ანიბალიანუს უმცროსი ჰყავდა დასახელებული. კონსტანტინემ ანიბალიანუსს „rex nobilissimus“-ის (უნარჩინებულესი მმართველის) ძველთაძველი ტიტული უბოძა და სამართავად პონტოს პროვინცია (მცირე აზიის ჩრდილო-აღმოსავლეთი ნაწილი) გადასცა. გათხოვების შემდეგ კონსტანტინამ დიადემის ტარების უფლება და „ავგუსტას“ ტიტული მიიღო.¹

მათი ქორწინებიდან ორი წელიც არ იყო გასული, როდესაც კონსტანტინე დიდი გარდაიცვალა. კონსტანტინეს სამ ვაჟს — კონსტანტინე მეორეს, კონსტანსს და კონსტანტიუს მეორეს, რასაკვირველია, არ სურდა ხელისუფლება საკუთარ ბიძაშვილებთან გაეყო, მიუხედავად იმისა, რომ ასეთი იყო მათი მამის — კონსტანტინე დიდის ნება. ამიტომაც, რათა ძალაუფლება მხოლოდ კონსტანტინეს შვილებს პქონოდათ, სასახლის კარზე საზარელი ხოცვა-ჟლეტა მოეწყო. შეთქმულებმა კონსტანტინეს თითქმის ყველა მამაკაცი ნათესავი ამოხოცეს, პირველ რიგში კი დალმაციუს უფროსი და მისი ვაჟიშვილები — კონსტანტინეს მემკვიდრეები მოკლეს.

კონსტანტინა დაქვრივდა და დიდხანს აღარ გათხოვილა. მისი სახელი წყაროებში ერთი ხანობა საერთოდ არ მოიხსენიება. ასპარეზზე იგი მხოლოდ 350 წელს ჩნდება, როდესაც მისი მეცადინეობით ვეტრანიონი ილირიაში იმპერატორად გამოაცხადეს.²



350 წელს კონსტანტიუს II — კონსტანტინე დიდის შუათანა ვაჟი რომის იმპერიის ერთმმართველი გახდა.³ ქვეშ-ქვეშა და ცბიერი კონსტანტიუს II ამავე დროს უნებისყოფო ადამიანი იყო და სხვების, განსაკუთრებით კი მის კარზე მომრავლებულ საჭურისთა გავლენის ქვეშ ხშირად ექცეოდა. როცა ერთპიროვნული მმართველი შეიქმნა, კონსტანტიუს II გადაწყვიტა, რომ რომის იმპერიას ახალი კეისარი ესაჭიროებოდა. ამიტომ მან თავისი ბიძაშვილი — გალუსი (კონსტანტინე დიდის ნახევარძმის იულიუს კონსტანტიუსის ვაჟიშვილი) კეისრად გამოაცხადა, მას თავისი ქერივი და კონსტანტინა მიათხოვა და სამართავად ანტიოქია გადასცა. კონსტანტინას და გალუსის ქორწინება 351 წელს შედგა. ახალგაზრდა გალუსი ცოლზე ბევრად უმცროსი იყო.

როგორც იქნა, კონსტანტინამ დიდი ხნის ნანატრ საწადელს მიაღწია — მმართველობის სადავეები ჩაიგდო ხელში. ქვეშევრდომთათვის სავეალალოდ, ის და მისი ქმარი პირნაწარდნილი ტირანები აღმოჩნდნენ. ამასთან, როგორც ძველი ავტორები გადმოგვცემენ, გადამწყვეტი სიტყვა სწორედ კონსტანტინას ეკუთვნოდა. ისტორიკოსი ამიანუს მარცელინუსი ამ ქალს „ადამიანი განსხვავებულ მეგერას“ უწოდებს: „გალუსის სასტიკი ინსტიტუტებს კონსტანტინა გამუდმებით აქეზებდა და კაცის სისხლი ქმარზე ნაკლებ არ სწყუროდა. ბოროტის ქმნაში გამოწვევითილმა ცოლ-ქმარმა ჭორების შეკრებას მიჰყო ხელი. ამას ისინი მეჭორეთა მეშვეობით აკეთებდნენ. ამ ხალხს ხომ საძაგელი ჩვევა აქვს — ფუქსავატური გამონაგონი თავიანთ მოძიებულთ ნაუმატონ. სწორედ ამგვარ მასალაზე დაყრდნობით ცოლ-ქმარმა სრულიად უდანაშაულო ადამიანებს ცილი დასწამა და მათ მიმართ საქმე სასამართლოში აღძრა. ისინი ბრალს სდებდნენ უცოდველთ, თითქოსდა ისინი ხელისუფლების ხელში ჩაგდებას ცდილობდნენ და ამისთვის ჯადოქრობას მიმართავდნენ“ (ამიანუს მარცელინუსი, XIV, 1, 2).

გალუსის საბრძანებელში სასტიკი ტერორი დაიწყო. ადამიანებს უბრალო ეჭვის საფუძველზე ასამართლებდნენ. მერე და მერე კონსტანტინა და გალუსი ისე გათავებდნენ, რომ თავსაც აღარ იწუხებდნენ ცრუ ბრალდებები მოეძიათ და მოჩვენებითი სასამართლო პროცესი მაინც მოეწყობოთ. ყველაფერი, რაც სასტიკი კეისარს მოეპრიანებოდა, მაშინვე სისრულეში მოჰყავდათ. ხალხს სიკვდილით სჯიდნენ, მდიდრებს ქონებას ართმევდნენ და სახლიდან ქუჩაში ყრიდნენ.

მაგრამ კონსტანტინას და გალუსის მმართველობის დროს, როგორც ამიანუს მარცელინუსი შენიშნავს, ყველაზე საშინელი მაინც ის იყო, რომ შიშს სრულიად მიზანმიმართულად თესდნენ. ადამიანებს კედლებისაც უნდა ეშინოდათ — ასეთი იყო სამეფო წყვილის კრედო. ამისთვის მათ ჯაშუშთა საგანგებო ქსელი შექმნეს. სისტემა შემდეგნაირად მუშაობდა — სრულიად უცნობი, ყველასთვის შეუმჩნეველი ადამიანები მთელ ანტიო-



ქიაში იყვნენ დაგზავნილნი. მათ ევალეზობადთ სახელმწიფო მოხელეთა გარემოში ყოფნა და მათი ნდობის მოპოვება. მალულად უნდა შეეღწიათ მათ მდიდართა სახლებშიც და გამოეკვლიათ, თუკი რამე იყო დაფარული. შემდეგ ინფორმაცია სასახლეში მიდიოდა. რასაკვირველია, ჯაშუშები გაგებულს გამოწვევასაც უმატებდნენ. ხოლო თუ რაიმე საეჭვოს, ან საზიანოს შეამჩნევდნენ, იმას ხომ აზვიადებდნენ და აზვიადებდნენ. მათი საქმე იყო, ნებისმიერი ამბავი იმაზე მეტად გაემუქებინათ, ვიდრე ეს სინამდვილეში ხდებოდა. მათ ავგუსტუსისთვის უნდა შთაენერგათ, რომ იგი ყოველი მხრიდან მტრებით და შეთქმულებით იყო გარემოცული. ამით ისინი, უპირველეს ყოვლისა, თავიანთ მნიშვნელოვანებას და დამსახურებას წარმოაჩენდნენ — მოსალოდნელი საფრთხე ხომ მათი ნყალობით იქნა გამოაშკარავებული! შესაბამისად, სამეფო წყვილის კეთილდღეობაც დიდად ხდებოდა მათზე დამოკიდებული. უნდა ითქვას, რომ აქ ახალი არაფერი იყო. ტერორის დანერგვის და მის შესანარჩუნებლად საჭირო საჯაშუშო ქსელი ყველა დროში დაახლოებით ამ მექანიზმით მუშაობდა და მუშაობს.

„იმპერატორისა ნახალისების ნყალობით გალუსს თანდათანობით სულ უფრო და უფრო მეტად იპყრობდა ჯიუტი მისწრაფება, გამოეაშკარაებინა დამალული. ეს კი მას უფსკრულისკენ მიაქანებდა. მაშინ, როდესაც კონსტანტინას, ქალური ბუნებისთვის დამახასიათებელი სირბილის გამო, პირიქით, შეშვენოდა, რომ ქმრისთვის სასარგებლო რჩევები მიეცა და იგი სამართლიანობისა და ადამიანურობისაკენ მოებრუნებინა,“ — შენიშნავს ამიანუს მარცელინუსი (ამიანუს მარცელინუსი, XIV, 1, 8).

ამასობაში იმპერატორმა კონსტანტიუს II კონსტანტინასა და გალუსის სისხლიანი მმართველობის შესახებ შეიტყო. როგორც ჩანს, საიმპერატორო კარზე ეშინოდათ იმისაც, რომ გალუსს სახელმწიფო გადატრიალება არ განეზრახა. სისხლიანი კეისარი სასწრაფოდ ანტიოქიიდან უნდა გამოეხმოთ და აქ, მედიოლანში (თან. მილანი) სასახლის კარზე გასწორებოდნენ. მაგრამ ამ საქმეში სიფრთხილე იყო საჭირო. თუ კონსტანტიუს II წყვილს მედიოლანში ჩამოსვლას მოსთხოვდა, შესაძლებელია, ცოლქმარს ეჭვი გასჩენოდა. ამიტომ იმპერატორმა კონსტანტინას გულთბილი წერილი გაუგზავნა. იგი არწმუნებდა დას, რომ ძალიან მოენატრა და მისი ნახვა სურდა — ამიტომაც სთხოვდა, მასთან ჩამოსულიყო. ძმის შეთავაზებამ კონსტანტინა დააფიქრა. კონსტანტიუსის სასტიკი და უღმობელი ზნის შესახებ მან მშვენივრად იცოდა, ამასთან ეჭვობდა, ვაითუ იმპერატორს მათ წინააღმდეგ რალაც უკვე ჰქონდა განზრახული. მაგრამ ამავე დროს კონსტანტინას საკუთარი თავის იმედიც ჰქონდა, ეგონა, ძმის მორბილებას მოახერხებდა. ამიტომაც ყოყმანისა და ანონ-დანიონის შემდეგ საბოლოოდ სასახლის კარზე გამგზავრება გადაწყვიტა. და-ძმის საბედისწერო შეხვედრა არ შედგა. განგებამ სხვაგვარად იწება — კონსტანტინას გზაში



კონსტანტინა



მალარია შეეყარა და ბითვინიაში გარდაიცვალა (354 წ.). ამ დროისთვის კონსტანტინა 40 წლისა იყო. რაც შეეხება გალუსს, კონსტანტიუს II ბრძანებით იგი სიცოცხლეს გამოასალმეს.

კონსტანტინა რომში ბრწყინვალე მავზოლეუმში დაკრძალეს, რომელიც ჩვენს დრომდე შემორჩა. შუა საუკუნეებში მავზოლეუმში სანტა კონსტანცას ეკლესიად იქნა გადაკეთებული. „XIII საუკუნისთვის რომის მცხოვრებნი იმდენად ღრმად ჩაეფლენ უცოდინრობის ჭაობში და იმდენად დაივიწყეს საკუთარი ისტორია, რომ კონსტანტინე დიდის მძვინვარე ქალიშვილს წმინდანის დარად პატივსაც მიაგებდნენ, უნებლიედ შეცვალეს რა მისი სახელი — კონსტანცათი“.⁴





შენიშვნები:

- ¹ დიადემა — სამეფო გვირგვინი თავზე პირველად კონსტანტინე I დაიდგა.
- ² ვეტრანიონი — ილირიაში (ბალკანეთის ნახევარკუნძულის ჩრდილო-დასავლეთი ნაწილი) განლაგებული რომაული ლეგიონების მეთაური. 350 წელს ჯარმა იგი იმპერატორად გამოაცხადა. ვეტრანიონი გამოცდილი მეომარი იყო, მაგრამ ცხოვრებაში უეშმაკო და უბრალო ადამიანი გახლდათ. 350 წელს კონსტანტიუს II და ვეტრანიონმა ქ. სერდიკას მახლობლად შეხვედრა დათქვეს. ორივე იმპერატორი თავისი ჯარის თანხლებით მივიდა. ცბიერმა კონსტანტიუს II მოახერხა ვეტრანიონის ქვეშევრდომები თავის მხარეზე გადმოებირებინა. ამის შემდეგ ჯარმა უზურპატორ ხელისუფალთა განდევნა და მმართველობის კონსტანტიუსისთვის გადაცემა მოითხოვა. ვეტრანიონმა იმპერატორის ტიტულზე ნებაყოფლობით განაცხადა უარი.
- ³ კონსტანტინე დიდის შუათანა ვაჟი — კონსტანტიუს II — ძმებში ყველაზე ეშმაკი და მოხერხებული იყო. ბედიც ყველაზე მეტად მას წყალობდა. თანდათანობით მან ორივე ძმა ჩამოიცილა, შემდეგ კი ახლადმოკლენილი უზურპატორებიც განდევნა პოლიტიკური სარბიელიდან. ყველაზე ადრე კონსტანტინე დიდის უფროსი ვაჟი — კონსტანტინე II დაილუპა უმცროსი ძმის — კონსტანსის წინააღმდეგ ბრძოლაში (340წ.). შედეგად ამ უკანასკნელის ხელში იმპერიის მთელი დასავლეთი ნაწილი აღმოჩნდა. კონსტანსისა და კონსტანტიუს მეორის დაპირისპირება, რომელიც იმპერიის აღმოსავლეთ ნაწილს განაგებდა, მთელი ათი წელი გრძელდებოდა. 350 წელს კონსტანსი თავისივე მთავარსარდალმა მაგნენტიუსმა მოკლა. რომის იმპერიას კიდევ ერთი, წარმოშობით ფრანგი უზურპატორი — მაგნენტიუსი მოეწვინა. კონსტანტიუს II მაგნენტიუსს პანონიაში ომი გამოუცხადა. უზარმაზარ ბრძოლაში, რომელშიაც 54 000 მეომარი დაილუპა, მაგნენტიუსი დამარცხდა. 353 წელს მან თვითმკვლელობით დაასრულა სიცოცხლე. გზა ერთმმართველობისაკენ კონსტანტიუს მეორისთვის თავისუფალი გახდა.

⁴ Федорова Е. В., Императорский Рим в лицах, Москва, 1979, 209.





გაღოს კლასიკა

გალა პლაციადია რომის ისტორიის ერთ-ერთი ყველაზე თვალსაჩინო და საინტერესო ფიგურაა. ოცდახუთი წლის მანძილზე მართავდა იგი დასავლეთ რომის იმპერიას. ეს პერიოდი სახელმწიფოსთვის, ალბათ, ყველაზე რთული და მძიმე ხანა იყო. დასავლეთ რომის იმპერია თავის უკანასკნელ დღეებს ითვისებდა. გალა პლაციადიას გარდაცვალებიდან 26 წლის შემდეგ, ახ.წ. 476 წელს იმპერია შეწყვეტს თავის არსებობას.

გალა პლაციადია აღმოსავლეთ რომის იმპერიის მმართველის — თეოდოსიოს I და გალას ქალიშვილი იყო. იგი 390 წელს დაიბადა. ოჯახში კიდევ ორი ვაჟიშვილი იზრდებოდა — არკადიუსი და ჰონორიუსი, შემდგომში ერთი — აღმოსავლეთ რომის იმპერიის, მეორე კი — დასავლეთ რომის იმპერიის მბრძანებელი გახდა.

თეოდოსიოს I მმართველობის დროს (IV ს-ის დასასრულს) უკვე აშკარად იჩინა თავი იმ წინააღმდეგობებმა, რომლებიც კარგა ხანია ღრღნიდა იმპერიას. საშინაო მდგომარეობა სახელმწიფოში ერთობ რთული იყო. საშინელი საფრთხე ემუქრებოდა გარედანაც. ამ ორი ბოროტებიდან უფრო არსებითი შინაგანი კრიზისი იყო, რომელმაც ყველაფერი მოიცვა. საგრძნობლად შესუსტდა იმპერიის ინტელექტუალური ძლიერება. ეცემოდა ზნეობა, ხდებოდა ტრადიციულ ღირებულებათა ძირეული გადაფასება. აღარავის აინტერესებდა მეცნიერება, სერიოზული ლიტერატურა, ფილოსოფია. ერთმანეთის მიყოლებით იხურებოდა სასწავლებლები და ბიბლიოთეკები. არც დიდი პოეტები და დიდი ისტორიკოსები ჩანდნენ სადმე. ამიანუს მარცელინუსი იყო რომის უკანასკნელი ღირსშესანიშნავი ჟამთააღმწერელი. დიადისა და ამაღლებულის სანაცვლოდ ხალხი მდაბიურ თეატრალურ სანახაობას მიეტიანა, პოპულარობა მოცეკვაეებმა, მუსიკოსებ-



მა, მიმიკურმა მსახიობებმა მოიპოვეს. ყოფილმა ინტელექტუალურმა ელიტამ კი ფუქსავატური ცხოვრება იწყო. ღირებულებათა ცვლამ უსაქმურობა, ამპარტავნობა და ცუდმედიდურობა დაამკვიდრა. ფართოდ მოიკიდა ფეხი ათასგვარი ჯურის ცრურწმენებმა. სახე იცვალა წარჩინებულთა წრეებში, მასში ეთნიკურად ბარბაროსი დიდგვაროვანთა ფენა მომძლავრდა.

საგარეო თვალსაზრისით იმპერიის მდგომარეობა უკიდურესად დაძაბული იყო. ბარბაროსთა ტომები ქვეყანას გამუდმებით, თითქმის ყოველი მხრიდან უტევენ. სახელმწიფოს სამხედრო ძალა სულს ლაფავდა. ჯარის სისუსტეს ერთგვარად ძველი ღირებულებების დაკარგვაც განაპირობებდა. პატრიოტიზმის ცნება რომაელებში აღარ არსებობდა. წარჩინებული რომაელები არა თუ თავად არ მიდიოდნენ საომრად, ჯარში თავიანთ მონებსაც აღარ უშვებდნენ. ამგვარ ვითარებაში გამოსავალი ერთადერთი იყო — იმპერიის არმია უცხო ტომელებისგან უნდა შეექმნათ. პარადოქსია, მაგრამ ფაქტია, რომ რომის იმპერია ბარბაროსებისაგან თავს თავად ბარბაროსთა მეშვეობით იცავდა. სახელმწიფოს ყველა სტრუქტურაში და არა მარტო ჯარში, მძლავრად იკიდებდნენ ფეხს ეთნიკურად ბარბაროსული წარმომავლობის ადამიანები. IV საუკუნის ბოლოსთვის ეს პროცესი, რომელიც გაცილებით ადრე დაიწყო, ნათლად გამოკვეთილი და ყოფილიყო მკვეთრი გახდა. ამასთან იგი რომაულ სამყაროში ბარბაროსული ელემენტის უკიდურესი მომძლავრების უკანასკნელი ეტაპი გახლდათ. ცოტაც და რომი ბარბაროსთა ხელით დაეცემა...

თეოდოსიოს I ენერგიული, კარგი მთავარსარდალი და საკმაოდ გამჭრიახი ადამიანი იყო. იგი დროულად მიხედა, რომ იმპერიას მხოლოდ ერთი პოლიტიკური კურსი გადაარჩენდა — ბარბაროსებთან საერთო ენის მოძებნა. მართლაც იგი მოელაპარაკა გოთებს და მათი დახმარებით იმპერიის საზღვრებთან მრავალრიცხოვანი მლელვარება ჩაახშო. ამასთან თეოდოსიოსმა გოთები თავის ჯარში შეიყვანა და ვითარცა ფედერატები, დუნაის ქვედა წელში დაასახლა. ეს რომ ბრძნული პოლიტიკა იყო, განსაკუთრებით ნათლად მისი შემკვიდრების დროს გამოვლინდა.

395 წელს თეოდოსიოს I გარდაიცვალა. მცირე ხნით გაერთიანებული იმპერია მან ისევ ორად გაჰყო, და თითოეულ შვილს იმპერიის თითო ნაწილი გადასცა სამართავად. არკადიუსის — აღმოსავლეთის ნაწილის მმართველის სამეფო რეზიდენცია კონსტანტინოპოლში იყო, ჰონორიუსის — დასავლეთ რომის იმპერიის მმართველის კი — რავენაში (ამ დროისთვის დასავლეთ რომის იმპერიის სამეფო რეზიდენცია უკვე რავენაში და არა რომში მდებარეობდა). ჰონორიუსისა და არკადიუსის და — გალა პლაციდია კი რომში ცხოვრობდა.

გალა პლაციდიას აღზრდაში დიდი წვლილი მიუძღვოდა სერენას. იგი



მისი ბიძაშვილი — თეოდოსიოს პირველის ძმის — ჰონორიუსის ქალიშვილი იყო. თავგამოდებული ქრისტიანი სერენა რომში წარმართობის დასაბოხობად იღვწოდა. ქრისტიანმა ქალმა დიდი გავლენა იქონია გალას რელიგიური მრწამსის ჩამოყალიბებაში. მის მსგავსად გალამ ქრისტეს სჯული აღიარა. თეოდოსიოსის ქალიშვილის რელიგიურმა მსოფლმხედველობამ განსაკუთრებული როლი ითამაშა შემდგომში, მაშინ, როცა გალა პლაციდიას ხელში ქვეყნის მმართველობა აღმოჩნდა.

სერენას მეუღლე, ეთნიკურად გერმანელი სტილიქონი, სასახლის კარზე უპირველესი მნიშვნელობის ფიგურა იყო — მას იმპერატორ ჰონორიუსის მეურვეობა ჰქონდა დაკისრებული. მამის გარდაცვალების დროისთვის ჰონორიუსი ჯერ კიდევ საკმაოდ ახალგაზრდა იყო, ამიტომაც სახელმწიფოს რეალური მართვა სტილიქონს უხდებოდა. კარგი ორგანიზატორი სტილიქონი, უპირველეს ყოვლისა, უძლიერესი მთავარსარდალი გახლდათ. მისი წყალობით ახერხებდა რომის იმპერია ბარბაროსთა შემოსევებისგან თავის დაცვას. მაგრამ ბედის ირონიით სწორედ ეს უნიჭიერესი მხედართმთავარი ემსხვერპლა სასახლის კარზე მონყობილ ინტრიგებს. რომაელთა სავალალოდ, სტილიქონი შეთქმულებმა სიცოცხლეს გამოასალმეს. რომმა თავისი უკანასკნელი დამცველი დაკარგა. საფრთხე იმისა, რომ რომს ბარბაროსები დაიპყრობდნენ, ახლა სრულიად რეალური შეიქნა.

ბარბაროს ტომთა შორის რომაელებისთვის ყველაზე სახიფათო ამ დროისთვის ვესტგოთთა ტომი გახლდათ. ეს გოთების სწორედ ის ტომი იყო, რომელთანაც თეოდოსიოს I ასე კარგად ჰქონდა მოგვარებული ურთიერთობა. მაგრამ მისმა შვილებმა, თავიანთი თავის და სახელმწიფოსდა საუბედუროდ, მამის ბრძნული პოლიტიკა აღარ გააგრძელეს. მისი ვაჟიშვილები, რომლებიც განცხრომით ცხოვრობდნენ, იმპერიის ორივე ნაწილის დალუპვას შეუდგნენ. მათ დამხმარე ჯარებს (ე.ი. გოთებს) გაუუქმეს ჩვეული ძღვენი. გოთებმაც მალე შეიძულეს ისინი და იმის შიშით, რომ ხანგრძლივ მშვიდობას მათი ძალები არ დაესუსტებინა, მზრძანებლად ალაირიბი აირჩიეს, — გვამცნობს ისტორიკოსი იორდანისი (იორდანისი, „გეოტიკა“, 146).

ალარიხმა მტკიცედ დაისახა მიზნად, რომი დაეპყრო. სტილიქონის გარდაცვალებამ მას ხელ-ფეხი გაუხსნა — მართლაც, აღარიხმა ორჯერ მოაქცია რომი ალყაში, მაგრამ მონინალმდეგესთან მოლაპარაკების შემდეგ ორივეჯერ უკან გაბრუნდა. ბოლოს იგი მიხვდა, რომ ჰონორიუსთან თათბირი სასურველ შედეგს ვერ გამოიღებდა, ამიტომ შესამედ დალაშქრა რომი. ამჯერად მან აიღო მარადიული ქალაქი. რომის ქუჩებში ბარბაროსთა ჯარებმა შეაბიჯეს. ეს 410 წლის 10 აგვისტოს მოხდა. იმპერატორ ჰონორიუსს, როგორც გადმოგვცემენ, რომის დაპყრობა მიანიცდამინიც არც



გალა პლაციდია



ანალვლებდა. იგი ამ დროს თავის სატახტო ქალაქში — რავენაში იმყოფებოდა.¹ ქალაქის გასაძარცვად მეომრებს აღარჩნება სამი დღე მისცა, მაგრამ ხალხის დახოცვა და წმინდა ადგილების შებილწვა აუკრძალა. სამი დღის შემდეგ ბარბაროსებმა მართლაც დატოვეს ქალაქი. თან ნაიღეს უზარმაზარი ნალაფევი, წაასხეს ათასობით ტყვე. მათ შორის იყო იმპერატორის და — ოცდაერთი წლის ულამაზესი გალა პლაციდია. თუ ტრადიციას ვერწმუნებით, ბარბაროსები მას ღირსეული პატივით ეპყრობოდნენ.

ამასობაში მოვლენები საოცარი სისწრაფით განვითარდა. იმავე — 410 წელს აღარჩი გარდაიცვალა. ხელისუფლება მისი ნათესავის — ატაულფის ხელში გადავიდა. ამჯერად ატაულფი გაემართა რომისკენ, დაიპყრო ქალაქი და მკალივით გადაუარა მას. მძარცველნი ამჯერადაც უღმობელნი აღმოჩნდნენ.

მალე გოთების ბელადს — ატაულფს ტყვედ აყვანილი გალა პლაციდია შეუყვარდა და მისი ცოლად მოყვანა განიზრახა. წყაროების მიხედვით, თავდაპირველად გალა პლაციდიას ვესტგოთის ცოლობა არ უნდოდა, მას, ვითარცა რომაელ იმპერატორთა შთამომავალს, ბარბაროსის ცოლად თავი ვერ წარმოედგინა. მიუხედავად ამისა, იგი მაინც დაქორწინდა ატაულფზე. შემდეგ კი, როგორც გადმოგვცემენ, გოთთა ბელადი შეუყვარდა კიდევ. ატაულფი „გარეგნულადაც და ჭკუითაც სხეებისაგან გამოირჩეოდა, რამეთუ იგი აღარჩის ჩამოჰგავდა და თუმცა მისი სიმაღლე არ იყო, სხეული მასავით მშვენიერი, ხოლო სახე აღარჩივით სათნო ჰქონდა“ (იორდანისი, „გეთიკა“, 158).

ატაულფი რომის მიმართ აღარჩისგან განსხვავებულ პოლიტიკას ატარებდა. მან იმპერიასთან მშვიდობიანი და კეთილგანწყობილი ურთიერთობა არჩია. ვესტგოთები იტალიიდან გაიყვანა და თავადაც არ მოისურვა იმპერატორი გამხდარიყო. რატომ? რა იდგა ამის უკან?

ოროზიუსის გადმოცემით, თავდაპირველად ატაულფს, დიახაც სნადა, რომი გოთების იმპერიად ექცია, თავად კი ოქტავიანუს ავეუსტუსის დარი მოღვანე გამხდარიყო. მაგრამ შემდეგ იგი მიხვდა, რომ გოთებს თავიანთი თანდაყოლილი ველური ზნის გამო არ ძალუძდათ კანონმორჩილნი ყოფილიყვნენ. კანონების გარეშე კი, აბა, რა სახელმწიფო შეეძლო აემუნებინა. ამიტომ ატაულფმა საბოლოოდ უარი თქვა თავის სურვილზე და არჩია ისტორიაში ამაღორძინებლის სახელით შესულიყო. იგი ფიქრობდა, რომ რომის სახელმწიფოს გოთების მეშვეობით აღორძინებდა და შთამომავლობის მესხიერებაში იმპერიის აღორძინების მოთავედ დარჩებოდა (იორზიუსი, „ისტორია“, VII, 43, 2-8). იმავე ისტორიკოსის აზრით, ატაულფის პოლიტიკას დიდწილად მისი ცოლი — გალა პლაციდია წარმართავდა. „ეს ძალზე ჭკვიანი და საკმარისად რელიგიური ქალი ატაულფს კეთი-



ლი საქმეებისკენ უბიძგებდა" (ოროზიუსი, „ისტორია“, VII, 43, 2-8). იქნებ გალას გავლენა გადამწყვეტიც კი იყო...

ატაულფთან დანათესაებით ყველაზე მეტად ჰონორიუსმა იხიირა. ატაულფის დახმარებით იმპერატორმა რომს დაუბრუნა პროვინცია გალია, რომელიც ამ დროს უზურპატორმა იოვინმა იგდო ხელთ. ამის შემდეგ დაუღალავი ატაულფი ესპანეთის დასალაშქრად გაემგზავრა. რომისთვის ეს უმნიშვნელოვანესი პროვინცია ნელა-ნელა იმპერიის გავლენის სფეროდან გამოდიოდა. მან აიღო ქალაქი ბარცელონა და იქ გალასთან ერთად დასახლდა. აქვე გარდაიცვალა მათი ჩვილი ვაჟიშვილი — თეოდოსიოსი. მაგრამ ცოლ-ქმარს ერთად ცხოვრება აღარ ეწერა. 415 წელს ატაულფი თვისტომებმა მოკლეს. მიზეზი მისი მკვლელობისა ერთი იყო — ბელადის პოლიტიკა ვესტგოთებს არ მოსწონდათ — რომის იმპერიასთან მშვიდობიანი ურთიერთობა მათ არაფრით არ სურდათ. „რამეთუ ატაულფი თავისი ცოლის რჩევებსა და წინადადებებს, დაეცვა მშვიდობა, დიდი გულმოდგინებით ასრულებდა, სწორედ ამიტომ მოკლეს იგი ესპანელთა ქალაქ ბარცელონაში. ატაულფი მისივე თვისტომებმა მზაკვრულად გამოსალმეს სიცოცხლეს,“ — ასკენის ოროზიუსი (ოროზიუსი, „ისტორია“, VII, 43, 8).

ქმრის მკვლელობის შემდეგ ვესტგოთთა რომაელ დედოფალს უმძიმესი დღეები დაუდგა. უზურპატორმა სინგერიხმა — ვესტგოთების ახალმა წინამძღოლმა — გალა არა მარტო გააძევა სასახლიდან, არამედ აიძულა, სხვა ტყვეებთან ერთად ფეხით 12 მილი გაეეღო.² თავად სინგერიხი მას ცხენზე ამხედრებული გვერდით მიჰყვებოდა.

სინგერიხის მმართველობა მხოლოდ შვიდი დღე გაგრძელდა. მერვე დღეს იგი მოკლეს. ვესტგოთების მბრძანებელი ვალია გახდა. იმპერატორმა ჰონორიუსმა ვალიასთან მოლაპარაკება გადაწყვიტა. ბუნებრივია, რომის იმპერატორს ძალიან უნდოდა, რომ ვესტგოთთა ახალ ბელადს არ დაერღვია ის ხელშეკრულება, რომელიც მას ატაულფთან ჰქონდა დადებული. გარდა ამისა, ჰონორიუსი მონადინებული იყო, თავისი და — გალა ბარბაროსთა სამარცხვინო ტყვეობიდან გამოეხსნა. ვალიასთან მოსალაპარაკებლად მან თავისი მხედართმთავარი კონსტანტიუსი გააგზავნა, რომელიც გალა პლაციდიას კარგა ხანია, ჯერ კიდევ გათხოვებამდე მყვარობდა. იმპერატორმა პირობა მისცა კონსტანტიუსს, რომ თუ იგი მისი დის სამშობლოში დაბრუნებას რამენაირად მოახერხებდა, გალას ცოლად აუცილებლად შერთავდა. კონსტანტიუსმა იმპერატორის ორივე დავალებას წარმატებით გაართვა თავი. გადაწყდა, ვესტგოთები კვლავ იმპერიის მოკავშირეებად დარჩებოდნენ. მაგრამ, უფრო მთავარი კონსტანტიუსისთვის მეორე დავალების აღსრულება იყო — მან გოთებისგან გალა პლაციდია გამოისყიდა. ვესტგოთების ახალმა ბელადმა რომაელი ქალი 600 000 ფუთ³ ხორბალში გაცვალა.



გალა პლაციდია



როგორც იქნა დასრულდა ვესტგოთთა ყოფილი დედოფლის ტყვეობა და იგი ძმასთან — რავენაში დაბრუნდა. მალე, 417 წელს ჰონორიუსმა მიცემული პირობის თანახმად გალა პლაციდია კონსტანტიუსს გააყოლა. ქორწინება გალას არ სურდა. მაგრამ შემდგომში ცოლ-ქმარს ცუდი ურთიერთობა არ ჰქონიათ. როგორც წყაროები მოგვითხრობენ, ამას მათი მსგავსი პოლიტიკური შეხედულებანი განაპირობებდა. უმთავრეს საკითხებში ისინი მორიგებას ახერხებდნენ. კონსტანტიუსს და გალას ორი შვილი ეყოლათ — ვაჟიშვილი ვალენტიანიუსი და ქალიშვილი ჰონორია. 421 წელს ჰონორიუსმა თავისი სიძე ავგუსტუსად გამოაცხადა, რაც იმას ნიშნავდა, რომ კონსტანტიუსი მან თანამმართველად დანიშნა. ამიერიდან მას კონსტანტიუს III ეწოდა. შესაბამისად გალა პლაციდიამაც „ავგუსტას“ ტიტული მიიღო. მაგრამ კონსტანტიუს III მმართველობა უძლეური გამოდგა. იმავე წლის სექტემბერში იგი მოულოდნელად გარდაიცვალა.

ულამაზესი გალა პლაციდია მეორედ დაქვრივდა. ერთხანს ქვრივი დედოფალი შეილებთან ერთად ჰონორიუსის კარზე ცხოვრობდა. პიროვნულად ძალზე სუსტი და სრულიად უნიათო ჰონორიუსი მალე ჭკვიანი და პრაქტიკული გალას გავლენის ქვეშ მოექცა. როგორც ჩანს, გარკვეულ ძალებს ყოველივე ეს ძალიან არ მოსწონდათ. ამიტომაც ყველაფერი იღონეს, რომ იმპერატორი დისადმი მტრულად განეწყობოდა. ჩვენ არ ვიცით, როგორ მიაღწიეს მათ მიზანს, მაგრამ ფაქტი ერთია, 423 წელს გალა იძულებული გახდა რავენას სასახლის კარი დაეტოვებინა და შეილებთან ერთად კონსტანტინოპოლში წასულიყო (ოლიმპიოდოროსი, ფრ. 40). ჰყვებოდნენ სხვაგვარადაც. ჰონორიუსმა გალა საკუთარი ნების წინააღმდეგ გაუშვა რავენადან, რამეთუ დაირხა ხმა, თითქოს იგი დის მიმართ არაჯანსაღმა ვნებამ შეიპყრო. გალას გამგზავრების შემდეგ ჰონორიუსი მალე გარდაიცვალა. მას შემკვიდრე არ დარჩენია.

კონსტანტინოპოლის სამეფო ტახტზე თეოდოსიოს II — გალას ძმის-შვილი იჯდა. თეოდოსიოსი ჰონორიუსის მსგავსად ასევე სუსტი ნებელობის ადამიანი იყო. მას საყვარლები და მაღალჩინოსანი მოხელენი თავიანთ ნებაზე დაატარებდნენ, თავად იმპერატორი მხოლოდ მარიონეტის როლს თუ ასრულებდა. ჰონორიუსის გარდაცვალების შემდეგ ერთი პირობა თეოდოსიოს II ორივე იმპერიის გაერთიანება მოუხდა. გალა პლაციდია ენერგიულად ჩაერია სასახლის ინტრიგებში. ამ ზედმინევენით გონიერმა ქალმა სწორად გათვალა, რომ ახლა ჩამოკრა მისმა ჟამმა, მას რეალური შანსი ეძლეოდა, დასავლეთ რომის იმპერიის ფაქტობრივი მმართველი გამხდარიყო. მაგრამ ამისთვის გალას უნდა დაერწმუნებინა თეოდოსიოს II, რომ მას გალას ვაჟიშვილი — ვალენტიანიუსი ავგუსტუსად გამოეცხადებინა. ამით თეოდოსიუსი ხომ ვალენტიანიუსს დასავლეთ რომის მბრძანებლობას მისცემდა. მართლაც გალამ მოახერხა თეოდოსიოსის და-



თანხმება და ვალენტიანიანუსი ავგუსტუსად იქნა დასახელებული (424-25 წ.). თავად მან კვლავ მიიღო „ავგუსტას“ ტიტული, ამჯერად თეოდოსიოს მეორისგან. ახლა გალა პლაციდიას თამამად შეეძლო, რომში დაბრუნებულიყო. და მართლაც, რომში 425 წელს შეიძინა ვალენტიანიანუსი იმპერატორად აკურთხეს, გალა კი მის მეურვედ დანიშნეს. ეს იმას ნიშნავდა, რომ იმპერიის დასავლეთი ნაწილის ფაქტობრივი მმართველი გალა პლაციდია შეიქნა.

დღეს მეცნიერები გამოთქვამენ მოსაზრებას, რომ გალა პლაციდიას არ გააჩნდა არც საკმარისი ჭკუა და არც ხასიათის ის თვისებები, რომლებიც დანგრევის პირას მდგომი რომის სახელმწიფოს გადასარჩენად იყო აუცილებელი. მართლაც, ქვეყანაში არსებული უმძიმესი მდგომარეობა გალასთვის დაუძლეველი გამოდგა. საქმეს განსაკუთრებით ართულებდა სასახლის კარის გამუდმებული ინტრიგები. ინტრიგებს ორი ძალა წარმართავდა — აქ ორი გამოჩენილი მთავარსარდალი — ბონიფაციუსი და აეტისი უპირისპირდებოდნენ ერთმანეთს. უფრო ძლიერი ფიგურა უდავოდ აეტისი იყო. გოთებთან და პუნებთან მძველობაში გაზრდილი აეტისი ზედმიწევნით კარგად იცნობდა ბარბაროსთა სამხედრო ხელოვნებას. სწორედ ამ ცოდნის მეშვეობით 30 წლის მანძილზე მან ბარბაროსთა ტომები არაერთხელ დაამარცხა და ბრწყინვალე სამხედრო კარიერა გაიკეთა. სამხედრო ოპერაციებს აეტისი უმთავრესად გალიაში წარმართავდა და საკმაოდ წარმატებულადაც. სწორედ მისი წყალობით დარჩა გალიის პროვინცია ისევ იმპერიის შემადგენლობაში.

ბონიფაციუსი კი აფრიკაში ლაშქრობდა. გოთ-ფედერატებთან ერთად ისიც წარმატებით ატარებდა იმპერიის ინტერესებს. მაგრამ 427 წელს იმპერიამ რატომღაც ბონიფაციუსის წინააღმდეგ ჯარები გადმოისროლა. მიზეზების შესახებ წყაროები დუმან. არ არის გამოჩენილი, რომ ამაში მისი მეტოქის — აეტისის ხელი ერია. ამ დროს აფრიკაში ვანდალებიც გამოჩნდნენ. საბრძოლო ასპარეზზე მათი გამოსვლის შესახებ ორი ვერსია არსებობს. ზოგი წყაროს თანახმად, შეურაცხყოფილმა ბონიფაციუსმა დასახმარებლად ესპანეთში მყოფ ვანდალთა ტომს უხმო და აფრიკაში გადმოიყვანა. სხვების გადმოცემით, ბონიფაციუსს ვანდალებისთვის არ მიუმართავს და მათი გადმოსვლა აფრიკაში უბრალოდ დროში დაეშთხვა რომაელთა ჯარის ჩამოსვლას. ფაქტი ერთია, ბონიფაციუსი ვანდალებს ბრძოლით შეეგება. მაგრამ ვერც მან, ვერც რომაელების არმიამ ვანდალები ვერ დაამარცხა. შედეგი კი სავალალო იყო — რომმა თავისი უმნიშვნელოვანესი პროვინცია — აფრიკა დაკარგა. თანამედროვე მეცნიერთა შეფასებით ამ უზარმაზარი მარცხის მიზეზი გალა პლაციდიას არასწორი და უნათო პოლიტიკა გახლდათ. კერძოდ კი ის, რომ გალამ ვერ შეძლო აელგამა თავისი მხედართმთავრების ამბიციები, წერტილი დაესვა მათი



გალა პლაციდია



ურთიერთქიშპობისთვის და მათი ნიჭი რომის იმპერიის საკეთილდღეოდ წარემართა. 432 წელს ბონიფაციუსს რომში უხმეს. ამჯერად ავეგუსტა თავდაუზოგავად იღვწოდა, რომ დაპირისპირებულ მხარეთა შორის წონასწორობა დამყარებინა. ყოვლადძლიერ აეტიუსს, მისი გავლენის შესამცირებლად, იმპერატრისამ ბონიფაციუსი დაუპირისპირა. მაგრამ გალას პოლიტიკამ კვლავ მარცხი განიცადა და მხარეთა განწინასწორების ნაცვლად მათი შეტაკება გამოიწვია. შეტაკება ლამის ომში გადაიზარდა. ომში ბონიფაციუსი დამარცხდა და 432 წელს გარდაიცვალა. ამჯერად აეტიუსის ხელში მართლაც მმართველობის ყველა სადავე აღმოჩნდა. საბოლოოდ, აეტიუსის მოღვაწეობამ რომის იმპერიას სარგებელი მოუტანა — მისმა სამხედრო დიდოსტატობამ იმპერიას სიცოცხლე გაუხანგრძლივა. მაგრამ ამასთან ერთად სახელმწიფო მმართველობაში გალას ძალუფლება შეასუსტა.

გალა პლაციდიას მჭიდრო ურთიერთობა ჰქონდა ეკლესიასთან. რთულ მდგომარეობაში ჩაეარდნის, მას ეკლესიისთვის დასახმარებლად არაერთხელ მიუმართავს. ეკლესიის ავტორიტეტის გამოყენებით ავეგუსტა საქმეების მოგვარებას და სახელმწიფოს დაცვას ცდილობდა. ამასთან ერთად გალა პლაციდია საკანონმდებლო საქმიანობითაც იყო დაინტერესებული.

437 წელს გალას ვაჟიშვილი ვალენტიანიუს III ევდოქსია მეორეზე დაქორწინდა. ამის შემდეგ გალა პლაციდია შედარებით ჩამოსცილდა სახელმწიფო სარბიელს და უფრო მეტად საეკლესიო მოღვაწეობას მიჰყო ხელი. მან არაერთი ეკლესია ააშენა და მორთო რავენასა და რომში. გალა 450 წელს რომში გარდაიცვალა. მისი ცხედარი შემდეგ რავენაში გადასვენეს და იქ დაკრძალეს.

რომის იმპერიის გადარჩენა, ალბათ, უკვე აღარაეის შეეძლო — არც გალა პლაციდიას და არც სხვას. 476 წლის 23 აგვისტოს რომის იმპერიის უკანასკნელ დღედ მიიჩნევენ.





შენიშვნები:

¹ ამბობენ, თითქოს პონორიუსს რომის დალუპის შესახებ ფრინველების მომვლელმა ამცნოო.

„რას ამბობ, ჩემი ხელით ცოტა ხნით ნინ ვაჭამე მას,“ — წამოიძახა პონორიუსმა (პონორიუსს ჰყავდა მამალი სახელად რომი. ლათ. Roma, როგორც ერქვა ქალაქ რომს). საჭურისი მიხვდა, რომ იმპერატორი თავის მამალზე ლაპარაკობდა, ამიტომ დაუზუსტა, რომ იგი ქალაქი რომის დაცემის შესახებ ატყობინებდა. მაშინ პონორიუსმა შეეხებოდა ამოისუნთქა და როგორც ამბობენ, განაცხადა: „ჩემო მეგობარო, მე კი გავიფიქრე, რომ ჩემი მამალი დაიღუპაო“.

² მილი — mille passuas = 1480, 00 მ.

³ ფუთი — რუსული ხალხური საწყობი მარცვლეულის და მისთ. = 16, 3 კგ.





ჰონორიას

ჰონორია გალა პლაციდიასა და კონსტანტიუს III ქალიშვილი იყო. დაბადა რავენაში 417 წელს. 433 წელს მას „ავგუსტას“ ტიტული უბოძეს.

ჰონორია ლამაზი, მომხიბლავი და კექლუცი ქალი გახლდათ. მამრობით სქესსაც განსაკუთრებით სწყალობდა. მაგრამ მისი მდგომარეობა ხელს უშლიდა, უბრალო მოკვდავს გაჰყოლოდა ცოლად. ასე მაგალითად, როდესაც ჰონორიას სასახლის საქმეთა განმკარგავი ევგენიუსი შეუყვარდა, დედამისმა გალა პლაციდიამ არ დაუშვა, რომ მისი ქალიშვილი უბრალო მოხელის ცოლი გამხდარიყო და ამიტომ არასასურველი ქორწინების თავიდან ასაცილებლად იგი კონსტანტინოპოლის სამეფო კარზე გააგზავნა. იქ იმ დროს გალას ძმისშვილი — თეოდოსიოს II მეფობდა. თეოდოსიოსის ხელში კარგა ხანს ჰონორია განსაკუთრებულად მკაცრი მეთვალყურეობის ქვეშ იმყოფებოდა. ზედამხედველის გარეშე მას ერთი ნაბიჯის გადადგმასაც უკრძალავდნენ. ბუნებრივია, მამაკაცებთან ურთიერთობაზე ლაპარაკიც კი ზედმეტი იყო. ჰონორიას ამგვარი „ტყვეობა“ დაახლოებით ათ წელს გაგრძელდა. მაგრამ წლების მიუხედავად, ავგუსტას ზნის მოდრეკა მაინც ვერ მოახერხეს. თავისუფლებისმოყვარე ჰონორიას პრინციპულად არ სურდა, მთელი სიცოცხლე შინაბერად დარჩენილიყო. და როდესაც საბოლოოდ ყველაფერი ყელში ამოუვიდა, „რომის პრინცესამ“ ძალზე გაბედული, თუმცაღა ფრიად გაუაზრებელი ნაბიჯი გადადგა.

ჰონორიამ ჰუნების ბელადთან — ატილასთან საჭურისი გააგზავნა. საჭურისმა ჰუნთა მეფეს ჰონორიას ნიშნობის ბეჭედი გადასცა და განუცხადა, რომ ავგუსტა მას თავის ხელს და შესაბამისად, მზითვასაც — რომის იმპერიის მის კუთვნილ წილს სთავაზობდა (444 წ.).

ატილას დიდი ძალაუფლება ჰქონდა. მისი მმართველობის ქვეშ ბევრი



ბარბაროსი ტომი იყო გაერთიანებული. იგი რომის იმპერიის დაუძინებელი და ერთ-ერთი ყველაზე სახიფათო მტერი იყო. მან რამდენჯერმე დალაშქრა აღმოსავლეთ რომის პროვინციები ბალკანეთში და საბოლოოდ აიძულა თეოდოსიოს II მისთვის ყოველწლიურად უზარმაზარი ხარკი ეხადა. პუნთა ძლევამოსილი მეფის ყველას ეშინოდა. აი, როგორ გვიხასიათებს მას ისტორიკოსი იორდანისი: „ეს იყო კაცი, რომელიც ამ ქვეყანას იმისთვის მოეკლინა, რომ ხალხისთვის თავზარი დაეცა. უკლებლივ ყველა ხედავდა, თუ რა საშინელება იყო. არავინ იცის, რა განგების ძალით, თესდა იგი ირგვლივ ძრწოლასა და შიშს. მისი საზარელი სახელი შორს იყო გავარდნილი. ატილას მედიდური სიარული სჩვეოდა, ამ დროს იგი მზერას მრავალმნიშვნელოვნად ხან აქეთ, ხან იქით ტყორცნიდა ხოლმე. მისი სხეულის ყოველი მოძრაობა გამოხატავდა ძლევამოსილებას. ომის მოყვარული ატილა ბრძოლაში ზომიერებას იჩენდა, ამასთან მას განსაკუთრებულად სალად აზროვნება ახასიათებდა. კაცი სათხოვნელად ადვილად მიუდგებოდა. იგი ყოველთვის სწყალობდა იმათ, ვისაც თუნდაც ერთხელ მაინც ერწმუნა. ტანდაბალი, მკერდგანიერი, დიდთავა და წერილთვალემა პუნთა მეფე თავისი ჭალარაგარეული მეჩხერი წვერით, ჩაჭყლეტილი ცხვირითა და კანის უსაზიზრრესი ფერით — მოკლედ, მთელი თავისი გარეგნობით საკუთარი წარმომავლობის ყველა ნიშან-თვისებას ავლენდა“ (იორდანისი, „გეთიკა“, 182-183).

უნდა ითქვას, რომ ატილას პიროვნება მხატვრული შთაგონების წყაროდ იქცა. იგი ორი დიდი ეპოსის — ნიბელუნგებისა და ედების — გმირების ეტიკელის და ატილის პროტოტიპი შეიქნა.

„რომის პრინცესას“ შემოთავაზება ატილას ფრიად გაუხარდა. ეს ხომ მას იმის საბაბს აძლევდა, რომ იმპერიის მიწებზე პრეტენზია თამამად განეცხადებინა. პასუხად მან კონსტანტინოპოლის სამეფო კარზე შეიკრიბები წარგზავნა და საცოლის გადაცემა მოითხოვა, ამასთან არც ხარკის შესხენება დაავიწყდა. სამეფო კარმა ატილას წარგზავნილებს პონორიას მიცემაზე უარი განუცხადა. მაგრამ შეშინებულებმა, რამეთუ საკუთარ ტყავზე კარგად აქონდათ გამოცდილი პუნთა ბელადის ძალა, „პრინცესა“ სასწრაფოდ უკან, რავენაში გაისტუმრეს. ზოგიერთი ავტორის მიხედვით, იქ იმპერატორმა ვალენტინიანუს III ურჩი და სასწრაფოდ გაათხოვა და საიმედოდ გამოკეტა. იორდანისის თანახმად კი „პონორია მისი ძმის ნებით უბიწოების მდგომარეობაში სასახლის ღირსების გამო ჰყავდათ გამოწყვედილი“. იორდანისის კომენტარით პონორია პუნთა მეფეს იმიტომ დაუკავშირდა, რომ ატილას იგი ძმის ძალადობისგან ეხსნათ. მაგრამ ვალენტინიანუსის სისასტიკის გაკიცხვასთან ერთად, ისტორიკოსი არც პონორიას ამართლებს და მის ნაშოქმედარსაც ერთობ უღირს საქციელად მიიჩნევს. პონორია ხომ ავხორცობის უფლებას სახელმწიფოსთვის ბო-



როტის ქმნის საფასურად ყიდულობდაო, — ასკენის იორდანისი (იორდანისი, „გეთიკა“¹, 224).

სამეფო კარის უარმა ატილას ფარ-ხმალი ვერ დააყრევინა. 451 წელს მან რომს კვლავ განუცხადა, რომ საცოლვე და მისი მზითვი დაუყოვნებლივ გადმოეცათ და ჰუნთა ჯარები მათ წინააღმდეგ დაძრა. რომაელთა და ვესტგოთთა გაერთიანებულმა არმიამ ატილა კატალაუნის ველზე გამართულ უზარმაზარ ბრძოლაში დაამარცხეს. მაგრამ ატილა ცოცხალი გადარჩა და იტალიაში შემოიჭრა. მას შემდეგ რაც ჰუნთა ბელადმა იტალიის პროვინციები სასტიკად ააოხრა, იგი რომს მიადგა. რომში იმპერატორი ვალენტიანიანუს III იმყოფებოდა.

შეშინებულმა იმპერატორმა სასწრაფოდ გაგზავნა ატილასთან ელჩობა. ელჩობაში თავად რომის პაპი — ლეო I იღებდა მონაწილეობას. რაფაელის ცნობილ ტილოზე სწორედ მათი — პაპისა და ატილას შეხვედრაა გამოსახული. მონაწილეობაში მონაწილეობდა და რომი ბარბაროსთაგან აოხრებას გადაურჩა. ატილა ყოველწლიურ ხარკზე დაყაბულდა, თუმცა კვლავ დაემუქრა იმპერატორს, რომ იტალიას კიდევ უფრო დიდ უბედურებას მოუტანდა, თუ მას ჰონორიას მისთვის კუთვნილ საგანძურთან ერთად არ გადასცემდნენ.

სიცოცხლის ბოლომდე აგრძელებდა ატილა თავის მუქარას და საცოლეს დაჟინებით ითხოვდა. დასავლეთ რომის იმპერია აოხრებას მხოლოდ მისმა უეცარმა სიკვდილმა გადაარჩინა (453 წ.). ჰუნთა მეფე ქორნიების ლამეს იქნა მოკლული. გადმოცემის თანახმად სიცოცხლეს იგი თავად მისმა ახალგაზრდა ცოლმა — გერმანელმა ილდიკამ გამოასალმა და ამით ატილას მიერ ამოჟლეტილ თვისტომებზე იძია შური.

ჰონორია კი 454 წლის შემდეგ გარდაცვლილა.



ასვასია

ფურცელი

არსიწოე მორა

ფურცელი

კლემპატრა

ფურცელი

ლესგია

ფურცელი

კალპურნია

ქალები
რომლებიც
უყვანდნათ







სსპსსი

ათენის ისტორიის ბრწყინვალე ხანა ილეოდა. პერიკლე, ამ ხანის ერთ-ერთი უდიდესი შემოქმედი, მძიმე სენს შეეპყრო. ძვ.წ. 429 წელი იდგა და ათენში შავი ჭირი მძვინვარებდა. სამოც წელს გადაცილებულ მებრძოლს ასპასია უვლიდა. რა არ ილონა, მაგიის ძალაც კი სცადა, მიუხედავად იმისა, რომ სულ რამდენიმე წლის წინ კინალამ უღმერთოების მსჯავრი დასდეს. ლოგინად მივარდნილ პერიკლეს კისერზე თილისმა ეკიდა და როდესაც ოთახში შემოვიდნენ მისი მეგობრები, მან უმწეო ღიმილით დაანახა მათ ეს თილისმა. საუბრობდა იგი ჩურჩულით, და ისიც მძიმედ. მალე ყველას მოეჩვენა, რომ პერიკლემ გონება დაკარგა, ხოლო ოთახში თანატოლის სუსხმა დაჰბერა; მაგრამ საუბარს აგრძელებდნენ, ოღონდაც ისე, თითქოს პერიკლე უკვე მოკვდა. ისინი დანანებით მსჯელობდნენ იმაზე, თუ რა დიდებული ადამიანი ტოვებდა ამ ქვეყანას, იგონებდნენ მის მიერ მოგებულ ბრძოლებს, დაწესებულ დღესასწაულებს, აგებულ ტაძრებს და ისეთი შთაბეჭდილება იქმნებოდა, თითქოს იქ მყოფნი ეშვადებოდნენ დიპილონის კარიბჭის მიღმა არსებულ სახელოვან მოქალაქეთა სამაროვანთან სიტყვის სათქმელად.

პერიკლე კი ცოცხალი იყო და ყურს უგდებდა მათ საუბარს. მის მინავლებულ გონებაში ერთმა შეკითხვამ გაიელვა: „რა შეიძლება ითქვას შენზე, პერიკლე?“ იგი დაფიქრდა. მესხიერებაში მდინარესავით ჩაიქროლეს მოგონებებმა — ნათელმაცა და ქაოსურმაც. პერიკლეს პირადი ცხოვრების სურათები კი არ დაუდგა თვალწინ მხოლოდ, არამედ მთელი ქალაქისაც, იმ ქალაქისა, რომლის კეთილდღეობასაც ემსახურა თითქმის ნახევარი საუკუნე და რომლის დიდებასაც ისტორიამ მისი სახელი დაუკავშირა: ეს იყო ათენი — გამარჯვებულიც, დამარცხებულიც, სამართლიანიც, უსამართლოც, მაგრამ ათენი! თუმცა ეს მოხდა მოგვიანებით, ხოლო ახლა მისი სიცოცხლე ილეოდა... იზინდებოდნენ მოგონებებიც. წამით პერიკლემ გაახილა თვალები და ირგვლივ მყოფთა გასაგონად აღმოთქვა: „თქვენ

დაგვიწყნადო უმთავრესი... არცერთ ათენელ მოქალაქეს ჩემს გამო რომ არ ჩაუცვამს შავი სამოსი”.

იმ ხანად სამგლოვიარო სამოსს იცვამდა არა მხოლოდ ის, ვინც ახლობელს კარგავდა, არამედ ისიც, ვინც საკუთარ თავს შეურაცხყოფილად მიიჩნევდა. ეს კარგად იცოდა პლუტარქემ, რომელმაც ესოდენ ხატოვნად აღწერა პერიკლეს ცხოვრება, ხოლო ნათქვამი ასე განმარტა: „დაიხ, ამ კაცში საოცარია არა მხოლოდ უბრალოება და სისადავე, რომელიც მან შეინარჩუნა მთელი თავისი ცხოვრების მანძილზე, არამედ აზროვნების სათნოებაც; მას ხომ ყველაზე დიდ დამსახურებად მიაჩნდა ის, რომ ეკავა რა უმაღლესი თანამდებობა, არასოდეს დაუფლებია შური თუ რისხვა და არასოდეს მიუჩნევია ვინმე შეურიგებულ მტრად. ფიქრობ, მისი ცნობილი ზნობა, ესოდენ უშუალო და საამაყო, მან თავად დაიმსახურა და არც არავის აღძვრია შური მხოლოდ იმიტომ, რომ „ოლიმპიელი“ უნოდეს კაცს, რომელიც იყო უკეთილშობილესი სულით და რომლის ცხოვრებაც, მიუხედავად ძალმოსილებისა, დარჩა სუფთა და შეუბღალავი“ („პარალელური ბიოგრაფიები“, პერიკლე, XXIX).

აი, ასეთი იყო პერიკლე, რომელსაც ცხოვრების ბოლომდე უყვარდა პეტერა ასპასია. ძნელი სათქმელია, შემორჩებოდა თუ არა ისტორიას მისი სახელი, რომ არ შეხედროდა ამ დიდებულ ათენელს.

ასპასია, აქსიოქოსის ასული, წარმოშობით არ იყო ათენელი, თავდაპირველად მილეტოსში სახლობდა. პლუტარქეს თანახმად, იგი ერთ იონიელ დიაცს, ვინმე თარგელიას ჰბაძავდა და ყველაზე გავლენიან მამაკაცებს ეძლეოდა. თარგელია, გარეგნული მშვენიერებით აღსავსე და დიდი გაქანების ქალი, მრავალ ელინ კაცთან ცხოვრობდა და ყველას, ვისაც კი ახლო ურთიერთობა ჰქონდა მასთან, სპარსთა მეფის მხარეზე იბირებდა. მათი მეშვეობით კი, რადგან ისინი ჩინოსანნი და დიდგვაროვანნი იყვნენ, იზრდებოდა სპარსელთა გავლენა ელინურ ქალაქებში.

რაც შეეხება ასპასიას, იგი დანარჩენ პეტერათავან გამოირჩეოდა თავისი გონიერებით, სიბრძნითა და სახელმწიფო საქმეებში განსწავლულობით. მასთან მრავალი განათლებული ათენელი საუბრობდა სიამოვნებით. და უფრო მეტიც: კაცებს თურმე ასპასიასთან თავიანთი ცოლებიც კი მიჰყავდათ, რათა მათაც მოესმინათ ამ ბრძენი ქალის სჯა-ბაასი.

პლატონი თავის „მენექსენეში“ აღნიშნავს, რომ მჭევრმეტყველებით სახელმწიფეჭილ ასპასიასთან ურთიერთობის დამყარებას ათენში მრავალი კაცი ცდილობდა (235 მ). მალე იგი ისეთი ცნობილი და სახელოვანი გახდა, რომ სპარსეთის მეფისწულმა კიროსმა თავის უსაყვარლეს ხასას, უნინ რომ მიღტოს ეძახდნენ, ასპასია შეარქვა. მაგრამ იმასაც ამბობენ, რომ ასპასიას „საქმიანობა სულაც არ იყო მშვენიერი და ღირსეული: იგი მსუბუქი ყოფაცხვის ქალთა სახლს განაგებდაო“ (პლუტარქე, „პერიკლე“, XXIV).

აი, ასეთი იყო ასპასია, როცა პერიკლემ შეიყვარა. ხოლო მისი სიყვარული აღმოჩნდა მძაფრი და ხანგრძლივი, უკანასკნელიც. ათენის ოლიმპიელად შერაცხულ მბრძანებელს, მთელი ელადის ბედის განმგეს, რომელსაც ცოლიც ჰყავდა და ორი შვილიც, იმ დროისათვის ალბათ მოზე-





რდა ოჯახური საზრუნავები. იგი უკვე 50 წლისა იყო და, როგორც ყოველი მამაკაცი ამ ასაკში, ახლებურ განცდებს ეძიებდა. ცოლთან გაყრა კი ათენში ერთობ იოლი საქმე იყო, თუკი ეს ორმხრივ სურვილს ეფუძნებოდა. როგორც კი პერიკლემ შეუღლისაგან თანხმობა მიიღო, უმალ იზრუნა მის გათხოვებაზე — მოუნახა მდიდარი კაცი, ახლობელი, და გააყოლა. თავად კი შინ მოიყვანა ასპასია, თუმცა მასზე დაქორწინება ვერ შეძლო: ათენის მოქალაქეს მხოლოდ ათენის მოქალაქე უნდა შეერთო. ასე რომ, ასპასია პერიკლეს უკანონო ცოლად დარჩა ისტორიაში. პარადოქსია, მაგრამ ფაქტია, რომ პერიკლეს ინიციატივით ძ.წ. 451 წელს (სულ რალაც ხუთი წლით ადრე ასპასიას შინ მოყვანამდე) გამოიცა კანონი, რომლის თანახმადაც მხოლოდ ის პიროვნება ჩაითვლებოდა სრულუფლებიან მოქალაქედ, რომელსაც დედაც და მამაც ათენელი ეყოლებოდა. აქედან გამომდინარე, ასპასიას წარმომავლობა შეუძლებელს ხდიდა კანონიერ ქორწინებას, რადგანაც მისი მემკვიდრე ვერ იქნებოდა ათენის სრულუფლებიანი მოქალაქე. და არც პერიკლე ესწრაფოდა ამ ქორწინებას, უპირველეს ყოვლისა, ასპასიას მდაბიო წარმომავლობის გამო: მისი მამა იყო ვაჭარი, რომელმაც დაქვეითების გზაზე მდგარი მილეტოსიდან ბედის საცდელად გადმოინაცვლა ე.წ. საზღვაო კავშირის დედაქალაქში. ხოლო ათენში, ისევე როგორც ყველა დემოკრატიულ სახელმწიფოში, დიდად აფასებდნენ არისტოკრატიულ წარმომავლობას. ხალხი არასდროს აპატიებდა თავის ბელადს მდაბიო ქალზე დაქორწინებას.

პეტერასთან ერთად ცხოვრება კი სულ სხვა რამ იყო. ამას ათენელები, ისევე როგორც ძველი სამყაროს სხვა ხალხები, სრული შემყნარებლობით ეკიდებოდნენ. ამიტომ დიდსა და ხალხმრავალ ათენში სხვადასხვა ჯურის პეტერათა სიმრავლე იყო. ზოგი მათგანი დიდად განათლებული იყო, რის გამოც მასთან საუბარი საყოველთაო ინტერესსაც კი იწვევდა. ცნობილია, რომ სოკრატე ხშირად და სიამოვნებით საუბრობდა ასპასიასთან. და არა მხოლოდ სოკრატე. მთელი ათენი მიიჩნევდა მას ბრძენ ქალად. სწორედ ამიტომ ეშინოდა ყველას, რომ იგი თავისი გავლენის ქვეშ მოიქცევდა პერიკლეს. ეს შიში კიდევ უფრო განმტკიცდა მას შემდეგ, რაც ასპასიამ შვა უკანონო შვილი და მას პერიკლე შეარქვა.

«ყველას თვალწინ ეამბოვრება პერიკლე ასპასიას, როდესაც მიდის სახლიდან და როცა ბრუნდება», — ჩურჩულებდნენ დაინტერესებული პირები და ავრცელებდნენ ხმას, თითქოს დემოკრატიის ბელადს ასპასია უწერდა სიტყვებს, აძლევდა რჩევებს სხვადასხვა სახელმწიფოებრივი პრობლემის გადასაწყვეტად. განსაკუთრებით დაენაფა ამ თემას ატიკური კომედია, რომელსაც საზოგადოებრივ სამასხარაოზე გამოჰყავდა აღმდებულად მათივდებული მოქალაქეებიც კი. კომედიოგრაფოსმა კრატინოსმა ასპასიას «ახალი დედოფალი ომფალეც» კი უწოდა, რაც საკმაოდ შეურაცხმყოფელი უნდა ყოფილიყო პერიკლესათვის. მითოსის თანახმად, გმირი პერაკლე ემსახურებოდა რა პერას ბრძანებით დედოფალ ომფალეს, მრავალ შეურაცხყოფას იტანდა, მათ შორის — ეცვა ქალის სამოსი და დედოფლის ფეხებთან მატყლს რთავდა.

იმავე კრატინოსის ერთ-ერთი კომედიით კი ასეთი სიტყვები გაისმო-



ასპასია

და: „საზიზღარმა ავხორცობამ შვა მისი ჰერა — ასპასია, ძალღისთვალე-
ბა ხასა“ (The Fragments of Attic Comedy, Leiden, 1957, fr. 241). ძველი
ბერძნები ქალმერთ პერას დიდი მონივნითა და სიყვარულით უწოდებ-
დნენ „ხარისთვალეებს“, რადგან მიაჩნდათ, რომ ხარის თვალეები იყო სევ-
დიანი და უღამაზესი. ხოლო ასპასიას მოხსენიება „ძალღისთვალეა ხა-
სად“ მხოლოდ და მხოლოდ შეურაცხყოფელი უნდა ყოფილიყო.

რაც შეეხება პერიკლეს, იგი ყურადღებას არ აქცევდა ამგვარ გამოს-
ვლებს. ათენელებს ღრმად სწამდათ, რომ „სიეგორია“ („სიტყვის თავი-
სუფლება“) დემოკრატის ფუნდამენტი იყო.



ის, თუ რა გავლენა იქონია ასპასიამ პერიკლეზე, ზუსტად არავინ იცო-
და. არც ის იქნება მართებული, ამ საკითხზე ვისაუბროთ მას შემდგომ,
რაც ოცდახუთმა საუკუნემ განვლო. ისე კი, ყურადღებას იმსახურებს ერ-
თი ფაქტი: როდესაც მეგარის კავშირის ორი მონაწილე — სამოსი და მი-
ლეტოსი ერთმანეთს ეომებოდა მცირე აზიის სანაპიროზე მდებარე პატა-
რა სახელმწიფოსთვის და გამარჯვება სამოსელების მხარეს იხრებოდა,
ათენელებმა ბრძანეს, შეენყვიტათ ომი, რათა სადაო საკითხები სამედი-
ტორო სასამართლოზე განეხილათ. სამოსელებმა ყურად არ იღეს ეს ბრძა-
ნება. მაშინ პერიკლემ სახალხო საბჭოს მიაღებინა კუნძულ სამოსზე დამ-
სჯელი რაზმების გაგზავნის დადგენილება. ახლა ათენიც ჩაება ომში.

ხალხში ხმა დაიწია, პერიკლემ იმიტომ წამოიწყო ეს ომი, რომ ასპასი-
ას თავი უნდა მოაწონოსო. ხმას ძირითადად დემოკრატის მონიხალმდე-
გენი ავრცელებდნენ და ოლიმპიელის სიყვარულს პოლიტიკურ ელფერს
შმატებდნენ. განსაკუთრებით კომედიოგრაფოსები გააქტიურდნენ. მათი
თავდასხმები იმდენად უნმანური და მიუღებელი იყო, რომ ათენში არნა-
ხული რამ მოხდა: აიკრძალა ჯერ კიდევ ცოცხალ პიროვნებათა გამასხრე-
ბა თეატრის სცენიდან. კანონი მალე შეიცვალა, ამიერიდან თეატრის მმარ-
თველი არქონტი და თავად ხალხი უნდა ყოფილიყო შეუსხებელი. მაგრამ
არც ამ კანონს იცავდნენ კომედიოგრაფოსები.

ერთი შეხედვით, პერიკლე მართლაც მიღეტელებს თანაუგრძნობდა.
მიღეტოსი კი ასპასიას სამშობლო იყო. ამ ბრძოლაში მიღეტოსმა იმიტომ
გაიმარჯვაო — ასე ამბობდნენ — რადგანაც მან დასახმარებლად მიმარ-
თა თავის მშვენიერ ასულს, რომელიც მართაჟდა პერიკლეს, ხოლო მისი
სამშალებით ათენსაც და მთელ საზღვაო კავშირს.

ათენის შუამავლობის მთავარი მიზეზი კი, მარტივად რომ ვთქვათ, ის
იყო, რომ კუნძულ სამოსს განაგებდნენ არისტოკრატები. პერიკლეს კარ-
გად ესმოდა, თუ ათენსა და სპარტას შორის ომი დაიწყებოდა (და ომი
უკვე მზადდებოდა), არისტოკრატები სპარტას მიემხრობოდნენ. სამოსის
დაპყრობის შემდეგ ყველამ კარგად დაინახა, რომ სულ რაღაც ცხრა თვის
განმავლობაში პერიკლემ შეძლო დემოორჩილებინა საბერძნეთის ერთ-ერთი
უძლიერესი სახელმწიფო, რომელმაც კინაღამ წაართვა ათენს ზღვაზე
ბატონობის უფლება.

პერიკლესა და ასპასიას სახლში თავს იყრიდნენ იმ დროის ბრწყინვა-
ლე და ნიჭიერი ადამიანები. ასპასიას მეოხებით მათთვის უფრო იოლი იყო



ოლიმპიელთან მოხედრა და საუბარი. სტუმართა შორის გამოირჩეოდნენ ანაქსაგორა, პროტაგორა, სოკრატე, ფიდასი და სხვები. მართალია, პერიკლე მათ ადრევე იცნობდა, მაგრამ მათი მეგობრობა უფრო განმტკიცდა. სახელმწიფოებრივი მნიშვნელობის თემათა გარდა განსაკუთრებულ ინტერესს იწვევდა ფილოსოფიური საუბრები სამყაროს წარმოშობაზე, სიკვლეზე, ადამიანის დანიშნულებაზე, სიკეთეზე, სიყვარულზე და ძირითადად ამ საუბართა წარმმართველი სწორედ ასპასია იყო. პერიკლეს მტრები კი ფხიზლობდნენ. ესენი იყვნენ დემოკრატის მონინალმდევე არისტოკრატები, რომელთაც მოსვენებას არ აძლევდა პერიკლეს წარმატებები. მათ ეშინოდათ ოლიმპიელის წინააღმდეგ აშკარა ბრძოლის და ამიტომ დევნა დაუწყეს მის მეგობრებს. ფიდასი, რომელიც აკროპოლისის აღმშენებლობით სამუშაოებს ხელმძღვანელობდა, დაადანაშაულებს ქალწულ ათენას ქანდაკებისთვის განკუთვნილი ოქროს ნაწილის მითვისებაში. ხოლო როდესაც არ გამართლდა ცილისწამება, მკრეხელობაში დასდეს ბრალი. ფიდასის საპყრობილეში გარდაიცვალა.¹ ასე ამბობენ, ეს უდიდესი ხელოვანი პერიკლეს მტრებმა მონამლესო.

შემდეგ პერიკლეს მონინალმდევეება დევნა დაუწყეს მის მოძღვარს, ანაქსაგორას. აიძულეს სახალხო კრება, მიეღო დადგენილება იმათი დასჯის თაობაზე, რომლებიც არ სცნობდნენ ღმერთებსა და სწავლობდნენ ციურ მოვლენებს. ნათელი იყო, ეს დადგენილება ანაქსაგორას წინააღმდეგ იყო მიმართული, სწორედ იმიტომ, რომ იგი პერიკლესთან მეგობრობდა. ხოლო პერიკლემ იმდენი შეძლო, რომ გააპარა თავისი მოძღვარი ათენიდან.

მალე ცალთვალა კომედიოგრაფოსმა პერშიპოსმა, პერიკლეს დაუოკებელმა მტერმა, დიოპიტოსის კანონის მოშველიებით ასეთი ბრალდება წამოაყენა: „ასპასია, აქსიოქოსის ასული, არის ღმერთების უარყოფელი და კეთილშობილ ქალთა გამრყენელი. მის სახლში ათენის მოქალაქე გათხოვილი ქალები ხედებიან პერიკლეს“.

რამდენადაც კანონი კრძალავდა ქალის საჯაროდ გამოსვლას, სამსჯავროს წინაშე წარდგა პერიკლე. იგი ლაპარაკობდა დიდხანს და დინჯად. გაცეხულმა მსაჯულებმა და ხალხმა მის თვალზე ცრემლიც შენიშნეს. არასოდეს უნახავთ იგი ასე აღელვებული. დიდ ოლიმპიელს მუდამ შეეძლო საკუთარი გრძობების დაოკება, მაგრამ ასპასიას საქმემ შეძრა და შეაძრწუნა იგი. თუმცა ბრალდება არც ყოფილა სერიოზული. რა იგულისხმებოდა ასპასიას „ულმერთობაში“, ნუთუ ის, რომ მეგობრობდა ანაქსაგორასთან, რომელიც ციურ სხეულებს აკვირდებოდა და ქადაგებდა, რომ მოვლენებს განაგებს არა ღმერთები, არამედ „გონება“, რომლის ძალითაც შესაძლებელია მთელი გარემომცველი სამყაროს შეცნობა? ან იქნებ ის, რომ თავის ასულებს მუზათა სახელები შეარქვა?! რაც შეეხება მის უზნეობას, ეს უკვე ორმხრივი შურაცხყოფა იყო, რამეთუ ეხებოდა არა მხოლოდ ასპასიას, არამედ მის სახლში შემოსულ ყველა ქალს და მათ ქმრებსაც. — ასე მსჯელობდა პერიკლე და ბრალდებებიც უშალ მოიხსნა.

დრო გადიოდა, მნიშვნელოვანი მოვლენებით აღსავსე. ბიოგრაფოსები ერთხელ კიდევ გაიხსენებენ ასპასიას, როდესაც პერიკლეს საზარელი სე-



ასპასია



ნი წაართმევს კანონიერ ვაჟებს. გადარჩება მისი უკანონო ძე, რომელიც შვა ასპასიამ, მასაც პერიკლე ერქვა. მაშინ ათენის დიდი სტრატეგოსი თხოვნით მიმართავს ხალხს, დაუშვან გამონაკლისი „უკანონოდ შობილთა განწინებამი“ და ასპასიას მიერ შობილი მისი ძე სრულუფლებიან ათენელად ცნონ. აღასრულეს მისი სურვილი. მაგრამ პერიკლეს გახარება აღარ ენერა. შავი სენი მასზე ძლიერი აღმოჩნდება.

პერიკლეს გარდაცვალების შემდეგ, სულ მალე, ასპასიამ თავისი ბედი დაუკავშირა კაცს, რომელსაც მიიჩნევდნენ დემოკრატთა მომავალ ბელადად. მისი სახელი იყო ლისიკლესი. პლუტარქე, ეყრდნობოდა რა ფილოსოფოს ესქინოსის ნათქვამს, აღნიშნავდა: „პირუტყვეთა დალალი, მდაბიო წარმომავლობის ეს უბადრუკი ლისიკლესიც კი პირველი კაცი გახდა ათენში მხოლოდ იმიტომ, რომ პერიკლეს გარდაცვალების შემდეგ ასპასიასთან ცხოვრობდა. პლატონის „მენექსენეში“, რომელიც, მართალია, სახუმარო კილოთი იწყება, ის ისტორიული სიმართლეა გადმოცემული, რომ მჭევრმეტყველებით სახელგანთქმულ ამ ქალთან მრავალი კაცი ლამობდა დაახლოებას. ხოლო პერიკლეს მისწრაფება ასპასიასადმი, ჩანს, მაინც რაღაც განსაკუთრებული ვნებიანი სიყვარულით იყო გამოწვეული“ (XXIV). ასპასიას პერიკლესადმი დამოკიდებულებაზე ძველი ბიოგრაფოსები დუმან. ჩვენ კი შევეცადოთ გამართლება მოვუძებნოთ მის ლისიკლესთან დაკავშირების სისწრაფეს: ასპასია მარტო დარჩა იმ ქალაქში, სადაც ომის პირობებში სულ უფრო რთულდებოდა ცხოვრება. გარდა ამისა, იგი იყო უცხოელი, რომელიც ბევრს სძულდა. თუმცა მთავარი მიზეზი ამ გადაწყვეტილებისა შეიძლება იყოს ახალგაზრდა პერიკლესის მომავალზე ზრუნვა. მამის გარდაცვალებისას ის თვრამეტი წლის სრულდებოდა.


ასე იყო თუ ისე, ისტორიაში ასპასია დარჩა თავისი დროის უგანათლებულეს ქალად, რომელსაც მიმადლებული პქონდა სილამაზისა და მშვენიერების ღრმად აღქმის ნიჭი, სალი აზროვნება და ნაფიქრალის დიდებულად წარმოთქმის უნარი. და კიდევ ერთი: იგი უყვარდა დიდ ოლიმპიელს.





შენიშვნები:

¹ დაინტერესებულ მკითხველს გვსურს შევახსენოთ: პერიკლეს რჩევით ფიდიასმა ისე შეამკო ქანდაკება ოქროთი, რომ იოლი ყოფილიყო მისი მოხსნა. ეს ოქრო ტონაზე მეტს იწონიდა და სახელმწიფოს საგანძურის ნაწილი იყო. როდესაც შემონმებამ ცხადყო დიადი მოქანდაკის პატიოსნება, ცილისმწამებლებმა სხვა ბოროტება ჩაიდინეს. მათ ღმერთების უბრწყინვალესი ქანდაკებების შემოქმედი მკრეხელობაში დაადანაშაულეს, რისთვისაც ასეთი რამ მოიგონეს: ათენას ფარზე გამოსახული იყო ბრძოლა ამორძალებთან. მითოსის თანახმად, ამორძალები (მებრძოლი ქალები) თავს დაესხნენ ატიკას. მათზე გამარჯვება ათენის ლეგენდარული მეფის, თესევსის, უდიდეს გმირობად ითვლებოდა. ამბობდნენ, რომ ფიდიასმა მებრძოლთა შორის გამოსახა თავისი მფარველი პერიკლეს და საკუთარი თავიც მელოტი მოხუცის სახით, რომელსაც ქვა ეპყრა ცისკენ აღმართულ ხელში (ათენას ეს ქანდაკება ჩვენამდე არ შემორჩენილა, მაგრამ მოგვეპოვება მისი ასლები. ზოგიერთ მათგანზე შესაძლებელია ფიდიასისა და პერიკლეს პორტრეტების გარჩევა). ახლა კი უკვე ველარ შეძლო ფიდიასმა თავის მართლება. იგი საპყრობილეში ჩასვეს, სადაც სულ მალე გარდაიცვალა.





არსინოე

მეორე

ელინისტური სამყაროს მაკედონურ-ბერძნული სახელისუფლო დინასტია პტოლემაიოსთა სახელს უკავშირდება (ძვ.წ. 323-30 წწ.). არსინოე მეორე პტოლემაიოსთა იმპერიის მეორე თაობის წარმომადგენელია. იგი თავის ძმასთან, პტოლემაიოს II ფილადელფოსთან ერთად მართავდა ქვეყანას და, ისტორიკოსთა აღიარებით, გადამწყვეტი როლი შეასრულა პტოლემაიოსთა იმპერიაში. რა თქმა უნდა, თანამედროვენი კარგად აცნობიერებდნენ ამ სამეფო წყვილის მოღვაწეობის მნიშვნელობას, მაგრამ, როგორც ჩანს, ისინი დიდხანს იყვნენ შეპყრობილნი დისა და ძმის ქორწინებით მიღებული შთაბეჭდილებით, რაც, თავის თავად, უპრეცედენტო მოვლენა იყო ადრეულ ელინისტურ ეპოქაში.

არსინოე ორმოც წელს იყო მიღწეული, როდესაც იქორწინა თავის რვა წლით უმცროს ძმაზე. მანამდე კი საკმაოდ დაძაბული და მღელვარე ცხოვრება განვლო.

არსინოეც და პტოლემაიოს მეორეც ერთი დედ-მამის, პტოლემაიოს პირველისა და ბერენიკეს შვილები იყვნენ. პტოლემაიოს პირველს კიდევ ჰყავდა ერთი ძე ყოფილი ცოლისგან, ევრიდიკესგან, რომელსაც პტოლემაიოს კერაენოსი (მქუხარე) ერქვა და, რომელიც მნიშვნელოვან როლს ითამაშებს არსინოეს ცხოვრებაში.

ძვ.წ. დაახლოებით 300 წელს თექვსმეტი წლის არსინოეს დააქორწინებენ თრაკიისა და მაკედონიის მეფე ლისიმაქოსზე, რომელიც იმ ხანად 60 წელს მიღწეული მოხუცი იყო. ლისიმაქოსისათვის ეს მეოთხე ქორწინება, ისევე როგორც სხვა დანარჩენი, პოლიტიკურ ხასიათს ატარებდა. პირვე-



ლი ქორნიებიდან მას ჰყავდა ქალიშვილი სახელად არსინოე, რომელიც ისტორიაში არსინოე პირველად არის ცნობილი და ვაჟი, სახელად აგათოკლესი, რომელმაც ახალგაზრდულ ასაკშივე გამოიჩინა თავი, როგორც ნიჭიერმა მხედართმთავარმა და სტრატეგოსმა. სწორედ მას გადაეცემოდა მემკვიდრეობით ძალაუფლება, რომ არ მოსვლოდა საბედისწერო უთანხმოება თავის დედინაცვალთან — არსინოე მეორესთან. სამეფო კარზე დიდხანს ერცელდებოდა მიეთ-მოეთი იმაზე, თუ როგორ უყვარდა არსინოეს აგათოკლესი, რომელმაც უპასუხოდ დატოვა მისი გრძნობა. ისტორიკოსები ასახელებენ უთანხმოების სხვა მიზეზსაც, უფრო სარწმუნოს: არსინოე მეორემ ლისიმაქოსს სამი ძე უშვა — პტოლემეაიოსი, ლისიმაქოსი და ფილიპოსი. მან შეძლო ისე მოენუსხა მოხუცი მეფე, რომ მას სასიკვდილო განაჩენი გამოეცნა აგათოკლესისათვის, რომელიც ითვლებოდა ტახტის მემკვიდრედ. გადმოცემის თანახმად, ეს შემზარავი განაჩენი აღასრულა ციხის კედლებში პტოლემეაიოს კერავნოსმა. მაშინ აგათოკლესი 30 წლის იყო და ცოლად ჰყავდა არსინოე მეორეს ლეიძლი და ლისანდრე. ვერც მეუღლის პატივისცემამ, ვერც დის სიყვარულმა, ვერც სხვა რამ გრძნობამ, რომელიც შეილობილისადმი უნდა ჰქონოდა, ვერ შეაჩერა ძალაუფლებისადმი ლტოლვით შეპყრობილი არსინოე. ხოლო თავბრუდახვეული და მონუსხული ლისიმაქოსი, თანაც ბებერი, ბრმად მიენდო მეუღლის ნებას. ეს იმ ხანადაც კი არნახული ბოროტება იყო. მწარედ დაისჯება არსინოე ამ მზაკვრობისთვის, თანაც უმოკლეს ხანში.

სასახლის კარზე დატრიალებული უბედურებით შეძრწუნებულმა აგათოკლესის მეგობრებმა განიზრახეს შურისძიება. მათ შორის იყო სელევკოს I ყველაფერთან ერთად მას ლისიმაქოსის წინააღმდეგ პოლიტიკური ზრახვებიც ამოძრავებდა. შეთქმულები აუმხედრდნენ ლისიმაქოსს. 281 წლის თებერვალში შედგა გადამწყვეტი ბრძოლა. ლისიმაქოსი დაიღუპა, მისი სამეფო მცირე აზიაში განადგურდა, ხოლო ქვრივმა არსინომ ძლივს უშველა თავს გაქცევით. მან მაკედონურ კესანდრიას შეაფარა თავი.

მძიმე დღეები დაუდგა არსინოეს. ლისიმაქოსის იმპერიის ევროპული ნაწილიც შერყეული იყო. უფროსი ძის, პტოლემეაიოსის გამეფებაზე ფიქრიც კი არ შეიძლებოდა. ის მეტისმეტად პატარა იყო იმისთვის, რომ გამკლავებოდა მემკვიდრეობით მიღებულ სირთულეებს. და რაც მთავარია, მაკედონიის სამხედრო საბჭო ჯერ სელევკოს I მიემხრო, ხოლო მისი გადაცვალების შემდეგ — პტოლემეაიოს კერავნოსს. ისტორიკოსები ვერ ხსნიან ამ პარადოქსულ ფაქტს.



ახლა საჭირო იყო პტოლემეაიოს კერაენოსისა და არსინოე მეორეს დაკავშირება. მამით ერთი და დედით სხვადასხვა და-ძმის შუეულება რთული არ იყო, არც სკანდალური. პირველი ნაბიჯი კერაენოსმა გადადგა. იგი ვარაუდობდა, რომ ამ ქორწინებით არსინოეს სამ ძეს მემკვიდრეობის უფლებას ჩამოათმევდა; პირდებოდა არსინოეს, რომ ქორწინება იქნებოდა ფორმალური და რომ სამეფოს მის შვილებთან ერთად მართავდა. ალბათ არსინოე მიუხედავად განზრახვას. მან თავისი ნახევარძმის წინადადება მხოლოდ მას შემდეგ მიიღო, რაც ყველა ღმერთი დააფიცა. ფიცის თანახმად, არსინოე უნდა ყოფილიყო მისი ერთადერთი კანონიერი ცოლი, ხოლო მისი ვაჟიშვილები — ერთადერთი კანონიერი მემკვიდრეები სამეფო ტახტისა. შემდეგ, როგორც გვაუწყებს იუსტინე,¹ გადაიხადეს მდიდრული ქორწინილი. მთელი მაკედონური არმიის წინაშე პტოლემეაიოს კერაენოსმა თავის ნახევარდასა და მეუღლეს თავს დაადგა სამეფო გვირგვინი და თავყვანი სცა, ვითარცა დედოფალს.

არსინოემ, დაბრუნებული ძალაუფლებით აღფრთოვანებულმა, თავისი მეუღლე მიიწვია ექსანდრიაში. ბრძანება გასცა, საზეიმოდ მოერთოთ ქალაქი, ტაძრები და საკურთხეველები შეემკოთ ყვავილების გირლიანდებით. ხოლო ყვავილწუნულებით დამშვენებული თავისი ვაჟები — თექვსმეტი წლის ლისიმაქოსი და ცამეტი წლის ფილიპოსი — მეუღლის შესახედრად გაგზავნა. პტოლემეაიოსმა თითქოს კეთილად მიიღო ისინი. ამის შემდეგ კი თავისი ტრაგიზმით ჯერარნახული რამ მოხდა: პტოლემეაიოსმა, შეაბიჯა რა ამალით ქალაქის კარიბჭეში, ციხე-სიმაგრის დაკავებისა და არსინოეს შვილების მოკვლის ბრძანება გასცა. შეძრწუნებულმა ბავშვებმა დედისკენ ისწრაფეს. არსინოემ დაიწყო მოთქმა და გოდება. გაოგნებული ეძიებდა პასუხს კითხვაზე: რა ჩაიდინა ისეთი, რომ ასეთი სასჯელი დაიმსახურა. ამოიყო მისი ყველა ცდა, გადაერჩინა ბავშვები. ამოიყო მისი სურვილი, თავად მიეღო სიკვდილი, ოღონდაც ეხსნა შვილები. მაგრამ სასტიკი იყო ბედის რისხვა. მას იმის ნებაც კი არ მისცეს, დაეტირებინა ისინი, მონაწილეობა მიეღო მათ დაკრძალვაში. ჩამოხეული კაბითა და გაშლილი თმებით, მხოლოდ ორი მონა-ქალის თანხლებით დატოვა არსინოემ ექსანდრია და გაძევებულმა თავი შეაფარა კაბირთა ტაძარს სამოთრაკეში. ყველაზე დიდი სასჯელი იმ ხანად მისთვის ის იყო, რომ არ მოკლეს შვილებთან ერთად.

არსინოეს უფროსმა შვილმა, პტოლემეაიოსმა, მოახერხა ილირიაში გაქცევა. ასე რომ, პტოლემეაიოს კერაენოსმა ვერ ამოძიარკვა ლისიმაქოსის გვარი სამუდამოდ.



არსინოე
მეორე

არსინოემ უკვე ორგზის დაკარგა დიადემა და აღარავის ეგონა, რომ იგი კვლავ დაიბრუნებდა სამეფო ძალაუფლებას. მაგრამ მოვლენები მის სასარგებლოდ დატრიალდა.

მიიღო თუ არა მინევეა უმცროსი ძმისგან, ეგვიპტის მეფე პტოლემეაიოს მეორესაგან, მან სასწრაფოდ დატოვა სამოთრაკე და გაეშურა ალექსანდრიისაკენ. არსინოეს არასოდეს მიუტოვებია ოცნება სამეფო ტახტზე. ახლა იგი 37 წლის იყო და როგორც უფროსი და მმართველი მონარქისა, განსაკუთრებული უფლებებით სარგებლობდა. მისთვის სრულიად მიუღებელი აღმოჩნდა ის, რომ პტოლემეაიოსის მეუღლე იყო ლისიმაქოსის ასული არსინოე I მან მოახერხა თავისი უმცროსი ძმის მონუსხვა. არავინ იცის, რა მოიმოქმედა, მაგრამ მოხდა ისე, რომ პტოლემეაიოსმა თავისი მეუღლე, დედოფალი არსინოე I, დაადანაშულა მის წინააღმდეგ შეთქმულების მოწყობაში და ქალაქიდან გააძევა. ზემო ეგვიპტის ერთ უკაცრიელ და უდაბურ მხარედ მიუსაჯა წასვლა, შორს ყოველგვარი ცივილიზაციისაგან. დედოფალს ეს არ დაუმსახურებია. მან პტოლემეაიოს II სამი შვილი გაუჩინა: პტოლემეაიოს III — ტახტის მემკვიდრე, ლისიმაქოსი და ბერენიკე, რომელიც მოგვიანებით ცოლად გაჰყვა სელევკიდ ანტიოქოს II.

არსინოე მეორე ჩქარობდა. დაუოკებელი იყო მისი სწრაფვა სამეფო ძალაუფლებისაკენ. უმცროსი ძმა კი წინ ვერ აღუდგა. და აი, 277 წელს მათ იქორწინეს და აქ ქორწინებით გააოცეს მთელი იმდროინდელი სამყარო. პტოლემეაიოსი 31 წლის იყო, არსინოე — 8 წლით უფროსი, თანაც ღვიძლი და. რა ერქვა ამას? სიყვარული თუ პოლიტიკური შეთანხმება? ძველი დროის ისტორიკოსები დუმილს არჩევენ. თანამედროვენი ვარაუდობენ, რომ ქორწინებას პოლიტიკური საფუძველი უნდა ჰქონოდა. ჩვენ კი შევეცადოთ მივყვეთ ისტორიულ მოვლენებს.

პტოლემეაიოსი, როგორც ითქვა, უკვე 31 წლის იყო. ეს მონიჭული ასაკია, თუ გავიხსენებთ ალექსანდრე მაკედონელს, რომელმაც ცხოვრება 33 წლისამ უკვე დაასრულა. რაც შეეხება სამეფოს, არც აქ ჰქონია ცუდად საქმე პტოლემეაიოსს. მაკედონიის უფლებააყრილი დედოფალი სამარცხეინო სახელის გარდა მას ველარაფერს შესთავაზებდა. აქედან გამომდინარე კი, ვერც სამეფო კარს დაარწმუნებდა თავისი არჩევანის სისწორეში. მით უმეტეს, რომ ბერძენთა და მაკედონელთათვის ერთი დედ-მამის შვილთა შორის ქორწინება სრულიად მიუღებელი იყო. და მართლაც, სამეფო კარი აღშფოთდა. განსაკუთრებით ღელავდა პოეტი სოტადესი, რომელიც ისედაც გამოირჩეოდა თავისი ირონიული და გესლიანი ლექსებით. არ გაუ-





მართლა. ის დაიჭირეს კრეტასთან მდებარე ერთ პატარა კუნძულზე, ჩატენეს ტყვიის კასრში და ტალღებში გადაუძახეს. ეს კი იმის მუწყებელი იყო, რომ მეფისა და დედოფლის შუურაცხყოფა აღარაეის მიეტყუებოდა.

მართალია, ბერძენთათვის უჩვეულო იყო ერთი დედ-მამის შვილთა შორის ქორწინებები, მაგრამ ეგვიპტეში, განსაკუთრებით ფარაონების ეპოქაში, ეს არც თუ ისე იშვიათ მოვლენას წარმოადგენდა. თუმცა ამ ძველი წესის აღორძინებაც არ იქნებოდა გამეფებული წყვილის მიზანი. ისინი ალბათ უფრო სხვა იდეით იყვნენ შეპყრობილები. ეს იყო იმპერიის ერთპიროვნული მმართველობისაკენ სწრაფვა. ამ კონცეფციის თანახმად, მეფე იმდენად მაღლა იდგა თავის ქვეშევრდომებზე, რომ მისი ღირსი შვიდლებოდა ყოფილიყო მხოლოდ მისივე ოჯახის წევრი მუულღე, მისი სისხლი და ხორცი. რა თქმა უნდა, ამ აზრს არ იზიარებდა იმდროინდელი საზოგადოება, რომლისთვისაც წარმოუდგენელი იყო დანერღი და დაუნერღე კანონებზე მაღლა მოკედავი ადამიანის აღზევება. მაგრამ დასა და ძმას არად მიაჩნდათ საზოგადოებრივი აზრი. პირიქით, ისინი ცდილობდნენ დაემტკიცებინათ, რომ მოკედავთა სფეროს დიდი ხანია გასცდნენ და უკედავთა სფეროში გადაინაცვლეს. იქ კი ყველაფერი ნებადართული იყო. ზეესმაც ხომ თავის დაზე იქორწინა და ამ მოვლენას „წმინდა ქორწინება“ ეწოდა. აქვე უნდა აღინიშნოს ისიც, რომ სწორედ არსინოემ და პტოლემეაიოსმა ჩაუყარეს საფუძველი ერთი დედ-მამის შვილთა ქორწინებას, ანუ ოჯახურ ქორწინებას, რომელიც შემდგომ მოინონეს დანარჩენმა პტოლემეაიოსებმაც. გავიხსენოთ პტოლემეაიოს IV (221-204 წწ.), რომელმაც ცოლად შეირთო თავისი ლვიძლი და — არსინოე III; პტოლემეაიოს VIII (145-116 წწ.), რიგით მეორე კლეოპატრას მუულღე; და ბოლოს, ამ დინასტიის უკანასკნელი წარმომადგენელი — კლეოპატრა VII, რომელსაც ნომინალურად, მაგრამ მაინც რიგრიგობით შერთეს მცირეწლოვანი ძმები. ასე რომ, „წმინდა ქორწინება“ ტრადიციად დამკვიდრდა პტოლემეაიოსთა დინასტიაში. ვარაუდობენ, რომ ამ იდეის შემოქმედი, ისევე როგორც სხვა იდეებისა, სწორედ არსინოე მეორე უნდა ყოფილიყო. იგი დიდად აღემატებოდა ძმას თავისი ენერგიით, გამოცდილებით, შესაძლოა, გამჭრიახობითაც, რამაც საშუალება მისცა ემართა არა მხოლოდ მეფე, არამედ სახელმწიფოც. არ არის ყურადღების გარეშე დასატოვებელი ის ფაქტიც, რომ ეს იდეები მეფური პატივმოყვარეობის გრძნობას ეხმაურებოდნენ.

ამ სამეფო წყვილმა ძალაუფლების განსამტკიცებლად კიდევ რამდენიმე ტრადიციას დაუდლო სათავე. მათი მმართველობის პერიოდში დანეს-



აღსინოე მეორე



და ენ. სამეფო კულტი, რაც გულისხმობდა ქვეყნის მბრძანებლის ღვთა-
ებრივ დონეზე წარმოჩენას. რა თქმა უნდა, ამ კულტის იდეა უცხო არ იყო
ეგვიპტური სამყაროსათვის, სადაც ფარაონს ღვთაებრივი სტატუსი ოდით-
გან ჰქონდა მინიჭებული. ეს კულტი ბერძნული სამყაროსთვისაც არ იყო
უცხო, მაგრამ განსხვავებით ეგვიპტურისაგან, მისი არსი მარტივად ასე
გამოითქმოდა: ადამიანურ ძალისხმევას აღმატებულ საქმეთა შემოქმედ
მბრძანებელს ღვთაებრივი პატივი მიეგებოდა. აქ, უპირველეს ყოვლისა,
უნდა გავიხსენოთ ალექსანდრე მაკედონელი.

პტოლემეაიოს II (ალბათ არსინოეს კარნახით) მბრძანებლის ელინისტუ-
რი კულტის დაწესება განიზრახა (აქ ერთმანეთისგან უნდა განვასხვაოთ
გარდაცვილითა და ცოცხალთა კულტები). მან, უპირველეს ყოვლისა, მა-
მამისის — პტოლემეაიოს I გაღმერთება სცადა იმით, რომ უწოდა საკულ-
ტო სახელი — „მხსნელი ღმერთი“. ამას არ მოჰყოლია მღელვარება ბერ-
ძენთა მხრიდან, რადგანაც პტოლემეაიოს I სიცოცხლეშივე აღსრულებულ
საქმეთა გამო ისედაც უწოდეს „მხსნელი“. ეს ჯერ კიდევ არ გულისხმობ-
და მეფის ოფიციალურ კულტს. მაგრამ შემდეგი ნაბიჯი პტოლემეაიოს
მეორისა ამ კულტის ოფიციალურად აღიარებას ნიშნავდა: 279-278 წლებ-
ში მოშობელთა პატივსაცემად მან დააწესა ზეიმი სახელწოდებით „პტოლე-
მაიოსები“, რომელიც ოთხ წელიწადში ერთხელ უნდა გამართულიყო.

პტოლემეაიოს II ცოცხალ მეფეთა კულტიც დააწესა, სახელწოდებით
„და-ძმა ღმერთები“ („θεοὶ ἀδελφοί“). ბუნებრივია, ცოცხალ მბრძანებელ-
თა კულტი სახელმწიფოებრივი მნიშვნელობისა იყო და მას დიდი ზეიმით
აღნიშნავდნენ ალექსანდრიის ერთ-ერთ ტაძარში. იმიტომ, რომ ამ კულტს
საყოველთაო აღიარება მოეპოვებინა, პტოლემეაიოს II „θεοὶ ἀδελφοί“-ის
სხვა ტაძრებში დამკვიდრების ბრძანებაც გასცა სახელწოდებით „θεοὶ
συνναοί“ (სიტყვასიტყვით: „ერთ ტაძრად დავანებული ღმერთები“). ეს
ღვთისმსახურება უნდა აღსრულებულიყო როგორც ბერძნულ, ასევე ეგ-
ვიპტურ ტაძრებში. აქ ერთხელ კიდევ ხაზგასმით უნდა აღინიშნოს ის, რომ
ცოცხალ მეფეთა კულტის აღიარება სახელმწიფოებრივი მნიშვნელობის
მოვლენა იყო და იგი ძალაუფლების თეოკრატიულობის იდეას გულის-
ხმობდა.

მრავალი დიდებული საქმე განახორციელა პტოლემეაიოს II, რომელიც
283 (თუ 282) წლიდან მოყოლებული ერთპიროვნული, გაღმერთებული
მბრძანებელი იყო და რომელიც უზარმაზარ იმპერიას განაგებდა ეგვიპტა-
დან ნილოსური ნუბიის ნაპირებამდე. უამთაღმწერლები ერთხმად აღიარ-



რებენ, რომ მისი მმართველობის პერიოდი აპოგეა პტოლემეაიოსთა ისტორიაში, თავად მბრძანებელი კი — აღმატებულად ღირსეული დინასტიაში. ხოლო არსინოე პტოლემეაიოსის მიერ განხორციელებული მრავალი საქმის ნამომწევი და სულისჩამდგმელი იყო. მათ შორის არ შეიძლება არ აღინიშნოს საქვეყნოდ ცნობილი მუსეიონი, რომელიც ალექსანდრიაში სახელმწიფოებრივ საწყისებზე დაარსდა და რომელიც იყო არა მხოლოდ მუზეუმი, არამედ ე.წ. კვლევითი ცენტრი, სადაც იმ პერიოდისთვის უმაღლეს დონეზე მიმდინარეობდა მუშაობა პოეზიის, ფილოსოფიის, ასტრონომიის, მათემატიკის, ბოტანიკის, ზოოლოგიისა თუ სხვა სფეროებში. სწორედ არსინოემ მოიწვია მუსეიონში თავისი დროის უგანათლებლესი ადამიანები, რომლებთან ერთადაც აწყობდა დისკუსიებს სხვადასხვა საკითხებზე. სწორედ ამ მუსეიონში დაედო დასაბამი ცნობილ ალექსანდრიულ ბიბლიოთეკას, სადაც გარდა შეკრებითი სამუშაოებისა, მიმდინარეობდა მთარგმნელობითი მოღვაწეობაც.

პტოლემეაიოსმა სცადა გაეტარებინა რელიგიური გარდაქმნებიც, რაც დასავლურ და აღმოსავლურ რელიგიათა ელემენტების შერწყმით ახალი, უნივერსალური რელიგიის შექმნას გულისხმობდა. ამ ურთულეს საქმეშიც მას არსინოე ედგა გვერდით. არ უნდა დავივიწყოთ ისიც, რომ პტოლემეაიოს II იდეები ძალაუფლების თეოკრატიულობის თაობაზე ჩამოყალიბდა მისი მეუღლისა და დის გავლენით.

როდესაც არსინოე გარდაიცვალა (ძვ.წ. 270 წლის 9 ივლისს) პტოლემეაიოსმა იგი ღმერთთა პლედის კუთვნილებად გამოაცხადა და უწოდა „thea philadelphos“, ანუ „ძმისმოყვარე ღვთაება“. მას დაუნიშნა ქურუმი, სახელწოდებით „კანეფორა“ („კალათს ვინც ატარებს“). ეს იყო ალექსანდრიის უწარჩინებულესი ოჯახის შვილი, ახალგაზრდა გოგონა, რომელსაც მთელი სიცოცხლე გარდაცვლილი დედოფლის ღვთისმსახურებაში უნდა გაეტარებინა. ამ კანეფორას მონაწილეობა უნდა მიეღო ყველა დიდ დღესასწაულსა და ოფიციალურ პროცესიაში, რომელიც კი ალექსანდრიაში ჩატარდებოდა.

პტოლემეაიოს II კიდევ მრავალი რამ განახორციელა არსინოეს სახელის უკედევსაყოფად. დააარსა ქალაქები სახელწოდებით არსინოა და ფილოტერა („უსაყვარლესი“), რომლებიც უძღვნა თავის ძვირფას დასა და მეუღლეს. მასვე მიუძღვნა უბრწყინვალესი საკურთხეველი პროვინცია ფაიუმის დედაქალაქში. უწინ ჭაობად ქცეულ ადგილზე გააშენა ქალაქი — ბალი და მასაც არსინოეს სახელი უწოდა.




არსინოე
მეორე



როდესაც არსინოე გარდაიცვალა, პტოლემეაიოსი 38 წლის იყო და ისტორიული წყაროების თანახმად, მთელი არსებით მიეცა სიყვარულის სიხარულს. მას მრავალი საყვარელი ქალი ჰყოლია, რომელთაც ფუფუნებაში აცხოვრებდა, მაგრამ ტახტი კი არავეისთვის შეუთავაზებია.

ზოგი ისტორიკოსი არსინოეს „ეპოქის რჩეულ ქალად მიიჩნევდა“, ზოგიც პატივმოყვარეობას სდებდა ბრალად და აღნიშნავდა, რომ იგი მზად იყო ჩაედინა უღირსი საქციელი, ოღონდაც დაეკმაყოფილებინა ძალაუფლებისადმი სწრაფვის წადილი. რა თქმა უნდა, პატივმოყვარეობა მაკედონელ დედოფალთა სისხლში იყო გამჯდარი. ეს გრძნობა არც არსინოესთვის იყო უცხო. მაგრამ არ უნდა დაევიწყოთ, რომ იგი სასტიკად დაისაჯა უღირსი საქციელისთვის. შემდეგ კი... მოხდა ისე, რომ ელინიზმმა, როგორც მსოფლიო ისტორიულმა მოვლენამ, თავის მწვერვალს პოლიტიკურ, სოციალურ-ეკონომიკურ თუ კულტურულ სფეროებში სწორედ ამ არსინოეს პერიოდში მიაღწია. არსინოესი, რომელიც, ყველა საფუძველი გვაქვს ვიფიქროთ, რომ უყვარდა პტოლემეაიოსთაგან გამორჩეულ პტოლემეაიოსს.





80608365:

¹ Юстин. Эпитома сочинения Помпея
Трога „Historiae Philippicae”. — ВДИ,
1954. # 2-4.



კლეოპატრა

„ნილოსის გველი“

ტრადიცია ერთხმად აღიარებს, რომ კლეოპატრა სულაც არ ბრწყინავდა კლასიკური სილამაზით. სამწუხაროდ, ჩვენამდე არ მოუღწევია ეგვიპტის დედოფლის ზუსტ გამოსახულებას. ისტორიას შემორჩა ერთმანეთისგან განსხვავებული ორიოდე პორტრეტი, სადაც აშკარად გამოიყოფა კეხიანი ცხვირი და წინ წამოწეული ნიკაპი. მაგრამ იგივე ტრადიცია გვარწმუნებს, რომ კლეოპატრა ფლობდა მომხიბლაობის საოცარ ძალას, მელოდიურ და საამო ხმას; ბრწყინავდა თავისი გონიერებითა და განათლებით, ნიჭიერებით; თავისუფლად საუბრობდა რამდენიმე ენაზე. კლეოპატრას ღრმად სწამდა, და ეს მრავალგზის დაამტკიცა კიდეც, რომ პოლიტიკურ მიზანთა მისაღწევად სერიოზულ მოლაპარაკებათა გარდა სხვა გზებიც არსებობდა.

ანტიკური ხანის მრავალი ავტორი მიგვანიშნებს იმასაც, რომ კლეოპატრა გამოირჩეოდა არაჩვეულებრივად მგზნებარე ტემპერამენტით. გადმოცემები დედოფლის უზნეობაზე კი ალბათ მაინც უნდა მივიჩნიოთ გამოწონად, რადგანაც ეგვიპტის განმგებლის დაქინებებს მრავალი ცდილა. თუმცა არც ის უნდა დავივინყოთ, რომ სატახტო ქალაქი ალექსანდრია განთქმული იყო არა მხოლოდ ბრწყინვალეობით, არამედ ბინიერებითაც. სამეფო კარი ამის თვალსაჩინო ნიმუშს წარმოადგენდა. და აღარა აქვს მნიშვნელობა იმას, თუ ვისთან იზიარებდა სარეცელს დედოფალი. აქ სხვა რამ არის მთავარი: როდესაც განიხილებოდა სახელმწიფოებრივი საქმეები, კლეოპატრა არასოდეს ექცეოდა თავის ენებათა ტყვეობაში.

განათლებულობით იგი არ ჩამოუვარდებოდა თავის რომელ დიდებულებს. მის გარემოცვას ამშვენებდნენ იმ დროის სახელოვანი ფილოსოფოსები, სწავლულები თუ მუსიკოსები. თუმცა შეცნიერება არც ყოფილა



მისი სტიქია. ის დედოფალი იყო თხემით ტერფამდე და მთელი არსებით ესწრაფოდა განუზომელ ძალაუფლებას. კლეოპატრა ოცნებობდა პტოლემე-მაიოსთა სახელმწიფოს ახალ, უდიდეს აღმავლობაზე. მისი „მეფეთა დედოფლად“ (basilissa basileon) აღიარება სწორედ ამ აღმავლობის საწინდარი უნდა ყოფილიყო. იდეალური და რეალური მის ცხოვრებაში ერთმანეთს ეჯახებოდა. მან მეტიმეტი მოინდომა და მიაღწევდა ალბათ კიდევ, სათანადოდ რომ შეეფასებინა რომაელთა ძალმოსილება. თუმცა ნუ გავუსწრებთ წინ მოვლენებს. ქრონოლოგია ასეთია:

კლეოპატრა და პტოლემემაიოსები

კლეოპატრა პტოლემემაიოს XII-ს ასული იყო. პტოლემემაიოსები კი უკვე სამი საუკუნის მანძილზე განაგებდნენ ელინისტურ ეგვიპტეს. მათ ძარღვებში მაკედონური და ბერძნული სისხლი ჩქეფდა. ალექსანდრე მაკედონელის მიერ დაარსებული ალექსანდრია სატახტო ქალაქად ითვლებოდა. სასახლის კარი, სპა და თანამდებობის პირნი ბერძნულად ბაასობდნენ, თავად ქალაქშიც ბერძნული მოსახლეობა ჭარბობდა. ბერძენ პოეტებსა და სწავლულებს განსაკუთრებული მზრუნველობითა და პატივისცემით ექცეოდნენ. ეგვიპტის მეფენი ძალასა და სახსრებს არ იშურებდნენ ელინური ლიტერატურის ბრწყინვალე ძეგლთა შესაგროვებლად.

პტოლემემაიოს XII-ს მეფობის მძიმე ხანა დაუდგა. ალექსანდრე მაკედონელის მსოფლიო მონარქიის ნანგრევებზე ორას ორმოცდაათი წლის წინ აღმოცენებულ სახელმწიფოთაგან შემორჩა ერთი — პტოლემემაიოსთა ეგვიპტე. თუმცა ისიც აღარ მიიჩნეოდა ჭეშმარიტად დამოუკიდებელ სახელმწიფოდ. მას რომი განაგებდა.

ძე.წ. 60 წლის ზაფხულმა ცუდი ამბავი მოიტანა ალექსანდრიაში: ერთ-ერთ კონსულად 59 წლისთვის დაინიშნა კეისარი მცირეოდენი იმედიც კი აღარ დარჩა იმისა, რომ პტოლემემაიოსს ეგვიპტის კანონიერ მეფედ სცნობს რომი. ამის ფიქრს აღძრავდა კეისრის სურვილი — კონსულად არჩევისთანავე რომის პროვინციად ექცია ეგვიპტე. მაგრამ საქმე სხვაგვარად დატრიალდა. პომპეუსმა, კრასუსმა და კეისარმა საიდუმლოდ მოილაპარაკეს, არ მიეღოთ სახელმწიფოებრივი მნიშვნელობის გადაწყვეტილებანი ერთმანეთის თანხმობის გარეშე. ეს მოლაპარაკება ისტორიაში ცნობილია სახელწოდებით „პირველი ტრიუმვირატი“.

მალე, 59 წლის ადრეულ გაზაფხულზე, კეისარი გამოვიდა სენატისა და სახალხო კრების წინაშე წინადადებით, ეცნოთ პტოლემემაიოს XII ეგვიპტის კანონიერ მეფედ, აგრეთვე რომაელი ხალხის მოკავშირედ და მეგობრად. ეს პატივი, კონსულის აზრით, ეგვიპტელებმა დაიმსახურეს იმ დახმარების ნიღ, რაც მათ პომპეუსს გაუწიეს იუდეაში წარმოებულ ბრძოლათა უამს. კეისრის წინადადება მიიღეს, ხოლო რომაულ-ეგვიპტური თან-



ხმობის ტექსტი საზეიმოდ ჩაბარდა კაპიტოლიუმის არქივს. ყოველივე ეს კიდევ ერთხელ ითამაშებს მნიშვნელოვან როლს თერთმეტი წლის შემდეგ, მაშინ როდესაც კეისარი ალექსანდრიაში შეხვდება კლეოპატრას.

ამგვარად, პტოლემეაიოსმა მიიღო ის, რისთვისაც მთელი ოცი წელი იღვწოდა, მაგრამ რის ფასად? რომში ეს ყველამ კარგად იცოდა: მეფემ გადაიხადა (ან პირობა დადო, რომ გადაიხდიდა) უზარმაზარი თანხა — ექვსი ათასი ტალანტი. ეს იყო მთელი ეგვიპტის წლიური შემოსავალი, იმ ეგვიპტისა, რომლის ხაზინაც თითქმის ცარიელი იყო. პტოლემეაიოსმა მდიდარი რომაელისგან ისესხა ფული, რომელსაც დიდი ნამატით ისტუმრებდა თავისი ხალხის ძარცვის ხარჯზე. ეგვიპტელებმა შეიძულეს პტოლემეაიოსი. სამეფო კარი კი მას ბრალად სდებდა კეიპროსის სამეფოს დაკარგვასაც. იმ ხანად კეიპროსს განაგებდა კიდევ ერთი პტოლემეაიოსი (პტოლემეაიოს მეთორმეტეს უმცროსი ძმა), რომელმაც მალე, ვერ აიტანა რა რომაელთა ზენოლა, თავი მოიკლა. ამ და, ალბათ, სასახლის კარზე დატრიალებულ სხვა დახლართულ ამბავთა გამო პტოლემეაიოს XII იძულებული გახდა ეგვიპტიდან გაქცეულიყო. მან იტალიას შეაფარა თავი. ყველა ხვდებოდა, რომ მეფე დაბრუნდებოდა, მაგრამ უკვე რომაელთა თანხლებით, რათა მათი დახმარებით გაემყარებინა თავისი ძალაუფლება. ალექსანდრიაში სცადეს ამ გეგმის ჩაშლა: უმეფოდ დარჩენილ ტახტზე დასვეს ბერენიკე, პტოლემეაიოსის ოცი წლის ქალიშვილი. იმ დროისათვის კლეოპატრა თერთმეტი წლის იყო (იგი დაიბადა 69 წელს), არსინოე კიდევ უფრო პატარა; რაც შეეხება ვაჟებს, უფროსი პტოლემეაიოსი 61 წელს იყო დაბადებული, ხოლო უმცროსი — სულაც 58 წელს.

ალექსანდრიელები ყოველნაირად ცდილობდნენ თავიანთი დედოფლის უფლებათა განმტკიცებას. ტრადიციის ძალით, დაუსვებელი იყო, რომ ეგვიპტე ქალს მარტო ემართა. ამიტომ აუცილებელი იყო სასწრაფოდ მოენახათ ღირსეული ქმარი ბერენიკესთვის: პტოლემეაიოსთა მოდგმის მეფისნული. აღმოჩნდა კიდევ ასეთი ჭაბუკი. იგი შერთეს ბერენიკეს, მაგრამ რამდენიმე დღის თანაცხოვრების შემდეგ დედოფალმა მისი მოკვლის ბრძანება გასცა.

მხოლოდ 58 წლის ბოლოს მიაგნეს ალექსანდრიელებმა თავიანთი აზრით ღირსეულ მეფისნულს, არქელაოსს, რომელიც მცირე აზიაში, ღმერთების დიადი დედის ერთ-ერთ ტაძარში, უზენაესი ქურუმი იყო. ჩამოიყვანეს ალექსანდრიაში და ბერენიკეზე დაქორწინებულს ეგვიპტის ტახტი ჩააბარეს.

რომაელები კარგად ხედავდნენ, რომ ეგვიპტის დამორჩილება მათთვის დიდ სირთულეს აღარ წარმოადგენდა. გალაშქრება ეგვიპტის წინააღმდეგ დაეწავლა სირიაში მყოფ გაბინიუსს, რომლის ერთ-ერთი მთავარსარდალი იყო მარკუს ანტონიუსი. 55 წლის მარტში ისინი ეგვიპტეში შეიჭრნენ.



კლეოპატრა



არქელოოსი ბრძოლის ველზე დაეცა. რაც შეეხება ბერნიკეს, იგი საკუთარი მამის ბრძანებით მოკლეს — ერთხმად გვამცნობენ წყაროები ამ საშინელ ფაქტს. და ახლა უკვე პტოლემეიოსთა მოდგმიდან ყველაზე უფროსი იყო თოთხმეტი წლის კლეოპატრა.

ანტონიუსი და კლეოპატრა პირველად შეხვდნენ ერთმანეთს სწორედ იმ ხანად. ზოგი ძველი ავტორის ცნობით, ახალგაზრდული ასაკისა და მიუხედავად, კლეოპატრას დიდი შთაბეჭდილება მოუხდენია რომაელ მხედართმთავარზე, რომელიც მაშინ ოცდაათი წლის იქნებოდა. ამ ცნობის ეჭვექვეშ დაყენება უაზრობაა. მაგრამ ერთი რამ უდავოა: ალექსანდრიით მართლაც უზომოდ მოიხიბლა ანტონიუსი, რომელმაც კარგად იცოდა დიდი ქალაქის მშვენიების ფასი.

სურდათ თუ არა, რომაელ მხედართმთავრებს მალე მოუხდათ ალექსანდრიის დატოვება სირიაში დაწყებული მღელვარებების გამო. სირიიდან ანტონიუსმა ტყიან გალიას მიაშურა, რათა კეისრის არმიას შეერთებოდა.

ალექსანდრიაში კი დაბრუნდა პტოლემეიოს XII, რომელიც მცირეხნოვანი მმართველობის შემდეგ, 51 წლის მაისის თვის ბოლოს გარდაიცვალა. როგორც გვამცნობენ წყაროები, თავისი ცხოვრების ბოლო თვეებში მის გვერდით სამეფო ტახტზე იჯდა კლეოპატრა.

გარდაცვალებიდან დიდი ხნით ადრე პტოლემეიოს XII-მ შეადგინა ანდერძი, რომლის შინაარსი არავისთვის ყოფილა საიდუმლო. ამ დოკუმენტის ერთი ასლი რომში გაიგზავნა, მეორე კი — ალექსანდრიაში უნდა დარჩენილიყო. თავისი უკანასკნელი ნების აღმსრულებლად ეგვიპტელი მონარქი ასახელებს რომაელ ხალხს, რომელსაც ანდობს ოჯახსა და მთელ ქვეყანას. ერთის მხრივ, ეს იყო დამოუკიდებლობის უარყოფა, ხოლო მეორეს მხრივ, ქვეყნის მომავალზეც ფიქრი. სწორედ რომაელ ხალხს უნდა დაეცვა ეგვიპტე მისი ხელში ჩაგდების მსურველ ცალკეულ პოლიტიკოსთაგან.

თავის მემკვიდრედ მეფემ დანიშნა უფროსი ვაჟიშვილი, პტოლემეიოს XIII, რომელიც მაშინ 10 წლის იყო და უფროსი ქალიშვილი, თერამეტი წლის კლეოპატრა, პტოლემეიოსთა დინასტიის ამ სახელით წოდებულ დედოფალთაგან მემუიდე. და და ძმა უნდა დაქორწინებულიყვნენ, რათა ეგვიპტე ერთად ემართათ.

51 წლის მარტის თვეში, მამასთან თანამეფობის ჟამს, კლეოპატრამ იმოგზაურა სამხრეთ ეგვიპტეში, მონახულა თებე, რომელიც მრავალი საუკუნის წინ ფარაონთა დიადი ქვეყნის სახელოვანი დედაქალაქი იყო, დიდებული და ბრწყინვალე. ღვთაება ამონის ხელთუქმნელი და უძველესი ტაძრები იმ ხანად ჯერ კიდევ არ იყო დანგრეული და ისინი, ძველი ქალაქის გარდასული დიდების მონმენი, ამაყად გადაპყურებდნენ მათ გარშემო გაშენებულ უბადრუკ შენობებს. კლეოპატრას დროს თებე ჯერ კიდევ



უძველესი ეგვიპტური სიბრძნის დიად საგანძურად მიიჩნეოდა. თებელი ქურუმები მრავალ მეცნიერებათა მცოდნენი იყვნენ. მათ მოსასმენად შორეული ქვეყნებიდან მოისწრაფოდნენ განათლებას მონადინებულნი. არ არის გამორიცხული, რომ კლეოპატრაც იყო მათ რიცხვში.

50 წლის შემოდგომა უბედობას უქადდა ეგვიპტეს. მდინარე ნილოსმა ვერ დაფარა უწინდებურად მინდვრები, რაც საყოველთაო შიმშილის მომასწავებელი იყო. ეს მოვლენა ღვთის რისხვად მიიჩნეოდა. ამას ემატებოდა ისიც, რომ სახელმწიფო მარცვალსაცავი ცარიელი აღმოჩნდა: მთელი მარაგი რომაელებმა მიითვისეს. ხალხი ღელავდა. სამეფო კარის ყურადღება რომისკენ იყო მიმართული. იქ ერთმანეთს ექიშპებოდა ორი ტრიუმფირი — პომპეუსი და კეისარი (კრასუსი 53 წელს გარდაიცვალა).

49 წლის დასაწყისში ალექსანდრიაში შემაშფოთებული ამბები მოვიდა: იტალიაში სამოქალაქო ომი დაიწყო. კეისარმა გადალახა მდინარე რუბიკონი და ნახევარკუნძულის სამხრეთისაკენ დაიძრა. პომპეუსი უკან იხევდა.

ალექსანდრიის სამეფო კარი საგონებელში ჩაუარდა. ნათელი იყო, რომ ორთავე მხარე ეგვიპტისაგან მოითხოვდა დახმარებას. ხოლო ეგვიპტე ცდილობდა, არ ჩაბმულიყო ამ ბრძოლაში და მოთმინებით დალოდებოდა სამოქალაქო ომის დასასრულს იმ იმედით, რომ მოწინააღმდეგენი სისხლისგან დაიცლებოდნენ, ერთმანეთს გაანადგურებდნენ, ხოლო რომის სახელმწიფო შეირყეოდა და ბოლოს, დაიმსხვრეოდა კიდევ. მაშინ ეგვიპტე მოიპოვებდა დამოუკიდებლობასა და დაიბრუნებდა წართმეულ ტერიტორიებს. ასეთი ფიქრები უტრიალებდათ ალბათ თავში ეგვიპტელ დიდებულებს, შესაძლოა, კლეოპატრასაც. მაგრამ ხმამაღლა მათ წარმოთქმას ვერეინ ბედავდა. ხოლო მოვლენები ამასობაში კიდევ უფრო დრამატულად ვითარდებოდა.

49 წლის დასაწყისში პომპეუსი და სენატორთა უმრავლესობა საბერძნეთსა და მაკედონიაში აღმოჩნდა. მხედართმთავარი იმედს არ კარგავდა და ბრძოლის გასაგრძელებლად აგროვებდა ხალხს, ხომალდებს და სახსრებს. დასახმარებლად მიმართა მოკავშირეებსაც, პირველ რიგში კი ეგვიპტეს. ალექსანდრიაში ჩავიდა მხედართმთავრის უფროსი ვაჟი, მამის სახელით წოდებული — გნეუს პომპეუსი. ჩვენთვის უცნობია, თუ რას ითხოვდა იგი, მაგრამ ცნობილია ის, თუ რა მიიღო: ორმოცდაათი საბრძოლო ხომალდი, რომლის გემბანზეც ხუთასი მეომარი იმყოფებოდა, ისიც არაეგვიპტური წარმოშობისა. ამას გარდა, რამდენიმე ხომალდს მიჰქონდა პური. საოცარია ასეთი მცირედი დახმარება ისეთი მდიდარი ქვეყნისაგან, როგორიც იყო ეგვიპტე. იმ მძიმე დროს პომპეუსის წარგზავნილებს ქვეყნებიდან მიჰყავდათ ყველა და მიჰქონდათ ყველაფერი. გამონაკლისი იყო ეგვიპტე.

თუკი პლუტარქეს დაეუჯერებთ, კლეოპატრა სიამოვნებით იგონებდა გნეუს პომპეუსს, რამეთუ შეძლო ამ ახალგაზრდა კაცის მოხიბვლა. აღ-



კლეოპატრა



ბათ, ეს იყო კიდეც მიზეზი ეგვიპტის დანდობისა. დედოფლით მოხიბლულ-
მა პომპეუსმა თანაგრძნობით მოისმინა ნილოსის წყალვარდნის ამბავი და
გულწრფელად დაიჯერა, რომ მოუსაველიანობა დაღუპვით ეშუქებოდა
ეგვიპტეს. ასე იყო თუ ისე, ახალგაზრდებმა ერთმანეთს გაუგეს.

პომპეუსი იყო ოცდახუთი წლის, კლეოპატრა კი — ოცის.

48 წლის შუა ზაფხულში ეგვიპტის ფლოტი ალექსანდრიაში დაბრუნ-
და. ამის მიზეზი პომპეუსის დამარცხება იყო. სწორედ იმ ხანად ეგვიპტე-
ში იფეთქა სამოქალაქო ომმა. პტოლემეოსის მეცამეტემ ქვეყნიდან გან-
დევნა თავისი და და მეუღლე. კლეოპატრამ პალესტინას შეაფარა თავი.
აქ შეაგროვა ჯარი და ეგვიპტისკენ დაიძრა. მეფე და მისი მრჩეველები მას
საზღვართან ელოდებოდნენ, პელუსიუმის ციხე-ბურჯთან. სამეფო კარის
ინტრიგები უცხო არ იყო ალექსანდრიისათვის. პტოლემეოსისთა დინასტია
ჩვეული იყო მკვლევობებს, ომებს. მაინც რა მოხდა? ისტორიკოსთა გად-
მოცემით, ასაკობრივი სხვაობა დიდი იყო კლეოპატრასა და მის ძმას შო-
რის. ცამეტი წლის ბიჭუნაზე მეურვეობა სამმა დიდებულმა ითავა: საჭუ-
რისმა პოტინოსმა, რიტორიკის მასწავლებელმა თეოდოტოსმა და ჯარე-
ბის ნინამძღოლმა აქილამ. კლეოპატრამ კი არ ისურვა მრჩეველთა ყოლა,
რადგანაც თვლიდა, რომ მათ გარეშეც დიდებულად წარუძღვებოდა სა-
ხელმწიფოებრივი მნიშვნელობის საქმეებს. ეს უკვე აღარ მოენონათ მე-
ურვეებს და პტოლემეოსის ნააქეზეს დის ნინამდმდეგ. უაზრობაა იმის ძი-
ება, თუ რომელ მხარეს უფრო დიდი ბრალი მიუძღვის ამ პაექრობაში. იმ
ხანად ყველა თვლიდა, რომ სამოქალაქო ომი დაიწყო დედოფალმა, რომე-
ლიც მეტისმეტად პატივმოყვარე იყო და რომელიც შეეცადა არა მხოლოდ
მთელი ძალაუფლების ხელში ჩაგდებას, არამედ საკუთარი ძმის (და მე-
უღლის, თუ მას შეიძლებოდა რქმეოდა მეუღლე) მოკვლასაც. ამაზე მიგ-
ვანიშნებენ ანტიკური წყაროები. მომდევნო წლების მოვლენებიც დაამ-
ტყიცებენ, რომ კლეოპატრას შეეძლო ეს ჩაედინა.

დედოფალი არ სარგებლობდა სიყვარულით თავის სახელმწიფოში. ეგ-
ვიპტეს უბედობის ხანა ედგა და ბუნებრივია, ხალხის მრისხანება დედოფ-
ლისაკენ იქნებოდა მიმართული. მისი ბრძანებით დაცარიელდა სახელმწი-
ფო მარცვალსაცავი, მისი ბრძანებით გაიგზავნა ფლოტი პომპეუსის და-
სახმარებლად, იგი ცდილობდა ახალგაზრდა პომპეუსის მოხიბვლას ყვე-
ლას თვალწინ და სხვაეც მრავალი რამ ბრალდებოდა ახალგაზრდა, თუმცა
პატივმოყვარე და ძალაუფლების მოსურნე ქალბატონს.

მაინც სად გაიქცა დედოფალი? სად და ვისგან ითხოვდა დახმარებას,
ანდა როგორ მოახერხა მისი მიღება? წყაროები უპასუხოდ ტოვებენ ამ
კითხვებს. ცნობილია მხოლოდ ის, რომ კლეოპატრა ეგვიპტეს მოუახლოვ-
და დიდძალი ჯარით პალესტინიდან. მეფის მრჩეველებმა მას ეგვიპტის მთე-
ლი არმია დაახვედრეს.



მრავალი დღისა და ღამის განმავლობაში ქალაქ პელუსიუმთან ერთმანეთის პირისპირ იდგნენ მონინაალმდეგენი უმოქმედოდ, ზღვის ქვიშიანი ნაპირის გასწვრივ.

ამასობაში საბერძნეთის ფარსალიაში იულიუს კეისარმა დაამარცხა პომპეუსის დიდი არმია. უკუქცეულმა პომპეუსმა ეგვიპტეს მიაშურა. აი, როგორ აღწერს შემდეგ განვითარებულ მოვლენებს დიო კასიუსი „რომაულ ისტორიაში“: „ამბავმა იმის თაობაზე, რომ პომპეუსი ეგვიპტისკენ მიცურავდა, შეაძრწუნა კეისარი. მას ეშინოდა, რომ დამარცხებული მხედართმთავარი ხელში ჩაიგდებდა ამ ქვეყანას და თავის ძალებს აღიდგენდა. ამიტომ იგი დაუყოვნებლივ დაედევნა მას, დაენია, მაგრამ ცოცხალს ვეღარ მიუხსნო. კეისარი დაუყოვნებლივ და გაბედულად გაემართა ალექსანდრიისაკენ. მას მცირერიცხოვანი ამაღა ახლდა და რადგანაც სწრაფად მიცურავდა — თავისი ჯარი შორს მოიტოვა. იგი პელუსიუმიდან მომავალ პტოლემეაიოსზე ადრე მიადგა ქალაქს. ალექსანდრია უკვე მღვლეარებას მოეცვა სამეფო კარზე დატრიალებული ამბების გამო. ამიტომ კეისარმა ვერ გაბედა ხომალდიდან გადმოსვლა. მხოლოდ მას შემდეგ მიაყენა ნაპირს ხომალდი, როცა იხილა პომპეუსის თავი და ბუჭედი, მეფის მიერ გამოგზავნილი...“

მხედართმთავარი დიდხანს დარჩა ეგვიპტეში. იგი აგროვებდა ფულს და ცდილობდა პტოლემეაიოსისა და კლეოპატრას შერიგებას. ალექსანდრია აღშფოთებული იყო მისი საქციელით. განსაკუთრებულ რისხვას იმსახურებდა ის, რომ კეისარი არა მარტო ხალხს, არამედ ტაძრებსაც ძარცვავდა. უნდა გვახსოვდეს, რომ ხალხთა შორის ეგვიპტელები გამოირჩევიან თავიანთი ღმერთებისადმი განსაკუთრებული ერთგულებითა და თავდადებით.

ეგვიპტელები იმასაც შიშობდნენ, რომ მათი მბრძანებელი შეიქნებოდა კლეოპატრა, რომელიც ძლიერ მოსწონდა კეისარს“ („რომაული ისტორია“, LI, 5-6).

კლეოპატრა და კეისარი

აი, როგორ მოგვითხრობს იგივე დიო კასიუსი კლეოპატრასა და კეისარის შეხვედრის ამბავს: „ათვდაპირველად კლეოპატრა შუამავალთა საშუალებით ცდილობდა კეისართან დაკავშირებას. ხოლო შემდეგ, როცა შეიტყო, თუ როგორ იხიბლებოდა იგი ქალური მშვენიერებით, ასეთი რამ შეუთვალა:“

— ასე მგონია, ჩემი მეგობრები ზუსტად ვერ გადმოგცემენ ჩემს დანაბარებს. ვფიქრობ, ჩვენ უნდა შევხვდეთ პირისპირ.

იგი მშვენიერი იყო და ბრწყინავდა ახაგაზრდული სილამაზით. მას ჰქონდა მომხიბლავი ხმა და შეეძლო, ყველას აღფრთოვანება. მთელი ნე-



კლეოპატრა



ტარება იყო მისი მზერა და სმენა. ის ნებისმიერს აჯადოებდა, იმ კაცებ-საც კი, ხანში შესულთ, ვინც სიყვარულით გაბეზრებულნი იყვნენ უკვე.

მას უფლება მისცეს, წარმდგარიყო დიქტატორის წინაშე. დედოფალი ამ შეხვედრისათვის საგანგებოდ მოემზადა და საგულდაგულოდ გამოეწყო — ისე, რომ წარმოეჩინა მოდგმის ღირსებაც, იმავდროულად თანაგრძნობაც გამოეწვია, ვით გაძევებულს. ქალაქსა და სასახლეში მან ფარულად შეაღწია, ღამით, შეპარვით, პტოლემეაიოსსა და მის მომხრეებს რომ არ ეხილათ. როგორც კი თვალი მოჰკრა კეისარმა დედოფალს და მოისმინა მისი ხმა, უმალ მოიხიბლა. არ დაელოდა გათენებას და ბრძანა, მოეყვანათ პტოლემეაიოსი. კეისარი შეეცადა, შეერიგებინა და-ძმა. სულ ცოტა ხნის წინ კლეოპატრას განმკითხავი უმალ მის ქომაგად იქცა. სამაგიეროდ ახალგაზრდა მეფე გაგიჟდა. იწყო ყვირილი, რომ უღალატეს, იხმო დიდებულნი, თავიდან მოიკლიჯა დიადემა და ძირს მოისროლა..." (დიო კასიუსი, „რომაული ისტორია“, XLII, 7-8; 34-37).

კეისრისა და კლეოპატრას შეხვედრის ამბვე ამბავს უფრო ზუსტად აღწერს პლუტარქე: „...საჭურისი პოტინოსი ურჩევდა კეისარს, დაეტოვებინა ეგვიპტე და თავისი დიადი საქმეებისთვის მიეხედა... კეისარმა კი მიუგო, რომ მას სულაც არ სჭირდება ეგვიპტელი მრჩეველი და მალულად იხმო გაძევებული კლეოპატრა.

კლეოპატრამ თან წამოიყვანა მხოლოდ ერთი მეგობარი. ეს იყო აპოლოდოროს სიცილიელი. ისინი ჩასხდნენ პატარა ნავში და შეღამებისას მიუახლოვდნენ მეფის სასახლეს. შეუმჩნეველი რომ ყოფილიყო, კლეოპატრა გაეხვია ბარდანაში. აპოლოდოროსმა გარს შემოაკრა ბარდანას თასმები, მოიგდო ზურგზე და კეისართან შეიტანა სასახლეში. ასე ამბობენ, კლეოპატრას ამ თამამმა და ოინბაზურმა საქციელმა თავიდანვე მოხიბლაო კეისარი. ხოლო მისი სილამაზითა და დიდებულებით საბოლოოდ მონუსხულმა იგი მეფესთან შეარიგა, რათა ერთად ემართათ სახელმწიფო" (პლუტარქე, „პარალელური ბიოგრაფიები“, იულიუს კეისარი, 49).

უნდა აღინიშნოს, რომ ისტორიულ ამბავთა აღმწერნი ზოგჯერ ტენდენციურნი არიან და ეს ბუნებრივიცაა. მრავალ გადმოცემათა შორის ისინი თავად ირჩევენ თავიანთი აზრით მართალსა და უფრო მნიშვნელოვან ფაქტებს. რაც შეეხება კლეოპატრასა და კეისარის შეხვედრის ამბავს, დიო კასიუსისა და პლუტარქეს ვერსიათა შორის უმნიშვნელო შეუთანხმებლობა შეინიშნება. კერძოდ, კასიუსის მიხედვით, შეხვედრას ითხოვდა კლეოპატრა, პლუტარქე კი აღნიშნავს, რომ კეისარმა თავად იხმო დედოფალი, მაგრამ სულაც არ არის ეს არსებითი. საინტერესოა აქ სხვა რამ არის: კლეოპატრამ გამოიჩინა გასაოცარი სიმამაცე. კარგად ესმოდა რა, რომ სიცოცხლეს იგდებდა საფრთხეში, სრულიად უშიშრად, თითქმის მარტომ, შეაბიჯა ქალაქში და შეაღწია იმ სასახლეში, რომელიც მისი მტრებით იყო სავ-



სე. მას შემჩნევისთანავე შეიპყრობდნენ, იქვე მოკლავდნენ და სამუდამო დავიწყებას მიეცემოდა მისი სახელი. მაგრამ ხედებოდა დედოფალი, რომ გამოუვალი იყო მისი მდგომარეობა, რომ კეისარი სულ უფრო მეტად იხრებოდა პტოლემეაიოსისა და მისი ამალის მხარეს. კლეოპატრას კი ჯერ არ იცნობდა, მისი ბედი არც ალელეებდა. პტოლემეაიოსმა და მისმა მომხრეებმა კი უკვე მოასწრეს მისთვის სათანადო პატივის მიგება. სწორედ მათ მიართვეს კეისარს პომპეუსის თავი და ბეჭედი. და სინანულის რა განცხადებებიც არ უნდა ეკეთებინა დიდ დიქტატორს, პომპეუსის სიკვდილი მისთვის მხოლოდ დიდების მომტანი იყო. კლეოპატრას ეს კარგად ესმოდა. ამიტომაც ხსნის ერთადერთ გზად კეისართან პირისპირ საუბარი ესახებოდა. ამ გადანაცვლებების მიღებით დედოფალმა ყველას დაუმტკიცა, რომ ძალაუფლება მისთვის სიცოცხლეზე ძვირფასი იყო.

იმ ხანად კლეოპატრა მხოლოდ ოცდაორი წლის იყო, კეისარი კი ორმოცდათორმეტის. და სულაც არ არის გასაოცარი, რომ ამ ასაკში იგი სრულიად ახალგაზრდა და მშვენიერი ეგვიპტელით მოხიბლულიყო. იმ წამიდან კეისარი იქცა კლეოპატრას არა მხოლოდ ძვირფას პატრონად, არამედ დიად საყვარლადაც.

ამ ამბავს წარმოუდგენელი მღელვარება მოჰყვა. ალექსანდრია ბრძოლის უინმა შეიპყრო. ბრბო მოკვლით ემუქრებოდა კეისარს. მაგრამ რომაელი არ შემდრკალა, ხალხის წინაშე წარსდგა და პტოლემეაიოს XII ანდერძი წაიკითხა. შემდეგ ყოველნაირი წესის დაცვით ეგვიპტის მბრძანებლად ალიარა და-ძმა ერთად. ბრბოს გულის მოსაგებად კი კუნძულ კვიპროსის განმგებლებად გამოაცხადა მომდევნო და-ძმა — არსინოე და პტოლემეაიოს XIV. იმ დროს სულაც არ ალელეებდა კეისარს, რომ კვიპროსი უკვე ათი წლის წინათ ჩაიბარეს რომაელებმა. მაგრამ ამანაც არ უშველა. არ ცხრებოდა საჭურისი პოტინოსი, რომელსაც ხელთ ეპყრა ეგვიპტის შიდა საქმეების სადავეები. იგი კეისარს თავის რეალურ მეთოქედ მიიჩნევდა და სურდა მისი გაძევება ქვეყნიდან. თავის თანამოაზრე აქილასთან ერთად პოტინოსი პტოლემეაიოსთან არმით საბრძოლველად ემზადებოდა. როდესაც ეს კეისარმა შეიტყო, საჭურისის დასჯა განიზრახა.

უპირველეს ყოვლისა, მან ორი ელჩი მიავლინა პტოლემეაიოსთან არმის სტრატეგოს აქილასთან. მღელვარება ისე დიდი იყო, რომ აქილამ ისინი არა თუ მიიღო, არამედ მათი მოკვლის ბრძანება გასცა. შემდეგ დაიძრა ალექსანდრიისაკენ და იოლად აიღო დედაქალაქი. იულიუს კეისარმა კუნძულ ფაროსს შეაფარა თავი, რითაც შეინარჩუნა ზღვასთან კავშირი და ფაქტიურად მოიგო ომი. გამარჯვებამდე კი ოთხი უმძიმესი თვე ელოდა წინ. მისი, და ალბათ, კლეოპატრას სიცოცხლე ბენჯზე ეკიდა. ამ ხნის მანძილზე მრავალგზის მდგარა კეისარი სასიკვდილო საფრთხის წინაშე, მაგრამ ბედი, როგორც ყოველთვის, მის მხარეს იყო.



კლეოპატრა



კეისარმა დასახმარებლად უხმო მითრიდატე პერგამოსელს, რომელმაც არ დააყოვნა და მემფისის გავლით მიუხლოვდა ალექსანდრიას. გადამწყვეტი ბრძოლის ადგილი არ არის ცნობილი. თუმცა წყაროები ერთხმად აღიარებენ, რომ ამ ბრძოლაში ნილოსის ზვირთებში ჩაიძირა პტოლემეაოს XIII და მასთან ერთად პტოლემეაოსთა დინასტიის მთელი ეპოქა. ეს მოხდა ძველი ნელთალრიცხვით 47 წლის 27 მარტს. იმიერიდან ალექსანდრიასა და მთელს ეგვიპტეში კეისრის ნება ზეიმობდა.

უპირველეს ყოვლისა, მან დაადასტურა, რომ პტოლემეაოს XII ანდერძს პატივს სცემს რომაელი ხალხი და მისი უპირველესი წარმომადგენელი — კეისარი. შემდეგ კი ბრძანა, რომ კლეოპატრას თანამეტახტედ დანიშნულიყო, ძველი ადათის წესით, ათი წლის პტოლემეაოსი; რომ საკუთარი დის წინააღმდეგ მებრძოლ არსინოეს დაეტოვებინა ეგვიპტე და რომის გზას დასდგომოდა; შემდეგ კი განაცხადა, რომ რამდენიმე თვის წინ დადებული პირობის თანახმად, კვიპროსს ეგვიპტეს უბრუნებდა.

ეს მოვლენები თანამიმდევრულად არის აღწერილი ნიგნში, რომლის სახელწოდებაცაა „Bellum Alexandrinum“ („ალექსანდრიის ბრძოლა“). მართალია, იგი წარმოდგენილია კეისრის თხზულებათა შორის, მაგრამ მის ავტორად ასახელებენ კეისრის მეგობარს, ავლუს ჰირციუსს. საინტერესოა, რომ ამ თხზულებაში კლეოპატრა მოიხსენიება მხოლოდ ერთ ადგილას, სადაც ავტორი აღნიშნავს, რომ კეისარმა ეგვიპტის ტახტი ჩააბარა პტოლემეაოსის უმცროს ვაჟსა და უფროს ქალიშვილს — კლეოპატრას, „რომელიც მისი ერთგული იყო და სამუდამოდ შეინახა ეს ერთგულება“ („ალექსანდრიის ბრძოლა“, 33, — ნიგნში: „იულიუს კეისრის ჩანაწერები“, გვ. 377). ცხადია, კლეოპატრა ვერ იქნებოდა ამ დრამატული მოვლენების შორით მზირალი. ბრძოლა მის გამო დაიწყო და მის ბედს წყვეტდა. თუმცა გასაგებია „ალექსანდრიის ბრძოლის“ ავტორის დელიკატური მდუმარებაც.

ვინ გაამტყუნებს იულიუს კეისარს იმის გამო, რომ ამ საშინელი ომის შემდეგ, როდესაც მისი სიცოცხლე მრავალგზის ეკიდა ბენეზე, იგი მთლიანად მოექცა კლეოპატრას ტყვეობაში და მდინარე ნილოსზე ბრწყინვალე დელსასწაული მოიწყო? არ არის ძნელი წარმოსადგენი ის, თუ რა მდიდრული ხომალდით გაემგზავრებოდა კეისარი დედოფალთან ერთად და როგორ მიეცემოდა ახალგაზრდული სიყვარულის ნათელ სიხარულს. არც ის არის ძნელი წარმოსადგენი, რომ კლეოპატრა მთელი თავისი მომხიბლაობით შეეცდებოდა დიდებული რომაელის დატყვევებას.

ეგვიპტელთათვის დედოფალი იყო არა მხოლოდ განმგებელი სახელმწიფოსი, არამედ ცოცხალი ღვთაება, ისისის განსახიერება. მას ისეთივე თაყვანს სცემდნენ, როგორც სხვა დიად ღმერთებს. მის პატივსაცემად აღესრულებოდა მსხვერპლმწივნირები და იკმეოდა გუნდრუკი, მას ალუ-



ლენდნენ ლოცვებსა და საგალობლებს ქურუმები. ვინ იცის რა გრძნობა ეუფლებოდა ღმერთად აღიარებული საყვარელი ქალის გვერდით მდგომ იულიუსს. იქნება სურდა, ლეთაებრივი შარავანდედით შეემოსა თავისი სახელიც?! ასეც მოხდება, მაგრამ ცოტა მოგვიანებით, ახლა კი კეისრის ეგვიპტური მოგზაურობა დასასრულს უახლოვდებოდა. 47 წლის იენისის დასაწყისში დატოვებს იგი ამ ქვეყანას და ველარასოდეს იხილავს მას. და თუ ოდესმე მოგონებს იქ ყოფნის ხანას, ტკიბილი განცდის სიხარული დაეუფლება. მოვლენები მცირე აზიაში მოითხოვენ, რომ სწორედ კეისარი ყოფილიყო იქ.

კეისრის გამგზავრებიდან სულ რამდენიმე კვირის შემდეგ კლეოპატრას შეეძინა ვაჟი. სტელა, რომელიც აღმოჩნდა სერაპეუმში (იგი პარიზის ლუვრშია ახლა), გვამცნობს, რომ ეს მოხდა 47 წლის 23 იენისის. ტრადიციისამებრ, მას პტოლემეაიოსი უწოდეს. იგი დინასტიის მეთხუთმეტე წარმომადგენელი უნდა ყოფილიყო. უკონდა ახალშობილს მეორე სახელიც — კეისარი. აღექსანდრიელები კი მას უბრალოდ კესარიონად (პატარა კეისრად) მოიხსენიებდნენ. დიქტატორის გარდაცვალებიდან სამი წლის შემდეგ მარკუს ანტონიუსი განაცხადებს სენატში, რომ კეისარმა კლეოპატრას ძე თავის შვილად სცნო. ეს აუცილებელი იყო, რადგანაც ოფიციალური პროპაგანდა ცდილობდა, კლეოპატრა რომის მტრად გამოეცხადებინა. გაივლის კიდევ რამდენიმე წელი და რომში გამოჩნდება საბუთი, რომლის თანახმადაც კეისარი არ უნდა ყოფილიყო მეთხუთმეტე პტოლემეაიოსის მამა. დიდი პოლიტიკისთვის საჭირო გახდება იმის დამტკიცება, რომ დიდ დიქტატორს ვერ მოხიბლავდა ეგვიპტის დედოფალი. მაგრამ თარიღები და ფაქტები სრულ სიმართლეს აღიარებენ. ისინი გვამცნობს, რომ ვერც ომის საშინელებამ, ვერც სასახლის კარის ინტრიგებმა ვერ შეუშალეს ხელი კეისრისა და კლეოპატრას სიყვარულს. ეს გრძნობა დაიბადა იმ წამს, როდესაც გაოცებული დიქტატორის წინ ბარდანადან გამოსრიალდა სრულიად ახალგაზრდა ქალიშვილი.

კესარიონის დაბადებამ კლეოპატრას ძალაუფლების განმტკიცებას შეუწყო ხელი. ბოლოს და ბოლოს ყოვლისშემძლე დიქტატორმაც შეიძინა ძე, რომელიც ვერა და ვერ აღირსა მისმა კანონიერმა მემულემ — კალპურნიამ. სწორედ ეს ვაჟიშვილი გახდა ფარაონების ტახტის კანონიერი მემკვიდრე. ასე დაუკავშირა კლეოპატრამ თავისი საყვარელი პტოლემეაიოსების დინასტიას. ეგვიპტეში კეისრის მამობა უსიტყვოდ მიიღეს. ქურუმები ამტკიცებდნენ, რომ კლეოპატრას ძე ჩაუსახა ღმერთმა რამ, რომელიც მას კეისრის სახით მოევლინა. ამგვარად დააკანონეს მათ კეისრისა და კლეოპატრას კავშირი სამყაროში. რა თქმა უნდა, სულ სხვაგვარად ფიქრობდნენ რომაელები და არც არავის შეუშლია მათთვის ხელი, ამ მოვლენის აღსანიშნავად შეექმნათ ფრივოლური ლექსები და ხმამაღლა ეკითხათ ქუ-



კლეოპატრა



ჩებში. არც კეისარი ბრზადებოდა, ის კეისარი, რომელმაც ალექსანდრიიდან გამგზავრების შემდეგ ბრწყინვალე გამარჯვებები მოიპოვა ჯერ მცირე აზიაში, დაამარცხა რა ფარნაკესის უძლიერესი არმია, შემდეგ აფრიკაში, მოიგო რა გაჭიანურებული ომი, და რომელიც 46 წლის გაზაფხულზე ტრიუმფით დაბრუნდა რომში. ერთი თვის განმავლობაში მან ოთხი ტრიუმფი იზეიმა. კეისარი ხალხით ისმენდა მასზე შეთხზულ სახუმარო ლექსებს. მაგრამ, როგორც ჩანს, კლეოპატრას ეს სულაც არ ხიბლავდა. თანაც აცნობეს, რომ აფრიკაში დიქტატორი გატაცებული იყო მავრიტანელი მეფის ასულით. ეს უფრო მეტად აღელვებდა ეგვიპტის დედოფალს, ვიდრე ის, რომ კეისარს ჰყავდა კანონიერი მეუღლე, რომელსაც მთელი თავისი არსებით უყვარდა მოლაღატე ქმარი. კალპურნია მეტისმეტად განსხვავდებოდა იმ რომაელი მატრონებისგან, რომლებიც ხშირად იცვლიდნენ ქმრებს და უფრო ხშირად კი საყვარლებს.

46 წლის ზაფხულში კლეოპატრა თავის ნომინალურ მეუღლედ აღიარებულ პტოლემეაიოს XIV-სთან ერთად რომს გაემგზავრა. თან წაიყვანა პატარა კეისარიც. ამ ვიზიტის ოფიციალური მიზანი იყო ორ სახელმწიფოს შორის მეგობრული ხელშეკრულების დადება.

სამეფო ოჯახი რომში ღირსეულად მიიღეს. დიქტატორმა მათ დაუთმო თავისი ვილა ტიბერისის სანაპიროზე გაშენებულ დიდებულ პარკში. აქ იღებდა ეგვიპტის დედოფალი თავის მფარველს და სხვა წარჩინებულ რომაელებს. აღშფოთებას ვერ ფარავდნენ ჭეშმარიტი რესპუბლიკელები. განსაკუთრებული სიძულელით მოიხსენიებდა მას ციცერონი თავის წერილებში. კლეოპატრა ცდილობდა, რაც შეიძლება დიდხანს დარჩენილიყო რომში და ამიტომაც შეიქნა მონზე 44 წლის მარტის იღებში დატრიალებული სისხლიანი ტრაგედიისა: კეისარი ბრუტუსისა და კასიუსის ავადასახენებელ შეთქმულებას ემსხვერპლა. ისტორიკოსები ხშირად სვამენ კითხვას: იყო თუ არა ეგვიპტის დედოფლის რომში ყოფნა კეისრის წინააღმდეგ მიმართული შეთქმულების მიზეზი? ეს საკვებით დასაშვებია, რადგანაც ძველი თაობის რომაელებს, ტრადიციების მესვეურებს რომ უწოდებდნენ, დედოფალი თვალში ეკალივით ესობოდათ. კეისარი კი განირეს, უპირველეს ყოვლისა იმიტომ, რომ იგი დაუსრულებლად ეწინააღმდეგებოდა ძველრომაულ ტრადიციებს. მისი აშკარა კავშირიც ეგვიპტის დედოფალთან ამ ტრადიციების შელახვად აღიქმებოდა. ამის პატიება არ შეეძლოთ რომაელებს, რადგანაც ვიშობდნენ, რომ იმპერიის დედაქალაქი ტიბერისის სანაპიროდან ნილოსის სანაპიროზე, ალექსანდრიაში არ გადაეტანა დიდ დიქტატორს.

თავისი მფარველის გარდაცვალების შემდეგ კიდევ რამდენიმე ხანი დაჰყო კლეოპატრამ რომში. ამასობაში მას კიდევ ერთი შემადრწუნებელი ამბის მოსმენა მოუხდა. კეისრის საზეიმო დაკრძალვისას ანტონიუსმა ფორუმზე საჯაროდ გაახშიანა გარდაცვლილის ანდერძი: კეისარმა იშვილა



დის შვილიშვილი, ცხრამეტი წლის გაიუს ოქტავიუსი და დანიშნა მთავარ მემკვიდრედ.

თავისი ღვიძლი შვილი, სამი წლის პტოლემეიოსი, კესარიონი, დიქტატორს არც კი გახსენებია. ასე რომ, ეგვიპტის დედოფალს ისლა დარჩენოდა, რომიდან გაქცეულიყო.

რომში კი სამოქალაქო ომი მნიფდებოდა. მიზანი — კეისრის მემკვიდრეობის ხელში ჩაგდება. შესაძლებელი იყო მთავარი ძალების დასახელება: უპირველეს ყოვლისა, ესენი იყვნენ კეისრის მკვლელები და სენატის მომხრეები; შემდეგ ის პოლიტიკოსები, რომლებიც სიტყვიერ უწინდელი სახელმწიფო წყობის მომხრენი იყვნენ, ისე კი — ცდილობდნენ ძალაუფლების ხელში ჩაგდებას მხოლოდ; და ბოლოს, კეისრის შვილობილი, გაიუს ოქტავიუსი, რომელსაც უკვე ოქტავიანუსად უხმობდნენ.

კლეოპატრას რომში დაბრუნებიდან სულ მცირე ხნის შემდეგ, 14 წლის ასაკში, გარდაიცვალა მისი ძმა და თანამეტახტე პტოლემეიოს XIV. მართალია, ეგვიპტის დედოფლის დაუძინებელი მტერი, ისტორიკოსი იოსებ ფლავიუსი აღნიშნავდა, რომ მეფე კლეოპატრამ მონამლა, მაგრამ ეს არავის დაუმტკიცებია. ასე იყო თუ ისე, ტრადიციის წესით, საჭირო იყო ახალი თანამეტახტის არჩევა. და აირჩიეს კიდეც — სამი წლის კესარიონი. ასე იქცა მფარველის გარეშე დარჩენილი კლეოპატრა ერთპიროვნულ მმართველად. ცივი გონებით უკვირდებოდა იგი რომში დატრიალებულ ამბებს, ღრმად უფიქრდებოდა სახელოვან მებრძოლთა მიერ შემოთავაზებულ წინადადებებს. ერთ-ერთი პიროვნება, რომელსაც დახმარების ხელი გაუწოდა დედოფალმა, იყო კეისრის ყოფილი მხედართმთავარი, ციცრონის სიძე — გნეუს დოლაბელა. მაგრამ სირიის ბრძოლაში დამარცხებულმა (მას მებრძოლებმა უღალატეს), თავი მოიკლა. ასე დაიღუპა მესამე სახელოვანი რომაელი (პომპეუსის ძისა და კეისრის შემდეგ), რომელიც კლეოპატრას დაუკავშირდა.

42 წლის ოქტომბერი ეგეოსის ზღვის მაკედონურ სანაპიროზე მდებარე ქალაქ ფილიპოსთან მომხდარი ბრძოლებით აღინიშნა. საბოლოო გამარჯვება იზეიმეს ანტონიუსმა და ოქტავიანუსმა. კეისრის მკვლელებმა — ბრუტუსმა და კასიუსმა — სიცოცხლე თვითმკვლელობით დაასრულეს.

ანტონიუსმა დიდების სახელი მოიხეჭა. ეს მისმა მხედართმთავრულმა ნიჭმა გაატეხა მონინალმდეგის ძლიერება. მებრძოლები აღმერთებდნენ ანტონიუსს; ქალებს უყვარდათ ეს გულუხვი, კეთილშობილი, უდარდელი და გრძნობებს აყოლილი კაცი. გულწრფელი სიხარულით ანიჭებდა იგი თავისუფლებას ქალაქებსა და ადამიანებს. მის გარშემო მასავით უდარდელი ხალხი იკრიბებოდა: მსახიობები, მოცეკვავეები, მუსიკოსები; ანტონიუსის სახით მათ კეთილმონყალე პატრონი ეგულებოდათ, ხოლო იგი თავდავინყებით ეძლეოდა სიამოვნებებს.



კლეოპატრა

კლეოპატრა და ანტონიუსი

ანტონიუსი საზეიმო სვლით მოემართებოდა მცირე აზიიდან, როგორც ღვთაება დიონისეს მიწიერი განსახიერება. მას ქედს უზრიდნენ, სიყვარულით ეგებებოდნენ და ღმერთივით განადიდებდნენ. მცირე სახელმწიფოთა მეფენი და დესპანები ისწრაფოდნენ, რათა საკადრისი პატივი მიეგოთ ძღვევამოსილი რომაელი მხედართმთავრისთვის. მხოლოდ ეგვიპტის უძლიერესი და უმდიდრესი სახელმწიფოს წარგზავნილი არ ჩანდა ამ ორომტრიალში. კლეოპატრა ისე იქცეოდა, თითქოს არც არაფერი მომხდარა მნიშვნელოვანი, რომ ტრიუმფირი, რომელიც ანარმოებს რომის საქმეებს, ვალდებულია თავად ეახლოს მეგობრულად განწყობილი სახელმწიფოს სკიპტრის მპყრობელს.

და მართლაც, მალე კლეოპატრას წინაშე წარსდგა ანტონიუსის წარგზავნილი, დახეწილი არისტოკრატი კეინტუს დელიუსი. მისი მისია არ იყო იოლი, მაგრამ იცოდა ანტონიუსმა, ვის აგზავნიდა. დელიუსს უნდა დაერწმუნებინა თავნება დედოფალი, პირადად ხლებოდა ანტონიუსს და აეხსნა თავისი მიყუჩების მიზეზი. აი, როგორ დატრიალდა ბედის ბორბალი: დედოფალი, რომელიც სულ მცირე ხნის წინ ძღვევამოსილ კეისართან ერთად მსოფლიო ბატონობაზე ოცნებობდა, თავის მართლებით უნდა ხლებოდა მის ქვეშევრდომს! რა თქმა უნდა, ანტონიუსისათვის მთავარი იყო ის, რომ მშვენიერი დედოფალი, უძლიერესი სახელმწიფოს მმართველი, მორჩილად გამოცხადებულყო მასთან და ქედი მოეხარა მისი დიდებულების წინაშე. კლეოპატრა კარგად ხედებოდა ამას, შეეძლო კიდევ მოენახა გამოსავალი და არ ხლებოდა ანტონიუსს, მაგრამ დაჰყვა დელიუსის რჩევას, რომელიც თითქოს სხვათაშორის წამოსცდა დესპანს. მან პომპროსის ორი კარედი შეახსენა დედოფალს:

„პერას ეს აზრი მოენონა: დამშვენებული
ზევსთან იდაზე ასულიყო და მოეხიბლა“.

„ილიადა“, XIV, 161-162

დაფიქრდა კლეოპატრა, მასაც მოენონა ეს აზრი.

41 წლის გაზაფხულის მზით გაბრწყინებულ ერთ მშვენიერ დღეს ქალაქ ტარსოსს მიუახლოვდა ხომალდი, რომლის ცხვირიც ბზინავდა ოქროთი, ხოლო აფრები ფრიალებდნენ მენამულ ფერად. დავერცხლილი ნიჩბები, ფლეიტისა და კითარის მუსიკობის რიტმს აყოლილნი, ეხლებოდნენ მდინარე კიდნოსის ზედაპირს. აფროდიტეს სამოსით მორთული დედოფალი ისვენებდა ოქროცურვილი კარვის ჩრდილში. მის ირგვლივ მდგომი ბიჭუნები, რომელთაც ხელთ ეპყრათ უზარმაზარი, ნაირფერადი მარაოები, წარმოსახავდნენ სიყვარულის ღვთაების თანხმლებ ეროსებს. გემბანზე





ცქკავდნენ მშვენიერი გოგონები, რომლებიც ნერეიდებს, ზღვის ნიმფებსა და აფროდიტეს მოახლე ქარიტებს განასახიერებდნენ.

კლეოპატრა, ვით აფროდიტე, ზღვის ქაფიდან ამომავალი, გამოეცხადა ანტონიუსს, რომელიც თავად, სულ ცოტა ხნის წინ ახალი დიონისესავით მოველინა ქალაქ ფეფსოს. მათ საქმიანი შეხვედრა უნდა ჰქონოდათ და ამის ნაცვლად კი მოაწყვეს დიდებული სანახაობა ღმერთების მომზიბლავი თამაშით.

ამ ეპოქალური სპექტაკლის მომსწრე ისტორიკოსი გადმოგვცემს: „რა არ იღონა კლეოპატრამ აფროდიტეს ზეიმის ბრწყინვალეობით რომ მოეხიბლა ანტონიუსი. ძვირფასი ქვებით მოოჭვილი ოქროს ჭურჭელი დიდებული ხელოვნებით იყო ნაკეთი. დარბაზის კედლებს ამშვენებდნენ ხალიჩები, რომლებიც ოქროს ძაფებით იყო ნაქსოვი, ძონის ფერში რომ გადადიოდა. დედოფალმა ბრძანა, გაეწყოთ თორმეტი სანადიმო სარეცელი და მოიწვია ანტონიუსი მის რჩეულ მეგობრებთან ერთად. ამ ბრწყინვალეობის მხილველი ტრიუმფირი ერთხანს შეეცოდნა გოგნებულს. მაშინ მას ღიმილით მიმართა კლეოპატრამ:

— გიძღვნი ყველაფერს, რასაც ხედავი!

მეორე დღესაც მოიწვია დედოფალმა ანტონიუსი მეგობრებთან და მხედართმთავრებთან ერთად. დღევანდელი დიდმშვენიერების წინაშე გაფერმკრთალდა გუშინდელი ფუფუნება. და დედოფალმა კვლავაც უძღვნა ყველაფერი მონვეულ სტუმარს. მან ისურვა აგრეთვე, რომ მხედართმთავრებს თან წაეღოთ მდიდრულად მორთული სანადიმო სარეცლები და საუკეთესო ჭურჭელი საკუთარი მაგიდებიდან. როდესაც წარჩინებული რომაელები ტოვებდნენ დარბაზს, ყოველ მათგანს მიაცილებდა მებარგული ჯალამბართურთ. ანტონიუსის ზოგიერთმა მეგობარმა ძღვნად მიიღო ცხენი ვერცხლის აღსაკაზმავით. სტუმრებს შინისკენ მიმავალ გზას უნათებდნენ ჩირაღდნებით ეთიოპელი ბიჭუნები. შემდეგი დღისთვის დედოფალმა აღურაცხელი ვარდების მოტანა ბრძანა. იატაკები სანადიმო დარბაზებში წყრთის სიმალემდე მოიფინა ვარდთა ფურცლებით, ხოლო ზემოდან გადაფენილი იყო მარმარილო (Socrates Rhodius. Fragmenta Historium Graecorum, III Parisiis, 1849, გვ. 326).

დაახლოებით ერთნაირად წარმოგიდგენენ თვითმხილველი თუ გვიანი დროის ისტორიოგრაფოსები კლეოპატრას და ანტონიუსის საოცარი შეხვედრის ამბავს. გაივლიან საუკუნეები. კიდევ მრავალგზის იქცევა ეს თეატრალიზებული შეხვედრა მწერლებისა თუ პოეტების შთამაგონებულ წყაროდ. სხვადასხვაგვარად გაგებული, სხვადასხვაგვარად აღქმული, მაგრამ მაინც ფერადოვანი და ბრწყინვალე. ამ ამბებიდან 20 საუკუნის შემდეგ „პარნასელთაგან ყველაზე უფრო პარნასელი“ უოზე მარია დე ჰერედია ასეთ სონეტს დანერს:



კლეოპატრა



„ტრიერებს ამკობს მოელვარე სხივების ხვევნა, შავ მდინარეზე მოსრიალებს და სტოვებს უკან თეთრი ზოლებით ამოქარგულ, ცვალებად რუკას, სალამურის პანგს, იალქნების კამკამს და რხევას.

ბაქნიდან ქორის ქანდაკება უცქერის მხეველს, ტახტრევანიდან გამოსული ზღვასავით სუნთქავს. ვით მტაცებელი ოქროსფერი, რომ უცდის ლუკმას, დგას კლეოპატრა და ნაპირებს სანუეკარს ხედავს.

გამოჩნდა ტარსაც, მეომარი იქ უცდის უხმლო, ლაგიდის ქალი, შავგვრემანი, შლის მკლავეებს უხმოდ, პეშეებზე სხივის ანარეკლი უბრწყინავს შორი.

ის ვერ ხედავდა ბედის ნიშნებს, ლეთაებრივ გზირებს: სიკვდილს და სურვილს, — იდუმალი აჩრდილი ორი, როგორ ფურცლავდა ყვავილებს და ატანდა ზვირთებს“.

(Le Cydnus, კრებულიდან „ტროფეები“.
თარგმ. მ. პატარიძის)

საბედისწერო აღმოჩნდა რომელი მთავარსარდლისთვის ეს შეხვედრა. ანტონიუსი თავადაც ვერ ხედებოდა, როგორ ექცეოდა კლეოპატრას ტყვეობაში. იგი მზად იყო, ერწმუნა მისი ყოველი სიტყვა და აღესრულე ბინა ყველა სურვილი. კლეოპატრას თხოვნით მოკლეს მისივე ლეიძლი და არსინოე, რომელიც ეფესოს ტაძარს აფარებდა თავს. ეს იყო სრულიად გაუგონარი და მკრეხელური მკვლელობა. მაგრამ არც კლეოპატრა და არც ანტონიუსი დაფიქრებულან იმაზე, რომ უკანონოდ იქცეოდნენ. ადამიანის ცხოვრება მათთვის აღარაფერს წარმოადგენდა. ვინც გაბედავდა მათ წინააღმდეგ ხმის ამალებას, ყველა ქრებოდა. სიყვარული და მძვინვარება, მგრძნობელობა და სისასტიკე, კეთილგანწყობა და სიძულვილი ერთდროულად თანაარსებობდა დედოფლის სულში. და შეეძლო მას ნებას მიეშვა სწორედ ის გრძნობა, რომელიც სჭირდებოდა თავისი ძალაუფლების განსამტკიცებლად. არასოდეს ყოფილა იგი თავდავიწყებით შეყვარებული კეისარზე, მით უმეტეს — ანტონიუსზე, მაგრამ დახვეწილი და გამჭრიახი გონებით სამუდამო ტყვეობაში ამყოფებდა თავის საყვარლებს, რომლებიც უკვე ვეღარ აღწევდნენ თავს მისი ვნების მომხიბლავ ძალას. არ უნდა იყოს შემთხვევითი მათი დაღუპვაც...

41-40 წლის ზამთარი შეყვარებულებმა აღექსანდრიაში გაატარეს. ეს



იყო დრო აღსაესე მხიარულებით, თავაშეხებული გართობითა და ზეიმებით, რომლის მოწყობაც მთელი თავისი ბრწყინვალეობით შესაძლებელი იყო ანტიკური სამყაროს ამ დიდებულ ცენტრში. ნამყვან როლს თამაშობდა დედოფალი, ანტონიუსი კი მთლიანად ექცეოდა მისი გავლენის ქვეშ. დაუსრულებლად იგონებდა კლეოპატრა ახალ გასართობებს და არ წყდებოდა მხიარულება დღისით თუ ღამით. კლეოპატრა მონანილეობდა კოჭის თამაშში; ბოლომდე ესწრებოდა ხანგრძლივ ნადიმებს; თან დაჰყვებოდა ანტონიუსს ნადირობისას; ფარიკაობა მოსწონდა განსაკუთრებით; შებინდებისას უბრალო სამოსით შემოსილი შეყვარებულები ქალაქის ქუჩებში დაეხეტებოდნენ და წარმოუდგენელი ხუმრობებით ანცვიფრებდნენ ქალაქის მცხოვრებთ. ხშირად ეს ხუმრობები ჩხუბითაც მთავრდებოდა, რადგან საბრალო მოქალაქეებმა არ იცოდნენ, ვის უბრძოდნენ, რომ მათთვის უცხო ნიღაბთა ქვეშ იმალებოდნენ ანტონიუსი და კლეოპატრა. პლუტარქეს აზრით, ალექსანდრიელებს სულაც არ აღიზიანებდა შეყვარებულთა თამაში. პირიქით, ეს მათთვის ერთგვარი გასართობიც კი იყო. ისინი ამბობდნენ, რომ რომაელებს ანტონიუსი თავის ტრაგიკულ სახეს უჩვენებდა, მათ კი — კომიკურს („პარალელური ბიოგრაფიები“, ანტონიუსი, 29).

ამასობაში იტალიაში კვლავ იფეთქა სამოქალაქო ომმა, რომელიც წამოიწყო ანტონიუსის ცოლმა ფულვიამ და ძმამ — ლუკიუსმა. ბევრს მიაჩნდა, რომ ეს ქაოსი ფულვიამ ქმრის დასაბრუნებლად ჩაიფიქრა. ოქტავიანუსმა მოახერხა ამ ამბოხების ჩახშობა. ფულვია საბერძნეთში გაიქცა. იქ შეხვდა იგი ანტონიუსს, რომელიც იძულებული გახდა დაეტოვებინა ალექსანდრია. სასონარკვეთილი მეუღლე დამშვიდების ნაცვლად მისთვის ჩვეული სისასტიკით შერისხა ანტონიუსმა — როგორ გაბედა ომის წამოწყება და, რაც მთავარია, მისი წაგება!

მაღე ფულვია გარდაიცვალა სიკიონში. ანტონიუსი კი უკვე იტალიას უახლოვდებოდა.

დაიწყო ორი ტრიუმფირის დიპლომატიური ომის ხანგრძლივი პერიოდი. ბოლოს მათ შორის დადებული ხელშეკრულების თანახმად, იმპერიის დასავლეთი უნდა ემართა ოქტავიანუსს, აღმოსავლეთი — ანტონიუსს. აღმოსავლეთში კი კვლავ ახალი ომი მზადდებოდა. საჭირო იყო პართიის დამორჩილება.

მსოფლიოს ორი ძლევამოსილი კაცის შეთანხმება გაამყარა საქორწინო კავშირმა: ანტონიუსმა იქორწინა ოქტავიაზე, ოქტავიანუსის დაზე. ანტიკური წყაროების თანახმად, ოქტავია დაჯილდოებული იყო გარეგნული და სულიერი მშვენიერებით და მან დროებით დაავიწყა ანტონიუსს ეგვიპტის დედოფალი.

კლეოპატრას კი ანტონიუსის თავანყვეტილი სიყვარულის მოსაგონებლად დარჩა ტყუპი ქალ-ვაჟი.



კლეოპატრა



არავინ იცის, რა ხედბოდა კლეოპატრას სულში იმ ხანად, როცა ანტონიუსი წასული იყო ეგვიპტიდან. მათი განშორება თითქმის ოთხი წელი გაგრძელდა. წყაროებში კლეოპატრა არ მოიხსენიება. ანტონიუსის შესახებ კი მრავალი ავტორი მოგვითხრობს.

რომის სახელმწიფო ინტერესები მოითხოვდნენ პართიის დამორჩილებას; ტრიუმვირმა ჩაიფიქრა განეხორციელებინა ის, რაც ვერ შეძლო კეისარმა — რომის ლეგიონების ვერცხლის არნივებით მიეღწია ინდოეთამდე.

37 წლის შემოდგომით ანტონიუსმა დატოვა იტალია და იქ აღარასდროს დაბრუნებულა. იგი ხედბოდა, რომ ეგვიპტის დახმარების გარეშე რომის წამოწყება შეუძლებელი იყო. სირიაში დაბანაკებულმა დესპანი გაგზავნა კლეოპატრასთან. რომის სახელმწიფოს მთავარსარდალი მოსალაპარაკებლად იხმობდა ეგვიპტის დედოფალს, რომელსაც სრული უფლება ჰქონდა არ მიეღო მისი მონვევა. მაგრამ კლეოპატრა დათანხმდა. იგი შეეცადა სირიაში გაემეორებინა ის, რაც ასე ბრწყინვალედ შეძლო ტარსოსში — კვლავ მოეხიბლა რომაელი.

ამჯერად მას აღარ განუსახიერებია აფროდიტე. უბრალოდ, ანტონიუსისაგან გაჩენილი ტყუპი ქალ-ვაჟის თანხლებით წარდგა იგი რომაელი მხედართმთავრის წინაშე. თუ ძველი ავტორები მთელი თავისი ბრწყინვალეობით აღწერენ ანტონიუსისა და კლეოპატრას ტარსოსში შეხვედრის ამბავს, გასაოცარი ერთსულოვნებით სდუმან სირიულ შეხვედრაზე. არავინ იცის, თუ რა საუბარი გაიმართა მათ შორის, მაგრამ მთავარი — ცნობილია: ანტონიუსმა ხელში აიყვანა და ზე-აღმართა კლეოპატრას შვილები. რომაული ადათის წესით, ეს იმის მიმანიშნებელი იყო, რომ მან ოფიციალურად სცნო ისინი თავის შვილებად. სავარაუდოა, რომ სწორედ მაშინ მიიღეს ტყუპებმა ახალი სახელები: ალექსანდრე — ჰელიოსი ანუ მზე და კლეოპატრა — სელენე ანუ მთვარე. ადვილი მისახვედრია, რომ მათ სახელებს სიმბოლური მნიშვნელობა ენიჭებოდა: ისინი განასახიერებდნენ მარადიულ მეუფებას სამყაროში, ისევე, როგორც მარადიულად არსებობენ მზეცა და მთვარეც.

37-38 წლის ზამთარი ანტონიუსმა და კლეოპატრამ ერთად გაატარეს დიადოქოსების ძველ რეზიდენციაში — ანტიოქიაში. ოქტავია სამუდამოდ გაქრა ანტონიუსის თვალსაწიერიდან. კვლავ აფეთქებული ვნება გაცილებით ძლიერი აღმოჩნდა. რომაელმა ბოლოს და ბოლოს სცნო კლეოპატრა თავის კანონიერ მეუღლედ. „*Paxor mea est*“ („ის ჩემი ცოლია“) — განაცხადა ანტონიუსმა (სვეტონიუსი, „თორმეტი კეისრის ცხოვრება“, ავგუსტუსი, 69), თუმცა ამ სიტყვებს სხვადასხვაგვარად განმარტავდნენ. კლეოპატრასთან ქორწინება სულაც არ ნიშნავდა იმას, რომ ანტონიუსი უნდა გაჰყროდა ოქტავიას. რომაელ მოქალაქეს უცხოელზე დაქორწინე-



ბის უფლება ეძლეოდა ერთადერთ შემთხვევაში: თუ მისი ქვეყანა ე.წ. *casus foederis* -ით იყო დაკავშირებული რომთან. ეგვიპტესა და რომს შორის კი ასეთი ხელშეკრულება არ არსებობდა. ამიტომ ოქტავიანუსი და მისი და არ სცნობდნენ ამ ქორწინებას და მიიჩნევდნენ მას ანტონიუსის მორიგ თამაშად.

რაც შეეხება ეგვიპტეს, აქ ყველამ იცოდა, რომ ღმერთები და მეფეები კანონზე მაღლა დგანან, რომ მათი ნება უზენაესია. თუმცა ისიც არ უნდა ვიფიქროთ, თითქოს ანტონიუსი ეგვიპტის მეფედ აღიარეს, იგი მხოლოდ „სამეფო მეუღლე“ იყო. მან წელს კლეოპატრამ ანტონიუსს კიდევ ერთი ვაჟიშვილი გაუჩინა. მას პტოლემეოს ფილადელფოსი უწოდეს. ეს იყო დინასტიური სახელი, რომელსაც უნდა აღედგინა პტოლემეოსისთა გარდასული დიდება. ასე იყო თუ ისე, კლეოპატრა, თავისი ბავშვებით გარემოცული (მათ შორის იყო კესარიონიც), ერთპიროვნულად განაგებდა დიდ სამეფოს. ანტონიუსის ბრძანებით, რომელი მონეტების მეორე მხარეს აღბეჭდეს კლეოპატრას გამოსახულება, რითაც მთელმა სამყარომ გაიგო მათი კავშირის ამბავი. გარდა ამისა, ეგვიპტის დედოფალმა დიდებული საქუქრები მიიღო: ფინიკიური სანაპირო მდინარე ელევთერიდან სიდონამდე, კუნძული კეპროსი, კილიკიის ზღვისპირა მხარე. აგრეთვე მიწები კრეტაზე, იუდეასა და ნაბატეელთა სამოსახლოებში.

ანტონიუსმა გაუგონარი გულუხვობა გამოიჩინა რომაული იმპერიის ხარჯზე, რამაც საშინლად განარისხა არა მხოლოდ ოქტავიანუსი. ამ შემთხვევაშიც ანტონიუსს სულ არ ანუხებდა პოლიტიკური თუ იურიდიული ზრახვები. ეს ძვირადღირებული ძღვენი მისთვის ჩვეული ხელგაშლილობის შედეგი იყო. კლეოპატრამ დიდი სიხარულით მიიღო ეს ტერიტორიები. ისინი პტოლემეოსისთა სახელმწიფოს კიდევ უფრო დიდსა და ძლიერ მოსილს ხდიდნენ მთელს წინა აზიაში. ძღვენს კლეოპატრამ იმდენად დიდი მნიშვნელობა მიანიჭა, რომ ძვ.წ. 36 წლიდან დაიწყო ახალი წელთაღრიცხვა მთელს ეგვიპტეში. მას მიიჩნევდნენ პირველ წლად. კლეოპატრასთვის დაიწყო ახალი ეპოქა, იგი ზეიმობდა სრულ ტრიუმფს, ვითარცა ქალი და ვითარცა დედოფალი. უდავოა, მას სურდა პტოლემეოსისთა სახელმწიფოს აღმავლობისა და დიდების მომხსნე ყოფილიყო. შესაძლოა, ასეც მომხდარიყო, მაგრამ მოვლენები საბედისწეროდ დატრიალდა.

36 წლის გაზაფხულზე ანტონიუსის უზარმაზარი არმია აღმოსავლეთისკენ დაიძრა. დასამორჩილებელი იყო პართია. კლეოპატრამ საყვარელი მხედართმთავარი ეფერატის ნაპირებამდე მიაცალა; შემდეგ ეწვია იუდეას, რათა გადასახადი აეკრიფა. ჩვენი წელთაღრიცხვის | საუკუნის იუდეველი ისტორიკოსი იოსებ ფლავიოსი, რომელიც კლეოპატრასადმი არაკეთილგანწყობით გამოირჩეოდა, საოცარ ამბებს გადმოგვცემს: იუდეაში მას დახვდა ჰეროდე იუდეველი „... მისთვის ჩვეულ ვნებებს აყოლილმა



კლეოპატრა



კლეოპატრამ მეფის ცთუნება მოინადინა. შესაძლოა, მას გულწრფელად შეუყვარდა იუდეველი, მაგრამ უფრო სარწმუნოა ის, რომ დედოფალი ამ გზით ცდილობდა თავის ვერაგულ განზრახვათა აღსრულებას. პეროდეს ადრეც არ უყვარდა იგი, ახლა კი ამ უმსგავსო საქციელის გამო, კიდევ უფრო შეიძულა და მისი მოკვლა განიზრახა. თანაც ფიქრობდა, რომ ამით ანტონიუსსაც დაიხსნიდა კლეოპატრას მზაკერული ლალატისაგან. ამ ჩაწაფიერის განხორციელება მეგობრებმა არ დაანებეს... რადგანაც, მათი აზრით, პეროდე ვერასოდეს დაასაბუთებდა იმას, თუ რატომ გაბედა აღეშარტა ხელი იმ ქალზე, რომელიც თავისი ეპოქის უმნიშვნელოვანესი მოვლენა იყო...“ (Иосиф Флавий, Иудейские древности, т. 2, СПб., 1900, გვ. 141-142).

ანტონიუსის ლაშქრობა პართიაში რამდენიმე წარმატებული ბრძოლის შემდეგ კრაზით დამთავრდა. 36 წლის ბოლოს იგი დაბრუნდა სირიაში და კლეოპატრა იხმო. როგორც არასდროს, ისე სჭირდებოდა მას დედოფალი, ელოდა საოცარი მოუთმენლობით. ამ დროს მათ ცხოვრებაში ერთურთს შეერწყა სიყვარული და პოლიტიკა. ტრიუმფირისთვის ამ ურთულეს სიტუაციაში კლეოპატრასგან მიღებული წყალობა ღვთის ძღვენი იყო. მხოლოდ ეგვიპტის დედოფალს შეეძლო მისი ხსნა. როდესაც ანტონიუსს აცნობეს, რომ მისკენ საშველად ოქტავია მოემართება ორი ათასი მეგრძოლითა და სხვა აუცილებელი მარაგით, უბრძანა უკან დაბრუნება, იტალიაში. მისი მეტოქე ოქტავიანუსი მეტისმეტად ძუნწი აღმოჩნდა. ანტონიუსს უფრო დიდი დახმარება ესაჭიროებოდა. თუმცა ისტორიკოსები გვარწმუნებენ, რომ კლეოპატრა თავის მოკვლით ემუქრებოდა ანტონიუსს, თუ ოქტავიას მიიღებდა. არ უნდა იყოს სიმართლეს მოკლებული ეს გადმოცემა, რადგანაც ამის დასტურია ის მოვლენები, რომლებიც შემდგომ განვითარდა. 35 წელი იდგა. ოქტავიანუსი და ანტონიუსი საბოლოოდ დაუპირისპირდნენ ერთმანეთს. იმპერია ორ ნაწილად გაიყო. დასავლეთს თავისი გზა პქონდა გასავლელი, აღმოსავლეთს — თავისი.

ეგვიპტის დედოფალმა საბოლოოდ გაიმარჯვა, როგორც იქნა ანტონიუსი დაისაკუთრა. მათი ურთიერთობები კიდევ უფრო გამყარდა მას შემდეგ, რაც ანტონიუსმა, უარი თქვა რა პართიის წინააღმდეგ ჩაფიქრებულ ლაშქრობაზე, დასაჯა არმენიის მეფე არტაბაზდი, რომელსაც თავისი მარცხის უმთავრეს მიზეზად მიიჩნევდა. ვერაგობით შემოტყუებულ მეფეს ოქროს ბორკილები დაადო და ალექსანდრიაში ჩაიყვანა. აქ მას უნდა დაემშვენებინა ანტონიუსის ტრიუმფალური სვლა. არმენიის მეფე კარგა ხანს ჰყავდათ დატყვევებული ალექსანდრიაში. თავისი ბატონობის დასასრულს კლეოპატრამ მისი დასჯაც მოასწრო.

ანტონიუსის ეს ტრიუმფი იყო პირველი, რომელიც რომში არ ჩატარებულა, რაც თავისთავად რომის ტრადიციების უარყოფას მოასწავებდა.



მთელს წინა აზიაში ამაღნი უზარმაზარი შთაბეჭდილება მოახდინა. რომი კი ბობოქრობდა. ყველაფერი ნათელი გახდა მას შემდეგ, რაც ანტონიუსმა თავისი დაფინის გვირგვინი ალექსანდრიის უზენაეს ლეთაებას, სარაპისს, უძღვნა: რომელი მხედართმთავარი დიდი ალექსანდრეს მემკვიდრეობას იჩემებდა და აღმოსავლეთში დამკვიდრებით მსოფლიოს მეუფის სახელის მოხვეჭას ესწრაფოდა. კლეოპატრა ყოველნაირად ცდილობდა მის გამხსენებასა და მხარში დგომას.

რომის ტრადიციების უგულვებელყოფა იყო ისიც, რომ ტრიუმფალურ სვლას ესალმებოდა უცხო ქვეყნის დედოფალი, მდიდრული აღსაკაზმავითა და დიდებულების ამალით გარემოცული. გზად ჩამსკრივებული აღურაცხელი მაცურებლის წინ მიაბიჯებდნენ ლეგიონერები, რომელთაც წინ მიუძღოდა ოთხთვალა ეტლზე აღზევებული ტრიუმფატორი. ამ საზეიმო პროცესიას „ამშვენებდნენ“ ოქროს ჯაჭვებით შებოროკილი ტყვეები: არმენიის სამეფო ოჯახის წევრები, რომლებმაც, მიუხედავად დიდი ზნელონისა, არ მოიდრიკეს ქედი ეგვიპტის დედოფლის წინაშე. ძვირად დაუჯდათ მათ ეს სიამაყე.

რამდენიმე დღის შემდეგ გიმნასიონის უზარმაზარ დარბაზში შედგა ბრწყინვალე საზეიმო ცერემონია. ამაღლებულ ადგილას დასხდნენ ანტონიუსი და კლეოპატრა. დედოფალი შემოსილი იყო ისისის წმინდა სამოსით. ოდნავ ქვევით მოთავსდნენ ბავშვები. მათ შორის იყო კესარიონიც. შეკრებილთა წინაშე წარდგა ანტონიუსი და განაცხადა, რომ ამიერიდან კლეოპატრას „მეფეთა დედოფლის“ (basilissa basiléon) ტიტული მიენიჭება, ხოლო მის შვილებს „მეფეებად“ მოიხსენებენ. იქვე ანტონიუსმა, მისთვის ჩვეული გულუხვობით, სამართავად მათ რომის იმპერიის უზარმაზარი ტერიტორიები უძღვნა. ყველამ იცოდა, რომ ეს მხოლოდ ლიტონი სიტყვები იყო, რომ მხედართმთავრის ძალმოსილება წარსულს ჩაბარდა. თუმცა, ერთი შეხედვით, ამ საოცრად შთამბეჭდავი სპექტაკლის დროს ანტონიუსმა დიდებულად ითამაშა პტოლემაიოსთა ყოვლისშემძლე პატრონის როლი. მას მოსწონდა მდიდრული და ბრწყინვალე სცენები, ხოლო ალექსანდრიელებს — მისი წარმოსადგევი გარეგნობა და მეფური მანერები. ალექსანდრიელებს დედოფალიც მოეწონათ ისისის როლში და ამიერიდან მას ოფიციალურად უწოდეს „ახალი ისისი“. ამგვარად, კლეოპატრამ ადამიანური სფეროდან ლეთაებრივში გადაინაცვლა და ეს მოხდა ჯერ კიდევ მაშინ, როცა იგი ცოცხალი იყო.

სავარაუდოა, რომ ამ ტრიუმფისა და საჩუქრების ამბავმა რომში მხოლოდ 33 წლის დამდეგს ჩააღწია. რომი აღშფოთდა. რაც შეეხება ოქტავიანუსს, ამ ამბავს იგი მხოლოდ უნდა გაეხარებინა, რადგანაც ანტონიუსმა თავად გამოჰქვდა ის იარაღი, რომელიც მის წინააღმდეგ უნდა აღმართულიყო.



კლეოპატრა



ალექსანდრიულ ნადიმებზე რომში საოცარ ამბებს ჰყვებოდნენ. ხმას აერცვლებდნენ, თითქოს იქ რომაელი წარჩინებულებიც ილხენდნენ. თუნდაც მუნაკიუს პლანკუსი, რომელიც მოგვიანებით ავგუსტუსის უახლოესი მეგობარი გახდა. იგი თურმე ზღვის მითიური მოხუცის, გლავკოსის სამოსში გამოწყობილი ასრულებდა უხამს ცეკვებს ეგვიპტელ დიდებულთა წინაშე; სწორედ ამ პლანკუსს შეუსრულებია მსაჯულის როლი, როდესაც კლეოპატრას, გამხიარულების მიზნით, ანტონიუსთან სანაძლეო დაუდევს, რომ ერთ ჯერზე გადაყლაპავდა ათ მილიონ სესტერციუსს (რომაული ვერცხლის მომცრო მონეტას). რა თქმა უნდა, კლეოპატრამ მოიგო, რადგანაც თურმე ძმარში გახსნა ფასდაუდებელი მარგალიტი და ის ჩაყლაპა (პლინიუსი, „ბუნებრივი ისტორია“, IX, 179). რა უფლება გვაქვს არ ვენდოთ ანტიკურ წყაროებს, რომლებიც გვიამბობენ უძვირფასეს ამეთვისტოს თილისმებზე, რომლებიც თრობისგან იცავდნენ მოქიფებებს, ან კლეოპატრას სუფთა ოქროთი ნაკეთებ საიგავო ჭურჭელზე, თვალ-მარგალიტით დამშვენებულ სასმისებზე და ათასგვარ განძზე. მით უმეტეს, რომ თავად რომში სჯეროდათ ამის, რადგანაც თელიდნენ: ალექსანდრიაში, ამ ანტიკურ ბაბილონში, ყველაფერი შესაძლო იყო.

მაშინ, როდესაც უსაქმურთა და მლიქვნელთა ამალით გარემოცული ანტონიუსი თავდავიწყებით ეძლეოდა სიყვარულს, ლხინსა თუ ნადირობას, ალექსანდრიის თავზე საადრო ღრუბელი იკრებოდა. 33 წელს ანტონიუსი კიდევ ერთხელ ეწვია არმენიას. პართიის წინააღმდეგ გალაშქრებას აზრი არ ჰქონდა, რადგანაც ახლა ოქტავიანუსმა გამოუცხადა ომი მეტოქეს. ანტონიუსი საყოველთაოდ ცნობილ ბერძნულ ქალაქ ეფესოში დაბანაკდა. მალე მასთან კლეოპატრაც ჩამოვიდა. ომს არ იწყებდა არცერთი მთავარსარდალი, ისინი მხოლოდ მამხილებელ წერილებს წერდნენ ერთმანეთს.

კლეოპატრამ მოახერხა ის, რომ ანტონიუსს მის გარეშე არსებობა აღარ შეეძლო. რას არ ჰყვებოდნენ მათზე. აერცვლებდნენ ხმას, თითქოს ანტონიუსი მოჯადოებული იყო, რომ მას უფლება არ ჰქონდა, ეტარებინა რომაელის სახელი. მას ბრალად სდებდნენ, რომ დედოფალს ყველაფერთან ერთად პერგამონის ბიბლიოთეკა აჩუქა, რომ საპატიო სტუმრების თვალწინ შეეძლო მის ფეხებს მოფერებოდა, რომ საქმიან საუბრებზე სასიყვარულო ბარათების კითხვით ერთობოდა. იმასაც ჰყვებოდნენ, რომ თურმე ერთხელ, ალექსანდრიაში, ანტონიუსს სამსჯავრო სხდომა მიჰყავდა. როცა დამცველი სიტყვით გამოდიოდა, შენობის ახლოს გამოჩნდა დედოფლის კორტეჟი. თვალი მოჰკრა თუ არა მას ანტონიუსსა, დატოვა დარბაზი და კლეოპატრას დაედევნა ფეხით.

მიუხედავად ამ მიეთ-მოეთისა, ანტონიუსს ჯერ კიდევ ჰყავდა რომში მეგობრები, რომლებიც ნუხდნენ მის ბედზე. გონს მოსაყვანად მიუგზავ-



ნეს პემინიუსი, მაგრამ ისიც ვერაფერს გახდა. არ გამოჰპარვია მისი ვიზიტი დედოფალსაც. ამბობენ, თითქოს პემინიუსმა კლეოპატრას თანდასწრებით სთხოვა ანტიონიუსს, კვლავ ეგვიპტეში დაებრუნებინა დედოფალი. ანტიონიუსის ნაცვლად ასე მიუგო მას კლეოპატრამ: „კარგია, პემინიუს, სიმართლე რომ თქვი, ჰოდა წამება არ აგცდება“.

ეფესოში მრავალმა რომაელმა მოიყარა თავი. ყველა იმ აზრისა იყო, რომ კლეოპატრა უნდა გასცლოდა ანტიონიუსს. მისი იქ ყოფნა ხელს აძლევდა მხოლოდ ოქტავიანუსს, რომელიც ყველას არწმუნებდა, რომ ანტიონიუსი დაემონა ეგვიპტის დედოფალს, მის ყოველ სურვილსა და კაპრიზს ასრულებს, რაც მთავარია, მზად არის რომიც გადაულოცოს. ეს ორი დიდებული რომაელის შეხლა კი არ იყო მხოლოდ, არამედ წმინდა ომი იყო იტალიასა და აღმოსავლეთს შორის დაწყებული.

კლეოპატრას სურდა და დარჩა ეფესოში. რამდენად დამლუპველი იყო ეს გადაწყვეტილება, მალე გახდება ცხადი. იქნება ჯობდა, ანტიონიუსს შეესმინა ჰეროდე იუდეველის რჩევა: „გინდა გაიმარჯვო? მოკალი კლეოპატრა!“

32 წლის გაზაფხულზე ანტიონიუსმა ეფესოდან სამოსზე გადაინაცვლა. კუნძულზე გადმოსხეს არა მხოლოდ ჯარი, არამედ მსახიობებიც. „მაშინ, როდესაც მთელ სამყაროს იარაღის ჟღარუნე, დაჭრილთა ეცენა და მგლოვიარეთა გოდება აესებს — ასე ამბობდნენ თურმე იმ ხანად — კუნძულ სამოსზე ფლეიტისა და კითარის ხმები გაისმის, ხოლო ხალხით გაჭვდილთეატრებში ქოროები გაბმით მღერიან“. მსახიობები და დრამატურგები პირველობისთვის იბრძოდნენ ხელოვნების სფეროში. „მეფეები კი ერთმანეთს სჯობნიდნენ ფუფუნების გამოვლენაში, მდიდრული ძღვენის გაღებაში. გაოგნებული ხალხი ფიქრობდა: ხომ წარმოგიდგენიათ, როგორი იქნება მათი გამარჯვების დღესასწაული, თუკი ისინი ასეთი დიდებულებით ზეიმობენ ომის სამზადისს!“ (პლუტარქე, „პარალელური ბიოგრაფიები“, ანტიონიუსი, 55-56).

მალე საომრად განწყობილმა თუმც მონადიმე სამეფო კარმა დატოვა სამოსი. ანტიონიუსი და კლეოპატრა ათენს ესტუმრნენ და იქ განაგრძეს მხიარულება. კლეოპატრა ყოველნაირად ცდილობდა ათენელთა გულის მოგებას. თავის მხრივ, ათენელებიც კეთილად განეწყვნენ დედოფლისადმი. მადლიერების ნიშნად ქალაქმა გამოსცა რამდენიმე დეკრეტი, რომელთა წარდგენაც ეგვიპტის დედოფლის წინაშე დაევალათ წარჩინებულ ათენელებს. მათ შორის იყო ანტიონიუსიც, როგორც ატიკის საპატიო მოქალაქე.

სწორედ მაშინ გადაწყვიტა ანტიონიუსმა ფორმალურადაც გაყროდა ოქტავიას. უბრძანა, დაეტოვებინა მისი სახლი რომში და თან წაეყვანა შვილებიც. მხოლოდ ანტილუსს (უფროსი ვაჟი ფულვიასაგან) ეძლეოდა უფ-



კლეოპატრა



ლება დარჩენილიყო ანტონიუსის სახლში. როგორც ამბობენ, ასეთი იყო კლეოპატრას სურვილი.

რომში მიაჩნდათ, რომ ეგვიპტის დედოფლის მიერ მოჯადოებულ ანტონიუსს გონება ჰქონდა დაბინდული, რომ იგი რომაელი მოქალაქის ნოდების ღირსი არ იყო. ამ და სხვა მიზეზთა გამო 32 წლის ბოლოს ოქტავიანუსი აირჩიეს უზენაეს მთავარსარდლად. მთელმა იტალიამ და მასთან ერთად ჩრდილოეთის პროვინციებმაც მას საზეიმო ფიცია დაუდეს. ამიერიდან კეისრის ძეს ყველა საფუძველი ჰქონდა ანტონიუსის ნოდებათა გასაუქმებლად. 31 წლისთვის კონსულად დაინიშნა ოქტავიანუსის მეგობარი მესალა. ძველი რელიგიური ცერემონიალის აღსრულების შემდეგ კი ოქტავიანუსმა, ისარგებლა რა კლეოპატრას აღმოსავლური ლაშქრის მთავარ ბანაკში ყოფნით, სწორედ მას გამოუცხადა ომი.

ხანგრძლივი მანევრებისა და ჯართა გადაადგილების შემდეგ (რომელიც ვრცლად არის აღწერილი ისტორიულ წყაროებში), 31 წლის 2 სექტემბერს აქტიუმის კონცხთან მოხდა გადამწყვეტი საზღვაო ბრძოლა. ანტონიუსის ფლოტი დამარცხდა. ხომალთა ნაწილმა, თავი დააღწია რა მძევნევერ ხანძარს, გეზი აიღო ალექსანდრიისაკენ. მათ შორის იყო ანტონიუსის და კლეოპატრას ხომალდიც. გამარჯვებული ნელა მიინედა წინ. ასე რომ, ჯერ კიდევ შეიძლებოდა ძალის მოკრება, მაგრამ საბედისწერო წყვილი ნადიმსა და მხიარულებას ვერ ელეოდა. მართალია, ანტონიუსიც და კლეოპატრაც ცდილობდნენ ოქტავიანუსთან ზავის დადებას, მაგრამ ეს უკანასკნელი მკაცრ პირობებს სთავაზობდა მათ. ის გრძნობდა ძალას და კომპრომისებს აღარ საჭიროებდა.

დამარცხების მიუხედავად ეგვიპტეში სიმშვიდე სუფევდა. ეგვიპტელეზი დახმარებას სთავაზობდნენ თავის დედოფალს, რადგანაც რომის ბატონობის საშიშროება შემზარავად ეჩვენებოდათ. მაგრამ დედოფალს არ სურდა ომი. მართალიც იყო. იგი კარგად ხედავდა რომაელთა უპირატესობას და გრძნობდა, რომ ომი დაანგრევდა ქვეყანას, ხოლო მის მემკვიდრეებს წაართმევდა ძალაუფლების შენარჩუნების უკანასკნელ იმედს. კლეოპატრას ფიქრი მიმართული იყო მხოლოდ იმისკენ, რომ თავისი შვილებისათვის არ დაეკარგა ტახტი. სწორედ ამიტომ გაუგზავნა ოქტავიანუსს სკიპტრა, დიადემა და სთხოვა, ეგვიპტის მეფედ მისი ერთ-ერთი ძე დაენიშნა. „შოში ნუ გაქცესო!“ — მალულად შემოუთვალა გამარჯვებულმა კლეოპატრას, მაგრამ გრძნობდა დედოფალი, რომ ეს ლიტონი სიტყვები იყო, რომ ამ რომაელს მიზნად ჰქონდა, დაუფლებოდა მის განძს, რომელსაც გაქცევისას თან გაიყოლებდა.

ავისმომასწავლებელი წინათგრძნობით შეპყრობილი კლეოპატრა ამზადებდა ხომალდებს, რომლებითაც, თუ საბოლოოდ დამარცხდებოდა, ინდოეთისკენ უნდა აეღო გეზი თავის ოჯახთან ერთად. თუმცა ამასთანავე



სხვადასხვა შხამის (უმეტესწილად გველის შხამის) ზემოქმედებას აკვირდებოდა თავის მონებზე.

30 წლის 1 აგვისტოს ოქტავიანუსი ალექსანდრიის კედლებს მოუახლოვდა. ანტონიუსმა საბრძოლო მზადყოფნა გამოაცხადა და თავის ხომალდებს მტრისკენ დაძვრა უბრძანა. მაგრამ მოხდა საოცარი რამ: კლეოპატრამ ღალატის ფასად ეგვიპტის ხსნა განიზრახა. მან ანტონიუსისგან ფარულად ფლოტს და არმიას იარაღის დაყრა უბრძანა. მეომრები დანებდნენ. სასონარკვეთილი ანტონიუსი სასახლეში დაბრუნდა და მთელი მრისხანება კლეოპატრაზე გადმოაფრქვია. „შენ მილაღატე, თუმცა ომი შენთვის დაიწყო!“ — ყვიროდა იგი. დედოფალი ისისის ტაძრის გვერდით აშენებულ თავის აკლდამაში ჩაიკეტა და ყველა კარი მაგრად ჩარაზა. ანტონიუსთან კი გაგზავნა მაცნე, რომელმაც დაარწმუნა მხედართმთავარი, თითქოს კლეოპატრამ თავი მოიკლა. მაშინ ანტონიუსი შევიდა თავის ოთახში, შემოიხსნა აღსაკაზმავი და ირგვლივ შემოკრებილ მეგობრებსა და მსახურებს ასე მიმართა მწარე ლიმილით: „რა მხედართმთავარი ვარ მე, თუკი ქალმა მაჯოგა თავისი გამბედაობით!“

ანტონიუსმა სთხოვა თავის ერთგულ მონას, სახელად რომ ერქვა ეროსი, მახვილი დაეკრა მისთვის. ეროსმა აიღო მახვილი და თავად გაიპო მკერდი. ანტონიუსმა დახედა მის ფეხებთან უსულოდ დაცემულ მონას და აღფრთოვანებულმა წამოიძახა: „ქარგად დამანახე, როგორ უნდა მოვიკლა თავი!“

მაგრამ ანტონიუსმა ვერც ეს შეძლო. მახვილი მუცელზე მოიხვედრა და ისიც სუსტად. სისხლში მოთხერილი სანოლზე დაეარდა და ირგვლივ მყოფთ ევედრებოდა, ბოლო მოეღოთ მისთვის. ყველა გაიქცა. მიატოვეს ანტონიუსი ტიკვილისა და სისხლის ამარა. ბოლოს მასთან მივიდა კლეოპატრას მდივანი დიომედესი და აუწყა, რომ დედოფალი ჯერ კიდევ ცოცხალი იყო და ითხოვდა მასთან შეხვედრას.

დიომედესმა მონების დახმარებით გადაიყვანა ანტონიუსი აკლდამასთან. იქ კლეოპატრამ არ ისურვა ჩარაზული კარის გაღება. მან ზედა ფანჯრიდან ჩაუშვა თოკი და ორი მონა ქალის დახმარებით, რომელთაც მასთან ყოფნის უფლება ჰქონდათ, შეძლო სისხლისგან დაცლილი ანტონიუსი შეეტანა თავის ოთახში.

მომაკვდავი სანოლზე დაანეინეს. კლეოპატრა მწარედ მოთქვამდა და მკერდს და ღანვებს იხოკავდა. ანტონიუსმა მოითხოვა ღვინო და საყვარელ ქალს დამშვიდება დაუწყა; სთხოვდა, სასო არ წარეკეთა და საქმეებისთვის მიხედა. თავის ცხოვრებას კი ბედნიერად მიიჩნევდა, რადგანაც იგი საყვარელ იყო ბრწყინვალე განცდებით; თავად კი კაცთაგან ძალმოსილებით გამორჩეული, ღირსეულად კვდებოდა, როგორც ეს შეეფერებოდა ჭეშმარიტ რომაელს დამარცხებულს რომაელისგან.

განუტევა თუ არა სული ანტონიუსმა, აკლდამასთან გამოჩნდა გაიუს



კლეოპატრა



პროკულეუსი. იგი ოქტავიანუსმა გამოგზავნა კლეოპატრასთან, სასახლეში დაბრუნების თხოვნით. პროკულეუსმა კიბე მიადგა იმ ფანჯარას, საიდანაც ანტონიუსი გადაიყვანეს და შეაღწია კლეოპატრას განსასვენებელში. თავის მსახურთა დახმარებით შეიპყრო ეგვიპტის დედოფალი და წაართვა დანა, რომლითაც თავს იკლავდა. ოქტავიანუსს სჭირდებოდა ცოცხალი კლეოპატრა, რათა დაემშვენებინა თავისი ტრიუმფალური სვლა მარადიული ქალაქისაკენ.

რა მოხდა შემდეგ?

ანტონიუსი ღირსეულად დაკრძალეს.

კლეოპატრას დახოკიდ მკერდსა და ღანებზე იარები დაუნყლულდა. იგი მალალი სიციხით ლოგინად ჩავარდა, საჭმელს არ ჭამდა და ერთთავად სიკვდილს ნატრობდა. ოქტავიანუსი შვილების დახოკვით დაემუქრა, თუ კი არ შეწყვეტდა შიმშილი. მუქარამ გაჭრა. დედოფალი მომჯობინდა.

მალე ოქტავიანუსი თავად ეწვია კლეოპატრას, რომელიც ამ ვიზიტს დიდხანს ელოდა.³

მსუბუქი მოსასხამით ტანშემოსილი დედოფალი ისვენებდა დაბალ სა-რეცელზე. ოქტავიანუსის შემოსვლისთანავე იგი წამოხტა და რომაელს მუხლებზე შემოეხვია. ოქტავიანუსმა დედოფალი წამოაყენა, ისევ საწოლზე დაანებინა და თავადაც იქვე ჩამოჯდა. უკანასკნელად კლეოპატრა მან თექვსმეტი წლის წინ იხილა რომში. მაშინ ახალგაზრდული ასაკითა და ძალმოსილებით მბრწყინავ დედოფალს არც მიუტყვევია ყურადღება იმ ჭაბუკისთვის, რომელსაც შემდგომ მისი ბედი უნდა გადაეწყვიტა. არც ახლა ჰქონდა დაკარგული მიმზიდველობა დამნუხრებულ და თამამოუნერგიე-ბელ კლეოპატრას. თანდაყოლილი ხიბლი, საამო ხმა და მონიფული სილამაზე ჯერ კიდევ არ გაჰქრობოდა. მის თითოეულ მოძრაობას, გამოხედვა-სა თუ ხმის ტემბრს გარდაუვალი დიდებულების სხივი დაჰკრავდა.

თავდაპირველად კლეოპატრა შეეცადა ანტონიუსის დადანაშაულებას. მაგრამ როგორც კი შეენინა აღმდეგა ოქტავიანუსი, საუბარი სხვა თემაზე გადაიტანა. შემდეგ შვილების შეწყალება სთხოვა გამარჯვებულს და ახლა სცადა, თანაგრძნობა გამოენებია, თავს აჩვენებდა ისე, თითქოს სიკვდილის ემინოდა, სიცოცხლე სურდა. ბოლოს ოქტავიანუსს თავის ძვირფასეულობათა ნუსხა გადასცა და განრისხდა, როდესაც ერთ-ერთმა მსახურმა ძვირფას სამკაულთა გადამალვაში დასდო ბრალი. კლეოპატრა თავს იმართლებდა, არწმუნებდა ოქტავიანუსს, რომ ეს ნივთები ოქტავიანუსს და ლივიასათვის⁴ უნდა მიეძღვნა. რომაელ მხედართმთავარს ისეთი შთაბეჭდილება შეექმნა, რომ დედოფალი მართლაც ებლაუჭება სიცოცხლეს. მან დაამშვიდა იგი, შეპირდა, მზრუნველობას არ მოაკლებდა და წავიდა დარწმუნებული, რომ მოახერხა მისი მოტყუება. სინამდვილეში თვით აღმოჩნდა მოტყუებული.



დიახ, არ სურდა კლეოპატრას რომში გამგზავრება ტრიუმფატორის სამშვენისად, როგორც ტყვეს. მას სხვა რამ ჰქონდა ჩაფიქრებული:

დილით ადრე ანტონიუსის სამარე მოინახულა, ყვაილებით შეამკო იგი და დიდხანს იტირა. შემდეგ დაბრუნდა სასახლეში, ბრძანა, აბაზანა მოემზადებინათ მისთვის და სასადილოდ გაშლილ სუფრასთან დაიკავა თავისი ადგილი. ამ დროს სასახლის კარიბჭეს მოადგა გლეხი ხელში კალათით, რომელშიც ენყო არაჩვეულებრივი სიდიდის ლეღები. დარაჯები გაოცდნენ. გლეხმა მათ რამდენიმე ცალი აჩუქა და დედოფლის ოთახისაკენ გასწავა.

სადილის შემდეგ კლეოპატრამ წერილი დანერა და ოქტავიანუსს გაუგზავნა; მსახურები დაითხოვა, მასთან დარჩენის ნება დართო მხოლოდ ორ მხევალს და მათთან ერთად ჩაიკეტა თალამოსში.

წერილის მიღებისთანავე ოქტავიანუსი ყველაფერს მიხედა და მსახურები გაგზავნა დედოფლის სადგომისაკენ. წერილში კი კლეოპატრა გამოთქვამდა ანტონიუსის სამაროვანის გვერდით დაკრძალვის სურვილს.

მსახურებმა დაიგვიანეს. როდესაც მათ კლეოპატრას მოსასვენებელი ოთახის კარი შეღწენეს, ასეთი სურათი იხილეს: ოქროს ტახტზე სრული სამეფო აღკაზმულობით ესვენა დედოფალი. ერთი მხეველი, ირასი, თავისი ქალბატონის ფერხითი ინვა უსულოდ, ხოლო მეორე, ქარმიონი, ჯერ კიდევ იდგა და დიადემას უსწორებდა დედოფალს. როდესაც ვილაცამ შესძახა: „განა კარგია ეს, ქარმიონ?“ უკვე სიკვდილის წყვილაღმე ჩაძირულმა მხეველმა ასე მიუგო: „დიახ, ასე უმჯობესია, იგი ხომ იმდენი მეფის მემკვიდრე იყო!“ და ჩაიკეტა იატაკზე. ხოლო სიკვდილის საიდუმლო ამ სამმა ქალმა თან ჩაიტანა სამარეში. კლეოპატრას მარცხენა ხელზე ორი ნაკანარი აღმოუჩინეს, მიამსგავსეს გველის ნაკბენებს, მაგრამ გველი ველარ იპოვნეს. გასრიალდაო ალბათ იმ კარში, ზღვის ნაპირზე რომ გადიოდა.

ასე ამბობენ, თითქოს გველი ჩამალული იყო იმ საოცარი ლეღებით სავსე კალათაში. როდესაც კლეოპატრამ რამდენიმე ლეღვი ამოიღო, ხმადაბლა წართქვა: „აი, თურმე სად ყოფილხარ!“ — გველს მიეფერა და საკბენად ხელი გაუნოდა.

თუ კლეოპატრა მართლა გველის ნაკბენისაგან გარდაიცვალა, ამას, შესაძლოა, ღრმა სიმბოლური მნიშვნელობაც ჰქონდეს. ფარაონთა სამეფო დიადემას ოდითგან ამშვენებდა გველის გამოსახულება. გველი იყო სამეფო ძალმოსილების სიმბოლო. ეგვიპტურ მითოსში გველი დაკავშირებული იყო მზის ღმერთთან. ითვლებოდა, რომ მისი ნაკბენით ადამიანს უკვდავება ენიჭებოდა, რითაც ხდებოდა ღვთაებათა თანაზიარი. ალბათ ეს სიმბოლოცა აისახა ვალაკტიონის იმ მეტაფორაში, რომლითაც დევასათაურეთ დედოფლის პორტრეტი (ლექსიდან „იხდება ფარდა“).

კლეოპატრა ღირსეულად დაკრძალეს, ისე, როგორც ეკადრებოდა დი-



კლეოპატრა



ადი დინასტიის უკანასკნელ დედოფალს. ოქტაგიანუსმა აღასრულა მისი სურვილი. მაშინ კლეოპატრა 39 წლისა იყო, იმეფა თითქმის 22 წელი, აქედან 12 წელი იყოფდა ძალაუფლებას ანტონიუსთან, რომელიც 56 წლის ასაკში გარდაიცვალა.

ეგვიპტეზე გამარჯვება რომში ძვ.წ. 29 წლის 15 აგვისტოს იზეიმეს. კლეოპატრას გარდაცვალებასთან ერთად ჩაესვენა უდიდეს ელინისტურ სახელმწიფოთაგან უკანასკნელის ძალმოსილება, თუმცა ეგვიპტურმა ცივილიზაციამ კიდევ მრავალი საუკუნე იარსება და მასთან ერთად ხსოვნამ იმ გასაოცარ დედოფალზე, რომელმაც სიცოცხლე თვითმკვლელობით დაასრულა, რათა გამარჯვებული რომაელის ტრიუმფალური სვლის ტყვედქმნილი სამშვენიისი არ ყოფილიყო. ამ თვითმკვლელობით კლეოპატრამ კიდევ ერთხელ გააოცა თავისი თანამედროვე სამყარო. გაოცება ხომ მისი სტიქია იყო.





შენიშვნები:

- ¹ იხ. „Записки Юлия Цезаря и его продолжателей о галльской войне, о гражданской войне, об александрийской войне, об африканской войне“, Москва-Ленинград, 1948, გვ. 350-353.
- ² *ius connubii* — თანხმობა, რომელიც ორი ქვეყნის მოქალაქეებს დინასტიური ქორწინების უფლებას აძლევს.
- ³ კლეოპატრასა და ოქტავიანუსის შეხვედრის ამბავი დანერგულია არის აღწერილი როგორც პლუტარქეს („პარალელური ბიოგრაფიები“, ანტონიუსი, 83), ასევე დიო კასიუსის (Римская история. Конец Антония и Клеопатры (LI, 5-6), в кн.: „Памятники поздней античной научно-художественной литературы II-V века“, Москва, 1964, стр. 126-133) თხზულებებში. ვარაუდობენ, რომ იმ პერიოდისთვის მათ ხელთ ჰქონდათ დედოფლის პირადი ექიმის, ოლიმპუსის ჩანაწერები (მდრ. Г. Бенгтсон, Правители эпохи эллинизма. М., 1982, стр. 365).
- ⁴ ლივია, ოქტავიანუსის მეუღლე.





„MOECHA
PUTIDA“

ლოესბიას

ძვ.წ. I საუკუნეში, მაშინ როდესაც გაიუს ვალერიუს კატულუსი ცხოვრობდა, რომი ხმელთაშუაზღვისპირეთში ბატონობის სულ რაღაც ას წელს ითვლიდა, მაგრამ მას უკვე დიადი იმპერიის სახელი ჰქონდა მოხვეჭილი. რომისკენ მოედინებოდა სიმდიდრე, რომელმაც ამ უზარმაზარი იმპერიის დედაქალაქში თავი მოუყარა ნიჭიერ ადამიანებსაც და მათ შემოქმედებითი ძალისხმევის წარმოსაჩენად მიანიჭა თავისუფალი დრო („otium“).¹ ხოლო თავისუფალ დროს მუდამ თან სდევდა მცონარობა. კატულუსის წინამორბედ თაობებს მოსაწყენად არ ეცალათ. ისინი იბრძოდნენ, მინას აშუშავებდნენ ან საზოგადო საქმეებს განაგებდნენ — ეს სამი სფერო თავისუფალ მოქალაქეთა მოღვაწეობის ღირსეული ასპარეზი იყო. მაგრამ ახლა, რომის რესპუბლიკური ხანის დასასრულს, ომი პროფესიონალ ჯარისკაცთა საქმედ იქცა, მინის დამუშავება — დატყვევებული მონებისა, ხოლო პოლიტიკა — ხელისუფლებისათვის ბრძოლის სარბიელს დაემსგავსა, სადაც გამარჯვებული დამარცხებისათვის იყო განწირული. თავისუფალი დრო ფიქრის საშუალებას იძლეოდა, ხოლო ფიქრი — საკუთარ სულში ჩაღრმავებისა. ამ დროის დიდი მოღვაწე ციცერონი ცდილობდა გაეაზრებინა, თუ როგორ შეიძლებოდა მოცალეობის ღირსეულად გამოყენება (otium cum dignitate, „სესტიუსისათვის“, 98) მაშინ, როდესაც ადამიანებს მოცალეობის არაღირსეულად გატარების სურვილი ჰქონდათ. ასაკოვანი შინ ერთობოდნენ, ახალგაზრდები კი — ბოჰემურ სალონებში. მათი ცხოვრების შინაარსს წარმოადგენდა ღვინო, ქალები და პოეზია. რა თქმა უნდა, იმ რომაელებს, რომლებსაც მთელი ცხოვრება საზოგადოებრივი მოღვაწეობისათვის მიეძღვნათ, ტრიუმფირატისა და იულიუს კეისრის ერთპიროვნული მმართველობის ხანა „რესპუბლიკური რომის მიმწუხრად“ (ციცერონი, „ბრუტუსი“) ეჩვენებოდათ. მაგრამ მომდევნო თაობას, რომელსაც აღარ აინტერესებდა ომები და ტრიუმფები, დასაწყისი პრინციპა-



ტისა ახალ სარბიელს სთავაზობდა. ყურადღების ცენტრში ექცეოდა პიროვნება თავისი ვნებებითა და განცდებით, თავისი დამოკიდებულებით გარემომცველი სამყაროსადმი. როგორც ყოველი მიჯნა ეპოქებისა, ასევე რომის რესპუბლიკიდან პრინციპატზე გარდამავალი პერიოდის მეტისმეტად დაძაბული იყო და წინააღმდეგობებით აღსავსე, რაც თავისთავად აისახა კიდევ ლიტერატურულ ცხოვრებაში. გამოჩნდნენ ახალი თაობის პოეტები, რომლებმაც გადაუხვიეს მოქალაქეობრივი პათოსით განმსჭვალული ტრადიციული გზიდან და საკუთარ ემოციათა წარმოსახვა დაისახეს მიზნად. მათ თავი იგრძნეს ნოვატორებად, ხოლო ეს ნოვატორობა ეპოქით იყო განპირობებული. ერთი საუკუნის წინ რომაული საზოგადოების გემოვნება ერთფეროვანი იყო და კულტურაც ამ გემოვნების შესაბამისად ვითარდებოდა. პოეზიაში ბატონობდა სამოქალაქო ეპოსიცა და სახუმარო კომედია — ეპიკები, რომლებიც ერთნაირად აღეულებდა წარჩინებულებსაც და პლებსაც. ახლა საზოგადოება ორად გაიყო: უბრალო ხალხად, რომელიც შრომობდა და რომელსაც არ ჰქონდა თავისუფალი დრო და ელიტად, რომელიც მოცალეობისაგან ამთქნარებდა. უბრალო ხალხის გასართობად დარჩა კომედია, ოღონდ უფრო გაუხეშებული, ხოლო მაღალმა საზოგადოებამ otium-ის შესავსებად მოითხოვა დახვეწილი პოეზია, მიუნდომელი დაბალი ფენებისათვის. და აი, შემოქმედებით სარბიელზე გამოჩნდნენ პოეტები, რომელთა ქმნილებები მცონარე რომაული ელიტის მონონებას იმსახურებდა. მათ ციცერონი ირონიულად ნეოტერიკოსებს (ei vesaterepi — ახალი მთხველები, „ატიკუსისადმი“, VII, 2), ანუ ჩვენი გაგებით, „მოდერნიზტებს“ უწოდებდა. უფრო ირონიულად კი — „ევეფორიონის დამქაშებს“, იმ ანტიოქიელი ევეფორიონისა, რომელიც აღექსანდრიული ღვარჭნილი პოეზიის მიმბაძველად იყო ცნობილი. სწორედ ამ დროს გამოჩნდება რომის ბოჰემურ სალონებში სრულიად ახალგაზრდა პოეტი კატულუსი, რომელიც თავის ქმნილებათა საუკეთესო ნაწილს „უმშენიერეს ლესბიას“ მიუძღვნის. „Lesbia formosa est“ (86) — განაცხადებს იგი და ისეთ სიმძაფრეს მიანიჭებს საკუთარ განცდებსა და წარმოსახვებს, რომ უმალ მის თანამედროვე მსმენელთა აღტაცებას დაიმსახურებს. ხოლო ეს აღტაცება საუკუნეებს გაუძლებს. როდესაც მსმენელებს ვახსენებთ, მხედველობაში გვაქვს რომის პოეტურ სალონებში დამკვიდრებული დეკლამირების ტრადიცია. მოგვიანებით პლინიუს უმცროსი დაწერს: „ამ წელს პოეტთა დიდი მოსავალია. აპრილის თვეში დღევ არ გასულა სახალხო კითხვის გარეშე. გულწრფელად ვხარობ ლიტერატურული ცხოვრების გამოცოცხლებითა და ნიჭიერ ადამიანთა გამოჩენით. მსმენელები კი უხალისოდ იკრიბებიან, მეტწილად პორტიკებში სხედან და უაზროდ მასლაათობენ. მხოლოდ დრო და დრო თუ იკითხავენ, რა ქნა პოეტმა, დაასრულა თუ არა შესავლის კითხვა, დაახვია თუ არა თავისი გრაგინლის დიდი ნაწილი. აი, მაშინ კი თავს მოიყრიან, თუმცა მალე, არ ელიან რა კითხვის დასრულებას, ისეე მიდიან, ზოგი ჩუმად მიიპარება, ზოგი კი მოურიდებლად, ყოველგვარი უხერხულობის გარეშე“ („ნერიკები“, I, 13, § 1-2).



პოეტური სალონებისადმი ასეთი დამოკიდებულება თავს იჩენს ავგუსტუსის ეპოქის შემდეგ, როცა ბრწყინვალე პოეტთა დრო ჩაივლის. ხოლო მაშინ, კატულუსის ეპოქაში, რომაელ ყმანვილთათვის სიყვარული და ვენუსისმიერ განცდებზე საუბარი სახალისო და საამური უნდა ყოფილიყო. დაუმთავრებელმა სამოქალაქო ომებმა, პოლიტიკურმა ინტრიგებმა, მჭევრმეტყველთა პაექრობებმა თავი მოაბეზრეს ახალგაზრდა რომაელებს. განა უფრო სასიამოვნო არ იყო მეგობართა წრეში ტრიალი და სატრფიალო თავგადასავლებით თავმონონება? ურთიერთობათა ეს სფერო თანდათან უფრო იხვეწებოდა. მამაკაცები საინტერესონი, ქალები კი უფრო მომხიბლავნი ხდებოდნენ. ისინი თავად განაგებდნენ რა საკუთარ გრძნობებსა და სურვილებს, მამაკაცთა სრულუფლებიანი პარტნიორები იყვნენ ნებისმიერ სარბიელზე.

რომაულმა ელევამ განსაკუთრებული მომხიბლაობით წარმოაჩინა ის ქალები, რომელნიც დაჯილდოებულნი იყვნენ არა მხოლოდ ეროსის, არამედ მუზათა ძღვენიც და რომელთაც შეეძლოთ მამაკაცთა აღფრთოვანება არა მხოლოდ სინაზითა და ქალურობით, არამედ ნიჭიერებითაც. ქალთა ამ ტიპებს საკმაოდ შთამბეჭდავად ხატავდნენ ელევაკოსები და ჩვენთვის ამჟამად ძნელია იმის თქმა, ნამდვილად არსებობდნენ თუ არა ისინი. ვიტოვებთ შესაძლებლობას ვივარაუდოთ, რომ ზოგიერთი მათგანი პოეტის წარმოსახვის ნაყოფიც შეიძლებოდა ყოფილიყო. მაგრამ ვინ იყო ლესბია? ის ლესბია, რომლის ვნებითაც შეპყრობილმა კატულუსმა სამუდამოდ რომ დაიშკვიდრა რომანტიკოსი პოეტის სახელი. მისმა რომანმა წარჩინებულთა მოდგმის ამ მაცდური ლამაზმანისადმი საყოველთაო ინტერესი გამოიწვია. კატულუსის ქმნილებათა კრებული არ არის დიდი მოცულობის. მასში სულ 116 ლექსია წარმოდგენილი. ხოლო ლესბიას მხოლოდ 13 ლექსი ეძღვნება. ვარაუდობენ, რომ ეს კრებული პოეტის გარდაცვალების შემდეგ გამოიცა (კატულუსმა ხომ ორმოც წლამდეც ვერ იცოცხლა). მისმა შემდგენელმა კი ლექსები განალაგა არა ქრონოლოგიური თანმიმდევრობით, არამედ ფორმისა და საზომის მიხედვით. სწორედ ამიტომ ლიტერატურის მკვლევარნი და საერთოდ, პოეზიის მოყვარულნი თავს უფლებას აძლევენ ლესბიასადმი მიძღვნილი ლექსები ცალკე ამოკრიბონ და სამ ციკლად წარმოადგინონ ასეთი სახელწოდებებით: ბედნიერი სიყვარული; განხეთქილება და სინანული; განშორება. რა თქმა უნდა, კატულუსის ქმნილებათა კრებულში უფრო მეტია ლექსები, რომელთაც პოეტი უძღვნის ძმას, მეგობრებსა თუ სხვა მისთვის მნიშვნელოვან მოკვლენებს, მაგრამ თანამედროვე მკითხველს განსაკუთრებით ხიბლავს ის ლექსები, რომლებიც მის სასიყვარულო რომანზე მოგვითხრობენ ესოდენი ემოციურობით.

შევეცადოთ, წარმოვიდგინოთ ქრონოლოგიური თანამიმდევრობით კატულუსის სიყვარულის ისტორია: იტალიის პატარა ქალაქ ვერონაში დაიწყებს ჯერ კიდევ თექვსმეტი წლის ყმანვილი ლირიული ლექსების თხზვას სიყვარულზე. ასე ვკითხულობთ მის ოდაში (68, სტრ. 15-18). რომში ჩამო-



ლასია

სული მოხვედბა მასავით „უსაქმურ პოეტთა“ წრეში და დიდი გატაცებით გააგრძელებს ამ საქმეს. იმ ხანად ალბათ ვერც კი წარმოიდგენდა იგი, რომ ეს ახალგაზრდული გატაცება საფუძვლად დაედებოდა რომაული პოეზიის სრულიად ახალ ჟანრს, რომელიც დღემდე იარსებებდა თავისი პირველქმნილი სახით.

სწორედ ამ დიდსა და მარადიულ ქალაქში შეხვედბა კატულუსი ლესბიას. ორი საუკუნის შემდეგ ორატორი აპულეუსი, „ოქროს ვირის“ ავტორი, რომელიც სამსჯავროს წინაშე წარდგება ბილნსიტყვაობისა და გარყვნილების ბრალდებით, თავის „აპოლოგიაში“ განაცხადებს: „ჩემს ქმნილებებში რეალური პირები ზუსტად ისევე მოვიხსენიე გამოგონილი სახელებით, როგორც კატულუსმა მოიხსენია კლოდია ლესბიად, მეტელა პერილიად; პროპერციუსმა პოსტია კინთიად; ხოლო ტიბულუსმა პლანია დელიად“ („აპოლოგია“, 10). ასეთი იყო პოეტური ეთიკეტი: გამოგონილი სახელები აუცილებელი იყო უპირველეს ყოვლისა იმიტომ, რომ არ „გაეთვალათ“ მიძღვნათა ადრესატები, კიდევ იმიტომ, რომ არ შეებლალათ მათი ღირსება. შესაძლოა, ეს ფსიქოლოგიური თამაშიც იყო, რაც იმაზე მიანიშნებდა, რომ ცხოვრება სხვა რამ იყო, ხოლო პოეზია — მისგან განსხვავებული, რომ პოეტი აღწერდა არა იმას, რაც რეალურად ხდებოდა, არამედ იმას, რაც სურდა, რომ მომხდარიყო.

ჩვენ არაფერი ვიცით მეტელას, კინთიასა თუ პლანიას ცხოვრებიდან, მაგრამ კლოდია ცნობილია. იგი წარჩინებულთა მოდგმისა იყო. მის ერთ ძმას, კონსულს, მექრთამის სახელი ჰქონდა გავარდნილი, ხოლო მეორეს, სახალხო ტრიბუნს, დემაგოგისა. კონსული იყო მისი ქმარიც, მეტელუსი და განაგებდა წინააღმდეგობის გარეშე. ერთი ლეიძლი და მხედართმთავარ დაკლულსს ჰყავდა ცოლად, ხოლო მეორე, ნახევარიდა, თავად პომპეუსს. სამივე დას უწესობით სახელი ჰქონდა შებღალულნი, ყველაზე მეტად კი — კლოდიას. როდესაც მისი ქმარი გარდაიცვალა, უკვე დაქვირებულია, ბრალი დასდო თავის საყვარელს, კელიუს რუფუსს (კატულუსის 5მე- ოდის ადრესატს), თითქოს მან ჯერ მისი ოქროები მიითვისა, ხოლო შემდეგ კი მისი მონაშველა მოინდომა. კლოდიას არ გაუმართლა: კელიუსის დაცვა ითავა მისი ძმების მტერმა, სახელოვანმა ციცერონმა. თავის სიტყვაში „კელიუსისათვის“ ორატორმა უსინდისო და უზნეო, გარყვნილი და აღვირახსნილი კლოდიას ისეთი პორტრეტი დახატა, რომ გააოგნა მსაჯულები. ამისათვის არ დაიშურა თავისი ორატორული ნიჭი და ოსტატობა. კლოდიას გასაკიცხად მისი წარჩინებული წინაპრის აჩრდილს მოუხმეო, ვინმე აპიუს კლაუდიუსს, „უსინათლოდ“ წოდებულს, ცენზორს და კონსულს, რომელსაც რომიდან კაპუამდე გაუჭრია არხი და გაუყვანია გზა, რითაც სახელი გაუთქვამს. „აპიუსი რომ აღმდგარიყო — ვკითხულობთ ციცერონის სიტყვაში — ასე ეტყოდა კლოდიას: ქალო, რა გესაქმება კელიუსთან, ამ უწვეურულ უცხოელთან? რაზედ იყავი მასთან ისე ახლოს, რომ მიეცი ოქრო, ან რა უმტრე ისეთი, რომ გეშინია, არ მოგწამლოს? არ მოესწარი განა მამამენს? არა გსმენია განა, რომ შენი პაპა, პაპის პაპა და სხვა პაპებიც





კონსულეები იყვნენ? და ბოლოს, შენი მეუღლე ხომ სულ ახლახანს იყო კვინტუს მეტელუსი, სახელოვანი და მამაცი კაცი, სამშობლოს დიდად მოყვარული, რომელიც თავისი ღირსებებითა და დიდებით აღემატებოდა სხვა მოქალაქეებს? განა კელუსი შენი მეუღლის ახლო მეგობარი იყო? არა და არა! მასთან კავშირს, მაშ, რა დავარქვათ, თუ არა უზნეობა და უგუნურება... განა იმისთვის ვიღვნოდით სახელოვანი წინაპრები, რომ შენ დღითი დღე სამარცხვინო სიყვარულის მორევში ჩაძირულიყავი? განა იმისთვის გავთხარე არხი, რომ წყალი მრუშობით დაგებინძურებინა? განა იმისთვის გავიყვანე გზა, რომ ამ გზაზე უცხო კაცებთან გეხეტიალა?..” კლოდიას სხვა ბრალმდებლებიც ჰყავდა. „ისინი — განაგრძობდა ციცერონი, — ერთხმად გდებენ ბრალს გარყენილებაში, სამარცხვინო სიყვარულში, ალვირახსნილობაში, მრუშობაში, ღრეობებში, სიძვასა და ყველა უსაქციელობაში. ...რალაც ძალიან გყვარობს შენი უმცროსი ძმა, უცნაურად მოკრძალებული. ღამეული შიშების გამო ლოგინში გინევს, როგორც უფროს დას უმცროსი ძმა. ჰოდა, ეს ბიჭიც კი ასე გეტყობდა: „რამ გაგაგეჟა, რას ბობოქრობ?“ სხვაც მრავალი რამ თქვა ციცერონმა, რათა კლოდიას უზნეობა ცხადდყო. საინტერესოა, რომ ამ სიტყვაში, რომელიც ძვ.წ. 56 წელს წარმოითქვა, კლოდიას მეტრფეთა შორის არ არის ნახსენები ვალერიუს კატულუსი. ამის მრავალი მიზეზი შეიძლება არსებობდეს, ერთ-ერთი — ორატორის დელიკატობაც უნდა იყოს.

მოდით, დროებით დავივიწყოთ ის, რასაც აპულეუსი ან ციცერონი გამოგვცემდნენ კლოდიას შესახებ და ისევე მივყვეთ ქრონოლოგიას: ის, თუ რამდენი წლის იყო კატულუსი, როდესაც იგი რომს ეწვია, ჩვენთვის უცნობია. ახ.წ. IV საუკუნის ქრონიკა გვამცნობს, რომ პოეტი ძვ.წ. 87 წელს დაიბადა. მიაღწია თუ არა სრულწლოვანების ასაკს, გარდაეცვალა ძმა (68, 19). ჩანს, ამის შემდეგ გადაწყვიტა მამამისმა დარჩენილი გაუფიქრის რომში გაგზავნა. კვინტუს მეტელუსი წინააღმდეგ გალიას 62-57 წლებში მართავდა. ეს იყო სრულიად უსახო სენატორი წარჩინებული წრიდან. ალბათ მის კარზე გაატანეს კატულუსს სარეკომენდაციო ბარათი. ყოველი შემთხვევისათვის, სწორედ ამ მეტელუსის სახლში იტრიალებს იგი, სწორედ ამ მეტელუსის მეუღლეა კლოდია, რომელსაც შეიყვარებს.

თავდაპირველად კატულუსი ვერ ბედავს საკუთარი ლექსი მოუძღვნას რჩეულ ღამაზმანს და ამიტომაც თარგმნის სააფოს იმ ოდას, რომელიც ყველაზე მეტად წარმოაჩენს მის განწყობილებას (აღმერთების ხედვრის მეჩვენება თანაზიარი კაცი, რომელიც შენს წინარე ზის მდუმარებით და გისმენს ტკბილად მოსაუბრეს, ნაზად მომღიმარს სულგანაბული...”). ოღონდ სულ მცირე შესწორებას შეიტანს თარგმანში. კაცი, რომელიც ლესბიას უსმენს, არა მხოლოდ თანასწორია ღმერთებისა, არამედ მათზე აღმატებულიც (51). ოდის ბოლოს პოეტი კიდევ ერთ განსხვავებულ კარედს გვთავაზობს, სადაც საკუთარ თავს მიმართავს. ხოლო მიმართვის შინაარსი ასეთია: „ეს სიყვარული უსაქმურობით გჭირს, ჩემო კატულუს. უქმად ყოფნა გაბედნიერებს, მაგრამ უქმობას დაუღუპავს მეფეებიც და დი-



ლასიაი



დებული ქალაქებიც!" თუმცა პოეტი ბედნიერია სწორედ იმიტომ, რომ უყვარს და რომ ეს სიყვარული ორმხრივია. ყველაზე მეტად ბედნიერების ეს განცდა აისახა იმ ლექსებში, რომელთაც პირობით „ამბორთა ციკლი“ უწოდეს: „მოვეალურსოთ ერთმანეთს, ჩემო ლესბია,.. დაე, ჩაივდეს მზე, კვლავ აღმოხდეს... იცოდე, როგორც კი ჩაივლის ხანმოკლე დღე, სამარადისო ძილის ღამე დადგება. პოდა, მარჯუე ათასი კოცნა და კიდევ ასი და ათასი და კიდევ ასი და ოდეს მრავალ ათასამდე მივალწვეთ ამ თვლით, მაშინ აერიოთ სათვალავი, რომ ვერ გაგეთვალოს დამნავესველმა“ (5). აი, როგორ უფრთხილდება თავის სიყვარულს კატულუსი. ეს თემა გრძელდება სხვა ლექსშიც, სადაც ცრუმორწმუნე პოეტი კვლავაც გაურბის ავთვალსა და ავბედით ენას; კატულუსი საკუთარ თავს „დაუოკებელს, დაუცხრომელს“ („vesano Catullo“, 7, 10) უწოდებს, რადგანაც ლესბიასგან იმდენი კოცნის მიღება უნდა, „რამდენი ვარსკვლავიც არის ცაზე ღამის სიმყუდროვეში“. დიახ, ბედნიერია პოეტი, მაგრამ მისი ემოცია მაინც დაძაბულია, განცდა მძაფრი, სულიერი მდგომარეობა — მღელვარე. ეს განწყობილება გრძელდება სხვა ლექსებშიც, სადაც ლესბია წარმოდგენილია, როგორც ჭეშმარიტად მშვენიერი ქმნილება. და აქ იწყება აზროვნება. პოეტი მას უპირისპირებს ვიღაც კვინტიას: „ის ღამაზია — ამბობს კატულუსი — თეთრთოვლა კანით, მაღალიც არის, ჩამოსხმულიც და აი ასე, ცალ-ცალკე აღებული, მას ყველაფერი ღამაზი აქვს, ერთიანად კი ამას ვერ იტყვი, მას ვენუსის ხიბლი აკლია, უმარილოა. ღამაზია სწორედ ლესბია, ის ერთიანად მშვენიერია“ (86). კატულუსი თავის ლესბიას არც შეადარებს ვიღაც სრულიად შეუხედავ ამეანეს, ან ვინ გაბედავს! აქ ემოცია შეუზღუდავია: „O saeculum insapiens et infacetum!“ („ო, უგუნურო საუკუნეე და უგემოვნო!“ 43) — წამოიძახებს პოეტი. ის, რომ კატულუსი შეყვარებულია მთელი არსებით, ცხადზე ცხადია. პოეტი გულწრფელია და მღელვარე. მაგრამ ლესბიასათვის მისი სიყვარული მხოლოდ გასართობი, წარმავალი გრძნობაა. ამას ხედება კატულუსი და განიცდის, იწყება ბრძოლა, პოეტი აფორიაქებულია, ეჭვიანობს, ეშუქრება ლესბიას, რომ მიატოვებს: „მშვიდობით, მოლაღატე! განა რას ელი? ვინ მოვა შენთან, ვის მოხილავ გვიანი მშვენიერებით? ვის შეიყვარებ, ვის აკოცებ, ვის ბაგეს დაჰკებენ?“ (8), მაგრამ საკმარისია, ლესბია შემოუბრუნდეს, რომ იგი ისევ ბედნიერია (107) და ამისათვის მაღლობას სწირავს ღმერთებს, თან შესთხოვს, რომ გულწრფელი იყოს მისი საყვარელი არსება (109). მაგრამ კატულუსის ღრმა და ფაქიზი სიყვარული არ აკმაყოფილებს რომაელ ღამაზმანს, რომელიც გარემოცულია თაყვანისმცემლებით და მუდამ ახალ თავგადასავალთა ძიებაშია. ახლა უკვე შეძრწუნებულია პოეტი, „ლესბია, რომელიც ასე უყვარდა, თავსაც ურჩია, შარაგზაზე გამომდგარა და სახელოვანი რემუსის ჩამოშავლებს დარევი“ (58). ეს უკვე იმ შარაგზაზე გამომდგარი ლესბიაა, რომელიც გაუყვანია მის წინაპარს, კონსულ აპიუსს. გახსოვთ, მას უხმო ციცერონმა კელიუსის დასაცავ სიტყვაში. ამ შემთხვევაში ორატორის და პოეტის აზრები ერთმანეთს დაემთხვა. ახლა კი იცის კატულუსმა ვინც



შეიყვარა: „მე შენ მიყვარდი, ლესბია, არა როგორც საყვარელი არსება მხოლოდ, არამედ როგორც ჩემი სისხლი და ხორცი; ახლა კი ვიცი, ვინც ხარ, მაგრამ მაინც მიყვარხარ, თუმცა სხვაგვარად“ (72); „მე შენ ისე გამამხარე, რომ უნდა მძულდე, მაგრამ არ შემიძლია, რომ არ მიყვარდე“ (75).

კატულუსის ლირიკული ლექსების კრებულში ვკითხულობთ ისეთ სტრიქონებსაც, სადაც ლესბია არ არის დასახელებული, მაგრამ მისი სუნთქვა იგრძნობა. ეს ხდება მაშინ, როცა პოეტი ეფერება ლესბიას ბელურებს: „საბრალო ჩიტო, აღარა ხარ, ჩემი ძვირფასი ქალის თვალებს ცრემლები ნამავსი“ (3); ან: „ღმერთებო, მე ხომ წრფელი გულით მიყვარდა. მაშ, დამეხმარეთ და განმკურნეთ ამ სენისგან“ (76); ან: „თუ არ უყვარხარ, ნულარც შენ გეყვარება მით უარესი მისთვის, კატულუს“ (8). თავისი სულიერი მდგომარეობა კატულუსმა დიდებულად გამოხატა ორი სტრიქონით, რომელიც უმაღლესი დიხი მისმა მსმენელმა საზოგადოებამ:

„Odi et amo. Quare Id faciam, fortasse requiris.
Nescio, sed fieri sentio et excrucior.“

(85)

„კიდევ მძულს, კიდევ მიყვარს. როგორ, იკითხავ ალბათ,
აბა, რა ვიცი, მაგრამ ასეთი გრძნობა მტანჯავს.“

ეს იყო შეყვარებული და ამასთანავე შეურაცხყოფილი პოეტის გულწრფელი აღიარება, მაგრამ ამ შეურაცხყოფილმა პოეტმა შეურაცხყოფილი სიტყვები არ დაიშურა და ერთ გასაოცარი ექსპრესიულობით დაწერილ ლექსში „კახა (moecha), უნამუსო, მრუში (turpis), ბილნი (lutea), ბოზი, როსკიპი (lupanaris), ბინძური, მყარალი (pulida)“ ლესბიას ისეთი პორტრეტი დახატა, როგორადაც წარუდგინა იგი ციცირონმა მსაჯულებს, როცა კელიუსს მის წინააღმდეგ აღძრული პროცესი მოაგებინა. ეს არის ლექსი (42), რომელიც ერთდროულად იტევს პოეტის ყველა გრძნობას — სიყვარულს, სიძულვილს, მძვინვარებას, რისხვას, სიავეს, ირონიას... ხოლო პორტრეტმა ლესბიასი, იმ ლესბიასი, რომელსაც უნინ ქალური მომხიბლობის სიმბოლოდ სახავედა კატულუსი (86), მეტამორფოზა განიცადა: „როცა ლესბია ილიმება, ახლა უკვე გალიურ ძალს ჰგავს დაკრეჭილი კბილებით“; „საძაგელია“ ეს „მყარალი კახა“ („moecha putida“, 42)...

მაგრამ დაუტოვოთ გააგებულ პოეტს თავისი სატრფო. ჩვენ დაუბრუნდეთ ქრონოლოგიას და ახლა უკვე ის გავარკვიოთ, თუ რამდენ ხანს გრძელდებოდა კატულუსის სიყვარულის ისტორია. თუკი დაუშვებთ იმას, რომ პოეტი რომში ჩადის თავისი სრულწლოვანების შემდეგ, მაშინ როდესაც კვინტუს მეტელუსი წინააღპოურ გალიას მართავდა — ეს იყო ძვ. წ. 62-61 წლები. სწორედ ამ დროს შეხვდება იგი კლოდიას და შეიყვარება. მალე მეტელუსი გარდაიცვლება, ხოლო კლოდია ახალ საყვარელს გაიჩენს — მარკუს კელიუს რუფუსს, რომელსაც შემდეგ უჩივლებს, ხოლო



ლასიაი



სასამართლო პროცესი შედგება ძვ.წ. 56 წელს. ორი წლის შემდეგ კატულუსიც გარდაიცვლება. ასე რომ კატულუსისა და კლოდიას სიყვარული 61-57 წლებს შორის უნდა ვივარაუდოთ, თუკი ამას რაიმე მნიშვნელობა შეიძლება მივანიჭოთ. კელოუსის პროცესის წაგების შემდეგ კლოდიაც აღარ ჩანს რომში, თუმცა მისი სახელი მაინც არ ეძლევა დაეინყებას.


და აქ არ შეიძლება არ გავიხსენოთ ძვ.წ. VI საუკუნის ბერძენი პოეტი პინდაროსი, რომელიც აღნიშნავდა, რომ მხოლოდ პოეტს შეუძლია განადიდოს ან დააკინოს ადამიანი, რომ ყოველი მოვლენა დაეინყების წყვედი-ადში ჩაიძირება, თუ მან ვერ პპოვა ღირსეული დამფასებელი (ისტომოსური VII, 16-19; აგრეთვე: ოლიმპიური VI, 82-83; ნემეური VII, 20; VIII, 25-35 და სხვა.). პოდა, კლოდიაც იმ მოკვდავთა შორის მოექცა, რომელსაც აღმოსჩენია თურმე მარადიული მეხოტბე. და აღარა აქვს მნიშვნელობა უკვე იმას, მშვენიერი იყო იგი თუ ზნედაცემული, ან რამდენი ხანი უყვარდა პოეტს. კატულუსი მომდევნო ეპოქების მკითხველებმა სწორედ მისდამი მიძღვნილი ლირიული ლექსებით შეიყვარეს. სწორედ ლესბიამ აიძულა პოეტი ჩასწვდომოდა სულიერი განცდების წარმოსახვის იმ საიდუმლოს, რომელიც შემდეგ სხვა ელეგიკოსებმა განავითარეს და შუასაუკუნეების გავლით ევროპულ ცივილიზაციას უანდერძეს. მხოლოდ იმიტომ, რომ ჩვენ, ოცზე მეტი საუკუნის წინ შეთხზულ ლექსებს ისე ვკითხულობთ, თითქოს ისინი დღეს დაენეროთ, ვიტოვებთ უფლებას, ლესბიას მივაგოთ მისი წილი პატივი, რადგანაც იგი უყვარდა პოეტს.





შენიშვნები:

- ¹ „Otium“-ისთვის იხ. М. Л. Гаспаров,
Поэт и поэзия в римской культуре, в
кн.: Культура древнего Рима, Москва,
1985.
- ² კატულუსის ქმნილებათა ციტირებისას
ესარგებლობთ წიგნით: Catull, Sämtliche
Gedichte. Zweisprachig, Übertragen
von W. Tilgner, Leipzig, 1958.





როგორ
უყვარდა

ქალპურნისა

პლინიუს უმცროსს

„საოცარია პირდაპირ, რომში ყოველდღე საქმიანობ, ან გგონია, რომ საქმიანობ, და თუ მოაგროვებ ერთად ასეთ დღეებს, აღმოჩნდება, რომ არც არაფერი შეგიქმნია. ჰკითხე ნებისმიერს: „დღეს რა აკეთე?“ გიპასუხებს: „ვესწრებოდი სრულწლოვანების ზეიმს, ან ნიშნობას, ან ქორწინებას“. ერთი გთხოვს, ხელი მოაწერო ანდერძს, მეორე — დაიცვა სამსჯავროზე, მესამე — მიხვიდე სათათბიროში. ყოველივე ეს მნიშვნელოვანი იყო იმ დღეს, როდესაც ამით იყავი დაკავებული. მაგრამ, თუ დაფიქრდები, იგივე, რასაც მაშინ დღიდან დღემდე აკეთებდი, მოგჭვენება უაზრობად, განსაკუთრებით, თუ რომიდან გახვედი. ხოლო საკუთარ თავთან დარჩენილს აღმოგხდება: ო, რა უსაქმოდ გამიფლანგავს ამდენი დროო“. ეს სიტყვები, რომლებიც თანამედროვე ადამიანის დანერჩილსაც ჰგავს, ჩვენს. | საუკუნის რომაელი მოღვაწის პლინიუს უმცროსის „წერილებში“ ამოვიკითხეთ (I, 9; § 1-3). იგი, მოდგმით არისტოკრატი და საქმაოდ შექმლებული მინათმფლობელი, საზოგადოების უმაღლესი ფენის წარმომადგენელი იყო, რითაც ამაყოფად კიდევ და ცდილობდა სიკეთის ქმნით, მეცენატობით მოეხევა და დიდი სახელი, მიაჩნდა რა, რომ ეს იყო ყველაზე ღირსეული გზა ისტორიაში დასამკვიდრებლად.

პლინიუს უმცროსის ლიტერატურული მოღვაწეობიდან ჩვენამდე შემორჩა მისი წერილების კრებული 10 ნივთად და „იმპერატორ ტრაიანუსისადმი მიძღვნილი პანეგირიკი“, ანუ სიტყვა, რომელიც მწერალს წარმოუთქვამს სენატში კონსულის თანამდებობაზე დანიშვნის დღეს.

პლინიუსის „წერილები“, როგორც ლიტერატურული ღირსეუბებით, ასევე ეპოქალური მოვლენებისა და პიროვნებათა უაღრესად საინტერესო შეფასებებით, კულტურის ისტორიის მნიშვნელოვან დოკუმენტად გვევლინება. ამ შემთხვევაში ჩვენს ყურადღებას, როგორც ხედვებით, იყრობს ერთი რამ: როგორ გამოხატავდა იგი (არისტოკრატი, საზოგადო მოღვაწე, მწერალი, მეცენატი...) თავის სიყვარულს მუუღლისადმი. ეს იყო კალპურნია, თავისი ქმრის მესამე ცოლი და ბევრად უმცროსი მასზე.

ჩვენ შეგვეძლო პლინიუსის წერილების პერიფრაზირებით მოგვეთხრო კალპურნიაზე, ყურადღება გაგვემახვილებინა იმ საოცარი მზრუნველობითა და სიყვარულით გამთბარ სიტყვებზე, რომლებსაც არ იშურებდა წერილების ავტორი, მაგრამ ვიფიქრეთ, რომ თავად წერილები უფრო მეტყველნი იქნებოდნენ. ნაიკითხეთ ეს წერილები და თქვენს წინაშე გაცოცხლდება კალპურნია, რომელიც ასე უყვარდა მის ქმარს.

პლინიუსი მეუღლის პაპას, ფაბატუსს,¹ მოგესალმები.

დიდი ხანია გსურს იხილო შეილიშვილი, მასთან ერთად კი მეც. ჩვენთვის ძვირფასია შენი სურვილი; ჩვენც გვენატრები, ვფიცავ პერკულესს. ჩვენ ისე ვდარდობთ თქვენზე, რომ დიდხანს ვერ გავძლებთ ამ დარდით: ბარგი უკვე ჩავალაგეთ და რამდენადაც გზა მოგვეცემს ამის საშუალებას, თქვენკენ ვისწრაფებით. მხოლოდ ერთხელ, სულ მცირე ხნით გადავუხვევ ეტრურიისკენ, არა იმიტომ, რომ შევაველო თვალი ჩემს მიწებს (ამას მერეც კი მოვახერხებ), არამედ იმიტომ, რომ ჩემი ვალი მოვიხადო.

ჩვენი მამულის მეზობლად მდებარეობს პატარა ქალაქი სახელწოდებით ტიფერნუმ ტიბერნიუმი.² ჯერ კიდევ პატარა ბიჭი ვიყავი, ამ ქალაქმა რომ თავის პატრონად ამირჩია. იქაურები თავიდანვე კეთილად განეწყვნენ ჩემდამი; ზეიმობენ, როცა ჩავდივარ და ნუხან, როცა ვემშვიდობები; მუდამ ახარებთ ჩემი წარმატებები. მე კი, მადლიერების ნიშნად (სამარცხვინოა რომ გიყვარდეს უფრო ნაკლებად, ვიდრე უყვარხარ) ჩემი სახსრებით აღუშენე მათ ტაძარი. მშენებლობა დასრულებულია, და უსინდისი უნდა გიყო, რომ გადავდო მისი კურთხევა. უნდა დავესწროთ ამ ზეიმს. ჩემი სურვილით, დიდი ნადმიც გაიმართება — ამ დღეს იქ გავატარებთ, შესაძლოა, მეორე დღესაც, ხოლო შემდეგ კი, თქვენკენ გამოვეშურებით.

ოღონდაც შენ და შენი ქალიშვილი დაგვიხვდით კარგად და ჯანმრთელად. და თქვენც გაიხარებთ ჩვენი ხილვით. იცოცხლებ!

(ნიგინ IV, 1)

პლინიუსი კალპურნია პისპულას³ მოგესალმები.

ნათესაობაში სანიმუშო ხარ. შენ და შენს ძმას (დიდებული კაცი იყო) მხურვალედ გიყვარდათ ერთმანეთი. მისი შვილი კი საკუთარი შვილივით გიყვარს. შენ მხოლოდ მამიდა კი არ ხარ მისთვის, არამედ მამაც, რომელიც ასე ადრე დაეღუპა. მსურს გაგახარო — კალპურნია თავისი მამის, პაპის და შენი ღირსეული მემკვიდრეა. ის მეტისმეტად გონიერია, თავშეკავებული. მე უყვარვარ — აი, დასტურიც მისი უბინოების.

ამას დაურთე ლიტერატურის სიყვარული, ჩემი შენეებით რომ გაუჩინდა. მუდამ თან დააქვს ჩემი ჩანაწერები, კითხულობს და, შენ წარმოიდგინე, ზეპირადაც კი სწავლობს. როგორ ლელავს ჩემი გამოსვლების წინ და როგორ ხარობს ამ გამოსვლების შემდეგ! გამწესებული ჰყავს ხალხი, ვინც უნდა ამცნოს დარბაზში მსხდომთა განწყობილება, შეძახილები, სამსჯავროს მიერ გამოტანილი განაჩენი. როდესაც სიტყვით გამოვდივარ, იგი იქვე ზის, ფარდის უკან და ხარბად ისმენს ჩემს ყოველ ხობტას. ჩემს ლექსებს ღიღინებს, ხანდახან ცდილობს, კითარაზეც კი დაამღეროს, თუმც





არასოდეს ჰყოლია სიმღერის მასწავლებელი. მას სიყვარული ანსწავლიდა, საუკეთესო მოძღვარი.⁴

დარწმუნებული ვარ, რომ ჩვენ ვიცხოვრებთ მუდმივი ერთსულოვნე-ბით, რომელიც დღითიდღე ძლიერდება. მას ჩემში ახალგაზრდობა და ხორციელი სილამაზე კი არ ხიბლავს — ისინი ხომ ასაკთან ერთად ჭკნებიან — არამედ დიდბუნებოვანობა. სხვაგვარი არც შეიძლება იყოს ის, ვინც შენ აღზარდე და დამოძღვრე; ვინც ცხოვრობდა შენს გვერდით და ხედავდა მხოლოდ მაღალი ზნეობის ზეიმს; ვინც მიეჩვია ჩემს სიყვარულს, რადგან ისმენდა, როგორ მაქებდი. შენ დედაჩემიც გიყვარდა, ვით ლეიძლი დედა.⁵ ბავშვობიდან მზრდიდი, მაქებდი და ისეთ კაცად წარმოშსახავდი, როგორიც ვარ, როგორიც ჩემს ცოლს ვგონივარ. ერთმანეთს ვასწრებთ, გამოვხატოთ მაღლიერება შენდამი იმის გამო, რომ ერთმანეთისთვის შეგვარჩიე, რომ მისი თავი მე მაჩუქე, ჩემი კი — იმას. იცოცხლე!

(წიგნი IV, 19)

პლინიუსი მეუღლის პაპას მოგესალმები.

გსურდა გეხილა შეილთა შეილი მძიმე იქნება შენთვის იმის გაგება, რომ შენს შვილიშვილს მოსწყდა მუცელი. სულ მთლად ბავშვია ჩემი ცოლი და ამ ბავშვური უვიცობით ვერ გაუფრთხილდა თავის თავს ისე, როგორც ორსულს მოეთხოვება. სწორედაც ისე იქცეოდა, როგორც არ უნდა მოქცეულიყო. ძვირად დაუჯდა ეს შეცდომა: კინალამ მოკვდა. რა თქმა უნდა, ახლა გიმძიმს იმის მოსმენა, რომ სიბერეში რჩები უმემკვიდრეოდ, რომელსაც ბედი გიმზადებდა. მაგრამ მადლობა აღუვლინე ღმერთებს, რომლებმაც ახლა, მართალია, შეილთაშვილის გარეშე დაგტოვეს, მაგრამ შეგიწარჩინეს შვილიშვილი; შეილთაშვილებს კი სხვა დროს გიძღვნიან. ეს ფეხმძიმობა, რომელიც, მართალია, ასე სამწუხაროდ დასრულდა, მიძულებს ისევე მათი შემწეობის იმედი ვიქონიო. მე შენ გამშვიდებ, გარწმუნებ და გაიმედებ ზუსტად ისევე, საკუთარ თავს რომ ვიმშვიდებ და ვივსებ იმედით. შენი სურვილი, გყავდეს შეილთაშვილები არ არის უფრო მძაფრი, ვიდრე ჩემი — მყავდეს შეილები. ვფიქრობ, მეც და შენც დაუტოვებთ მათ ფართო გზას დიდების მწვერვალებისკენ, სახელებს — სასიქაფულოს და წინაპართა გამოსახულებებს,⁶ არა გუშინდელს, არამედ ღრმა წარსულიდან. ოღონდ კი იშვინ და მწუხარება შეგვიცვალონ სიხარულებით. იცოცხლე!

(წიგნი VIII, 10)

პლინიუსი პისპულას მოგესალმები.

როდესაც ვფიქრობ, რომ შენი გრძნობა ძმისშვილისადმი დედობრივ გრძნობაზე უფრო სათუთია, ეხედები: ჯერ სასიხარულო ამბავი უნდა გამცნო. დაე, ამ გრძნობამ განდევნოს მღელვარება შენი გულიდან. ვშიშობ, ბედნიერი უწყების შემდეგ ისევე შიშმა არ შეგიაყროს, არ დაგაჩრდილოს ის სიხარული, რაც მის ხსენა მოჰყვია, გამოიარა რა საბედისწერო განსაცდელი. ის ახლა უკვე გამხიარულდა, გონს მოეგო, მობრუნდა ჩემთან; გამოშვობინდა და ცდილობს გაიზაროს გადატანილი უბედურება. სიკვდილის პირას იდგა, მაგრამ გადარჩა, ღმერთმა კეთილად მისმინოს ასაკის



ს ა ლ ა ლ რ ი ა



გამო დაემართა, რაც დაემართა. მოსწყდა მუცელი — ასე სამწუხაროდ დასრულდა მისი პირველი შეხება ორსულობასთან, რომელზეც არც კი უფიქრია. ამიტომ, თუ კი არ გენერა შეილიშვილის დაბადებით გამორწვეული სიხარული დაკარგული ძმის სანაცვლოდ, გახსოვდეს, რომ ეს სიხარული კი არ განქარდა, არამედ მხოლოდ გადაიდო. არ განქარდა იმიტომ, რომ ცოცხალია ის, ვინც სასოება არის ჩენი, ჩენი იმედი. ამასთანავე, გაესაუბრე მამას და მწუხარება გაუიოლე. შემწყნარებლობა გჩვევიათ ქალებს. იცოცხლე!

(წიგნი VIII, 11)

პლინიუსი კალპურნიას მოგესალმები.

არასოდეს ვყოფილვარ ასეთი გულაყრილი ჩემს საქმეებზე, რომლებმაც არ დამანებეს, გამოგყოლოდი კამპანიასში, საითაც გაემგზავრე გამო-საჯანმრთელებლად. ჩამოსვლაც კი ვერ მოვახერხე. რაც დრო გადის, უფრო და უფრო მენატრები, შენთან ყოფნა მსურს, რათა საკუთარი თვალით ვიხილო, როგორ მომძლავრდი, მოსულიერდი; როგორ მოქმედებს შენზე განმარტოების სიამე, კამპანიის დიდებული ჰავა.

ჯანმრთელადაც რომ იყო, მაინც ვიდარდებდი: არაფერი იცოდე მასზე, ვინც ასე ძლიერ გიყვარს — აუტანელია და სევდის მომგვრელი. ხოლო როდესაც ჩემგან შორს ხარ, თან ავადმყოფი, შიში მიპყრობს და ვენამები. რაღას აღარ წარმოვიდგენი ჩემი მშფოთვარე ხასიათის გამო იმაზე ვფიქრობ, რაც კი ყველაზე მეტად მაშინებს. უმორჩილესად გთხოვ, გამათავისუფლე ამ შიშისაგან. ყოველდღე გამომიგზავნე წერილი — ერთი კი არა, ორი წერილი. მათი კითხვისას დავმშვიდდები, ხოლო როცა კითხვას დავსრულებ, ისევე შემიპყრობს შიში. იცოცხლე!

(წიგნი VI, 4)

პლინიუსი კალპურნიას მოგესალმები.

ვერ წარმოიდგენ, როგორ ვდარდობ შენზე და როგორ მენატრები. სწორედ იმიტომ, რომ მიყვარხარ და რომ უსაზღვროა სიყვარული ჩემი შენ-დაში. ამ განშორებას ვერ ვეჩქევი. შენზე ფიქრებში უძილოდ ვათევ ლამებს, ხოლო დღისით კი, იმ დროს, როდესაც, ჩვეულებრივ, შენ გვხვდებოდი, ჩემი ფეხები, რომ იტყვიან, თავად მიმაქროლებენ შენი პალატებისკენ. მაგრამ იმედგაცრუებული, სევდიანი და თითქოსდა უკუგდებული ცვილდები კარის ზღურბლს. ამ სატანჯველისგან მხოლოდ იმ დროს ვთავისუფლდები, როცა ფორუმზე ვიმყოფები. დაფიქრდი ერთი, როგორია ჩემი ცხოვრება. მხოლოდ შენა ხარ ჩემი სიმშვიდე უმძიმესი განსაცდელის უამს, შენა ხარ ჩემი სიხარული მწუხარებაში. იცოცხლე!

(წიგნი VII, 5)





შენიშვნები:

- ¹ კალპურნიუს ფაბატუსი, მდიდარი მინათმფლობელი, ქალაქ კომოს მკვიდრი და მფარველი. პლინიუს უმცროსის მეუღლის პაპა. გარდაიცვალა ღრმად მოხუცი, მაშინ, როდესაც პლინიუსი ბითონიას განაგებდა.
- ² ტიფერნუმ ტიბერნიუმი — პატარა ქალაქია უმბრიაში. ამ ადგილს ახლა ეწოდება Citta di Castello.
- ³ კალპურნია პისპულა, კალპურნიუს ფაბატუსის ქალიშვილი. პლინიუს უმცროსის მეუღლის, კალპურნიას, მამიდა და აღმზრდელი.
- ⁴ იმ ხანად რომში ქალიშვილებს ადრე ათხოვებდნენ, ასაკით უფროს კაცზე, სასურველი იყო — გავლენიანსა და მდიდარზე, კეთილშობილზე. და თუ იგი ჭეშმარიტად კეთილშობილი ადამიანი იყო, თავის მეუღლის მეგობარი და მოძღვარიც აღმოჩნდებოდა. მას უნდა მოემზადებინა ახალგაზრდა მეუღლე ახალი ცხოვრებისათვის, ეზიარებინა იმ სამყაროსთვის, რომელსაც თავად ეკუთვნოდა. პლინიუსი საინტერესო პიროვნება იყო და, ბუნებრივია, თავისი ნიჭით, განათლებით, ზნეობრიობით მალე მოხიბლა კალპურნია. თავად პლინიუსის დამოკიდებულება კი მისდამი ისეთი უნდა ყოფილიყო, რაც ზრდასრული რომაელი მამაკაცის ფსიქოლოგიას შეესაბამებოდა: რომაელისთვის მეუღლე იყო მეგობარი, მთელი ცხოვრების ერთგული თანამგზავრი. ეს კი შესაძლებელი ხდებოდა მხოლოდ იმ შემთხვევაში, თუკი ცოლ-ქმარს ექნებოდა საერთო ინტერესები, სულიერი თანხმობა. ალბათ ეს პქონდა პლინიუსს მხედველობაში, როდესაც „მუდმივ ერთსულოვნებაზე“ საუბრობდა.
- ⁵ იგულისხმება პლინია, პლინიუს უფროსის და.
- ⁶ სახელოვან წინაპართა მემკვიდრეები ფლობდნენ უფლებას, პქონოდათ ამ წინაპართა ცვილის ნიღბები, ე.წ. კურულისები. ეს ნიღბები წამოცმული იყო ბიუსტებზე და მათ სასოებით ინახავდნენ.



შაქვანსუქანს





ტიქსტიპი, ბამოცემეპი

1. ავრელიუსი მარკუს, ფიქრები, ძველი ბერძნულიდან თარგმნა, წინასიტყვაობა და შენიშვნები დაურთო ბ. ბრეგვაძემ, თბილისი, 1984.
2. არისტოფანე, კომედიები, ტ. I, შესავალი წერილი, თარგმანი და კომენტარები ლ. ბერძენიშვილისა, თბილისი, ლოგოს პრესი, 2002.
3. ევრიპიდე, მედეა, ძველი ბერძნულიდან თარგმნა ბ. ბრეგვაძემ, წინასიტყვაობა და კომენტარები რ. გორდეზიანისა, თბილისი, 1996.
4. ესქილე, ორესტეა, ძველი ბერძნულიდან თარგმნა გ. სარიშვილმა, თბილისი, 1974.
5. ოვიდიუსი, მეტამორფოზები, თარგმანი ლათინურიდან (ნ. მელაშვილი, ნ. ტონია, ი. გარაყანიძე), თბილისი, 1980.
6. პლუტარქე, რჩეული ბიოგრაფიები, ძველი ბერძნულიდან თარგმნა, შესავალი და კომენტარები დაურთო ა. ურუშაძემ, თბილისი, 1975.
7. პლუტარქე, რჩეული ბიოგრაფიები, II, ძველი ბერძნულიდან თარგმნა, შესავალი და კომენტარები დაურთო ა. ურუშაძემ, თბილისი, 1987.
8. საფო, ლირიკა, ბერძნულად და ქართულად გამოსცა ნ. ტონიამ, თბილისი, 1977.
9. საფოდან კასიამდე, ძველი სამყაროს პოეტი ქალები, თარგმანი და კომენტარები ნ. ტონიასი, თბილისი, 1990.
10. სოფოკლე, თებეს ტრაგედიები, შესავალი წერილი, თარგმანი და კომენტარები გ. ხომერიკის, თბილისი, 1988.
11. ფსედო-ლონგინე, ამაღლებულისათვის, ძველი ბერძნულიდან თარგმნა, წინასიტყვაობა და კომენტარები დაურთო ბაჩანა ბრეგვაძემ, თბილისი, 1975.
12. პელიკონი, ძველი ბერძნული ლირიკა, შეადგინა და გამოსაცემად მოამზადა ნ. ტონიამ, თბილისი, ლოგოსი, 2002.
13. პეროდოტე, ისტორია, ბერძნულიდან თარგმნა, წინასიტყვაობა და საძიებელი დაურთო თ. ყაუხჩიშვილმა, ტ. II, თბილისი, 1975-76.
14. Аврелий Виктор, Извлечения о жизни и нравах римских императоров, ВДИ, 1964, №1
15. Аврелий Виктор, О Цезарях, ВДИ, 1963, №4.
16. Авторы жизнеописаний Цезарей, в книге: Властелины Рима, Биографии Римских императоров от Адриана до Диоклетиана, Пер. С. П. Кондратьева под редакцией А. И. Доватура, Санкт-Петербург, 2001.
17. Аммиан Марцеллин, История, пер. Ю. Кулаковского и А. Соны, Вып. I-III, Киев, 1906-1908.
18. Аппиан, Гражданские войны. Перевод С. А. Жебелева и О. О. Крюгера, Ленинград, Известия Государственной Академии истории материальной культуры, вып. 129, 1935.
19. Аристотель, Сочинения в четырех томах, пер. с древнегреч., Москва, 1976-1983.



20. Арриан, Поход Александра, пер. с древнегреческого М. Е. Сергеенко, Москва-Ленинград, 1962.
21. Геродиан, История императорской власти после Марка, перевод под ред. А. И. Доватура, ВДИ, 1972, №1-4.
22. Гесиод, О происхождении богов (Теогония), Работы и дни в сб.: Эллинские поэты, пер. В. В. Вересаева, Москва, 1962.
23. Деяния Божественного Августа — в книге: Хрестоматия по истории древнего Рима, Под ред. С. Л. Утченко, Москва, 1982.
24. Демосфен, Речи в трех томах, Москва, 1994-1996.
25. Дион Кассий, Римская история, в кн.: Памятники поздней античной научно-художественной литературы II-V века, Москва, 1964.
26. Записки Юлия Цезаря и его продолжателей о галльской войне, о гражданской войне, об александрийской войне, об африканской войне, перевод и комментарий М. М. Покровского, М.-Л., 1948.
27. Еврипид, Трагедии, т. I-II, Перевод И. Анненского, под общ. ред. С. Апта, М. Грабарь-Пассек, Ф. Петровского, А. Тахо-Годи и С. Шервинского, Москва, 1969.
28. Иордан, О происхождении и деяниях гетов, *Getica*, Вступительная статья, перевод и комментарий Е. Ч. Скржинской, Москва, 1980.
29. Катулл, Книга стихотворений, Издание подготовили С. В. Шервинский, М. Л. Гаспаров, Москва, 1986.
30. Ксенофонт Афинский, Сократические сочинения, перевод, статьи и комментарии С. И. Соболевского, Москва-Ленинград, Academia, 1935.
31. Лактанций, О смертях преследователей, перевод, вст. статья, комментарий В. М. Тюленева, СПб., „Алетей“, 1998.
32. Ливий Тит, История Рима от основания города, т. I-III, отв. ред. Е. С. Голубцова, Москва, 1989-1991.
33. Лисий, Речи, перевод, статьи и комментарии С. И. Соболевского, Москва, 1994.
34. Марциал, Эпиграммы, пер. Ф. А. Петровского, Вст. статья В. Дурова, Санкт-Петербург, 1994.
35. Памятники поздней античной научно-художественной литературы II-V века, отв. ред. М. Л. Гаспаров, Москва, 1964.
36. Платон, Сочинения в трех томах, под общ. редакцией А. Ф. Лосева и В. Ф. Асмуса, Москва, 1968-1972.
37. Плиний Младший, Письма, изд. подготовили М. Е. Сергеенко, А. И. Доватур, Москва, 1984.
38. Плутарх, Сравнительные жизнеописания в трех томах, издание подготовили П. Маркиш и С. И. Соболевский, Москва, 1961-63.
39. Светоний Гай Транквилл, Жизнь двенадцати цезарей, издание подготовили М. Л. Гаспаров и Е. М. Штаерман, Москва, 1964.
40. Страбон, География в 17 книгах, перевод, статья и комментарий Г. А. Стратановского, под общей редакцией С. Л. Утченко, Изд. Наука, 1964.



41. Тацит Корнелий, Сочинения в двух томах, издание подготовили Бобович А. С., Боровский Я. М., Сергеев М. Е., Ленинград, 1969.
42. Флавиус Иосиф, Иудейские древности, пер. с греческого Г. Генкеля в 2-х томах, Ростов-на Дону, 1999.
43. Флор Луций Анней, Историк древнего Рима, – Немировский А. И., Дашкова М. Ф., Воронеж, 1977.
44. Фукидид, История, перевод и примечания Г. А. Стратановского, Москва, 1981.
45. Ювенал, Сатиры, Перевод Д. С. Недовича и Ф. А. Петровского, Москва, Ленинград, Academia, 1937.
46. Юстин, Эпитома сочинения Помпея Трога „Historiae Philippicae“, ВДИ, 1954, N2-4.
47. Anthologia Graeca. Hrsg. von H. Beckby. 4 Bände. München, 1957-58. Anthologia Latina. Ed. A. Riese. Leipzig, 1869 ff.
48. Anthologia Lyrica. ed. E. Diehl. 2 Bände (6 fasc.), 2. Aufl., Leipzig, 1934-42.
49. Appian, Historia Romana, ed. L. Mendelssohn, Lipsiae, 1879-81.
50. Catull, Sämtliche Gedichte, Zweisprachig, Übertragen von W. Tilgner, Leipzig, 1958.
51. Catullus, Carmina, ed. R. Ellis, Oxonii, 1889²; C. J. Fordyce, 1961.
52. P. Chantraine, Dictionnaire étymologique de la langue grecque, Histoire des mots, t. I-IV-2, Paris, 1968-1980.
53. Clavdii Aeliani. Epistulae et fragmenta, ed. Douglas Domingo-Forasté. Stuttgartardiae et Lipsiae, MCMXCIV.
54. Corinna, Fragments, ed. with commentary by D. L. Page. (Soc. for Promotion of Hellenic Studies. Supplem. Paper. No. 6) London, 1953.
55. Dio Cassius, Historia Romana, ed. L. Dindorf, recogn. I. Melber, I-III, Leipzig, 1890-1928; ed. E. W. Cary, 1914-27, Loeb Classical library.
56. Dionis Cassii Cocceiani, Historia Romana, Ed. I. Melber, Lipsiae, MDCCCXCIV
57. Eusebius, Vita Constantini, MPG, XIX-XXIV. ინგლისური თარგმანი კონსტანტინეს ცხოვრებისა იხ. ნიგში E. C. Richardson, Library of Nicene and Post-Nicene Fathers, I, 1895.
58. Frühgriechische Lyriker. 9. Teil. Hrsg. von Br. Snell. Dt. Übersetzung von Z. Franjo, Berlin, 1976. Schriften und Quellen der Antiken Welt. 24. 3.
59. Hesiod, ed. Rzach, Leipzig 1913³, mit Frg.
60. Hesiod, Theogony, ed. with Prolegomena and commentary by M. L. West, Oxford, 1966; -Works and Days, ed. with Prolegomena and commentary by M. L. West, Oxford, 1978.
61. Homerus, Odyssea, ed. P. v. d. Mühl, Lichtenhahn, 1962.
62. Hyperides, ed. Kenyon, Oxford, 1906; J. O. Burth, Minor Attic Orators 2, Lond. Cambr. Mass. 1954, 336 და შმდგ.



63. Juvenalis, *Satura*, ed. L. Friedlaender, Leipzig, 1895.
64. Lactantius, *De Mortibus Persecutorum*, ed. S. Brandt, G. Laubmann, CSEL; XIX, XXVII.
65. Lloyd-Jones H. and P. Parsons, *Supplementum Hellenisticum*. Berlin: De. Gruyter, 1983, 186-189; 192-193.
66. E. Lobel, D. Page, *Poetarum Lesbiorum Fragmenta*, Oxford, 1955.
67. *Lyra Graeca*, Newly Edited and Translated by J. M. Edmonds, in three volumes, London, 1967.
68. Macrobius, *Saturnalia*, ed. I. Willis, Lipsiae, 1963, vol. I.
69. Martialis, *Epigrammaton libri, recognovit W. Heraeus, ed. correctiorem curavit J. Borovskij*, Leipzig, 1976.
70. Orosius Paulus, *Historiae adversum paganos*, ed. C. Zangemeister, Leipzig, 1889.
71. D. L. Page, *Lyrice Graeca Selecta*, Oxford, 1968.
72. D. L. Page, *Poetae Melici Graeci*, Oxford, 1962.
73. D. L. Page, *Supplementum Lyricis Graecis*, Oxford, 1974.
74. Philostorgius, *Historia ecclesiastica*, MPG 65; ed. J. Bidez, GCS, 21, Berlin, 1913.
75. *Pindari carmina cum fragmentis*, ed. B. Snell, H. Maehler, p. I, *Epinicia*, Leipzig, 1987^a; P. II, *Fragmenta, Indices*, Leipzig 1989^a.
76. *Plinii C. Caecilii Secundi. Epistularum ad Traianum liber panegyricus. Recensuit M. Schuster, editionem tertiam curavit R. Hanslik. Lipsiae in aedibus B. G. Teubneri, MCMLVIII.*
77. *Plinius Secundus, Naturalis Historiae. Ed. C. Mayhoff, Stuttgart, 1985.*
78. *Plutarchus, Vitae parallelae, ed. K. Ziegler, Leipzig, 1969.*
79. *Properz, Gedichte, Lateinisch und deutsch von R. Helm, Berlin, 1983.*
80. *Sallustius, De deis et mundo, ed. G. Rochefort, Paris, 1960.*
81. *Semonides, ed. M. L. West, Jambic et elegi Graeci, vol. 2. Oxford, 1972: 97-109, 111-112.*
82. *Socrates Rhodius, Fragmenta Historium Graecorum, III, Paris, 1849.*
83. *Sozomenos, Historia ecclesiastica, ed. J. Bidez, G. C. Hansen, - GCS, 50, 1960.*
84. *Sulpicia, Satira, PLM.*
85. *The Fragments of Attic Comedy, Leiden, 1957.*
86. *The Greek Anthology. Ed. A.S.F. Gow and D. L. Page. Cambridge, 1965. 2 vols.*
87. *Tibull, Gedichte, Lateinisch und deutsch von R. Helm, Berlin, 1979.*
88. *M. Treu, Sappho, Griechisch und deutsch, München, 1968^v.*
89. *E.-M. Voigt, Sappho et Alkaios, Fragmenta, Amsterdam, 1971.*
90. *Xenophon, Opera omnia, ed. Marehant, Oxford, 3 vol. 1900-*
91. *Zosimus, Historia nova, ed. I. Bekker, - CSHB, Bonn, 1837; ed. L. Mendelssohn, Leipzig, 1887 (Nachdr. Hildesheim, 1963) .*



სამეცნიერო ლიტერატურა

92. რ. გორდეზიანი, ეგეოსური კულტურა ბრინჯაოს ხანაში, „მომომხილველი“, 4-5, 1968.
93. რ. გორდეზიანი, ბერძნული ცივილიზაცია, I, თბილისი, 1988.
94. რ. გორდეზიანი, ბერძნული ცივილიზაცია, II, თბილისი, 1997.
95. რ. გორდეზიანი, ბერძნული ლიტერატურის ისტორია, თბილისი, 2002.
96. ნ. ტონია, საფოს ფენომენი და ანტიკური ხანის ქალთა პოეზია (დის.), თბილისი, 1993.
97. ნ. ტონია, საფოს პოეტური სამყარო, თბილისი, 1991.
98. რ. ცანაფა, „მდედრ ღვთაებათა ზოგიერთი ფუნქციის ინტერპრეტაციისთვის მითსა და რიტუალში“, მწეფე, თბილისი, 2000.
99. წმინდანთა ცხოვრება, ტომი III, შედგენაზე მუშაობდნენ დეკანოზი ზაქარია მაჩიტაძე, მაკა ბულია, მარინე ჩხეიძე, თბილისი, 2001.
100. Ю. В. Андреев, Раннегреческий полис, Ленинград, 1976.
101. Античные мыслители об искусстве, Москва, 1938.
102. Г. Бенгтсон, Правители эпохи эллинизма, Москва, 1982.
103. Т. В. Блаватская, Из истории греческой интеллигенции эллинистического времени, Москва, 1983.
104. В. Г. Борохович, История древнегреческой литературы, Москва, 1962.
105. Е. Вардиман, Женщина в древнем мире, Москва, 1970.
106. Р. Вейман, История литературы и мифология, Москва, 1975.
107. Р. Виппер, Очерки истории римской империи, Москва, 1908.
108. Б. Р. Виппер, Искусство древней Греции, Москва, 1972.
109. М. Л. Гаспаров, Поэт и поэзия в римской культуре, в кн.: Культура древнего Рима, Москва, 1985.
110. Р. В. Гордезиани, Проблемы гомеровского эпоса, Тбилиси, 1978.
111. Древнегреческая литературная критика, изд. „Наука“, Москва, 1975.
112. История римской литературы, I, II, под ред.: С. И. Соболевского и др., Москва, 1962.
113. П. Киньяр, Секс и Страх, Москва „Текст“, 2000.
114. Ю. Д. Колпинский, Великое Наследие античной Эллады и его значение для современности, Москва, 1977.
115. С. И. Ковалев, История Рима, Ленинград, 1986.
116. А. Кравчук, Перикл и Аспазия, Москва, 1991.
117. А. Кравчук, Закат Птолемея, Москва, 1973.
118. А. Ф. Лосев и др., Античная литература, Москва, 1973^ა.
119. А. Ф. Лосев, История античной эстетики (ранняя классика), Москва, 1963.



120. А. Ф. Лосев, История античной эстетики (Софисты, Сократ, Платон), Москва, 1969.
121. А. Ф. Лосев, История античной эстетики (высокая классика), Москва, 1974.
122. А. Ф. Лосев, История античной эстетики (Аристотель и поздняя классика), Москва, 1975.
123. Е. М. Мелетинский, Поэтика мифа, Москва, 1976.
124. А. И. Немировский, Этруски. От мифа к истории. Москва, 1983.
125. И. В. Нетушил, Обзор римской истории, Харьков, 1912.
126. Б. Низе, Очерк Римской истории и источниковедения, С.Петербург, 1910.
127. А. Б. Ранович, Эллинизм и его историческая роль, Москва-Ленинград, 1980.
128. В. С. Сергеев, История древней Греции, Москва, 1963.
129. Дж. Томсон, Исследования по истории древнегреческого общества. Доисторический и Эгейский мир. Пер.: 2-го английского изд., Москва, 1959.
130. И. М. Тронский, История античной литературы, Москва, 1983.
131. Г. Ферреро, Величие и падение Рима, т. III, Москва, 1916.
132. Е. В. Федорова, Императорский Рим в лицах, Москва, 1979.
133. О. М. Фрейденберг, Миф и литература Древности, Москва, 1978.
134. Ф. Шахермайр, Александр Македонский (пер. с немец. яз.), Москва, 1984.
135. Н. А. Чистякова, Греческая поэтесса Эрина, Вопросы античной лит. и класс. филологии, с. 223-230, Москва, 1966.
136. В. Н. Ярхо, К. П. Полонская, Античная лирика, Москва, 1967.
137. W. Aly, Praxilla. RE,s XXII, Sp. 1762 ff., 1954.
138. W. Aly, Sappho, RE, 1 A2, p. 2357, 1920.
139. M. Arthur, "From Medusa to Cleopatra: Women in the Ancient World" in (edd.) R. Bridental and C. Koontz, Becoming Visible: Women in European History, Boston, 1977.
140. M. B. Arthur, "Early Greece: The Origins of the Western Attitude toward Women", WAW, 7-59.
141. J. J. Bachofen, Die Sage von Tanaquil: eine Untersuchung über den Orientalismus in Rom und Italien, Heidelberg: Mohr, 1870.
142. J. J. Bachofen, Das Mutterrecht: Eine Untersuchung über die Gynaiokratie der alten Welt nach ihrer religiösen und rechtlichen Natur, Stuttgart: Kreis und Hoffmann, 1861.
143. L. Bährens, De Sulpiciae quae vocatur Satira, Jena, 1873.



144. J. P. V. D. Baldson, *Roman Women: Their History and Habits*, Bodley Head, London, 1962.
145. S. Bamard, *Hellenistic Women Poets*, CJ 73, 1978, 204-213.
146. H. Bengtson, *Die hellenistische Weltkultur*, Stuttgart, 1988.
147. H. Bengtson, *Griechische Geschichte*, München, 1969.
148. H. Bengtson, *Römische Geschichte*. München, 1988.
149. *Bibel Lexikon*, hrsg. von H. Haag, St. Bennoverlag, Leipzig, 1969.
150. T. Birt, *Frauen der Antike*, Leipzig: Quelle und Meyer, 1932.
151. S. Blundell, *Women in Ancient Greece*, London, 1995.
152. J. Boardman, *Greek Art*, London, 1973.
153. L. Bonfante, *The Women of Etruria*, *Arethusa* 6, 1973, 91-101.
154. D. von Bothmer, *Amazons in Greek Art*, Oxford: Clarendon, 1957.
155. C. M. Bowra, *Greek Lyrik Poetry*, Oxford, 1961¹.
156. C. M. Bowra, *The Greek Experience*, New York, 1959.
157. O. Braunstein, *Die politische Wirksamkeit der griechischen Frau*, Leipzig: August Hoffman, 1911.
158. E. Burck, *Die Frau in der griechisch-römischen Antike*, Tusculum Schriften; Munich: Heimeran, 1969.
159. W. Burkert, *Greek Religion, Archaic and Classical*, Basil Blackwell Publishing, 1985.
160. A. K. Burn, *The Pelikan History of Greece*, Penguin Books, 1966.
161. K. Christ, *Die Römer, Eine Einführung in ihre Geschichte und Zivilisation*, München, 1984¹.
162. J. C. Cooper, *Lexicon Alter Symbole*, Leipzig, (Übers. aus dem Engl.), 1986.
163. E. Crusius, *Erinna*, RE II. Halbband. 1907. Sp. 455.
164. *Dichterinnen des Altertums und des frühen Mittelalters*, Zwiesprachige Textausgabe, eingeleitet, übersetzt und mit bibliographischem Anhang versehen von Helene Homeyer, Paderborn, München, Wien, Zürich, 1979.
165. A. Dihle, *Griechische Literaturgeschichte*, Stuttgart, 1967.
166. A. Dihle, *Die griechische und lateinische Literatur der Kaiserzeit*, München, 1989.
167. V. Ehrenberg, *The People of Aristophanes*, Oxford, 1951².
168. H. P. Foley, "The Conception of Women in Athenian Drama", *Reflections of Women in Antiquity*, London, 1986³.
169. E. Frenzel, *Motive der Weltliteratur*, Stuttgart, 1980.
170. J. Geffcken, *Theosebeia*, RE 2. Reihe, 10. Halbbd. Sp. 2245.
171. J. Gould, "Law, Custom and Myth: Aspects of the Social Position of Women in Classical Athens", *JHS*, 100, 1980.



172. J. P. Hallett, "The Role of Women in Roman Elegy: Counter-Cultural Feminism", *WAW*, 241-263.
173. A. R. W. Harrison, *The Law of Athens, The Family and Property*, Oxford, 1968.
174. J. Henderson, "Women and the Athenian Dramatic Festivals", *TAPA*, 1991, 121.
175. J. Heurgon, *Die Etrusker*, Stuttgart, 1971.
176. C. Hignett, *A History of the Athenian Constitution to the End of the Fifth Century B. C.*, Oxford, 1952.
177. N. O. Ireland, *Index to Women of the World from Ancient to Modern Times: Biographies and Portraits*, Westwood, Massachusetts: Faxon, 1970.
178. W. K. Lacey, *The Family in Classical Greece*, Ithaca: Cornell University Press, 1968.
179. K. Latte, Erinna, *Nachr. der Ak. Wiss., Göttingen. Phil.-Hist. Kl.* 1953, 79...
180. M. R. Lefkowitz, *Heroines and Mysteries*, New York, 1981.
181. M. R. Lefkowitz, M. Fant, *Women in Greece and Rome*, Toronto, 1977.
182. J. Leiboldt, *Die Frau in der antiken Welt und im Urchristentum*, Leipzig: Köhler and Amersald, 1955".
183. A. Lesky, *Geschichte der griechischen Literatur*, München, 1971¹.
184. S. Lloyd, *The Art of the Ancient Near East*, London, 1977.
185. G. Luck, *Dichterinnen der griech. Anthologie. Museum Helveticum*, IX-XI, 1954.
186. P. Maas, Korinna, *RE II. Bd.* 1922, Sp. 1393.
187. P. Maas, Telesilla. *RE 2. Reihe. 9. Halbbd.* 1934, Sp. 384-385.
188. K. Marot, *Die Anfänge der Griechischen Literatur, Vortragen*, Budapest, 1960.
189. Sh. McNally, "The Maenad in Early Greek Art", *WAW*, 107-143.
190. *Myth, Religion and Mother Right: Selected Writings of J. J. Bachofen*, Bollingen Series 84; Princeton: Princeton University Press, 1967.
191. D. Page, *Epigrammata Graeca*, Oxford, 1975.
192. D. Page, *Sappho and Alcaeus, An Introduction to the Study of Ancient Lesbian Poetry*, Oxford, 1955.
193. D. and E. Panofsky, *Pandora's Box; The Changing Aspects of a Mythical Symbol*, Bollingen Series 52; New York: Pantheon, 1956.
194. C. B. Patterson, *Pericles' Citizenship Law of 451-50*, The Ayer Company, 1981.
195. R. Pfeiffer, *Geschichte der Klassischen Philologie von den Anfängen bis zum Ende des Hellenismus. Über. aus dem Englischen*, Hamburg, 1970.



196. Pitt Rivers, *The Fate of Schechem or the Politics of Sex, Essays in the Anthropology of the Mediterranean*, Cambridge, 1977.
197. S. B. Pomeroy, *Goddesses, Whores, Wives and Slaves, Women in Classical Antiquity*, New York, 1975.
198. S. B. Pomeroy, *Supplementary Notes on Erinna*, ZPE 32, 1978, 17-22.
199. S. B. Pomeroy, *Frauenleben im Klassischen Altertum*, Stuttgart, 1985.
200. E. Reed, *Problems of Women's Literation*, New York: Pathfinder Press, 1970.
201. R. Reitzenstein, *Anyte*, RE 2. Bd. Sp. 2654 ff. .
202. Zs. Ritook, *Dichterweihen*, Acta Classica, VI, 1970.
203. K. M. Rogers, *The Troublesome Helpmate: A History of Misogyny in Literature*, Seattle: University of Washington Press, 1966.
204. H. Saake, *zur Kunst Sapphos, Motivanalytische Interpretationen*, München (Paderborn), Wien, Schöningh, 1971.
205. H. Saake, *Sapphostudien, forschungsgeschichtliche, biographische und literaturästhetische Untersuchungen*, München (Paderborn), Wien, Schöningh, 1972.
206. F. Schachermeyr, *Die Minoische Kultur des alten Kreta, Thera und das Mykenische Hellas*, München, 1973².
207. W. Schadewaldt, *Sappho, Welt und Dichtung, Dasein in der Liebe*, Potsdam, 1950.
208. D. M. Schaps, *Economic Rights of Women in Ancient Greece*, Edinburgh, 1979.
209. F. Scheidweiler, *Erinnas Klage*. Philologus 100, 1956.
210. Ch. P. Segal, *Pebbles in Golden Urns: The Date and Style of Corinna*, Eranos 73, 1975.
211. I. Seibert, *Die Frau im Alten Orient*, Leipzig, 1973.
212. C. Seltman, *Women in Antiquity*, London and New York: Thames and Hudson, 1956.
213. Br. Snell, *Die Entdeckung des Geistes*, Göttingen, 1975.
214. C. G. Starr, *The Origins of Greek Civilization*, London, 1961.
215. E. S. Stigers, "Sappho's Private World", *Women's Studies* 8, 1981, 49-63.
216. Fr. Stoessl, *Die Vorgeschichte des griechischen Theaters*, Darmstadt, 1987.
217. H. Thesleff, *The Pythagorean Texts of the Hellenistic Period*. Åbo: Åbo Akademi, 1965.
218. L. Tiger, *Men in Groups*, New York, 1970.
219. M. Treu, *Sappho*, RE, Suppl. Bd. XI, 1968, 1228.
220. M. Treu, *Von Homer zur Lyrik*, München, 1968.



221. J. Vogt, Von der Gleichvertigkeit der Geschlechter in der bürgerlichen Gesellschaft der Griechen. Akademie der Wissenschaften und der Literatur in Mainz, Abhandlungen der Geistes und Sozialwissenschaft, Weisbaden, 1960.
222. L. B. Warren, "The Women of Etruria", WAW, 229-241.
223. T. B. L. Webster, Athenian Culture and Society, Berkeley, 1973.
224. T. B. L. Webster, The Greek Chorus, London, 1970.
225. E. Ch. Welskopf (Hrsg.), Hellenische Poleis. Krise-Wandlung-Wirkung, 1-4, Berlin, 1974.
226. D. Wender, "Plato: Misogynist, Paedophile and Feminist", WAW, 213-229.
227. M. L. West, Erinna, ZPE 25, 1977.
228. Women in the Ancient World. The Arethusa Papers, ed. J. Peradotto and J. P. Sullivan, New York, 1984.
229. F. A. Wright, Feminism in Greek Literature, Port Washington, New York: Kennikat, 1969.
230. V. Zinserling, Die Frau in Griechenland und Rom, Leipzig, 1972.





შემოკლებები

- აცა ავგუსტუსთა ცხოვრებების ავტორები =
Авторы жизнеописаний Цезарей
- ეპიტომე რომაელ იმპერატორთა ცხოვრების და ზნეთა ეპიტომე =
Извлечения о жизни и нравах Римских императоров
- ლას ლეტაებრივი ავგუსტუსის საქმენი =
Деяния Божественного Августа
- ВДИ Вестник Древней Истории
- ХР Христианство, Энциклопедический словарь
- AG Anthologia Graeca, hrsg. von H. Beckby. 4 Bände, München 1957-58.
- CJ Classical Journal
- CSEL Corpus Scriptorum Ecclesiasticorum Latinorum
- CSHB Corpus Scriptorum Historiae Byzantinae
- D Anthologia Lyrica. Ed. E. Diehl, 2 Bände (6 fasc.), 2 Aufl., Leipzig, 1934-42.
- DELG P. Chantraine, Dictionnaire étymologique de la langue grecque, Histoire des mots, t. I-IV-2, Paris, 1968-1980.
- Ep. Epistula
- FHG Fragmenta Historicorum Graecorum
- GCS Die griechischen christlichen Schriftsteller der ersten Jahrhunderte
- JHS Journal of Hellenic Studies
- K.P. Der Kleine Pauly, Lexikon der Antike
- LP E. Lobel, D. Page, Poetarum Lesbiorum Fragmenta, Oxford, 1955.
- MPG J. P. Migne, Patrologiae cursus completus, series graeca
- OCD Oxford Classical Dictionary
- P Poetae Melici Graeci. Ed. D. L. Page, Oxford, 1962.
- P. Ox. Papyrus Oxyrinchus
- RE Pauly's Realenciclopädie der klassischen Altertumswissenschaft.
- RML Ausführliches Lexicon der griechischen und römischen Mythologie.
- TAPA Transactions of the American Philological Association
- WAW Women in the Ancient World. The Arethusa Papers, Ed. J. Peradotto and J. P. Sullivan, New York, 1984.

